

একমেবাদ্বিতীয়ং

চতুর্থ ভাগ ২

২২৫ সংখ্যা

বৈশাখ ১৭৮৪ শক

পঞ্চম কল্প

পঞ্চম কল্প

# তত্ত্ববোধিনী পত্রিকা

ব্রহ্মবা একমিদমগ্রাসীন্নানাং কিঞ্চনাসীত্তদিতং সৰ্ব্বমসু ক্রুৎ। তদেব নিত্যং জ্ঞানমনস্তং শিবং স্বভক্তিরবয়বমেক-  
মেবাদ্বিতীয়ং সৰ্ব্বব্যাপিস স্মিত্যস্ত সৰ্ব্বাশ্রয়সৰ্ব্ববিৎ সৰ্ব্বশক্তিমক্সু বস্তু পূৰ্ণমপ্রতিমমিতি। একস্য তস্যৈব্যোগাসনয়া পার-  
ত্রিকনৈহিকঞ্চ স্বভক্তবতি। উস্মিন্ প্রীতিস্তস্য প্রিয়কার্যাসাধনঞ্চ তদুপাসনমেব।

## মেদিনীপুরে গোপগিরিতে বসন্ত কালে ব্রহ্মোপাসনা।

১৭৮৩শক।

আমরা প্রতিবৎসর বসন্তকালে এই  
সুরমা স্থানে ব্রহ্মোপাসনা করিয়া কি পর্য্যন্ত  
না প্রীত হই! বসন্ত অতি মনোহর কাল।  
বসন্ত কালে ঈশ্বরের প্রেমময় ভাব চতু-  
র্দিকে সঞ্চরণ করে; বসন্ত কালে ঈশ্বরের  
প্রেমমুখ আমরা বাহুজগতে আরো স্পষ্ট  
দেখিতে পাই। যে ব্যক্তি বসন্ত কালে  
কোকিল রব শ্রবণ করিয়াছে সে কখনই  
এমত বিশ্বাস করিতে পারে না যে আমা-  
রদিগের ঈশ্বর কোন নিষ্ঠুর দৈত্য। চতু-  
র্দিকস্থ বস্তু হৃদয়ে অপূৰ্ণ রমণীয় ভাব  
সকলের উদ্ভেক করিতেছে। নব জীবন  
প্রাপ্ত পৃথিবী নব জীবন প্রাপ্ত আত্মার  
কথা স্মরণ করিয়া দিতেছে, নব পল্লব ও  
মুকুল সকল সদ্য জাগ্রত আত্মাতে নবোদিত  
ধর্ম ভাব-সকলের ন্যায় প্রতীর্ণমান হই-  
তেছে, আত্মার নব জীবনোৎপন্ন আনন্দ  
পবনের ন্যায় বসন্ত সমীরণ প্রবাহিত হই-  
তেছে। আমরা এমন সুন্দর ঋতুতে ভ্রা-

তৃতাবে সম্মিলিত হইয়া সেই পরম পাতার  
উপাসনা করিতেছি ইহা অপেক্ষা আর  
মৌভাগ্যের বিষয় কি আছে? তিনিই  
আমারদিগের মনে সেই ভ্রাতুরস প্রেরণ  
করিতেছেন। তিনিই বন্ধুতার স্রষ্টা,  
প্রীতি রসের জনয়িতা ও আনন্দের প্রস্রবণ।  
তিনি আমারদিগের পরম সুহৃৎ, তিনি  
আমারদিগের চিরজীবন সখা। সে অমূল্য  
নিধিকে যিনি প্রাপ্ত হইয়াছেন তিনি সংসা-  
রের অন্য কোন বস্তু প্রার্থনা করেন না;  
তিনি তাঁহার প্রীতি রস স্রবণ পানে সর্বদা  
নিমগ্ন থাকেন। পূৰ্ব্ব কালীন ঋষিরা নি-  
স্তর অতি গভীর সুধার্ণবে অবগাহন করিয়া  
তৃপ্ত হইয়াছিলেন। আইস আমরা সকলে  
সেই সুধার্ণবে গাত্র চালিয়া দিই—অদ্যকার  
উৎসব দিবসকে সার্থক করি। এই ধর্মোৎ-  
সব ভাব যেন নিরন্তর আমারদিগের মনে  
বিরাজ করে, ঈশ্বরানুগ্রহে ব্রাহ্মধর্ম রূপ  
যে পরম পবিত্র মহৎ ধর্ম এই ভাগ্যবান্  
বন্ধ ভূমিতে অবতীর্ণ হইয়াছেন, তাঁহার  
প্রদাতাৎ সকল-দিবসই আমারদিগের উৎ-  
সবের দিবস। আমারদিগের উৎসবের  
এখন কি হইয়াছে? আমরা যেমন উৎকৃষ্ট

লোক হইতে উৎকৃষ্টতর লোকে উৎখিত হইব, ততই আমারদিগের উৎসব বর্দ্ধিত হইবেক। সে উৎসব-ধর্মির গভীরতা ও মাধুর্য্যের সহিত তুলনা করিলে বজ্রের গভীরতা ও সঙ্গীতের মাধুর্য্য কোথায়? সেই মুখচ্ছবি যদি আমারদিগের মনশ্চক্ষু সম্মুখে এখনই প্রতিভাত হয়, তবে ক্ষুদ্র সঙ্গীত-নদী হইতে নূতন সমুদ্রে আগমন করী নাবিকের ন্যায় আমাদের আশ্চর্য্য ভাব হইবে। যাহাতে আমরা সেই পরম প্রার্থনীয় অবস্থা প্রাপ্ত হইতে পারি, তাহার উপায় আমাদের অবলম্বন করা উচিত। যেমন অন্য আমরা এই গোপগিরির নিকটস্থিত স্মৃতিস্মরণ স্রোতঃস্বতীতে অবগাহন করিয়া আমাদের গাত্র শুদ্ধ করিয়াছি, তেমনি মনের শুদ্ধতা সম্পাদনার্থ আমরা যেন যত্নবান হই, তাহা হইলেই আমরা সেই অমৃত ধামের উপযুক্ত হইব।

ঔ একমেবাদ্বিতীয়ং

### ত্রিপুরা শাখা ব্রাহ্মসমাজের সপ্তম সাংসারিক সভা

১৭৮৩শক। ২১ পৌষ

যিনি এই অসীম ব্রহ্মাণ্ডের সৃষ্টি, স্থিতি, প্রলয় কর্তা, যিনি তাবৎ সূখ দুঃখের নিয়ন্তা সেই মঙ্গল সঙ্কপ জগৎ প্রমথিতা পরম দেবতার উপাসনার নিমিত্তে তাঁহাকে প্রীতি করিয়া মনুষ্য জন্ম সার্থক করিবার নিমিত্তে এই সমাজ প্রতিষ্ঠিত হইয়াছে। পৃথিক দিগের পথ কষ্ট শাস্তির নিমিত্ত যেমন সূক্ষ্মায় বট বৃক্ষ সংরোপিত এবং সুরমা জলাগর খনিত হইয়া থাকে, সেই রূপ আমাদের এই পবিত্র ব্রাহ্মসমাজ, সংসারানলে উত্তপ্ত পাপ ভারে ভারাক্রান্ত লোক দিগের শাস্তির নিমিত্ত,

উদ্ধারের নিমিত্ত স্থাপিত হইয়াছে। আমরা ইহার আশ্রয়ে থাকিয়া অকুতোভয়ে সংসারের বিষয় বিপত্তি, শোক দুঃখ অতিক্রম করিতেছি, বিষয়াসক্তিকে ছেদ করিতেছি এবং আমাদের জীবন সর্বস্ব প্রাণের প্রাণ পরমেশ্বরকে প্রীতি পূর্ণ চিত্তে প্রেমাজলি প্রদান করিয়া কৃতার্থ হইতেছি। আমরা সকল ভ্রাতায় একত্রিত হইয়া একতান মনে আমাদের পরম পিতাকে পূজা করিবার নিমিত্ত হৃদয়ের অকৃত্রিম প্রীতি পুষ্প লইয়া তাঁহার সমীপবর্তী হইতেছি, তিনিও আমাদের হৃদয়সনে সমাগীন হইয়া তাহা গ্রহণ করিতেছেন। তিনি আনন্দ ভরে প্রেমালিঙ্গন করিয়া এই পাপময় ব্যথিত সম্ভাপিত সম্মান দিগের সর্বত্র শীতল করিতেছেন, আমরা পাপের জন্য আপনাদিগের সঙ্গতির জন্য অমনি তাঁহার নিকট করুণ স্বরে ক্রন্দন করি, করযোড়ে প্রার্থনা করি, তিনি আপনার শাস্তিপ্রদ দক্ষিণ হস্ত প্রসারিত করিয়া আমাদের অশ্রু জল মোচন করেন আমাদের শোকাকুলিত চিত্তে আভিভূত হইয়া সকল অভাব নিবারণ করেন—সকল প্রার্থনা পূর্ণ করেন।

বন্ধুগণ! আমরা কি অচেতন মূঢ়পিণ্ড মগীপে ক্রন্দন করিয়া বিড়ম্বিত হই? একবার ভাবিয়া দেখ, আমরা কার উপাসনা করিতেছি, কার আশ্রয় লইয়াছি? যিনি আমাদের পরম স্নহৎ, পরম গতি, অনন্ত কালের আশ্রয়, আমরা তাঁহাকেই অবলম্বন করিয়াছি, আমরা আমাদের পরম পিতাকেই আত্ম সমর্পণ করিয়াছি। আমরা আর কার উপাসনা করিব? আমাদের এমন স্নহৎ আর কে আছে? আমাদের প্রীতি বৃত্তি নির্জীব মূঢ় পিণ্ডেতে কদাপি ব্যর্থ প্রদত্ত হয়না। বন্ধুগণ! ইহা অপেক্ষা আর আমাদের সৌভাগ্যের বিষয় কি আছে? প্রেম

ময়কে প্রীতি করা অপেক্ষা আর আমাদের প্রীতিকর বিষয় কি আছে? আমরা কি তাঁহার নিমিত্তে সর্বস্ব ত্যাগ করিতে পারি না? প্রাণ পর্যন্ত পণ করিতে পারি না? সংসার কি এতই প্রিয় পদার্থ, প্রাণ কি এমনই অমূল্য বস্তু, যে আমরা আমাদের অশ্রু, পাতাকে বিম্বিত হইয়া তাহা লইয়াই ব্যস্ত থাকিব? আমরা কি বিষয়ী? যে বিষয়ই আমাদের সর্বস্ব, আর পরমেশ্বর কিছই নহেন? না, আমরা ব্রাহ্ম; একমেবাদ্বিতীয়ং ব্রহ্মই আমাদের লক্ষ্য ধর্মই একমাত্র আমাদের পুরুষার্থ। আমরা সেই অমৃতের পুত্র, অমৃতের অধিকারী। আমরা তাঁহার প্রেমমুখ নিরীক্ষণ করিতে পারিলেই আপনাকে জীবন মুক্ত বোধ করি। তাঁহাকে না পাইলে সকলই অসার সকলই অন্ধকার দেখি। তাঁহাকে না জানিলে জগৎ সংসারই বৃথা বোধ হয়, কারণ যিনি আমাদের চিরকালের সহায় ও অনন্তকালের আশ্রয়, তাঁহাকে না পাইলে সকলই বৃথা, সকলই অকিঞ্চিৎকর। আমরা মৃত দেহ লইয়া কি করিব।

হে পরমাত্মন! তুমিই কেবল আমাদের এক মাত্র সেবনীয়, তুমিই আমাদের একমাত্র আরাধ্য বস্তু। আমরা তোমাকে ভিন্ন আর কিছুই চাহিনা। সংসার কি তুচ্ছ পদার্থ আমরা তোমাকে ছাড়িয়া সংসারের ধূলি রাশি লইয়া কি করিব; সাংসারিক বিষয়ে সূখ কোথায়? সংসারে কেবল বিষয় বিপত্তি—কেবল শোক দুঃখ—কেবল হাহাকার—কেবল কুপ্রবৃত্তির রাজস্ব-প্রতিক্রমে প্রতি মুহূর্তেই কুপ্রবৃত্তির সহিত—বিষয় বিপত্তির সহিত সংগ্রাম করিতে হয়। অতএব আমরা তোমার নিকট বিষয় বৃদ্ধির প্রার্থনা করিনা। “ধন মান চাহিনা তোমা হতে দেও এই অধিকার নিয়ত নিয়ত যেন

সহচর অনুচর থাকি তোমারি”। আমরা তোমার নিকট সংসারের ক্ষতি বৃদ্ধির জন্য প্রার্থনা করিনা, তোমাকেই চাই—তোমাকে মনোমন্দিরে প্রতিষ্ঠিত করিয়া রাখিতে চাই। তুমি আমাদের এক মাত্র লক্ষ্য, তোমারই প্রীতির নিমিত্তে সংসার ধর্ম, কিন্তু যাহারা তোমাকে ভুলিয়া সংসার লইয়া,—বিষয় ব্যাপার লইয়াই মত্ত থাকে, তাহারা কর্ণধার-হীন পোতারোহির ন্যায় বাত কুপিত তরঙ্গাকুল সমুদ্রে ভাসিয়া প্রতি পদে বিপদে পতিত হয়, আর যাহারা তোমাতে প্রাণ মন সর্বস্ব সমর্পণ করিয়াছে—তুমি যাহাদিগের সহায়, তাহাদিগের আর ভয় কি?—তাহাদিগের আর ভাবনা কি? সংসারের শোক তাপ তাহাদিগকে স্পর্শও করিতে পারেনা। তাহারা তোমাকে প্রীতি করিয়া—তোমাকে মনোমন্দিরে প্রেমোপচারে পূজা করিয়া অবিরত প্রেমোপদেশে ব্রহ্মানন্দে নিমগ্ন হইয়া রহিয়াছে।

ভ্রাতৃগণ! একবার দেখ, এই সমাজ হইতে আমাদের কত দূর উপকার হইতেছে। আমরা ইহা হইতে কি অমূল্য ধন লাভ করিয়াছি? ইহা হইতে এই প্রদেশেরই বা কি না উন্নতি হইয়াছে? এই ব্রাহ্ম সমাজের প্রভাবে এই তিমিরচ্ছন্ন নগরীতেও ব্রাহ্ম ধর্মের উজ্জ্বল জ্যোতিঃ কেমন বিকীর্ণ হইতেছে! অপ্পে অপ্পে সত্য ধর্ম কেমন প্রচার হইতেছে, বৎসর বৎসর কত কত তরুণ ব্যক্তি এই সমাজের উপদেশ পাইয়া ব্রাহ্ম ধর্মের সত্য সকল লাভ করিতেছে, পাপের করাল গ্রাস হইতে রক্ষা পাইয়া ব্রাহ্ম ধর্মের মহিমাকে মহীয়ান করিতেছে। এমন বৎসর নাই, যে বৎসর ন্যূন কপ্পে দশ বার জন করিয়া এই সমাজে যথা পদ্ধতি ক্রমে ব্রাহ্ম ধর্ম দীক্ষিত না হয়।

ব্রাহ্ম ভ্রাতৃগণ! ইহা কি আশা-  
গের পরম সৌভাগ্যের বিষয় নহে, যে  
আমরা এই ব্রাহ্ম সমাজের প্রভাবে জীব-  
নের পরম শত্রু পাপ তাপ হইতে মুক্ত  
হইতেছি, কুসংস্কারকে পরাভব করিয়াছি  
এবং স্বভাব ও আত্মাকে পবিত্র করিয়া মনু-  
ষ্যোচিত যথার্থ নীতি শিক্ষা করিয়া  
জীবনের মার্গকতা সাধন করিতেছি। আ-  
মরা কি হিংসা, দ্বেষ, কলহ, প্রতারণা, প্রবঞ্চনা,  
সুরাপান, পরস্বাপহরণ প্রভৃতি কুপ্রবৃত্তি  
সমুদায়কে অস্তঃকরণ হইতে দূরীভূত ক-  
রিয়া দয়া, প্রেম, সারল্য অভ্যাস করি  
নাই? স্বার্থপরতাকে কি বিসর্জন করি  
নাই। দেখ, আমাদের মধ্যে ভ্রাতৃ ভাব—  
বন্ধু ভাব কেমন বর্ধিত হইতেছে। দেশীয়  
লোকের উন্নতি, স্বদেশের শ্রীবৃদ্ধি, জ্ঞানের  
প্রচার, ধর্মের প্রচার করিয়া লোকের জ্ঞান  
চক্ষুরক্ষা করিতে পারিলেই আমরা  
আপনাদিগকে কৃতার্থ বোধ করি। কিসে  
ব্রাহ্মধর্মের 'একমেবাদ্বিতীয়ং' জয় পতা-  
কা সর্বত্র উদ্ভীয়মান হইবে, লোকে বিষয়া-  
সক্তি, স্বার্থপরতা পরিহার করিবে, কিসে  
সকলে ব্রহ্মানন্দের অধিকারী হইবে, ইহাই  
আমাদিগের আন্তরিক ভাবনার বিষয়।  
ঈশ্বরই আমাদের এক মাত্র লক্ষ্য,  
ধর্মাস্থলই আমাদের মুখ্য কর্ম। এই  
সকল শিক্ষা—এই সকল সভ্য অনুষ্ঠান  
আমরা এই সমাজের প্রসাদেই আয়ত্ত  
করিতে পারিয়াছি, অতএব যাহাতে এই  
সমাজের দিন দিন শ্রীবৃদ্ধি হয় এবং উজ্জ-  
নিত এই দেশের উন্নতি হয়, তাহার চেষ্টা  
করা আমাদের নিত্য কৰ্তব্য। ঈশ্বর  
আমাদিগের সহায়, অতএব লোকনিন্দা  
সামাজিক প্রতিবন্ধকতা প্রভৃতি অসীক  
বিভীষিকা অন্তঃকরণে এক মুহূর্তের নিমিত্ত  
ও স্থান দেওয়া আমাদের উচিত নহে।

হে পরমানন্দ! তুমি আমাদের একমাত্র  
ভরসার স্থল, তুমি অনুগ্রহ করিয়া এই ত্রি-  
পুর ব্রাহ্মসমাজের উন্নতি এবং চিরস্থায়িত্ব  
প্রদান কর।

ও একমেবাদ্বিতীয়ং

মেহেরপুর গ্রামে ১৭৮৩ শকে

১৭ ভাদ্র রবিবারে

ব্রাহ্মসমাজ প্রতিষ্ঠিত হয়।

সমাজে প্রায় দুই শত ভদ্র লোকের  
সমাগম হইলে উপাসনা আরম্ভ হইবার  
পূর্বে শ্রীযুক্ত কাশীশ্বর মিত্র মহাশয় এই  
আত্মসে বক্তৃতা করিলেন, যথা।

অদ্য আমাদের কি শুভ দিন! কি  
সুপ্রভাত! অদ্য আমরা কোন সাংসারিক  
ব্যাপার জন্ম এখানে একত্র সমবেত হই  
নাই, আমরা কোন ইন্দ্রিয় জনিত সুখাস্বাদন,  
কি পার্থিব আমোদ প্রমোদ লালসায় এই  
স্থানে সমাগত হই নাই, অদ্য আমরা বিশ্ব-  
কর্তা সকল কারণের কারণ, পরাৎপর পর-  
মেশ্বর, যিনি আমাদের এক কালীন স্রষ্টা,  
পাতা, ও সংহর্তা; যিনি আমাদের জীব-  
নের জীবন, প্রাণের প্রাণ, ও মনের মন;  
যিনি আমাদের সকল মঙ্গলের আকর ও  
সর্ব সুখ দাতা; ও মুক্তিদাতা; এবং যিনি  
আমাদিগকে সকল বিঘ্ন ও বিপদ হইতে  
সর্বদা রক্ষা করিতেছেন; তাঁহারই উপা-  
সনার নিমিত্তে এখানে সকলে একত্রিত  
হইয়াছি, ইহা অপেক্ষা আমাদের শুভদিন  
আর কি আছে?

অনেকে ব্রাহ্মসমাজের প্রতি বৈরক্তি  
ভাব প্রকাশ করিয়া থাকেন, কিন্তু ব্রাহ্মধর্ম  
এই ভারত বর্ষের সনাতন ধর্ম। আমা-  
দের বেদ, উপনিষদ, স্মৃতি ও পুরাণ প্রভৃতি  
সকল শাস্ত্রেই ব্রাহ্মধর্মকে পরম ও মুখ্য

ধর্ম বলিয়া স্বীকার করিয়াছেন। পূর্বকালে  
যে সকল মহাত্মারা এই ব্রাহ্মধর্মাবলম্বী  
ছিলেন; তাঁহারা ই মুনি ঋষির মধ্যে শ্রেষ্ঠ  
বলিয়া গণ্য হইতেন। পরে এই ভারত-  
বর্ষে কিয়ৎকাল যবনাধিকার হওয়ায় তদ-  
ধর্মের অনেক প্রকার বিঘ্ন হয়; বিশেষ এই  
বঙ্গদেশে ব্রাহ্মধর্ম জ্ঞাপক বেদ, উপনিষ-  
দাদি কিছুমাত্র প্রচলিত ছিল না, এমন কি  
ইতিবৃত্তে প্রকৃতি আছে যে, বঙ্গদেশে  
পণ্ডিতের এক কালে অভাব হওয়ায় আদি-  
মুর রাজা যজ্ঞ করিবার নিমিত্তে কাণা-  
কুঞ্জ হইতে বেদজ্ঞ পঞ্চ ব্রাহ্মণ আনয়ন  
করেন। এই প্রকার ক্রমে এদেশে ব্রহ্ম-  
জ্ঞান এক কালীন লুপ্তপ্রায় হইয়াছিল।  
পরে মহাত্মা রামমোহন রায় বহু আয়াসে  
কাশী প্রভৃতি হইতে বেদ, উপনিষদাদি শাস্ত্র  
সকল সংগ্রহ করিয়া তাহা হইতে পরম প-  
বিত্র ব্রাহ্মধর্মের জ্ঞান এদেশে প্রচার করায়  
আমরা সেই ব্রাহ্মধর্মের উপদেশ এক্ষণে  
অন্যায় প্রাপ্ত হইতেছি, ব্রাহ্মধর্মের প্রধান  
উপদেশ এই যে "তস্মিন শ্রীতিস্তস্য শ্রিয়কার্য্য  
সাধনঞ্চ তদুপাসনম্বেব" তাঁহাতে শ্রীতি ও  
তাঁহার শ্রিয়কার্য্য সাধন করাই তাঁহার উপা-  
সনা হইয়াছে। এই উপদেশের প্রতি কোন  
ধর্মাবলম্বীরই আপত্তি হইবার সম্ভাবনা  
নাই। যদিও অজ্ঞানতা প্রযুক্ত ঈশ্বরোপা-  
সনার নানা প্রকার প্রণালী এ জগতে প্রচ-  
লিত আছে বটে কিন্তু সকলেই এক ঈশ্ব-  
রকে প্রকরণ ভেদে উপাসনা করিয়া থাকেন,  
তাঁহার সন্দেহ নাই। যথা, "উপাসকানাং  
কার্য্যার্থং ব্রহ্মণোকপকল্পনা" ইহাতে  
ব্রাহ্মধর্মের উপদেশ সকল প্রকার উপাস-  
কেরই হিতকারী।

এক্ষণে স্থানে স্থানে ব্রাহ্মসমাজ হওয়ায়  
ব্রহ্ম জ্ঞান লাভের অনেক সজুপায় হইয়াছে,  
এবং দেশের অনেক মঙ্গল ও উন্নতির স-

ম্ভাবনা হইতেছে। তদনুযায়ী এখানে  
অদ্য এই পবিত্র ব্রাহ্মসমাজ প্রতিষ্ঠিত হও-  
য়ায় তজ্জ্ঞান লাভের ও ধর্মোন্নতির সম্ভা-  
বনা হইল। এক্ষণে জগদীশ্বর প্রসাদে আ-  
পনারা যত্নবান হইলেই এই সমাজ চির-  
স্থায়ী হইবে, তাহার সন্দেহ নাই।

আমরা সর্বদাই বিষয় কার্য্যে ব্যাপৃত  
এবং অর্থ আমাদের পরমার্থ বোধে আমরা  
তদজ্ঞানেই সমস্ত সময় ও সমস্ত জীবন  
ক্ষেপণ করি, কিন্তু যাহার প্রসাদে আমরা  
ঐ অর্থ প্রাপ্ত হইতেছি ও যাহার প্রসাদে  
সমস্ত সুখ ভোগ করিতেছি ও যিনি আমা-  
রদের প্রতিকর্মে, প্রতি নিমেষে রূপাও স্নেহ  
দৃষ্টিতে রক্ষণাবেক্ষণ করিতেছেন, তাঁহাকে  
এক দিবসের যক্তি দণ্ড কালের মধ্যে এক  
দণ্ড কালও স্থিরচিত্তে ভক্তি ও কৃতজ্ঞতা  
ভাবে স্মরণ করি না, এক দিবস কি এক  
সপ্তাহের এক দিবসের মধ্যে দুই দণ্ডকালও  
ঈশ্বরকে কৃতজ্ঞতার সহিত স্মরণ করি না,  
ইহা অপেক্ষা আমাদের অকৃতজ্ঞতা ও  
মুঢ়তা আর কি আছে! জগৎ সংসারে যত  
জীব সৃষ্ট হইয়াছে, তন্মধ্যে মনুষ্যই প্রধান,  
এবং মনুষ্য মধ্যে ব্রহ্মজ্ঞানি প্রধান যথা;

ভূতানাং প্রাণিনঃ শ্রেষ্ঠাঃ প্রাণিনাং বুদ্ধি-  
জীবিনঃ। বুদ্ধিমৎসু নরাঃ শ্রেষ্ঠানরেষু ব্রাহ্মণাঃ  
স্মৃতাঃ ॥ ব্রাহ্মণেষু চ বিদ্যাংগো বিদ্বৎসু কৃতবুদ্ধয়ঃ।  
কৃতবুদ্ধিবু কৰ্ত্তারঃ কৰ্ত্তৃষু ব্রহ্মবাদিনঃ ॥

আরও লিখিয়াছেন যথা,

"সোপানভূতং মোক্ষস্য মানুষাং প্রাপ্য  
হুস্তং। যস্তারযতি নাহানং তজ্জাং পাপত-  
রোহিত কঃ ॥" "প্রাপ্য চাপ্যাতমং জগৎ লক্ষ্য চৈ-  
ন্দ্রিয়গৌষ্ঠবং। নবেত্ত্যাহিতং যস্ত নতবেদায়া-  
ঘাতকঃ ॥"

অতএব এমন উত্তম মনুষ্য জন্ম প্রাপ্ত  
হইয়া যদি আমরা আমাদের স্রষ্টা ও মুক্তি  
দাতাকে ভক্তি ভাবে স্মরণ না করিলাম,  
তবে আমাদের বৃথা জন্ম। তবে আমরা

পশু অপেক্ষা কিসে শ্রেষ্ঠ হইতে পারি?। পশুর সহিত আমরা আর আর সকল বিষয়েই তুল্য, কেবল আমাদের ঈশ্বরোপাসনা করিবার শক্তি থাকিতেই আমরা তাহাদের অপেক্ষা শ্রেষ্ঠ হইয়াছি। ঈশ্বরোপাসনার শক্তিই আমাদের মহদধিকার, এমত মহৎ অধিকার আমাদের কি অবহেলা ও তাচ্ছিল্য করা উচিত।

সাংসারিক বিষয়ের উন্নতির নিমিত্তে আমরা সর্বদাই নানা প্রকার চেষ্টা, আয়োজন ও যুক্তি করিয়া থাকি, কিন্তু সকলেই আপন আপন অন্তরে ভাবিয়া দেখুন যে, আমরা কি ঈশ্বর লাভের নিমিত্তে উপযুক্ত চেষ্টা বা আয়োজন করিয়া থাকি? যে চেষ্টা যে আলোচনা ও যে অনুষ্ঠান দ্বারা ঈশ্বরের প্রতি আমাদের হৃদয়ে ভক্তি ও শ্রীতির ভাব উদ্দীপন হয়, সেই প্রকৃত উপাসনা ও তাহাই তাঁহার প্রার্থা, এই নিমিত্তে সাকার মতেও অগ্রে মানস পূজার বিধান হইয়াছে। ইহাতে আমাদের ব্রাহ্মসমাজে যে চর্চা ও অনুষ্ঠান হয় তদ্বারা যেমন ভক্তি ও শ্রীতির উদ্দীপন হয় তেমন আর কিছুতেই হয় না। এবং সময়ে তাঁহার মহিমা কীর্তন করাতে আমাদের কি ভক্তি ভাবের উদ্দীপন হইতেছে না? বোধ করি অবশ্যই হইতেছে, তবে এই প্রকার সমাজ হওয়া কি পর্যাপ্ত উচিত ও হিতকর, তাহা আপনারা বিবেচনা করিয়া দেখুন।

আমরা বিশ্বাস করি হইয়া একপ ভ্রমাস্ত্র হইবে আমাদের মৃত্যু প্রাণে পতিত হইতে হইবেক এবং মৃত্যু হইলে সাংসারিক সকল বিষয় পরিভাগ করিতে হইবেক, ইহা আমরা ক্ষণ কালের নিমিত্তেও স্মরণ করি না, মৃত্যু আমাদের প্রতিদ্বন্দ্বিতাই পশ্চাৎ পশ্চাৎ ধাবমান হইতেছে, কোন সময়ে আমরা তাহার কবলে কবলিত হইব, তাহার কি-

ছুই স্থিরতা নাই। এমত গতিকে যে বস্তু মৃত্যু হইলেও আমাদের সঙ্গী হয়, তাহাই সঙ্কল্প করা আমাদের কর্তব্য। মৃত্যুর পর সাংসারিক কোন বস্তুই আমাদের অনুগামী হয় না, কেবল ধর্মই আমাদের সঙ্গে যায়, যথা, “এক এব স্মৃহ ক্রমো নিধনেপানুযাতি-য়ঃ। শরীরেণ সমং নাশং সর্বমন্যাক্তি গচ্ছতি।” পরন্তু মৃত্যু হইতে পরিভ্রাণের নিমিত্তে ঈশ্বর লাভ ভিন্ন অন্য কোন উপায় নাই। যথা, “তমেব বিদিত্বাতিমৃত্যুমেতিনানাঃ পন্থা বিদ্যতে ইবদ্যঃ।” অতএব যাহাতে আমরা ধর্ম ও ঈশ্বরকে লাভ করিতে পারি, তাহাতেই আমাদের যত্ন করা কর্তব্য। এই সময় তাঁহার গুণ ও মহিমা কীর্তন করিতে করিতে যদি আমার মৃত্যু উপস্থিত হয়, তবে আমি আপনাকে ভাগ্যবান ও ধন্য মনে করি, কেন না মৃত্যু নিশ্চয়ই ঘটবেক ইহাতে বিষয় চিন্তা করিতে করিতে মৃত্যু হওয়া অপেক্ষা তাঁহার নাম উচ্চারণ করিতে করিতে মৃত্যু হওয়াই সৌভাগ্যের বিষয়। এই নিমিত্তে তাঁহার স্মরণ মনন করা আমাদের সর্বদা উচিত।

এই সময়ে আমি যে তাঁহার আলোচনা ও গুণ কীর্তন করিতেছি ও তাঁহার আবির্ভাব এই পবিত্র সমাজে দর্শন করিয়া যে অনির্বচনীয় আনন্দ অনুভব করিতেছি, তাহা হৃদয়ে ধারণ করিতে পারিতেছি না, বাক্যে কি কহিব? “এক্ষণে তুচ্ছং ব্রহ্মপদং” বোধ হইতেছে।

তমাক্ষঃ শ্রেয় পশ্যন্ত ধীরাস্তেযাং মুখং শাস্তং নেতরেযাং ॥

ও একমেবাদ্বিতীয়ং

তদনন্তর জ্ঞানবান ও ব্রহ্মপরায়ণ শ্রীযুক্ত উমাকরণ হালদার ও শ্রীযুক্ত বেণী মাধব চট্টোপাধ্যায় অধ্যায়ক মহাশয়েরা যথা নিয়মে ব্রহ্মোপাসনা ও ব্রাহ্মধর্মের ব্যাখ্যা

পাঠ করিলেন এবং ব্রহ্মসঙ্গীত হইয়া সভার কার্য সমাপ্ত হইল।

### ব্রাহ্মধর্মের তাৎপর্য।

দশম অধ্যায়।

৯০

যিনি ওঙ্কারের প্রতিপদ্য তিনি ব্রহ্ম। সকল দেবতারাইহার পূজা আহরণ করিতেছেন। জগতের মধ্যস্থিত পূজনীয় পরমাত্মাকে সমুদায় দেবতারাই নিয়ত উপাসনা করিতেছেন।

জগতের এই অদ্বিতীয় কর্তা যেমন ঈশ্বর, মহেশ্বর, পরমেশ্বর, পরমাত্মা পরব্রহ্ম প্রভৃতি শব্দের বাচ্য, সেই রূপ ওঁ শব্দেরো বাচ্য। যিনি সৃষ্টি স্থিতি প্রলয় কর্তা তিনিই ঈশ্বর, তিনিই ব্রহ্ম, তিনিই ওঙ্কারের প্রতিপদ্য মহান পুরুষ। পৃথিবী অপেক্ষা অন্য অন্য উৎকৃষ্টতর লোক নিবাসী দেবতারাই পবিত্র ও প্রকুলচিত্তে নিয়ত তাঁহার আরাধনা করিতেছেন। আমরাও যদি মহৎ ও শ্রেষ্ঠ হইতে বাসনা করি, তবে আমাদের কর্তব্য যে দেবতাদের ন্যায় সেই বিশুদ্ধ মঙ্গল স্বরূপের নিতান্ত অধীন ও অনুগত থাকিয়া এবং তাঁহার প্রতি শ্রীতি-বৃত্তি উন্নত ও উজ্জ্বল করিয়া তাঁহার উপাসনাতে রত থাকি।

৯১

ওঙ্কার প্রতিপদ্য পরব্রহ্মকে ধ্যান কর এবং নির্বিশ্বে তোমরা অজ্ঞান তিমির হইতে উত্তীর্ণ হও। জ্ঞানী ব্যক্তি ওঙ্কার সাধনা

দ্বারা সেই শান্ত, অজর, অমর, অভয়, নিরতিশয় ব্রহ্মকে প্রাপ্ত হইয়া।

যেমন বাহ্য বিষয় সকল চক্ষুরিন্দ্রিয়ের প্রত্যক্ষ হয়, তক্রপ জ্ঞান-স্বরূপ পরমাত্মা জ্ঞান-চক্ষুর্গোচর হইবে। অতএব বিশুদ্ধ উজ্জ্বল জ্ঞান দ্বারা সেই ওঙ্কার প্রতিপদ্য পরব্রহ্মকে ধ্যান কর, সকল বিষয় হইতে এবং বিষয় কামনা হইতে মনকে নিবৃত্ত করিয়া তাঁহার অর্থা হইয়া একাগ্রচিত্তে তাঁহাকে ধ্যান করিতে অভ্যাস কর; ক্রমে তাঁহার উজ্জ্বল মঙ্গল-রূপ আপনার আত্মাতে তুমি উপলব্ধি করিতে থাকিবে। যখন সেই জ্ঞানস্বরূপ পরমাত্মা তোমার অন্তরে উদয় হইবেন; তখন তুমি সংসারের অজ্ঞান তিমির হইতে উত্তীর্ণ হইবে এবং শান্ত, অজর, অমর, অভয়, নিরতিশয় ব্রহ্মকে প্রাপ্ত হইবে।

৯২

সেই জগৎ প্রসবিতা পরম দেবতার বরণীয় জ্ঞান ও শক্তি ধ্যান করি, যিনি আমারদিগকে বুদ্ধি বৃত্তি-সকল প্রেরণ করিতেছেন।

যিনি এই জগৎ প্রসব করিয়াছেন, যিনি পিতামাতার ন্যায় বিশ্ব পালন করিতেছেন, তাঁহার অচিন্ত্য জ্ঞান ও আশ্চর্য্য শক্তি পর্যালোচনা করি, তাহা হইলেই ক্রমে তিনি আমারদিগের বুদ্ধিতে জাজ্জ্বল্যমান প্রকাশ পাইবেন। তাঁহার জ্ঞান ও শক্তি বিশ্ব-নিবাসী অসংখ্য জীবের কল্যাণ সাধনার্থেই তৎপর রহিয়াছে। তিনি আমারদিগের ধর্ম-পথে সহায়ার্থে বুদ্ধি বৃত্তি সকল পুনঃ পুনঃ প্রেরণ করিতেছেন।

ব্রহ্ম আমাদের পরিত্যাগ করেন নাই, আমি যেন তাঁহাকে পরিত্যাগ না করি। তিনি আমা কর্তৃক সর্বদা অপরিত্যক্ত থাকুন।

করণাময় বিশ্বপিতা কোন বিষয়ে আমারদিগকে বিস্মৃত হন নাই। আমরা প্রত্যেক নিমেষেই তাঁহার রূপাবারি প্রাপ্ত হইতেছি এবং প্রত্যেক বারের নিঃশ্বাসক্রিয়াতেই তাঁহার কারুণ্য-সমীরণ সেবন করিতেছি। তিনি আমারদিগকে কোন বিষয়ে বিস্মৃত হন নাই এবং কোন কালে কোন বিষয়ে বিস্মৃত হইবেনও না; তিনি আমারদিগকে নিয়ত প্রীতি-দৃষ্টিতে দেখিতেছেন। অতএব আমরা যেন তাঁহাকে বিস্মৃত না হই, যেন রুতজ হৃদয়ে নিয়ত তাঁহার প্রীতি পীযুষ পান করি ও তাঁহার করুণাদত্ত অনুজ্ঞা-সকল পরম পরিতুষ্টি চিত্তে পালন করিতে প্রবৃত্ত থাকি।

তোমাদের মৃত্যু পীড়া না হউক, এপ্রযুক্ত সেই বেদ্য পুরুষকে জান।

সেই অমৃত পুরুষকে জান এবং তাঁহাকে সকল হইতে, আপনাই হইতেও অধিক প্রীতি কর, তবে তোমার মৃত্যু-পীড়ার অবসান হইবে। যিনি ব্রহ্মকে লাভ করিয়াছেন, ব্রহ্মের সহিত যাঁহার নিত্য সহবাস হইয়াছে, তিনি এখানে থাকিয়াই সংসারকে অতিক্রম করেন এবং শোক দুঃখ মৃত্যু-পীড়া হইতে পরিত্রাণ পান; তাঁহার নিকটে শূন্য পূর্ণ হয়, বিপদ মঙ্গলের আধার যায় এবং মৃত্যু অমৃতের সোপান হয়।

যে দেবতা অগ্নিতে, যিনি জলেতে, যিনি বিশ্ব সংসারে প্রবিষ্ট হইয়া আছেন; যিনি ওষধিতে যিনি বনস্পতিতে; সেই দেবতাকে বার বার নমস্কার করি।

যিনি অগ্নির অভ্যন্তরে থাকিয়া তাঁহাকে নিয়মে রাখিতেছেন, ও অসীম সমুদ্রের ভীষণ তরঙ্গে বিরাজ করিতেছেন; যাঁহার করুণা নিদাঘ কালের তৃপ্তিকর বারি-ধারাতে ও প্রাণদ ওষধি বনস্পতিতে দেদীপ্যমান রহিয়াছে; যিনি ভুলোক, ছালোক, অন্তরীক্ষ, সকল স্থানেই স্বপ্রকাশ রহিয়াছেন; সেই দেবতাকে বার বার নমস্কার করি।

ইতি প্রথমখণ্ডে দশম অধ্যায়।

বেহালা ব্রাহ্মসমাজের বক্তৃতা।

২০ ফাল্গুন ১৭৮৩ শক।

ব্রাহ্মগণ! এই রমণীয় সময়ে মনো-দ্বার উন্মুক্ত করিয়া দাঁও, সেই হৃদয়-নাথকে হৃদয় সিংহাসনে সমাগীন কর, যাঁহা হইতে দেহ মন সুখ ঐশ্বর্য্য সকলই লাভ করিয়াছ, সেই অখিল বিধাতার পবিত্র চরণে প্রীতি কুসুম প্রদান কর।

মণ্ডাহ কাল তো আমরা বিবয়েরই পূজা করিয়াছি—বিষয় চিন্তাতেই কাল যাপন করিয়াছি—বিষয় অর্জ্জনেই তো পরমায়ু ক্ষেপণ করিয়াছি, আইস এখন সেই বিষয়ের অতীত পুরুষের পূজা করিয়া জীবনকে সার্থক করি; এমন অবসর আর পাইব না, এমন সুসময় শীঘ্র সমাগত হইবে না। এখন এই পবিত্র দেব মন্দিরের চতুর্দিকস্থ

চেতনাচেতন সকল পদার্থই তাঁহাকে স্মরণ করিয়া দিতেছে।

এই সম্মুখস্থ আশ্রিতরুগণের নব প্রস্তু-টিত মুকুল রাজি স্তম্ভ সমীরণে আন্দোলিত হইয়া যেন তাঁহাকে শনিপাত করিতে ইচ্ছিত করিতেছে—বৃক্ষস্থিত স্তম্ভের বিহঙ্গন মধুর তানে যেন তাঁহারি মঙ্গল গীত গান করিতে বলিতেছে।

এমন পাষণ হৃদয় এমন নীরস চিত্ত কার আছে, যে এই বসন্তের অপূর্ণ শোভা সন্দর্শন করিয়া উল্লসিত না হয়—এমন অনুপম সুখ উপভোগ করিয়া কৃতজ্ঞতা রসে পূর্ণ না হয়।

এই রমণীয় প্রদোষ কালে তাঁহাকে যত্ন করিয়া স্মরণ করিতে হইতেছে না, এখন তো বিষয় চিন্তা হইতে মনকে নিবৃত্ত করিয়া তাঁহার উপাসনার প্রবৃত্ত হইবার নিমিত্ত কোন আয়াস আবশ্যিক নাই, তিনি স্বয়ংই এখন আমাদের হৃদয় মন অবিকার করিয়াছেন। তাঁহার বিচিত্র বিশ্ব, তাঁহার সুন্দর মঙ্গল-স্বরূপ, আপনাই হইতেই আমাদের নয়ন মনের একমাত্র তৃপ্তির স্থল হইয়া উঠিয়াছে। অন্তরে বাহিরে তিনি এখন দেদীপ্যমান থাকিয়া আমাদেরদিগকে কৃতার্থ করিতেছেন।

যখন আমরা প্রত্যক্ষ দেখিতেছি বসন্ত ঋতুর সমাগমে পত্র শূন্য নীরস তরু সরস হইয়া শাখা পল্লবে সুশোভিত হইতেছে—যখন দেখিতেছি মধুর বসন্ত সমীরণে কুসুম কলিকা সকল প্রস্তুটিত হইয়া স্তম্ভে চতুর্দিক আন্দোলিত করিতেছে,—যখন পরীক্ষায় জানিতেছি বসন্ত বায়ুর প্রত্যেক মধুময় হিল্লোলে শরীর অপূর্ণ প্রফুল্লতা অনুভব করিতেছে, তখন কি আমাদেরদিগের নীরস মন সরস হইবে না, নিরুদ্যম চিত্ত উদ্যম ও উৎসাহে পূর্ণ হইবে না। এমন সুরম্য কালে স্ত-

রম্য সময়ে তাঁহার প্রসন্নতা রূপ বসন্ত সমীরণে আমাদেরদিগের প্রীতিকলিকা বিকশিত হইয়া কি তাঁহাকে গন্ধ দান করিবেক না। আমরা কি জড় বৃক্ষ তৃণ হইতেও লঘু হইয়া থাকিব?। যখন বসন্তের সুখ স্বচ্ছন্দতা সন্তোষ করিয়া অজ্ঞান বিহঙ্গ গণ পর্য্যন্ত উচ্চৈঃস্বরে জগদীশ্বরের যশঃ প্রচার করিতেছে, আমরা মনুষ্য হইয়া তাহাদিগের অপেক্ষাও হীন ভাব ধারণ করিব, তাঁহার মহিমা প্রচারে কি আমাদেরদিগের রসনা একবারও প্রবৃত্ত হইবে না।

এখন হৃদয় দ্বার উন্মুক্ত করিয়া দাঁও, ব্রাহ্মগণ! হৃদয় নাথকে হৃদয় সিংহাসনে সমাগীন কর, এমন ছল ভ সময় বৃথা ক্ষেপণ করিও না, এমন সুন্দর অবসরকে উপেক্ষা করিও না।

যাবজ্জীবন যে সুখ না পাইয়াছ, আজন্ম কাল মধ্যে যে আশা পূর্ণ না হইয়াছে—এখন একবার তাঁহাকে লাভ করিতে পারিলে—তাঁহার পবিত্র স্বরূপ একবার সন্দর্শন করিলে সেই সম্পদ লাভ হইবে সেই সকল আশা পূর্ণ হইবে।

হে অনাথ সর্বস্ব! তোমার নিকটে আর কি প্রার্থনা করিব, তুমি রূপা করিয়া আমাদেরদিগের আশার অতীত সুখ বিধান করিতেছ—এখন আপনাকে দান করিয়া আমাদেরদিগকে কৃতার্থ করিতেছ।

তোমার প্রসন্নতার এমন অমির্ভবচরিত্র শক্তি যে যখন তোমাকে জ্ঞান নয়নে দেখিতে পাই তখন নীরস বস্ত্রও সরস রূপে প্রতীয়মান হয়, তখন গরল রাশিও অমৃত ভাব ধারণ করে। নাথ! কত দিনে আমরা জ্ঞান নেত্র নিমেষ শূন্য হইয়া অবাধে তোমাকে সন্দর্শন করিবে—কত দিনে আমরা আত্মা সংসার বন্ধন হইতে বিমুক্ত হইয়া নিরবচ্ছিন্ন তোমার সহবাস

জনিত উচ্চতর মহত্তর পবিত্রতর আনন্দ উপভোগ করিবে—কত দিনে আমি তোমার প্রসন্নতা রূপ চির বসন্ত মস্তোঙ্গে সমর্থ হইব, এই আশায় আমার হৃদয় মন অস্থির হইতেছে। তুমি আমার মানস মেত্রে সম্মুখে দিন যামিনী বিরাজমান থাকিয়া এককালে আমার সকল কামনা পূর্ণ কর, আমি তোমার নিকটে এই মাত্র প্রার্থনা করি।

ঔ একমেবাদ্বিতীয়ং

### বৈদিক ধর্ম ও বৈদিক আচার ব্যবহার।

২২৪ সংখ্যক পত্রিকার ২০৯ পৃষ্ঠার পর

বেদের ব্রাহ্মণ ভাগের মধ্যে আরণ্যক নামে একটি স্বতন্ত্র খণ্ড দৃষ্ট হয়। এই খণ্ড ব্রাহ্মণের সারাংশ বলিয়া উক্ত হইয়াছে। ইহার অধিকাংশই তত্ত্ব জ্ঞান বিষয়ক বিবিধ প্রশ্নেই পরিপূর্ণ, এই হেতু বানপ্রস্থশ্রম ও সংন্যাসশ্রম বাসী ব্যক্তিদিগেরই অধ্যয়নের নিমিত্ত ইহা বিশেষ রূপে নির্দিষ্ট হইয়াছে। যাহারা সংসার ধর্ম পরিত্যাগ করিয়া ঈশ্বরের ধ্যান ধারণাতে চিত্ত নিবেদিত করিতেন, তাঁহাদের মন্ত্র পাঠ অথবা যজ্ঞাদি অনুষ্ঠান করিবার কোন বিধি ছিল না কিন্তু বেদের আরণ্যক খণ্ড পাঠ করা তাঁহাদের নিত্য কর্তব্য বলিয়া উক্ত হইয়াছে। এবং অরণ্যে অধীত হইত এই হেতু বেদের এই অংশের নামও আরণ্যক হইয়াছে(১)। বেদের প্রায় সমুদায় উপনিষদই ভিন্ন ভিন্ন আরণ্যকের অন্তর্গত। যেমন ব্রাহ্মণ ভাগের মধ্যে আরণ্যক অতিশয় প্রামাণ্য ও আদরণীয়, সেই রূপ উপনিষদও

(১) আরণ্যকখণ্ডের নামের অর্থ অরণ্যে অধীত হইতেব্য বাক্য প্রচলিত। ইতি সায়নঃ

আরণ্যকের মধ্যে সর্বোৎকৃষ্ট সার ভাগ রূপে পরিগণিত হইয়াছে। প্রাচীন হিন্দুদিগের মধ্যে ধর্ম বিষয়ক চিন্তা ও আলোচনা কত দূর উন্নত হইয়াছিল, তাহা উপনিষদেই সম্পূর্ণ রূপে সপ্রমাণ হইতেছে। বৈদিক সংহিতাতে কেবল যাগ যজ্ঞাদি অনুষ্ঠানেরই কথা দেখিতে পাওয়া যায় এবং সেই সকল অনুষ্ঠানের অশেষ ফল বর্ণিত হইয়াছে। কিন্তু যখন উপনিষদের রচনা হয়, তখন এই সকল অনুষ্ঠানের প্রতি লোকের ততোধিক আস্থা ছিল না। উপনিষদের অনেক স্থলে বৈদিক কর্ম কাণ্ডের নিষ্ফলত্ব প্রতিপাদিত হইয়াছে এবং জ্ঞানেরই মাহাত্ম্য বিশেষ রূপে পরিকীর্তিত হইয়াছে। বাস্তবিক জন সমাজের প্রথমাবস্থা চিন্তা ও জ্ঞানের আলোচনার পক্ষে প্রশস্ত ও অনুকূল সময় নহে। তখন কেবল বিবিধ নূতন উন্নত ভাবেরই স্রোত নিয়ত উথিত হইয়া মনোমধ্যে বহমান থাকে এবং আত্মাকে আনন্দ রসে অভিযুক্ত করিয়া রাখে। কিন্তু ক্রমে সেই সকল ভাব পুরাতন হইলে তদ্বিষয়ের আলোচনা আসিয়া উদয় হয়। মন তখন স্বকীয় স্বাভাবিক ভাব সকলের প্রকৃতার্থ অনুসন্ধান করে, আপনার বিশ্বাসের ভূমি নিরূপণ করে এবং এই প্রকারে জ্ঞানের উপার্জন হইতে থাকে। এই রূপ ধর্ম-জ্ঞান বিষয়ক আলোচনার আরম্ভ ব্রাহ্মণ খণ্ডেই প্রথমে দৃষ্ট হয় এবং সেই আলোচনা সহকারে আনাদের প্রাচীন ঋষিগণ ধর্ম বিষয়ক সত্য কত দূর লাভ করিয়াছিলেন, তাহা উপনিষদেই স্পষ্ট রূপে প্রকাশ পাইতেছে। এই হেতু প্রাচীন হিন্দুদিগের তত্ত্ব জ্ঞানের উন্নতির পরিচয় উপনিষদ হইতেই প্রাপ্ত হওয়া যায়।

বেদের অপরাপর ভাগ এক্ষণে প্রায়

অপ্রচলিত হইয়া গিয়াছে। অতীত লোকেরই তাহা অধ্যয়ন অথবা তদ্বিষয়ক অনুসন্ধান করিয়া থাকে। কিন্তু বৈদিক উপনিষদ প্রায় সর্বত্রই অতিশয় বিস্তীর্ণ রূপে প্রচলিত আছে, উপনিষদের প্রমাণ সর্বাপেক্ষা অধিকতর আদরণীয় বলিয়া অদ্যাপি গৃহীত হয়। প্রাচীন বৈদিক উপনিষদের সংখ্যা অধিক নহে। বৃহদারণ্যক ঐতরেয় তৈত্তিরীয় ঈশ কেন কঠ প্রশ্ন মুণ্ডক মাণ্ডুক্য এবং ছান্দোগ্য এই দশ খানিই প্রকৃত বৈদিক উপনিষদ। কিন্তু কাল ক্রমে ভিন্ন ভিন্ন ধর্ম সাম্প্রদায়িক ব্যক্তিগণ আপনাদের মত প্রচলিত করিবার নিমিত্ত নূতন নূতন উপনিষদ সকল রচনা করিয়া প্রচার করিয়াছেন। এই হেতু উপনিষদের সংখ্যা এক্ষণে প্রায় শতাধিক হইয়াছে। অপর কোন কোন উপনিষদের ভিন্ন ভিন্ন অধ্যায় স্বতন্ত্র উপনিষদ বলিয়া উক্ত হইয়াছে। যথা বৃহদারণ্যক উপনিষদের মধ্যে যে অধ্যায়ে মৈত্রেয়ী ও যাজ্ঞবল্ক্যের পরস্পর ব্রহ্ম জিজ্ঞাসার কথা উল্লেখ আছে। তাহা মৈত্রেয়ী উপনিষদ বলিয়া উক্ত হইয়াছে; এবং ছান্দোগ্য উপনিষদের কিয়দংশ শাণ্ডিল্য উপনিষদ নামে প্রচলিত আছে।(২)

ব্রহ্ম বিদ্যা ও তত্ত্ব জ্ঞানই সমুদায় উপনিষদের প্রধান উদ্দেশ্য ও সার মর্ম। অখিল ব্রহ্মাণ্ডের এক মাত্র আদিকারণ ব্রহ্মের স্বরূপ কি, জগতের সহিত তাঁহার কি সম্বন্ধ, মনুষ্য কি রূপে তাঁহার জ্ঞান লাভ করিতে পারে এবং সেই জ্ঞান লাভেরই বা কি ফল, এই সমস্ত বিষয়ের আলোচনা ও উপদেশ বিশেষ রূপে সকল উপনিষদেই প্রাপ্ত হওয়া

(২) দিল্লীখর সাহ জিহানের পুত্র দাঁদেরা বকোহ সংস্কৃত শাস্ত্রের আলোচনার অতিশয় অনুরাগী ছিলেন। তিনি সংস্কৃত পণ্ডিতদিগের সাহায্যে পঞ্চাশৎ খানি উপনিষদ পারস্য ভাষায় অনুবাদ করিয়াছিলেন।

যায়। যদিও এই সকল গ্রন্থে অনেক স্থলে নানা প্রকার কাষ্পনিক মত প্রকৃতি হইয়াছে, তথাপি ইহাদের অন্তর্গত ঈশ্বর বিষয়ক পবিত্র উন্নত ভাব সকল অনুধাবন করিলে অবশ্যই বোধ হইবেক যে প্রাচীন ঋষিগণ তত্ত্ব জ্ঞান উপার্জনে বিশেষ আগ্রহান্বিত ও যত্নশীল ছিলেন এবং অনেক বিষয়ে তাঁহারা প্রকৃত সত্যের আলোক প্রাপ্ত হইয়াছিলেন।

প্রাপ্ত প্রাচীন উপনিষদ সমূহের সংক্ষেপ বৃত্তান্ত এস্থলে প্রকটন করা যাইতেছে। পরে বিশেষ রূপে তাহাদের মত বিবরণ লিখিত হইবেক। সমুদায় উপনিষদই প্রায় ক্ষুদ্র ক্ষুদ্র গ্রন্থ, তন্মধ্যে বৃহদারণ্যকই সর্বাপেক্ষা বৃহৎ, ইহা শতপথ ব্রাহ্মণের অন্তর্গত। এই ব্রাহ্মণ যাজ্ঞবল্ক্য রূত এবং বৃহদারণ্যকের অধিকাংশও যাজ্ঞবল্ক্য ও জনক রাজার পরস্পর ব্রহ্ম জিজ্ঞাসা ও বিচার বিষয়ক প্রস্তাবেই পরিপূর্ণ। এই উপনিষদ ছয় অধ্যায়ে বিভক্ত এবং এক এক অধ্যায় ভিন্ন ভিন্ন ব্রাহ্মণে পুনর্বিভক্ত হইয়াছে। ইহার প্রথম অধ্যায়েই জ্ঞানের মাহাত্ম্য ও যাগ যজ্ঞাদি কর্ম কাণ্ডের সহিত তাহার তুল্য ফল প্রদর্শিত হইয়াছে এবং জ্ঞানই এক মাত্র মুক্তির উপায় বলিয়া উক্ত হইয়াছে। ইহার চতুর্থ অধ্যায়ে যাজ্ঞবল্ক্যের সহিত জনক রাজার যে ব্রহ্ম বিষয়ক কথোপকথন ও বিচার সবিস্তর বিবৃত হইয়াছে, তাহাতে স্পষ্ট প্রতীয়মান হইতেছে যে তৎকালে ব্রহ্ম জিজ্ঞাসা কেবল ঋষিদিগের মধ্যে প্রচলিত ছিল এমত নহে, কিন্তু তদ্বিষয়ে নৃপতিগণেরও বিশেষ যত্ন ও উৎসাহ ছিল।

অপর এই উপনিষদে যাজ্ঞবল্ক্যের সহধর্মিণী সূশীলা মৈত্রেয়ীর তত্ত্ব জ্ঞান বিষয়ক যে সকল আলোচনা ও উৎকৃষ্ট গভীর

ভাব পূর্ণ বাক্য প্রকৃতি আছে, তাহা পাঠ করিবা মাত্র আচ্ছাদ সাগরে মগ্ন হইতে হয়। হিন্দু জাতির মধ্যে পূর্বকালে নারী গণ যে জ্ঞান ধর্মে শিক্ষিত ও উপদিষ্ট হইতেন, এবং তাঁহারা যে যজ্ঞ ও আত্মহের নহিত ঈশ্বর বিষয়ক তত্ত্বানুসন্ধান প্রবৃত্ত হইতেন, তাহা উপনিষদে মৈত্রেয়ী ও গার্গী এই দুই গুণবতী নারীর বৃত্তান্ত হইতেই সপ্রমাণ হইবেক। বৃহদারণ্যক অপেক্ষাকৃত বিস্তীর্ণ গ্রন্থ, বটে কিন্তু ইহার অধিকাংশই নানা প্রকার কাব্যনিক কথাতোই পরিপূর্ণ এবং ইহার ষষ্ঠ অধ্যায়ের এক স্থলে এপ্রকার অল্লীল ও নিতান্ত অপবিত্র ভাব বিশিষ্ট কথা দৃষ্ট হয় যে তাহা ধর্ম বিষয়ক পুস্তকে কি রূপে সংনিবেশিত হইল, তাহা মনে করিতে গেলে বিস্ময়াপন্ন হইতে হয়।

তৈত্তিরীয় উপনিষদ কৃষ্ণ যজুর্বেদের তৈত্তিরীয় আরণ্যকেরই এক অংশ। হই। দুই ভাগে বিভক্ত, যথা শিক্ষা বলী এবং ব্রহ্মানন্দ বলী। শিক্ষা বলীতে বেদাধ্যয়ন, প্রণব উচ্চারণ এবং যজ্ঞাদি অনুষ্ঠানের বিধি আছে। এই সকল কার্য চিত্ত শুদ্ধি ও জ্ঞান লাভের উপায় বলিয়া উল্লিখিত হইয়াছে। দ্বিতীয় ভাগে প্রকৃত ব্রহ্মজ্ঞান বিষয়ক উপদেশ প্রদত্ত হইয়াছে। এই উপনিষদে আমরা বেদান্ত দর্শনের মতের অঙ্কুর দেখিতে পাই। বেদান্ত শাস্ত্রে যে প্রকার সৃষ্টি প্রকরণ আছে, তাহা এই উপনিষদেও উল্লিখিত হইয়াছে এবং সৃষ্টি ও স্রষ্টার নির্বিশেষ ভাবও ইহাতে স্পষ্ট রূপে প্রদর্শিত হইয়াছে। কিন্তু এ বিষয়ে ইহার মত অপরাপর উপনিষদ হইতে নিতান্ত বিরুদ্ধ নহে। ঐতরেয় উপনিষদ ঐতরেয় ব্রাহ্মণের দ্বিতীয় আরণ্যকের অন্তর্গত। ইহা তিন অধ্যায়ে বিভক্ত।

প্রথম অধ্যায়ে সৃষ্টি প্রক্রিয়া বিবৃত হইয়াছে; ইহাতে ঈশ্বর জগতের একমাত্র স্রষ্টা এবং দেবতাগণ তাঁহার অংশ বলিয়া উক্ত হইয়াছেন। অপর পরমাত্মা একমাত্র সংস্কপ, আর সমুদায় পদার্থই অসৎ কিন্তু জীৱাত্মা পরমাত্মার সহিত অভেদ এই হেতু তাহা মরণ ধর্ম বর্জিত।

দ্বিতীয় অধ্যায়ে মনুষ্যের তিন প্রকার জন্ম উক্ত হইয়াছে। প্রথম জন্ম গর্ভাধান কালে, দ্বিতীয় ভূমিষ্ঠ হইবার সময়, তৃতীয় মৃত্যুর পর পুনরায় নূতন দেহ পরিগ্রহ কালে। এই অধ্যায়েই প্রকৃত জ্ঞান লাভই মুক্তির কারণ বলিয়া নির্দিষ্ট হইয়াছে। যাহারা ইহকালে আত্মার প্রকৃত অবস্থা জানিতে পারে, তাহারাই অমর হয় কিন্তু যাহারা অজ্ঞানাক্র, তাহারাই পুনঃ পুনঃ জন্ম গ্রহণ করে এবং সাংসারিক সূখ দুঃখ ভোগেই লিপ্ত থাকে। তৃতীয় অর্থাৎ শেষ অধ্যায়ে প্রকৃত জ্ঞান কাহাকে বলে এবং আত্মার স্বরূপ কি, তাহা সবিস্তর লিখিত হইয়াছে। আত্মা ইন্দ্রিয় নহে, মনও নহে কিন্তু ইহা জ্ঞান স্বরূপ এই হেতু তাঁহাকে জ্ঞানের দ্বারাই কেবল গ্রহণ করা যায়; যাহারা প্রকৃত জ্ঞান লাভ করে, তাহারা ব্রহ্মকে প্রাপ্ত হয়। তৈত্তিরীয় ও ঐতরেয় ইহার উভয়েই অনেকাংশে পরস্পর সদৃশ। উভয়েতেই বেদান্ত মতের অনেক আভাস দৃষ্ট হয়। কিন্তু এই দুই গ্রন্থ যে বেদান্ত দর্শনের সৃষ্টি হইবার অনেক অগ্রে রচিত হইয়াছিল, তাহার সংশয় নাই।

কিন্তু শ্বেতাশ্বতরোপনিষদের বিষয়ে এপ্রকার বলা যায় না। এই গ্রন্থ অপেক্ষাকৃত আধুনিক এবং ইহা বেদান্ত ও সাংখ্য দর্শন প্রচলিত হইলে পর রচিত হইয়াছিল। আমরা ইহার স্থানে স্থানে বেদান্ত, যোগ শাস্ত্র ও সাংখ্য কর্তা কপিল মুনির উল্লেখ প্রাপ্ত হই।

তৎকারণং সাংখ্যবোগাধিগম্যাং জাত্বা দেবং মুচ্যতে সর্বপাটনঃ।

ঋষিং প্রবৃত্তং কপিলং যন্তনগ্রে জ্ঞানবিত্তি জায়মানঞ্চ পশ্যৎ।

অপর ইহাতে শৈব মতেরও আভাস পাওয়া যায়। ভব গিরিশ শঙ্কু রুদ্র ভুবনেশ ইত্যাদি অনেক গুলি শিবের নাম গ্রন্থের নানা স্থানে দৃষ্ট হয়, এবং রুদ্রই একমাত্র সৃষ্টি কর্তা ও সকলের পালন কর্তা এবং ব্রহ্মের তুল্য বলিয়া উক্ত হইয়াছেন। শ্বেতাশ্বতর উপনিষদের অনেক গুলি শ্লোক বেদ ও অপরাপর উপনিষদ হইতে উদ্ধৃত হইয়াছে এবং ভগবদ্গীতার সহিতও ইহার অনেক শ্লোকের মিল আছে। এই সমস্ত প্রমাণ ও লক্ষণ দ্বারা অপরাপর উপনিষদপেক্ষা ইহার আধুনিকত্ব প্রতিপন্ন হইয়াছে। বাস্তবিক এই গ্রন্থ আদ্যোপান্ত পাঠ করিলে বোধ হইবেক যে বেদান্ত ও সাংখ্য দর্শনের পরস্পর সামঞ্জস্য করাই ইহার প্রধান উদ্দেশ্য ছিল।

বেদান্তে যদিও কোম কোম বিষয়ে বেদের সহিত অনৈক্য আছে, তথাপি ইহা বেদের মতানুযায়ী বলিয়া প্রসিদ্ধ আছে। কিন্তু সাংখ্য দর্শনের মত অনেকাংশে বেদের বিপরীতার্থক এবং তাহার কোন কোন স্থলে বেদ একেবারে অপ্রমাণ ও অগ্রাহ্য বলিয়া উক্ত হইয়াছে। কিন্তু সাংখ্য শাস্ত্র বেদের বিরোধী হইয়া অতি সূত্র প্রচার হইয়াছিল এবং অনেক বহুদর্শী শাস্ত্রজ্ঞ, পণ্ডিতেও তাহার মত গ্রহণ করিয়াছিলেন। অতএব বোধ হয় যাহাতে সাংখ্য ও বেদান্তের মতানুযায়ীদিগের বিরোধ ভঞ্জন হয় এই নিমিত্তেই দুয়ের মত সংমিলিত করিয়া শ্বেতাশ্বতরোপনিষদ প্রচারিত হইয়াছিল।

বেদান্তে ব্রহ্মই একমাত্র সৃষ্টিকর্তা বলিয়া উক্ত হইয়াছেন। এই জগৎ পূর্বে

অসৎ ছিল, তাঁহারই ইচ্ছা মাত্র উৎপন্ন হইল, কিন্তু সাংখ্যের মতে ঈশ্বর একাকী কদাপি জগৎ সৃষ্টি করেন নাই, প্রকৃতির সহযোগেই সমস্ত সৃজন হইয়াছে। পুরুষ (অর্থাৎ ঈশ্বর) এবং প্রকৃতি উভয়কেই সমান রূপে সৃষ্টির মূল কারণ বলা কর্তব্য। শ্বেতাশ্বতর উপনিষদে দুই মতই সংমিলিত হইয়াছে। ইহার মতে ব্রহ্মই একমাত্র সৃষ্টিকর্তা কিন্তু মায়া প্রকৃতি রূপে তাঁহার সহিত মিলিত হওয়াতেই সৃষ্টির আরম্ভ হইয়াছে। অপর সৃষ্টির সমস্ত প্রকরণই সাংখ্য মতানুযায়ী লিখিত হইয়াছে। সাংখ্যের ন্যায় এখানেও প্রকৃতি, বুদ্ধি ও অহংকার এই তিন কারণ হইতে পঞ্চভূতের উৎপত্তি নির্দিষ্ট হইয়াছে।

## বিজ্ঞান

ভূতত্ত্ববিদ্যা।

বিজ্ঞানশাস্ত্রের আলোচনা সহকারে জ্ঞানের সীমা ক্রমশই বিস্তার হইতেছে। স্বভাবের আশ্চর্য্য নিগূঢ় তত্ত্ব সকল নিয়তই আবিষ্কৃত হইতেছে, জগতের মুচ্যক শৃঙ্খলা ও মনোহর নিয়মাবলী অবধারিত হইতেছে। এই বিস্তার শাস্ত্রের উন্নতি যে জন সমাজের সুখ সৌভাগ্য সভ্যতার একটি প্রধান সোপান স্বরূপ, তাহা একগণকার সুসভ্য জনপদ সমূহের প্রতি দৃষ্টিপাত করিলেই প্রতিপন্ন হইবেক। বিজ্ঞানবিৎ পণ্ডিতগণ যত্ন, অধ্যবসয় ও একান্ত পরিশ্রম সহকারে যে সকল নূতন নূতন বিদ্যার প্রচার ও প্রীতি করিয়াছেন ও তদ্বারা যে নবম চিরবন্ধিত অজ্ঞান ও কুসংস্কার রাশি ছুরীভূত করিয়াছেন, তাহা এক বার অনুধাবন করিলে বিস্ময়চিত্ত হইতে হয়। ভূতত্ত্ব বিদ্যাই এই বিবরণের একটি প্রত্যক্ষ প্রমাণ স্বরূপ রহিয়াছে। অসংখ্য ইহল ভূতত্ত্ব বিষয়ক প্রকৃত জ্ঞান কিছুনাও পরিচীত ছিলনা, পৃথিবীর সৃষ্টি ও পরিবর্তন বিষয়ে নানা দেশীয় লোকে নানা

প্রকার নিত্য অকিঞ্চিৎকর কাঙ্গনিক মতকে সত্য বোধিয়া বিশ্বাস করিয়া আসিয়াছিল, কিন্তু এক্ষণে ভূতত্ত্ববিদ্যার প্রত্যক্ষ সিদ্ধ যে সকল প্রকৃত সত্য উদ্ঘাতিত হইয়াছে, তাহা সেই সমস্ত কাঙ্গনাতে একেবারে বিপর্যস্ত করিয়া দিয়াছে। বাস্তবিক এই বিদ্যার প্রকৃত অনুশীলন যেমন জনসমাজের অশেষ হিত সাধনের উপায় হইয়াছে, সেই রূপ তদ্বারা যে অনেক অসত্য দূরীভূত হইবেক, অনেক অলীক মতের সংশোধন হইবেক, তাহার সংশয় নাই।

পৃথিবীর কি প্রকার গঠন ও তাহার অভ্যন্তর কি প্রকার বিবিধ পদার্থে সংরচিত হইয়াছে, সৃষ্টি কালাবধি ধরাতলে ক্রমশঃ কি প্রকার পরিবর্তন হইয়া আসিয়াছে, কি রূপে তাহা কালক্রমে বর্তমান অবস্থায় পরিণত হইয়া মানুষের বাসোপযোগী হইয়াছে, মানব জাতির সৃষ্টি হইবার পূর্বেই বা তাহা কি প্রকার জীবগণের আরাগ ভূমি ছিল এবং বর্তমান কালে ভূতলে কি প্রকার ঠনসর্গিক কার্য কারণ সংযোগে নিয়তঃ পরিবর্তনশীল রহিয়াছে। এই সকল বিষয়ের আলোচনা ও তত্ত্বানুসন্ধান ভূতত্ত্ববিদ্যার প্রকৃত উদ্দেশ্য। জ্যোতির্বিদ্যা দ্বারা পৃথিবীর আকার পরিমাণ ও গতি অবধারিত হইতেছে এবং আকাশমণ্ডলস্থ অপরাপর গ্রহ নক্ষত্রাদির সহিত তাহার সম্বন্ধ নিরূপিত হইতেছে। সামান্য ও প্রাকৃতিক ভূগোল বিদ্যা দ্বারা আমরা বর্তমান কালে ধরাতলস্থ বিবিধ দেশ নগর সমুদ্র নদী পর্বতাদির পরিচয় এবং নানা জাতীয় মানুষদিগের বৃত্তান্ত প্রাপ্ত হইতেছি কিন্তু ভূতত্ত্ববিদ্যা আমাদেরদিকে পৃথিবীর পূর্বতন ইতিহাস প্রদান করিতেছে, মানব জাতির সৃষ্টির সহস্র বৎসর পূর্বে পৃথিবী কি প্রকার অবস্থায় ছিল, তাহা অজ্ঞাত রূপে প্রকাশ করিতেছে। আমাদের অধিষ্ঠানভূতা পৃথিবীর প্রাচীনতর অবস্থা বিবরণ অবগত হইতে সহজে সকলেরই কৌতূহল উদয় হইবেক, তাহার সন্দেহ নাই এবং তৎসম্বন্ধীয় বিস্ময়কর ব্যাপার সমূহ জ্ঞাত হইলে সৃষ্টিকর্তার বিচিত্র মহীয়শী শক্তি ও অনন্ত কৌশলের অশেষ পরিচয় প্রাপ্ত হওয়া যাইবেক।

এক্ষণে আমরা ধরাতলকে যে কণ জল ও স্থলে বিভক্ত ও মহোচ্চ পর্বতশ্রেণী, নদ নদী এবং নানা প্রকার জীব প্রবাহে পরিব্যাপ্ত ও পরিশোভিত দেখিতেছি, প্রথমে তাহা এ প্রকার কিছুই ছিলনা, পৃথিবী সৃষ্টি কালে একেবারে এক্ষণকার ন্যায় সংরচিত হয় নাই, ক্রমোন্নতির মুন্দর নিয়ম, যাহা আমরা জগতের সকল বস্তুতেই দেখিতে পাই, পৃথিবীর রচনা বিষয়েও তাহা স্পষ্ট প্রত্যক্ষ হইতেছে। ভূমণ্ডলের প্রায় সর্বত্রই ভূমি খনন দ্বারা প্রতিপন্ন হইয়াছে যে পৃথিবীর উপরিভাগ কতিপয় উপর্যুপরিহৃত স্তরে নির্মিত হইয়াছে, সেই সকল স্তর এক একটি করিয়া পরে পরে বিন্যস্ত হইয়াছে। পৃথিবীর অন্তর্গত যে ভূমি ভাগ আমরা এক্ষণে অনেক দূর খনন করিয়া প্রাপ্ত হই, তাহা এককালে উপরিস্থ ধরাতল ছিল এবং তাহা এক্ষণকার ন্যায় নানাবিধ জীবের আরাগ ছিল কিন্তু কালক্রমে তদুপরি ভিন্ন ভিন্ন স্তর সকল সংস্থাপিত হইয়াছে এবং তাহা তদুপরিস্থ জীব প্রবাহের সহিত এক্ষণে ভূমি মধ্যে প্রোথিত হইয়া গিয়াছে। এই রূপ ধরাতলের ক্রমশঃ পরিবর্তন হইয়া আসিয়াছে। সমুদ্র হইতে স্থলের ও পর্বতাদির উৎপত্তি হইয়াছে, পরে নানা প্রকার জীব ও উদ্ভিদের সৃষ্টি হইয়াছে। সময়ে সময়ে এক এক মহা উপপ্লব উপস্থিত হইয়া সমুদ্র জীব নষ্ট ও ভূতল জল প্লাবিত হইয়াছে। পরে আবার নূতন স্তর সকল উৎপন্ন হইয়াছে ও তদুপরি নূতন জীব শ্রেণীর সৃষ্টি হইয়াছে। এই রূপে পৃথিবী ক্রমে ক্রমে পরিবর্তিত ও স্তরে স্তরে বিনির্মিত হইয়াছে এবং ক্রমশঃ উৎকৃষ্টতর জীব সকলের উৎপত্তি হইয়া অবশেষে মানব জাতির সৃষ্টি হইয়াছে।

এই সকল বিচিত্র ও আপাতত বিস্ময়কর ব্যাপার ভূতত্ত্ববিদ্যার অনুশীলন দ্বারা এক্ষণে নিঃসংসয়ে প্রতিপন্ন হইয়াছে। কোন দেশের প্রাচীন ইতিহাস ইতিহাস পুস্তকভাবে যেমন খোদিত প্রস্তর কলক ও পুরাতন মুদ্রা সকল পরীক্ষা দ্বারা সংকলন করা যায়, তদ্রূপ ধরাভ্যন্তরস্থ স্তর সকলের গঠন ও সমিবেশ দ্বারা এবং স্তর নিহিত নানা প্রকার মৃত জীবের দেহাব-

শিষ্টাংশ ও বৃক্ষাদির কঙ্ক পরীক্ষা দ্বারা পৃথিবীর পূর্বতন বৃত্তান্ত অজ্ঞাত রূপে জ্ঞাত হওয়া যাইতেছে। মানব জাতির সৃষ্টির সহস্র বৎসর পূর্বে ধরাতলের কি প্রকার অবস্থা ছিল, তাহা নিরূপিত হইতেছে। বাস্তবিক ভূতত্ত্ববিদ্যাদিগের আবিষ্কার দ্বারা আমরা অতীত কালকে বর্তমানের ন্যায় দেখিতেছি, ধরাতলস্থ অতিশয় পূর্বতন ঘটনা সকল আমরা মনশ্চক্ষুর্গোচর করিতে সমর্থ হইয়াছি, মানুষের আগমনের আগে যে সকল প্রাণী জীবিত ছিল, তাহাদের কঙ্কাল অস্থি সকল উদ্ধৃত হইয়াছে এবং তাহাদের আকৃতি প্রকৃতি অবধারিত হইয়াছে।

ভূতত্ত্ববিদ্যার ভূমী জীৱজি সাধন বিশেষ রূপে বর্তমান কালের বিজ্ঞানবিৎ পণ্ডিতদিগেরই প্রবৃত্তি হইয়াছে। তাহাদেরই পরিশ্রমে ইহা একটি স্বতন্ত্র বিদ্যা বলিয়া এক্ষণে পরিগণিত হইয়াছে। অতএব অপরাপর বিদ্যার সহিত তুলনা করিলে ভূতত্ত্বকে অবশ্যই অপেক্ষাকৃত অধুনাতন বিদ্যা বলিতে হইবেক। এই বিদ্যার অনুশীলন প্রকৃত প্রস্তাবে জর্মেণি দেশে প্রথমে আরম্ভ হয়, তথায় প্রায় ৫০ বৎসর হইল ওয়ারণর নামক বিজ্ঞানবিৎ পণ্ডিত ধাড়ুর আকার সকল পরীক্ষা দ্বারা ধরাভ্যন্তরস্থ স্তর সকলের অস্তিত্ব ও তাহাদের সমিবেশের নিয়ম এবং অপরাপর তত্ত্ব আবিষ্কার করিয়াছিলেন। তদবধি ইউরোপীয় পণ্ডিতমণ্ডলী এই বিষয়ের তত্ত্বানুসন্ধান বিশেষ রূপে ব্যস্ত হইলেন। তদবধি পৃথিবীর নানা স্থানে ভূস্তর সকলের পরীক্ষা আরম্ভ হইল।

কিন্তু যদিও এই বিদ্যা বর্তমান কালেই সুপ্রণালীবদ্ধ হইয়াছে, তথাপি পৃথিবীর আশ্চর্য পরিবর্তন ও তাহার ভয়ানক উপপ্লবের প্রতি পূর্বকালীন পণ্ডিতদিগেরও দৃষ্টি বিস্ময় রূপে পতিত হইয়াছিল। কিন্তু তাহারা তদবিষয়ের প্রকৃত তত্ত্ব নিরূপণ করিতে সমর্থ হন নাই। সকল দেশের প্রাচীন ইতিহাসে এক বা ততোধিক মহা জলপ্লাবন রূপ প্রলয় ও তরুণ সৃষ্টি নামের বিবরণ দেখিতে পাওয়া যায়। কিন্তু ৩ খ্রীস্টাব্দেগের শাস্ত্রে ইহা স্পষ্ট লিখিত আছে যে এক একটি পরিমিত যুগ পূর্ণ হইলে প্রলয় কাল উপ-

স্থিত হইবেক এবং সমুদায় সংসার ও জীবগণ একেবারে ধ্বংস হইবেক, পরে আবার নূতন সৃষ্টি প্রক্রিয়া আরম্ভ হইবেক। এই প্রকার মত যদিও অনেকাংশে ভ্রমসংকুল ও কাঙ্গনিক, তথাপি তাহা নিত্য অমূলক নহে। পৃথিবীর পরিবর্তন ও তৎসম্বন্ধীয় নানা প্রকার উপপ্লব দর্শনেই আমাদের পুরাণ কর্তারা উক্ত প্রকার সিদ্ধান্ত করিয়াছিলেন। অপর কোন কোন প্রাচীন পণ্ডিত পৃথিবীর পরিবর্তন বিষয়ের প্রকৃত কারণ অনেকাংশে নিরূপণ করিতে সক্ষম হইয়াছিলেন। ট্রাবো নামক গ্রীক দেশীয় ইতিহাস লেখক ইহা কহিয়াছেন যে ভূমি কম্পন আগ্নেয় গিরির অগ্ন্যুৎপাত এবং জলপ্লাবন এই সকল হইতেই ধরাতলে মহা উপপ্লব সকল ঘটয়া থাকে, তদ্বারা কোথাও সমভূমি সমুদ্র গর্ভে প্রবেশ করিতেছে, সমুদ্র তলও স্থলেতে পরিণত হইতেছে।

পূর্বকালে পৃথিবী যে ভয়ানক উপপ্লব ও পরিবর্তনের অধীন ছিল, তাহার প্রমাণ স্বরূপ, চিহ্ন সর্বত্রই রহিয়াছে—কিন্তু যত দিন ভূতত্ত্ব বিদ্যার সৃষ্টি না হইয়াছিল, তত দিন সে সকল চিহ্নের প্রকৃত অর্থ কেহই নিরূপণ করিতে পারেন নাই। কিন্তু এক্ষণে এই বিদ্যার প্রভাবে অতি ক্ষুদ্র প্রস্তর খণ্ড পরীক্ষা দ্বারা একটি বিস্তীর্ণ দেশের ভূমির প্রকৃতি ও তদন্তর্গত স্তরাবলীর পরিচয় অনায়াসেই প্রাপ্ত হওয়া যায়। বাস্তবিক ভূতত্ত্ববিদ্যা এক্ষণে জন সমাজের অতি বিস্তীর্ণ রূপে কার্যোপযোগী হইয়াছে, তদ্বারা আমরা রত্নগর্ভা মেদিনীর অজস্র রত্ন ভাণ্ডার মধ্যে প্রবেশ করিতে সক্ষম হইয়াছি, অতি দূরনির্মিত আকার সকলের অনুসন্ধান অনায়াসে প্রাপ্ত হইতেছি। কোন প্রদেশে খনন করিলে কি প্রকার ধাতুর খনি প্রাপ্ত হওয়া যাইবেক, ভূমির কত নিম্নে কোন কোন প্রকার শিলা কোন কোন প্রকার স্তর বিদ্যমান আছে, এই সকল বিষয় ভূতত্ত্ব বেত্তারা অনায়াসে নির্ধারণ করিতেছেন, অতএব এই বিদ্যার অনুশীলন আমাদের পক্ষে যে কত দূর,শ্রেয়স্কর তাহা বোধ হয় সকলেরই বোধগম্য হইবেক।



# বিজ্ঞাপন

গত ২৭ টি চক্র সাধারণ সভাতে ব্রাহ্মেরা নিম্ন লিখিত মহাশয়দিগের প্রতি কলিকাতা ব্রাহ্ম-সমাজের ঠিকার কার্যের তার প্রদান করিয়াছেন।

ধন্যার্থক।

শ্রীযুক্ত বৈকুণ্ঠনাথ সেন

শ্রীযুক্ত ঠাকুরদাস সেন

পত্রিকাধ্যক্ষ ও পুস্তকধ্যক্ষ।

শ্রীযুক্ত দেবেন্দ্রনাথ ঠাকুর—পাতুরে ঘাটা

শ্রীযুক্ত তারকনাথ দত্ত

যন্ত্রাধ্যক্ষ ও কর্ম্মাধ্যক্ষ।

শ্রীযুক্ত বৈকুণ্ঠনাথ সেন

সম্পাদক।

শ্রীযুক্ত আনন্দচন্দ্র বেদান্তবাগীশ

নিম্ন লিখিত পুস্তকগুলি কলিকাতা ব্রাহ্ম

সমাজে দান প্রাপ্ত হওয়া গিয়াছে।

সভীব্যবহার .. .. .	১
Modern Atheism. ....	১
Phases of Atheism. ....	১
নরদেহ নির্ণয় .. .. .	১
তত্ত্ববোধিনী সংগ্রহ .. .. .	২
ইংলণ্ডের শাসন প্রণালী .. .. .	১
জাতিভেদ বিবেক সার .. .. .	১

কলিকাতা ব্রাহ্মসমাজের বিক্রয় পুস্তক।

সংস্কৃত ব্রাহ্মধর্ম .. .. .	১০
তাৎপর্য সহিত ব্রাহ্মধর্ম .. .. .	১০
ব্রাহ্মাণ্ড ব্রাহ্মধর্ম .. .. .	১০
এ ভাল বাঁধান .. .. .	১০
হিন্দী ব্রাহ্মধর্ম .. .. .	১০
রাজনারায়ণ বসুর বক্তৃতা .. .. .	১০
ব্রাহ্মসমাজের বক্তৃতা .. .. .	১০
পৌত্তলিক প্রবোধ .. .. .	১০
চূর্ণক—রাজা রামমোহন রায় কৃত .. .. .	১০
১য় ভাগ .. .. .	১০
২য় ভাগ .. .. .	১০
৩য় ভাগ .. .. .	১০
ব্রাহ্মধর্মের মত ও বিশ্বাস .. .. .	১০
এ ভাল বাঁধান .. .. .	১
ব্রাহ্মধর্মের বাঁধান .. .. .	১
সঙ্গীত পুস্তক—সুভদ্রা মুদ্রিত .. .. .	১০
প্রাত্যহিক উপাসনা .. .. .	১০
প্রার্থনা পুস্তক .. .. .	১০
দীপ্তিশিরার অভিব্যক্তি .. .. .	(১০)
অনুষ্ঠান .. .. .	১০

কলিকাতা ব্রাহ্মসমাজের ১৭৮৩ শকের  
ফাল্গুন মাসের দান প্রাপ্তির  
বিবরণ।

ব্রাহ্মদিগের প্রতিজ্ঞাত সাংসারিক দান।

শ্রীযুক্ত দেবেন্দ্রনাথ ঠাকুর—ঘোড়াসাঁক	১০০
“ শিবচন্দ্র দেব .. .. .	১২
“ শম্ভুনাথ রায় .. .. .	৫
“ গদাধর খাঁ .. .. .	৫
“ কালীকৃষ্ণ শীল .. .. .	৩
“ নবগোপাল মিত্র .. .. .	২
“ গিরিশচন্দ্র দেব .. .. .	২
“ গোপালচন্দ্র মিত্র .. .. .	২
“ দিননাথ গঙ্গোপাধ্যায় .. .. .	২
“ গোপালচন্দ্র পাল .. .. .	২
“ যাদবচন্দ্র দত্ত .. .. .	২
“ চন্দ্রকুমার দত্ত .. .. .	১
“ কার্তিকেশ্বর চরণ সেন .. .. .	১
“ প্রতাপচন্দ্র মজুমদার .. .. .	১
“ নবীনচন্দ্র বড়াল .. .. .	১
“ হরিশোহন রায় .. .. .	১
“ গোপালচন্দ্র মল্লিক .. .. .	১
“ শ্যামসুন্দর সেন .. .. .	১
“ অন্নদাপ্রসাদ চট্টোপাধ্যায় .. .. .	১
“ বেদীমাধব সরকার .. .. .	১
“ পার্শ্বতীচরণ দাস গুপ্ত .. .. .	১
“ ঠেলোক্যানাথ মিত্র .. .. .	১০
	১৪৭১০

মাসিক দান।

শ্রীযুক্ত দেবেন্দ্রনাথ ঠাকুর—ঘোড়াসাঁক	২৬
“ গোপীমোহন ঘোষ .. .. .	২০
“ জয়কৃষ্ণ মুখোপাধ্যায় .. .. .	৮
“ ঋত্বিকচন্দ্র বিদ্যাসাগর .. .. .	৬
“ অভয়াচরণ গুহ .. .. .	৬
“ রামচন্দ্র ঘোষাল .. .. .	৬
“ নীলকমল মিত্র .. .. .	২
“ উপেন্দ্রমোহন ঠাকুর .. .. .	২
	৭৩


শুভ কর্ম্মের দান।

শ্রীযুক্ত মধুসূদন সরকার .. .. .	১
---------------------------------	---

এককালীন দান

শ্রীযুক্ত যশোদাকুমার পাণি .. .. .	২০০
শ্রীমতী বদনমণী দাসী .. .. .	১
	৪২২১০

৩ টি শাখা মঙ্গলবার সন্ধ্যা ১১১২ কলিকাতা ৪২৩৩।



# তত্ত্ববোধিনী পত্রিকা

একমেবাদ্বিতীয়ং সর্বব্যাপিসর্বনিয়ন্তৃ সর্বশাস্ত্রবিৎ সর্বশক্তিমান্ সর্বপূর্ণমপ্রতিমমিতি। একস্য তস্যৈবোপাসনয়া পার-  
ত্রিকটমহিকঞ্চ শুভম্ভবতি। তস্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

## ব্রহ্মস্তুত্র।

হে বিশ্বপালক পরমেশ! তুমি এই  
অসীম বিশ্ব-রাজ্যের একাধিপতি হইয়া  
সকলের মঙ্গল বিধান করিতেছ। তুমি  
যে কি অচিন্তনীয় উপায়ে কি ছুরবগাহ্য  
কৌশলে কি অপার প্রেম-ভাবে তোমার  
প্রজা সকলকে পালন করিতেছ, তাহা আমরা  
কিছুই বলিতে পারি না। জগতের যে  
কোন পদার্থের প্রতি দৃষ্টি পাত করি, যে  
কোন ঘটনার প্রতি লক্ষ্য করি, তাহাতেই  
তোমার সুন্দর মঙ্গল ভাবের পরিচয় প্রাপ্ত  
হই। সংসারের সকল বস্তুই তোমার  
নিয়মাদীন হইয়া তোমার মঙ্গল উদ্দেশ্য  
সাধন করিতেছে। সকলে মিলিত হইয়া  
তোমার মঙ্গল গীত গান করিতেছে; সক-  
লেই যেন তোমার গুণ কীর্তন করিতে  
আমাদিগকে আহ্বান করিতেছে। কিন্তু  
হায়! আমরা বিষয়ের আকর্ষণে মুগ্ধমান  
রহিয়া সে আহ্বান ধনি শুনিতে পাই না।  
দিন যামিনী স্বার্থ সাধনেই আমরা ব্যস্ত  
রহিয়াছি। তোমার পবিত্র নাম যে এক-  
বার স্মরণ করি এমত অবকাশ কাল পাই

না। হায়! আমরা কি অকৃতজ্ঞ, যিনি  
আমাদের পরম পিতা, পরম বন্ধু; যিনি  
প্রতিনিয়ত আমাদের অসংখ্য বিপদ হ-  
ইতে উদ্ধার করিতেছেন, তাঁহাকে কি  
আমরা ধন্যবাদ প্রদান করিব না? মনের  
সহিত একান্ত ভক্তি শ্রদ্ধা প্রকাশ করিব  
না? হা! আমরা কেমন দুর্বল, কেমন ক্ষীণ  
বুদ্ধি; সাংসারিক বিষয় ভোগেই প্রমত্ত  
রহিয়াছি কিন্তু যাহার করুণা বলে আমরা  
সেই সকল সুখসেব্য প্রাপ্ত হইয়াছি,  
তাঁহার হস্তকে এক বারও স্মরণ করি না।  
হে করুণাময়! তোমার যে আমাদের  
প্রতি কি অজস্র দান, কি অনন্ত প্রেম, তাহা  
আমরা মনোমধ্যে ধারণ করিতে পারি  
না। কিন্তু আমরা তোমার করুণার উপ-  
যুক্ত নহি। তুমি যে আমাদের উন্নত  
অধিকার দিয়াছ, আমরা তাহার প্রতি এক  
বারও লক্ষ্য করি না। কোথায় আমরা  
তোমার মঙ্গলময়ী ইচ্ছার অনুগামী হইয়া  
তদনুষ্ঠানে আপনাদের জীবনকে সমর্পণ  
করিব, না কোথায় স্বার্থপরতা দ্বেষ ভাবের  
বশবর্তী হইয়া তোমার সুন্দর মঙ্গল রঞ্জে  
অমঙ্গল বিস্তার করিতেছি। কোথায় হৃদ-

য়কে নিয়ত উন্নত ভাবে বর্দ্ধিত করিব ও মতের পবিত্র জ্যোতিতে আলোকিত করিব, না কোথায় তাহা রিপুদিগের ভয়ানক সংগ্রাম ক্ষেত্র স্বরূপ হইয়াছে। হা! আমরা প্রতিপদেই আমাদের দুর্বলতা হীনতার চিহ্ন দেখিতেছি। আমাদের প্রত্যেক কার্যে প্রত্যেক চিন্তাতে আমরা এই পরিচয় প্রাপ্ত হইতেছি যে তোমাকে পরিত্যাগ করিলে আমাদের কিছুতেই সুখ নাই—কিছুতেই মঙ্গল নাই। তুমি আমাদের একমাত্র সাহায্য, তুমিই আমাদের বুদ্ধিবল, জ্ঞানধর্ম, সকলেরই আশ্রয়।

হে বিশ্বাধিপতি! আমরা যেন চিরকাল তোমার শরণাপন্ন হইয়া থাকি, যেন তোমার পদছায়া লাভ করিয়া অক্লান্তে চিন্তে তোমার প্রদর্শিত ধর্মপথে পদার্পণ করিতে পারি। হে নাথ! তুমি হৃদয় রাজ্যের অধীশ্বর হইয়া আমাদের কুপ্রবৃত্তি সকল দমন কর, পবিত্র ভাব সকল অক্ষুরিত ও বর্দ্ধিত কর এবং তোমাকে একান্ত ভক্তি প্রীতি করিতে শিক্ষা দেও। এই সংসারে তুমি যে সকল গুরুতর ভার অর্পণ করিয়াছ, তাহা যেন তোমার প্রসাদে যত্নের সহিত সম্পন্ন করিতে সক্ষম না করি।

হে হৃদয়েরশ্বর! তোমার নামের কি মহিমা, তোমার অমৃতময় নাম উচ্চারণ করিবামাত্র হৃদয়ের দ্বার উদ্ঘাটিত হয়—সাপ তাপ অন্তরিত হয়। হা! আমরা যেন তোমার সেই অমৃতময় নাম স্মরণ করিয়া সংসারের মোহ তরঙ্গকে অতিক্রম করিতে সমর্থ হই এবং দিন দিন যেন তোমার নিকট অগ্রসর হইতে পারি। যেন আমাদের আত্মা দিন দিন বলীয়ান হইয়া তোমার মঙ্গল উদ্দেশ্য সাধনে যত্নশীল হয়। সংসারে যে অবস্থায় থাকি যে কোন কার্যে প্রবৃত্ত হই, সর্বদাই যেন আমাদের এই স্থির বিশ্বাস থাকে যে

আমরা তোমারই সম্ভান—তোমারই ভৃত্য।  
তোমারই আদেশ পালনার্থ এখানে তুমি  
আমাদের প্রেরণ করিয়াছ।

ওঁ একমেবাদ্বিতীয়ং

বৎসরের শেষ দিনের ব্রাহ্ম

সমাজের বক্তৃতা।

৩১ চৈত্র ১৭৮৩ শক।

অদ্য একবৎসর চলিয়া গেল; বিগত বর্ষে যে সকল সুখ সম্পত্তি লাভ করিয়াছি, তজ্জন্য কৃতজ্ঞ চিন্তে তাঁহাকে নমস্কার করিতেছি। সেই প্রাণ স্বরূপ জ্ঞান স্বরূপ পরমেশ্বর আমারদিগকে বিগত বৎসরে মাতা হইতেও অধিক যত্নে লালন পালন করিয়াছেন, কত প্রকার বিপদ রাশি হইতে রক্ষা করিয়াছেন। প্রতিজন আপনাকে পরীক্ষা করিয়া দেখ যখন কেহই সাহায্য ছিল না, সকলেই পরিত্যাগ করিয়াছিল, তখন ঈশ্বর আমারদিগের আশ্রয় ছিলেন, সেই জগতের অধিপতি রাজাধিরাজ আমারদের জন্য নিয়তই করুণা বারি বর্ষণ করিতেছেন, তিনি কত সময়ে আমারদিগকে বিপদ হইতে রক্ষা করিয়াছেন, ধর্মের উপদেশ প্রদান করিয়া মুক্তির সোপান প্রদর্শন করিয়াছেন, যদি সকলে মিলিত হইয়া এক রাত্রি সমস্তেরে তাঁহার করুণা গান করি, যদি এখানে একত্র হইয়া সমস্ত রাত্রি তাঁহার ধন্যবাদ দিই, তথাপি তাঁহার করুণা ব্যক্ত করা যায় না, তাঁহার ধন্যবাদের শেষ হয় না, তাঁহার যে কত করুণা হৃদয়ই তাহার সাক্ষী, বাক্য তাহা বলিয়া শেষ করিয়া উঠিতে পারে না। অন্তরে দর্শন কর, তাঁর হস্ত দেখিতে পাইবে। যখন নিরাশ হৃদে পতিত হইয়া আর উদ্ধারের আশা ছিল না, তখন কোথা

হইতে আশাতরী আসিয়া আমারদিগকে তাহা হইতে উদ্ধার করিল, যখন পাপে তাপিত হইয়া অনুতাপ করিতেছিলাম, তখন কে অনুতাপিত চিন্তে আত্মপ্রসাদ বর্ষণ করিয়া আমারদিগকে শীতল করিলেন। আমারদের করুণাময় মাতা আমারদিগকে সম্বৎসর কাল তাঁহার ক্রোড়ে রক্ষা করিয়াছেন, এখানে থাকিয়া এখনি আমারদিগকে প্রীতি দৃষ্টিতে দর্শন করিতেছেন। সম্বৎসর কাল যে সকল ভোগ উপভোগ করিয়াছি, তজ্জন্য তাঁহার চরণে প্রণিপাত করিতেছি অদ্য রাত্রিতে এক হইয়া যে ভাবে আগমন করিয়াছি, ঈশ্বর তাহা জানিতেছেন, আমরা যাহা কিছু কৃতজ্ঞতা তাঁহাকে উপহার দিতেছি, তিনি তাহা গ্রহণ করিতেছেন। সম্বৎসর কালের জন্য কৃতজ্ঞতা উপহার দিতে আসিয়াছি এখানে কেহ বিক্ষিপ্ত চিন্তা হইও না, তাঁকে স্মরণ করিতে এসময়ে অবহেলা করিও না, কৃতজ্ঞতাকে উচ্ছৃমিত করিয়া—প্রীতিকে উজ্জ্বল করিয়া তাঁহার পদতলে অর্পণ কর, তিনি পরম পিতা পরম বন্ধু। আইস আমরা অকৃত্রিম প্রেম পূর্ণ হৃদয়ে একস্বরে তাঁহাকে ধন্যবাদ প্রদান করি। হে নাথ! তুমি জীবন দাতা মুক্তি দাতা, তোমার ইচ্ছাতে ব্রাহ্ম সমাজ উৎপন্ন হইল, তোমার ইচ্ছাতে ইহা রক্ষিত হইতেছে এবং দিন দিন উন্নত হইবে। এই সমাজে আসিয়া তোমাকে দেখিতে শিক্ষা করিয়াছি, সপ্তাহে সপ্তাহে মাসে মাসে বৎসরে বৎসরে তোমাকে ভক্তি প্রীতি উপহার দিয়াছি। তুমি এখন এই সমাজকে চিরস্থায়ী কর, দিন দিন ইহাকে উন্নত কর, এই আমারদের প্রার্থনা।

ওঁ একমেবাদ্বিতীয়ং

—০০০—

বীরভূমের শ্রীযুক্ত বাবু ভুবনমোহন

সিংহ মহোদয়ের বাটীতে

ব্রহ্মোপাসনা।

১৮ চৈত্র ১৭৮৩ শক।

শ্রীযুক্ত প্রধান আচার্য মহাশয় বেদীতে আসীন হইয়া আদেশ করিলেন যে, আমরা পুনর্বার এখানে উপাসনার নিমিত্তে সকলে একত্র সম্মিলিত হইয়াছি। কেমন তাঁর করুণা, আমরা এক মাস পূর্বে এখানে সকলে মিলিত হইয়া তাঁহার চরণে পূজোপহার প্রদান করিয়াছি; আবার অদ্য সেই স্নেহময় পিতার নাম এখানে প্রতিধ্বনিত হইবে। আমরা এখনো জানি না যে তাঁর কত করুণা-বারি আসিয়া অদ্য আমারদিগকে সিক্ত করিবে। যেমন বর্ষা কালে তাঁহার করুণা-বারি একবার বর্ষিত হইয়াই ক্ষান্ত হয় না, তদ্রূপ তাঁর রূপা আসিয়া যে গৃহে পতিত হয়, তাহা এক বার পড়িয়াই নিরস্ত হয় না; কিন্তু বার বার সেই গৃহকে অমৃত সলিলে সিক্ত করে। অদ্য তাঁর করুণা পুনর্বার আমারদিগের হৃদয়কে অধিকার করিয়াছে; আমরা সকলে ভ্রাতৃ-ভাবে মিলিত হইয়াছি; আমারদিগের মনের শ্রদ্ধা ভক্তি প্রীতিধ্বনিই উপাসনারূপে ঈশ্বরের চরণে সমুপস্থিত হইতেছে। অদ্যকার এই রজনীর সমাগমে তাঁরই জ্যোতি—তাঁরই আলোক প্রকাশ পাইতেছে; কিন্তু আমারদের চর্ম-চক্ষুতে তাহা প্রকাশ পায় না। এ চর্ম-চক্ষুর এমন কি মহত্ত্ব, কি মর্যাদা যে সেই জ্ঞান-জ্যোতিকে দর্শন করে; এ চক্ষুর এমন কি ক্ষমতা যে সেই চক্ষুর চক্ষুকে গ্রহণ করে। তবে কে গ্রহণ করিতে পারে? না আমারদের এই জ্ঞান-চক্ষু; ইহার দ্বারা আমরা তাঁহাকে সর্বত্রই দর্শন করি—অদ্যই আমারদের

হৃদয়ে তাঁহার মূর্তি আবির্ভূত হইয়াছে, আমরা এখন তাঁহাকে দেখিয়া ধন্য ধন্য হইতেছি। তোমরা সকলেই মনকে সমা- হিত করিয়া তাঁহার করুণা অনুভব কর, দেখিবে যে জ্ঞান-চক্ষুতে সেই জ্ঞান-স্বরূপ অবতীর্ণ হইয়াছেন। হৃদয়ে তাঁর মঙ্গল-মূর্তি প্রত্যক্ষ কর, তাঁর ইচ্ছার সহিত ইচ্ছা-কে সম্মিলিত কর, যাহা বুঝিতে পারি নাই, তাহা বুঝিতে পারিবে, হৃদয় প্রশস্ত হইবে দ্বেষ কলহ বিদূরিত হইবে, সৌভাগ্য-সমীর্ণ বহমান হইবে। তাঁহার এই প্রকার করুণা আমার নিকটে উপলব্ধ হইতেছে। হে মাধু সজ্জন-সকল! তোমরা হৃদয়ধারের প্রতি হৃদয়কে সমুন্নত কর; তোমাদের মন, তোমাদের চক্ষু, তোমাদের হস্ত তাঁহার প্রতি উত্তোলন কর; সঙ্গীত দ্বারা তাঁহার অর্চনা কর—ত্রিভুবন-নাথের গান কর।

রাগিনী কানেড়া—তাল চৌতাল।

হো! ত্রিভুবন-নাথ! স্মরণে হয় আনন্দ।  
তবসেতুধর; পরম কারণ।

জগন্নাথ, জগদীশ, জগতগুরু, জগ জন-হিত-  
কারণ, হে পাবন, ভক্তবৎসল তবতারণ।

পরব্রহ্ম পরমেশ্বর, পতি, সুরপতি, অতি  
জ্যোতির্ময় আনন্দরূপ; তব প্রতাপ কোথায় না  
হয় স্মরণ সর্বলোক-প্রতিপালন।

তৎ পরে ব্রহ্মোপাসনা আরম্ভ হইল এবং  
তাঁহার শেবে প্রধান আচার্য মহাশয় ব্যাখ্যান  
করিলেন যে,

“তৎ বেদ্যং পুরুষং বেদ যথা মা  
বো মৃত্যুঃ পরিব্যথাঃ”।

সংসার মৃত্যুরই প্রতিকৃতি। সংসারে  
যারি জন্ম, তারি মৃত্যু; যারি বৃদ্ধি,  
তারি ক্ষয়; সংসার কেবল পরিবর্তনের  
আলয়। এ পৃথিবীতে এক সময়ে যে

সকল অত্র-ভেদি অট্টালিকা, স্বর্ণ-সো-  
পান-রূপে আকাশ-পথে সমুপ্তিত হইয়া-  
ছিল, তাহারাও অস্থখ-মূলে ওতপ্রোত  
হইয়া অন্তিম দশা ব্যক্ত করিতেছে; কোন  
স্থানে আবার বালুকা-রাশির মধ্য হইতেও  
উচ্চতম শ্রাসাদ-সকল সমুপ্তিত হইয়া চতু-  
র্দিকস্থ মরু-ভূমির প্রতি হাম্য বিস্তার ক-  
রিতেছে; যেখানে এক সময়ে ব্যাঘ্র ভল্লু-  
কের আবাস-স্থল ছিল, সেখানে হয় তো  
ব্রহ্মানন্দ-ধনি উপ্তিত হইতেছে; যেখানে  
এক সময় জঙ্গলে পূর্ণ ছিল, তাহাই হয়  
তো বাণিজ্যের প্রধান ভূমি হইয়াছে; যাহা  
এক সময় অতুল-কীৰ্ত্তি-মগ্ন রাজ-নগর  
ছিল, সে নগর ব্যাঘ্র ভল্লুক কর্তৃক এখন  
আবাস্য হইয়াছে; যেখানে শ্রোতস্বতী  
নদী পৃথিবীকে উর্ধ্বর করিত, সে স্থান  
বালুকা-রাশিতে পূর্ণ হইয়াছে, নদী সে স্থান  
হইতে অন্য স্থানে আবার প্রবাহিত হই-  
য়াছে। পৃথিবীতে কিছুই স্থির নাই, সক-  
লই পরিবর্তন। যে সময় যৌবনের স্ফূর্তি-  
তে শরীর দীপ্তি পায়, সেই সময়েই হয়  
তো মৃত্যু আসিয়া তাহাকে আক্রমণ  
করে; এখন যখন আমি এমন আনন্দে  
ঈশ্বরের গুণ-কীর্তন করিতেছি; এখন হয়  
তো মঙ্গল নিধান মৃত্যু আসিয়া আমাকে  
এ লোক হইতে দেব-লোকে লইয়া যাইতে  
পারে; যে রমনা এক্ষণে ঈশ্বরের স্তুতিবাদ  
করিতেছে, সে রমনা হয় তো জড়বৎ হইবে;  
যে শরীর পুলকে রোমাঞ্চিত হইতেছে,  
তাহা অবসন্ন হইবে; যে হস্ত মুছমুছ উ-  
ত্তোলিত হইতেছে, তাহা হয়ত স্পন্দবিহীন  
অসাড় হইয়া পড়িবে; যে নেত্র হইতে  
উৎসাহ-জ্যোতি বিকীর্ণ হইতেছে, সে চক্ষু  
এখন জ্যোতিঃ শূন্য হইবে; যে হৃদয়-  
শোণিত ঈশ্বর-প্রেমে উচ্ছ্বসিত হইয়া এমন  
ক্রতগতি গমন করিতেছে, তাহা নিস্পন্দ

হইয়া যাইবে। এই পরিবর্তনশীল সং-  
সারের মধ্যে ক্রম অপরিবর্তনীয় কে? পৃ-  
থিবী যদি গলিত হইয়া যায়, পর্বত-সকল  
যদি চূর্ণ হইয়া যায়, সমুদ্র যদি শুষ্ক হইয়া  
যায়; তথাপি তাঁহার কখন ভাবান্তর নাই—  
তিনি সর্বদাই অপরিবর্ত-স্বভাবই থাকি-  
বেন। আমরা যেন সেই শ্রোতস্বতী  
প্রীতিতেই হৃদয়কে অবগাহিত করি—  
সেই অপরিবর্তনীয়তেই দেহ মন অর্পণ  
করি। যদি শরীর যায় তাহাতে কি?  
আমার তো বিনাশ নাই—আত্মার তো  
বিনাশ নাই। দেহ ভঙ্গ হইলে আত্মা  
ঈশ্বরের আশ্রয়ে সমুন্নত হইবে। এই  
আশাতে ভয় ভয়-শূন্য হইতেছে, মৃত্যু  
আনন্দ-সোপান রূপে প্রতীয়মান হইতেছে।  
দেখ, এমন যে মৃত্যু-ভয় সেও আমারদিগকে  
ভয় দিতে পারে না। সেই অপরিবর্তনী-  
য়ের সহিত যোগ হইলে অপরিবর্তনীয়  
আনন্দ লাভ হয়। যদি স্বীয় আত্মাকে সেই  
পরমাত্মার সহিত মিলিত করি, সে যোগের  
আর অন্ত হয় না—সে আনন্দের আর ক্ষয়  
হয় না; নতুবা যত ধন সঞ্চয় করিবে,  
ততই মৃত্যুকে ভয় করিতে হইবে। “তেন  
ত্যস্তেন ভুঞ্জীথামা গৃধঃ কশ্মশ্বিননং।”  
বিষয়-লালসা পাপ-চিত্তা পরিত্যাগ করিয়া  
ব্রহ্মানন্দ উপভোগ করিবে, কাহারো ধনে  
লোভ করিবে না। সংসারাসক্ত ব্যক্তি  
মৃত্যু-সময়ে ধনমোহেতে বিপদ-মাগরে প-  
তিত হয়; কিন্তু পৃথিবীর ধনে মানে যার  
আসক্তি নাই, ঈশ্বরকে লাভ করিলেই  
যার সর্বপ্রাপ্তি হয়; তাঁহার যখন মৃত্যু-সময়  
উপস্থিত হয়, তিনি বিদেশ হইতে স্বদেশ-  
গমনের আনন্দ লাভ করেন। তখন আর  
তাঁহার শরীরকে কেহ আঘাত দিতে পারে  
না, কঠোর মনুষ্য তখন আর তাঁহাকে  
স্বৈচ্ছাক্রমে নির্যাতন করিতে পারে না।

তাঁহার পরাধীনতা চলিয়া গেল; ঈশ্বরেতে  
প্রাণ অর্পিত হইল। তিনি এই পরিবর্ত-  
নশীল সংসারে অপরিবর্তন-স্বরূপে আ-  
পনাকে অর্পণ করিয়াছেন, তিনি জানি-  
তেছেন মৃত্যু হইলেই বা কি। তিনি  
পরলোকে দেবতাদের সহিত সম্মিলিত  
হইয়া ঈশ্বরের স্তুতিগান সহস্র স্বরে ধ-  
নিত করিবেন, ঈশ্বরের ইচ্ছার সহিত  
আপন ইচ্ছাকে মিলিত করিয়া তাঁহার  
প্রিয়কার্য সাধন করিবেন। ইহ জী-  
বন-নিশার প্রভাত সময়ে যখন প্রথম প্রা-  
তঃকালে সেই পরমাত্মা-সূর্যের উষার ভাব  
প্রত্যক্ষ হইবে, তখন আমাদের আত্মা  
আনন্দে কেমন উচ্ছ্বসিত হইবে! কেমন  
আশ্চর্য্যে স্তব্ব হইবে! সেই ভাব অনু-  
ধাবন করিবার জন্য আমরা পৃথিবীতে  
মনুষ্য জন্ম গ্রহণ করিয়াছি, ইহারই জন্য  
ঈশ্বরে মাধু প্রীতি অর্পণ করিতেছি, তাঁহাকে  
লাভ করিবার জন্যই তাঁহার উপাসনা করি-  
তেছি। যাহাতে আমরা তাঁহার প্রতি ভক্তি  
শ্রদ্ধা প্রীতি সমর্পণ করিতে পারি, এই  
জন্যই তিনি আমাদের শুভ বুদ্ধিতে ব্যক্ত  
করিয়াছেন যে, “পিতামহস্য জগতো মাতা  
ধাতা পিতামহঃ।” ‘আমি সমুদয় জগতের  
পিতা মাতা ধাতা ও পিতামহ’। যখন  
পিতা মাতা ধাতা বলিয়া মাফাৎ তাঁহাকে  
প্রতীতি হয়, প্রকৃত উপাসনা তখন তাঁহার  
প্রতি উপ্তিত হয়। আমরা তাঁরই উপা-  
সনার জন্য জন্ম গ্রহণ করিয়া কেবল কি  
পশুবৎ আহার নিদ্রাতেই সময় ক্ষেপণ  
করিব? কেবল কি বৃক্ষের ন্যায় উৎপন্ন  
হইব? আর শস্তের ন্যায় বিনাশ পাইব?  
কখনই না। আমরা পরলোকে সেই  
দেবতাদের সঙ্গে একাধীন হইয়া, সেই  
সকলের সমুজ্জনীয় পরম পিতার চরণে  
প্রীতি-অঞ্জলি প্রদান করিব—সেই উপা-

সক দেব-নগুরীর মধ্যে, সেই দীপ্তিমান ব্রাহ্ম সমাজের এক জন ব্রাহ্ম হইয়া প্রীত মনে সমস্তের মহত্বেরে তাঁহার পবিত্র নাম গান করিব! আমারদের পশু পক্ষির ন্যায় আহাৰ বিহারই সৰ্বস্ব নহে; আমরা বৃক্ষের ন্যায় উৎপন্ন হইয়া শস্যের ন্যায় ধ্বংস হইব না; কিন্তু উন্নত হইয়া দেবলোকে গমন করিয়া ঈশ্বরের মহিমা গান করিব; তাঁহার আদেশ পালন করত তাঁহারই গুণ কীর্তন করিতে থাকিব। তাঁহাতে সমর্পণ করিবার জন্য আমরা হৃদয় পাইয়াছি, তাঁহার হস্তে আপনাকে সমর্পণ করিলে দ্বেষ কলহ দূরীভূত হয়, শত্রুতা বিনাশ পায়, প্রেম ও সন্তাব উজ্জ্বল হয়, বন্ধুতা হৃদয়ে বিরাজ করে। যখন তাঁহার উজ্জ্বল সন্নিধানে উপনীত হই, তখন হৃদয়ে আর পুণ্য পাপের উত্তেজনা থাকে না; চন্দ্র যেমন রাসুর মুখ হইতে মুক্ত হয়, আমরাও তখন সেই প্রকার মৃত্যুর মুখ হইতে প্রমুক্ত হই। এমন অবস্থাকে অবহেলন করিও না, কিন্তু হিতৈষী ব্যক্তির সাধু উপদেশ অবলম্বন করিয়া তাঁহার পথের পথিক হও। এমন আনন্দ আর কোথাও মিলিবে না। ক্ষুদ্র স্নেহের জন্য লালায়িত হইয়া কি হইবে? পৃথিবীর রাজা হইয়া কি হইবে? দশ দিনের জন্য রাজা হওয়া নিত্য কাপের সহিত গণনাতেই আইসে না। আমরা নিত্য কাল তাঁহার সহচর থাকিব, নিত্যকাল তাঁহার পদবীতে পদ নিষ্ফেপ করিব, এ আশা এ অধিকারের নিকট আর কিমের তুলনা হইতে পারে? অতএব তোমরা অকপট-ভাবে সরল হৃদয়ে তাঁহার শরণাপন্ন হও। তাঁহার পূজার জন্য বাহ্যিক আয়োজনের প্রয়োজন নাই; সদ্যঃ প্রস্তুত হৃদয়ের প্রীতি-পুষ্পই তাঁহার অর্চনার পরম সামগ্রী; তাহাই তাঁহার চরণে

বিকীরণ কর। হৃদয়-খাল-ভার ভক্তি-পুষ্প-হার তাঁহার পদতলে অর্পণ কর। তাঁহার পূজার জন্য ধন বায়ের আবশ্যিক নাই, হৃদয়ই আমাদের পরম ধন। হৃদয় হইতে যে পুষ্প উত্তোলন করিয়া তাঁহাকে সমর্পণ করি, তাহাই তিনি প্রীতি পূর্বক গ্রহণ করেন; তাহা ব্যতীত অন্য যাহা কিছু, তাহা তিনি স্পর্শও করেন না। যদি আমরা প্রীতি পূর্বক কিছু দিই, তবে তিনি প্রীতির সহিত কেন না তাহা গ্রহণ করিবেন? লোকের নিকট কপটতা পূর্বক সাফাঙ্গ প্রণিপাত করিতে পারি—প্রীতি শূন্য হইয়াও মনুষ্যকে প্রীতি দর্শাইতে পারি—কৃত্রিম ভাবে তাহাকে বঞ্জন করিতে পারি; কিন্তু যার নিকটে আমাদের হৃদয়ের অন্তরতম প্রদেশ ও সূর্যালোকের ন্যায় প্রকাশ পায়; কপটতা সেই জ্ঞানজ্যোতির নিকট কি করিবে? ঈশ্বরকে আমরা বাহিরের বস্ত্র দিই, আর নাই দিই; তাহাতে কিছু ক্ষতি বৃদ্ধি নাই। চাই আমরা তাঁহাকে পুষ্প দিয়া অর্চনা করি, চাই তাঁহাকে নূতন ফল ফুল প্রদান করি; ভক্তিপূর্বক দিলেই তিনি তাহা গ্রহণ করেন। শরীর দ্বারা তাঁহার যে পূজা তাহা নিরুফ পূজা; আধ্যাত্মিক পূজাই তাঁহার যথার্থ পূজা। বাহ্যিক বস্ত্র লোককেই ভুলাইতে পারে। অতএব আমি বলিতেছি ঈশ্বরের পূজার জন্য পুষ্পের প্রয়োজন নাই। আমরা প্রীতিশূন্য হৃদয়ে যদি তাঁহাকে রাশি রাশি পুষ্প অর্পণ করি, তিনি সেই মহত্ব পুষ্পের একটি পত্রও গ্রহণ করেন না; আর যদি কিছুই না দিয়া কেবল হৃদয়-সমীরণই তাঁহার নিকট প্রেরণ করি, তাহা বৃথা যায় না। অতএব অদ্য অন্তঃকরণের সহিত তাঁহার পূজার সামগ্রী তাঁহার নিকটে বহমান কর, এমন ছলভ সময় শীঘ্র আইসে না; মাসের

পূর্বে এক বার আসিয়াছিল, আর এই মাসের পরে এক বার আসিয়াছে; অতএব এখন যখন তাঁহার পূজার জন্য এক বার মিলিত হইয়াছি, এমন ছলভ সময় যেন বৃথা চলিয়া না যায়। আমরা এক পদ অগ্রসর হইলে তিনি মহত্ব পদ অগ্রসর হইয়া আমাদের দিকে তাঁহার ক্রোড়ে গ্রহণ করেন। এক বিন্দু প্রীতি তাঁহাতে অর্পণ করিলে তিনি প্রেমভরে আমাদের দিকে আলিঙ্গন করেন। যদি মাতাকে দেখিয়া শিশু তাঁহার নিকট স্থলিত বেগে দৌড়িয়া আইসে, তবে মাতা যেমন অশ্রু-পূর্ণ-নয়নে প্রত্নাদমন করিয়া তাহাকে আপন ক্রোড়ে উত্তোলন করেন; সেইরূপ আমরা ঈশ্বরের নিকট যাইতে ইচ্ছা করিলেই তিনি আমাদের দিকে ক্রোড়ে লইবেন, তিনি বিস্তৃত হস্তে আমাদের দিকে গ্রহণ করিবেন, তিনি আমাদের ধূলি-ধূসরিত অঙ্গকে বস্ত্রাঞ্চলে পরিমার্জন করিবেন। যখন জরায়ু-শয্যায় নিরাশ্রয়ে শয়ান ছিলে, তখন যিনি সহায় ছিলেন; যিনি অজস্র স্নেহে পৃথিবীকে পূর্ণ করিলেন; তাঁহাকে দান করিবার জন্য কি এক বিন্দুও কৃতজ্ঞতা নাই? অকৃতজ্ঞ হইয়া কি প্রকারে ভদ্র নামের যোগ্য হইবে? তোমরা কি তাঁহার প্রীতির কিছু মাত্রও প্রতিক্রিয়া করিবে না? তাঁহাকে কি এক বিন্দু কৃতজ্ঞতাও উপহার দিবে না? সকল কর্ম্মতে সময় হয়, কেবল তাঁহার উপাসনার সময়েই সময় থাকে না। দিবসে ধনাজ্জন চেষ্টাতে দ্বাদশ ঘণ্টা কাল চলিয়া যায়, রাত্রিতে তাহার উদ্বেগে নিদ্রা হয় না। এক টুকুও সময় পাও না যে সেই পুরাতন পিতাকে একবার প্রীতির সহিত উপাসনা কর। প্রাণ পর্য্যন্ত যাইবার সময় হইয়াছে, এখনো একবার ঈশ্বরের শরণাপন্ন হইলে না? এমন কঠোর

হৃদয় হে পরমেশ্বর কাহারো যেন না হয়। সকলের মন তোমার প্রতি আকর্ষণ কর। ধনের জন্য ধনী স্তুতি করিতে হয়, দেশ বিদেশ পর্য্যটন করিতে হয়; তোমার নিকটে যাইতে হইলে ইহার কিছুই আবশ্যিক করে না—আমরা এখানে বসিয়াই তোমাকে লাভ করি। তুমি যথার্থ রূপে যথা-যুক্ত-রূপে দণ্ড পুরস্কার দিয়া আমাদের দিকে নিয়তই তোমার ক্রোড়ে আকর্ষণ করিতেছ। তুমি ন্যায়বান্ রাজা, করুণাময় পিতা; তুমি দেওর জন্য দেও দেও না, দেওই তোমার করুণা; তোমার দেওই আমাদের পুরস্কার। তোমার পূজার জন্য আমরা একত্র হইয়াছি। হে পরমাত্মন! তুমি যে প্রকার করুণা আমাদের প্রতি প্রতিনিয়ত বর্ষণ করিতেছ, আমরা কি দিয়া তাহার প্রতিক্রিয়া করিব! আমাদের কি আছে যে তোমাকে দান করিব! তুমি এখনই আমাদের সকলের মনকে তোমার দিকে লইয়া যাও। এই আমার প্রার্থনা।

ও একমেবাদ্বিতীয়ং

বেহালা ব্রাহ্মসমাজের নববর্ষের

প্রথম দিবসের ব্রহ্মস্তুত্র।

হে পরমাত্মন! অদ্য আমরা তোমার প্রমাদে নব বর্ষের প্রথম দিবসে পদাৰ্পণ করিলাম। গত বর্ষে তুমি আমাদের দিকে কত যত্নে কত স্নেহে লালন পালন করিয়াছ—ইন্দ্রিয় জনিত বিষয় জনিত ধর্ম জ-নিত কত প্রকার স্নেহই স্মৃখী করিয়াছ—প্রতি নিমেষে প্রতি নিঃশ্বাসে কত যত্নের সহিতই আমাদের দিকে রক্ষা করিয়াছ! সঘৎসরের কথা দূরে থাকুক তোমার এক নিমেষের করুণা স্মরণ হইলে প্রেমাত্মক স্মরণ করা কঠিন হইয়া উঠে, সম্পদে বি-

পদে সুখ ছুখে সুস্থাস্থ সুকল অবস্থা-  
তেই তুমি আমারদিগের প্রতি অজস্র ক-  
রুণা বর্ষণ করিয়াছ। শারদীয় রজনীর  
সুধাময় জ্যোৎস্নায়, বর্ষা ঋতুর প্রত্যেক  
বারি ধারায়, বসন্ত বায়ুর প্রতি হিল্লোলেই  
তুমি আমারদিগের প্রতি অকপট স্নেহ  
প্রকাশ করিয়াছ। দিনমণির প্রতিদিনের  
উদয়াস্তে, প্রতি পক্ষের গমনাগমনে,  
প্রতি ঋতুর পরিবর্তনে আমরা তোমার  
আনন্দ রাজ্যে নূতন নূতন সুখ স্বচ্ছন্দতা  
লাভ করিয়া জীবন ও সুখে বর্দ্ধিত হই-  
য়াছি, আবার অদ্য নমস্কার পূর্বক তোমার  
নব বর্ষের অভিনব সদাভ্রতে আতিথ্য স্বী-  
কার করিতে প্রবৃত্ত হইতেছি। তুমিও রূপা  
করিয়া আমারদিগের সম্মুখে অশেষ সু-  
খের উৎস দ্বার উন্মুক্ত করিয়া দিতেছ—  
তুমি এখনি আমারদিগের জ্ঞান নেত্রের  
সম্মুখে স্বীয় নিষ্কলঙ্ক মঙ্গল মূর্তি প্রদর্শন  
করিয়া আশা অঙ্কুর বর্দ্ধিত করিতেছ।

জগদীশ! কোথা হইতে তোমার ক-  
রুণা কীর্তন করিতে আরম্ভ করিব, কো-  
থায় যে শেষ করিব কিছুই ভাবিয়া স্থির  
করিতে পারি না। তোমার সকল কার্যই  
করুণার কার্য, সকল ব্যাপারই করুণার  
ব্যাপার। তোমার করুণা গণনা ও ধারণা  
করে কাহার সাধ্য। গঙ্গা যেমন হিমালয়  
হইতে উৎসৃত হইয়া বহু যোজন যোজন  
ভূমিকে সিক্ত করিয়া সমুদ্রাভিমুখে গমন  
করিতেছে সেই রূপ তোমার অনন্ত করুণা  
স্রোত স্রষ্টি কাল হইতে প্রবাহিত হইয়া  
সমুদায় পৃথিবীকে আদ্রীভূত করিতেছে;  
নদীর প্রবাহ শুষ্ক বা পরিবর্তিত হইবার  
সম্ভাবনা আছে, কিন্তু নাথ! তোমার অ-  
শেষ গভীর সুখ সিন্ধুর রূপান্তর বা ভাবা-  
ন্তর হইবার সম্ভাবনা নাই। এই পৃথিবীর  
প্রথম দিবসে, যে দিনে নব প্রসূত সূর্য্য

চিরাজ্জকার ভেদ করিয়া উদ্ভিত হইল—যে  
দিনে চন্দ্রমা শত সহস্র সহস্র সহস্র নভো-  
মণ্ডলে উদ্ভিত হইয়া তোমার অনুপম যশ  
ঘোষণার ভার গ্রহণ করিল, সে দিনে যেমন  
তুমি প্রীতির সহিত ভূমণ্ডলকে সন্দর্শন  
করিয়াছিলে এখনও তুমি তেমনি প্রীতির  
সহিত আমারদিগকে নিরীক্ষণ করিতেছ।  
তোমার প্রেম ধারা অনন্তকাল পর্য্যন্ত সম-  
ভাবেই বর্ষিত হইবে। আমরা মোহে  
অন্ধ—পাপে মলিন হইলেও তুমি আমার  
দিগের প্রতি করুণা বিতরণে কখনই ক্রান্ত  
হইবে না। তোমার সূর্য্য যেমন শুদ্ধা-  
শুদ্ধ সকল স্থানেই কিরণ বর্ষণ করে সেই  
রূপ তুমিও সবল দুর্বল সাধু অসাধু সকল-  
কেই প্রীতি দান করিতেছ।

এখন দুর্বলতা বশতঃ মনের ভাব  
তোমার সন্নিধানে ব্যক্ত করিতে সমর্থ না  
হইলেও তুমি আমারদিগের মনোমন্দিরে  
বিরাজমান থাকিয়া হৃদয়ের প্রকৃত ভাব  
অবলোকন করিতেছ। জননী যেমন স্বীয়  
দুঃখ পোষ্য শিশুর প্রতিবারের জন্মন  
ধনিত্তেই তাহার মনোগত ইচ্ছা বুদ্ধিতে  
পারেন সেই রূপ তুমি আমারদিগের প্রতি-  
বারের অশ্রু ধারা নিপতনেই মনের যথার্থ  
ভাব স্পর্শ অবগত হইতেছ।

নাথ! তোমার করুণার এমনি মহীয়সী  
শক্তি যে পর্বত সমান মোহ রাশিতে তো-  
মার করুণার এক বিন্দু মাত্র পতিত হইলে  
তৎক্ষণাৎ তাহা তস্মীভূত হইয়া যায়—  
পাষণ-হৃদয়ে পতিত হইলে তাহা তখনই  
বিগলিত হইয়া যায়।

যখন তোমার নিষ্কলঙ্ক কারুণ্য স্বরূপ  
মানব হৃদয়ে প্রতিভাত হয় তখন সে  
ব্যক্তি অবাচ্ হইলেও বাকশক্তি লাভ  
করে—অজ্ঞান হইলেও জ্ঞানোপদেশে  
সমর্থ হয়।

হে পরমাত্মন! গত বৎসরে যে রূপ  
তুমি আমারদিগকে বিবিধ বিষ হইতে  
উদ্ধার করিয়াছ সেই রূপ এই অভিনব  
বর্ষে তুমি আমারদিগকে রক্ষা কর।

তুমি আমারদিগকে পাপ তাপ হইতে  
বিমুক্ত কর এবং তোমার পবিত্র চরণের  
মঙ্গল ছায়া আমারদিগের আত্মার উপরে  
বিস্তার করিয়া তাহাকে সংসারানলের বিষ-  
ময় উত্তাপ হইতে নিস্তার কর। তুমি  
আমারদিগের হৃদয়ে নবানুরাগ ও নব  
উৎসাহ প্রেরণ কর, আমরা তোমার অনু-  
গত পুত্র হইয়া যেন অকুতোভয়ে তোমার  
ধর্ম প্রচার করিতে পারি—তোমার মহি-  
মাকে মহীয়ান করিতে সমর্থ হই।

হে সুহৃৎ! তুমি আমারদিগের ধর্ম-  
ব্রত প্রতিপালনে সহায় হও। আমরা  
ক্লতজ হৃদয়ে তোমাকে বার বার নমস্কার  
করিয়া নব বর্ষের অভিনব সুখ সম্ভোগে  
প্রবৃত্ত হই।

ঐ একমেবাদ্বিতীয়ং

—ooo—

## বৈদিক ধর্ম ও বৈদিক আচার ব্যবহার।

২২৫ সংখ্যক পত্রিকার ১৩ পৃষ্ঠার পর।

বাজমনেয় সংহিতোপনিষৎ নিতান্ত  
ক্ষুদ্র গ্রন্থ, ইহা সর্ব শুদ্ধ ১৮ টি শ্রুতিতে  
পর্য্যবসিত হইয়াছে। ইহা বাজমনেয় সংহি-  
তার পরিশিষ্ট ও সারাংশ স্বরূপ। গুরু  
স্বীয় শিষ্যকে বিবিধ ধর্মানুষ্ঠান বিষয়ক  
শিক্ষা প্রদান করিয়া এই উপনিষদে তাহার  
শেষ উপদেশ কহিয়াছেন। ইহার মতে  
মনুষ্যের পক্ষে দুইটি পথ প্রস্তুত আছে,  
প্রথম ব্রহ্মজ্ঞান, দ্বিতীয় বেদবিহিত কর্ম্ম-  
নুষ্ঠান। বাহারা ব্রহ্মের স্বরূপ উপলব্ধি

করিতে সক্ষম, তাহারা সকল বস্তুতে ঈশ্ব-  
রের আবির্ভাব দেখিবেক এবং সংসারাসক্তি  
পরিহার করিবেক। যখন মনুষ্য সেই  
অমৃত পুরুষকে জানিতে পারেন, তখন তিনি  
শোক মোহ ত্যাগ করেন। অপর বাহারা  
অজ্ঞানতা প্রযুক্ত ব্রহ্মকে জানিতে না পারে  
তাহারা বেদ বিহিত যাগ যজ্ঞাদি অনুষ্ঠান  
করিবেক। এই উভয় প্রকার সাধনা দ্বারা  
মৃত্যুর পরে সুখী হয় এবং ক্রমে উচ্চতর  
লোকে গমন করে।

তলবকারোপনিষৎ অথর্ব ও সামবেদের  
অন্তর্গত। ইহাতে সর্ব শ্রুতি পরব্রহ্মের  
অনন্ত জ্ঞান ও অসীম শক্তির পরিচয় বিশেষ  
রূপে উল্লিখিত হইয়াছে। যিনি শ্রুতি,  
তিনি সমস্ত সৃষ্টি পদার্থ হইতে ভিন্ন, যিনি  
জগৎ কারণ, তিনি জগৎ হইতে পৃথক, ইহা  
সুস্পর্শ রূপে প্রদর্শিত হইয়াছে। “অনা-  
দেব তদ্বিতাদখো অবিতাদাধি” তিনি  
বিদিত কি অবিতিত সকল বস্তু হইতে ভিন্ন,  
তিনি মনুষ্যের ক্ষুদ্র বুদ্ধির গম্য নহেন।  
বাহারা মনে করে যে ব্রহ্মকে জানিয়াছি  
তাহারা তাঁহাকে জানে না। এই উপনিষদ  
কেনোপনিষৎ নামে খ্যাত আছে, কারণ  
ইহার প্রথম শ্রুতি “কেন” এই শব্দে  
আরম্ভ হইয়াছে। সমুদায় উপনিষদের  
মধ্যে কঠোপনিষদই সর্বোৎকৃষ্ট গ্রন্থ।  
ইহাতে যে প্রকার উন্নত গভীর ভাব ও উৎ-  
কৃষ্ট প্রসঙ্গ দেখিতে পাওয়া যায়, তাহা  
অন্য কোন উপনিষদেই প্রায় দৃষ্ট হয় না।  
এই উপনিষদের প্রারম্ভেই উপন্যাস ছিলে  
নচিকেতা ও যমের পরস্পর আত্মা ও ধর্ম  
বিষয়ক বিবিধ প্রকার প্রশ্নের প্রশ্নোত্তর  
রচিত হইয়াছে। নচিকেতা নামক কোন  
ঋষি তনয় স্বীয় পিতা কর্তৃক যম নিকেতনে  
প্রেরিত হইয়াছিলেন, তিনি তথায় গমন  
করিয়া যমের আশ্রয় গ্রহণ করিলেন এবং

যম তাঁহার প্রতি তুষ্ট হইয়া বর প্রার্থনা করিতে কহিলেন।

নচিকেতা জিজ্ঞাসা করিলেন।

যেষম্পৃতে বিচিকিৎসা মনুষ্যস্তীত্যোকে নায়মস্তীতি ঠেকে। এতদ্ বিদ্যামনুষ্টিক্তয়াহং বরাণামেষবরস্তু তীয়ঃ ॥

কেহ বলে মনুষ্যের মৃত্যুর পর আত্মা বিদ্যমান থাকে, কেহ বলে যে তাহা ধ্বংস হয়, এই বিষয় আমি তোমার নিকটে জানিতে ইচ্ছা করি। যম এই গুরুতর কঠিন প্রশ্ন শ্রবণ করিয়া কহিলেন, এই প্রশ্ন অতিশয় দুর্কহ অতএব তুমি আমার নিকট ইহার পরিবর্তে অন্য কিছু প্রার্থনা কর। তুমি ধন দণ্ড, অপরিমিত সুখ সৌভাগ্য প্রার্থনা কর, আমি সে প্রার্থনা পূর্ণ করিব। কিন্তু জ্ঞানামৃত পিপাসু নচিকেতা এই সকল প্রলোভনে বিমোহিত না হইয়া পুনরায় সেই বরই যাচঞা করিলেন, তাহাতে যম তাঁহার একাগ্রতা ও একান্ত জ্ঞান লাভেচ্ছা সন্দর্শন করিয়া আত্মার প্রকৃত লক্ষণ কহিতে আরম্ভ করিলেন।

ন জাযতে নিষতে বা বিপশ্চিমাষকু ভশ্চিন্ন বভুব কশ্চিৎ। অজোনিতাঃ শাস্ততোষম পুরাণে ন হন্যতে হন্যামানে শরীরে। হস্তা চেমন্যতে হস্তং হস্তশ্চেন্যতে হতং। উভৌ তৌ ন বিজানীতো নায়ং হস্তি ন হন্যতে।

জ্ঞানময় আত্মার জন্ম নাই মরণও নাই। ইহা অন্য কোন বস্তু হইতে সৃষ্ট হয় নাই এবং অন্য কোন বস্তুও ছিল না। জন্ম রহিত নিত্য শাস্ত যে এই পুরুষ তিনি হন্যমান শরীরে থাকিয়াও ধ্বংস হন না।

যদি হস্তা মনে করেন যে তিনি আত্মাকে হনন করিয়াছেন, যদি হত ব্যক্তি মনে করেন যে তাঁহার আত্মা হত হইয়াছে, তবে উভয়েই অনভিজ্ঞ কারণ আত্মা হনন করেন। হতও হয় না। এই স্থলে আত্মা জন্ম ও মৃত্যু

বর্জিত বলিয়া স্পষ্ট রূপে উক্ত হইয়াছে। বাস্তবিক জীবাত্মা পরমাত্মার অভিন্নতা প্রায় সকল উপনিষদেই প্রতিপন্ন হইয়াছে। কঠোপনিষদ আদ্যোপান্ত পাঠ করিলে তিনটি স্থল কথা তন্মধ্যে প্রাপ্ত হওয়া যায়। ১ মনুষ্যের প্রধান উদ্দেশ্য কি, ২ জগতের আদিকারণ কে ও তাঁহার স্বরূপ কি, ৩ জগতের সহিত তাঁহার কি সম্বন্ধ। এই কয়েক প্রশ্নের উত্তর ভিন্ন ভিন্ন অধ্যায়ে প্রদত্ত হইয়াছে। মনুষ্য যাহাতে এক্ষণকার পরিবর্তনশীল অবস্থাকে অতিক্রম করিয়া শাস্ত অস্থির অধিকারী হইতে পারে তাহাই তাহার মুখ্য উদ্দেশ্য, এই উদ্দেশ্য কেবল ব্রহ্মজ্ঞান দ্বারা লাভ হইতে পারে।

কিন্তু পরব্রহ্মের প্রকৃত জ্ঞান লাভ করা নিতান্ত দুর্কহ বলিয়া পুনঃ পুনঃ উক্ত হইয়াছে। পরমাত্মা সূক্ষ্ম হইতেও সূক্ষ্ম অতএব তাঁহাকে ইন্দ্রিয় দ্বারা প্রাপ্ত হওয়া যায় না। অতর্ক্যমনু প্রমাণে তর্কের দ্বারা তাঁহাকে প্রতিপন্ন করা যায় না। আশ্চর্য্যো বক্তা—ঈশ্বর বিষয়ক বক্তাও দুর্লভ। নায়মাত্মা প্রবচনেন লভ্যোন মেধয়া ন বহুনা শ্রুতেন—আত্মাকে বেদের দ্বারাও জানা যায় না, মেধা দ্বারাও জানা যায় না এবং বহু শ্রুতি দ্বারাও জানা যায় না। অতএব যখন পরমাত্মা ইন্দ্রিয়ের বিষয় নহেন বুদ্ধি ও তর্কেরও বিষয় নহেন গুরুপদেশ অথবা বেদের দ্বারাও জ্ঞাতব্য নহেন, তবে ইহা জিজ্ঞাস্য হইতে পারে যে মনুষ্য কি প্রকারে তাঁহার জ্ঞান লাভ করে, এই প্রশ্নের উত্তর পশ্চাতের শ্লোকে প্রদত্ত হইয়াছে।

যমেবৈষয়গুতে তেন নত্যাস্তস্যৈষ আত্মা বৃ-  
গুতে তম্বুং স্বাং।

দৃশ্যতে দ্রব্যয়া বুদ্ধ্যা সূক্ষ্ময়া সূক্ষ্মদর্শিতঃ।  
সূক্ষ্মদর্শীরা তাঁহাকে সূক্ষ্ম বুদ্ধি দ্বারা

দৃষ্টি করেন। ঈশ্বরের স্বরূপ জ্ঞান যে আত্মপ্রত্যয় সিদ্ধ তাহাই এই স্থলে সূচিত হইয়াছে।

প্রশ্নোপনিষদ অথর্ব বেদের এক অংশ, ইহা ছয় প্রশ্ন বা অধ্যায়ে বিভক্ত। এক একটি অধ্যায়ে এক একটি প্রশ্নের মীমাংসা প্রদত্ত হইয়াছে। প্রথম প্রশ্নে সৃষ্টি প্রকরণ বিবৃত হইয়াছে। প্রজাপতি প্রজা কামনা করিলেন এবং অনেক কঠোর ত্রতের পর অন্ন ও প্রাণ এই দুইকে সৃজন করিলেন এবং এই দুই প্রকৃতি হইতে সমুদায় জগৎ সৃষ্টি হইল।

দ্বিতীয় প্রশ্নে ভার্গব গুরুকে জিজ্ঞাসা করিতেছেন, হে ভগবন্! মনুষ্য দেহে কত প্রকার ইন্দ্রিয় আছে এবং তন্মধ্যে কোনটি মহৎ? এই প্রশ্নের উত্তরে ইন্দ্রিয় সকলের বিবরণ উল্লিখিত হইয়াছে। তৃতীয় প্রশ্নে প্রাণন শক্তির উৎপত্তির বিষয় বিবৃত হইয়াছে। চতুর্থ প্রশ্নে ভিন্ন ভিন্ন ইন্দ্রিয়ের কার্য ও তন্নিমিত্ত মনুষ্যের সুখ দুঃখের পরিচয় প্রাপ্ত হওয়া যায়। পঞ্চমে সত্য কাম জিজ্ঞাসা করিতেছেন যে, যিনি অবিরত ওঙ্কার ধ্যান করিয়া জীবন যাপন করিয়াছেন তিনি কোন্ লোক প্রাপ্ত হইবেন। তাহাতে গুরু উত্তর করিতেছেন যে, জীবাত্মাও পরমাত্মা উভয়েই ওঙ্কার প্রতিপাদ্য। ওঙ্কার অ-উ-ম এই তিন অক্ষর বিশিষ্ট। যিনি প্রথমাক্ষর জপ করেন তিনি শীঘ্র পৃথিবীতে জন্ম গ্রহণ করেন এবং ক্রমে ব্রহ্ম জিজ্ঞাস্য হইয়া শ্রেষ্ঠ পদ প্রাপ্ত হইবেন। যিনি অ-উ এই দুই অক্ষর জপ করেন তিনি যজুর্মন্ত্রের বলে অন্তরীক্ষে উপস্থিত হইয়া চন্দ্র লোক প্রাপ্ত হন। যিনি ওঙ্কার উচ্চারণ করেন তিনি বৃক যুক্ত সর্পের ন্যায় পাপ বিবর্জিত হইয়া ব্রহ্ম লোকে গমন করেন। ষষ্ঠ প্রশ্নে আত্মার ষোড়শটি অ-

ঙ্গের নাম উক্ত হইয়াছে, যথা প্রাণ আকাশ বায়ু জ্যোতি জল পৃথিবী ইন্দ্রিয় মন অন্ন বল দম মন্ত্র কর্মন সংসার এই ষোড়শবিধ বস্তু আত্মার কার্য সাধন বলিয়া উক্ত হইয়াছে।

মুণ্ডকোপনিষদ তিনটি মুণ্ডক অর্থাৎ অধ্যায়ে বিভক্ত। ইহার প্রথম মুণ্ডকে বেদ ও ব্রহ্মবিদ্যার কথা উল্লিখিত হইয়াছে। এই স্থলে সমুদায় বিদ্যা দুইটি শ্রেণীতে পরিগণিত হইয়াছে, যথা অপরা বিদ্যা এবং পরা বিদ্যা। বেদ বেদাঙ্গ আদি সমুদাই অপরা বিদ্যা, কেবল ব্রহ্মবিদ্যাই স্বরূপ ও সর্ব শ্রেষ্ঠ। এই পরা বিদ্যা ব্রহ্মা সর্বাঙ্গে অথর্ব নামক ঋষিকে শিক্ষা দেন এবং অথর্ব কর্তৃক তাহা পৃথিবীতে প্রচার হইয়াছে। মুণ্ডকোপনিষদে বেদ বিহিত যাগ যজ্ঞাদি অনুষ্ঠানের বিধি যদিও দৃষ্ট হয়, তথাপি সেই সকল অনুষ্ঠান জন্মিত ফল যে নিকৃষ্ট ও অস্থায়ী তাহা পুনঃ পুনঃ প্রদর্শিত হইয়াছে। যাহারা কর্মকাণ্ডের প্রতি নির্ভর করে তাহাদের কর্মজনিত সুখ স্থায়ী নহে, তাহারা যদিও স্বর্গলোক প্রাপ্ত হয় কিন্তু কর্ম ফল ক্ষয় হইলেই পুনরায় পৃথিবীতে প্রত্যাবর্তিত হয় এবং নানা প্রকার দুঃখ ক্লেশ ভোগ করে।

অতএব সংসারের অস্থায়ীত্ব দর্শন করিয়া জ্ঞানী ব্যক্তি তাহাকে পরিত্যাগ করিবেন এবং ব্রহ্মপরায়ণ বেদজ্ঞ গুরুর নিকট উপস্থিত হইয়া ব্রহ্মবিদ্যা শিক্ষা করিবেন। মুণ্ডকোপনিষদে দ্বিতীয় মুণ্ডকে ব্রহ্মের স্বরূপ লক্ষণ বিবৃত হইয়াছে। তৃতীয় মুণ্ডকে সাধক কি প্রকারে ব্রহ্মজ্ঞান লাভ করিবেন এবং সেই জ্ঞানের কি বল তাহা প্রদর্শিত হইয়াছে। জগৎ কারণ ব্রহ্ম সমুদায় জগতে প্রকাশিত আছেন তিনি এক মাত্র সকলের আশ্রয়।

অগ্নিমূর্ত্তী চক্ষুসী চন্দ্রসূর্য্যো দিশঃ শ্রোত্রে বাগ্-  
বিশ্বাশ্চ বেদাঃ। বায়ুঃ প্রণোহুদধং বিশ্বমস্যা  
পদ্ভ্যাং পৃথিবী হেঘসর্ষভুভাস্তরায়া ॥

অগ্নি (স্বর্গ) তাঁহার মন্তক, চন্দ্র সূর্য্য  
তাঁহার চক্ষুর্দ্বয়, দিক্ সকল তাঁহার শ্রোত্র,  
বেদ সকল তাঁহার বাক্য, বায়ু তাঁহার প্রাণ,  
সমস্ত জগৎ তাঁহার অন্তঃকরণ, পৃথিবী তাঁ-  
হার চরণ, তিনি সর্ব্বভূতের অন্তরায়া হইলেন।

তাঁহাকে সাধু ব্যক্তি স্বীয় হৃদয়ের প-  
রম কোষে বিরাজমান দেখিবেন। অপর  
ইহা উক্ত হইয়াছে যে সত্য, একাগ্রতা এবং  
সম্যক জ্ঞান এই তিন উপায় দ্বারা পরমা-  
জ্ঞানকে জানা যায়। ইহাকে ক্ষীণ পাপ  
ঋষিগণই দেখিতে পান, যিনি পবিত্র এবং  
সত্যের পরম নিধান।

সত্যেন লভাস্তপসা হেঘসর্ষভুভাস্তরায়া সম্যক জ্ঞা-  
নেন। যেনাক্রমস্তি ঋষয়োহাস্তকামাঃ যত্র তৎ  
সত্যস্য পরমনিধানং।

অতএব যিনি ব্রহ্মকে লাভ করিবেন,  
তিনি সত্যবান্ হইবেন, যত্নশীল হইবেন,  
জ্ঞানবান্ হইবেন এবং পাপাসক্তি পরি-  
তাগ করিবেন। যঁহারা এই প্রকার ব্রহ্মকে  
জানিতে চেষ্টা করেন তাঁহারা ব্রহ্মকে  
প্রাপ্ত হন এবং অমৃতত্ব লাভ করেন।

মুণ্ডকোপনিষদে বেদান্ত ও যোগ শা-  
স্ত্রের উল্লেখ আছে অতএব তাহা বেদান্ত  
দর্শন প্রচলিত হইলে পর অরশ্য রচিত  
হইয়াছে।

যঁহারা বেদান্ত প্রতিপাদ্য তত্ত্ব নিরূপণ  
করিয়াছেন, যঁহারা বিষয় বিরোধী যোগের  
দ্বারা মোক্ষের নিমিত্ত যত্নশীল হইয়াছেন  
এবং যঁহাদের বুদ্ধি নির্মল হইয়াছে, তাঁ-  
হারা মৃত্যুর পর ব্রহ্মলোকে অমৃতত্ব প্রাপ্ত  
হইয়া মুক্তি লাভ করেন।

মাণ্ডুকোপনিষদে সর্ব্ব গুণ দ্বাদশটি  
মাত্র শ্লোক আছে এই কয়েকটি শ্লোকে

ওঙ্কারের অর্থ এবং আত্মার বিভিন্ন অব-  
স্থার কথা উল্লিখিত হইয়াছে। আত্মার  
চারটি অবস্থা উক্ত হইয়াছে, তাহার প্রথ-  
মাবস্থার নাম বৈশ্বানর, এই অবস্থায় আত্মা  
জাগ্রৎ থাকে এবং বিষয় ভোগে রত  
থাকে। আত্মার দ্বিতীয় অবস্থার নাম তৈ-  
জস, ইহা আত্মার স্বপ্নাবস্থা, আত্মার সূক্ষ্ম-  
শির নাম প্রজ্ঞাবস্থা, এই অবস্থায় তাহা  
পরমানন্দ উপভোগ করে। আত্মার চতুর্থ  
অবস্থা বুদ্ধির অগম্য।

যে কয়েক খানি উপনিষদের বৃণ্ডান্ত প্র-  
দর্শিত হইল তদ্বারা সামান্যত সমুদায়েরই  
ভাবার্থ ও মূল তাৎপর্য্য অনায়াসে বোধ  
হইবেক। পূর্বেই উক্ত হইয়াছে যে কাল  
ক্রমে উপনিষদের সংখ্যা অনেক বৃদ্ধি  
হইয়াছে, সময়ে সময়ে বিশেষ বিশেষ ব্যক্তি  
আপনাদের মত প্রচলিত করিবার নিমিত্তে  
এক এক খানি উপনিষদ রচনা করিয়াছেন,  
এই হেতু অনেক গুলিন উপনিষদ নিতান্ত  
আধুনিক। বাস্তবিক তাহাদের ভাবার্থ ও  
রচনা দ্বারাও তাহাদের আধুনিকত্ব স্পষ্ট  
সপ্রমাণ হয়।

পূর্বেই উক্ত হইয়াছে যে সর্ব্বোক্ত এক খানি উপনিষদ ব্যতীত  
যে সকল উপনিষদ অদ্যাপি প্রচলিত আছে,  
তাহাদের নাম এই স্থলে উল্লেখ করা যা-  
ইতেছে। যথা ব্রহ্মবিদ্যা, ক্ষৌরিকা, চূ-  
লিকা, অথর্ষশিরঃ, গর্ভ, মহা, ব্রহ্ম, প্রাণা-  
গ্নিহোত্র, নীলরুদ্র, নাদবিন্দু, ব্রহ্মবিন্দু,  
অমৃতবিন্দু, ধ্যানবিন্দু, তেজোবিন্দু, যোগ  
শিক্ষা, যোগ তত্ত্ব সন্ন্যাস, আরুণীয় বা আ-  
রুণি যোগ, কঠ শ্রুতি পিণ্ড, আত্মা, নৃসিংহ  
তাপনীয়, নারায়ণ, বৃহন্নারায়ণ, সর্বোপনি-  
যৎসার, হংস, পরম-হংস, আনন্দ বল্লী,  
ভৃগুবল্লী, গরুড়, কালাগ্নি রুদ্র, রামতাপ-  
নীয়, কৈবল্য, জাবাল, আশ্রম।

উপনিষদ বেদের চরম ভাগ। বৈদিক

সমুদায় গ্রন্থের মধ্যে উপনিষদ সর্ব্বশেষে  
রচিত হয়। কালক্রমে বৈদিক হিন্দুদি-  
গের কি প্রকারে অপ্পে অপ্পে জ্ঞানের  
উন্নতি ও ধর্ম বিষয়ক মত পরিবর্তিত হই-  
য়াছিল, তাহা বেদের মন্ত্র ভাগ ও উপনিষদ  
এই দুয়ের তুলনা দ্বারা সপ্রমাণ হইবেক।  
বেদের অপরাপর ভাগে যাগ যজ্ঞাদি  
অনুষ্ঠানই ধর্মের একমাত্র উপায় বলিয়া  
ভূয়োভূয়ঃ উক্ত হইয়াছে। কিন্তু উপনিষদে  
যজ্ঞাদির প্রতি তাদৃশ সমাদর কুত্রাপি দৃষ্টি  
গোচর হয় না, প্রত্যুত যজ্ঞাদি অনুষ্ঠান যে  
কদাপি প্রকৃত মোক্ষের উপায় ও কারণ  
হইতে পারে না, তাহা ভুরি ভুরি শ্লোকে  
প্রতিপন্ন হইয়াছে। উপনিষদে সমুদায়  
বেদ দুই খণ্ডে বিভক্ত হইয়াছে, যথা জ্ঞান  
কাণ্ড এবং কর্ম্ম কাণ্ড এবং জ্ঞান কাণ্ডই  
সকলের শ্রেষ্ঠ বলিয়া উক্ত হইয়াছে, কারণ  
তদ্বারা ব্রহ্মকে জানা যায় এবং মোক্ষ পদ  
লাভ হয়। উপনিষদে সর্ব্বত্রই জ্ঞানের  
মাহাত্ম্য এবং ব্রহ্ম বিদ্যার মাহাত্ম্য বর্ণিত  
হইয়াছে, তদ্ব্যতীত সমুদায় বেদ ও বেদা-  
ঙ্গই নিকৃষ্ট বিদ্যা বলিয়া পরিগণিত  
হইয়াছে।

অপরা গ্নেদো যজুর্বেদঃ সামবেদোহথর্ষবে-  
দঃ শিক্ষা কপ্পো ব্যাকরণং নিরুক্তং ছন্দো জ্যো-  
তিষ মিত।

মুণ্ডকোপনিষৎ।

অপর যঁহারা ব্রহ্মকে না জানিয়া কে-  
বল যজ্ঞাদি অনুষ্ঠান করে তাহাদের সকল  
প্রযত্ন নিষ্ফল হয়।

যোবা এতদক্ষরং গার্গি অবিদিত্বাত্মিন্ লোকে  
জুহোতি যজতে তপস্তপ্যাতে বহুনি বর্ষ সহস্রাণি  
অন্তবদেবাস্য তদ্ভবতি।

ঋচো অক্ষরে পরমে ব্যোমন্ যস্মিন্ দেবাত্মি  
বিশ্বে নিবেদুঃ।

যন্তম বেদ কিমূচা, করিষ্যতি যইতদিহস্ত  
ইমে সমাসতে ॥

খেতাস্তর

ঋগ্বেদের পরমাঙ্কর স্বরূপ যে পরমাত্মা  
যিনি আকাশ রূপে সকল দেবতার অধিষ্ঠান  
হইয়াছেন, তাঁহাকে যে না জানে, তাহার  
পক্ষে ঋগ্বেদ কি ফলদায়ক?

ব্রহ্মজ্ঞানই সকল উপনিষদের প্রধান  
উদ্দেশ্য। জগৎকারণ পরব্রহ্মের স্বরূপ কি,  
কি প্রকারে তাঁহাকে জ্ঞাত হওয়া যায়,  
জগতের সহিত তাঁহার কি রূপ সম্বন্ধ, এই  
সকল বিষয়ের তত্ত্বানুসন্ধান অতি বাহুল্য  
রূপে সকল উপনিষদেই প্রাপ্ত হওয়া যায়।  
এই সকল উন্নত ছুঁহ ইন্দ্রিয়াতীত বিষয়ের  
আলোচনা ও তর্কের প্রতি যে কি পর্য্যন্ত  
যত্ন, আস্থা, একাগ্রতা ও আমোদ ছিল, যে  
তাহা আমরা এক্ষণে হঠাৎ অনুভব করিতে  
পারি না। কোন জাতির মধ্যে বোধ হয়  
এত পূর্ব্ব কালে এপ্রকার কঠিন সংসারাতীত  
বিষয়ের অনুসন্ধান এতাদিক বলবতী  
প্রবৃত্তি জন্মে নাই। বাস্তবিক আমাদের  
হিন্দু সমাজে অতি প্রাচীন কালাবধি সংসার  
ও সাংসারিক বিষয়ের প্রতি একান্ত অনাস্থা  
জন্মিয়াছিল। জ্ঞানই প্রকৃত মুক্তির কারণ  
এবং জীবনের উদ্দেশ্য, এই বিশ্বাস অতি  
পূর্ব্বকালাবধি বদ্ধমূল হইয়াছিল। এই  
হেতু ঋষিগণ জ্ঞানালোচনাই জীবনের সার  
কর্ম্ম বলিয়া জানিতেন। যোগী ও সন্ন্যাসী  
হওয়ারই শ্রেয়ঃ কল্প মনে করিতেন, এই জ-  
ন্যই কার্য্য ও অনুষ্ঠানের প্রতি এতদেশীয়  
লোকদিগের একটি চিরার্জিত অশ্রদ্ধা ও  
হত্বাদর জন্মিয়াছে।

## উদ্ধৃত।

ব্রাহ্মধর্মের ব্যাখ্যান।

২৪ ফাল্গুন ১৭৮২ শক।

সত্যং জ্ঞানমনন্তং ব্রহ্ম যো বেদ নিহিতং  
গুহ্যাং পরমে ব্যোমন্। সোহগ্নুতে স-  
র্ক্বান্ কামান্ মহ ব্রহ্মণা বিপশ্চিতা।

আমরা বাহিরের বস্তুর পরমেশ্বরের সুন্দর  
মঙ্গল রূপ দেখিতে পাই; অসীম  
আকাশে তাঁহার মহান্ ভাব প্রচারিত দেখি।  
নদীর লহরীতে তাঁহার আনন্দ লীলা, সমুদ্র-  
তরঙ্গে তাঁহারই শক্তি, সূর্য্য-কিরণে তাঁহারই  
প্রকাশ দেখিতে পাই। আবার যখন আপনার  
অন্তরে দেখি, তখন আপনার হৃদয়ে তাঁহার স্মা-  
বির্ভাব, তাঁহার মঙ্গল লীলা প্রত্যক্ষ দেখি। যখন  
আমরা হৃদয়েশ্বরকে প্রত্যক্ষ করি; তখন তাঁহার  
প্রীতি, তাঁহার পবিত্রতা, তাঁহার মঙ্গল ভাব, কি  
উজ্জল হইয়া উঠে। তিনি আমার হৃদয়ে  
ঈশ্বর, হৃদয়ের প্রিয় ধন। আমরা যেন আমা-  
রদের হৃদয়কে লোহ কবাটে বেষ্টিত না করি—  
হৃদয়ের স্বামীকে হৃদয়-রাজ্য হইতে বহিস্কৃত না  
করি। ঈশ্বরের সুরমা নিকেতনে ঈশ্বরকে আসিতে  
দেও, হৃদয়-রাজ্য হৃদয়ের রাজ্যকে স্থাপন কর।  
সকল বৃত্তিকে তাঁর অনুচর করিয়া তাঁহার পরি-  
চারণা কর। জগতের মধ্য-স্থানে পরমেশ্বর  
আছেন আর তাঁহার চতুর্দিকে নক্ষত্র, গ্রহ, তারা,  
সুশৃঙ্খল সুন্দর নিয়মে পরিভ্রমণ করিতেছে;  
সেই রূপ আমরা যখন হৃদয়েশ্বরকে আপনারদের  
হৃদয়-রাজ্য স্থান দিই, তখন মনের সমুদয় বৃত্তি  
সম্মিলিত হইয়া তাঁহারই কার্যে নিমুক্ত থাকে।  
প্রভু যখন তাঁহার গৃহে আইলেন, তখন তাঁহার  
সেবাতে কেন না আমরা নিযুক্ত হইব? ষাঁর ধন  
আমরা ভোগ করিতেছি, তাঁহাকেই তাহা অর্পণ  
করিয়া কেন না আমরা বী নশোক হইব? তাঁহার  
প্রিয় কার্য সম্পন্ন করিতে গিয়া কেন তাঁহার আ-  
দেশ হেলন করিব? তাঁহার জন্য যে কার্য করি,  
তাহা ক্ষুদ্র হইলেও মহান্ ও পবিত্র। আমরা

যদি তাঁহার কার্য মনে করিয়া কোন ক্ষুণ্ণিত  
ব্যক্তিকে এক বেলাও অন্ন দিতে পারি, তথাপি  
সেই কার্য মহান্; আর আপনার যশ ও মান  
ও স্বার্থপরতা চরিতার্থ করিবার জন্য যদি  
মহত্ন লোককেও প্রচুর অন্ন বস্ত্র দান করি, তবে  
তাহা অতি ক্ষুদ্র কর্ম। তাঁহার অধীনে থাকিয়া  
যে কিছু কার্য করি তাহা অক্ষয় কার্য, তাহার  
ফল অনন্ত ফল। বিশুদ্ধ হইয়া তাঁহাকে আপ-  
নার হৃদয়াকাশে স্থাপন কর, প্রাণ-পণে তাঁহার  
কার্য সাধন করিতে প্রবৃত্ত হও, তাঁহার সহিত  
কামনার সমুদয় বিষয় উপভোগ করিতে পাইবে।

আমরা ঈশ্বরের জীব, আমরা স্বাধীন পুরুষ।  
আমরা ইচ্ছা পূর্ব্বক যাহা ঈশ্বরকে প্রদান করি,  
তাহাই তিনি গ্রহণ করেন, নতুবা গৃহণ করেন না।  
প্রীতি পূর্ব্বক, শ্রদ্ধা পূর্ব্বক, আন্তরিক ইচ্ছার  
সহিত যে পূজা তাঁহাকে অর্পণ করি, তাহাই তিনি  
গৃহণ করেন। আমরা মনের সহিত আপন  
ইচ্ছাতে তাঁহার যে মঙ্গল কার্য সম্পন্ন করি, তা-  
হাই তাঁহার প্রিয় কার্য। পরমেশ্বর আমারদিগকে  
স্বাধীন করিয়া দিয়াছেন। স্বাধীনতা আমারদের  
গুরুতর অধিকার। আর সমুদয় জগৎ যন্ত্র, ঈ-  
শ্বর তাহার যন্ত্রী। মনুষ্যকে স্বাধীন করিয়া দিয়া  
যেন তাহাকে তিনি আপন হইতে পৃথক্ ও বি-  
চ্ছিন্ন করিয়া দিলেন। চন্দ্র, সূর্য্য, বায়ু, বৃষ্টি  
শীত, বসন্ত; সকলই তাঁহার অনুগত হইয়া চলি-  
তেছে, কেহই তাঁহার নিয়ম অতিক্রম করিয়া এক  
পদ চলিতে পারে না। মনুষ্য অনায়াসে তাঁহার  
ইচ্ছা অতিক্রম করিয়া চলিতেছে, ইচ্ছা পূর্ব্বক তাঁ-  
হার ধর্ম্মসেতু ভঙ্গ করিতেছে, আপনার উপরে  
মলিনতা সঞ্চয় করিতেছে। আমারদের স্বাধীন-  
তার ফল কি এই হইল যে আমরা দুর্গতিই প্রাপ্ত  
হইব? পরম পিতা হইলে বিচ্ছিন্ন হইয়াই  
কাল যাপন করিব? একি বিপরীত ভাব! আ-  
পাতত এ প্রকার মনে হয় বটে কিন্তু বাস্তবিক  
ইহার নিগূঢ় অর্থ আছে। ঈশ্বর আমারদিগকে  
প্রথমে বিচ্ছিন্ন করিলেন যে আমরা ইচ্ছা পূর্ব্বক  
তাঁহার সহিত সম্মিলিত হইব। তিনি আমারদের  
নিজস্ব অধিকার দিলেন যে আমরা আপনারা  
তাঁহাকে আমারদের সর্ব্বদান করিয়া তাঁহাকে

লাভ করিব। একবার তাঁহা হইতে দূরে না থা-  
কিলে ইচ্ছা পূর্ব্বক তাঁহার নিকটে যাওয়া হয় না।  
আমার যদি এমন কিছুই না থাকে, যাহাতে  
আমার স্বত্ব বোধ হয়, যাহাকে আমি আপনার  
বলিতে পারি, তবে ঈশ্বরকে কি প্রদান করিব?  
ঈশ্বর আমারদিগকে যাহা কিছু দিয়াছেন, তাহাতে  
প্রথমে আপনার অধিকার বোধ হইলে পরে আ-  
মরা আপনার ইচ্ছাতেই ঈশ্বরকে বলিতে পারি  
“তোমা হইতে আমি সকলই পাইয়াছি, তো-  
মাকেই তাহা পুনর্বার প্রদান করিতেছি, তুমি  
আমার সর্ব্বদান গৃহণ কর। যেমন জগতের রাজা  
হইয়া চন্দ্র সূর্য্যকে শাসন করিতেছে, আমার  
হৃদয়ের অধিপতি হইয়া আমাকে সেই প্রকার  
অনুগত কর; আমার ইচ্ছা ক তোমার ইচ্ছার  
অধীন করিয়া লও।” ঈশ্বরকে আমরা এই রূপ  
বলিতে পারি এবং তাঁহাকে ইচ্ছা পূর্ব্বক আমা-  
রদের সকল দিতে পারি এই আমারদের স্বাধী-  
নতা। এখন আমারদের জ্ঞান কৃপ্ত হইল; আমরা  
জানিলাম, স্বাধীনতা আমারদের কি অমূল্য  
অধিকার। আমরা অন্ধ জড় নহি, অকাট্য  
ভৌতিক নিয়মেরই অধীন নহি; আমারদের  
আত্মার নিয়ম জড়ের নিয়ম হইতে অধিক, তাহা  
ধর্ম্মের নিয়ম। আমরা যাহা সত্য যাহা মঙ্গল, যাহা  
পবিত্র, তাহা দেখিতে পাই এবং সত্য মঙ্গল পবি-  
ত্রতার আয়তন পরমেশ্বরের সহিত আমারদের যে  
সম্বন্ধ, তাহা কেহই বিনাশ করিতে পারে না।  
আমারদের আত্মার যে শক্তি, তাহা জগতের সকল  
শক্তি হইতে বলীয়ান; সেই শক্তির প্রভাবে  
আমরা সকল অবস্থা সকল ঘটনার বিপক্ষে ধর্ম্মেতে  
ঈশ্বরেতে অনুরক্ত থাকিতে পারি, আমরা ঈশ্বরের  
হস্তে আমারদের হৃদয়, মন আপন ইচ্ছাতে সম-  
র্পণ করিতে পারি। আমরা স্বাধীন হইয়া ঘেচ্ছা-  
চারী হইলে তাঁহা হইতে বিচ্ছিন্ন হই কিন্তু স্বাধীন  
হইয়া আপন ইচ্ছাতে তাঁহার অধীন ও ধর্ম্মের  
অধীন হইলে তাঁহার সহিত সম্মিলিত হই; তাঁ-  
হার সহিত তাহাতে আমারদের গাঢ়তর উচ্চতর  
সম্বন্ধ নিবদ্ধ হয়। তিনি সমুদয় জড় জগতের  
যন্ত্রী;—কিন্তু আমারদের পিতা তিনি জগতের  
আশ্রয়, তাহা হইতেও অধিক রূপে আমারদের

আশ্রয়। আমরা তাঁহার যত নিকটে, এই জড়  
জগতের কিছুই তাঁহার তত নিকটে থাকিতে  
পারে না; কিন্তু আমরা তাঁহার এত নিকটে থা-  
কিয়াও অনন্ত কাল পর্য্যন্ত তাঁহার আরও নিকট-  
বর্তী হইতেছি এবং তাঁহার আরও অধিকতর  
আশ্রয় লাভ করিতেছি। তিনি আর সকলকে  
প্রীতি করিতেছেন, আমারদের নিকট হইতে  
প্রীতি চাহিতেছেন। সকলে মিলিয়া তাঁহার চ-  
রণে প্রীতি-পুষ্প বিকীর্ণ কর।

হে পরমাত্মন! তুমি যখন আমারদিগকে  
স্বাধীন করিয়াছ, আমারদিগকে পরিত্যাগ করিও  
না—তোমার উপরেই আমারদের সকল নির্ভর;  
তুমিই আমারদের সহায় সম্পত্তি; তুমিই আমা-  
রদের পিতা, মুহূর্ত্ত। আমি তোমার শরণাপন্ন  
হইতেছি; আমাকে তোমার সুন্দর প্রসন্ন মুখ  
দেখাও—তোমার প্রীতিতে আমাকে পবিত্র কর—  
ইচ্ছাকে এই প্রকার বলবতী কর, যেন চিরজীবন  
তোমার মঙ্গল কার্য সাধন করিতে থাকি।

ঐ একমেবাদ্বিতীয়ং

## বিজ্ঞাপন

গত ২৭ টেত্র সাধারণ সভাতে ব্রাহ্মেরা নিম্ন  
লিখিত মহাশয়দিগের প্রতি কলিকাতা ব্রাহ্মসমা-  
জের ধর্ম্মসম্বন্ধীয় কার্যের ভার প্রদান করিয়াছেন।

ধর্ম্ম সম্বন্ধীয় কার্যের ভার যোড়াসাঁকোস্থিত  
শ্রীযুক্ত দেবেন্দ্রনাথ ঠাকুর মহাশয়ের প্রতি অর্পিত  
হইল। এবং তিনি “ব্রাহ্ম-সমাজ-পতি ও প্রধান  
আচার্য্য” উপাধি প্রাপ্ত হইলেন।

ব্রাহ্ম-সমাজ-পতি ও প্রধান আচার্য্যের কার্য  
চারি ভাগে বিভক্ত হইল—; যথা,

- (১) ব্রাহ্মধর্ম্মের অনুষ্ঠানের ব্যবস্থা প্রস্তুত করা।
- (২) ব্রাহ্মসমাজের উপাসনা-প্রণালী প্রস্তুত করা।
- (৩) ব্রাহ্ম ধর্ম্ম বিষয়ক গুহু সকল মুদ্রিত হইবার  
পূর্বে পরীক্ষা করা।

- (৪) বিবিধ উপায়ে ব্রাহ্ম-ধর্ম্ম প্রচার করা।  
ব্রাহ্ম সমাজ-পতি ও প্রধান আচার্য্য এক ব্যবস্থা-



পক সভা সংস্থাপন করিবেন এবং ইহার সভ্য-  
দিগের সাহায্য লইয়া অনুষ্ঠানের ব্যবস্থা ও উপা-  
সনা প্রণালী প্রস্তুত করিবেন।

এই ব্যবস্থাপক সভার কার্য নিৰ্দ্ধারনের নিয়ম  
সকল প্রস্তুত করিবার ভার সমাজ পত্রের উপর  
অর্পিত হইল।

যাঁহারা ব্রাহ্মধর্মের অনুষ্ঠানে অক্ষম তাঁহারা  
ব্যবস্থাপক সভার সভ্য হইতে পারিবেন না।

ব্রাহ্মধর্ম বিষয়ক গৃহাদি পরীক্ষা করিবার  
জন্য নিম্ন লিখিত মহাশয়েরা সমাজ-পত্রিকে  
সাহায্য করিবেন।

শ্রীযুক্ত আনন্দচন্দ্র বেদান্তবাগীশ

শ্রীযুক্ত কেশবচন্দ্র সেন

শ্রীযুক্ত তারকনাথ দত্ত

শ্রীযুক্ত কেশবচন্দ্র সেন ব্রাহ্ম ধর্ম প্রচারের সম্পা-  
দক পদে নিযুক্ত হইলেন।

উপাচার্য ও অধ্যায়ক নিযুক্ত করিবার ভার  
সমাজপত্রের উপর অর্পিত হইল।

এই সকল প্রস্তাব ধার্য হইলে সভাপতি, প্রধান  
আচার্য্য শ্রীযুক্ত দেবেন্দ্রনাথ ঠাকুরের এক পত্র  
পাঠ করিলেন। তাহাতে তিনি শ্রীযুক্ত কেশবচন্দ্র  
সেনকে আগামী ১লা বৈশাখাবধি কলিকাতা ব্রাহ্ম  
সমাজের আচার্য্যপদে অভিযুক্ত করিবার ইচ্ছা  
প্রকাশ করিয়া সে বিষয়ে সাধারণ সভাস্থ ব্রাহ্মদি-  
গের মত অবগত হইবার প্রার্থনা করিয়াছিলেন।  
এ বিষয়ে অধিকাংশের মত হইল।

### বিজ্ঞাপন

আমাদেরিগের এই কার্যালয়ে যাঁহারা ডা-  
কের টিকিট প্রেরণ করেন, তাঁহাদেরিগকে জ্ঞাত  
করা যাইতেছে যে তাঁহারা অর্ধ আনা বা এক  
আনার টিকিট ক্রয় করিয়া পাঠাইবেন, যেহেতু  
এক আনা হইতে অধিক মূল্যের টিকিট এখানে  
বিক্রয় করিতে হইলে সমাজকে ক্ষতিগুস্ত হ-  
ইতে হয়।

শ্রী আনন্দচন্দ্র বেদান্তবাগীশ  
সম্পাদক।

কলিকাতা ব্রাহ্মসমাজের ১৭৮৩ শকের  
চৈত্র মাসের দান প্রাপ্তির  
বিবরণ।

ব্রাহ্মদিগের প্রতিজ্ঞাত সাংসারিক দান।

শ্রীযুক্ত নীলকমল বন্দ্যোপাধ্যায় ..	১৬
“ মধুসূদন ঘোষ .. .. .	৫
“ কল্পলাল বর্ম্মা .. . . .	৫
“ প্রভাপচন্দ্র চট্টোপাধ্যায় .. .	৩৫/০
“ শ্যামলাল পাল .. . . .	২
“ নরেন্দ্রনাথ সেন .. . . .	২
“ মাহাতাপচন্দ্র চন্দ্র .. . . .	১
“ চন্দ্রকুমার গুপ্ত .. . . .	১
“ পার্শ্বভীচরণ বন্দ্যোপাধ্যায় ..	১
“ গোপালচন্দ্র বসু .. . . .	১

৩৭৫/০

### মাসিক দান।

শ্রীযুক্ত রমাপ্রসাদ রায় .. . . .	৬
“ মদনমোহন চট্টোপাধ্যায় .. .	৪
“ নীলকমল মিত্র .. . . .	২

১২

### শুভ কর্ম্মের দান।

শ্রীযুক্ত সারদাপ্রসাদ গঙ্গোপাধ্যায় ..	৪
“ যত্ননাথ চক্রবর্তী .. . . .	১


৫

### এককালীন দান।

শ্রীযুক্ত মধুরানাথ গুপ্ত .. . . .	১/১০
দানাদ্বারা প্রাপ্ত .. . . .	৪১/০

৬০১/১০

এই তত্ত্ববোধিনী পত্রিকা, কলিকাতা নগরে ঘোড়া-  
সাঁকোস্থিত ব্রাহ্মসমাজের কার্যালয় হইতে প্রতিমাসে  
প্রকাশিত হয়। ইহার মূল্য ১/০ ছয় আনা মাত্র।  
২ টৈজ্যে বৃহস্পতিবার সন্ধ্যা ১২:১২ কলিগতাক ৪২৩৩।



## তত্ত্ববোধিনী পত্রিকা

ব্রহ্মবাক্যমিদমগ্রামীষ্টান্যৎ কিঞ্চনাসীত্তদিতং সর্বমসৃজৎ। তদেব নিত্যং জ্ঞানমনস্তং শিবং স্বতন্ত্রমিববয়বমেক-  
মেবাদ্বিতীয়ং সর্বব্যাপিসর্বনিয়ন্তৃ সর্বাশ্রয়সর্ববিৎ সর্বশক্তিমক্সুবস্পূর্বমপ্রতিমমিতি। একস্য তস্যৈবোপাসনয়া পার-  
ত্রিকমৈত্রিকঞ্চ শুভভবতি। তস্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

### রোগ-শয্যার সাধুর আন্তরিক ভাব।

হে করুণা-সিন্ধু পরম বন্ধু। তোমার  
স্নেহ-দৃষ্টি সম্পদ বিপদ, সুখ দুঃখ, সুস্থ-  
সুস্থ, সকল অবস্থাতেই আমার প্রতি সম-  
ভাবেই স্থাপিত রহিয়াছে—তোমার রূপা  
বারি আমার উপরে প্রতি নিয়তই সমান  
রূপে বর্ষিত হইতেছে। যখন সম্পদের  
অনুচরণ দ্বারা পরিবেষ্টিত হইয়া প্রফুল-  
তার হিল্লোলে ভাসমান হইতে থাকি, ত-  
খনও তুমি যে রূপ প্রেম নয়নে আমাকে  
সন্দর্শন কর, দুঃখের কঠোর হস্তে নিপতিত  
হইয়া যখন নিরন্ন ও নিরাশ্রয় হই, তখনো  
তুমি সেই রূপ প্রীতির সহিত আমাকে  
নিরীক্ষণ কর। যখন সুস্থ শরীরে প্রফুল-  
হৃদয়ে সংসার ক্ষেত্রে বিচরণ করি, তখন  
আমি তোমার যেমন স্নেহের ধন; এখন  
যে রোগে অস্থির ক্ষুধায় কাতর হইয়া ভূমি  
শয্যায় বিলুপ্ত হইতেছি, এখনো আমি  
তোমার সেই রূপ রূপা-পাত্র। তোমার  
হস্তকে আমার দুঃখ বিমোচনার্থে সকল  
সময়েই প্রসারিত দেখিতে পাই। যখন  
জ্ঞাতি, বন্ধু, স্ত্রী, পুত্র, পরিবার, সকলেই

আমাকে পরিত্যাগ করে, তখন শ্রুতনার  
পূর্বেই তুমি তোমার সুশীতল ক্রোড়ে  
আমাকে স্থান দান করিয়া কৃতার্থ কর।  
যখন সকলে আমার প্রতি বিমুখ হইয়া  
চলিয়া যায়, তখন তুমি তোমার প্রমত্ত মুখ  
প্রদর্শন করত আমার ঘন-বিষাদ-মেঘাচ্ছন্ন  
হৃদয়ে সুখ-রশ্মির সঞ্চার করিতে থাক।  
এই পীড়া-শয্যায় শয়ন করিয়া আমি  
আমার জনক জননীর অকৃত্রিম স্নেহ ভাব—  
বন্ধুবর্গের নিঃস্বার্থ প্রীতি ভাব—স্নেহাস্পদ  
পুত্রের নিষ্কলঙ্ক মুখশ্রী স্পর্শ নিরীক্ষণ করি-  
তেছি, কিন্তু কিছুতেই আমার দৈহিক যন্ত্র-  
ণার উপশম হইতেছে না; তোমার মঞ্জল  
মূর্ত্তি মূর্ত্তের নিমিত্ত জ্ঞান নয়নের সম্মুখে  
পতিত হওয়াতে আমার সকল ক্লেশের  
অবসান হইল—সকল দুঃখ দূরীভূত হই-  
য়া গেল।

তোমার ন্যায় সম্পদের সহায়, বিপ-  
দের সুস্থ, আমার আর দ্বিতীয় নাই।  
সৌভাগ্য সময়ে যে সমস্ত ব্যক্তিকে অভিন-  
হৃদয় মিত্র বলিয়া বোধ হয়, বিপদ কালে  
তাঁহাদের সহিত সাক্ষাৎ করা কঠিন  
হইয়া উঠে। কিন্তু নাথ! তোমার সহিত

আমার তো সে রূপ সম্বন্ধ নহে। সম্পদ সময়ে তুমি হৃদয় রাজ্যে বিরাজিত থাকিয়া আমার উপভোগ্য সুখকে যে রূপ দ্বিগুণীভূত কর, এখন তুমি সেই রূপ আমার মনোমন্দিরে বিরাজমান থাকিয়া দুঃসহ রোগ-যন্ত্রণার লাঘব করিতেছ। নাথ! তোমার প্রেরিত সকল বিপদই উপদেশ, সকল যন্ত্রণাই ঔষধ। আমি তোমার মঙ্গলময়ী ইচ্ছার বিরুদ্ধাচরণ করিয়া এখনই তাহার অব্যর্থ দণ্ড ভোগ করিতেছি— এখনই আমি তজ্জনিত সঙ্করণ আশ্রয়-নাদে বাস গৃহ প্রতিনিহিত করিতেছি; কিন্তু এই যন্ত্রণার অবস্থাতে—এই ব্যাকুলতার সময়েও আমি বুদ্ধিতেছি যে তুমিই একমাত্র ধৃতব্রত, সত্য কাম, সত্য সঙ্কল্প। তোমার যাহা ইচ্ছা—তোমার যাহা অস্তিত্ব-প্রেরণ, তাহা সিদ্ধ হইবেই হইবে। তুমি যে আমার হৃদয়ে একটি অমোঘ আশা দিয়াছ, যে আমার তাপিত আত্মাকে তুমি তোমার শীতল ক্রোড়ে মিশ্রয়ই স্থান দান করিবে, এই উপস্থিত রোগ-যন্ত্রণাই আমার সেই আশাকে বলবতী করিতেছে।

তুমি যে পাপের শাস্তা, পুণ্যের পুরস্কর্তা, আমার এই উপস্থিত দুঃখেই তাহার যথার্থ পরিচয় প্রদান করিতেছে। তুমি যে আমার পরম ন্যায়বান্ রাজা, পরম করুণাময় পিতা, আমি আমার এই পীড়িতাবস্থাতেই তাহা প্রত্যক্ষ হৃদয়ঙ্গম করিতেছি। তুমি যেকোন তোমার নিয়ম উল্লঙ্ঘন-জমিত দণ্ড বিধান করিয়া আপনার ন্যায়পরায়ণতার পরিচয় প্রদান করিতেছ, সেই রূপ আবার ঔষধ পথ্য বিধান করিয়া স্বীয় দ্বিগুণ কাকরণ স্বরূপের পরাকাষ্ঠা প্রদর্শন করিতেছ। রোগির যে রূপ দুর্ভিক্ষ রোগ-যন্ত্রণাই পুনর্বার স্বাস্থ্য লাভের একমাত্র উপায়, পাপির সেই রূপ অকৃত্রিম অনুতাপ

পই তোমার প্রসন্নতা লাভের একমাত্র সাধন।

তোমার যে সমস্ত নিগূঢ়তম ধর্মতত্ত্ব জ্ঞানাপন আচার্য্যের উপদেশেও বুদ্ধিতে পারি নাই, তোমার নির্মলতম সহবাস যাহা কত যত্ন করিয়াও এক সময়ে লাভ করিতে সমর্থ হই নাই, এখন দুঃখের কশাঘাতে তাহা স্পষ্ট হৃদয়ঙ্গম হইতেছে—রোগের যন্ত্রণায় আমার আত্মা তোমার শীতল ক্রোড়ে আপনা হইতেই ধাবিত হইতেছে। তুমি যে ওষধি বনস্পতিতে প্রাণ রূপে বিরাজ করিতেছ, আমার আত্মা তাহা পরীক্ষায় অবগত হইয়া তোমাকে মনের সহিত ধন্যবাদ দিতেছে। এমন সময়ে তোমাকে কোন্ রসনা দুঃখ দাবানলের শান্তি সলিল না বলিয়া সুস্থির থাকিতে পারে।

চিকিৎসকের উপদেশে মনে করি এই দুর্ভল অবস্থায় তোমার বিষয় আলোচনা করিব না, মনে করি তোমার যশ ঘোষণায় রসমাকে নিয়োগ করিব না, কিন্তু নাথ! আমি যে তোমাকে বিন্মৃত হইতে পারি না। আমি তোমাকে ভুলিয়া থাকিতে চেষ্টা করিলেও তুমি যে আমাকে এক পলকের জন্যও বিন্মৃত হও না। আমি তোমার নিকটে একবিন্দু সুখ প্রার্থনা করিতে না করিতে তুমি যে সুখের সমুদ্র আমার নিকটে আনিয়া দেও। নেত্র নিমীলন করিয়া থাকিলেও যে তোমাকে হৃদয় মন্দিরে জাঙ্ঘল্যমান দেখিয়া আমার আনন্দ-মরোবর ষ্টুচ্ছসিত হইয়া উঠে—সেই নিচ্ছৃত স্থানেও তোমার মঙ্গল-জ্যোতি পতিত হইয়া আমার হৃদয়-কমলকে বিকশিত করিয়া ফেলে। এমন সুস্থৎ এমন বন্ধুকে কি কেহ কখন বিন্মৃত থাকিতে পারে? নাথ! আমি সকল ছালা সকল যন্ত্রণা সহ্য করিতে পারি, কিন্তু তোমার অদর্শন-জমিত

দুর্ভিক্ষ দুঃখ এক পলকের জন্যও সহ্য করিতে পারি না।

তোমাকে বিন্মৃত হইয়া জীবন ধারণ করা বিড়ম্বনা মাত্র। তোমাকে পাইবার জন্য যে দুঃখ, সেই সুখ; তোমাকে পাইবার জন্য যে বিপত্তি, সেই মথার্থ সম্পত্তি। যদি নাথ! যাবজ্জীবন রোগ যন্ত্রণা উপভোগ করিতে হয়—আজন্ম কাল যদি এই পীড়া শয্যায় শয়ন করিয়া থাকিতে হয়, তাহাও মঙ্গল; তাহাপি যেন তোমাকে বিন্মৃত হইয়া এক দিনের জন্যও জীবিত না থাকি। যে অবস্থায় তোমাকে দেখিতে পাই—তোমার সহবাস লাভ করিতে পারি, তাহা অপেক্ষা সম্পদের অবস্থা আর কোথায় পাইব?

হে অনাথ-বন্ধু! সম্পদ বিপদ, সুখ দুঃখ, সুস্থাসুস্থ, সকল অবস্থাতে তুমি আমার হৃদয় মন্দিরে বিরাজিত থাক, এই আমার প্রার্থনা।

ওঁ একমেবাদ্বিতীয়ং

ব্রাহ্মধর্মের তাৎপর্য্য।

একাদশ অধ্যায়।

১৬

যাঁহাতে শব্দ নাই, স্পর্শ নাই, রূপ নাই, রস নাই, গন্ধ নাই; যাঁহর কোন ক্ষয় নাই; যিনি অনাদি অনন্ত, ও সকল প্রকার মহৎ পদার্থ হইতে মহৎ এবং নিত্য ও নির্বিকার; তাঁহাকে জানিয়া জীব মৃত্যু-মুখ হইতে মুক্ত হয়।

হৃষ্টির অতীত জ্ঞানময় পরমেশ্বর ক-

দ্যপি পদ স্পর্শাদি ইন্দ্রিয়ের বিষয় নহেন। তিনি নিরাকার, নির্বিকার, নিত্য পদার্থ। তাঁহার আদিও নাই অন্তও নাই, তিনি সর্বপ্রকার মহৎ পদার্থ হইতে মহৎ। তাঁহাকে জানিলে লোক মৃত্যু-মুখ হইতে প্রমুক্ত হইয়া অনন্ত কাল পর্যন্ত ব্রহ্ম-ধামে উন্নত হইতে থাকে।

১৭

এই পরমাত্মা সর্বভূতেতে প্রচ্ছন্ন রহিয়াছেন, এ প্রযুক্ত তিনি প্রকাশ পান না। সূক্ষ্মশ্রী পণ্ডিতেরা একনিষ্ঠ সূক্ষ্ম বুদ্ধি দ্বারা তাঁহাকে দৃষ্টি করেন।

ইন্দ্রিয়ের অবিষয় সর্বভূতের অন্তরা-ত্মাকে প্রজ্ঞাবান্ সূক্ষ্মদর্শী পণ্ডিতেরা প্রাণ বুদ্ধিদ্বারা দেখিতে পান।

১৮

অনেক উত্তম বচন দ্বারা, বা মেধা দ্বারা, অথবা বহুশ্রবণ দ্বারা তাঁহাকে জানা যায় না; যে সাধক তাঁহাকে প্রার্থনা করে, সেই তাঁহাকে পায়। পরমাত্মা একপ সাধকের সন্নিধানে আত্মস্বরূপ প্রকাশ করেন।

যদি তাঁহাকে পাইবার নিমিত্তে ইচ্ছা ও যত্ন না থাকে, তবে প্রবল মেধাই থাকুক, আর প্রচুর উপদেশ বাক্যই শ্রুত হউক, কিছুতেই তাঁহাকে লাভ করা যায় না। যিনি পিপাসাতুর পথিকের ন্যায় ব্যাকুল হইয়া একান্তে তাঁহাকে প্রার্থনা করেন, তাঁহারই সন্নিধানে পরমাত্মা আত্ম-স্বরূপ প্রকাশ করেন। তখন সেই সাধক পরিপূর্ণ

অমৃতময় মহাশাগরে অবগাহন করিয়া পরম পবিত্র ও পরিতৃপ্ত হইলেন।

৯৯

হে জীব সকল! উত্থান কর, অজ্ঞান নিদ্রা হইতে জাগ্রত হও, এবং উৎকর্ষ আচার্য্যের নিকট যাইয়া জ্ঞান লাভ কর। পণ্ডিতেরা এই পথকে শানিত ক্ষুরধারের ন্যায় দুর্গম করিয়া বলিয়াছেন।

হে জীব সকল! উত্থান কর, অজ্ঞান নিদ্রা হইতে জাগ্রত হও; আর কত কাল তাহাতে অভিভূত থাকিবে, আর কত দিন পরম ধনকে ভুলিয়া রহিবে। কাল যাইতেছে, মৃত্যু সন্নিকট, জড়তা ও দীর্ঘ সূত্রতা পরিত্যাগ কর, উত্তম জ্ঞানবান্ আচার্য্যের নিকট যাইয়া সকল আশার যক্তি স্বরূপ সেই পরম প্রেমাস্পদকে জান; সহস্র গ্রন্থ-পাঠে যাহা না হইবে, তাহা উত্তম আচার্য্যের বাক্যেতে হইবে। ঈশ্বরের পথ অবলম্বন করিতে হইলে বুদ্ধি মাজ্জিত করিতে হয়, ইন্দ্রিয় দিগকে বশীভূত করিতে হয়, তিতিক্ষাকে অভ্যাস করিতে হয়, ধর্ম-প্রবৃত্তি সকলকে উন্নত করিতে হয় এবং ঈশ্বর-প্রীতিতে মনকে মগ্ন করিতে হয়; অতএব এ পথ অতি দুর্গম পথ। ঈশ্বরের প্রসাদে এবং মনের ভক্তি বলে এ দুর্গম পথও সুগম হইয়া উঠে।

১০০

সেই যে এই ব্রহ্ম, ইহার পূর্বে আর কেহ নাই, ইনি অমৃত ও অভয়। শাস্তিচিত্ত হইয়া ইহার উপাসনা করিবেক।

যিনি এই বিশ্বের কারণ, তাঁহার আর পূর্ব কারণ নাই; তিনি অনাদি অনন্ত, অমৃত ও পরিপূর্ণ। তাঁহাকে আশ্রয় করিলে আর কোন ভয় থাকেনা, তিনি অভয়। শান্ত হইয়া তাঁহাকে উপাসনা করিবেক। শান্তি ঈশ্বর-প্রীতির নিবাস-ভূমি। যখন মন নির্মল ও স্থির হৃদের ন্যায় শান্ত হয়, তখন আত্মাতে ঈশ্বরের স্বরূপ প্রতিভাত হয়, নতুবা প্রবল বিতৈষণা ও মানৈষণা দ্বারা বিক্ষিপ্ত হইলে ও ইন্দ্রিয়-লৌল্য জন্য অশুচি হইলে পরম পবিত্র ব্রহ্মানন্দ উপভোগে সামর্থ্য থাকে না। অতএব শান্ত হইয়া তাঁহার উপাসনা করিবেক।

ইতি প্রথমখণ্ডে একাদশ অধ্যায়।

—•••—

### বৈদিক ধর্ম ও বৈদিক আচার ব্যবহার।

২২৬ সংখ্যক পত্রিকার ২৯ পৃষ্ঠার পর।

ব্রহ্মবিদ্যাই সকল উপনিষদের মুখ্য তাৎপর্য। উপনিষদে ব্রহ্মের স্বরূপপ্রতিপাদক ভুরি ভুরি বচন দৃষ্ট হয় এবং এই সকল বচনের মধ্যে ঈশ্বর বিষয়ক অতিশয় উন্নত গভীর সত্য সকলও প্রাপ্ত হওয়া যায়। পরব্রহ্ম সত্যং জ্ঞানং অনন্তং এই মহা বাক্য প্রায় সকল উপনিষদেই সুস্পষ্ট রূপে অভিব্যক্ত হইয়াছে। এক মাত্র জগৎ কারণ ঈশ্বর যে নিরাকার জ্ঞান স্বরূপ অনন্ত স্বরূপ তাহা নিঃসংশয়ে প্রদর্শিত হইয়াছে। সেই অনন্ত জ্ঞানের সহিত আমাদের আত্মার কি প্রকার সম্বন্ধ এবং এই অসীম জগতের সহিতই বা কি সম্বন্ধ, তাহা জ্ঞাত হওয়াই মনুষ্যের মুখ্য উদ্দেশ্য। এই সকল বিষয়ের আলোচনা ও তত্ত্বানুসন্ধান উপনিষদ্ লেখকদিগের পক্ষে অনেকাংশে মূতন ও অজ্ঞাতপূর্ব ছিল, এই হেতু স্থানে

স্থানে তাঁহার কেবল প্রশ্ন সকল উদ্ভাবিত করিয়াছেন, কিন্তু সে সকল প্রশ্নের সমস্তর জ্ঞাত ছিলেন না, এই হেতু তাহা প্রদানও করেন নাই। এই প্রকার সংশয় সূচক প্রশ্ন বিশেষতঃ প্রাচীন উপনিষদ সমূহেই দৃষ্ট হয়। এই হেতু এক উপনিষদের মধ্যে তিন তিন স্থানে পরস্পর ভিন্ন ও বিরোধী মত সকলও প্রকটিত হইয়াছে। উক্ত প্রকার সংশয় সূচক প্রশ্ন শ্বেতাশ্বতরোপনিষদের এক স্থানে দৃষ্ট হয়।

ঔ ব্রহ্মবাদিনোদস্তি। কিং কারণং ব্রহ্ম কুতঃ স্ম জাতাজীবাম কেন কচ সম্পৃতিষ্ঠাঃ। অপস্থিতাঃ কেন সুখেতরেষু বর্তমানহে ব্রহ্মবিদো-ন্যবস্থাৎ। ১।

কালঃ স্বভাবোনিষতির্বৃহচ্ছা ভূতানি যোনিঃ পুরুষইতি চিন্ত্যা। সংযোগেষাং নদ্বাত্মত্ব-বাদাত্মাপ্যনীশঃ মুখহুঃখহেতোঃ। ২।

ব্রহ্মবাদিরা বলেন, হে ব্রহ্মজ্ঞ ব্যক্তি গণ! ব্রহ্ম কি প্রকার কারণ, কোথা হইতে আমরা উৎপন্ন হইয়াছি, কাহার দ্বারা আমরা জীবিত আছি এবং কোথায় বা আমরা স্থিতি করি, কাহার নিয়মে আমরা সুখ দুঃখের অধীন হইয়াছি। কাল কি সকলের কারণ, না স্বভাব, না যদৃচ্ছা (অর্থাৎ ঘটনা সূত্র) না পঞ্চভূত, না যোনি অর্থাৎ প্রকৃতি, না পুরুষ (জীবাত্মা)—ইহাদের মর্জি ও কারণ নহে। আত্মা দুর্বল এবং সুখ দুঃখাধীন, সুতরাং আত্মাও কারণ হইতে পারে না।

ব্রহ্ম জ্ঞান লাভ করা নিতান্ত কঠিন বলিয়া উক্ত হইয়াছে, অতএব সাধক কি প্রকারে জগৎরূপ কার্য্যের জ্ঞান হইতে ক্রমে ক্রমে জগৎ কারণ ব্রহ্মকে জানিবেক, তাহা তৈত্তিরীয় উপনিষদে প্রদর্শিত হইয়াছে।

• একদা ভৃগু বরুণের নিকট গমন করিয়া জিজ্ঞাসা করিলেন, হে ভগবন্! ব্রহ্মের স্ব-

রূপ কি তাহা আমাকে শিক্ষা দিন। বরুণ তাঁহার নিকট এই কয়েকটি শব্দ উচ্চারণ করিলেন, অন্ন, প্রাণ, শ্রোত্র, চক্ষু, মন এবং বাক্য। তৎপরে কহিলেন, যাহা হইতে সমুদায় ভূত উৎপন্ন হইয়াছে যাহা কর্তৃক তাহার জীবিত আছে এবং যাহাতে প্রবেশ করিয়া স্থিতি করিতেছে, তাঁহাকে তুমি জানিতে ইচ্ছা কর, তিনিই ব্রহ্ম। এই বাক্য শ্রবণ করিয়া ভৃগু তপস্যা আরম্ভ করিলেন এবং তপস্যা দ্বারা তিনি জানিলেন।

অন্নং ব্রহ্মেতি। অন্নাদ্ভাব খলিমানি ভূতানি জায়ন্তে। অম্নেন জাতানি জীবন্তি। অন্নং প্রয়ন্ত্যভিসং বিশন্তি। তদ্বিজ্ঞায় পুনরৈব বরুণং পিতরং উপসসার। অধীহি ভগবো ব্রহ্মেতি তং হোবাচ। তপস্যা ব্রহ্ম বিজিজ্ঞাসস্ব তপো ব্রহ্মেতি। সতপোহতপাত্য।

অন্নই ব্রহ্ম; অন্ন হইতেই নিশ্চয় সমুদায় ভূত উৎপন্ন হইতেছে, অন্ন দ্বারাই তাহার জীবিত আছে, অন্নতে প্রবেশ করিয়া স্থিতি করিতেছে। এই প্রকারে ব্রহ্মকে জানিয়া তিনি পুনরায় বরুণের নিকট গমন করিয়া কহিলেন, হে ভগবন্! আমাকে ব্রহ্মজ্ঞান শিক্ষা দিন, বরুণ কহিলেন, তপস্যা দ্বারা ব্রহ্মকে জানিতে ইচ্ছা কর। ভৃগু পুনরায় তপস্যা আরম্ভ করিলেন এবং তপস্যা দ্বারা প্রাণকেই ব্রহ্মরূপে জানিলেন, কিন্তু বরুণ পুনরায় তাঁহাকে তপস্যা করিতে কহিলেন, পরে তিনি আলোচনা দ্বারা ক্রমে ক্রমে ব্রহ্মকে চক্ষু শ্রোত্র মন ও বাক্যরূপে জানিলেন, কিন্তু তথাপি তাঁহার ব্রহ্মকে জানা হইল না বরুণ, দেব তাঁহাকে পুনরায় তপস্যা করিতে আদেশ করিলেন এবং ভৃগু অবশেষে জানিতে পারিলেন আনন্দো ব্রহ্ম।

আনন্দাদ্ভাব খলিমানি ভূতানি জায়ন্তে

আনন্দেন জাতানি জীবন্তি আনন্দং পুণ্যশ্রুতি-  
সং বিশস্তি।

ব্রহ্মই আনন্দ স্বরূপ, তিনি অন্ন নছেন,  
প্রাণও নছেন, মনও নছেন, তিনি অন্ন প্রাণের  
প্রেরয়িতা।

উপনিষদের স্থানে স্থানে মনুষ্যের বিবিধ  
শক্তিও ব্রহ্ম স্বরূপ বলিয়া উক্ত হইয়াছে।  
ইহার উদাহরণ বৃহদারণ্যক উপনিষদের  
চতুর্থ অধ্যায়ের প্রথম ব্রাহ্মণে দেখা যাই-  
তেছে। একদা জনক রাজা সিংহাসনো-  
পবিষ্ট আছেন, এমত সময়ে যাজ্ঞবল্ক্য  
আসিয়া উপস্থিত হইলেন, রাজা তাহাকে  
জিজ্ঞাসা করিলেন, অহো যাজ্ঞবল্ক্য! এস্থলে  
কি নিমিত্ত আসিয়াছেন। পশু কামনা  
করিয়া অথবা সূক্ষ্ম প্রশ্ন উদ্ভাবনার্থ। যাজ্ঞ-  
বল্ক্য উত্তর করিলেন, উভয়েরই নিমিত্ত।  
জনক কহিলেন, অন্যের নিকট যাহা শিক্ষা  
করিয়াছেন, তাহা আমাদের বলুন। যাজ্ঞ-  
বল্ক্য কহিলেন।

জিজ্ঞাসাশৈলিনির্বাণং ব্রহ্মৈতি। যথা মাতৃ-  
মান্ পিতৃমানাচার্য্যাবান ব্রহ্মাতথা তচ্ছৈলিনো-  
ব্রবীদ্বাণং ব্রহ্মৈত্যবদতোহি কিং স্যাৎ ইত্য-  
ব্রবীতু ইতি।

জিজ্ঞাসা এবং শৈলিনি বাক্যকেই ব্রহ্ম  
বলিয়াছেন। উৎকৃষ্ট মাতা পিতা এবং  
গুরু বিশিষ্ট শৈলিনি কহিয়াছেন, বাক্যই  
• ব্রহ্ম। অতএব ব্রহ্মকে বাক্য রূপে চিন্তা  
করিবেক।

বাচা বৈ সত্রাড্ বন্ধুঃ প্রস্রায়তশ্চগেদো-  
যজুর্বেদঃ সামবেদোইথর্বাঙ্গিরসইতিহাসঃ পুরাণ-  
বিদ্যা উপনিষদঃ শ্লোকাঃ সূত্রানুব্যাখ্যানানি  
ব্যাখ্যানানীকং হৃতমশিতং পানীয়ঞ্চ লোকঃ  
পরঞ্চ লোকঃ সর্বাণি চ ভূতানি বাট্চৈব সত্রাড্  
ব্রহ্ম জায়তে বাট্গু সত্রাট পরমং ব্রহ্ম।

হে সত্রাট! বাক্য দ্বারা বন্ধুকে জানা  
যায়, ঋক যজুঃ সাম বেদ, অথর্বাঙ্গিরস এবং

ইতিহাস পুরাণ বিদ্যা, উপনিষদ, শ্লোক,  
সূত্র, অনুব্যাখ্যান, ব্যাখ্যান, যজ্ঞ, ফল, হৃত,  
অশিত ও পানীয়, উৎসর্গ, ইহ ও পরলোকে  
এবং সমুদায় ভূত জানা যায়। বাক্য দ্বারা  
ব্রহ্মকে জানা যায়, হে রাজন্! বাক্যই  
পরব্রহ্ম।

পরে জনক রাজা জিজ্ঞাসা করিলেন,  
হে যাজ্ঞবল্ক্য! আরও কি শিক্ষা করিয়াছেন  
তাঁহা বলুন। তাহাতে যাজ্ঞবল্ক্য উক্ত  
প্রকারে প্রাণ চক্ষু শ্রোত্র মন এবং হৃদয়কে  
ব্রহ্ম রূপে বর্ণনা করিলেন।

ঈশ্বর এক মাত্র সৃষ্টি কর্তা বলিয়া সকল  
উপনিষদেই উক্ত হইয়াছেন। এমত এক  
সময় ছিল, যখন জগৎ সৃষ্টি হয় নাই, তখনও  
এক মাত্র জগৎ কারণ ব্রহ্ম ছিলেন।

আত্মবেদমগ্রাসীদেকএব।

বৃহৎআরণ্যক।

আত্মবাহুদমেকএবাগুআসীৎ। নানাং কি-  
ঞ্চনমিষৎ। সেইক্ষত লোকান্ নু সৃজা ইতি স-  
ইমান্ লোকানসৃজত।

ঐতরেয়।

অসদ্বা ইদমগুআসীৎ। ততোঐব সদজা-  
য়ত।

তৈত্তিরীয়।

এই জগৎপত্তির অগ্রে এক মাত্র আ-  
ত্মাই ছিলেন। অন্য কিছু জীবিত ছিল  
না। তিনি সৃষ্টি কামনা করিয়া আলোচনা  
করিলেন এবং আলোচনা করিয়া সমুদায়  
লোক সৃজন করিলেন।

জগৎ যে নিত্য নহে তাহা উপনিষদ  
দ্বারা সম্পূর্ণ রূপে প্রতিপন্ন হইতেছে কিন্তু  
উপনিষদের মতে তাহা সৃষ্টি হইবার অগ্রে  
তাঁহা অবশ্যই জগৎ কারণ ব্রহ্মেতে অব্যক্ত  
রূপে বিদ্যমান ছিল, সমুদায় সৃষ্টি প্রথমে  
ঈশ্বরের শক্তি রূপেই প্রচ্ছন্ন ছিল, ঈশ্ব-  
রের ইচ্ছা মাত্র তাহা ব্যক্ত হইয়াছে। এই  
রূপে আমাদের প্রাচীন ঋষিগণ কার্য্য

কারণের সন্থক নিবন্ধ করিতেন (১)। এই  
হেতুই তাঁহারা জগৎ সৃষ্টির অগ্রেও ব্রহ্ম-  
রূপ কারণে জগৎ রূপ কার্য্যের অন্তিম  
স্বীকার করিয়াছেন।

অপর ছান্দোগ্য উপনিষদে স্পষ্ট উ-  
ল্লিখিত হইয়াছে যে জগৎ কদাপি কারণ  
ব্যতিরেকে হঠাৎ অসৎ হইতে সম্ভাব  
প্রাপ্ত হয় নাই।

তদৈককআহুরসদেবেদগ্রমঅসীদেকমেবাদি-  
তীয়ং তন্নাৎ অসত্ত সজ্জাযেত। কুতস্ত খলু-  
সৌ ঠৈহাবৎ স্যাৎদিতি হোবাচ কথমসতঃ সজ্জাযে-  
তেতি। সত্ত্বেব সৌম্যেদমগুআসীৎ।

কেহ কেহ কহেন, জগৎ উৎপত্তির অগ্রে  
এক মাত্র অসৎই ছিল, সেই অসৎ হইতেই  
সমুদায় উৎপত্তি হইয়াছে। কিন্তু হে সৌম্য!  
ইহা কি প্রকারে হইতে পারে, অসৎ হইতে  
কি প্রকারে সম্ভাব হইতে পারে। অত-  
এব এক মাত্র সংস্বরূপই এই জগতের  
পূর্বে ছিলেন। সৃষ্টি প্রকরণ বিষয়ে ভিন্ন  
ভিন্ন উপনিষদে ভিন্ন ভিন্ন মত কল্পিত  
হইয়াছে। তৈত্তিরীয় উপনিষদে সৃষ্টির বি-  
ষয় পশ্চাৎলিখিত শ্লোকে প্রকটিত হইয়াছে।

তান্মাদ্বা এতন্মাদান্নআকাশঃ সন্তুতঃ।  
আকাশাদ্বায়ুঃ। বায়োরগ্নিঃ। অগ্নেরাপঃ। অদ্যঃ  
পৃথিবী। পৃথিব্যাওষধঃ। ওষধীভ্যোঐন্নং  
অন্নাদ্রেতঃ। রেতসঃ পুরুষঃ। সবাএষপুরুষোইন্ন-  
রসমযঃ।

সেই এই পরমাত্মা হইতে আকাশ  
উৎপন্ন হইয়াছে আকাশ হইতে বায়ু, বায়ু  
হইতে অগ্নি, অগ্নি হইতে জল, জল হইতে

(১) এই প্রকার কার্য্য কারণের ভাব নিতান্ত অমূলক  
বা গহিত নহে।

When God is said to create the universe  
out of nothing we think this, by supposing that  
he evolves the universe out of nothing but him-  
self and in like manner we conceive annihilation,  
only by conceiving the creator to withdraw his  
creation by withdrawing his creative energy  
from, actuality into power—Sir. W. Hamilton.

পৃথিবী পৃথিবী হইতে ওষধি, ওষধি হইতে  
অন্ন, অন্ন হইতে রেতঃ, রেত হইতে পুরুষ  
(জীবাত্মা) উৎপন্ন হইয়াছে, এই পুরুষ অন্ন  
রসময়।

উপনিষদে যদিও স্পষ্ট রূপে পরব্রহ্ম  
নিরাকার এবং জ্ঞান স্বরূপ বলিয়া উক্ত হই-  
য়াছেন, তথাপি স্থানে স্থানে জগতের স-  
হিত তাঁহার অভেদ প্রতিপাদিত হইতেছে।  
সমুদায় সৃষ্টি স্রষ্টার অংশ মাত্র বলিয়া  
উক্ত হইয়াছে। এই প্রকার অদ্বৈত মত  
বেদান্ত দর্শনে সম্পূর্ণ রূপে পরিণত হই-  
য়াছিল কিন্তু তাহার আরম্ভ উপনিষদে দে-  
খিতে পাওয়া যায়।

যথোর্ণনাতিঃ সৃজতে গৃহ্তে চ যথা পৃথিব্যাং  
ওষধঃ সন্তবন্তি যথা সতঃ পুরুষাৎ কেশলো-  
মানি। তথাক্ষরাং সন্তবন্তীহ বিশ্বং। ইতি  
মুণ্ডকোপনিষৎ।

যেমন উর্ণনাতি (স্বীয় অক্ষ হইতে) তন্ত  
সৃজন করে এবং পুনরায় তাহা সংযত করে।  
যেমন পৃথিবীর উপরে ওষধি সকল উৎপন্ন  
হয়, যেমন মনুষ্য দেহ হইতে আপনা হইতে  
কেশ লোমাদি উৎপন্ন হয়, সেই রূপ সেই  
অক্ষয় পুরুষ হইতে এই বিশ্ব সংসারের  
উৎপত্তি হইয়াছে।

অগ্নির্ষথৈকোভুবনস্পৃ বিষ্টৌরুপং রূপং প্র-  
তিরূপোবভুব। একস্তথা সর্ষভূতাস্তরাণী রূপং  
রূপং প্রতিরূপোবভুব বহিষ্চ। ইতি কঠ।

যেমন একই অগ্নি সমস্ত ভুবনে প্রবিষ্ট  
হইয়া ভিন্ন ভিন্ন প্রতিরূপ গ্রহণ করে।  
সেই রূপ এক মাত্র সর্ষভূতের অন্তরাণী  
ভিন্ন ভিন্ন রূপে প্রকাশিত আছেন, অথচ  
স্বতন্ত্র রহিয়াছেন।

যথা সৌটম্যাকেন মৃৎপিণ্ডেন সর্ষৎ মৃগ্মযং বি-  
জাতং স্যাৎ বাচারম্ভগং বিকারো নাম ধেষৎ  
মৃত্তিকেভোব সত্যং। যথা সৌটম্যাকেন লোহ-  
মণিনা সর্ষৎ লোহমযং বিজাতং স্যাৎ বাচারম্ভগং  
বিকারো নামধেষৎ লোহমিত্যেব সত্যং। যথা সে-

ম্যাকেন নখনিকুন্তনেন সর্বং কার্যসং বিজাতং  
স্যাৎ বাচারত্ত্বং বিকারো নামধেয়ং কৃষ্ণায়স-  
মিত্যেব সত্যং এবং সৌম্য সআদেশোত্তবতীতি।  
ছান্দোগ্যোপনিষৎ।

হে সৌম্য! যেমন একটি মৃৎপিণ্ডের  
দ্বারা মৃন্ময় বস্তু জানা যায় এবং মৃত্তিকা বি-  
কার বলিয়া সত্য উক্ত হয়। যেমন হে সৌম্য!  
লৌহ মণি দ্বারা সকল লৌহময় বস্তু জানা  
যায় এবং লৌহ বিকার বলিয়া সত্যই উক্ত  
হয়। যেমন একটি নখকুন্তন দ্বারা (নরুণ  
দ্বারা) সকল কৃষ্ণায়স (ইস্পাত) নির্মিত  
বস্তু জানা যায় এবং কৃষ্ণায়স নামে সত্যই  
উক্ত হয়। সেইরূপে হে সৌম্য! এই প-  
রমাত্মা উপদিষ্ট হয়েন।

অপর উপনিষদের মতানুসারে সমুদায়  
জীব পুনরায় ধ্বংস হইবেক এবং ধ্বংস হই-  
য়া ব্রহ্মতে সংযুক্ত হইবেক।

সোইকাময়ত। বহু স্যাৎ প্রজাষেযেতি। স-  
তপোইতপ্যত। সতপস্তপ্তা। ইদং সর্বমসৃজত  
যদিদং কিঞ্চ। তৎ সৃষ্টা তদেবানুপ্রাশিতং।  
তদনুপ্রাশিতা সচ্চ ত্যচ্চা ভবৎ। নিরুজ্ঞানানি-  
রুজ্ঞান। নিলমণানিলমণ। বিজ্ঞানানিবিজ্ঞান।  
সত্যাননৃত্যং সতামতবৎ যদিদং কিঞ্চ। তৎস-  
তামিত্যাচক্ষতে। তদপোষল্লোকোভবতি।

তিনি ইচ্ছা করিলেন আমি বহু রূপে  
উৎপন্ন হইব। এই হেতু তিনি আলোচনা  
করিলেন। আলোচনা করিয়া এই সমস্ত  
সৃষ্টি করিলেন। সৃষ্টি করিয়া তন্মধ্যে  
প্রবেশ করিলেন অপর তিনি সং ভাবাপন্ন  
হইলেন, নিরুজ্ঞান ও অনিরুজ্ঞান হইলেন, আ-  
শ্রয় ও নিরাশ্রয় হইলেন, জ্ঞান স্বরূপ ও  
অজ্ঞান হইলেন, সত্য ও অমৃত হইলেন।  
এই সমুদায়ই সত্য হইল, কারণ সত্য স্বরূ-  
পই তাহার প্রকৃতি।

—o—

### লৌকিক রক্ষা।

ধর্ম আমাদের আন্তরিক বস্তু। ধর্মের  
প্রকৃত প্রভাব আমাদের অন্তরেই প্রবল  
রূপে প্রকাশ পায়, আত্মার বিশ্বাস ভূমিই  
ধর্মের প্রকৃত স্থান। কিন্তু এই ধর্ম যখন  
বিকৃত হইয়া যায়, যখন নানা প্রকার কাণ্-  
নিক মত ও অনুষ্ঠান তাহাতে সংমিলিত  
হয়, যখন তাহার জীবন্ত সত্য সকল লুপ্ত  
হইয়া যায় এবং তাহা কেবল শ্রাণ শূন্য  
মৃত দেহাবশিষ্ট মাত্র থাকে, যখন বাহ্যিক  
ক্রিয়া কলাপই তাহার শ্রাণ স্বরূপ হইয়া  
উঠে, তখন তাহা অতিশয় বিষময় ফল  
উৎপাদন করে। এপ্রকার হীনাবস্থায় ধর্ম  
কদাপি আত্মাকে পোষণ করিতে পারে না,  
প্রত্যুত তাহা ক্রমে ক্রমে আমাদের আ-  
ত্মাকে দূষিত করিতে থাকে। এপ্রকার ধর্মের  
অনুষ্ঠানে আত্মা কদাপি সায়া দিতে পারে  
না, আমাদের ধর্ম বুদ্ধিতে তাহা স্থান পা-  
ইতে পারে না, সুতরাং আত্মার উপর তাহার  
আর অধিকার থাকে না, এবং তাহার প্রতি  
বিশ্বাসও শিথিল হইয়া আইসে। এই রূপে  
কাণ্পনিক ধর্ম প্রকৃত রূপে আমাদের অ-  
ন্তরে স্থান পায় না, তাহা কেবল বাহ্যিক  
অনুষ্ঠানেতেই পর্যাবসিত হয়, তাহার প্র-  
ভাব কিছু মাত্র আর মনোমধ্যে প্রবেশ  
করিতে পারে না। তখন অন্তরের ভাব ও  
বাহিরের অনুষ্ঠানের বৈষম্য উপস্থিত হয়।  
তখন মে ধর্ম আর হৃদয়কে বিদ্ধ করিতে  
পারে না।

ধর্মের এপ্রকার অবস্থা হইলে জন স-  
মাজের উন্নতির পথ একেবারে রুদ্ধ হইয়া  
যায়। ধর্ম তখন কেবল নিষ্ঠুর বন্ধন মাত্র  
হইয়া উঠে। সুতরাং ছদ্ম ব্যবহার ও  
কপটতার জাল ক্রমশই বিস্তার হইতে

থাকে। অন্তরে ধর্ম প্রভাব শূন্য হ-  
ইলে অধর্ম ও নাস্তিকতা আসিয়া আ-  
ত্মাকে আচ্ছন্ন করে, এই রূপে দিন দিন  
কেবল মানসিক দুর্গতি ও হীনতারই বৃদ্ধি  
হইতে থাকে। আমাদের হিন্দু সমাজের  
প্রতি দৃষ্টিপাত করিলে এই সকল সত্য  
স্পষ্ট প্রতীয়মান হইবেক। পৌত্তলিক  
ধর্মের বিষময় প্রভাব এদেশের সর্বত্রই  
দেদীপ্যমান রহিয়াছে। পৌত্তলিক ধর্ম  
জন সমাজের অজ্ঞানাবস্থা ও হীনাবস্থাতেই  
উৎপন্ন হয় এবং তাহা সেই হীনাবস্থারই  
উপযুক্ত। সুতরাং যে স্থানে জ্ঞান বিদ্যা  
ও সত্যতার উন্নতি হইয়াছে, সেখানে  
পৌত্তলিক ধর্মের কুৎসিত ভাব অবশ্যই  
প্রতীয়মান হইবেক। যে হৃদয়ে অত্যাশ্রয়  
জ্ঞানের আলোক পতিত হইয়াছে, সে হৃদ-  
য়কে পৌত্তলিক ধর্ম কদাপি অধিকার ক-  
রিতে পারে না। এক্ষণে এতদ্দেশে প্রকৃত  
জ্ঞান ও সৎ বিদ্যার প্রচারের সঙ্গে সঙ্গে  
কাণ্পনিক ধর্মের প্রতি অশ্রদ্ধা হইয়া আ-  
সিতেছে। সৎ বিদ্যাশালী ও জ্ঞানবান ব্যক্তি  
মাত্রই পৌত্তলিক ধর্মের প্রতি কদাপি  
বিশ্বাস করিতে পারেন না। পৌত্তলিক  
ধর্ম যে জ্ঞানের বিরুদ্ধ, সামাজিক উন্ন-  
তির বিরুদ্ধ, সুতরাং তাহা পরিত্যজ্য,  
এপ্রকার বিশ্বাস অনেকেরই হইয়াছে।  
কিন্তু তথাপি সেই সকল ব্যক্তি অনুষ্ঠানের  
সময় অনায়াসে পৌত্তলিক ধর্মের শরণাপন্ন  
হইয়া থাকেন। তাহাদের অন্তরে কিছু মাত্র  
বিশ্বাস নাই কিন্তু কার্যের সময় কপট  
ব্যবহার করিয়া থাকেন। এই প্রকার  
যুগিত ব্যবহার এক্ষণে অতি বিস্তীর্ণ রূপে  
প্রচলিত হইয়াছে, তাহার কারণ শুদ্ধ  
লোক ভয়। লোক ভয় একটি অতিশয়  
গুরুতর কথা হইয়া উঠিয়াছে। অতিশয়  
জ্ঞানবান ও বুদ্ধিমান ব্যক্তিও শিশুর ন্যায়

এই অন্ধ ভয়ে ভীত হইয়া অনায়াসে  
সত্যকে ও সরল ব্যবহারকে একেবারে বি-  
সর্জন করিয়াছেন। লৌকিক রক্ষাই এক্ষণে  
ধর্ম হইয়াছে। এই প্রকার সামাজিক  
অবস্থা অতি ভয়ানক অবস্থা। অন্তরে  
ধর্মের বন্ধন শিথিল হইয়া গিয়াছে, অসত্য  
ও কপট ব্যবস্থা ধর্মাত্মক হইয়া  
হইয়াছে। সত্য ধর্মের যে কি প্রকার মাহাত্ম্য  
ও পবিত্রতা তাহা এক্ষণে অনেকে মনেও  
অনুভব করিতে পারেন না। কোথায় ধর্ম  
আমাদের উৎকৃষ্ট ভাব সকলকে প্রসু-  
টিত করিবেক, হৃদয়কে পবিত্র করিবেক,  
পাপের প্রলোভন অতিক্রম করিবার শক্তি  
প্রদান করিবেক, আত্মাকে উন্নত করিবেক,  
এবং সদনুষ্ঠানে মনকে যত্নশীল করিবেক, না  
কোথায় তাহা কেবল ভিত্তিক আচার ব্যব-  
হার ও কাণ্পনিক অনুষ্ঠানেই পর্যাবসিত  
হইয়াছে। সংসারের প্রতি—লোকের প্রতি  
দৃষ্টি করিয়া চলাই মার কর্ম হইয়াছে।  
কয় ব্যক্তি ঈশ্বরের প্রতি দৃষ্টি করে।  
সংসার রক্ষা হইলেই সকল রক্ষা হইবেক,  
এই প্রকার স্বার্থ ভাবই সকল অনর্থের মূল  
হইয়াছে।

যেখানে ধর্ম আত্মাতে স্থান পায় না,  
যেখানে আন্তরিক বিশ্বাস এবং বাহ্যিক অনু-  
ষ্ঠান অতিশয় বিপরীত ভাবাপন্ন, সেস্থলে  
আত্মার দুর্গতির সীমা নাই। আত্মা সেখানে  
দেশাচারের দাসত্ব শৃঙ্খলে বদ্ধ হইয়া অতি-  
শয় হীনাবস্থা প্রাপ্ত হয়, ক্রমে সত্যের  
প্রতি আর আস্থা থাকে না, যে প্রকারে  
হউক নির্বিরোধে লোকের দৃষ্টিতে উত্তম  
রূপে চলিতে পারিলেই হইল। এই প্র-  
কারে লৌকিক রক্ষার অনুরোধে আপনায়  
অন্তরের প্রতি আর দৃষ্টি থাকে না, সুতরাং  
আত্মার প্রকৃত ছুরবস্থা দৃষ্টি গোচর  
হয় না।

যাহারা অহোরাত্র অনবরত বিষয়ের পাশ্চাৎ ধাবমান রহিয়াছে, সাংসারিক সুখ সৌভাগ্য—সাংসারিক উন্নতি যাহাদের জীবনের একমাত্র উদ্দেশ্য হইয়াছে, যাহারা সংসারের অতীত আর কিছুই দেখিতে পায় না, তাহাদেরই এই প্রকার ভাব সহজে উদয় হইতে পারে। কিন্তু যাহাদের সত্যের প্রতি সমাদর জন্মিয়াছে, সত্যের অমৃতময় বিমল জ্যোতি যাহাদের হৃদয়ে একবারও প্রতিভাত হইয়াছে, তাহারা যে দেশাচারের অনুরোধে সত্যকে পরিত্যাগ করে, ইহা সামান্য আক্ষেপের বিষয় নহে। যে দেশাচার সত্য ধর্মের বিরোধী, তাহা বহুকাল প্রচলিত আছে বলিয়া কদাপি পূজ্য ও সেবনীয় হইতে পারে না। আমরা লৌকিক আচার ভঙ্গ করা অধিক দোষ জ্ঞান করি, সত্যকে বিসর্জন করা আমাদের তত গুরুতর প্রত্যবায় জনক বোধ হয় না। ঈশ্বরের সন্নিধানে অপরাধী হইবার অপেক্ষা মনুষ্যের নিকট নিন্দনীয় হইতে অধিক ভীত হই। কিন্তু লোক ভয় কি? কিসে তাহা এত ভয়ানক হইয়াছে? লোক ভয় কেবল স্বার্থপরতার শব্দান্তর মাত্র। যাহারা লোক ভয়ে সত্য হইতে বিমুখ রহিয়াছেন, তাহারা কি ভয় করেন? তাহাদের সকলে পরিত্যাগ করিবে, কেহ তাহাদের সহিত আহার ব্যবহার করিবেক না, হয় তো তাহাদের পৈরম প্রণয়-স্পদ বন্ধুর সহিত বিচ্ছেদ উপস্থিত হইবেক, সাংসারিক সুখ স্বচ্ছন্দতার ব্যাঘাত হইবেক। এই সকল কারণেই তাহারা কাঙ্ক্ষনিক লোকাচার পরিত্যাগ করিতে সমর্থ হন না, ধর্মের নিমিত্তে ত্যাগ স্বীকার করিতে প্রস্তুত নহেন। তাহাদের পক্ষে সাংসারিক বিষয় ব্যাপারই মনুষ্যের প্রধান কার্য, ধর্ম কেবল একটি আনুসঙ্গিক মাত্র। তাহাদের মোহ রূপ ঘনানৃত হৃদয়ে

সত্যের বিমল প্রভা প্রকাশ পায় না, ধর্ম যে কি অমূল্য ধন, তাহা তাহারা অনুভব করিতে পারেন না। কিন্তু যে ভাগ্যবান পুরুষ সত্যের সুন্দর মনোহর মূর্তি দেখিয়াছেন, সত্যকে যিনি মনের সহিত প্রীতি করিতে পারিয়াছেন, যিনি সত্য ধর্মের অমৃতময় উপদেশ গ্রহণ করিয়াছেন, তাহার নিকট মিথ্যা কদাপি স্থান পায় না, তিনি সত্য নিকেতনের প্রতি সম্পূর্ণ নির্ভর স্থাপন করিয়া নির্ভয় চিন্তে সত্যের পথে সহস্র প্রতিবন্ধক অতিক্রম করিয়াও অগ্রসর হইতে থাকেন। তিনি জানেন যে জগতে এমন কোন বস্তু নাই, কোন ধন নাই, কোন সৌভাগ্য নাই, যাহা সত্যের বিনিময়ে ক্রয় করা যাইতে পারে। “সত্যমেব জয়তে নানৃতং” তিনিই এই মহা বাক্যের প্রকৃত তাৎপর্য গ্রহণ করিতে পারেন, তিনিই বলিতে পারেন “কি ভয় লোক ভয়ে”।

### কলিকাতা ব্রাহ্মসমাজের আচার্য্যপদে অভিষেক।

গত বৈশাখ মাসের ১ম দিবসে প্রধান আচার্য্য কর্তৃক শ্রীযুক্ত কেশবচন্দ্র ব্রহ্মানন্দ অচার্য্য পদে অভিষিক্ত হইলেন।

ব্রহ্মোপাসনার পর প্রধান আচার্য্য মহাশয় বলিলেন যে, ঈশ্বর প্রসাদে ব্রাহ্মসমাজের আয়তন ক্রমশঃ বৃদ্ধি হইতেছে। পূর্বের ন্যায় কেবল ইহা কলিকাতাতেই বদ্ধ নাই; কিন্তু দেশ বিদেশে, গ্রামে গ্রামে, তাহার মন্দির প্রতিষ্ঠিত হইতেছে; বঙ্গভূমির সর্বত্রই সেই ঈশ্বরের পবিত্র নাম কীর্তিত হইতেছে—কেবল বঙ্গদেশে কেন; উত্তর পশ্চিমাঞ্চল হিন্দুস্থানের মধ্যেও ঈশ্বরের মঙ্গলময় ব্রাহ্মধর্ম ঘোষণা হইতেছে। ক্রমে আশা-

দের ব্রাহ্মসমাজের কর্মক্ষেত্র প্রশস্ত হইতেছে; এখন সমস্ত বঙ্গভূমি যাহাতে পবিত্র ধর্মেতে উন্নত হয়, ভারতবর্ষ যাহাতে উন্নত হয়, তাহার উপায় চেষ্টা করিতে হইবে। ব্রাহ্মদিগের মধ্যে একটি এক্য বন্ধন স্থাপিত করিতে হইবে, দূরাদূরের ব্রাহ্মসমাজ-সকল সুপ্রণালিতে বদ্ধ করিতে হইবে। কিন্তু আমি কেবল কলিকাতায় বদ্ধ থাকিলে সকল সমাজের সম্যক-রূপে তত্ত্বাবধারণ হয় না। যেখানে যেখানে ব্রাহ্মসমাজ স্থাপিত হইয়াছে, সেই সেই স্থানে আমার স্বয়ং যাইবার প্রয়োজন। আমি এখন আর কলিকাতায় বদ্ধ থাকিতে পারি না, সুতরাং এখানে একটি আচার্য্যের প্রয়োজন হইতেছে, অতএব এক্ষণে আমি আহ্লাদ পূর্বক শ্রীযুক্ত কেশবচন্দ্র ব্রহ্মানন্দকে কলিকাতা ব্রাহ্মসমাজের আচার্য্য পদে প্রতিষ্ঠিত করিতেছি। ঈশ্বর প্রসাদে ব্রাহ্মধর্মে ইহার যে প্রকার অনুরাগ, যে প্রকার নিষ্ঠা, তাহাতে সমাজের অবশ্যই উন্নতি হইবে। এইক্ষণে সকলে মিলিত হইয়া ইহার অতিষেক কার্য্য সম্পন্ন করুন।

শ্রীমান্ কেশবচন্দ্র! তুমি যে এই মহন্তার গ্রহণ করিতে প্রবৃত্ত হইয়াছ, আমি জানিতেছি যে তাহাতে তোমার দ্বারা এ ধর্মের অশেষ উন্নতি হইবে। তুমি এই গুরু ভার অপরাঙ্কিত-চিত্ত হইয়া অহোরাত্র বহন করিবে। কিসে কলিকাতা ব্রাহ্মসমাজ উন্নত হয়, কিসে ব্রাহ্মদিগের মনের মালিন্য দূর হয়, এপ্রকার যত্ন করিবে। অন্য কোন প্রচলিত ধর্মের প্রতি ঘেঁষ কি নিন্দাবাদ করিবে না, কিন্তু যাহাতে সকল ব্রাহ্মদিগের মধ্যে এক্য বন্ধন হয় এমত উপদেশ দিবে। আপনার আন্তরিক ভাব অকপট হৃদয়ে নির্ভয়ে ব্যক্ত করিবে, সদা নমু-স্বভাব হইবে। ব্রহ্মদিগকে সমাদর করিবে। যা-

হার যে প্রকার মর্ষাদা তাহাকে সেই প্রকার মর্ষাদা দিবে। তুমি যে কর্মে অগ্রসর হইয়াছ এ অতি চুক্‌ক কর্ম। কিন্তু অল্প বয়স্ক মনে করিয়া আপনাকে অবজ্ঞা করিও না, আমারদের ব্রাহ্মধর্ম-প্রবর্তক মহাত্মা রামমোহন রায় ধর্মের জন্য ঘোড়শ বৎসরে দেশ-ভাগী হইয়াছিলেন, সেই ঘোড়শ বৎসরে তিনি যে ভাব দ্বারা নীরমান হইয়াছিলেন, সেই ভাব তাহার হৃদয়ে চিরদিনই ছিল। প্রথম বয়সে যাহারা ধর্মের জন্য ত্যাগ স্বীকার করেন, তাহারা কদাপি অবসন্ন হন না; তুমি আপন ইচ্ছার সহিত প্রাণ হৃদয় মন সকল ঈশ্বরেতে অর্পণ কর। না ধনের দ্বারা, না প্রজার দ্বারা, কিন্তু কেবল ত্যাগের দ্বারাই তাহাকে লাভ করা যায়। ধর্মের জন্য ত্যাগ স্বীকার করিতে স্কন্ধ হইবে না। কলিকাতা ব্রাহ্মদিগের হৃদয়ে ব্রাহ্মধর্ম বীজ প্রাণ-পণে রোপণ করিবে।

এক্ষণে তুমি আপনার আত্মাকে সেই অমৃত-সাগরে নিমগ্ন কর, সেই জগৎ প্রসবিতা পরম দেবতার বরণীয় জ্ঞান ও শক্তি ধ্যান কর, যিনি আমারদিগকে বুদ্ধি-বৃষ্টি-সকল প্রেরণ করিতেছেন।

ঈশ্বর তোমাকে এইক্ষণে আপনার অমৃত সলিলে অভিষিক্ত করিতেছেন। তাহার আদেশে আমিও তোমাকে এই আচার্য্য পদে অভিষিক্ত করিতেছি। তুমি কলিকাতা ব্রাহ্মসমাজের আচার্য্য পদ ধারণ করিয়া চতুর্দিকে শুভ ফল বিস্তার কর।

এই ব্রাহ্মধর্ম গ্রন্থ গ্রহণ কর। যদিও হিমালয় চূর্ণ হইয়া ভূমিসাৎ হয়, তথাপি ইহার একটি মাত্র সত্য বিনষ্ট হইবে না। যদি দক্ষিণ সাগর শুষ্ক হইয়া যায়, তথাপি ইহার একটি সত্যেরও অন্যথা হইবেক না। যে প্রকারে পূর্বে অগ্নি হোত্রীরা অগ্নিকে রক্ষা করিতেন, তুমি এই

ব্রাহ্মধর্মকে তজ্জপ রক্ষা করিবে। হে ব্রাহ্মগণ। তোমরা অদ্যাবধি এই কলিকাতার আচার্যের প্রতি অনুকূল হইয়া ইহার কথা প্রজ্ঞার সহিত গ্রহণ করিবে, তাহাতে ব্রাহ্মধর্মের অবশ্যই গৌরব বৃদ্ধি হইবে।

পরে প্রধান আচার্য মহাশয় নিম্নোক্ত অধিকার পত্র পাঠ করিয়া তাঁহার হস্তে অর্পণ করিলেন।

### অধিকার পত্র।

ওঁ তৎসৎ

“ব্রহ্মজ্ঞান ব্রহ্মধ্যান ব্রহ্মানন্দ রস পান”

প্রজ্ঞানন্দ শ্রীযুক্ত কেশবচন্দ্র ব্রহ্মানন্দ কলিকাতা ব্রাহ্মসমাজের আচার্য মহাশয়েষু।

তুমি অদ্য ঈশ্বর-প্রসাদে কলিকাতা ব্রাহ্ম সমাজের আচার্য পদে অভিষিক্ত হইলে; তুমি এই ভার কায়মনোবাক্যে বহন করিবে। তোমার উপদেশ ও অনুষ্ঠান যেন ব্রাহ্মদিগের অমৃতের সোপান হয়। বাহাতে বিশ্বশ্রদ্ধা, বিশ্বপাতা, মঙ্গল নিধান, পরমেশ্বরের প্রতি ব্রাহ্মদিগের মনো বুদ্ধি আত্মা উন্নত হয়; ধর্ম, প্রীতি, পবিত্রতা ও সাধু ভাবের সঞ্চার হয়; বাহাতে ঘেষ কলহ অন্তরিত হইয়া ব্রাহ্মদিগের মধ্যে একটি ঐক্য বন্ধন স্থাপিত হয়; এপ্রকার সচ্ছপদেশ দিবে এবং সাধুদৃষ্টান্ত প্রদর্শন করিবে। সম্পত্তি বিপাত্তিতে, স্তুতি নিন্দাতে, মান অপমানে অবিচলিত থাকিয়া ব্রাহ্মধর্ম প্রচার করিবে। আপনার মান মর্যাদা প্রভুত্ব বিস্তারের প্রতি লক্ষ্য না রাখিয়া ঈশ্বরের মহিমাকে মহীয়ান করিবে। ঈশ্বর তোমাকে রক্ষা করুন, তোমার জ্ঞান ধর্ম পোষণ করুন, তোমার শরীর বলিষ্ঠ হউক, মন বীর্যবান হউক, জ্ঞান উজ্জ্বল হউক, ধর্ম স্বার্থ হীন হউক, হৃদয় প্রশান্ত ও পবিত্র

হউক, জিহ্বা মধুময় হউক। তোমার চক্ষু তদ্রূপ দর্শন করুক, কর্ণ তদ্রূপ কথা শ্রবণ করুক। ওঁ শান্তিঃ শান্তিঃ শান্তিঃ হরিঃ ওঁ।  
শ্রী দেবেন্দ্রনাথ ঠাকুর।

১ বৈশাখ  
১৭৮৪ শক

ব্রাহ্ম-সমাজ-পতি  
ও প্রধান আচার্য।


## বিজ্ঞান

### ভূতত্ত্ববিদ্যা।

ধরাভূতল কি প্রকার পদ্ধতি ক্রমে ও কি প্রকার পদার্থ সমূহে সংরচিত হইয়াছে এবং সেই সকল পদার্থ কি প্রকার নিয়মানুসারে সংস্থাপিত আছে, এই বিষয়ের অনুসন্ধান ভূতত্ত্ববিদ্যার প্রধান উদ্দেশ্য। এই বিস্তীর্ণ ভূমণ্ডলের উপরিভাগ অত্যন্ত পর্বত, গভীর সাগর, অসংখ্য নদ নদী, প্রান্তর, দেশ, প্রদেশে, যে প্রকার বিচিত্র রূপে বিভক্ত রহিয়াছে এবং তাহা নানা বিধ মৃত্তিকা প্রস্তর খাত্ত সিকতাদি বিবিধ পদার্থ সমূহে যে রূপ পরিপূর্ণ রহিয়াছে, তাহাতে স্পষ্টতঃ ধরাভূতলের রচনা বিষয়ে কোন নিয়মই দৃষ্ট হয় না। কিন্তু ভূতত্ত্ববিৎ পণ্ডিতেরা এই প্রকার দৃশ্য বিশৃঙ্খলার মধ্যে একটি সুন্দর নিয়ম আবিষ্কার করিয়াছেন। ধরাভূতলের পরীক্ষা দ্বারা ইহা নিরূপিত হইয়াছে, যে ভূতল উপর্যুপরিস্থিত ভিন্ন ভিন্ন স্তর বিন্যাসের দ্বারা বর্তমান অবস্থায় পরিণত হইয়াছে। এক একটি স্তর এক এক প্রকার অবস্থাক্রান্ত পদার্থে রচিত, এবং তাহারদের পরীক্ষা দ্বারা স্পষ্ট প্রতীয়মান হয় যে প্রত্যেক স্তর বিন্যাসে শত শত বৎসর অতিবাহিত হইয়াছে। অপর স্তর নিহিত মৃত জীব সকলের যে সমস্ত অস্থি ও দেহাবশিষ্টাংশ প্রাপ্ত হওয়া যায়, তদ্বারা অতি পূর্বতন কালের জীবগণেরও পরিচয় প্রাপ্ত হওয়া যায়। এই রূপে ভূস্তর পরীক্ষা দ্বারা পৃথিবীর পূর্বতন অবস্থা ও তাহার ক্রমশঃ পরিবর্তন এবং সামান্যতঃ ভূতত্ত্ববিদ্যার অতিশয় আশ্চর্য্য নিগূঢ় তত্ত্ব সকল নিরূপিত হইয়াছে।

ধরাভূতল খনন করিয়া ক্রমে ক্রমে ভূগর্ভে যতই প্রবেশ করা যায়, ততই পরে পরে এক একটি ক-

থিবীর সর্বত্রই ভূমির প্রায় ৪০ চতুর্দশ কিম্বা ৬০ ঘাইট হস্ত নিম্নে সকল কালে ও সকল ঋতুতে উ-



তথাকারও ভূমির নিম্নে প্রবেশ করিলে ক্রমশঃই উষ্ণতার আধিক্য অনুভব হইয়া থাকে। এবং প্-

> 100 Degrees Fahrenheit.

ব্রাহ্মধর্মকে তদ্রূপ রক্ষা করিবে। হে হৃদক, জিহ্বা মধুময় হউক। তোমার চক্ষু  
হৃদক, জিহ্বা মধুময় হউক। তোমার চক্ষু

মন বীর্ষাবান্ হউক, জ্ঞান উজ্জ্বল হউক,  
ধর্ম স্বার্থ হীন হউক, হৃদয় প্রশস্ত ও পবিত্র

বর্তন এবং সামান্যত ভূতত্ত্ববিদ্যার অভিশয় আ-  
শ্রম্য নিগূঢ় তত্ত্ব সকল নিরূপিত হইয়াছে।

ধরাতল খনন করিয়া ক্রমে ক্রমে ভূগর্ভে যতই  
প্রবেশ করা যায়, ততই পরে পরে এক একটি ক-  
রিয়া স্তর আমাদের দৃষ্টি গোচর হয়। এই রূপে  
ভূমণ্ডলের উপরিভাগ বিবিধ প্রকার স্তর সন্নিপাতে  
বিনির্মিত হইয়াছে।

ভূতলের অভ্যন্তর যত দূর পর্যন্ত মনুষ্যের  
গোচর হইয়াছে, তাহাকে ভূত্বক বলা যায়, এই  
ভূত্বক অধিকাংশই স্তর সংগঠিত, এই হেতু পলাগুর  
ত্বকের ন্যায় তাহা পৃথিবীর আবরণীয় ত্বক স্বরূপ  
হইয়াছে। ভূত্বকের একটি প্রতিক্রিয়া অঙ্কিত ক্ষেত্রে  
প্রদর্শিত হইল। পরীক্ষা ও অনুমান দ্বারা ইহা  
অবধারিত হইয়াছে যে পৃথিবীর ত্বকের গভীরতা  
বিংশতি ক্রোশের অধিক নহে। কিন্তু পৃথিবীর  
ব্যাস ৪০০০ ক্রোশ। অতএব পৃথিবীর প্রকাণ্ড-  
কারের পক্ষে এই ভূত্বক অতি সূক্ষ্ম ও স্বপ্ন  
গভীর বলিতে হইবেক। তবে ভূত্বকের নিম্নে  
পৃথিবীর গর্ভে কি প্রকার পদার্থ আছে, এই প্রশ্নটি  
আপনা হইতেই আমাদের মনে উদয় হয়। কিন্তু  
অদ্যাপি প্রকৃত পরীক্ষা দ্বারা আমরা এই বিষ-  
য়ের কোন তত্ত্বানুসন্ধান করিতে পারি নাই।  
এ বিষয়ে অনেকে অনেক প্রকার মত উদ্ভাবিত  
করিয়াছেন কিন্তু তৎ সমুদায়ই কেবল কল্পনা ও  
অনুমান সিদ্ধ। বাস্তবিক অদ্যাপি ভূমণ্ডলের  
অতিদূর অভ্যন্তরস্থ প্রায় কিছুই আমাদের জানি-  
বার উপায় নাই।

কিন্তু পৃথিবীর গুরুত্ব ও তাহার আন্তরিক  
উত্তাপ, এই দুইটি বিষয়ের প্রকৃত সমালোচনা  
দ্বারা ধরাতলস্থ পদার্থ সকলের অবস্থা সম্বন্ধীয়  
অনেক আভাস প্রাপ্ত হওয়া যায়।

ইহা অবশ্য সকলেরই বিদিত আছে, যে ধরা-  
তলের উষ্ণতা সূর্য্য রশ্মি দ্বারা উৎপন্ন হয়। কিন্তু  
সূর্য্যের উত্তাপ ভূমির অভ্যন্তরে অতাপ্প দূরেই  
প্রবেশ করে। অপর ভূমি খনন দ্বারা ইহা  
সর্বত্র প্রত্যক্ষ দৃষ্ট হইয়াছে যে ভূতলের নিম্নে  
যতই প্রবেশ করা যায় ততই উষ্ণতার আধিক্য  
বোধ হয়। এমন কি যে সকল দেশ বৎসরের সকল  
সময়েই ভূবার রাশিতে নিয়ত আচ্ছাদিত থাকে,  
তথাকারও ভূমির নিম্নে প্রবেশ করিলে ক্রমশই  
উষ্ণতার আধিক্য অনুভব হইয়া থাকে। এবং পৃ-

থিবীর সর্বত্রই ভূমির প্রায় ৪০ চল্লিশ কিম্বা ৬০  
ফাইট হস্ত নিম্নে সকল কালে ও সকল ঋতুতে উ-  
ষ্ণতার সমভাব দৃষ্ট হয়, এবং তাহার নিম্নে যতই  
প্রবেশ করা যায় ততই ক্রমশ উত্তাপের বৃদ্ধি  
হইতে থাকে। এই উত্তাপ কদাপি সূর্য্যের  
কিরণ জনিত হইতে পারে না সুতরাং তাহা  
অবশ্যই ভূ গর্ভস্থ উত্তাপ হইবেক। অপর তাপ-  
মান যন্ত্র সহকারে পরীক্ষা দ্বারা ইহা নিরূপিত  
হইয়াছে যে প্রতি অর্ধ ক্রোশ নিম্নে তাপমানের  
শতাংশ (১) পরিমিত উষ্ণতা বৃদ্ধি হইতে থাকে।  
এই নিয়মানুসারে পৃথিবীর বিংশতি ক্রোশ অভা-  
ন্তরে উষ্ণতার পরিমাণ প্রায় তাপমানের ৪০০০  
অংশ হইবেক। এতাদিক উত্তাপে ধরাতলস্থ  
এমন কোন কঠিন পদার্থ নাই যাহা সম্যক রূপে  
দ্রবীভূত না হয়।

এই হেতু ইহা সিদ্ধান্ত করা যাইতে পারে যে  
পৃথিবীর অভ্যন্তর যদি ভূতলের ন্যায় পদার্থ  
বিশিষ্ট হয়, তবে ধরাতলের ২০ বিংশতি ক্রোশ  
নিম্নে সমুদায় পদার্থই অদ্যাপি তরল অবস্থায়  
আছে; সুতরাং পৃথিবীর উপরিস্থ সংহত ভূভাগের  
স্থূলতা ২০ বিংশতি ক্রোশের অধিক হইবেক না।  
এবং এই ত্বক স্বরূপ কঠিন ভূমি দ্বারা বেষ্টিত  
হইয়া পৃথিবীর মধ্যস্থ সমুদায় পদার্থই অত্যাঙ্গ ও  
দ্রবীভূত হইয়া রহিয়াছে। যদি আমরা পৃথিবীকে  
একটি সারসের অণ্ডের ন্যায় মনে করি, তবে পৃথি-  
বীর ভূত্বক সেই অণ্ডের আবরণী ত্বকের ন্যায়  
প্রতীয়মান হইবেক। ভূতত্ত্ববিৎ পণ্ডিতগণ এত  
দিনে কেবল সেই ভূত্বকেরই প্রকৃতি বিষয়ক  
কিঞ্চিৎ জ্ঞান লাভ করিয়াছেন। কিন্তু ভূমণ্ড-  
লের মধ্যস্থ অসীম পদার্থ রাশি অদ্যাপি সম্পূর্ণ  
রূপে তাঁহাদের নিকটে অপরিজ্ঞাত রহিয়াছে।

অপর পৃথিবীর গুরুত্ব বিবেচনা করিলে ভূত্বক  
বিষয়ক উক্ত মতেরও পোষকতা প্রাপ্ত হওয়া  
যায়। গণিত ও বিজ্ঞান শাস্ত্রের দ্বারা ইহা  
অবধারিত হইয়াছে যে সমুদায় পৃথিবীর গুরুত্ব  
জলের অপেক্ষাও পাঁচ গুণ অধিক হইবেক, অর্থাৎ  
পৃথিবীর তুল্যায়তন একটি জল রাশি অপেক্ষা



পৃথিবী ৫ পাঁচ গুণ ভারি। কিন্তু ধরাতলের উপরিস্থ ত্বাগ ও পর্বতাদির গুরুত্ব পরীক্ষা দ্বারা ইহা অবধারিত হইয়াছে যে উক্ত ত্বাগ জলাপেক্ষা ২১০ আড়াই গুণ ভারি। অতএব ধরাতলস্থ পদার্থ সমূহ জলাপেক্ষা অবশ্যই পঞ্চাশ গুণ ভারি হইবেক। অর্থাৎ ইহা প্রতিপন্ন হইতেছে যে যে সকল পদার্থ পৃথিবীর অধিক নিম্নে আছে তাহার অধিক গুরু। এবং জলাদি তরল পদার্থ মাত্রই এই প্রকার স্থিতির নিয়ম দৃষ্ট হয়। অর্থাৎ তরল পদার্থ মধ্যে যে অংশ অধিক নিম্নে থাকে তাহা অপেক্ষাকৃত অধিক ঘনীভূত ও সুতরাং অধিক ভারি হয়।

পৃথিবীর অভ্যন্তর যে উষ্ণ দ্রবীভূত ধাতুময় ইহা এক্ষণে অধিকাংশ বিজ্ঞানবিৎ পণ্ডিতদিগেরই মত। বাস্তবিক পৃথিবীর অন্তরস্থ পদার্থ বিষয়ক যে সকল মত উদ্ভাবিত হইয়াছে তন্মধ্যে এই মতটি অনেকাংশে সঙ্গত বোধ হয়।

এই মতানুসারে পৃথিবী এক কালে সম্পূর্ণরূপে অত্যুষ্ণ দ্রব ধাতু পিণ্ড মাত্র ছিল। এবং এই অবস্থাতেই তাহা স্বীয় অক্ষোপরি ঘূর্ণিত হওয়াতেই তাহার দুই কেন্দ্র কিঞ্চিৎ নিম্ন হইয়া গিয়াছে। কাল ক্রমে ভূমণ্ডলের উপরি ভাগস্থ উষ্ণতা বিকীর্ণ হইয়া গেলে, উত্তাপ বিগম হেতু সেই ভাগটি সংহত ও কঠিন হইয়া পৃথিবীর আবরণী ত্বক স্বরূপ হইয়াছে। ভূতলস্থ জল ও অপরাপর লঘু ও তরল পদার্থ প্রথমে উত্তাপের আতিশয্য হেতু বাষ্পাকারে পৃথিবীকে বেষ্টিত করিয়াছিল, পরে ধরাতল শীতল হইলে বাষ্প সমূহ পুনরায় জল ধারায় পতিত হইয়া ধরাকে প্লাবিত ও পরিবেষ্টিত করিল। স্থানে স্থানে অন্তরস্থ ধাতু মিশ্রব উথিত হইয়া উচ্চ পর্বত সকল উৎপন্ন হইয়াছে। এবং সেই সকল পর্বত দ্বারা ধরাতল উচ্চ নীচ হইয়া জলে ও স্থলে বিভক্ত হইয়াছে। কিন্তু ইহা জানা আবশ্যিক যে অতি পূর্বতন অবস্থায় পৃথিবীর অধিকাংশই জলে আবৃত ছিল এবং সেই জলের কার্য দ্বারা ভূমণ্ডলের সর্বত্রই স্তর সমূহ উৎপন্ন হইয়াছে, কারণ ইহা পশ্চাতে দৃষ্ট হইবেক যে ভূস্তর সমুদ্র গর্ভ অথবা বৃহৎ জলাশয়েতে সন্নিপাত হইয়া থাকে।

ধরাতল যে সর্বত্রই জলেতেই আচ্ছাদিত ছিল এপ্রকার বিশ্বাস আমাদের প্রাচীন ঋষিদিগের মধ্যে দেখা যায়। বাস্তবিক হিন্দু গ্রীক এবং মিশর জাতিদিগের মতে বিধাতা জনকে সর্বত্রই সৃষ্টি করিয়াছিলেন এবং সেই জন হইতে অপরাপর সৃষ্ট বস্তু ক্রমে উৎপন্ন হইয়াছে।

সোতিধ্যায় শরীরাং স্বাং সিসুকুর্বিবিধাঃ প্রজাঃ।  
অপএব সসর্জাদৌ ভীমু বীজমবাসৃজৎ। মনুঃ।

যা সৃষ্টিঃ অক্ষুরাদ্যা— অস্তিজ্ঞানশকুস্তলং।

এই স্থলে ভূস্তর সমূহের একটি কল্পিত প্রতিক্রম ২ ক্ষেত্রে প্রদর্শিত হইল। এই চিত্রে কক অঙ্কিত ভাগটি অন্তরীভূত কঠিন প্রস্তরময়। ইহা সর্বত্রই সমুদায় স্তরের নিম্নদেশেই দৃষ্ট হয়, কেবল স্থানে স্থানে ইহা উৎক্লিপ্ত হইয়া উচ্চ পর্বত রূপে উথিত হইয়াছে। ভূত্বকের এই অংশটি পরীক্ষা করিলে বোধ হইবেক যে এক কালে ইহা অত্যুষ্ণ দ্রবীভূত ছিল এবং ক্রমে সংহত হইয়া পৃথিবীর একটি কঠিন ত্বক স্বরূপ হইয়াছে। এই ভাগের উপরে স্তর সকল বিন্যস্ত হইয়া একাদিক্রমে উপর্যুপরি উথিত হইয়াছে। স্তর সকল স্বভাবতই সম ধরাতল ভাবে সন্নিপাতিত হইয়া থাকে কেবল পৃথিবীর আন্তরিক বিপ্লব ও ভূকম্পাদি দ্বারা তৎ সমুদায় স্থানে স্থানে উৎক্লিপ্ত বক্রীকৃত বা তির্য্যগ্ভাবে প্রস্থাপিত হইয়া পড়িয়াছে। সময়ে সময়ে প্রাকৃতিক কার্য কারণ বশত ভূত্বক ভয়ানক রূপে আন্দোলিত হওয়াতে উচ্চ পর্বত সকল স্তরাবলি ভেদ করিয়া উথিত হইয়াছে, এবং তাহার সঙ্গে সঙ্গে ভূস্তর সকলও বক্রীকৃত ও উৎক্লিপ্ত হইয়াছে। অপর যে সকল স্তর ভূমি অতি গভীর ভূগর্ভে নিহিত ছিল তাহা উচ্চ পর্বতের উপরে দেখিতে পাওয়া যায়। হিমালয় ও অপরাপর উচ্চ ঠশল সকলের অতি উর্দ্ধভাগে স্তরা-স্তর্গত সমুদ্রজ জীবদিগের মৃত দেহ ও অস্থি সকল দৃষ্ট হয়। উক্ত অস্থি সকল দর্শন করিয়া অনেকে অনেক প্রকার কারণ নির্দেশ করিয়াছিলেন কিন্তু ভূতত্ত্ববেত্তারা তাহার প্রকৃত ভাৎপর্য্য অবধারণ করিতে সমর্থ হইয়াছেন। এক্ষণে যে সকল পর্বত শিখর মেঘমালা ভেদ করিয়া উঠিয়াছে তাহার এক কালে সাগর গর্ভে

নিহিত ছিল, যেখানে এক্ষণে আমরা সেই সকল অলঙ্কার পর্বত শ্রেণী দর্শন করিতেছি সেস্থান পূর্বে গভীর সমুদ্র সলিলে নিমগ্ন ছিল। এই প্রকার আশ্চর্য্য পরিবর্তন এক্ষণে হঠাৎ আমাদের প্রতীতি জনক বোধ হয় না। কিন্তু যে সকল সভ্য স্পষ্ট চিহ্ন সকল বিদ্যমান রহিয়াছে তাহা ভূতত্ত্ববিৎ পণ্ডিতদিগের নিকট অস্বাস্ত রূপে পৃথিবীর পুরাতত্ত্বের পরিচয় প্রদান করিতেছে। পর্বত সান্নিধ্য স্তর সকল প্রায় বক্রীভূত থাকে। সেই সকল স্তর যখন সন্নিপাত হয় তখন তাহার অবশ্যই সমধরাতল রূপেই পাতিত হইয়াছিল কিন্তু পর্বতের উৎপত্তি হেতু তাহারও উৎক্লিপ্ত হইয়া পর্বতের পার্শ্বদেশে বক্র অথবা লম্ব ভাবে সংলগ্ন হইয়া থাকে। ৪ ও ৫ ক্ষেত্রে এই প্রকার স্তর প্রদর্শিত হইয়াছে। অপর যে পর্বত বত অধিক স্তর ভেদ করিয়া উঠিয়াছে তাহা তত আধুনিক অর্থাৎ একটি পর্বত যদি ৪ টি স্তর ভেদ করিয়া উথিত হয় এবং আর একটি যদি ছয়টি ভেদ করিয়া উঠে তাহা হইলে দ্বিতীয় পর্বত টি অপরাপেক্ষা আধুনিক, কারণ তাহা ৬ টি স্তর উপর্যুপরি রচিত হইলে পর উৎপন্ন হইয়াছে। সুতরাং দ্বিতীয় টি অবশ্যই প্রথমটির বহু দিন পরে উথিত হইয়াছে। ধরাতলস্থ হইতে পর্বত উথিত হইলে সেই পর্বত সান্নিধ্য স্তর ভূমি সকল কি প্রকারে উৎক্লিপ্ত ও বক্রীকৃত হইয়া পর্বতের পার্শ্বদেশ লগ্ন হইয়া থাকে তাহা ৪ ক্ষেত্রে প্রদর্শিত হইল। পর্বতের অব্যবহিত পরেই যে স্তরটি রহিয়াছে তাহাই সর্বাপেক্ষা নিম্নস্থ ছিল এবং পার্শ্ব তাহার পরে যে সকল স্তর রহিয়াছে তৎ সমুদায় ক্রমে ক্রমে তত্বপরি উৎপন্ন হইয়াছিল।

এতাবৎ কাল পর্য্যন্ত মনুষ্য শুদ্ধ খনন দ্বারা ভূগর্ভের কেবল দুই সহস্র হস্ত নিম্নে প্রবেশ করিতে সমর্থ হইয়াছে। কিন্তু ভূত্বকের গভীরতার পক্ষে দুই সহস্র হস্ত নিতান্ত অল্প বলিতে হইবেক। অতএব পর্য্যায়ক্রমে পৃথিবীর উপর্যুপরি স্তরাবলি কি রূপে আমাদের দৃষ্টিগোচর ও পরীক্ষিত হইতে পারে? বাস্তবিক যদি শুদ্ধ খনন করিয়া ভূত্বকের অধোস্থ স্তর সকলের প্রকৃতি ও গঠন নিরূপণ করিতে হইত তাহা হইলে অ-

দ্যপি অধিকাংশ স্তরই আমাদের সুস্পূর্ণরূপে অজ্ঞাত থাকিত। কিন্তু প্রকৃতি দেবী যেন আপনায় সমুদায় কৌশল ও অদ্ভূত কার্য্য চূর্কল মনুষ্যকে দেখাইবার নিমিত্তে ভৌতিক কার্য্য কারণ দ্বারা স্থানে স্থানে সমুদায় স্তরাবলি বিপর্য্যস্ত করিয়া রাখিয়াছেন। তদ্বারা অতিশয় নিম্নস্থ স্তর সকল প্রায় একেবারে ধরাতলোপরি দেখিতে পাওয়া যায়। এমন বহু সংখ্যক স্তর কোন কোন প্রদেশে লম্বভাবেই সংস্থাপিত রহিয়াছে। এই প্রকার স্তরের আকৃতি ৫ অঙ্কিত ক্ষেত্রে দৃষ্ট হইবেক।

কিন্তু ইহা জানা আবশ্যিক যে স্তর সকল যখন সংরচিত হইয়াছিল তখন তাহার সমতল ভাবেই পাতিত ছিল। কেবল ভূত্বকের আন্দোলন হেতুই তৎ সমুদায় বক্রীকৃত হইয়া যায়। ভূমিকম্পন দ্বারা স্থানে স্থানে স্তর সকল তরঙ্গিত ভাবে পরিণত হইয়াছে ৬ এবং ৮ ক্ষেত্রে এই রূপ স্তরের প্রতিক্রম দৃষ্ট হইবেক।

যদিম্যৎ ভূত্বক কোন প্রকারে আন্দোলিত না হইত, তাহা হইলে সমুদায় স্তরই একখানি গ্রহের পত্র সমূহের ন্যায় উপর্যুপরি রূপে থাকিত।

স্তর সকল দেখিলেই প্রতীয়মান হয় যে তাহার জলের মধ্যে সংরচিত হইয়াছে। এবং এই হেতুই তাহার উক্ত প্রকার সমতাবেই স্থাপিত হইয়া থাকে। যদি কোন জলাশয়ের তল ভূমি জল সংশ্লিষ্ট মৃত্তিকাদির অধঃ পতন দ্বারা ক্রমে পুরিয়া যায়, এবং যদি সেই জলাশয়টি পরে শুষ্ক হইয়া পড়ে, তবে তাহার তল ভূমির উপর একটি সমতল স্তর দৃষ্ট হইবেক। জলাশয়ের মধ্যে যে প্রকার মৃত্তিকা জমিয়া একটি ক্ষুদ্র স্তর রূপে পরিণত হয়, তদ্রূপ অতি বিস্তীর্ণ প্রকরণে সমুদ্র গর্ভে পৃথিবীর স্তর সকল উৎপন্ন হইয়াছে। এ প্রকারও দৃষ্ট হয় যে কোন স্থানে নৈসর্গিক উৎপাত হেতু যদি স্তর সকল উৎক্লিপ্ত ও বক্রীকৃত হইয়া যায় তথাপিও সেই সকল স্তরের উপরে আবার যখন পুনরায় স্তর সংরচিত হয় তখন ও সে স্তর বক্রীকৃত না হইয়া পুরোক্ত নিয়ম ক্রমে সমতল রূপেই পাতিত হইয়া থাকে। এই প্রকার স্তরের প্রতিক্রম ৬ ক্ষেত্রে দৃষ্ট হইবেক।

পৃথিবীর সমুদায় স্তরের সংখ্যা করাই হুঃসাধ্য। কিন্তু ভূতত্ত্ব বিং পণ্ডিতগণ তাহাদিগকে কতিপয় প্রধান শ্রেণীতে বিভক্ত করিয়াছেন। ভূতত্ত্বের গঠনানুসারে প্রথমতঃ তাহাকে দুইটি ভাগে বিভক্ত করা যায়; যথা অস্তরীভূত এবং স্তরীভূত। ভূতত্ত্ব যদি লম্ব ভাবে ছেদন করা যায় তাহা হইলে সেই ছেদ মুখে উপর্যুপস্থিত দুইটি ভিন্ন ভিন্ন অবস্থাক্রান্ত ভাগ দৃষ্ট হইবেক। তাহার অধোভাগটি অতিশয় কঠিন প্রস্তরময়, এবং সেই ভাগের গঠনের কোন পদ্ধতি দৃষ্ট হয় না, কেবল বোধ হয় যেন রাশীকৃত প্রস্তর জমাট হইয়া উক্ত রূপে পরিণত হইয়াছে। এই সকল প্রস্তর যে এককালে অভূতাবস্থায় ছিল তাহা পরীক্ষা দ্বারা অনায়াসে বোধ হইবেক। পরাতল হইতে যে সকল বিস্তীর্ণ অভূতাবস্থায় উৎপত্ত হইয়াছে, তাহারও এই প্রকার প্রস্তরময়, তাহার উক্ত অস্তরীভূত ভূভাগের অংশ মাত্র। কিন্তু ভূতত্ত্বের অপর ভাগটি অস্তরীভূত ভাগের উপরে ক্রমে ক্রমে এবং স্তবকে স্তবকে সন্নিবেশিত হইয়া পরাতল পর্য্যন্ত উৎপত্ত হইয়াছে। অতএব এই দ্বিতীয় ভাগের নাম স্তরীভূত ভাগ বলা যায়। এই সকল স্তর স্তবক একে বারে উৎপন্ন হয় নাই, কিন্তু তাহার ক্রমে ক্রমে সাগর মধ্যতে জলের কার্য দ্বারা এক একটি করিয়া সংরচিত হইয়াছে। অপর এই স্তরীভূত ভাগ চারিটি প্রধান শ্রেণীতে বিভক্ত করা যায়। এই চারি খণ্ড পরস্পর অনেকাংশে ভিন্ন ভিন্ন প্রকৃতিবিশিষ্ট। ১ ক্রমে স্তরীভূত ও অস্তরীভূত অংশের প্রতিক্রম দৃষ্ট হইবেক। অস্তরীভূত ভাগের অব্যবহিত পরেই যে স্তরাবলি দৃষ্ট হয় তাহা যদিও স্তর বিশিষ্ট স্থাপি অস্তরীভূত অংশের ন্যায় পদার্থ সমূহে সংরচিত এবং অনেক বিষয়ে তাহারই সদৃশ। এই হেতু স্তরীভূত ও অস্তরীভূত অংশের মধ্যস্থ ভাগটিকে মাধ্যমিক বা বিকার-ভূত নামে উক্ত হইতে পারে। অস্তরীভূত ও স্তরীভূত এই দুই প্রধান ভাগের আকৃতি ও অবস্থাগত যে প্রকার প্রভেদ দৃষ্ট হয় তদ্রূপ তাহাদের মধ্যে আর একটি বিষয়ে বিশেষ বিভিন্নতা প্রত্যক্ষ করা যায়। স্তরীভূত ভাগের মধ্যে সর্বত্রই প্রায় নানা প্রকার জীবের

শরীরাবশিষ্টাংশ প্রাপ্ত হওয়া যায়। কিন্তু অস্তরীভূত খণ্ডে কোন প্রকার জীব বা উদ্ভিদের চিহ্ন মাত্রও দৃষ্ট হয় না, ভূতত্ত্বের অস্তরীভূত ভাগ যে এক কালে অগ্নিময় অত্যাধিক ছিল তাহা এই লক্ষণের দ্বারাও বোধ হইতেছে। বাস্তবিক যে সময়ে পৃথিবীর এই অংশটুকু উত্তাপ বিগম হেতু কঠিন হইয়াছিল তখনও কোন প্রকার জীবের বা উদ্ভিদের সৃষ্টি হয় নাই। কিন্তু ক্রমে ক্রমে যেমন স্তর সকল উৎপন্ন হইতে লাগিল তাহার সঙ্গে সঙ্গে বিবিধ জীবেরও উৎপত্তি হইতে লাগিল। পূর্বেই উক্ত হইয়াছে যে ভূতত্ত্বের স্তরীভূত অংশ চারি শ্রেণীতে বিভক্ত করা যায়, সেই চারি ভাগের নাম আদ্য স্তবক দ্বিতীয় স্তবক তৃতীয় স্তবক এবং অতিক্রমিক বা আধুনিক স্তবক। এই সকলের লক্ষণ ও প্রভেদ এবং ইহাদের অন্তর্গত পদার্থ সকলের বিবরণ পশ্চাতে উল্লিখিত হইবেক।



### উদ্ধৃত।

কলিকাতা-ব্রাহ্ম-সমাজ।

৮ ইচ্ছ ১৮৮২ শক।

বুধবার।

ব্রাহ্মধর্মের ব্যাখ্যান।



যোবৈ ভূমা তৎ সুখং নাৎপে সুখমস্তি।

যদি তোমাদের এই ভয়াবহ সংসার-সমুদ্র হইতে উত্তীর্ণ হইবার ইচ্ছা থাকে, যদি সংসার-পার সেই অভয় ব্রহ্ম-পদ লাভ করিবার বাসনা থাকে; তবে সেই মহানের প্রতি লক্ষ্য কর। এখন অবধি সেই ভূমা পরমেশ্বরে সম্পূর্ণ-রূপে আপনাকে সমর্পণ কর। জানকে উজ্জ্বল করিয়া তাঁহার মহান সত্য ভাব ধারণ কর; প্রীতিকে প্রসারিত করিয়া সেই প্রেম-স্বরূপে অর্পণ কর; ইচ্ছাকে বলবতী করিয়া তাঁহার মঙ্গলময়ী ইচ্ছার অধীন কর। সম্পূর্ণ-রূপে তাঁহার শরণাপন্ন হও। আমরা শরীর মন আপন আপনি পাই নাই।

আমাদের যাহা কিছু স্বত্ব, যাহা কিছু অধিকার, তাহা সেই পরমেশ্বর হইতে পাইয়াছি; স্বাধীনতা যে আমাদের এমন অমূল্য অধিকার, তাহাও তাঁহার দান। আমরা ইচ্ছা কি করিব? আমরা কি ঈশ্বর হইতে বিচ্ছিন্ন থাকিয়া এবং আপনার ক্ষুদ্র ভাবেই নিমগ্ন রহিয়া দিবানিশি শোক করিতে থাকিব? না ইচ্ছা পূর্বক প্রীতির সহিত ঈশ্বরকে আমাদের সমুদয় সমর্পণ করিয়া অধীন-স্বত্ব হইবে? অস্পৃশ্যে আমাদের সুখ নাই; সংসার আমাদের আত্মাকে পূর্ণ করিতে পারে না। আমরা যুগ-তৃষ্ণিকাৎ সাংসারিক সুখের পশ্চাৎ ধাবিত হই; এমন এক বিস্ত্রুও জল পাই না, যাহাতে আমাদের তৃষ্ণা নিবারণ হয়। সংসার হইতে বার বার আঘাত পাইয়া অবশেষে সেই অমৃতের সঙ্গে সন্মিলিত হই, হুঃখেতে ক্ষত বিক্ষত হইয়া সেই মুখ-সাগরে গমন করি। প্রতি দিনের পরীক্ষাতে আমরা জানিতেছি, অস্পৃশ্যে মুখ নাই। এখানকার সকল সুখ হুঃখ-রূপে পরিণত হইতেছে। যাহাকে বন্ধু বলিয়া আলিঙ্গন করিতে যাই, সে শত্রু রূপে ধারণ করে। এই সংসার সুখের স্থান নহে। ঈশ্বর এ সংসারকে সুখের স্থান করিয়া দেন নাই। তিনি আমার দিগকে এখানে রাখিয়া দিয়াছেন যে আমরা এখানে শিক্ষিত হই, তাঁহার সহিত সন্মিলিত হই। এখানে বিষয়ের সহিত সংগ্রাম করিয়া প্রতি পদ অগ্রসর হইতে হইবে; কিন্তু সংগ্রাম করিব কার বলে? যখন আপনার প্রতি দৃষ্টি করি, তখন দেখি, আমি অতি দুর্বল। যখন ঈশ্বরের প্রতি নির্ভর যাই, তখন সকল বল ও সাহসের আকর স্থানে উপনীত হই। সুখ সম্পদের ন্যায় হুঃখ ক্লেশও ঈশ্বরের দিকে যাইবার জন্য আমাদের সহায় হইতেছে, আমাদের অশ্রুজলেও আত্মা বর্দ্ধিত হইয়া ঈশ্বরের অভিযুখে উন্নত হইতেছে।

ঈশ্বরেতে আপনার সমুদয় সমর্পণ কর, জ্ঞানেতে প্রীতিতে ইচ্ছাতে সেই সত্য সুন্দর মঙ্গল-রূপ পরমেশ্বরের সহিত সন্মিলিত হও। আপন ইচ্ছায় যদি ঈশ্বরকে সমুদয় দান করিতে না পারিলাম, তবে আমাদের স্বাধীনতার প্রয়োজন

কি? এক সময়ে আমাদের এ সকল পরিত্যাগ করিয়া যাইতেই হইবে; এক সময়ে সংসারের নিকটে, সংসারের ধন ঐশ্বরের নিকটে, বিদায় লইতেই হইবে। এখন জীবিত আছি, যেমন নিশ্চয়; দিন কতক পরে চলিয়া যাইব, তেমন নিশ্চয়। কতক দিন পরে আমার এই বাক্য নিরোধ হইবে, এই হস্ত অসাড় হইয়া পড়িবে। আমি আপনার ইচ্ছায় ঈশ্বরের জন্য যাহা কিছু ত্যাগ করিতে পারিলাম না, মৃত্যু তাহা আমার নিকট হইতে বল পূর্বক লইয়া যাইবে। অতএব সতর্ক হও। ঈশ্বর হইতে যে কিছু অধিকার প্রাপ্ত হইয়াছে, তাহা সকলই তাঁহাকে অর্পণ করিয়া অনন্ত ফল লাভ কর; আপনার অস্থায়ী অকিঞ্চিৎকর বস্তু-সকলের বিনিময়ে অমূল্য ও অক্ষয় ধন লাভ কর। প্রাণ থাকিতে থাকিতে প্রাণ মন সর্বস্ব আপনাই হইতে তাঁহাতে সমর্পণ কর। এই জীবন তাঁহার হস্তে রাখিয়া দিলে ইহা অমূল্য জীবন, অক্ষয় জীবন, হইয়া রহিল। তাঁহাকে পাইবার জন্য কোন ভাগকে কি আমাদের ত্যাগ বোধ হইবে? যদি সমুদায় পরিত্যাগ করিয়া ধর্মের আনন্দ লাভ করিতে পারি, ঈশ্বরের প্রসন্নতা লাভ করিতে পারি, তবে তাহা করিতে কি আমরা সঙ্কুচিত হইব? আমাদের হৃদিপ্রিত কামনা-সকল সংসারের এই সকল ক্ষুদ্র বিষয়ের সহিত এ প্রকার জড়িত হইয়া রহিয়াছে যে তাহা অনায়াসে ছাড়িতে পারি না; কিন্তু একবার যখন আমাদের নিকটে ঈশ্বরের আবির্ভাব হয়—এক বার যখন তাঁহার মঙ্গল ছায়াতে থাকিতে পাই, এবং হৃদয়-গ্রুহি-সকল শিথিল হইয়া পড়ে; তখন তাঁহার জন্য ত্যাগ করা কেমন সহজ বোধ হয়। তখন মনে হয়, তাঁহার প্রসন্ন মুখ দেখিবার জন্য সর্বস্ব দেওয়াও কিছুই নহে। তখন সংসারের ক্ষুদ্র ভাব আমাদের নিকটে প্রকাশ পায়; তখন ঈশ্বরকে বলি, তোমাকে কেমন করিয়া চির দিন হৃদয়ে রাখিয়া দিব। তুমি আমার সকলি গ্রহণ কর, আমাকে তোমার নিকটে রাখিয়া দেও। কিন্তু আমরা এ প্রকার হীন-স্বভাব যে পরক্ষণে আবার সংসারের আকর্ষণে মুগ্ধ হই, ঈশ্বরের সেই সকল মহান ভাব অন্তর হইতে চলিয়া যায়,

আবার তাঁহা হইতে দূরে পড়ি। ব্রাহ্মধর্মের প্রসাদে আমরা এই সত্য জানিয়াছি যে আমাদের যত্ন ও চেষ্টা থাকিলে ঈশ্বর কখনই আমাদের প্রতি বিমুখ হইবেন না। হে সাধু যুবা! তুমি কেন এ প্রকার আক্ষেপ করিতেছ; আপনাকে দুর্বল দেখিয়া কেন এত বিষণ্ণ হইতেছ? কখনই নিরাশ হইও না। যদি যথার্থই তোমার আপনাকে সংশোধন করিবার ইচ্ছা থাকে, তবে তাহা অবশ্যই পূর্ণ হইবে। তোমার যাহা সাধু ইচ্ছা, ঈশ্বরেরও তাহাই ইচ্ছা। তাঁহার এই ইচ্ছা যে তাঁহার প্রতিসন্তান ধর্ম্মেতে পবিত্রতাতে বর্দ্ধিত হউক। তিনি আপনাই তাঁহার প্রিয় পুত্রদিগের হৃদয়ে জীবন ও পবিত্রতার স্রোত সঞ্চারিত করিতেছেন। আমরা আপনারা যদি আমাদের হৃদয়কে লৌহ কবাটে বেষ্টিত করিয়া তাঁহাকে দূরে না রাখি; তবে নিশ্চয় জান, তিনি কখনই দূরে থাকিবেন না! তাঁহাতে আপনার হৃদয়, মন, সমুদয় সমর্পণ কর—সরল হৃদয়ে তাঁহার নিকটে যাও, অবশ্যই তিনি তোমাকে গ্রহণ করিবেন। পিতা কি পুত্রকে গ্রহণ করিতে বিমুখ হইবেন? যিনি চান, আমরা সমুদয় হৃদয়ের সহিত তাঁহাকে প্রীতি করি, তিনি কি সেই হৃদয়ের প্রীতি-অগ্নিকে শীতল বারি দিয়া নির্বাণ করিবেন? আমরা তাঁহার ধর্ম্মকে রক্ষা করিবার জন্য প্রাণ-পণে যত্ন করিলে তিনি কি আমাদের জন্য পাপ-তাপ হইতে উদ্ধার হইতে চাহিলে তিনি কি আমাদের হস্ত ধারণ করিয়া তাহা হইতে উদ্ধার করিবেন না? আমরা তাঁহার নিকটে অশ্রু প্লাবিত করিলে তিনি কি সান্ত্বনা বাক্যে আমাদের অশ্রু মোচন করিবেন না? আমরা তাঁহার জন্য ব্যাকুল হইলে তিনি কি আপনার মুখ জ্যোতি দেখাইয়া আমাদের ব্যাকুলতা শান্তি করিবেন না? এমন কখনই হইতে পারে না। আমরা যদি তাঁহার নিকটে এক পদ অগ্রসর হই, তিনি সহস্র পদ অগ্রসর হইয়া আমাদের দিকে আলিঙ্গন করেন। আমাদের নিকট হইতে যদি কণামাত্র প্রীতি পান, তিনি আপনার উদার প্রীতি অজস্র-রূপে বিতরণ করেন। আহা! সরল হৃদয়েতে তাঁহার

প্রীতি-মুখা তিনি কি প্রচুর-রূপে বর্ষণ করেন। এম, আমরা সকলে সরল হৃদয়ে তাঁহার নিকটে গিয়া উপনীত হই, হীন মলিন ভাব-সকলকে উচ্ছিন্ন দিয়া তাঁহার সম্মুখে দণ্ডায়মান হই। তাঁহাকে বলি, হে জীবনের জীবনশী জ্যোতির জ্যোতি! তোমার প্রসন্ন মুখ আমারদিগকে দেখাও। আমাদের হৃদয়কে তোমার প্রতি আকর্ষণ কর, আর আমরা তোমা হইতে দূরে যাইব না; আর আমরা তোমাকে হৃদয়ের অন্তর করিব না; এখন অবধি আমরা আমাদের হীন মলিন ভাব-সকল পরিত্যাগ করিতেছি—সম্পূর্ণ রূপে তোমার অধীন হইতেছি। তোমার প্রসন্নতা প্রাণ-পণে রক্ষা করিব, তোমার মঙ্গল ভাব হৃদয়ে ধারণ করিব; সংসারের আকর্ষণে আর ভুলিয়া থাকিব না। তোমার প্রতি প্রতি দিন উন্নত হইব; তোমার চক্ষুর সমক্ষে জীবন ধারণ করিব; তোমারই হস্তে জীবন সমর্পণ করিব। তুমি আমাদের সর্ব্ব গৃহণ কর।

ঔ একমেবাদ্বিতীয়ং

### ভাত্ম-নিবেদন।

হে আত্মা! তুমি আপন গৃহ কখন পরিত্যাগ করিও না। যে গৃহে পরমেশ্বর সর্ব্বদা বিরাজমান, সেই গৃহই তোমার বাস-স্থান, তুমি সেই গৃহেই অবস্থিতি কর। সরল হও, বিনয়ী হও, ঈশ্বরের পদানত ভক্ত হইয়া অবনত হও। আপন গৃহ কদাপি পরিত্যাগ করিওনা, করিলেই চতুর্দিক হইতে যন্ত্রণা সহ্য করিতে হইবে। সেই পিতার সহিত এক গৃহে বাস কর, তাঁহাকে প্রীতি দেও, তিনি তোমাকে প্রীতি করিতেছেন জানিয়া তাঁহার প্রতি কৃতজ্ঞ হও। সরল ভাব অবলম্বন কর, কপটতা পরিত্যাগ কর, পরম পিতার নিকট অগ্রসর হও। হে আত্মা! তুমি দিন দিন পিতার সহিত সেই গুরুতর সম্বন্ধ নিবদ্ধ কর, যাহা কখনই বিচ্ছিন্ন হইবেক না। তাঁহাকে দূরে ননে করিও না, তিনি নিকটেই আছেন,

তোমার সহিত এক গৃহেই তিনি বাস করিতেছেন। তোমার সঙ্গে সঙ্গেই আছেন। সম্পদে তাঁহার প্রতি কৃতজ্ঞ হও, বিপদে তাঁহার কবচে আশ্রয় হও, সকলে ভ্রাতার ন্যায় প্রীতি-রসে মিলিত হইয়া তাঁহার উপাসনা করি, তাহা হইলে এই পৃথিবীই স্বর্গ ভূমি হইবে। হে পরমাত্মন! আমরা যেন তোমাকে পরিত্যাগ করিয়া সংসার অরণ্যে বিচরণ না করি। আমরা জানি যে আমাদের কিছু মাত্র বল নাই। এ সংসার যে প্রকার ভয়ানক রিপু-সকল কর্তৃক পরিব্যাপ্ত রহিয়াছে, অজ্ঞান অন্ধকারে যেকণ আশ্রয় রহিয়াছে, তোমার বল তোমার জ্যোতি অন্তরে প্রকাশিত না হইলে কোন প্রকারেই উপিত হইতে পারিতাম না। অতএব তোমার শরণাগত হইতেছি। তুমি আমাদের হৃদয় মন সকলি অধিকার কর, তুমি এই জীবনকে গ্রহণ করিয়া ইহাকে সার্থক কর।

ব্রাহ্মধর্ম্ম গ্রহণ।

গত ২২ বৈশাখ রবিবার প্রাতঃকালে ত্রিযুক্ত সারদাপ্রসাদ বসুর ব্রাহ্মধর্ম্ম গ্রহণ উপলক্ষে বেহালা ব্রাহ্মসমাজগৃহে এক বিশেষ ব্রাহ্মসমাজ আস্থান হইয়াছিল। যথা নির্দিষ্ট সময়ে ব্রাহ্মগণ সম্মিলিত হইলে ব্রাহ্মোপাসনা আরম্ভ হইল। তদনন্তর তিনি বিধিপূর্ব্বক ব্রাহ্মধর্ম্ম গ্রহণ করিলেন এবং বেদী হইতে নিম্ন লিখিত বাচনিক উপদেশ প্রদত্ত হইল।

উপদেশ।

সারদাপ্রসাদ! তুমি ছয় মাস কাল যে পবিত্র ব্রাহ্মধর্ম্মের আশ্রয় গ্রহণার্থ ব্যাকুল অন্তরে অবস্থান করিতেছিলে, অদ্য এই সুরম্য প্রাতঃকালে এই পবিত্র দেব-মন্দিরে ব্রাহ্ম-সঙলী মণ্ডলে পবিত্র স্বরূপ পরমেশ্বরের সন্নিধানে দণ্ডায়মান হইয়া সেই পবিত্র ধর্ম্মেই দীক্ষিত হইলে। সাবধান, তুমি অদ্য যে ধর্ম্ম সোপানে পদার্পণ করিলে, ইহাতে অতি সতর্কতার সহিত পদ প্রক্ষেপ করিবে। ধর্ম্মপথপরিব্রাজক পূর্ব্বতন পণ্ডিতেরাও এই পথকে শাণিত ক্ষুরধারেব ন্যায় ছর্গম করিয়া বলিয়াছেন। ইহার এক দিকে বিষয় মুখ এক দিকে ব্রহ্মানন্দ, এক দিকে সংসার এক দিকে ঈশ্বর, তোমাকে ইহার মধ্য দিয়া গমন করিতে হইবে।

দেখিও সংসারের কুহকে, স্বার্থপরতার কুমন্ত্রণায় বিমুক্ত হইয়া অঞ্চল নিধিকে হৃদয়ে পাইয়া যেন জলাঞ্জলি দিওনা, ঈশ্বর হইতে দূরে থাকা, ধর্ম্ম হইতে বিচ্ছিন্ন হওয়া, যে কি ভ্রুঃসহ যাতনা তাহা তো তুমি পরীক্ষাতে বুঝিয়াছ; তেমন যন্ত্রণা যেন আর তোমাকে কখন সম্ভোগ করিতে না হয়।

তুমি যে ধর্ম্ম পথের পথিক হইলে, ইহাতে সংসারের সহিত প্রতি দিনই সংগ্রাম করিতে হইবে, অন্তর বাহির হইতে অনেক প্রতিবন্ধক প্রাপ্ত হইবে—অনেক তাগ স্বীকার করিতে হইবে—অনেক কষ্ট সহ্য করিতে হইবে, এজন্য তোমাকে পূর্ব্বই বলিতেছি কিছুতেই ভয় উদ্যম কিছুতেই মুহামান হইও না। সয়ং ধর্ম্মই যে পথের নেতা, মঙ্গল স্বরূপ পরমেশ্বরই যে পথের পথিকদিগের এক মাত্র লক্ষ্য; বিপদ কতক্ষণ তাহাকে বাধা দিতে পারে—সংসার কতকাল তাহার প্রতিকূলতাচারণে সমর্থ হয়। অতএব ধর্ম্মের প্রতি একান্ত বিশ্বাস, ঈশ্বরের প্রতি সম্পূর্ণ নির্ভর করিবে, আপনার ক্ষুদ্র বুদ্ধির প্রতি নির্ভর করিয়া এ পথে এক পদও অগ্রসর হইও না। যখন পূর্ব্বত সমান প্রতিবন্ধক সন্দর্শন করিবে যখন দুঃখ রিপুগণকে প্রলয় পরাক্রম প্রকাশ করিতে দেখিবে, তখন অশ্রুপূর্ণ-নয়নে ঈশ্বরের নিকটেই প্রার্থনা করিবে—তাঁহার সন্নিধানেই বল বুদ্ধি সহায়তার যাচঞা করিবে, তিনিই তোমাকে উদ্ধার করিবেন। সেই করুণাপূর্ণ পরমেশ্বরই তোমার পিতা পিতা মুহুঃ সহায় সকলই।

যখন সম্পদ লাভ করিবে তখন কৃতজ্ঞ হৃদয়ে তাঁহাকে প্রণিপাত করত তাহা সম্ভোগ করিবে, যখন কুপ্রবৃত্তি উদয় হইবে ধর্ম্মের আদেশেই তাহা তৎক্ষণাৎ পরিত্যাগ করিবে; যখন বিপদ উপস্থিত হইবে তখন তাহা অপরাজিত চিত্তে বহন করিবে। সাংসারিক সম্পদ বিপদে ঈশ্বরকে বিন্মত হইবে না।

এই পৃথিবীতে পূর্ণ কুর্টারবাসি নিরন্ন ব্যক্তি প্রকৃত দরিদ্র নহে, এবং শোভাময় অউালিকার অধীশ্বর বিপুল সম্পত্তিশালী ব্যক্তিও যথার্থ ধনি নহে—স্বদেশ হইতে বহিষ্কৃত ব্যক্তিও প্রকৃত নিরক্ষাসিত অথবা কৃপাপাত্র নহে। ধার্মিক ব্যক্তি যখন মুছায় রক্ষতলে সামান্য ভূগাসনে উপবিষ্ট হইয়া প্রসান্ত হৃদয়ে আপনার হৃদয় ধনকে লাভ করিয়া অনর্গল প্রেমার্শ্ব বিসজ্জন করিতে থাকেন, তখন তাঁহার আনন্দের নিকটে কি বিষয়ীর বিষয় আড়ম্বর শোভা পায়; যে ব্যক্তি ধর্ম্মরাজ্য হইতে বহিষ্কৃত হইয়াছে, ঈশ্বর হইতে বিচ্যুত হইয়াছে, সেই যথার্থ অনাথ—সেই ব্যক্তিই যথার্থ নিরক্ষাসিত। অতএব দুঃখ বা বিপদ ভয়ে মান বা যশ

ক্ষয়ের আশঙ্কায় ঈশ্বর হইতে দূরে যাইও না, ধর্ম হইতে বিচ্ছিন্ন হইও না।

তুমি অদ্য অত্যন্ত দাতার আশ্রয়ে আসিয়া অভয় চিত্তে যে সমস্ত প্রতিজ্ঞা করিলে, যে সকল উপদেশ লাভ করিলে, তাহা তোমাকে কার্যোত্তে পরিণত করিতে হইবেই হইবে। তজ্জন্য যদি তোমাকে সর্বস্ব পরিত্যাগ করিতে হয়, ধর্মকে রক্ষা করিবার জন্য যদি নির্ধারিত হইতে হয়, তাহাও অস্বাভাবিক বন্ধন স্বীকার করিবে, তখাচ ধর্মকে—ঈশ্বরকে পরিত্যাগ করিও না। অদ্য ষাঁহার সন্নিধানে মনোদ্বার উন্মুক্ত করিয়া দিলে—অদ্য ষাঁহাকে হৃদয় সিংহাসন সমর্পণ করিলে, দেখিও প্রাণান্তেও হৃদয়নাথকে সিংহাসন চ্যুত করিও না, তিনিই তোমার জীবন প্রাণ সাক্ষী। তুমি পাপ হইতে যত বিরত হইবে, সঙ্গে সঙ্গে যত অবস্থান করিবে—আত্মাকে যত পবিত্র ও পরিশুদ্ধ করিবে, ততই ষাঁহার নিষ্কলঙ্ক মুখশ্রী স্পষ্ট সন্দর্শন করিতে পারিবে—তোমার মানস-রসনা ব্রহ্মাহৃত পান করিতে ততই সন্মত হইবে।

অদ্য তুমি ভাবান্তরে পোত্তের শরণাপন্ন হওয়াতে তোমার আশা অনন্ত, লক্ষ্য মহান এবং সম্বন্ধ ও অধিকার প্রসস্ত হইল। নিম্নে এই সমাগরা পৃথিবী, উর্দ্ধে অনন্ত লোক সকল, তোমার প্রাণ স্বরূপ পরমেশ্বরেরই রাজ্য, অগণ্য জীব ষাঁহারি প্রজা, অসংখ্য মনুষ্য ষাঁহারই পুত্র। তুমি সর্বদা প্রিয়তমের প্রিয় জগৎকে প্রীতি নয়নে নিরীক্ষণ করিবে—সকল মনুষ্যকে ভ্রাতৃত্বাবে প্রীতি করিবে। যাহাতে মঙ্গলময়ের মঙ্গল রাজ্যে মঙ্গলেরই উন্নতি হয় সত্যেরই জয় হয়, তজ্জন্য সর্বদা কায়মনোবাক্যে চেষ্টা করিবে। যেমন তুমি শ্রীয বাস-গৃহের উন্নতি সাধন, শ্রীয পরিবারবর্গের উৎকর্ষতা সম্পাদন করিবে, সেই রূপ এই পবিত্র ব্রাহ্মসমাজের উন্নতি সাধনার্থে নিয়ত নিযুক্ত থাকিবে, সংসারের সকল কার্য ষাঁহার প্রীতির উদ্দেশ্যেই সম্পন্ন করিবে, প্রাণপণে ব্রাহ্মধর্ম প্রচার করিতে সচেষ্ট হইবে।

সেই পূর্ণ মঙ্গল পরমেশ্বর তোমাকে এই পরম ধর্ম প্রতিপালন করিবার ক্ষমতা প্রদান করুন।

হে পরমাত্মন! যেমন তুমি তোমার এই দুর্ভাগ্য সন্তানকে অদ্য শীতল ছায়ায় আনয়ন করিলে, সেই রূপ যত্নের সহিত ষাঁহাকে পাপ তাপ হইতে বিমুক্ত রাখিয়া তোমার ধর্ম প্রতিপালন করিবার বল বিধান করিও। আমরা ষাঁহাকে তোমার হস্তে সমর্পণ করিতেছি, তুমি তোমার নিরাপদ ক্রোড়ে রক্ষা করিয়া সম্পদ বিপদে মুখ দুঃখে ষাঁহার সহায় হইও। নাথ! এই ভয়াবহ সংসারে তুমি ষাঁহাকে পরিত্যাগ করিও না। এই আমার প্রার্থনা।

ঐ শান্তিঃ শান্তিঃ শান্তিঃ হরিঃ ঐ

### বিজ্ঞাপন

আমাদের এই কার্যালয়ে ষাঁহার ডাকের টিকিট প্রেরণ করেন, ষাঁহারিগকে জ্ঞাত করা যাইতেছে যে ষাঁহার অর্ধ আনা বা এক আনার টিকিট ক্রয় করিয়া পাঠাইবেন, হতু এক আনা হইতে অধিক মূল্যের টিকিট এখানে বিক্রয় করিতে হইলে সমাজকে ক্ষতিগ্রস্ত হইতে হয়।

শ্রী আনন্দচন্দ্র বেদান্তবাগীশ সম্পাদক।

কলিকাতা ব্রাহ্মসমাজের ১৭৮৪ শকের  
বৈশাখ মাসের দান প্রাপ্তির  
বিবরণ।

ব্রাহ্মদিগের প্রতিজ্ঞাত সাংসারিক দান।

শ্রীযুক্ত ঈশ্বরচন্দ্র বসু	২৫
“ গোবিন্দচাঁদ বসু	৪
“ ঈশ্বরচন্দ্র নন্দী	২
“ অমৃতলাল বসু	২
“ কালীনাথ দত্ত	২
“ দয়ালচন্দ্র শিরোমণি	২
“ শ্রীনাথ ঘোষ	১
“ মোহনবিহারী মল্লিক	১
“ কালীকৃষ্ণ ঘোষ	১
“ গিরিশচন্দ্র হালদার	১০


মাসিক দান।

শ্রীযুক্ত ঈশ্বরচন্দ্র বিদ্যাসাগর	৬
“ নীলকমল বন্দ্যোপাধ্যায়	৩
“ সাগরনাথ দত্ত	৩
“ রাগচন্দ্র ঘোষাল	৩

শুভ কর্মের দান।

শ্রীযুক্ত কাশীনাথ দে	২
“ বিবেকানন্দ বন্দ্যোপাধ্যায়	১
“ রামনারায়ণ বর্দন	১০

এই তত্ত্ববোধিনী পত্রিকা, কলিকাতা নগরে ষাঁহার সাক্ষাৎ ব্রাহ্মসমাজের কার্যালয় হইতে প্রতিমাসে প্রকাশিত হয়। ইহার মূল্য ১০ ছয় আনা মাত্র। ২ আশাচ রবিবার সন্ধ্যা ১১১১ কলিকাতা ৪২৩৩।



## তত্ত্ববোধিনী পত্রিকা

ব্রহ্মবাএকনিদমগ্রাসীমান্যং কিঞ্চনাসীত্তদিতং সর্বমসৃজৎ। তদেব নিত্যং জ্ঞানমনস্তং শিবং স্বতন্ত্রবয়বমেক-  
মেবাদ্বিতীয়ং সর্বব্যাপিসর্বনিয়ন্তৃ সর্বশাস্ত্রসর্ববিৎ সর্বশক্তিমন্তু বস্তুপূর্ণমপ্রতিমমিতি। একস্য তস্যৈব্যোপাসনয়া পার-  
ত্রিকৈমিত্তিকঞ্চ স্তম্ভবতি। তস্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

### নিশীথের ব্রহ্মস্তুত্র।

হে সর্বশক্তিমৎ পরমাত্মন! প্রাতঃকাল-  
লের স্নান সমীরণে, মধ্যাহ্ন সময়ের  
উজ্জ্বল সূর্য্য কিরণে তোমার মঙ্গল কিরণ  
বিকীর্ণ হইয়া যেমন মেদিনীর অপূর্ণ শোভা  
সম্পাদন করত তোমার মহিমাকে মহীয়ান  
করিয়াছে; এই ঘোর নিস্তরু দ্বিপ্রহর রজনী-  
তেও সেই রূপ তোমার যশঃ কুসুম প্র-  
স্ফুটিত হইয়া চতুর্দিক শোভা ও সৌন্দর্য্যে  
পূর্ণ করিতেছে। দিবসে যেরূপ ভূমণ্ড-  
লস্থ জ্ঞানধর্ম সমন্বিত কৃতজ্ঞ মানব মণ্ডলী  
হইতে তোমার স্তুতিধ্বনি উথিত হইয়া-  
ছিল, সেই রূপ দ্বিপ্রহর রজনীতেও সংসা-  
রের চেতনাচেতন সমস্ত পদার্থ হইতে  
অনাহত গভীর নিম্নাদে তোমারই মহিমা  
কীর্তিত হইতেছে। নিশাচর পশু পক্ষী  
কীট পতঙ্গ এখন কেমন নির্ভয়ে মধুর তানে  
তোমার মঙ্গল গীত গান করিতেছে, চ-  
ন্দ্রমা শত সহস্র সহস্র সহ উদিত হইয়া  
কেমন প্রশান্ত ভাবে তাপিত্ব মেদিনীকে  
সুধাময় কিরণ জালে মণ্ডিত করত তোমা-  
রই মহিমা ঘোষণা করিতেছে। এখন নিবিড়

নির্জন কানন, বিষমতর অন্ধকারাবৃত দুর্গম  
গিরি গুহা পর্যন্ত তোমারই স্তুতিরবে প্রতি-  
ধনিত হইতেছে—বিবর অভ্যন্তর হইতে  
সামান্য বিল্লীগণ অবাধি তোমার নির্মল  
যশঃ প্রচার করিতেছে। স্তম্ভীভাবাপন্ন  
বৃক্ষগণ অবনত পল্লবে যেন তোমারই চরণে  
প্রণিপাত করিতেছে—যেন তাহারা তোমার  
অপার গভীর প্রেম অনুভব করত শিশির  
নিপাতচ্ছলে প্রেমাক্ত বিসর্জন করিতেছে।  
নভোমণ্ডলস্থ সচল গ্রহ নক্ষত্র ধূমকেতু-  
গণ যেন তোমার বিশ্বের অধিকতর উজ্জ্ব-  
লতর শোভা সন্দর্শন মানসে শূন্য পথে  
দ্রুতবেগে দিগদিগন্তে গমনাগমন করিতেছে;  
অচল তারকাবলী যেন তোমার বিশ্বের অনু-  
পম কৌশলী কলাপ অবলোকন করত বিস্ময়  
ভরে গতিশূন্য হইয়া একদৃষ্টে সংসারের  
শোভা ও সৌন্দর্য্য নিরীক্ষণ করিতেছে।

নাথ! যেখানে যাই, যে সময়ে যাহার  
প্রতি নেত্রপাত করি, সেই স্থলেই দেখি  
চেতনাচেতন সকল বস্তুই কেবল তোমারই  
যশ ঘোষণা করিতেছে—তোমারই মহিমা  
মহীয়ান করিতেছে—তোমারই পূজায় প্র-  
বৃত্ত রহিয়াছে। এই দ্বিপ্রহর রজনীতে পুষ্প

উদ্যানে গুলাব গন্ধরাজ রজনীগন্ধা প্রভৃতি কতশত সুরভি কুমুম প্রস্ফুটিত হইয়া নির-  
বচ্ছিন্ন তোমাকেই গন্ধ দান করিতেছে।  
কতশত কুমুম তরু প্রভাত সময়ে তোমাকে  
গন্ধদান করিবে বলিয়া নবীন কমল কলিকা  
সকলকে যত্নের সহিত রক্ষা করিতেছে।  
এই বিশাল স্তম্ভ ক্ষেত্র তোমার মহিমার কে-  
মন সুন্দর পরিচয় প্রদান করিতেছে, উজ্জ্বল  
হীরক মালা সদৃশ অগণ্য নক্ষত্র মালা অ-  
নন্ত আকাশে বিচরণ করত তোমার মহ-  
ত্ত্বের কেমন আশ্চর্য্য প্রমাণ প্রদর্শন করি-  
তেছে। ধন্য ধন্য ধন্য জগদীশ! বিচিত্র  
তোমার শক্তি, অনন্ত তোমার মহিমা!  
প্রভাত সময়ে যে তেজঃপুঞ্জ জ্যোতির্ময়  
সূর্য্য, পূর্ব্বদিকস্থ স্বীয় শোভনতম হিরন্ময়  
প্রাসাদ হইতে বহির্গত হইয়া বিশাল  
কিরণ জাল বিস্তার করত পৃথিবীকে  
শোভা ও সৌন্দর্য্যে, জীবন ও সুখে পূর্ণ  
করিতেছিল, তুমি তোমার এক অঙ্গুলির  
ইঙ্গিতে তাহাকে কোথায় স্থানান্তরিত  
করিলে এবং কোথা হইতেই বা নিশানাথ  
পূর্ণচন্দ্রকে সুধাময় কিরণ রাশি পরিবেশন  
পূর্ব্বক পরিশ্রান্ত তাপিত মেদিনীকে সিক্ত  
করিতে প্রেরণ করিলে; কেমন আশ্চর্য্য  
রূপেই বা দিবসের কর্ণ-বধির-কারি জন  
কোলাহল, বাণিজ্য কার্য্যের বিষমতর আ-  
ড়ম্বর এক কালে স্তম্ভ করিয়া এমন অনুপম  
শান্তি বিস্তার করিলে, জননী যেমন আপ-  
নার স্নেহাস্পদ পুত্রের সুনিদ্রার ব্যতিক্রম  
আশঙ্কায় স্বীয় নিবাস গৃহের যাবতীয় জন  
কোলাহল নিবারণ করিতে যত্নবতী হন, তুমি  
সেই রূপ তোমার সংসারের পরিশ্রান্ত ক্লান্ত  
সন্তানগণকে নিদ্রা দেবীর প্রশস্ত ক্রোড়ে  
সমর্পণ করিয়া তাহাদিগের শ্রান্তি দূর কর-  
রণার্থে দিবসের যাবতীয় কঠোর কোলা-  
হল দূর করিয়াছ। এখন তোমার সন্তানগণ

নিদ্রায় অভিভূত হইয়াছে—এখন সকলে  
শ্রান্তি দূর করিতেছে, কিন্তু কেবল তুমি  
একাকীই জাগ্রত থাকিয়া সকলের কাম্য বস্তু  
বিধান করিতেছ। তোমার সংসারের এমন  
গভীর ভাব সন্দর্শন করিলে ক্লান্ত রসনা  
না গভীর নিদ্রাদে তোমার স্তুতিগানে প্রবৃত্ত  
হয়, কোন্ পাষণ-হৃদয় সচকিত হইয়া  
তোমার স্তুতি গান না করে।

এই সমুন্নত বিশ্ব মন্দির দিন যামিনী  
তোমার প্রীতি ভাবে পরিপূর্ণ রহিয়াছে,  
আমরা কেবল জ্ঞান চক্ষু উন্মীলন করি না  
বলিয়াই তোমার দর্শন পাই না, অমা নি-  
শার অন্ধতম তিমিরে যেমন তোমার  
মঙ্গল মূর্ত্তি দেদীপ্যমান রহিয়াছে; পৌর্ণ-  
মাসীর সুধাময় চন্দ্রালোকেও সেই রূপ  
তোমার প্রেমালোক উজ্জ্বল রূপে প্রকাশ  
পাইতেছে। তোমার স্নেহ দৃষ্টি দিনে নি-  
শীথে যে আমার প্রতি সমভাবেই পতিত  
রহিয়াছে, আমি তাহা পরীক্ষাতেই স্পষ্ট  
উপলব্ধি করিতেছি। এই ঘোর নিস্তম্ভ  
নিশীথে আমি নিদ্রায় অভিভূত ছিলাম,  
তুমি যে দুঃখ প্রেরণ দ্বারা আমাকে জাগ্রত  
করিয়া দর্শন দিলে, ইহা অপেক্ষা তো-  
মার অকৃত্রিম স্নেহের স্পষ্ট নিদর্শন আর  
কোথায় পাইব। তোমার প্রেরিত প্রত্যেক  
যন্ত্রণাই উপদেশ, প্রত্যেক দুঃখই যে ঔষধ,  
তাহা কোন্ ব্যক্তি না মুক্তকণ্ঠে স্বীকার  
করিবে। হে অনাথ বন্ধু! তোমার নিকট  
আর কি প্রার্থনা করিব, কেবল সকাতির  
হৃদয়ে এই মাত্র যাচঞা করি, যেন নাথ!  
সম্পদ বিপদে, সুখ দুঃখে সকল সময়েই  
তোমার দর্শন পাই। সংসারের কোন আ-  
বরণ যেন আমার জ্ঞান চক্ষুকে আচ্ছাদিত  
করিয়া না রাখে।

ঔএকমেবাদ্বিতীয়ং

## ব্রাহ্মধর্মের তাৎপর্য্য।

দ্বাদশ অধ্যায়।

১০১

অদ্বিতীয় পরমাত্মা বৃক্ষের  
ন্যায় স্তম্ভ রহিয়া আপনার স্বপ্র-  
কাশ মহিমাতে স্থিতি করিতে-  
ছেন। সেই পূর্ণ-স্বরূপ পরব্রহ্ম  
দ্বারা এই সমস্ত জগৎ পূর্ণ  
রহিয়াছে।

বিশ্বপতির আশ্রয়ে এই বিশ্বচক্র নির-  
ন্তর ঘূর্ণিত ও উত্তরোত্তর উন্নতি প্রাপ্ত  
হইয়া তাঁহার শুভাভিপ্রায়-সকল সম্পাদন  
করিতেছে। তিনি সাক্ষী-স্বরূপে নিরন্তর  
নিস্তম্ভ ভাবে অবস্থিতি করিয়া স্বাভিপ্রৈত  
শুভোৎপাদন অবলোকন করিতেছেন।  
প্রবাহ-বলে নদী-তীরস্থ গ্রাম ও নগর ভগ্ন  
হইতেছে, জল-প্লাবনে দেশ-বিশেষ প্লাবিত  
হইতেছে, প্রলয় প্রবাত ও ভীষণ ভূমিকম্প  
উপস্থিত হইয়া লক্ষ লক্ষ জীব-শ্রেণী  
মৃত্যু-মুখে পতিত হইতেছে; কিন্তু সর্ব্বত্র  
মঙ্গলালয় পরমেশ্বর এই সমস্ত আপাততঃ  
অশুভবৎ প্রতীয়মান ব্যাপার উত্তর কালীন  
উন্নতি সাধনের অনুকূল জানিয়া অব্যাকু-  
লিত নিস্তম্ভ ভাবে অবস্থিতি করিতেছেন।  
যখন অতি ঘোর শিলাবর্ষণ ও মেঘ গর্জ্জন  
সহকৃত মুহূর্ত্তঃ বজ্রপাত দ্বারা পৃথ্বীমণ্ডলের  
প্রলয়াবস্থা উপস্থিত বোধ হয়, অতি ভয়ান-  
ক আশ্রয়ে গিরির অগ্ন্যুৎপাত উৎপন্ন  
হইয়া চতুঃপার্শ্ববর্তী পশু পক্ষী মনুষ্য  
সম্বলিত গ্রাম নগর দগ্ধ করিতে থাকে,  
এবং রাজ-বিপ্লব ও তুমুল সংগ্রাম উপস্থিত  
হইয়া নরকণ্ঠ নিঃসৃত শোণিত প্রবাহ পৃথ্বী-  
তল প্লাবিত করিতে থাকে; তখনো তিনি

আপনার চিরাভিপ্রৈত চরম কল্যাণ সম্পা-  
দন বিষয়ে স্থির নিশ্চয় থাকিয়া সমান-রূপ  
শান্ত ভাবে অবস্থিতি করেন।

জড় বস্তু স্থান ব্যতিবেকে স্থিতি করিতে  
পারে না। যাবতীয় জড়বস্তু আকাশে  
অবস্থিত রহিয়াছে; কিন্তু জ্ঞানময় পরমা-  
ত্রার অবস্থানার্থে আকাশে আবশ্যক করে  
না। স্থান ব্যতিরেকে অবস্থিতি করা তাঁ-  
হার এক পরমাত্মর্য্য মহিমা। তিনি স্ব-  
কীয় মহিমাতে স্থিতি করিয়াছেন। কি  
বিস্তীর্ণ নীলোজ্জ্বল সমুদ্র, কি অনন্ত চন্দ্রাতপ  
আকাশ, কি অনুপম জ্যোতির্ময় নক্ষত্র-  
মণ্ডল, সকলই তাঁহার দ্বারা পূর্ণ রহিয়াছে।

১০২

হে প্রিয়! যেমন পক্ষি-সকল  
তাহারদিগের বাস-স্থান বৃক্ষেতে  
স্থিতি করে, তদ্রূপ সকলই পর-  
মাত্মাতে স্থিতি করিতেছে।

বিশ্বের অন্তর্গত কোন বস্তু পরমা-  
ত্রাকে অবলম্বন না করিয়া স্থিতি করিতে  
পারে না। অতি ক্ষুদ্র শৈবাল-সূত্র অবধি—  
বিশাল বট বৃক্ষ পর্য্যন্ত, চক্ষুর অগোচর  
কীটাদি অবধি—প্রকাণ্ডকায় হস্তী পর্য্যন্ত  
সকল বস্তুই সর্ব্বব্যাপী সর্ব্বাশ্রয়েকে আশ্রয়  
করিয়া স্থিতি করিতেছে। জড় জগতের  
সঙ্গে তাঁর যে প্রকার সম্বন্ধ আমাদের  
সঙ্গে ইহা অপেক্ষাও তাঁর আর এক উচ্চ-  
তর সম্বন্ধ। আমরা তাঁর সেই প্রকার  
আশ্রিত যেমন পুত্র পিতার আশ্রিত।

১০৩

এক যে পরমেশ্বর, তিনি সর্ব্ব-  
ভূতেতে গূঢ়রূপে স্থিতি করি-  
তেছেন, তিনি সর্ব্বব্যাপী ও সর্ব্ব-  
ভূতের অন্তরাত্মা। তিনি তাবৎ

কার্যের অধ্যক্ষ, তিনি সর্বভূতের আশ্রয়, তিনি সকলের সাক্ষী, জ্ঞানময়, ও সঙ্গ রহিত এবং সৃষ্টি পদার্থের যে সকল গুণ, তাহার কিছুই তাঁহাতে নাই।

যিনি এই ভুলোকের ঈশ্বর, তিনি গ্রহ চন্দ্র নক্ষত্র প্রভৃতি সকল লোকেরই ঈশ্বর। যিনি আমাকে স্বজন করিয়াছেন এবং আমার প্রভু, তিনি সমুদয় জগতের সৃষ্টি কর্তা এবং সকলেরই প্রভু। সেই এক দেবতা সর্বভূতে প্রচ্ছন্ন ভাবে থাকিয়া অনন্ত চরাচর শাসন করিতেছেন। তিনি সর্বব্যাপী এবং সকলেরই অন্তরাঙ্গা, আমারদিগের যে এই জীবাঙ্গা-সকল, তাহার দিগেরো প্রত্যেকের মধ্যে তিনি পূর্ণরূপে রহিয়াছেন। তিনি সকলের সাক্ষী এবং কস্মাধ্যক্ষ। তিনি সর্বস্থানে থাকিয়া সকলকে দৃষ্টি করিতেছেন এবং উপযুক্ত দণ্ড পুরস্কার বিধান দ্বারা বিশ্বসংসারের উত্তরোত্তর উন্নতি সাধন করিতেছেন। তিনি সঙ্গরহিত, তিনি সর্বব্যাপী হইয়াও কিছুতেই আসক্ত নহেন। সৃষ্টি পদার্থ শরীর ও মনের ধর্ম কিছুই তাঁহাতে নাই, তিনি শুদ্ধ জ্ঞান স্বরূপ।

১০৪

সূর্য যেমন উর্দ্ধ অথ তির্যক্ সমুদায় দিক্ প্রকাশ করিয়া প্রকাশ পান, অদ্বিতীয় ঈশ্বর্য্যবান্ বিশ্ব প্রকাশক জগৎ-কারণ বরণীয় পরমেশ্বর সেই রূপ প্রকাশ পাইতেছেন। একাকী তিনি সর্বভূতে, তাহারদিগের

স্বীয় স্বীয় ভাব-সকল নিয়োজন করিতেছেন।

তিনি সূর্যের ন্যায় স্বপ্রকাশ। সূর্য যেমন জ্যোতির্বিহীন পদার্থ-সকল প্রকাশ করে, কিন্তু সেই সূর্যকে প্রকাশ করিবার নিমিত্ত অন্য এক সূর্যের প্রয়োজন করে না; তদ্রূপ পরমাঙ্গা, জীব জন্তু, জল স্থল, গ্রহ নক্ষত্র, ক্ষুদ্র বৃহৎ, সমুদয় বস্তুই সৃষ্টি করিয়াছেন, কিন্তু তাঁহার কেহ স্রষ্টা নাই; তিনি স্বয়ম্ভু, তিনি স্বপ্রকাশ। যেমন সূর্য্য-রশ্মি-প্রদীপ্ত পদার্থ-সকল চর্ম-চক্ষু দ্বারা দৃষ্টি করা যায়, সংস্কৃত-বুদ্ধি বিশুদ্ধ-চিত্ত জ্ঞানী ব্যক্তি সেই রূপ জ্ঞান-চক্ষু দ্বারা ঈশ্বরকে সাক্ষাৎ প্রত্যক্ষ করেন। সেই স্বপ্রকাশ পরমেশ্বর বায়ুতে শব্দ, অগ্নিতে উষ্ণতা, নক্ষত্রে জ্যোতি, জলে শৈত্য, বজ্রে বল, পদে গতি, বৃষ্টিতে তৃষ্ণা, সকল ভূতেতে তাহারদের স্বীয় স্বীয় ভাব-সকল নিয়োজন করিতেছেন।

১০৫

কি উর্দ্ধ দেশে, কি তির্যক্ কি মধ্যদেশে, কোথাও তাঁহাকে কেহ গ্রহণ করিতে পারে নাই। তাঁহার প্রতিমা নাই, তাঁহার নাম মহদমশ।

অত্যন্ত মানসিক-বৃত্তি-সমন্বিত শ্রেষ্ঠ জীবেরাও সেই অসীম জ্ঞান-সমুদ্র পরমাঙ্গার গাভীর্য্য পরিমাণ করিতে সমর্থ হন না। তাঁহার প্রতিমা নাই, তাঁহার উপমা নাই, তাঁহার অনুরূপ কোন পদার্থ নাই। নক্ষত্র তাঁহার জ্যোতির আভাসও প্রকাশ করিতে পারে না, বজ্র তাঁহার বলের মাত্রাও প্রদর্শন করিতে পারে না। তাঁহার শরীর নাই, তিনি শরীরের নিসীতা; তাঁহার মন

নাই, তিনি মনের স্রষ্টা। তাঁহার বশ আকাশের ন্যায় সর্বত্র ব্যাপ্ত রহিয়াছে, ও তাঁহার মহিমা ভুলোক ও ছালোকের প্রত্যেক অংশে দেদীপমান রহিয়াছে; অতএব তাঁহার নাম মহৎ বশ।

১০৬

তাঁহার স্বরূপ চক্ষুর গোচর নহে, সুতরাং কেহ তাঁহাকে চক্ষুর দ্বারা দেখিতে পায় না। তিনি মনোগত সংশয় রহিত বুদ্ধির দ্বারা দৃষ্টি হইলে প্রকাশিত হন; যাঁহার ইহাকে এই প্রকারে জানেন, তাঁহার অমর হইবেন।

পরমেশ্বর চক্ষুর গোচর নহেন, তিনি কেবল জ্ঞান-নেত্রের গোচর। যিনি তাঁহার অনুরাগে একাগ্র হইয়া যুক্তি-যোগে স্বীয় বুদ্ধিকে মার্জিত ও সংশয় বর্জিত করেন; তিনি সেই সুন্দর মঙ্গল রূপকে প্রত্যক্ষ দেখেন এবং পরম বিমলানন্দে মগ্ন হইবেন। সেই মঙ্গল-মূর্তি যাঁহার জ্ঞান নেত্রকে আকর্ষণ করিয়াছে, তাঁহার আনন্দের আর শেষ হয় না।

১০৭

শুনিবার উপায় অভাবে অনেকে যে পরব্রহ্মকে প্রাপ্ত হয় না, অনেকে শ্রবণ করিয়াও যাঁহাকে জানিতে পারে না; তাঁহার জ্ঞান উপদেশ করিতে পারে; এমত বক্তা অতি দুর্লভ ও অত্যন্ত নিপুণ যে ব্যক্তি সেই তাঁহাকে লাভ করিতে পারে।

নিপুণ রূপে অনুশিষ্ট হইয়াছে, এমত জ্ঞাতাও দুর্লভ।

অনেকে পরমেশ্বরের যথার্থ স্বরূপ ও প্রকৃত অভিপ্রায় বিষয়ে উপদেশ প্রাপ্ত না হওয়াতে তাঁহার জ্ঞান-লাভে সমর্থ হয় না। অনেকে তাঁহার বিষয় শ্রবণ করিয়াও উৎকৃষ্ট বুদ্ধি ও সমুচিত শ্রদ্ধার অভাবে তাঁহাকে জানিতে পারে না। বুদ্ধিবৃত্তি সুন্দর রূপে মার্জিত না হইলে পরমেশ্বরের স্বরূপ ও অভিপ্রায় অবগত হওয়া যায় না। এ নিমিত্ত পরমাঙ্গ-তত্ত্বজ্ঞানী সর্বদেশে ও সর্বজাতি মধ্যে অতি অপেক্ষ। সম্বুদ্ধিশালী শ্রদ্ধাবান্ ব্যক্তি ব্যতিরেকে অন্যে তাঁহাকে জানিতে পারে না এবং বিশুদ্ধ চিত্ত পরমাঙ্গ-জ্ঞানী ব্যতিরেকে তাঁহার বিষয় উপদেশ করিতে সমর্থ হয় না। তাঁহার বস্তাও দুর্লভ, তাঁহার লব্ধাও দুর্লভ, অতএব পরমাঙ্গজ্ঞান সাতিশয় যত্ন-সাধ্য। তাঁহাকে লাভ করিবার জন্য মনোগত ম্পৃহা ও একান্ত যত্ন না থাকিলে তাঁহাকে জানা যায় না, এবং তাঁহার সমাধি সাধনেও সমর্থ হওয়া যায় না।

১০৮

অল্প-বুদ্ধি লোক-সকল বহির্বিষয়েতেই আসক্ত হইয়া বিস্তীর্ণ মৃত্যুর পাশে বদ্ধ হয়, এই হেতু স্বীয় ব্যক্তির ধুব অমৃত-স্বকে জানিয়া সংসারের তাবৎ অনিত্য পদার্থের মধ্যে কিছুই প্রার্থনা করেন না।

বিস্তীর্ণ মৃত্যুর রূপ এই জগৎ সংসার, কারণ ইহার কোন বস্তুই স্থায়ী নহে, সকলই ক্ষণ-ভঙ্গুর; সকল বস্তুই এক অবস্থা পরিত্যাগ করিয়া অন্য অবস্থা প্রাপ্ত হই-

তেছে। যে ব্যক্তি এতদ্রূপ পরিবর্তনশীল সংসারের বিষয়-কামনায় মুগ্ধ হইয়া বালকের ন্যায় ব্যবহার করে, সে মৃত্যু-পাশে বদ্ধ হয়, সে ক্ষণ-ভঙ্গুর সুখ-দুঃখে আবদ্ধ হয় এবং পরম পদ ও চরম গতি হইতে বহু দূরে স্থিতি করে। কিন্তু যে ধীর ব্যক্তি অপরিবর্তনশীল পরব্রহ্মের অমৃত-স্বরূপ জানিয়া ও তাঁহার মঙ্গল-মূর্তির নিরূপম সৌন্দর্য্য অনুধাবন করিয়া তাঁহাকেই সম্যক রূপে লাভ করিবার নিমিত্তে সতৃষ্ণ থাকেন এবং তাঁহারই অভিপ্রায় অনুযায়ী সংসারের উন্নতি সাধনে কায়মনোবাক্যে আপনাকে নিযুক্ত করেন; তিনিই সাধু, তিনিই ধন্য, তিনিই আপনাকে তাঁহার সহিত সহবাস জনিত নিত্য সুখের উপযুক্ত করেন। তিনি এই অনিত্য সংসারের মধ্যে কোন বিষয়ের প্রার্থনা করেন না। তিনি স্বার্থানুরোধ পরিত্যাগ করিয়া কেবল সেই জগৎ-কর্তার মঙ্গল অভিপ্রায় সম্পন্ন করিতে পারিলেই সর্বতোভাবে তৃপ্ত হইয়েন।

১০৯

যাহার দ্বারা আমি অমর না হই, তাহাতে আমি কি করিব। অসৎ হইতে আমাকে সৎ-স্বরূপে লইয়া যাও, অন্ধকার হইতে আমাকে জ্যোতিঃস্বরূপে লইয়া যাও এবং মৃত্যু হইতে আমাকে অমৃত স্বরূপে লইয়া যাও। হে স্বপ্রকাশ! আমার নিকট প্রকাশিত হও। রুদ্ধ! তোমার যে প্রসন্ন মুখ, তাহার দ্বারা আমাকে সর্বদা রক্ষা কর।

যাহার দ্বারা অমৃত পুরুষের সহিত সহ-

বাস না হইয়া অমর না হই, তাহা লইয়া আমি কি করিব? বিষয় বিভব, মান যশ, আনন্দ শ্রমেদ, সমুদায়ই অস্থায়ী, ইহার স্থায়ী হইলেও ঈশ্বর পদার্থকে না পাইলে এ সকল লইয়া কি করিব? অতএব, হে পরমেশ্বর। যাহাতে তোমাকে পাইতে পারি, আমাকে এমত উপযুক্ত কর। অধর্ম হইতে মুক্ত করিয়া ধর্ম পথে প্রবৃত্ত কর, অজ্ঞান অন্ধকার বিনাশ করিয়া জ্ঞান জ্যোতিঃ প্রদান কর এবং মৃত্যুময় সংসার হইতে উদ্ধার করিয়া স্বপ্রকাশ অমৃত স্বরূপ যে তুমি তোমাতে লইয়া যাও। হে পরমাত্মন! আমার নিকট নিত্য প্রকাশিত থাক, যেন বিপথে পড়িয়া তোমার রুদ্ধ মুখ দেখিতে না হয়; যেহেতু যখন আমি তোমার প্রসন্ন মুখ দেখিতে না পাই, তখন চতুর্দিক অন্ধকার দেখি। তুমি আমার অন্ধকারের প্রদীপ, পিপাসার জল এবং আরামের স্থল।

ইতি প্রথম খণ্ডে দ্বাদশ অধ্যায়।

ভবানী পুরের দশম সায়ৎসরিক  
ব্রাহ্মসমাজ।

৯ আষাঢ় ১৭৮৪ শক।

প্রধান আচার্য মহাশয়ের প্রথম উপদেশ।

এই আকাশে তিনি ওতপ্রোত ভাবে ব্যাপ্ত রহিয়াছেন। অসীম আকাশ তাঁহার মহিমা প্রকাশ করিতেছে, সেই সত্য-স্বরূপ এই আকাশের মধ্যে বিরাজমান। এই অসীম আকাশে তিনি যেমন বর্তমান, সেই প্রকার এই পবিত্র সমাজ মন্দিরেও তিনি বিরাজমান। এই প্রাচীরের অন্তর্কর্তী যে আকাশ এখানেও তাঁহার চক্ষু-রুম্বীলিত রহিয়াছে। এই জ্যোতির অভ্যন্তরে সেই জ্ঞান-জ্যোতি বিরাজ করিতেছেন। সেই

পবিত্র-স্বরূপ দ্বারা এই সমাজ-মন্দির পূর্ণ রহিয়াছে। যিনি চক্ষুর চক্ষু, তিনি কি আমারদিগকে দেখিতেছেন না? আমরা যেমন পরস্পরকে দেখি, সেই সর্বজ্ঞ পুরুষ আমারদিগকে কি সে রূপও দর্শন করিতেছেন না? যিনি চক্ষুকে নির্মাণ করিয়াছেন, তাঁহার কি দর্শনের শক্তি নাই? যিনি শ্রোত্রের অপূর্ব রূপ গঠন করিয়াছেন, তিনি কি আমারদের উপাসনা বাক্য শ্রবণ করিতে পারেন না? তিনি চক্ষুর চক্ষু, তিনি শ্রোত্রের শ্রোত্র। আমরা যে কয় জন তাঁহার উপাসনার জন্য মিলিত হইয়াছি, প্রতি জনের উপর তাঁহার দৃষ্টি পতিত রহিয়াছে; তিনি অন্তরের অন্তর। তিনি প্রত্যেকের মনের ভাব জানিতেছেন, আমরা সম্বৎসরান্তে এখানে কিসের জন্য উপস্থিত হইয়াছি, বাণিজ্য ব্যবসায়ের জন্য উপস্থিত হই নাই, আমোদ শ্রমেদের জন্য উপস্থিত হই নাই; কলহ বিবাদ বিসম্বাদও এখানে কিছুই নাই। সেই পরম পিতার আরাধনার জন্য আমরা সকলে এখানে ভ্রাতৃত্বাবে মিলিত হইয়াছি; তাঁহার পূজার নিমিত্তে, সেই প্রিয়তম পুরুষের আলিঙ্গনে হৃদয়কে উত্তপ্ত করিবার জন্য আমরা সকলে সমাগত হইয়াছি। সমুদায় দিবস বিষয় কোলাহলেতেই গত হইয়াছে, এখন সেই শান্তি-নিকেতনের সন্নিধানে উপস্থিত হইয়াছি; এখানে আসিয়া কেহই যেন নিরাশ না হন। আমরা যত্ন করিলেই ঈশ্বর আমাদের হৃদয় দ্বার উন্মাতন করিয়া আপনাকে দেখা দিবেন। অদ্যকার এই উজ্জ্বল জ্যোতির মধ্যে যে ব্যক্তি তাঁহার উজ্জ্বল মুখ দর্শন না করিল, সে কি হতাশ্য। সমুদায় বৎসরান্তে তাঁহার এই উৎসবের দিবসেও কি তাঁহাকে হৃদয়ে স্থান দিবে না, যাহাকে প্রতি মুহূর্তে শ্রীতি

কৃতজ্ঞতা উপহার দিতে হয়, বৎসরের মধ্যে এক দিনও কি তাঁহাকে হৃদয়ে আলিঙ্গন করিবে না। তাঁহার উপাসনাতে কি আমরা ক্ষণ কালের জন্যও উপযুক্ত নহি? তাঁহার আরাধনার জন্য আসিয়াও কি তাঁহাতে কৃতজ্ঞতা শ্রীতি ভক্তি অর্পণ করিতে পারিব না? যিনি আজন্ম আমারদিগকে রক্ষা করিলেন, শ্রতিনিমেষে যাহার রূপা-বারি আমারদের উপর বর্ষিত হইল, তাঁহাকে কি আনন্দের সহিত সদ্যঃ প্রস্তুতি শ্রীতিমালা অদ্য উপহার দিবে না। অদ্য তাঁহার প্রসাদে আমরা সুস্থ শরীরে সুস্থ মনে তাঁহার উপাসনার নিমিত্ত একত্র হইয়াছি; অতএব হৃদয়ের কবাট খুলিয়া দেও, হৃদয়-মন্দিরে হৃদয়ের রাজাকে প্রত্যক্ষ কর, তাঁর মহিমা ঘোষণা করিয়া জিহ্বা শ্রোত্র পবিত্র কর, আনন্দ-ধনিত্তে অদ্য এই পবিত্র গৃহকে পূর্ণ কর। “আজ সবে গাও আনন্দে, তাঁর পবিত্র নাম লয়ে জীবন কর সকল।”

স্বাধ্যায়ের পর ব্রাহ্মধর্ম ব্যাখ্যাত হইলে অধ্যাতা শ্রীযুক্ত বেচারাম চট্টোপাধ্যায় মহাশয় বলিলেন।

সাধু ইচ্ছা কখনই অসম্পন্ন থাকে না। সাধু যাহার ইচ্ছা, ঈশ্বর তাহার সহায়। আমরা যদি পাপ হইতে বিরত হইয়া আত্মাকে পবিত্র ও পরিশুদ্ধ রাখিতে একান্তিক যত্ন করি—ঈশ্বরকে অহরহ শ্রীতি করিতে সচেষ্ট হই, তাহা হইলে আমার দিগের সেই সাধু ইচ্ছা অবশ্যই সম্পন্ন হয়, সংসারের কোন বস্তই তাহার প্রতিকূলতাচরণ করিয়া কৃতকার্য হইতে পারে না। কেন না সেই সিদ্ধি দাতা পরমেশ্বর স্বয়ংই ইহার সহায়।

আমরা সাধু হই, উন্নত হই, তাঁহার পবিত্র সহবাসের যোগ্য হই, ইহা সেই

পূর্ণ-মঙ্গল অনাদানন্ত পরমেশ্বরের একমাত্র অভিপ্রেত; আমরা তাঁহার সেই অশেষ ইচ্ছা পূর্ণ করিতে যত্নবান হইলে কেনই বা কৃতকার্য না হইব? আমারদিগের যাহা ইচ্ছা, যখন ঈশ্বরের তাহাই অভিপ্রেত হইল, তখন সেই রাজাধিরাজের মঙ্গল অভিপ্রায় কেন না সুসিদ্ধ হইবে। আমরা তাঁহাকে একাগ্র-চিত্তে প্রীতি করিতে যত্নবান হইলে কেনই বা তাঁহাকে প্রীতি করিতে সমর্থ না হইব? তিনি প্রীতির এমনি স্বভাব করিয়া দিয়াছেন, যে তাহা কোন মতেই অনিত্য সংসার মধ্যে আবদ্ধ থাকিয়া কৃতার্থ হইতে পারে না। অচির বিষয় বিভব, অস্থায়ী স্ত্রী পুত্র পরিবারে প্রীতি করিয়া কোন ক্রমেই প্রীতি-বৃত্তি চরিতার্থ হয় না। প্রীতির চরিতার্থতার স্থল ভূমা ঈশ্বর স্বয়ংই। গঙ্গা যে রূপ বহু যোজন ভূমি অতিক্রম করিয়া তাহার গম্য স্থান মহা সমুদ্রে যাইয়া সম্মিলিত হইতেছে, আমারদিগের প্রীতি নদীও সেই রূপ এই সুবিশাল সংসার ক্ষেত্র অতিক্রম করিয়া প্রীতির অনন্ত সমুদ্রে যে ঈশ্বর, তাঁহাতে পতিত হইবার জন্য নিয়তই প্রবাহিত হইতেছে।

বেগবতী নদীর সমুদ্রে সমাগম পথে অভ্রভেদী উন্নত পর্বত সংস্থাপিত হইলে সে যেমন আপনার বলে তাহা উল্লঙ্ঘন করিয়া মহাবেগে প্রবাহিত হয়, সেই রূপ আমারদিগের প্রীতি-প্রবাহের সম্মুখে যদি সমুদায় সংসার সংস্থাপিত হয়, তথাচ তাহার গতি রোধ করিতে পারে না। সে আপনার বলে তাহা অতিক্রম করিয়া ঈশ্বরের প্রতি ধাবিত হইবেই হইবে।

আমরা কি যথেষ্ট আপনারদিগের প্রীতিকে নিয়োগ করিতে পারি, না নিয়োগ করিলেই তাহা চরিতার্থ হয়? আমারদি-

গের প্রীতি-প্রবাহ যে রূপ স্বভাবতই ঈশ্বরের প্রতি ধাবিত হইতেছে, সেই রূপ আপনার ঈশ্বর স্বয়ংই তাহাকে আপনার প্রতি আকর্ষণ করিতেছেন। চুম্বকমণি যেমন লৌহকে সর্বদাই আপনার প্রতি আকর্ষণ করে, সেই করুণা-পূর্ণ পরমেশ্বর সেই রূপ অহরহই আমারদিগকে তাঁহার প্রতিই আকর্ষণ করিতেছেন। সেই ছুর্জয় আকর্ষণ অতিক্রম করিয়া কি আমরা একপদ গমন করিতে পারি? তাঁহার মঙ্গলময়ী ইচ্ছা অবহেলন করিয়া কি এক পলের জন্য শান্তি লাভ করিতে সমর্থ হই?

- ঈশ্বর প্রীতি দিয়া আমারদিগের প্রীতি আকর্ষণ করেন। অসৎ পুত্র যে রূপ স্নেহময়ী জননীর উপদেশ অগ্রাহ করিয়া যথেষ্টাচারে প্রবৃত্ত হইয়াও যখন দেখিতে পায়, যে তাঁহার মাতা তাঁহার প্রতি স্নেহ বিতরণে একপলের জন্যও ক্ষান্ত নহেন, সে যখন তাঁহার অসন্তোষ সাধনে সর্বদা নিযুক্ত থাকিয়াও সন্দর্শন করে যে তিনি তাঁহার ইচ্ছা সাধনে প্রতিনিয়তই যত্ন করিতেছেন, তখন সেই অবাধ্য পুত্র আর কত কাল স্থির থাকিতে পারে? সে যেমন আপনা হইতেই জননীর শরণাপন্ন হয়, সেই রূপ আমরা ধর্ম হইতে—ঈশ্বর হইতে বিচ্ছিন্ন হইয়া যথেষ্টাচারে প্রবৃত্ত হইয়াও যখন দেখিতে পাই যে ঈশ্বর আমারদিগকে পরিত্যাগ করেন না, যখন তাঁহার মঙ্গলময়ী ইচ্ছার বিরুদ্ধাচরণ করিয়াও সন্দর্শন করি যে সেই পরম পিতা পরম সুহৃৎ সম্পদে বিপদে সুখ ছুঁখে আমারদিগকে প্রীতি করিতেছেন—প্রতি নিমেষে প্রতি নিঃশ্বাসেই আমারদিগকে রক্ষা করিতেছেন, তখন সেই রূপ আমারদিগের অসাড় আত্মা আপনা হইতেই জাগ্রত হইয়া উঠে। যখন গভীরতর পাপ পঙ্কে নিপতিত হই-

য়াও দেখিতে পাই যে সেই করুণা-পূর্ণ পুরুষ তখনও আমারদিগকে গ্রহণ করিবার জন্য হস্ত প্রসারিত করিয়া রাখিয়াছেন, তখনও মধুময় বাক্যে আমারদিগকে আপনার প্রতি আহ্বান করিতেছেন—তখনও প্রীতি-পূর্ণ নয়নে আমারদিগকে নিরীক্ষণ করিতেছেন; ঈদৃশ অথও প্রীতি অনন্ত করুণার চিহ্ন সন্দর্শন করিয়া আমরা আপনা হইতেই অনুতাপিত হৃদয়ে অশ্রু-পূর্ণ নয়নে তাঁহারই নিকটে ক্রন্দন করি, আমারদিগের আত্মা আপনা হইতে তাঁহার পবিত্র চরণে শরণাপন্ন হয়। তখনই সেই পরম পিতা আমারদিগকে প্রেম-ভরে আলিঙ্গন করত তাপিত হৃদয় শীতল করেন—তখনই তিনি তাঁহার মঙ্গল-কিরণ বিকীর্ণ করিয়া আমারদিগের ঘন-বিবাদ মেঘাচ্ছন্ন হৃদয়ের অন্তরতম প্রদেশ পর্য্যন্ত উজ্জ্বল করিয়া দেন—তখনই তিনি আপনার করুণা-নীরে আমারদিগের পাপমলা প্রক্ষালিত করিয়া আপনার পবিত্র ক্রোড়ে স্থান দান করেন।

আমরা কি আপনার বলে—আপনার জ্ঞান বলে পুণ্য-বলে সেই পবিত্র স্বরূপ পরমেশ্বরের নিকটবর্তী হই, না তিনি স্বয়ংই আমারদিগকে আপনার প্রতি লইয়া যান? আমরা তাঁহাকে না চাহিলেও তিনি আমারদিগের হৃদয় মন্দিরের অন্তরতম প্রদেশে আবিভূত হইতেছেন। আমরা তাঁহার নিরাপদ ক্রোড়ে যাইতে অনিচ্ছা প্রকাশ করিলেও তিনি প্রতিনিয়ত স্বীয় বাহু যুগল প্রসারিত করিয়া রাখিয়াছেন। কিন্তু আমরা-এমনি বিমূঢ় যে তাঁহার করুণা দেখিয়াও দেখি না। আপনার ক্ষুদ্র বুদ্ধির প্রতি নির্ভর করিয়া তাঁহা হইতে দূরে যাইতেই চেষ্টা করি, — তাঁহার শাসন হইতে স্বতন্ত্র থাকিতেই যত্নবান হই। একবার মনেও করি না যে তাঁহা হইতে

বিচ্ছিন্ন হইয়া—সেই প্রাণের প্রাণ হইতে বিচ্যুত হইয়া কেমন করিয়া প্রাণ ধারণ করিব, তাঁহার শাসনভয়েই বা কোথায় পলায়ন করিব?

আমরা তো তাঁহার ত্যজ্য পুত্র নহি। আমরা চির কালই তাঁহার স্নেহের ধন, তাঁহার রূপার পাত্র। আমরা তাঁহা হইতে দূরে থাকিতে চেষ্টা করিলেও তিনি তো আমারদিগকে পরিত্যাগ করিবেন না, তিনি আমারদিগকে তাঁহার পবিত্র সিংহাসন সন্নিধানে হস্ত ধারণ করিয়া লইয়া যাইবেন। কিসে আমারদিগের মানস রসনা তাঁহার প্রেমামৃতের স্নমধুর আশ্বাদ গ্রহণ করিয়া কৃতার্থ হয়, কিসে আমারদিগের জ্ঞান-নেত্র তাঁহার মঙ্গল-মূর্ত্তি সন্দর্শন করিয়া পরিতৃপ্ত হয়, এজন্য অহরহই তিনি আমারদিগের উপরে প্রেম-ধারা বর্ষণ করিতেছেন—এ নিমিত্ত তিনি আমারদিগের অন্তরে বাহিরে প্রতি নিয়তই বিরাজ করিতেছেন।

আমরা জ্ঞাননেত্র উন্মীলন করিলে কেন না তাঁহাকে দর্শন পাইব,—তাঁহার ধর্ম প্রতিপালন করিতে যত্নবান হইলে কেন না কৃতকার্য হইব। স্বীয় স্নেহাস্পদ পুত্র সুন্দর রূপে পদ চালনা শিক্ষা করে, ইহা তো স্নেহময়ী মাতার একান্ত ইচ্ছা। কিন্তু পুত্র যদি পদ-চালনায় প্রবৃত্ত হইয়া ছুর্কলতা বশতঃ জননীর নিকট সাহায্য প্রার্থনা করে—তাঁহার প্রতি হস্ত প্রসারণ করিয়া দেয়, তিনি কি তাহা ধারণ করিবেন না? তিনি কি আনন্দের সহিত তাঁহার বাহু-যুগল প্রসারিত করিয়া হৃদয়-ধনকে স্থান দিবেন না? আমরা সাধু হই, উন্নত হই, তাঁহার সহবাসের যোগ্য হই, যখন ইহা ঈশ্বরের একান্ত ইচ্ছা—আমরা তাঁহার পবিত্র চরণাভিমুখে গমন করি, তাঁহার সৃষ্টি কৌশলের এক মাত্র লক্ষ্য; তখন কি তাঁহার



নিকটে সাহায্য প্রার্থনা করিয়া নিরাশ হইব, না তাঁহার প্রদর্শিত ধর্ম-পথে পরিভ্রমণ করিতে গিয়া বিনাশ প্রাপ্ত হইব? কখনই না। আমরা তাঁহার প্রতি এক পদ অগ্রসর হইলে তিনি আমাদের প্রতি সহস্র পদ অগ্রসর হইবেন, তাঁহার উৎসাহ-জনন প্রসন্ন মুখ মুহূর্তের নিমিত্ত দর্শন করিবার প্রার্থনা করিলে তিনি চিরকালের মত আপনার নিষ্কলঙ্ক মঙ্গল-মূর্তি আমাদের অস্তরে বাহিরে প্রকাশিত করিয়াই রাখিবেন। তাঁহার নিকটে প্রার্থনা করিলে তিনি স্বয়ংই আমাদের নেতা ও পথ-প্রদর্শক হইবেন।

আমাদের সাধু ইচ্ছা সম্পন্ন হয় কি না, অন্যই তাহা প্রত্যক্ষ সন্দর্শন কর না, তিনি আমাদের প্রার্থনার অতিরিক্ত সুখ বিধান করিতেছেন কি না, এখনই কেন তাহা পরিক্ষাতেই বোঝ না। আমরা অদ্যকার উৎসব ক্ষেত্রে সব সুহৃদে মিলে পরমেশ্বরের পবিত্র চরণে প্রীতি কুসুম বিকীর্ণ করিব, তাঁহাতে মন প্রাণ সমর্পণ করিয়া কৃতার্থ হইব; সত্বসর কাল আমরা যে আশা করিয়াছিলাম, সেই মঙ্গল পূর্ণ অনাদ্যন্ত পুরুষ রাশি রাশি বাধা বিঘ্ন বিনষ্ট করিয়া আমাদের সেই সাধু ইচ্ছা এখনই পূর্ণ করিলেন। তিনি এখনই অজস্র প্রীতি-ধারা বর্ষণ দ্বারা বালকের কোমল হৃদয়, যুবার সরস চিত্ত, বৃদ্ধের উন্নত মনকে অভিভুক্ত করিতেছেন। তিনি এখনই আমাদের পূজা গ্রহণ করিবার জন্য হস্ত প্রসারণ করিয়া রাখিয়াছেন। ব্রাহ্মগণ! কৃতজ্ঞ হৃদয়ে প্রীতি পূর্ণ মনে আইস আমরা সকলে সদ্যঃ প্রস্তুতি প্রীতি কুসুমে তাঁহাকে পূজা করিয়া জীবন সাংকর্ষক করি।

ঔৎসবিকবোধিতীয়ঃ

পরে প্রধান আচার্য্য মহাশয় দ্বিতীয় বার উপদেশ দিলেন যে,

ঈশ্বরের মঙ্গল রাজ্যে সকলি উন্নতি, কেবলি উন্নতি। সকল স্থানেতেই কেবল এক উন্নতির ব্যাপার। পৃথিবী দিন দিন উন্নত হইতেছে; দেশ বিদেশ ক্রমে রাজ্য-বিষয়ে, জ্ঞান-বিষয়ে, ধর্ম-বিষয়ে, উন্নতির সোপান প্রাপ্ত হইতেছে। পূর্বাপেক্ষা বঙ্গ ভূমিতে ধর্মের আবির্ভাবের চিহ্ন এখন কেমন প্রকটিত হইতেছে। সেই ধর্ম—সেই সত্য সনাতন পবিত্র ব্রাহ্ম ধর্ম স্বর্গ হইতে এই বঙ্গ ভূমিতে অবতীর্ণ হইতেছে! গঙ্গা যেমন হিমালয় হইতে স্যন্দমান হইয়া সমুদায় আর্য্যাবর্তকে উর্বরা ও ফলবতী করিতেছে, ব্রাহ্মধর্মও তদ্রূপ ঈশ্বরের ক্রোড় হইতে প্রবাহিত হইয়া এই বঙ্গ ভূমিকে উজ্জ্বল ও পবিত্র ও উন্নত করিতেছে। আমরা যে অবধি ব্রাহ্ম ধর্মের প্রসাদ অনুভব করিয়াছি, সেই অবধিই আমাদের জীবন পরিবর্ত হইয়া গিয়াছে। ব্রাহ্ম ধর্মের প্রসাদ, ব্রাহ্ম ধর্মের প্রতাপ, ব্রাহ্ম ধর্মের যে পুণ্য-ভাব; তাহা এ হৃদয়ে ধরে না, তাহা এক জিহ্বায় বলা যায় না। যদি ব্রাহ্ম ধর্ম বঙ্গ ভূমিতে প্রেরিত না হইত, তবে ইহা দুর্গতি হইতে দুর্গতিতে, দুর্ভিক্ষ হইতে দুর্ভিক্ষে, ক্লেশ হইতে ভয়াবহ ক্লেশে নীয়মান হইত—আমাদের এই শ্যামা বঙ্গ ভূমি উৎসন্ন দশা প্রাপ্ত হইত, কিছুতেই আর মনের আশা উৎসাহ থাকিত না। কিন্তু আমাদের আর ভয় নাই, এখন ব্রাহ্ম ধর্ম আসিয়া বঙ্গ ভূমিকে আবেষ্টন করিয়াছে—এখন আমাদের অশ্রু-জল পরিমার্জিত হইল, হৃদয় উদ্যমে পূর্ণ হইল, আনন্দের প্রেম-ধারা বর্ষিত হইতে লাগিল। এই যে বঙ্গ ভূমি—এই যে জ্ঞানহীন বলহীন পরাধীন পাপাক্রান্ত বঙ্গভূমি, এই

কি উন্নত পবিত্র ব্রাহ্ম ধর্মের উপযুক্ত ক্ষেত্র? কিন্তু যদি পাষণেই বীজ অঙ্কুরিত না হইল, তবে তাঁহাকে অকিঞ্চন-গুরু কি রূপে বলিব? এই বঙ্গদেশের দুর্বলতার বল আমাদের এই ব্রাহ্মধর্ম। যখন ব্রাহ্ম ধর্ম ব্যতীত এই বঙ্গ দেশের ত্রীসৌভাগ্য উদয়ের আর উপায় রহিল না, তখন ঈশ্বর এই সুখদ শুভ সনাতন ব্রাহ্ম ধর্মকে রূপা করিয়া আমাদের সহায়ার্থে পৃথিবীতে প্রেরণ করিলেন। রুগ্ন শিশুর প্রতি মাতার স্নেহ সমধিক—ঈশ্বর তাই আমাদের এই বঙ্গ ভূমিকে আপন ক্রোড়ের ছায়ায় বহু যত্নে সংরক্ষিত করিতেছেন। যদি সকলে মিলিয়া তোমরা এই ব্রাহ্মধর্মকে রক্ষা কর, তবে ব্রাহ্ম ধর্ম তোমাদের রক্ষা করিবে। যদি ইহাকে তোমরা পোষণ কর, তোমরা সকলে পুষ্ট হইবে, হৃষ্ট পুষ্ট বলিষ্ঠ হইবে—তোমাদের জ্ঞান দক্ষিণ সাগর সমান সুগভীর হইবে, হৃদয় প্রশস্ত হইবে, মন বীর্যবান হইবে, স্বাধীনতা লাভ করিবে—রাজার অত্যাচার বিনাশ পাইবে, প্রজার বিদ্রোহের প্রশমন হইবে, দুর্বলের উপর বলীর আর পীড়ন থাকিবে না—রাজ্যের অশেষ মঙ্গল হইবে, রাজ্যের লোকেরা আয়ুমান হইবে, হিতৈষী ও বিনয়ী হইবে, বসুধা ভূরি-বসু হইবে,—এই বঙ্গদেশ বিবাদ কলহের স্থান না হইয়া ঐক্য বন্ধনে বদ্ধ হইবে, সামাজিক আচার ব্যবহার পরিপূর্ণ হইবে, পরিবারের মধ্যে শান্তি ব্যাপ্ত হইবে; অন্তঃপুর পর্যন্ত ত্রী সৌন্দর্য্য জ্ঞান ধর্মে উজ্জ্বল হইবে। আমরা একমেবাদ্বিতীয়ের শরণাপন্ন হইয়া এক-হৃদয় অভিন্ন-হৃদয় হইব। পবিত্র ধর্মের আশ্রয় ব্যতীত দেশ জাতি মধ্যে পরিগণিত হয় না। যে রাজ্যে সেই পরমা সম্পদ বিরাজ না করেন, সেই দেশই

লক্ষ্মীশূন্য শূন্য দেশ। আমরা ঈশ্বর হইতে বিচ্যুত হইয়া পুণ্য-বল সাধন করিতে পারি না, পবিত্রতা লাভ করিতে পারি না। পবিত্রতার প্রস্রবণ হইতে বিযুক্ত হইয়া কি প্রকারে পবিত্র থাকিতে পারি? ব্রাহ্ম ধর্মই আমাদের সেই পবিত্রতার প্রস্রবণের সঙ্গে যুক্ত করিতেছেন। আমরা যদি এই ধর্মকে প্রাণ-পণে পোষণ করি, তবে হৃষ্ট পুষ্ট বলিষ্ঠ হইব, পরাধীনতা চলিয়া যাইবে, গৃহ শান্তির নিকেতন হইবে, এবং যাহা ব্যতীত আমাদের আর কিছুতেই তৃপ্তি হয় না, ব্রাহ্মধর্ম তাহাও আমাদের সমক্ষে আনিয়া দিবেন—আমরা আত্মার একমাত্র আরাম-স্থল পরমাত্মাকে লাভ করিয়া বিগত শোক হইব।

শত বৎসর পূর্বে এ পৃথিবীর সঙ্গে আমার কি যোগ ছিল? শত বৎসর পরেও ইহার সহিত আমার কোন সম্বন্ধ থাকিবে না। কিন্তু আত্মা যখন যেখানে যাইবে, যেখানে থাকিবে; সেখানেই ঈশ্বরের সহিত সম্বন্ধ থাকিবে। এ লোকে এখন ঈশ্বরের আশ্রয়েই রহিয়াছি, পরে পরলোকে তাঁহারই আশ্রয়ে থাকিব। অদ্য রাত্রির অবসানে কল্য হয় তো আর এখানে জাগ্রত হইতে হইবে না। ক্ষণ-ভঙ্গুর নিঃশ্বাসের উপর বিশ্বাস কি? কিন্তু হায়! অনেকে এই নিঃশ্বাসের উপরে যত টুকু বিশ্বাস করেন, এই নিঃশ্বাসের প্রেরণিতার প্রতি তাঁহারদের তত টুকুও বিশ্বাস নাই। এই দীপের সঙ্গে চক্ষুর কত কালের বা যোগ? ক্ষণ কালের মধ্যে তাহার ভঙ্গ হইতে পারে; কিন্তু আত্মার সঙ্গে পরমাত্মার নিত্য কালের যোগ, সে যোগের ভঙ্গ কখনই হইবে না। ঈশ্বরের প্রসাদে আমরা নির্ভয় হইয়াছি; আমরা জানিয়াছি যে আত্মা শরীর-পিঞ্জর হইতে উথিত হইয়া

ঈশ্বরের ক্রোধে বিশ্বাস করিবে। ব্রাহ্মধর্ম যে কেবল রাজ্যের শ্রী সুখ সৌভাগ্য সম্পাদন করেন, এমন নহে; কিন্তু যাহাতে আমরা ঈশ্বরের উদার ক্রোধে বিশ্বাস লইতে পারি, যাহাতে উন্নত লোক হইতে উন্নত লোকে, দেব-লোক হইতে দেব-লোকে উত্থিত হইতে পারি, ব্রাহ্মধর্ম এ প্রকার শিক্ষা দেন। ব্রাহ্মধর্মের মত সুহৃদ বন্ধু আমাদের আর কে আছে? যখন বান্ধবেরা আমাদের দিগকে কাঠ লোষ্টবৎ ভূমিতলে পরিত্যাগ করিয়া বিমুখ হইয়া গমন করে, তখন ব্রাহ্মধর্ম আমাদের হস্ত ধরিয়া ঈশ্বরের সম্মুখে উপনীত করেন। এই ব্রাহ্মধর্মের প্রসাদে আমরা জ্ঞানহীন বলহীন পরাধীন হইয়াও ঈশ্বরের করুণা অনুভব করিয়াছি। ইহারই প্রতাপে রাজার অত্যাচারের শাস্তি হইবে, প্রজার বিদ্রোহানলের উপশম হইবে—ইহারই প্রসাদে অন্তঃপুর পর্যন্ত মঙ্গল-নীরে প্লাবিত হইবে, বঙ্গদেশ গণ্য জাতির মধ্যে পরিগণিত হইবে। সেই সত্য-স্বরূপকে হৃদয়ে রক্ষা করিলে জ্ঞান ও বিশ্বাস পরিশুদ্ধ হইবে, প্রীতি ভক্তি প্রশস্ত হইবে, ধর্ম-বলে ইচ্ছা বলবতী হইবে। তখন সংসারী বিষয়ী-দিগের নিকটে আর আমরা অবনত হইব না, ঈশ্বর তিন কোন কথাই কহিব না, তাঁহার কার্য তিন কোন কার্যই করিব না। তাঁর জন্য যদি এ জীবন যায়, তাঁর সংসারের মোহে তাহাতে ভীত হইব না। তিনি আমাদের পুত্র হইতে প্রিয়, বিত্ত হইতে প্রিয়, আর আর সকল হইতে প্রিয়। অদ্য আমরা সেই প্রিয়তমকে প্রীতি দিয়া তাঁর প্রীতি লাভ করিবার জন্য এখানে সকলে সম্মিলিত হইয়াছি। যত দিন ব্রাহ্মধর্ম পৃথিবীতে অবতীর্ণ হয় নাই, তত দিন এ প্রকার সমাজ কোথায় ছিল? এইক্ষণে

এখানে এখানে তাঁহার মন্দির প্রতিষ্ঠা হইতেছে। যেমন দিন যাইতেছে, ব্রাহ্ম ধর্ম উন্নত বেশ ধারণ করিতেছে। ব্রাহ্মধর্মের সহায়ে আমরা অমৃত-নিকেতনের যাত্রী হইয়াছি। এমন দুর্ভাগ্য সময়ে, এমন উন্নতির সময়ে, ব্রাহ্মধর্মকে কেহ অবহেলা করিও না, আনন্দ মনে প্রাণ-পণে সকলে মিলিয়া তাহাকে রক্ষা কর। সকলে মিলিয়া সেই সর্বব্যাপী নির্মল নিরবয়ব একমেবাদ্বিতীয়ং পূর্ণ-মঙ্গল সত্য-পুরুষের আরাধনা কর, স্বীয় স্বীয় হৃদয়কে পবিত্র করিয়া তাহাতে তাঁহাকে প্রত্যক্ষ কর, এবং প্রীতি-ভাবে ভক্তি-ভরে তাঁহার চরণে অবনত হও—যে কোন কর্ম কর, তাঁহাতে অর্পণ কর। সন্তোষ ও ধৈর্য্যকে অবলম্বন কর, সংযত হও, সম্পত্তি বিপত্তিতে অটল থাক, বিষয়ের লাভালাভে, জয় পরাজয়ে, আশা ভয়ে, ব্যাকুলিত হইও না। এই পবিত্র ব্রাহ্মধর্মের আশ্রয়ে অমৃত-নিকেতনের যাত্রী হইয়া প্রসন্ন মনে কল্যাণ-পথে অগ্রসর হও; ঈশ্বর তোমার-দিগকে রক্ষা করিবেন।

হে পরমাত্মন! তুমি তো কাহারো নিকট হইতে দূরে নাই, তবে কেন বলি তুমি দূরে? স্পর্শ দ্বারা যাহা কিছু জানিতেছি, তাহা হইতেও তুমি নিকটে আছ, তুমি আমার অন্তরে রহিয়াছ—তোমাকে আমার হৃদয়-মন্দিরে প্রত্যক্ষ করিয়া প্রীতি-কুসুম পূজা করিতেছি, তুমি প্রসন্ন হইয়া তাহা গ্রহণ কর।

ও একমেবাদ্বিতীয়ং

অনন্তর সুস্বরে কয়েকটি ব্রহ্মসঙ্গীত গীত হইয়া সমাজ তঙ্গ হইল।

উদ্ধৃত।

কলিকাতা-ব্রাহ্ম-সমাজ।

১৫ টৈত্র ১৭৮২ শক।

বুধবার।

ব্রাহ্মধর্মের ব্যাখ্যান।

—৩—

ঈশাবাস্যমিদং সর্বং যৎ কিঞ্চ জগত্যাং জগৎ। তেন ত্যক্তেন ভুক্তীধামাগুধঃ কস্তশ্চিৎ ধনং।

পরমেশ্বর দ্বারা এই সমুদয় জগৎ আবাস্য হইয়া রহিয়াছে, অল্প কি বৃহৎ যাহা কিছু সকলই তাঁহার সত্তাতে পূর্ণ রহিয়াছে; জড়তে তিনি ওতপ্রোত হইয়া আছেন, আত্মার সঙ্গে তিনি সংস্পৃষ্ট হইয়া রহিয়াছেন। তাঁহার অভাবে জড়ের সমুদয়ই বিলুপ্ত হয়; তাঁহার অভাবে মনের চিন্তা দূর হয়—হৃদয়ের প্রীতি নির্বাণ হইয়া যায়—আত্মার জীবন বিনাশ প্রাপ্ত হয়। তাঁহার সত্তাতেই আমাদের সকলের সত্তা। তিনি জীবন্ত-রূপে আমাদের সঙ্গে রহিয়াছেন, আর আমরা জীবিত রহিয়াছি। আমাদের ঈশ্বর কি শূন্য ঈশ্বর? যাহার অভাবে আমাদের আত্মার জীবন শুষ্ক হইয়া যায়, তাঁহাকে কি আমরা জীবন্ত-রূপে গ্রহণ করিতে পারি না? তিনি কি আমাদের মনের কম্পনা মাত্র? তিনি শূন্য ঈশ্বর নহেন, তিনি আমাদের মনের ভাব নহেন, তিনি গুণমাত্র নহেন; তিনি কেবল জ্ঞান কি শক্তি নহেন—গুণ কদাপি বস্তুর ভিত্তিতে পারে না। পরমেশ্বর পরম বস্তু; তিনি জ্ঞান শক্তি সমন্বিত, মঙ্গল-ভাব সমন্বিত পুরুষ। তিনি সত্যের আশ্রয়ভূমি, তিনি আত্মার প্রতিষ্ঠা, তিনি আবার আশ্রয়। তাঁহা অপেক্ষা আর কাহার সঙ্গে আমরা জীবিত সম্বন্ধ? তিনি ইন্দ্রিয়ের অতীত; কিন্তু তাঁহার জন্য হৃদয়ের শত শত জ্ঞান-দ্বার মুক্ত রহিয়াছে। সেই পরম পিতা—তিনি এখানেই আছেন, তিনি আমাদের অন্তরেই রহিয়াছেন। আকাশ তাঁহার সত্তাতে পূর্ণ

রহিয়াছে। আমাদের শরীরে যেমন আত্মা ওতপ্রোত হইয়া আছে; এই জগৎ সংসারে তিনি সেই প্রকার ওতপ্রোত হইয়া রহিয়াছেন। তিনি স্বয়ং আমাদের চতুর্দিকে রহিয়াছেন; তিনি স্বয়ং আমাদের হৃদয় বাস করিতেছেন। যাঁর জ্ঞান শক্তি ও মঙ্গল-ভাবে সমুদয় জগৎ পরিপূর্ণিত, তিনি আবার আবার অন্তরের অন্তর হইয়া রহিয়াছেন। তাঁহার মত নিকটের বস্তু আর আমার কেহই নাই। তাঁহার তুলনায় আর সকলই আমা হইতে দূর। তিনি আমাদের অন্তরে যে প্রকারে প্রবেশ করিতেছেন, আমাদের হৃদয়-বন্ধুও সে প্রকারে পারে না। আর আর সকলে শরীরের বাহিরে থাকিয়া আমাদের সঙ্গে আলাপ করে, তিনি আত্মার অন্তরে রহিয়াছেন। অন্য বস্তুর সঙ্গে আমাদের সঙ্গে আকাশের ব্যবধান রহিয়াছে, ঈশ্বর আত্মাতে পরিব্যাপ্ত ও প্রবিষ্ট হইয়া রহিয়াছেন। তিনি নিরাকার হইলেন, তাহাতে কি? আমাদের শূন্য নিরাকার ভাবিতে হইবে না। আমি যখন আপনাকে জানিতেছি, তখন কি আপনাকে শূন্য দেখিতেছি। আমাদের আত্মা নিরাকার বলিয়া কি তাঁহাকে উপলব্ধি করিতে পারি না? তবে আমাদের সমুদয় জীবনের আশ্রয়-দাতাকে কেন মনে করিতে পারিব না? আমাদের পরিমিত জ্ঞান কি সেই অনন্ত জ্ঞানকে প্রকাশ করিতেছে না? আমাদের প্রীতি ভাব, মঙ্গল ভাব, কি সেই নিষ্কলঙ্ক পবিত্র-স্বরূপ প্রেমময় পুরুষের দিকে আমাদের দিগকে লইয়া যাইতেছে না? আমরা ব্রাহ্মধর্ম হইতে শিক্ষা পাইয়াছি যে আমাদের ঈশ্বর যিনি, তিনি অসীম অনন্ত। যিনি অসীম অনন্ত ও মহান হইলেন, তিনি কি আমাদের এই ক্ষুদ্র হৃদয়কেও পূর্ণ করিতে পারেন না? তাঁহার মঙ্গল ভাব অসীম বলিয়া কি তাহা মঙ্গল ভাব নহে? আমরা কি তাঁহার কিছুই জানিতে পারি না—তাঁহাকে পূজা করিতে পারি না? আমাদের প্রীতি কি আমরা শূন্যে অর্পণ করি? এ প্রকার হইলে ঈশ্বর আমাদের নিকটে থাকি না থাকি সমান হইত; বাস্তবিক তাহা নহে, তাঁহার সঙ্গে আমাদের সঙ্গে অতি নিকট সম্বন্ধ। তিনি সমুদয় জগতের ঈশ্বর, কিন্তু

তিনি আমারদের পিতা; তিনি সমুদয় আকাশের অস্তিত্ব 'পরআকাশাৎ' অর্থাৎ আমারদের প্রত্যেকেরই নিকটে আছেন; তিনি আমারদের নিত্য সঙ্গী; যখন আপনাকে দেখি, তখন তাঁহাকে আপনার আশ্রয়-রূপে দেখিতে পাই। সূর্য্য হইতে দূরস্থ সূর্য্যো, নক্ষত্র হইতে দূরস্থ নক্ষত্র, তাঁহার সিংহাসন প্রতিষ্ঠিত নহে; তাঁহার সুরমা নিকতন আমাদের হৃদয়ে। তিনি আমাদের জ্ঞানের পরম অন্ন। তিনি আমাদের চিরন্তন সত্য-ভাব-সকলের আশ্রয়ভূমি। তিনি আমাদের অবিদ্যার ধর্ম্ম-নিয়মের প্রতিষ্ঠাতা।

পরমেশ্বর আমারদের হৃদয়ের ধন—তবে তাঁহাকে দেখিতে পাই না কেন? তাঁহার সঙ্গে আমাদের সঙ্গে ব্যবধান কি? আমরা আপনারাই ব্যবধান। আমাদের বিষয়-কামনা, বিষয়-লাল-সাই, ব্যবধান। আকাশের সঙ্গে যোগ হইলে যেমন দূর হয়, ঈশ্বর হইতে আমরা সে প্রকার দূর নহি; আমাদের স্বার্থপরতা, কুটিল-ভাব-সকলই, তাঁহা হইতে আমাদের দূরে প্রক্ষেপ করে। ব্রাহ্মধর্ম্মের উপদেশ এই, পাপ-কলঙ্ক ও বিষয়-লালসা পরিভাগ করিয়া ব্রহ্মানন্দ উপভোগ কর। আমরা আপনারা যদি অপবিত্র থাকি, তবে সেই পবিত্র পুরুষের নিকটে যাইবার স্পৃহা হইবে কেন? তাঁহাকে পাইবার জন্য সে ব্যাকুলতা আসিবে কেন? আমরা পাপ-দোষে জঘন্য, অতি দীন হইয়া মনে করি; ঈশ্বর কুবি আমারদিগকে দেখিতেছেন না, হৃদয়ের অধীশ্বরকে হৃদয়ে দেখিতে পাই না। ঈশ্বর প্রতি হৃদয়ে প্রবেশ করিবার জন্য যে যত্ন করিতেছেন, তাহা তখন বুঝিতে পারি না। ঈশ্বরকে নিকটে দেখিতে চাও, তবে হৃদয়কে পবিত্র কর—অস্তুরে যদি কোন গুণ পাপ পোষণ করিয়া থাক, তাহা দূর করিয়া দেও; এখন তাঁহার প্রসন্ন মুখ দেখিতে পাইবে। ঈশ্বর আমাদের কাহাকেও দূরে রাখিতে চাহেন না—তিনি নিয়তই অবসর দেখিতেছেন, কখন আমাদের দিকে গ্রহণ করেন। তাঁহার প্রসাদ তো আপনি আপনি আসিবে, কেন আমাদের যত্নের ক্রটি হয়? তিনি আমাদের হৃদয়ে প্রবেশ করিবার জন্য কতই যত্ন করিতে-

ছেন, আমরা কেন তাঁহাকে হৃদয়-দ্বার খুলিয়া না দিই? আমরা তাঁহার প্রসাদ-বারির জন্য কেন প্রতীক্ষা করিয়া না থাকি? ব্যাকুল অন্তরে কেন না তাঁহাকে অবেষণ করি?

হা! আমরা সকল সময়ে মনে করি না, সেই পরম পিতা আমাদের জন্য কতই করিতেছেন। তাহা মনে করিলে কখনই তাঁহাকে এ প্রকার ভুলিয়া থাকিতাম না। দেখ, কোথায় তিনি সকল জগতের রাজা, অচিন্ত্য অসীম পুরুষ, আর আমরা এখানকার এই হীন মলিন জীব: আমরা দিগকেও তিনি বিস্মৃত নহেন। আমরা তাঁহার করুণার কোন কপেই যোগ্য নহি। তিনি আমাদের জন্য এত করিতেছেন, আমরা তাঁহার জন্য কি করিতে পারিতেছি? তিনি আমাদের নিকট আর কিছু চান না, কেবল আমাদের প্রীতি চান। এস আমরা বিনীত ভাবে তাঁহার নিকটে গিয়া তাঁহাকে বলি; তোমাকে আমরা হৃদয়ের সমুদয় প্রীতি সমর্পণ করিতেছি, তুমি তাহা প্রসন্ন হইয়া গ্রহণ কর।

হে পরমাত্মন! তুমি আমারদের এত নিকটে রহিয়াছ; তবে আমরা কেন বলি, তুমি দূরে। আমরা যত্ন করি না, তাই তোমাকে দেখিতে পাই না। আপনার দোষ মনে না করিয়া মনে করি, তুমি আমারদিগকে দেখিতেছ না। তোমার জন্য ব্যাকুল হইলে তুমি তৎক্ষণাৎ দেখা দেও, তথাপি আমরা তোমাকে ভুলিয়া থাকি। হে পরমাত্মন! তোমার অবেষণে যেন আমাদের সমুদয় হৃদয়, সমুদয় বল বীৰ্য্য, অর্পণ করি। তোমাকে যেন আমাদের সকল প্রীতি প্রদান করি। তোমার কার্য্যের জন্য যেন সমুদয় জীবন সমর্পণ করিতে পারি, তুমি এই প্রকার অনুগ্রহ কর।

ও একমেবাদ্বিতীয়ং

প্রেরিত।

দুঃখ আমাদের মহৌষধ।

জন্ম গ্রহণ করিলে সকলেরই দুঃখ ভোগ করিতে হয়। বিপুল ভুজবল, বা অসাধারণ জ্ঞান বল দ্বারা কেহ ইহা অতিক্রম করিতে সমর্থ হয় না, ইহার পরাক্রমের আর পরিসীমা নাই। ছর-


বস্থা অতি প্রবল প্রতাপ নরপতিকেও দেখিয়া শঙ্কিত হয় না এবং কুর্টার শাঘী দরিদ্রকে দেখিয়াও ঘৃণা করে না। সুচিকিৎসকেরা, যেরূপ কোন পীড়া যাতনা শান্তি নিত্য অন্তর হইলে নানা ঔষধ প্রয়োগ করিয়া পীড়িত অঙ্গের অনুভব শক্তি রহিত করিয়া দেয়, তদ্রূপ বিজ্ঞ পণ্ডিতেরা এই দুর্নিবার দুঃখ রূপ বিকারের উপযুক্ত প্রতিকার স্থির করিতে না পারিয়া তজ্জনিত যন্ত্রণা যাহাতে অল্পে সহ্য করিতে পরা যায় তদুপযুক্ত নানা সল্পপদেশ প্রদান করিয়া থাকেন। দুঃখের অবস্থা স্মরণ করিয়া আমরা যে রূপ ভীত হইয়া থাকি, স্থির চিত্তে অনুধ্যান করিয়া দেখিলে ইহা তত শঙ্কার বিষয় বলিয়া কিছুতেই প্রতিপন্ন হইতে পারে না। ঋতু পরিবর্তনের ন্যায় আমাদের অবস্থা নিরন্তর পরিবর্তিত হইতেছে। কিন্তু যে রূপ ঋতু পরিবর্তন না হইলে মনুষ্যের স্বচ্ছন্দ লাভ হওয়া মুকঠিন, সেই রূপ অবস্থা পরিবর্তন না হইলে প্রকৃত মুখ লাভ হয় না, আত্মার উন্নতি হয় না, যদি সুমন্দ মলয়ানিল অবিপ্রাপ্ত বহিতে থাকিত তাহা হইলে কি আর বসন্ত কালের মনোহর শোভা অনুভূত হইত, যদি নিদাঘের সায়ংকাল চিরস্থায়ী হয় তাহা হইলে কখনই তাহা আর মুখ প্রদ হয় না। সেই প্রকার দুঃখ যন্ত্রণা সহ্য না করিলে কখনই মুখ স্বচ্ছন্দের আশা গ্রহণ হয় না। দুঃখের অবস্থা জ্ঞান সিদ্ধির অতিশয় প্রসঙ্গ কাল, এই সময়েই আমরা মনুষ্যের মনের গতি ও চরিত্রের মুচ্যরূপে পরীক্ষা করিতে সমর্থ হই। নিরন্তর সৌভাগ্যের কোমল অঙ্কে পরিবর্তিত হইলে সংসারের ভার অপ্পই জানা যায়। সুতরাং অপর ব্যক্তির মানসিক অতিপ্রায় সকল আমাদের সহজেই হৃদয়ঙ্গম হয় না, কারণ মনুষ্যের প্রকৃতি এক প্রকার, কেবল অবস্থা ভেদে ভিন্ন ভাব ধারণ করে, সুতরাং এক বার বিপদে পড়িলে বিপদগ্রস্ত লোকের মনোভাব সুন্দর রূপে বোধ হইতে পারে, একবার পীড়িত হইলে পীড়িত ব্যক্তিদিগের আন্তরিক অতিপ্রায় বিলক্ষণ বুঝিতে পারা যায়, তদনুরূপ এক বার দুঃখের অবস্থায় পতিত হইলে দীন দরিদ্র অনাথদিগের মনোগত ভাব এককালে প্রতিপন্ন

হইতে থাকে এবং তাহাদিগের অতাব জানিয়া সহজেই তাহার প্রতিকারের নিমিত্ত যত্ন করিতে পারা যায়। ফলতঃ যাহারা কখন দুঃখের অবস্থায় পতিত হয় নাই তাহারা প্রায় পৃথিবীর কোন প্রকৃত উপকার করিতে সমর্থ হয় না, উপযুক্ত পাত্রে দান বা দুঃসময়ে উপকার প্রায় তাহাদিগের ভাগ্যে ঘটয়া উঠে না, সুতরাং যাহারা ছরবস্থার মুখ কখনই দর্শন করে নাই তাহারা মানব প্রকৃতির কেবল অর্দ্ধাংশ দর্শন করিয়াছে, অতএব ছরবস্থায় পতিত না হইলে আমাদের এক প্রকার শিক্ষাই হয় না। ক্রমাগত সৌভাগ্যশালী হইলে আমরা আপনাদিগের বিষয় সম্যক অবগত হইতে পারি না, যে সাহস বিপদের সহিত সংগ্রাম না করে, যে জ্ঞান ক্রেশকে পরাজয় না করে, যে সততা দ্বারা পরীক্ষা না হয়, সে সাহস সে জ্ঞান বা সে সততার বল ও প্রতাব আমরা কি প্রকারে অবগত হইব।

ছরবস্থায় পতিত হইলে পরিণামে মুখ স্বচ্ছন্দ লাভ হইবে এই আশাই তখন এক প্রধান শাস্ত্রনার মূল হয়। এই বলবতী আশা আমাদের ভারাক্রান্ত হৃদয়কে ধারণ করিয়া রাখে। সৌভাগ্যে যেরূপ পতনের শঙ্কা আছে, সৌভাগ্যেও সে প্রকার ভাবি মুখের প্রত্যাশা আছে। ছরবস্থাতেই ধর্ম্মের প্রকৃত গৌরব প্রকাশ পায়, ধর্ম্ম ভাব ধর্ম্মের বল একদিকে অধিকতর প্রকাশিত হয় অন্য দিকে সাংসারিক নীচ ভাব সকল ক্রেশ দেয় ও পাপের প্রলোভন আসিয়া নিয়তঃ পীড়ন করিতে থাকে। এই রূপ আত্মাতে ভয়ানক সংগ্রাম উপস্থিত হয়। এই বিষয় সংগ্রামে যিনি জয়ী হইলেন তিনিই প্রকৃত ধার্ম্মিক তিনিই ঈশ্বরের প্রিয় পুত্র। যে সকল ধর্ম্মান্বাদিগের নির্ম্মল চরিত্র আমরা ইতিহাসে দেখিতে পাই সকলেই প্রায় ছরবস্থায় নিপতিত হইয়া আপনারদের আত্মার উন্নত ভাব ও ধর্ম্ম বলের যে প্রকার পরিচয় প্রদান করিয়াছেন, তাহাতে তাঁহারা মনুষ্য নামের গৌরব সংস্থাপন করিয়াছেন। তাঁহারা একমাত্র ধর্ম্মের নিমিত্ত ক্রেশের একশেষ স্বীকার করিয়াছেন। ঈশ্বরের প্রিয় কার্য্য সাধনই তাঁহাদিগের জীবনের একমাত্র

ব্রত হইয়াছিল। ক্লেশ সন্তাপ দারিদ্র্য কিছুতেই তাঁহাদিগের সেই ব্রত ভঙ্গ করিতে সমর্থ হয় নাই। ধর্মজনিত বিশুদ্ধ মুখ তাঁহাদিগের চিত্ত ক্ষেত্রে সত্ত্ব প্রদীপ্ত থাকিত। তাঁহারা অজ্ঞেয়ী গিরিশিখরের ন্যায় প্রবল বাত্যাহত হইয়াও অটল ভাবে অধ্যবসায় সহকারে ইষ্ট সাধন করিতেন।

ছুরবস্থাতে আত্মার বল বৃদ্ধি হয় এবং প্রকৃত পুরুষার্থ প্রকাশ পায়, অতএব ছুরবস্থাকে কদাপি ঘৃণা করিবেন না। ঈশ্বর যখন আমাদের প্রতি দুঃখ প্রেরণ করেন, তখন যেন ইহা আমরা স্মরণ করি যে তিনি আমাদের মঙ্গলের নিমিত্তই তাহা প্রেরণ করিয়াছেন এবং সন্তুষ্ট চিত্তে তাঁহারই উপর নির্ভর করিয়া সেই দুঃখকে বহন করি।



### বিজ্ঞাপন

আমাদিগের এই কার্যালয়ে ষাঁহার ডাকের টিকিট প্রেরণ করেন, তাঁহাদিগকে জ্ঞাত করা যাইতেছে যে তাঁহারা অর্ধ আনা বা এক আনার টিকিট ক্রয় করিয়া পাঠাইবেন, যেহেতু এক আনা হইতে অধিক মূল্যের টিকিট এখানে বিক্রয় করিতে হইলে সমাজকে ক্ষতিগ্রস্ত হইতে হয়।

শ্রী আনন্দচন্দ্র বেদাস্তবাগীশ  
সম্পাদক।

### বিজ্ঞাপন।

বেদাস্ত দর্শন—ব্রহ্ম সীমাংসা—শারীরিক সূত্র, শাস্ত্র ভাষ্য, ও আনন্দগিরি টীকা এবং বাঙ্গলা ভাষা অনুবাদ সহিত খণ্ড খণ্ড করিয়া মুদ্রিত হইতেছে, এক্ষণে তাহার প্রথম খণ্ড অর্থাৎ প্রথম পাদ প্রকাশ হইয়াছে, মূল্য ১ এক টাকা।

পঞ্চদশী দ্বিতীয় বার মুদ্রিত হইয়াছে, মূল্য ৩ তিন টাকা ইতি।

শ্রী আনন্দচন্দ্র বেদাস্তবাগীশ।

কলিকাতা! ব্রাহ্মসমাজের ১৭৮৪ শকের  
জ্যৈষ্ঠ মাসের দান প্রাপ্তির  
বিবরণ।

ব্রাহ্মদিগের প্রতিজ্ঞত সাধারণিক দান।

শ্রীযুক্ত গিরিশচন্দ্র দে	৫
“ রসিকলাল পাইন	৩
“ ক্ষেত্রমোহন পাইন	২
“ বনমালী সেন	২
“ কাশীনাথ দে	২
“ গোবিন্দকৃষ্ণ সিংহ	২
“ হরচন্দ্র রায়	১
“ শ্রীকণ্ঠ মল্লিক	১
	১৮

মাসিক দান।

শ্রীযুক্ত ঈশানচন্দ্র বসু	২৫
“ ব্রজসুন্দর মিত্র	১৫
“ যজ্ঞেশ্বর সিংহ	১২
“ রাজা প্রসন্ননারায়ণ দেবরায়..	৪
“ ঠেবকুঠনাথ সেন	২
	৫৮

শুভ কর্মের দান।

শ্রীযুক্ত হেমচন্দ্র সিংহ	৫
“ মণিলাল মল্লিক	৫
	১০

এককালিন দান।


শ্রীযুক্ত ঠাকুরপ্রসাদ রায়	৪
“ কলুটোলাস্থ-সেন পরিবার	৪
“ প্রতাপচন্দ্র চট্টোপাধ্যায়	১
“ কৃষ্ণবিহারী সেন	১
	১০

দানাদারে দান প্রাপ্ত

১০১১০

১০৬১১০

এই তত্ত্ববোধিনী পত্রিকা, কলিকাতা নগরে বোড়াসাঁকোস্থিত ব্রাহ্মসমাজের কার্যালয় হইতে প্রতিমাসে প্রকাশিত হয়। ইহার মূল্য ১০ ছয় আনা মাত্র। ১ শ্রাবণ বুধবার সন্ধ্যা ১১১১ কলিগতাব্দ ৪২৩০।



## তত্ত্ববোধিনী পত্রিকা

ব্রহ্মবা একমিদমগ্রাসীমান্যং কিঞ্চনাসীতদিদং সর্বমসুভ্রং। তদেব নিত্যং জ্ঞানমনস্তং শিবং স্বতন্ত্রমিববয়বমেক-  
মেবাদ্বিতীয়ং সর্বব্যাপিসর্বনিয়ন্তু সর্বাশ্রয়সর্ববিৎসর্বশক্তিমস্তু বস্তুপূর্ণমপ্রতিমমিতি। একস্য তস্যৈবোপাসনয়া পার-  
ত্রিকমৈহিকঞ্চ শুভভবতি। তন্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

### অন্তঃপুর মধ্যে ব্রাহ্মধর্ম প্রচার।

ঈশ্বর প্রসাদে ব্রাহ্মধর্মের অমৃতময় সত্য আমাদের ভ্রমচ্ছন্ন বঙ্গ ভূমিতে ক্রমশই প্রচার হইতেছে। ব্রাহ্মধর্মের বিমল জ্যোতিঃ দিন দিন চতুর্দিকে পরিব্যাপ্ত হইয়া মনুষ্যাগণকে চিরায়ত ভ্রম নিদ্রা হইতে জাগরিত করিতেছে। যে সকল স্থান পূর্বে ভয়ানক ও কুসংস্কারের ভূর্ভেদ্য দুর্গ স্বরূপ ছিল, তাহাতে এক্ষণে ব্রাহ্মধর্মের জয় পতাকা উড্ডীন হইয়াছে। যে সকল পরিবার ঘোর পৌত্তলিক বলিয়া পরিগণিত ছিল, তাহারদের মধ্যেও ব্রাহ্মধর্মের মাহাত্ম্য কীর্তিত হইতেছে। যে হৃদয় স্বার্থপরতা ও দুঃশীলতার প্রভাবে কঠিন হইয়াছিল, তাহা ব্রাহ্মধর্মের বলে ভক্তি প্রীতি ও সদভাবের উৎস স্বরূপ হইয়াছে। অপর ব্রাহ্মধর্মের প্রকৃত গৌরব এক্ষণে উজ্জ্বলতর রূপে প্রকাশ হইবার সময় উপস্থিত হইয়াছে। ব্রাহ্মধর্ম এক্ষণে ব্রাহ্মদিগের অন্তঃপুর মধ্যে প্রচার হইতেছে, আমাদের দুর্ভাগা রমণী গণের কোমল হৃদয়ে স্থান পাইতেছেন। এত-

দেশীয় মহিলাগণ চিরকাল অশিক্ষিত অবস্থায় থাকিয়া যে কি প্রকার হীনতা প্রাপ্ত হইয়াছে, তাহা একবার চিন্তা করিলে হৃদয় বিদীর্ণ হইয়া যায়। চির জীবন অবরোধে রুদ্ধ থাকিয়া তাহারা সংসারের গতি কিছুই দেখিতে পায় না। জ্ঞান ও ধর্মের উপদেশ কদাপি তাহারদের কর্ণ কুহরে প্রবেশ করিতে পায় না। তাহারদের সকল আয়াস সকল যত্ন কেবল সামান্য গৃহ কর্ম্মেই পর্যাবসিত হয়, স্নতরাং তাহারদের মন ক্ষুণ্ণিত পায় না, সং প্রবৃত্তি সকল পরিচালিত হইতে পায় না, আত্মা ও ক্রমে ক্রমে মৃতবৎ হইয়া যায়।

শ্রী জাতি যে আমাদের ন্যায় আত্মা বিশিষ্ট আমাদের ন্যায় যে তাহারদেরও জ্ঞান ও ধর্মেতে উন্নত অধিকার আছে তাহা আমরা একবারও মনে চিন্তা করি না। এক্ষণে আমাদের শ্রী জাতির যে প্রকার অবস্থা তাহাতে তাহারদের কোন প্রকারেই উন্নতি হইবার উপায় নাই। তাহারদের জীবন একই ভাবে চিরকাল চলিয়া যায়, বরং কোন কোন স্থানে কেবল দুর্গতিরই বৃদ্ধি দেখিতে পাওয়া যায়। বোড়স

বর্ষীয়া নারী ও অসীতি বর্ষীয়া বৃদ্ধার মান-সিক উন্নতি বিষয়ে পরস্পর কিছু মাত্র প্রভেদ দৃষ্ট হয় না। কিন্তু উন্নতিই আত্মার প্রাণ-স্বরূপ যেখানে উন্নতি নাই সেখানে আত্মা জীবন শূন্য মৃতবৎ মাত্র। অতএব আমরা চির প্রচলিত দেশাচারের অধীন হইয়া আমাদের নারীগণের যে কি পর্য্যন্ত ছুরবস্থা করিয়াছি, তাহা বাক্যের দ্বারা বর্ণনা করা যায় না। আমরা তাহাদের বিবম আত্মাপহস্তারক হইয়াছি। দেশাচারের কি ভয়ানক প্রভাব! অনেকেই এতদ্দেশীয় নারীগণের ছুরবস্থা দেখিতেছেন কিন্তু তাহা মোচন করিবার নিমিত্ত কয়জন অগ্রসর হইয়াছেন। কত ব্যক্তি এই বিষয়ে কত উপদেশ দিয়াছেন, কত বক্তৃতা ব্যয় করিয়াছেন, কিন্তু প্রকৃত মঙ্গল কার্য্যে কেহই প্রবৃত্ত হন নাই। এপ্রকার সংপ্রবৃত্তির মূল কেবল ধর্ম্ম। ধর্ম্মের যে উৎসাহ তাহা বাক্যেতে পর্য্যবসিত হইবার নহে, ধর্ম্মের আদেশ নিষ্ফল হইবার নহে। ব্রাহ্মধর্ম্মের অমৃতময় উপদেশ যাঁহার হৃদয়ে প্রবেশ করিয়াছে, ব্রাহ্মধর্ম্মের সনাতন সত্য যাঁহার অন্তঃকরণে স্থান পাইয়াছে, তিনি কদাপি স্ত্রীজাতির প্রতি আর উপেক্ষা প্রদর্শন করিতে পারেন না। যাঁহারদের স্বীয় আত্মার উন্নতির প্রতি যত্ন হইয়াছে, তাঁহারা কদাপি আপন পরিবারস্থ অবলাগণের আত্মাকে ছুরবস্থায় রাখিতে পারেন না। যাঁহারা মনুষ্যের উন্নত অধিকার হৃদয়ঙ্গম করিয়াছেন, তাঁহারা কদাপি স্ত্রীজাতিকে সে অধিকার হইতে পরিচ্যুত করিতে পারেন না। যাঁহারদের হৃদয়ে কর্তব্যের গুরুতর ভার বোধ হইয়াছে, তাঁহারা কদাপি স্ত্রীদিগকে দাসীত্ব কর্ম্মে আর ব্রতী রাখিতে পারেন না। ব্রাহ্ম-মণ্ডলীর মধ্যে এক্ষণে অনেকেই যত্নের

সহিত স্বীয় ভগিনী, ভাৰ্য্যা, ছুহিতাগণকে প্রকৃত ধর্ম্মোপদেশ প্রদান করিতেছেন। অনেক মহদয় ব্রাহ্মগণ এক্ষণে বঙ্গ ছুহিতাগণের তমসাচ্ছন্ন হৃদয়ে ধর্ম্মের বিমল প্রভা প্রদীপ্ত করিবার নিমিত্ত একান্ত অনুরাগী হইয়াছেন। বাস্তবিক আমাদের স্ত্রীজাতির সুকুমার কোমল হৃদয়ে ধর্ম্মের বিশুদ্ধ আলোক প্রবেশ করিলে যে কি পর্য্যন্ত শোভা হইবেক, কি পর্য্যন্ত সুমঙ্গল হইবেক, তাহা এক্ষণে আমরা সম্পূর্ণরূপে অনুভব করিতে পারি না। স্ত্রীজাতির অন্তঃকরণ স্বভাবতই কোমল, তাহা সরল সাধুভাব এবং শ্রীতি ভক্তির উৎস স্বরূপ। তাহাদের বিশ্বাস অকপট ও স্থায়ী। যে সত্য তাহাদের হৃদয়ে একবার বদ্ধমূল হয়, তাহা আর অপনীত হইবার নহে। কিন্তু আমাদের নৃশংস ব্যবহারে তাহাদের উৎকৃষ্ট মনোহর ভাব সকল বিশীর্ণ ও বিকৃত হইয়া রহিয়াছে। দেশাচারের অনুরোধে আমরা অক্লেশে সহস্র সহস্র আত্মাকে একেবারে ভয়ানক দুর্গতির পথে প্রবর্তিত করিতেছি। এই দুর্গতির স্রোত নিবারণ করিতে হইবেক। ব্রাহ্মধর্ম্মের শীতল ছায়া আমাদের দুর্ভাগা ভগিনীগণকে প্রদান করিতে হইবেক। ব্রাহ্মধর্ম্মই এবিষয়ে আমাদেরদিগকে উচ্চৈশ্বরে আস্থান করিতেছেন এবং আমাদের হৃদয় হইতেও সেই আস্থান প্রতিধ্বনিত হইতেছে। ব্রাহ্মধর্ম্মকে যত দিন আমরা পরিবারের মধ্যে স্থান না দিব, তত দিন আমাদের প্রকৃত মঙ্গলের সম্ভাবনা নাই। যে গৃহ ব্রাহ্মধর্ম্মের আলোকে উজ্জ্বল না হইয়াছে, তাহা কদাপি স্থায়ী সুখ শান্তির আশ্রয় হইতে পারে না। অদ্যপি যে সকল সুশীলা নারী ব্রাহ্মধর্ম্মের শীতল ছায়া প্রাপ্ত হইয়াছেন, তাঁহাদের পবিত্র দৃষ্টান্ত দেখিলে ব্রাহ্মধ-

র্ম্মের মাংস্যা প্রতীয়মান হইবেক। ব্রাহ্মধর্ম্মের আলোক প্রাপ্ত হইয়া তাঁহারা অল্পকাল মধ্যে যে প্রকার আন্তরিক উন্নতি লাভ করিয়াছেন, যে প্রকার সাধুভাব ধারণ করিয়াছেন, যে প্রকার অস্পায়াসে চিরার্জিত কুসংস্কার পাশ ভেদ করিয়াছেন, তাহাতে ধর্ম্ম যে আত্মার কি মহৌষধ তাহা সুন্দররূপে বোধ হইবেক। বাস্তবিক ধর্ম্মের প্রভাবে স্ত্রীজাতির যে কি পর্য্যন্ত উন্নতি হইতে পারে, তাহা এই সকল ব্রাহ্ম নারীগণের দৃষ্টান্তে প্রকাশ পাইতেছে। ইহঁরাই ব্রাহ্ম মণ্ডলীর প্রকৃত শোভা সম্পাদন করিবেন, ইহঁরাই বঙ্গ-নারীগণের মৌতাগোদয় সূচক সুখ তারকা স্বরূপ হইয়াছেন, বোধ হয় অবশ্যই ইহঁদের সাধু দৃষ্টান্ত শীঘ্র প্রচার হইবেক। এই স্থলে ইহঁদের রচিত কতিপয় প্রার্থনা আদর পূর্ব্বক অবিকল প্রকটিত হইল। তাহাতে যে কতদূর সাধু সরল ভাব প্রকাশিত হইয়াছে, কি পর্য্যন্ত ভক্তি শ্রীতি উৎসারিত হইয়াছে, তাহা পাঠকগণ দেখিয়া বিস্ময়াপন্ন হইবেন।

ব্রাহ্মস্তোত্র।

কোথা ওহে দয়াময় করুণা নিধান।  
আর কেহ নাহি মম তোমার সমান ॥  
এক বার ওহে নাথ করহ শ্রবণ।  
অধিনি তোমার কাছে করিছে জন্মন ॥  
বারেক কটাক্ষ কর করুণা নয়নে।  
নতুবা এ ঘোর পাপে তরিব কেমনে ॥  
সহস্র সহস্র আমি করিয়াছি পাপ।  
ভগ্নিমিত্তে তব কাছে করি অনুতাপ ॥  
তব কাছে মন ছুঃখ কহিতে সকল।  
অত্যন্ত আমার মন হয়েছে চঞ্চল ॥  
বলিয়া তোমাকে নাথ কি জানাব আমি।  
অন্তরে থাকিয়া সব জানিতেছ তুমি ॥  
কিন্তু আমি অতিশয় হয়েছি ব্যাকুল।  
সংসার সাগরে পড়ে নাহি পাই কুল ॥

কত পাপ করিয়াছি সংখ্যা নাহি তার।  
তুমি বিনা কেবা আর করিবে উদ্ধার ॥  
সকলে আমার প্রতি হয়েছে বিমুখ।  
কেবল চাহিয়া নাথ আছি তব মুখ ॥  
তোমার নিকটে এই করি নিবেদন।  
অন্তরে বিরাজ তুমি কর সর্ব্বক্ষণ ॥  
মানস মন্দিরে তুমি সর্ব্বদাই রও।  
অন্তর হইতে যেন অন্তর না হও ॥

শ্রদ্ধাশ্রয় প্রধান আচার্য্য মহাশয়ে অন্তঃপুর  
মধ্যে উপাসনা কালীন পশ্চাল্লিখিত  
স্তোত্র পাঠিত হয়।

হে পরমেশ্বর আমরা তোমার শরণাপন্ন হইলাম, তুমি আমাদেরদিগকে তোমার ক্রোড়ে গ্রহণ কর। অদ্যকার দিনে আমরা সকলে মিলিত হইয়া যে সকল সুনির্ম্মল শ্রীতি পুষ্পে তোমার অর্চনা করিতেছি, তুমি তাহাও স্নেহের সহিত আদান কর। অনেক দিন পরে সকল ভগিনীরা একত্র হইয়াছি, এস একত্র হইয়াই সকলে পিতার চরণে প্রণিপাত করি, এমন দিন আবার শীঘ্র আসিবে না, কিন্তু এ প্রণয় চিরকালই আমাদের মনে সমান থাকিবে। আমাদের শরীর যদিও দূরে পড়িবে তথাপি মন আমাদের সর্ব্বদাই একত্র আসিয়া মিলিত হইবে। আমাদের এ একই পরিবার, আমাদের মনে বিচ্ছিন্ন ভাব নাই। হে পরমাত্মন! অদ্য আমরা সকলে একত্র হইয়া যে আনন্দ উপভোগ করিতেছি, তাহা তুমি প্রেরণ করিতেছ। আমরা সকল ভগিনীরা এই একই গৃহে যে সমাগত হইয়াছি এ কেবল তোমাকে দর্শন করিবার জন্য। তুমি এখানে আমাদের মধ্যে আছ, আর আমরা সকলে তোমাকে বেষ্টিত করিয়া রহিয়াছি, সকল বিষয় অতিক্রম করিয়া তোমার অর্চনাতে প্রবৃত্ত হইয়াছি। অদ্য যে রূপ শ্রীতি ভাবে তোমাকে শ্রীতি

অঞ্জলি প্রদান করিতেছি, এই রূপ প্রতি-  
দিনই যেন তোমাতে অর্পণ করিতে পারি,  
তোমাকে যেন আমারদের কেহই আর  
বিস্মৃত না হন। অদ্যকার দিবসে আমরা  
যে রূপ প্রণয় পাশে বদ্ধ আছি, এই রূপ  
প্রণয় যেন আমারদের মনে চিরকাল বিরাজ-  
মান থাকে, আমরা সকলেই তোমার  
পরিবার। বিবাদ কলহ যেন এ পরিবারে  
কদাপি প্রবেশ করিতে না পারে, আমরা  
যেন সকল হইতে তোমাতেই প্রীতি করি,  
তোমারই কার্য সাধন করি, পাপ হইতে  
যেন নিয়তই দূরে থাকি। হে পরমাত্মন!  
আমারদের মনের মলিনতা ও কপটতা দূর  
করিয়া মনকে পবিত্র কর। আমারদের  
ব্রাহ্মধর্মকে স্ত্রীদিগের হৃদয়ে প্রবিষ্ট কর।  
আমারদিগের ভগিনীদিগের মধ্যে তোমার  
ধর্মকে উন্নত কর, ব্রাহ্মধর্মের প্রতি নিগূঢ়  
শ্রদ্ধা প্রেরণ কর। হে ঈশ্বর! আমার  
প্রাণ মন হৃদয় সমুদয় তোমার হস্তে সম-  
র্পণ করিতেছি, তুমি তাহারদিগকে পবিত্র  
করিয়া দেও। তোমার মঙ্গলচ্ছায়াতে  
আমারদিগকে রক্ষা কর, আমি হৃদয়ের  
সহিত তোমাকে বার বার নমস্কার করি।

ঈশ্বরের নিকট প্রার্থনা।

হে জগদীশ্বর! আমরা যেন নিরন্তর  
তোমারি প্রিয় কার্য সাধনে যত্নবতী হই,  
যেন তোমাকেই সর্বদা মনে রাখিয়া  
সাংসারিক কর্ম সকল সম্পন্ন করি। তুমি  
আমারদিগকে স্মৃতি করিবার জন্য অহর্নিশ  
ব্যস্ত রহিয়াছ কিন্তু আমরা এমনি অকৃতজ্ঞ  
যে তোমাকে একবারও স্মরণ করি না।  
যদিও তুমি আমাদের কখন বিস্মৃত  
হও না, তথাপি আমরা হয়তো সমস্ত  
দিবসই তোমাকে ভুলিয়া থাকি। হে নাথ!  
তুমি যেমন আমাদেরদিগকে পিতামাতার  
ন্যায় লালন পালন করিতেছ, আমরাও

যেন সেই প্রকার তোমাকে ভক্তি ও প্রীতি  
করি, তুমি আমার নিকটে প্রকাশিত হইয়া  
আমার তাপিত হৃদয়কে শীতল কর এবং  
আমার হৃদয়ের মলিন ও কুটিল ভাব সকল  
দমন করিয়া তাহাতে তোমার সৎভাব  
প্রেরণ কর, আমি যেন তোমার সত্য ও  
তোমার ধর্মকে কখন পরিত্যাগ না করি,  
এই আমার প্রার্থনা।

ও একমেবাদ্বিতীয়ঃ




### ব্রাহ্মবাদিনীর প্রার্থনা।

হে মঙ্গল দাতা, জগৎপিতা। তুমি  
আমারদিগের ইহকালের পিতা, পাতা ও  
স্বহৃৎ, ও পরকালের মুক্তি দাতা। তুমি  
আমাদিগকে ইহকালে তোমার প্রিয়কার্য  
সাধনার্থ কি না দিয়াছ, তুমি পরকালে  
আমারদিগের মুক্তির পথ প্রশস্ত রাখিয়াছ।  
আমরা মোহ জালে বদ্ধ হইয়া তমসাবৃত  
ও পাপাসক্ত হইয়াছি এবং তন্মুক্ত তোমার  
অমৃতময় ধর্মকে পালন করিতে অবহেলা  
করিতেছি, আমরা বঙ্গবাসী রাশি রাশি  
স্ত্রীলোক অজ্ঞানে আবৃত হইয়া জীবনাতি-  
পাত করিতেছি। হে নাথ! তুমি আমা-  
দিগের এ অবস্থা রূপানেত্রে অবলোকন  
কর, আমরা তোমার কন্যা হইয়া কি এই  
রূপে জীবন ক্ষেপণ করিব, তোমার পুত্র  
ব্রাহ্মেরা জ্ঞান ও ধর্মের বল উত্তেজিত  
করিয়া নিজ নিজ পরিবার মধ্যে তোমার  
অমৃতময় ধর্ম প্রচার করিতে যেন প্রবৃত্ত  
হন, তোমার জ্যোতির্ময় আভা কত দিনে  
এদেশের অন্ধকার নাশ করিয়া ধর্মের বল  
প্রকাশ করিবে। হে রূপাময়! পাপ তাপ  
হরণ কর, জ্ঞান, ধর্ম বৃদ্ধি কর, আমরা  
সকল স্ত্রীলোকে যেন তোমার পবিত্র ধর্ম  
গ্রহণ করিতে যত্ন করি। হায়? কতদিনে  
আমরা ব্রাহ্ম ধর্ম গ্রহণ করিয়া তজ্জনিত

আনন্দ ভোগ করিব, কত দিনে আমরা নিজ  
নিজ স্বামির সহিত তোমার শরণ লইয়া  
পাপ হইতে বিরত হইব, সংকর্মের অনু-  
ষ্ঠান করিব ও দেশের মঙ্গল সাধন করিয়া  
অপার আনন্দ লাভ করিব, কতদিনে আমরা  
এই প্রকার আপনাপন আত্মা পবিত্র  
করিব। হা? আমরা কি দুর্ভাগিনী, আমরা  
এক পিতার কন্যা হইয়া মনঃ কল্পিত নানা  
পিতার আশ্রয় গ্রহণ করিতেছি, আমরা  
সত্যকে প্রাপ্ত না হইয়া অনিত্যতে মগ্ন  
হইতেছি, পশু, পক্ষী, কীট, পতঙ্গাদি  
তীহার নিয়মের বিরুদ্ধাচরণ করে না কিন্তু  
মনুষ্যা তাহাদিগের অপেক্ষা শ্রেষ্ঠ জীব  
হইয়া তীহারি নিয়ম প্রতিক্ষণে লঙ্ঘন ক-  
রিতেছে। হে বঙ্গ দেশ বাসী ব্রাহ্ম মহাশয়-  
গণ! আপনারা পবিত্র ব্রাহ্মধর্ম স্বীয় স্বীয়  
পরিবার মধ্যে প্রচার করিতে যত্নের ক্রটি  
করিবেন না। আপনারা উত্তর পশ্চিমা-  
ঞ্চলে দুর্ভিক্ষ নিবারণ হেতু নিজ নিজ  
সাধ্যানুসারে যে প্রকার ব্যগ্রতা পূর্বক  
সাহায্য প্রদান করিতেছেন, সেই প্রকার  
যত্ন সহকারে আপনাপন পরিবারের মধ্যে  
ব্রাহ্মধর্ম প্রচার করিতে উৎসাহী হউন,  
আর কাল বিলম্ব করিবেন না। উত্তর  
পশ্চিম প্রদেশের দুঃখ নিবারণ জন্য কাল  
বিলম্ব করিলে যে রূপ অনিষ্টোৎপন্ন হইত,  
সেই রূপ আপনাদিগের পরিবার মধ্যে  
ব্রাহ্মধর্ম প্রচার করিতে অবহেলা করিলে  
সংসারের দুঃখ স্রোত বৃদ্ধি হইবে। হে  
ব্রাহ্ম মহোদয়গণ! আপনারা যে অমৃত  
রস পান করিয়াছেন, তাহা কি নিজ নিজ  
পরিবারদিগকে আশ্বাদন করাইতে ইচ্ছা  
করেন না? আপনারা স্বীয় স্বীয় স্ত্রী ও  
কন্যাকে স্নেহ করেন, তাহাদিগের সুখে  
সুখী হইয়ন, কিন্তু তাহাদিগকে ধর্মাসূত  
পানে বঞ্চিত করা কি উচিত হয়?—হে

হৃদয়েশ্বর! আমরা কি বাস্তবিক প-  
দার্থ হইয়া থাকিব, আমাদেরদিগের জীবন কি  
শূন্যে আসিয়া শূন্যে গমন করিবেক। আ-  
মরা তোমার কন্যা হইয়া তোমাকে কি  
দেখিতে পাইব না। তোমার ক্রোড় হইতে  
কি পরিত্যাগ হইয়া রহিব। আমাদেরদিগের  
এই সময়ে মৃত্যু হইলে আমাদেরদিগের  
কি হইবে। হে গতিনাথ! আমাদেরদিগের  
ধর্মের বল বৃদ্ধি কর, জ্ঞান প্রদীপ প্রজ্বলিত  
কর, আর যেন অপরিশুদ্ধ ভাবের অধীন  
না হই। হে দয়াময়! তুমি আমাদেরকে  
তোমার প্রেম ভাবে পূর্ণ কর, এই আমার  
প্রার্থনা।

ও একমেবাদ্বিতীয়ঃ



### বৈদিক ধর্ম ও বৈদিক আচার ব্যবহার।

২২৭ সংখ্যক পত্রিকার ৪০ পৃষ্ঠার পর।

জীবাত্মার স্বরূপ কি, এবং পরমাত্মার  
সহিত তীহার কি প্রকার সম্বন্ধ, মৃত্যুর পর  
দেহের সহিত বিচ্ছেদ হইলে জীবাত্মা কি  
প্রকার অবস্থা প্রাপ্ত হয়; পরকালে মনুষ্য  
আপন কর্ম ফল কি প্রকারে ভোগ করে,  
এবং কি উপায়ে বা মুক্তি লাভ করে, ধর্ম  
সংক্রান্ত এই সকল গুরুতর কথা উপনিষদে  
সবিস্তর বিবৃত হইয়াছে। অতএব প্রাচীন  
ঋষিগণ এই সকল বিষয়ে কি প্রকার মত  
ব্যক্ত করিয়া গিয়াছেন, তাহা পশ্চাতে  
আলোচনা করা যাইতেছে।

জীবাত্মা যে শরীর হইতে ভিন্ন, ইন্দ্রি-  
য়াদি হইতে ভিন্ন, এবং চেতন পদার্থ, তাহা  
সকল উপনিষদেই উক্ত হইয়াছে। শরীরের  
হাস বৃদ্ধি দ্বারা জীবাত্মার হাস বৃদ্ধি হয়  
না, শরীরের রোগেতে তাহা রুগ্ন হয় না,  
শরীরের ধ্বংসেতে তাহা ধ্বংস হয় না।

ছান্দোগ্য উপনিষদের অষ্টম অধ্যায়ের দ্বাদশ খণ্ডে জীবাত্মার স্বরূপ এবং দেহের সহিত তাঁহার সম্বন্ধ অতি সহজে ও সুন্দর রূপে উল্লিখিত হইয়াছে।

প্রজাপতি ইন্দ্রকে কহিতেছেন।

মঘবন্ মর্ত্যং বা ইন্দ্রং শরীরমাত্ৰং মৃত্যুনা তদস্যামৃতস্যামৃতশরীরস্যাত্মনোহধিষ্ঠানমাত্ৰোইব স- শরীরঃ প্রিয়াপ্রিয়াত্যাং ন টব সশরীর্য সতঃ প্রিয়াপ্রিয়োরপহতিরস্তাশরীরং বাব সন্তং ন প্রিয়াপ্রিয়ে স্পৃশতঃ ॥

• হে মঘবন্! এই শরীর কেবল মরণ- শীল, কিন্তু ইহা অমৃত এবং অশরীরী আত্মার অধিষ্ঠান, আত্মা যখন শরীরস্থ থাকে তখন ইহা প্রিয় এবং অপ্রিয় এই দ্বিবিধ কামনা ধারণ করে, কারণ দেহীদি- গের প্রিয় এবং অপ্রিয় উভয় প্রকার বস্তু উপভোগ করিতে হয়। কিন্তু ইহা অশ- রীরীদিগের পক্ষে নহে।

অশরীরীবায়ুরভং বিদ্ব্যংস্তনয়িত্বুরশরীরী- গোতানি তদাঐতানামুদ্বাদাকাশাং সমুখায় পরং জ্যোতিরূপসম্পদ্য যেন রূপেণাভিনিষ্পদ্যতে ॥

বায়ু মেঘ বিদ্ব্যং বজ্র ইহার। সকলেই অশরীরী। তাহার। এই আকাশ হইতে উৎপিত হয় এবং পরম জ্যোতি প্রাপ্ত হইয়া স্ব স্ব রূপ ধারণ করে।

এবমেবৈবসম্পূ সাদোহ্মাচ্ছরীরীং সমুস্মায় পরং জ্যোতিরূপসম্পদ্য যেন রূপেণাভিনিষ্পদ্যতে সউত্তমঃ পুরুষঃ সতত্র পর্যোতি জক্ষৎ কীড়ন্ রমনাংঃ। স্ত্রীতিবী ষাটনবী জ্ঞাতিক্রী নোপ- জনং স্মরসিদ্ং শরীরং সমধা প্রযোগ্যআচরণে মুক্তএবমেবায়মস্মিন্ শরীরে প্রাণোযুক্তঃ।

এই প্রকারে মনুষ্য পরম জ্যোতি সহ- কারে (আত্ম জ্ঞান দ্বারা) দেহ হইতে উৎপান করিয়া স্বীয় রূপ প্রাপ্ত হন। তিনিই তখন নরশ্রেষ্ঠ হন, তিনি তখন আপনাকে শরী- রের সহিত নির্লিপ্ত জানিয়া স্বচ্ছন্দে ভো-

জন ক্রীড়া এবং স্ত্রী পরিজন ও জ্ঞাতীদিগের সংসর্গে আমোদ করেন। যেমন পশু সকল আচরণে নিযুক্ত থাকে সেই রূপ প্রাণ (অর্থাৎ আত্মা) শরীরেতে যুক্ত থাকে।

অথ ষ্ট্রৈতদাকাশমনুবিষয়ং চক্ষুঃ সচাক্ষুযঃ পুরুষোদর্শনার চক্ষুরথ যোবেদেদং জিহ্বাগীতি সজাত্মা গন্ধায় ষ্ণাগমথ যোবেদেদমতিব্যাহরা- নীতি সজাত্মাহতিব্যাহারায় বাগথ যোবেদেদং শৃগনীতি সজাত্মা শ্রবণায় শ্রোত্রং ॥

চক্ষু কোটিরস্থ রহিয়াছে এবং তাহা তদিতরস্থ পুরুষকে দেখিবার জন্য হইয়াছে, যে ইচ্ছা করে আমি আত্মা লইব তাহাই আত্মা, যে বক্তুকাম হইয়া ইচ্ছা করে আমি কহিব তাহাই আত্মা, যে শ্রবণে শ্রুক হইয়া ইচ্ছা করে আমি শ্রবণ করিব তাহাই আত্মা।

আত্মা শরীর হইতে ভিন্ন এবং অলক্ষ্য হইয়াও শারীরিক কার্যের দ্বারা সুস্পষ্ট রূপে লক্ষিত হয় যে সকল কার্য আমরা চক্ষু কর্ণ নাসিকাদি ভিন্ন ভিন্ন ইন্দ্রিয়ে আরোপ করিয়া থাকি, তৎ সমুদায় আত্মা- রই কার্য। চক্ষু কদাপি দর্শন করে না কিন্তু আত্মা চক্ষুদ্বারা দর্শন করে, কর্ণ কদাপি শ্রবণ করে না কিন্তু আত্মা কর্ণ দ্বারা শ্রবণ করে। মানসিক প্রবৃত্তি এবং শারী- রিক সমুদায় কার্যই আত্মা হইতে উৎপন্ন হয়।

সত্রয়ামাস্য জরয়েতজীর্ঘ্যতি ন বধেনাস্য হন্যতএতৎ সত্যং ব্রহ্মপুরমস্মিন্ কামঃ সমাহিতঃ।

তিনি কহিলেন জরতে আত্মা জীর্ণ হয় না, শরীর হত হইলে আত্মা হত হয় না। আত্মাই ব্রহ্ম পুর, ইহাতে সমস্ত কামনা নিহিত আছে, অপর আত্মার জন্ম নাই মৃত্যুও নাই এবং তাহা নিত্য এই হেতু তাহা ব্রহ্ম বলিয়া পুনঃ পুনঃ উক্ত হইয়াছে।

অজ্ঞানিতাঃ শাখতোয়স্পুরাণোন হন্যতে হন্যামানে শরীরে। অথ ষএবসম্পূ সাদোহ্মাচ্ছ- রীরীং সমুখায় পরং জ্যোতিরূপসম্পদ্য যেন রূপেণাভিনিষ্পদ্যতএষুআজ্যোতি হোবাচৈতদমৃতম- তয়মেতদ্ ব্রহ্মেতি।

ছান্দোগ্য।

যাঁহার প্রকার বিশ্বাস আছে তিনি এই শরীর হইতে উৎপান করেন এবং জ্যোতির্ময় মূতন কলেবর ধারণ করেন। এই আত্মাই অমৃত ও অভয় ইহাই ব্রহ্ম।

বাস্তবিক উপনিষদের অনেক স্থলে জীবাত্মা ও পরমাত্মার অভিন্ন প্রকৃতি সু- স্পষ্ট রূপেই প্রতিপাদিত হইয়াছে। আত্মা যত দিন দেহ পঞ্জর মধ্যে বদ্ধ থাকে, তত দিন সে আপনার প্রকৃতি জানিতে পারে না কিন্তু জ্ঞানোদয় হইবামাত্র তাহার দেহ মুক্ত হইয়া ব্রহ্মেতে লয় প্রাপ্ত হয়। বৃহ- দারণ্যকোপনিষদে যাজ্ঞবল্ক্য ও তাঁহার সহধর্মিণী মৈত্রেয়ীর পরস্পর আত্মার প্র- কৃতি বিষয়ক যে কথোপকথন উল্লিখিত হইয়াছে, তাহাতে তৎকালপ্রচলিত মত স্পষ্ট রূপে অভিব্যক্ত হইতেছে। একদা মহর্ষি যাজ্ঞবল্ক্য স্বীয় ভার্য্যা মৈত্রেয়ীকে কহিলেন, আমি এক্ষণে সংসারাশ্রম পরি- ত্যাগ করিবার মানস করিয়াছি, অতএব আমার সমস্ত সম্পত্তি তুমি আপন সপত্নী কাত্যায়নীর সহিত বিভাগ করিয়া লও। ধর্ম পরায়ণা ব্রহ্মবাদিনী মৈত্রেয়ী এই কথা শ্রবণ করিয়া কহিলেন,

যদ্য মহীয়ং ভোগাঃ সর্কী পৃথিবী বিভেন পূর্ণা স্যাৎ স্যামৃহং তেনামৃত। অহো নেতি নেতি হোবাচ যাজ্ঞবল্ক্য ষাষ্ঠেবোপকরণবজ্রাং জী- বিভৎ ভট্ঠেব তে জীবিতং স্যাদমৃতত্বস্য নাশান্তি বিত্তেনেতি।

ভগবন্! যদি এই ধন পূর্ণ বিস্তীর্ণ পৃথিবী আমার হয়, তাহা হইলে কি আমি তদ্বারা অমৃতত্ব প্রাপ্ত হইব। যাজ্ঞবল্ক্য

প্রত্যুত্তর করিলেন, কদাচ নহে, তাহাতে তোমার জীবন ঐশ্বর্য্যশালীদিগের ন্যায় কেবল ঐশ্বর্য্য বিশিষ্ট হইবেক, কিন্তু ধন দ্বারা অমৃতত্বের আশা করা যায় না। পরে মৈত্রেয়ী কহিলেন, যাঁহার দ্বারা আমি অমৃত হইতে পারিব না, তাহা লইয়া কি হইবেক। অতএব হে ভগবন্! আমাকে অমৃতত্ব পাইবার উপায় শিক্ষা দিন।

যাজ্ঞবল্ক্য এই কথা শ্রবণ করিয়া আ- ক্লাদ পূর্ব্বক পত্নীকে মোক্ষের উপায় ক- হিতে লাগিলেন। তিনি প্রথমে আত্মার স্বরূপ, ব্রহ্মের সহিত আত্মার নির্বিশেষ ভাব, তাঁহাকে বুঝাইয়া দিলেন।

অপর তিনি কহিলেন, এক খণ্ড সৈন্ধব লবণ যেমন জলের সহিত মিশ্রিত হইলে তাহা অদৃশ্য হইয়া যায় কিন্তু কেবল তাহার লবণ রস জলেতে অনুভব হয়, সেই রূপ এই আত্মা সমুদায় ভূতের সহিত সংমিলিত হইয়া রহিয়াছে, কেবল জ্ঞান দ্বারাই তা- হাকে জানা যায়, মৃত্যুর পর আত্মার সংজ্ঞা থাকে না। মৈত্রেয়ী কহিলেন, হে ভগবন্! আপনি আমাকে বিস্ময় যুক্ত করিতেছেন; মৃত্যুর পর সংজ্ঞা থাকিবেক না, একধার অর্থ আমি বুঝিতে পারিতেছি না। তা- হাতে যাজ্ঞবল্ক্য কহিলেন।

যত্র হি ষ্ট্রৈতমিব তবতি তদিতরইতরং প- শ্যতি তদিতরইতরং জিহ্বতি তদিতরইতরং রস- যতে তদিতরইতরমতিবদতি তদিতরইতরং শৃণোতি তদিতরইতরং মনুতে তদিতরইতরং স্পৃশতি তদিতরইতরং বিজ্ঞানতি। যত্র ত্বস্য সর্কমাট্ম- বাভুতং কেন কং পশ্যেতৎ কেন কং জিজ্ঞেৎ ইত্যাদি।

যেখানে ষ্ট্রৈত ভাব থাকে সেখানেই এক অপরকে দেখে, এক অপরের আত্মা লয়, এক অপরের রসাস্বাদন করে, এক অপরকে অভিবা দন করে, শ্রবণ করে, মনন

করে, স্পর্শ করে, অথবা জানে, কিন্তু যে স্থলে সকলই আত্মায় হয় সেখানে কি প্রকারে এক অপরকে দেখিবেক শুনিবেক ও মনন করিবেক।

এই প্রকারে যাজ্ঞবল্ক্য স্বীয় ভাষ্যাকে আত্মা ও ব্রহ্মের অভেদ প্রকৃতি বিষয়ে উপদেশ দিলেন।

অপরাপর উপনিষদেও এই প্রকার মত স্পষ্ট রূপে প্রকাশিত হইয়াছে।

যথা নদাঃ সান্দমানাঃ সমুদ্রেহস্তং গচ্ছন্তি নামরূপে বিহায় তথা বিদ্বান্ নামরূপদ্ বিমুক্তঃ পরাংপরং পুরুষমুপৈতি দিব্যং। সর্বোহৈব তং পরমং ব্রহ্ম বেদ ব্রহ্মৈব ভবতি।

মুক্তকোপনিষৎ।

যেমন নদী সকল বহমান হইয়া নাম রূপ পরিত্যাগ করিয়া সমুদ্রে গিয়া পতিত হয়, তদ্রূপ বিদ্বান্ নাম রূপ হইতে বিমুক্ত হইয়া দ্যোতনবান পরাংপর ব্রহ্মকে প্রাপ্ত হন। যিনি পরব্রহ্মকে জানেন তিনি ব্রহ্ম হন।

অজান্তরং ব্রহ্মবিদোবিদিত্বা লীনা ব্রহ্মণি তৎপর্য যোনিযুক্তাঃ। তিলেষু তৈলং দধনীং সর্পিরাপঃ শ্রোতঃশরগীষু চাপিঃ এবমান্বানি গৃহতেইসৌ সত্যেনৈনং তপসা যোহনুপশ্যতি।

শেতাশ্বতর।

ব্রহ্মজ্ঞ ব্যক্তি ব্রহ্মকে জানিয়া যোনি মুক্ত হন এবং ব্রহ্মেতে লীন হন। যেমন তিলেতে তৈল, দধিতে ঘৃত, শ্রোতেতে জল, এবং অরণীতে অগ্নি বিলুপ্ত হয় তদ্রূপ যিনি সত্যের দ্বারা এবং তপস্যা দ্বারা পরমাত্মাকে দেখিতে পান। তিনি সেই পরমাত্মাতে প্রবেশ করেন।

এবং বেদাহং ব্রহ্মাস্মীতি সহিদং সৰ্বং ভবতি তস্য হন দেশীশ্চ নাভূত্যা ঙ্গিশতে।

যিনি আপনাকে ব্রহ্মরূপে জানিয়াছেন তিনি এই সমুদায়েরই স্বরূপ হয়েন, তাঁহাকে না দেবতা না জীবগণ শাসন করিতে সক্ষম হয়।

জীবাত্মা ও পরমাত্মা যে একই বস্তু এবং পরিশেষে যে উভয়েই সংমিলিত হইবেক এপ্রকার মত বহুকালাবধি আমাদের হিন্দু সমাজ মধ্যে অতিশয় প্রশস্ত রূপে প্রচলিত আছে। কিন্তু এপ্রকার মত যে কি রূপে উদ্ভাবিত হইয়াছিল তাহা এক্ষণে নিরূপণ করা দুঃসাধ্য। হিন্দু সমাজের অতি শৈশবাবস্থা হইতেই তর্কের প্রাচুর্য দেখিতে পাওয়া যায়। আমাদের প্রাচীন শাস্ত্র কারেরা তর্ক তরঙ্গিতেই কৌতূহল প্রাপ্ত হইতেন। তাঁহারা জানুন বা নাই জানুন সকল বিষয়েরই সিদ্ধান্ত ও মীমাংসা করিতেন। এই প্রকারে তাঁহারা অতি গুরুতর বিষয়েতেও নিতান্ত কাপনিক ও অতিশয় ভয়ানক মত সকল প্রচার করিয়াগিয়াছেন। অদ্বৈত বাদ সর্বাত্রে উপনিষদেই উদ্ভাবিত হয়, কারণ বেদের সংহিতা বা ব্রাহ্মণ খণ্ডে এ প্রকার মতের অঙ্গুর মাত্রও দেখা যায় না। বাস্তবিক যখন উপনিষদ্ সকল রচিত হয়, তখন ভয়ানক তর্ক ও বিচার ও নিগূঢ় তত্ত্বানুসন্ধানের সময় ছিল; এবং সেই তর্ক রূপ সাগর মন্থনে অমৃত ও গরল উভয়ই উৎপিত হইয়াছিল। পরে বেদান্ত দর্শনে উক্ত অদ্বৈতমত সম্পূর্ণ রূপে পরিণত হইয়া হিন্দু সমাজকে একটি ভয়ানক ছুশ্চন্দা ভ্রমজালে বেষ্টিত করিয়া রাখিয়াছে।

কিন্তু এই মত যে কি ভয়ানক এবং ইহার অন্তর্গত কত দূর যে নাস্তিকতার প্রভাব রহিয়াছে তাহা অনেকেই অনুধাবন করেন না। হৃষ্ট ও শ্রুষ্টির প্রজা ও শাসনকর্তার অভিন্ন ভাব হইলে কদাপি ন্যায় অন্যায় ধর্মান্বর্ষণের প্রভেদ থাকিতে পারে না। অহং ব্রহ্মাস্মীতি এই বাক্যে যিনি বিশ্বাস করিলেন, তিনি আর কখন আপনাকে কাহারও শাসনাধীন মনে করিয়া

ধর্ম ভীত হইতে পারেন না। মনুষ্যের কি অহঙ্কার, আপনি নিতান্ত চূর্ণল ও সামান্য কীট হইয়াও ব্রহ্মাণ্ডের শ্রুষ্টি ও নিয়ন্ত্রার সমান হইতে চাহে; পাপ কলঙ্কে কলঙ্কিত হইয়াও সেই অপাপবিক্ত পবিত্র স্বরূপের সহিত আপনাকে তুলনা করে।

উপনিষদের মতে দেহ রূপ বন্ধন হইতে মুক্ত হওয়াই আত্মার প্রকৃত মোক্ষাবস্থা। মুক্তি দুই প্রকার; এক নির্বাণ মুক্তি, তদ্বারা জীব একেবারে ব্রহ্মেতে লয় প্রাপ্ত হয়। আর এক সকাম মুক্তি, তদ্বারা মনুষ্য এই মৃত্যুর পর পৃথিবী হইতে অপমৃত হইয়া উন্নত অবস্থা প্রাপ্ত হয় এবং আপনার কর্ম ফল ভোগ করে। কিন্তু এপ্রকার অবস্থা অধিক কাল স্থায়ী হয় না; কর্ম ফল নিঃশেষিত হইলে পুনরায় পৃথিবীতে আদিয়া শরীর পরিগ্রহ করিতে হয়। এই রূপে মনুষ্যের যোনিভ্রমণ হইয়া থাকে।

যাঁহারা ইহ লোকে সাধু ও সংক্রিয়ান্বিত হন, তাঁহারা দেহ বিমুক্ত হইয়া স্বর্গলোক প্রাপ্ত হয়েন, কিন্তু যাহারা চূর্ণরিত্র পাপাচারী তাহারা স্বীয় স্বীয় কর্ম দোষে পুনরায় মনুষ্য হইয়া জন্মগ্রহণ করে এবং কেহ কেহ পশু পক্ষী কীট পতঙ্গাদি নীচ যোনিও প্রাপ্ত হয়।

যোনিমন্যে প্রপদ্যন্তে শরীরস্থায় দেহিনঃ। স্থানুমন্যে নুসংযন্তি যথা কর্ম যথা শ্রুতং।

কেহ কেহ শরীর পরিগ্রহার্থ যোনি প্রবেশ করে, কেহ জ্ঞান ও কর্মানুসারে স্তম্ভ প্রাপ্ত হয়।

জ্ঞানই মুক্তির এক মাত্র উপায়। আত্মাকে জানা এবং ব্রহ্মের স্বরূপ অবগত হওয়াই জীবনের সার কর্ম বলিয়া পুনঃ পুনঃ উক্ত হইয়াছে।

আত্মা বাসরে দ্রষ্টব্যঃ শ্রোতব্যোমন্তব্যো-

নিদিধ্যানিতব্যোমৈত্রেয়্যাত্মনি খলুরে দৃষ্টে শ্রুতে মতে বিজ্ঞাতে ইদং সৰ্বং বিদিতং।

হে মৈত্রেয়ি! আত্মাকে, দেখিবেক, তাঁহার বিষয় শ্রবণ করিবেক, মনন করিবেক, তাঁহাকে ধ্যান করিবেক। আত্মা দৃষ্ট শ্রুত মত ও বিজ্ঞাত হইলে এই সমুদয়ই জানা যায়।

অপর জ্ঞান ও কর্ম, চিন্তা ও অনুষ্ঠান, ইহাদের মধ্যে জ্ঞান ও চিন্তাই শ্রেষ্ঠ বলিয়া উক্ত হইয়াছে। কর্মের ফল অস্থায়ী স্মরণ্য তাহা নিকৃষ্ট। কিন্তু আত্মা ও ব্রহ্ম বিষয়ক আলোচনা এবং তপস্যা ও ধ্যান এই সকলই মুক্তির প্রকৃত ও প্রশস্ত উপায়।

এ প্রকার নির্বাণ মুক্তির ভাব বেদের পূর্বভাগ সংহিতা খণ্ডে দৃষ্ট হয় না। সংহিতা মধ্যে ঋষিগণের যে প্রকার বর্ণনা আছে, তাহাতে তাঁহাদিগকে মহা প্রতাপ শালী বীর্যবন্ত কর্ম ক্ষম ও রণ দক্ষ বলিয়া বোধ হয়। তাঁহারা কদাপি নিকাম হইয়া নির্জনে তপস্যা করিতেন না, সংসার ত্যাগ করিয়া বন গমন পূর্বক কেবল আত্মার প্রকৃতি ও ব্রহ্মের স্বরূপ নিরূপণার্থ অবিরত চিন্তায় মগ্ন থাকিতেন না, এবং পরিশেষে নির্বাণ মুক্তির কামনাও করিতেন না। তাঁহারা দীর্ঘায়ুর নিমিত্তে, বলের নিমিত্তে, শত্রুজয় করিবার নিমিত্তে, ধন ধান্য গো অশ্বাদি পাইবার নিমিত্তে, দেবতাগণের আরাধনা করিতেন এবং যাগ যজ্ঞাদি অনুষ্ঠান করিতেন। যজ্ঞানুষ্ঠান তাঁহাদের দৃষ্টিতে মহাবল দায়ক ছিল, কিন্তু উপনিষদে যজ্ঞ হোমাদি মুক্তির পক্ষে নিকৃষ্ট উপায় বলিয়া উক্ত হইয়াছে। যাহারা বহুকাল কঠোর তপস্যা ও যাগ যজ্ঞ করে, তাহাদেরও সেই যজ্ঞের ফল অস্থায়ী বলিয়া উক্ত হইয়াছে। বাস্তবিক নির্বাণ মুক্তির



ভাব এবং সাময়িক ক্রিয়া কলাপের প্রতি বিরাগ কদাপি জন সমাজের শৈশবাবস্থায় উদ্ভাবিত হইতে পারে না। তর্ক শাস্ত্রের প্রাচুর্য্যের সঙ্গে সঙ্গেই এই সকল মত উপস্থাপিত হইয়াছিল এবং পরিশেষে বৌদ্ধ ধর্ম প্রচারক শাক্য মুনি কর্তৃক উক্ত মত সম্পূর্ণ রূপে পরিণত ও অতি বিস্তারিত রূপে প্রচারিত হইয়াছিল।

বেদের মতে ধর্মপরায়ণ ব্যক্তিগণ ইহ লোক হইতে অপস্থত হইয়া উন্নত লোক প্রাপ্ত হন এবং জ্যোতির্ময় কলেবর ধারণ করেন। সেই সকল উন্নত পুণ্য লোকের নাম স্বর্গ। যাহারা স্বর্গ লোক প্রাপ্ত হইয়েন, তাঁহারা সকল কামনা উপভোগ করেন।

সএবং বিদ্বানস্মাচ্ছরীতেদাদৃক্উৎক্রমা-  
মুন্নির্ন স্বর্গে লোকে সর্কান কাহানাশুহমুতঃ সম-  
তবৎ সমভবৎ।

মাধু ব্যক্তি এই প্রকার জ্ঞান লাভ করিয়া শরীর ভেদ হইলে পর উর্দ্ধ গমন করেন এবং স্বর্গ লোকে সকল কামনা প্রাপ্ত হইয়া অমৃত হন।

স্বর্গ লোক একটি নহে, অসংখ্য স্বর্গ একাদি ক্রমে উস্থিত হইয়াছে ও ধার্মিক ব্যক্তিগণ ক্রমে এক স্বর্গ লোক হইতে তদপেক্ষা উচ্চতর স্বর্গ প্রাপ্ত হন এবং পরিশেষে ব্রহ্মলোকে উত্তীর্ণ হইলে তাঁহাদের অপর পুনর্বার পতন শঙ্কা থাকে না, পুনরায় পৃথিবীতে আসিয়া শরীর গ্রহণ করিতে হয় না।

ভেষাং ন পুনরাবৃত্তিঃ। ইমং মানবমাবর্তে-  
নাবর্তন্তে।

অপর যাহারা অজ্ঞান ও পাপাচারী হয়, তাহারা ইহলোক হইতে অপস্থত হইয়া ছুঃখ পূর্ণ অন্ধ তমসাবৃত লোকে প্রেরিত হয়।

অনন্দা নাম তে লোকাঅন্ধেন তমসাবৃত্তাঃ

ভাঃস্তে প্রেত্যাভিগচ্ছতি অবিদ্বাংসোহবুখো-  
জনাঃ।

ইহ জীবনে সদস্য কর্ম্মানুসারে মৃত্যুর পর মনুষ্য উত্তম ও অধম লোক প্রাপ্ত হয়, মাধু ব্যক্তি স্বীয় পুণ্য ফল উপভোগ করেন এবং অমাধু ব্যক্তি স্বীয় পাপাচরণ জনিত ঘোরতর ক্লেশে পতিত হয়, এই সত্যটি সামান্যত সকল শাস্ত্রেই দৃষ্ট হয়, ইহা আমাদের স্বভাব সিদ্ধ অঙ্গপ্রত্যয়। যে জাতি যে প্রকার ধর্ম্মাবলম্বী হইক না কেন, সকলেই ইহা স্বীকার করেন যে পরকালে পুণ্যের পুরস্কার এবং পাপের শাস্তি অবশ্যই হইবেক। এই গুরুতর সত্য আমাদের ধর্ম্ম প্রবৃত্তির মূল স্বরূপ।

### সময়ের সদব্যয়।

কোন প্রাচীন কবি পৃথিবীর ছুরবস্থার প্রতি আক্ষেপোক্তি করিয়া কহিয়াছিলেন যে এই সুবিস্তীর্ণ ধরাতল, যাহার প্রশস্ততা বিষয়ে আমরা এত অধিক গৌরব করিয়া থাকি, তাহা বস্তত অতি সঙ্কীর্ণ স্থান। তাহার ত্রিপাদ তো গভীর সমুদ্র গর্ভে মগ্ন রহিয়াছে, অবশিষ্ট যে স্বল্প ভূমি আছে, তাহার প্রায় অধিকাংশই অলজ্য পর্বত শ্রেণী, ভয়ানক দুর্গম নিবিড় অরণ্য, অনতিক্রম্য জন শূন্য মরু দেশ, হিম ক্রিষ্ট তুষার ভূমি, এই সমুদায়েতেই পরিপূর্ণ, অতএব মনুষ্যের বাস ও উপভোগের নিমিত্তে যাহা অধিশিষ্ট থাকে, তাহার পরিসর অবশ্যই নিতান্ত সংক্ষিপ্ত। ধরাতলের অবস্থা সংক্রান্ত উক্ত কবি যাহা কহিয়াছেন, তাহার উপমা মানব জীবনের সহিত সম্পূর্ণ সংলগ্ন হইতেছে। আমাদের জীবনের যে অংশটি নিদ্রায় অতিবাহিত হয়, তাহার

বিহার বিশ্রামেতে যাহা প্রদত্ত হয়, লৌকিক রক্ষার্থ যাহা ক্ষেপণ করা যায়, রোগ ও শারীরিক গ্লানিতে যাহা গত হয়, অজ্ঞানাবস্থায় যাহা নিঃশব্দে চলিয়া যায়—যদি এই সমস্ত আমাদের ক্ষুদ্র জীবন হইতে কর্তন করা যায়, তাহা হইলেই অনায়াসে দেখিতে পাইব, আমরা যে টুকু সময়কে আমাদের প্রকৃত রূপে নিজস্ব বলিয়া গণনা করিতে পারি, তাহা কেমন স্বল্প, এবং এই স্বল্প কাল যাহা আমাদের আয়ত্বাধীন আছে, তাহার কতখানি শুদ্ধ জীবনোপায় চিন্তনে গত হয়, ভবিষ্যৎ সুখ স্বচ্ছন্দতা ও উন্নতি লাভের সোপান প্রস্তুত করিতেই কাটিয়া যায়, বিকল প্রযত্নে অতিবাহিত হয়। অতএব জ্ঞানোপার্জনার্থে ধর্ম্মানুষ্ঠান করিবার নিমিত্তে মনুষ্যত্ব সম্পাদনার্থে অতাপ্প সময়ই আমাদের হস্তে সমর্পিত হইয়াছে, সুতরাং এই দুর্লভ সময়-রত্নের এক দণ্ড মাত্রও উপযুক্ত বিনিময় ব্যতীত কদাপি ব্যয় করা বিধেয় হইতে পারে না। বস্তত ধরাতল মধ্যস্থ যে অংশ মনুষ্যের বাসোপযোগী, তাহা সমস্ত পৃথিবীর তুলনায় নিতান্ত অপ্রশস্ত হইলেও যেমন তাহা সমুদয় মনুষ্যের প্রয়োজনীয় অজস্র ধন ধান্য রত্ন প্রচুর রূপে প্রসব করিয়া আমাদের সমুদায় অর্থাৎ এক কালে মোচন করিতেছে, তদ্রূপ আমাদের জীবন নানা প্রকার বিষয় বিপত্তিতে আচ্ছন্ন থাকিলে সুতরাং তদ্বারা আমাদের প্রকৃত কার্যের সময় নিতান্ত সংক্ষিপ্ত হইলেও তাহাতে ইহলোকের উপযোগী জ্ঞান ধর্ম্ম সদানুষ্ঠান সমুদায়ই সুসিদ্ধ হইতে পারে। কেবল যত্নের অপেক্ষা করে, দৃঢ় প্রতিজ্ঞা ও অবিচলিত অধ্যবসায়ের আবশ্যক করে। জগতের সকল বস্তু ও সকল কার্যেতেই প্রকৃতির নিতাচার সুস্পর্শ-রূপে প্রত্যক্ষ হয়, যেখানে

যে পরিমাণে অভাব, সেখানে সেই পরিমাণে তাহা মোচন হইয়া থাকে। প্রাণি গণের আহারার্থে যে পরিমাণে শস্য আবশ্যক, পৃথিবী তাহাই উৎপাদন করিতেছে, যে পরিমাণে উত্তাপের প্রয়োজন, সেই পরিমাণেই সূর্য্য আমাদের প্রতি কিরণ বিতরণ করিতেছে, অভাবের অতিরিক্ত অনর্থক কোন বস্তুই প্রদত্ত হয় না। আমাদের জ্ঞান শিক্ষা ধর্ম্মানুষ্ঠান ইত্যাদি গুরুতর কার্য সম্পাদনার্থে যে সময় আবশ্যক, তাহাই কেবল আমরা প্রাপ্ত হইয়াছি, ঈশ্বর আমাদের ইহ জীবনের এক নিমেষ কাল ও অপব্যয় করিতে দেন নাই। কিন্তু সময়ের প্রকৃত মূল্য অনেকে না জানিয়া তাহাকে বৃথা ক্ষেপণ করে; অনেকে সংকর্মা-নুরাগী হইয়াও সময়ের অপ্পতা স্মরণ না করিয়া নিশ্চিন্ত মনে অনুকূল অবকাশের নিমিত্ত অপেক্ষা করেন, কিন্তু সে অবকাশ হয় তো কদাপি উপস্থিত হয় না; অনেকে মনুষ্যের দুর্বলতার প্রতি দৃষ্টি না করিয়া আপনার ক্ষমতার উপর সকল কার্যই নির্ভর করিয়া সময়ের প্রতি উপেক্ষা করেন। সুতরাং তাঁহাদের কার্য কেবল বাক্যেতেই পর্য্যবসিত হয়, তাঁহাদের সংকীর্তি কেবল সংকল্পেই রহিয়া যায়। যে সকল ভাগ্যবান্ বিখ্যাত পুরুষ পৃথিবীতে জন্ম গ্রহণ করিয়া জন সমাজের উন্নতির নিমিত্ত অতিশয় দুঃক্লমহৎ কার্য্য সকল সম্পাদন করিয়া গিয়াছেন, তাঁহাদের জীবনচরিত আলোচনা করিলে দৃষ্ট হইবেক যে সময়ের সদব্যবহার তাঁহাদের সিদ্ধির পক্ষে বিশেষ রূপ অনুকূল হইয়াছিল। শুদ্ধ স্বাভাবিক শক্তি থাকিলে কি হইবেক, যদি তাহা উপযুক্ত সময়ে পরিচালিত না হয়। সুনিপুণ নাবিক হইলে কি হইবে, যদি সে স্রোতকে অবহেলা করে।

আমরা স্বভাবতঃ এবং অভ্যাস হেতু

কোন প্রকাশ বস্তুকে এক কালে মনো-মধ্যে গ্রহণ করিতে পারি না, কিন্তু তাহার ভিন্ন ভিন্ন অংশ একে একে পরীক্ষা করিয়া সমুদায়ের উপলব্ধি করিতে পারি, এবং নিতান্ত ক্ষুদ্র বস্তু হইলে অনেক গুলির সমষ্টি দ্বারা তাহা আমাদের জ্ঞান গোচর হয়। অতিশয় বিস্তীর্ণ দেশের পরিমাণ আমরা খণ্ড খণ্ড করিয়া অবধারণ করি। অপর পদার্থ সমূহের পরমাণু কদাপি আমরা দেখিতে পাই না কিন্তু সেই পরমাণু সমূহের সমষ্টিতে যে সকল স্থূল বস্তু উৎপন্ন হইয়াছে তাহাই আমাদের দৃষ্টি গোচর হয়, সময়ের বিষয়েও তদ্রূপ, আমরা ক্ষুদ্র ক্ষুদ্র নিমেষের সমষ্টি ঘণ্টা দিবস মাস পক্ষ বৎসর ইহাদিগকেই উপলব্ধি করিতে পারি, কিন্তু নিমেষ সকল অঙ্গে অঙ্গে নিঃশব্দ পদসঞ্চারে যে গত হইতেছে তাহা আমরা দেখিতে পাই না।

আমাদের প্রাচীন নীতিবেত্তাগণ কহিয়া গিয়াছেন যে ক্ষুদ্র ক্ষুদ্র ব্যয়েতেই ধন ক্ষয়ের সম্পূর্ণ আশঙ্কা। কারণ প্রত্যেক ব্যয় ভিন্ন ভিন্ন করিয়া দেখিতে গেলে নিতান্ত অকিঞ্চিৎকর ও সামান্য বলিয়া আমরা উপেক্ষা করি, স্মরণ্য তাহাতে আপাতত কোন ক্ষতির আশঙ্কা হয় না। কিন্তু এই রূপ অঙ্গে অঙ্গে কিছু কাল ব্যয় করিলে তাহার সমষ্টি গুরুতর হইয়া উঠে। আমাদের জীবনেরও অপব্যয় এই প্রকার ক্ষুদ্র ক্ষুদ্র সময়ের অবহেলাতেই হইয়া থাকে। বিবেচনা করিতে গেলে আমাদের জীবন কতিপয় মুহূর্তের সমষ্টি মাত্র। আমরা সকলেই জীবনকে অতিশয় যত্নের ধন ও মহামূল্য বলিয়া পরিগণিত করি কিন্তু যে ক্ষুদ্র ক্ষুদ্র সময়ের সংকলনে তাহা সংরচিত হইয়াছে, তাহাদের প্রতি কিছু মাত্র যত্ন করি না। আমরা তবিষ্যতের

প্রতীক্ষা করিয়া বর্তমানকে অল্পে অব-হেলায় ক্ষেপণ করি। কিন্তু যাহা বর্তমান তাহা এককালে ভবিষ্যৎ ছিল এবং যাহা ভবিষ্যতের গর্ভে আছে তাহাও বর্তমান হইবেক। বাস্তবিক সময়ের অপব্যয় অঙ্গে অঙ্গেই হয় তাহা আমরা আপাতত অনু-ভব করিতে পারি না। যখন বর্তমান কাল নির্বিঘ্নে গত হয়, তখন তাহার সদ্ব্যয় কি অপব্যয় কিছুই চিন্তা করি না কিন্তু কাল বিলম্বে যখন আমরা জীবনের গত ভাগের প্রতি দৃষ্টিপাত করি তখন একেবারে বিস্ময় চিত্ত হইয়া আমাদের গত জীবনের শূন্যতা দেখিতে পাই, তখন মনে করি যে এত সময় কিরূপে অনর্থক চলিয়া গেল, তখনই আমরা সময়ের কেমন অপব্যয় করিয়াছি তাহা দেখিয়া বিস্ময়ে মগ্ন হই, কিন্তু তখন আর গতানুশোচনা কোন কা-র্যেরই হয় না, তখন আমাদের জীবন উত্তম বালুময় মরুভূমির ন্যায় কেবল চক্ষুর পীড়া দায়ক হয়। অতএব যিনি স্বীয় জীবনের প্রতি সন্তোষের সহিত দেখিতে চাহেন তিনি প্রত্যেক নিমেষের প্রতি দৃষ্টি রাখিবেন, সময় জলের ন্যায় অত্যাঙ্গ ছিদ্র পাইলেই অঙ্গে অঙ্গে অনর্থক গত হইয়া যায়।

সময় নাই, অবকাশ নাই, এই প্রকার আক্ষেপোক্তি কেবল আলস্যের অনুমো-দিত। যাহারা এই রূপ স্তোক বাক্য দ্বারা আপনাদের আচরণকে নিন্দা হইতে রক্ষা করিতে যায়, তাহারা প্রশস্ত সময় পাইলেও যে কোন কার্য স্মৃতি করিবে তাহা নি-তান্ত সন্দেহের বিষয়। যাহারা যথার্থ কর্মিষ্ঠ তাহারা কদাপি সময়ভাব বলিয়া কোন কার্য হইতে নিবৃত্ত হন না। এক জন কর্মক্ষম ব্যক্তি বিবিধ কার্যেতে যুগপৎ প্রবৃত্ত থাকেন এবং একপ্রকার স্ক্রকৌশলে

আপনার সময়কে ব্যবহার করেন যে অ-ন্যায়সে সকল কার্যই স্মৃতি করিতে পারেন। আমাদের প্রাত্যহিক নিয়মিত কার্যের পর যে সকল অঙ্গে অঙ্গে অবকাশ থাকে, তাহাতে আমরা প্রায় অবহেলা করিয়া থাকি কিন্তু তাহা উপযুক্ত রূপে প্রয়োগ ক-রিলে অশেষ ফল উৎপাদন করিতে পারে। রুম নগরের অধীশ্বর অতুলপ্রতাপশালী সীজর শত্রুদিগের সহিত যুদ্ধের সময় যখন বিদেশে গিয়া শিবির মধ্যে বাস করি-তেন, তখন সময় সংক্রান্ত ব্যাপারে নিরন্তর ব্যাপৃত থাকিয়াও অবকাশ কালে গ্রহ নক্ষত্রদিগের গতি বিধি সন্দর্শন করিতেন, এবং জ্যোতিঃশাস্ত্রে শিক্ষা করিতেন। সু-বিখ্যাত নেপোলিয়ান রাজ্য শাসন কার্যে অহর্নিশি অবিপ্রান্ত নিযুক্ত থাকিয়াও দুঃক্লম গণিত শাস্ত্রে শিক্ষা করিতে অবকাশ পাই-তেন। বাস্তবিক যিনি কোন কার্যের নি-মিত্ত অবকাশ অনুসন্ধান করেন, তাহার অবকাশ অবশ্যই আইসে; সময় আমাদের সম্পত্তি, এই সম্পত্তির প্রকৃত মূল্য জানিয়া তাহাকে সদ্ব্যবহার করিলে মহান্ অর্থ প্রাপ্ত হওয়া যায়। বিলম্ব করাই সময় নষ্টের মূল; অদ্য নয় কল্য হইবেক এই অলস বাক্যকে পরিহার করিবেক। যাহা কর্তব্য তাহা করিতে কাল বিলম্বের অ-পেক্ষা করে না। এই স্থলে দৃঢ়প্রতিজ্ঞ ধর্ম-পরায়ণ মর উইলিএম জোন্স এবং বিনীত প্রকৃতি উদার চিত্ত শ্রমবিলাসী জেমস্ প্রিন্সেপ সাহেবের কথা মনে হইতেছে। সময়ের সদ্ব্যয়ে মনুষ্য কি পর্যন্ত ফল লাভ করিতে পারে, এই মহাত্মাদিগের জী-বনই তাহার সাক্ষ্য প্রদান করিতেছে।

অপর এই স্থলে দেশ বিদেশ পরি-চিত সর্ব বিদ্যা পারদর্শী ডাক্তর হারোল্ট সাহেবের একটি উপাখ্যান প্রকটন করা

বাইতেছে, তদ্বারা উক্ত সুপণ্ডিতের কি প্রকার সময়ের প্রতি যত্ন ছিল, এবং চির-জীবন তিনি কি রূপ দৃঢ়ত্ব হইয়া কার্য সিদ্ধি করিতেন, তাহার উদাহরণ প্রাপ্ত হওয়া যাইবেক। হারোল্ট সাহেবের কোন বিদ্যা-বান্ বন্ধু উক্ত বৃত্তান্ত এই রূপ কহিয়াছেন। “আমি একদা ডাক্তর হারোল্ট সাহেবের সহিত সাক্ষাৎ করিতে গিয়া দেখিলাম তিনি অনন্যমনা ও রাশীকৃত লেখা কা-গজে পরিবৃত্ত হইয়া বসিয়া লিখিতেছেন, আমি ব্যাপার কি জিজ্ঞাসা করিতে তিনি স্নিগ্ধ ভাবে কহিলেন তাই আমি পৃথিবী বিষয়ক \* শেষ গ্রন্থ খানি সায় করিবার জন্য ব্যস্ত আছি এবং আমি নিরবচ্ছিন্ন ১৬ ঘণ্টা এই ভাবে বসিয়া রচনা করিতেছি। আমি এই কথা শুনিয়া একেবারে বি-স্ময় সাগরে মগ্ন হইলাম। যৌবন কালে আমি কখন কখন দ্বাদশ ঘণ্টা কাল অন-বরত অধ্যয়ন করিতাম বলিয়া লোকের নিকট তজ্জন্য গর্ব করিয়া থাকি কিন্তু এক্ষণে অশীতি বর্ষ বয়সে এবং নানাবিধ মাতিশয় শ্রম সাধ্য কার্যের ভারে গুরু ভারাক্রান্ত হারোল্ট সাহেবের তয়ানক পরিশ্রমের উদাহরণ প্রত্যক্ষ করিয়া লজ্জিত ও আশ্চর্য হইলাম।”

### ইতিহাস সংগ্রহ।

বঙ্গদেশের প্রাকৃতিক, ঐতিহাসিক ও পুরাতত্ত্ব সম্বন্ধীয় বিস্তারিত সুপ্রণালীবদ্ধ বৃত্তান্ত অদ্যাপি প্রাপ্ত হওয়া যায় না। বঙ্গ ভূমির ভিন্ন ভিন্ন প্রদেশের কি প্রকার প্রাকৃতিক অবস্থা, তথায় মনুষ্যের কি প্রকার বসতি ও সঞ্চার, তথাকার জন সমাজ

\* Cosmos.

কত দূর সভ্যতার মঞ্চে আরোহণ করিয়াছে, বিদ্যা ও জ্ঞানের প্রচার কি পরিমাণে হইতেছে, অপর তথ্য বাণিজ্যের অবস্থা কি রূপ এবং কি কি প্রকার শিল্প প্রচলিত আছে, পুরাকালে তাহা কত দূর সমৃদ্ধশালী ছিল ও তথ্য কি কি বিখ্যাত ঘটনা ও মহদব্যাপার সকল হইয়া গিয়াছে—এই সমস্ত বিবরণ অবশ্যই আমাদের গুরুত্বপূর্ণ ও প্রয়োজনীয়, সুতরাং জ্ঞাত হওয়া নিতান্ত কর্তব্য। কিন্তু এই সকল বিষয়ে আমাদের দেশীয় ব্যক্তিগণের বিশেষত বিদ্যানুরাগী নব্য সম্প্রদায়ের নিতান্ত অনভিজ্ঞতা ও উপেক্ষা দেখা যায়।

আমাদের এক্ষণকার সর্বাধিকশালী ব্যক্তিগণ অতিশয় যত্ন ও পরিশ্রমের সহিত ইঙ্গলণ্ড, ফ্রান্স ও আমেরিকার ইতিহাস ও ভূগোল বৃত্তান্ত তন্ন তন্ন করিয়া অধ্যয়ন ও শিক্ষা করেন কিন্তু তাঁহাদের বীরভূম অথবা বাঁকুড়া জেলার কোন বৃত্তান্ত জিজ্ঞাসা করিলে তাঁহারা কিছুই বলিতে পারিবেন না। তাঁহারা আফ্রিকার মধ্যস্থ কোন সামান্য প্রদেশের নাম স্মরণ করিয়া রাখেন কিন্তু তাঁহাদের বাসস্থানের দশ ক্রোশ দূরে যে সকল গ্রাম আছে, তাহার হয় তো নামও শ্রবণ করেন নাই। বাস্তবিক এই রূপ স্বদেশ বিষয়ে অনভিজ্ঞতা কেবল জানিবার অনিচ্ছাতে হইয়াছে এমত নহে কিন্তু জানিবার উপায় ও সুবিধাও নাই। কি প্রাকৃতিক ইতিবৃত্ত, কি পুরাতত্ত্বের বিবরণ, কি সামাজিক পরিবর্তন, সকল বিষয়েই এতদেশের প্রয়োজনীয় হিতকর জ্ঞান গর্ভ ইতিহাস ও ননোহর বৃত্তান্ত প্রাপ্ত হওয়া যাইতে পারে।

এই বঙ্গভূমি কত কত রাজার গৌরবান্বিত ও পতন স্থান হইয়াছে। সেই সকল নরপতিদিগের রচিত কত সুবিস্তীর্ণ পুর ও নগর

এক্ষণে কালের করাল কবলে পতিত হইয়া অরণ্যময় হইয়া রহিয়াছে এবং তাঁহাদের নশ্বর কীর্তির নশ্বর চিহ্ন স্বরূপ রহিয়াছে। মুসলমানদিগের কত অত্যাচার ইহা সহ করিয়াছে, বর্গদিগের কত ভয়ানক উৎপাত ইহার উপর দিয়া চলিয়া গিয়াছে, এবং তাহাদের নৃশংস আচরণের কথা অদ্যাপি অক্ষুটবাক্ শিশুগণের কোমল কণ্ঠ বিবরে প্রবেশ করিতেছে(১)। কিন্তু এই সকল বিষয়ের কতিপয় অসংবদ্ধ অমূলক উপন্যাস ব্যতীত আর কিছুই প্রচার নাই। রাজমহল, গৌড়, ঢাকা, মালদহ, এই সকল নগর যদিও এক্ষণে হীনপ্রভ হইয়া গিয়াছে কিন্তু এক কালে ইহার মহা সমৃদ্ধশালী ছিল এবং অদ্যাপি এই সকল নগরে বিস্তর প্রাচীন কীর্তি সকল বিদ্যমান আছে, তাহাদের বিবরণ অবশ্যই শ্রোত্রপেয় হইতে পারে। অন্য কথা দূরে থাকুক আমাদের দক্ষিণস্থ সুন্দরবন যাহা আমরা এক্ষণে বন্য ব্যাঘ্রাদির আবাস বলিয়া জানি, তাহা হইতে প্রাচীন নগরের ও অট্টালিকার চিহ্ন সকল জঙ্গল পরিষ্কারের সঙ্গে সঙ্গে প্রকাশিত হইতেছে, কিন্তু আমরা তাহার কিছুই বলিতে পারি না। বঙ্গদেশের ভিন্ন ভিন্ন প্রদেশ হইতে প্রাচীন ইতিহাস এবং প্রাকৃতিক ভূগোল বৃত্তান্ত সংগ্রহ করিবার কথা বাঙ্গলা-অনুবাদ-সমাজে প্রস্তাবিত হইয়াছিল, কিন্তু তাহা বিবিধ কারণে অদ্যাপি কার্যোত্তে পরিণত হয় নাই। কিন্তু এবিষয়ের প্রতি আর উপেক্ষা করা বিধেয় নহে। অতএব আমরা “ইতিহাস সংগ্রহ” এই শিরোনামের অন্তর্গত বঙ্গদেশের ভিন্ন

(১) আমাদের রমণীগণ শিশুদিগের নিত্রাকর্ষণ করা-ইবার জন্য এই স্নোকেট কোমল মধুর স্বরে বলিয়া থাকেন। ছেলে যুঝলো পাড়া যুঝলো বর্গি এল দেশে। বুল বুলিতে ধান খেয়েছে খাজনা দিবে কিসে ॥

ভিন্ন স্থানের পুরাতত্ত্ব, ভূগোল বৃত্তান্ত, বর্তমান সামাজিক অবস্থা বিবরণ প্রকাশ করিবার সংকল্প করিয়াছি। কিন্তু এই গুরুতর কার্য এক জনের আয়াস ও যত্নে সুসিদ্ধ হওয়া সুকঠিন। এবিষয়ে আমাদের বিদ্যানুরাগী সহৃদয় ব্যক্তিদিগের সাহায্য নিতান্ত আবশ্যিক। যঁহারা এতদেশের ভিন্ন ভিন্ন প্রদেশে কন্মোদ্দেশে অথবা অন্য কোন কারণে বহু দিন বাস করিয়াছেন এবং তথাকার প্রাকৃতিক, সামাজিক ও পুরাতত্ত্ব বিষয়ে বিশেষ জ্ঞান লাভ করিয়াছেন, তাঁহারা যদি শ্রম স্বীকার করিয়া সেই সকল প্রদেশের ইতিহাস বিবরণ এবং প্রচলিত জন শ্রুতি সকল লিপিবদ্ধ করিয়া আমাদের নিকট পাঠান, তাহা হইলে একটি প্রকৃত কার্য হইতে পারে। সকলে এপ্রকার যত্ন করিলে বঙ্গদেশের ইতিহাস সংকলনে বিশেষ আনুকূল্য করা হইবেক।

এক্ষণে আমরা আহ্লাদ পূর্বক আমাদের কোন বন্ধু কর্তৃক প্রেরিত হিজলী জেলার একটি উৎকৃষ্ট এবং সুদীর্ঘ বৃত্তান্ত মাদরে প্রকটন করিতেছি।

#### হিজলীর বৃত্তান্ত।

আমাদিগের প্রস্তাবে হিজলীর নাম দেখিয়া পাঠকবর্গ আপাততঃ মনে করিতে পারেন, এত দেশ থাকিতে লোণা হিজলীর বৃত্তান্ত লিখিতে আমাদিগের কেন প্রবৃত্তি জন্মিল। বঙ্গদেশে হুগলী, বর্ধমান, কুমিলনগর, বাঁকুড়া প্রভৃতি উত্তম উত্তম স্থান অনেক আছে, আর্ধ্যাবর্তে বারাগসী, অধোধ্যা, বন্দাবন, প্রভৃতি অনেক চিরপ্রসিদ্ধ পরিভ্রাম্য আছে, সে সকল স্থানের বর্ণনা না করিয়া বঙ্গদেশের নিন্দার বিষয় হিজলী পরগণার বর্ণনাতে কেন রত হইলাম। উপরোক্ত স্থান সকল অতি উৎকৃষ্ট ও সুগম বলিয়া অনেকে তথায় যাইয়া থাকেন, যাহারা না যায়, তাহারাও অন্যের নিকট সে সকল সম্বন্ধে সম্যক্ পরিচয় পাইবার অভিলাষ করিলে পাইতে পারে, সে সকল স্থানে বাণিজ্য ব্যবসায়ী অথবা কৃষী সাহেবদিগের বাতায়াত ও বসতি থাকান্তে তথাকার

সমাচার সম্বাদপত্রে বিশিষ্ট রূপে বর্ণিত হয়। কিন্তু হিজলীতে অত্যান্ত লোকেরই বাতায়াত আছে, সুতরাং তাহার বিবরণ সামান্যত অত্যান্তই জ্ঞাত আছে। অতএব কলিকাতার অতি নিকটবর্তী বিপুল শস্য ও লবণ উৎপাদক অথচ বিশিষ্ট রূপে নিন্দিত হিজলী খণ্ডের বর্ণনা করা আমাদিগের পক্ষে অসম্ভব হইবে না।

হিজলী কলিকাতার নিকটবর্তী। হিজলীর মধ্যে কাঁধি নামে যে এক প্রধান স্থান আছে তাহা কলিকাতা হইতে ৪৫ ক্রোশ দূর। কলিকাতা হইতে হিজলী যাইতে হইলে নৌকা যোগে ভাগি-রথী দিয়া সাগর সঙ্গমে পড়িতে হয়। সেখান হইতে পশ্চিম দক্ষিণাভিমুখে পার হইলেই হিজলীতে উপস্থিত হওয়া যায়। বসন্ত ও গ্রীষ্ম কালে বায়ু অত্যন্ত প্রবল থাকতে নদী বিশেষতঃ সাগর সঙ্গমভাগে অতিশয় ভয়ানক হয় ও বর্ষা কালে বায়ু প্রবল ও জল স্রোত বৃদ্ধি জন্য নৌকা যোগে হিজলী যাওয়া কিছু শঙ্কটের বিষয়, এই নিমিত্ত শীত কালেই হিজলীতে যাইবার উত্তম সুবিধা। স্থল পথে যাইতে হইলে মুড়াগাছা পরগণার তিতরদিয়া গমন পূর্বক কুঁকড়া হাটীতে হুগলী নদী পার হইয়া যাইতে হয়, তৎপরে বনলু ঘাটা নামক স্থানে হলদী নদী পার হইলেই পরপারে হিজলী।

আমাদিগের এতদেশীয় ধান্য ব্যবসায়ীরা ও অনেক দেশ দেশান্তরের প্রধান লবণ বণিকেরা হিজলী নামের বিশেষ পরিচয় রাখেন। মানচিত্রে (১) দেখিতে পাইবেন হিজলীর উত্তর সীমা দোরো ছমনা, মহিষাদল ও কেনিয়াঘাই নদী; পশ্চিম সীমা সুবর্ণরেখা; দক্ষিণ সীমা সাগর; পূর্ব সীমা হলদী নদী ও সাগর সঙ্গম। হিজলীর উত্তর দক্ষিণ আয়তন ১৮ ক্রোশ, পূর্ব পশ্চিম বিস্তার ১২ ক্রোশ। ইহার ২৫০ বর্গ ক্রোশ বিস্তার ও বসতি স্থানাধিক ছইলক্ষ।

হিজলী খণ্ড নিম্ন লিখিত পরগণা সমূহে বিভক্ত, যথা, আমীরাবাদ, আরঙ্গ নগর, বিহারি-মুটা, বাইন্দাবাজার, বগ্রাই, বালিঘোড়, বোরকুল, দত্তকুরাই, দক্ষিণমাল, হুরুদমন, ইরিফি, গুগুগড়, গোমাই, জলামুটা, কলিন্দীবালসাই, কসবা, খাল সা, বগ্রাই, খাছগোমস, কিন্নত পতাশপুর, কাসিম নগর, কেউরসাল, কিন্নত শিবপুর, কাঁকড়াচৌর, মহিষাদল, মাজনা মুটা, মাজনানয়াবাদ, মীরগুঁড়া, নরমুটানয়াবাদ, উড়িয়াবালসাই, পাহাড়পুর, পর্কীহারি, পর্কীসাই, সুজামুটা, সেরিয়াবাদ, তামলুক, টেকুপাড়া।

(১) পত্রিকার আগামী সংখ্যাতে হিজলীর মানচিত্র প্রকাশিত হইবেক।

হিজলী খণ্ডের মধ্যে তত্ত্বহিজলী নামে একটি গ্রাম আছে। রমুলপুর নদী যেখানে হলদী নদীর মোহনার সহিত মিলিত হইয়াছে (মানচিত্র দেখিলেই বুঝিবেন) তাহার দক্ষিণাংশে সাগরের কূলেই তত্ত্বহিজলী স্থাপিত। এই গ্রামের নাম হইতেই সমুদয় দেশের নাম হইয়াছে। পূর্বে এই সমস্ত প্রদেশ কোন একজন ভূস্বামির অধীন ছিল ও তত্ত্বহিজলীতে তাহার বাস ছিল, তদ্বিষয়ে কোন সন্দেহ নাই। বিশেষতঃ পূর্বে গঙ্গাসাগরের পথ দিয়া বণিকেরা বালেশ্বর মাজাজ প্রভৃতি সমুদ্র কূল স্থিত নগর সকলে যাতায়াত করিত। পথের মধ্যে তণ্ডুলাদি সর্বদা আবশ্যিক ডব্বের অভাব হইলে তাহা তত্ত্বহিজলীর বাজার হইতে আঁহরণ করিয়া লইত, আর এই অঞ্চলের উৎপন্ন কোন বাণিজ্য দ্রব্য উপস্থিত থাকিলে তাহাও সংগ্রহ করিয়া লইত। ফলতঃ পূর্বে সমুদয় হিজলী খণ্ডের মধ্যে যে তত্ত্বহিজলীই সর্বপ্রধান স্থান ছিল, তাহার কোন সন্দেহ নাই, ও তত্ত্ব হিজলী হইতেই সমুদয় দেশ লঙ্কনাম হইয়াছে।

উক্ত হিজলীতে একটা আস্তানা অর্থাৎ মুসলমান যোগীর আশ্রম আছে। লোকে বলে প্রায় ২০০ বৎসর পূর্বে মসলন্দ নামে এক জন সিদ্ধ পুরুষ এইখানে আশ্রম করিয়া ঠৈব শক্তির সহায়ে নিকটবর্তী স্থান সকলের উপরে আধিপত্য সংস্থাপন করিয়াছিলেন। সেকন্দের পালোয়ান নামে তাঁহার এক মহাবলপরাক্রান্ত সহোদর ছিল, সে নিজ বাহুবলে জ্যেষ্ঠের আধিপত্য বিস্তারের বিশেষ আনুকূল্য করে। তৎকালে দিল্লীর সম্রাট আধুনিক ভূম্যধিকারী স্বাধীন রাজ্য সংস্থাপন করিয়াছে শুনিয়া মসলন্দ সাহেবকে অধিকার ভুক্ত করিবার জন্য ২৫০০০ সেনা পাঠাইয়া দিলেন। সেনাগণ উক্ত হিজলীতে উত্তীর্ণ হইয়া জানিতে পারিল মসলন্দ সাহেব সিদ্ধ পুরুষ, সর্বদাই ঠৈব কার্যে ব্যাপৃত থাকেন, তাঁহার কনিষ্ঠ রাজ্য কার্য সমাধা করে। অতএব তাহার সেকন্দের পালোয়ানের নিকটেই উপস্থিত হইল। সেকন্দের সে সময়ে একটা বট বৃক্ষের বিপর্যায় শাখা হস্ত দ্বারা অবনত করিয়া তাহার পত্র ছিন্ন করিয়া শত শত মেঘগণকে তক্ষণ করাইতে ছিল। উপস্থিত সম্রাট সেনাগণের অভিসন্ধি বুঝিয়া সেকন্দের তাহাদিগকে কহিল; আমার জ্যেষ্ঠ অধিপতি, আমি তাঁহার আজাবহ পারিষদ মাত্র, অতএব তোমরা এই বৃক্ষ ডালটা ধরিয়া মেঘগণকে পত্র খাওয়াও, আমি জ্যেষ্ঠের সহিত সাক্ষাৎ করিয়া তাঁহার অভিপ্রায় বুঝি, পরে তদনুসারে যথা-বিহিত ব্যবহার করা যাইবে। এই কথা শুনিয়া অনেক সৈনিক পুরুষ বৃক্ষ শাখা বিশেষ

যত্ন সহকারে ধরিল, সেকন্দের পালোয়ান বৃক্ষ শাখা ছাড়িয়া দিল; ছাড়িয়া দিবামাত্র শাখা সে সকল লোক সহিত উর্দ্ধে উঠিয়া গেল, তাহার সকলে শূন্য ঝুলিতে লাগিল। সেকন্দের পালোয়ানের এই প্রকার অলৌকিক শক্তির পরিচয় পাইয়া সকলে তাহাকে ধৃত করিয়া সম্রাট সমীপে উপস্থিত করিবার আশা পরিভাগ করিয়া দিল্লীতে সমাচার প্রেরণ করিল। দিল্লীখর সমুদয় রুডান্ত প্রাণে এতাদৃশ অমানুষিক পরাক্রমের পরীক্ষা স্বচক্ষে দেখিতে অভিলাষী হইলেন ও মহাবলকে রাজ্য প্রসাদ লাভার্থ নিজ রাজধানীতে নিমন্ত্রণ করিলেন। সেকন্দের সম্রাট নিকটে উপস্থিত হইল ও তাঁহার প্রতীতি জন্মাইবার জন্য চারিটা মন্ত হস্তীর শুণ্ড এককালে ধরিয়া তাহাদিগকে নিশ্চন করিয়া রাখিল। বাদশাহ চমৎকৃত হইয়া তাহাকে প্রসাদ যাচঞা করিতে আদেশ দিলেন, সে নিজ জীবিকা নির্বাহ জন্য কিঞ্চিৎ ভূমি ভিক্ষা করিল। দিল্লীখর তাহাকে কহিলেন তুমি স্বদেশ গমন কর ও এক দিনের মধ্যে যত স্থান বেঞ্জন করিয়া আসিতে পার, উক্ত হিজলীর নিকট সে সমুদয় স্থানের উপর তোমার অধিকার হইবে। সেকন্দের রাজ্যে পাইয়া প্রত্যাগমন পূর্বক সূর্যোদয় কালে তত্ত্বহিজলী হইতে যাত্রা করিল ও সমস্ত দিবস পর্য্যটন পূর্বক সূর্যাস্ত সময়ে পুনরায় নিজ গ্রামে আসিয়া উপস্থিত হইল। সেকন্দের পালোয়ান যে সকল দেশ বেঞ্জন করিয়া আসিল, তাহা তাহার অধিকার ভুক্ত হইল ও তাহাই হিজলী খণ্ড বলিয়া অদ্যাপি প্রসিদ্ধ আছে।

এই জনপ্রবাদ সত্য কি মিথ্যা ইহা সীমাংসা করিবার জন্য বিতর্ক করিবার আবশ্যিক নাই। ক্ষুদ্র বৃহৎ সকল দেশের পূর্বতন রাজাগণ দেবশক্তি সম্পন্ন বলিয়া ইতিহাসে বিখ্যাত থাকে। ফলতঃ রাজ্য সংস্থাপন করা, বিস্তীর্ণ জন সমাজের অন্তঃকরণের উপর আধিপত্য প্রাপ্ত হওয়া অলৌকিক গুণশালিত্বেরই লক্ষণ, সুতরাং মসলন্দ আউলিয়া ও সেকন্দের পালোয়ান ভাতৃদ্বয়ে দেবত্ব আরোপ করাতে হিজলীর লোকদিগের কোন দোষই নাই।

মসলন্দ আউলিয়া ও তাঁহার সহোদরের মৃত্যুর পর তাহাদিগের প্রধান মন্ত্রী ভীমসেন মহা পাত্র রাজ্য অধিকার করে। ভীমসেনের আবাস স্থান বাহিরীমুটা নামক স্থানে ছিল। তাহার গড় অদ্যাপি আছে। ভীমসেন নিঃসন্তান থাকিতে তাহার পরলোকের পর তাহার তিন জন সামান্য ভৃত্য রাজ্য বঞ্জন করিয়া লয়। তৎপরে মহারাষ্ট্রেরা সমুদয় দেশ অধিকার করিয়া পূর্ব ভূস্বামিদিগকে অধিকার করে।

তত্ত্বহিজলীতে এক্ষণে একটি বাজার আছে, তাহার নিকটেই বাজলা গঠন ৩ টা বৃহৎ বোড়া মন্দির আছে। একটার মধ্যে মসলন্দ আউলিয়ার কবর আছে; ইহা ইচ্ছক নির্মিত, ও মুসলমানদিগের বিশেষ তীর্থ স্থান। এমন কি লোকে কহে গল্প হইতে যাত্রী আসিয়া তথায় ধর্মী দেয়। মন্দির সমীপে ১০ হাত লম্বা ১০ হাত প্রশস্ত পরিশর ও ৭ হাত গভীর একটা চৌবাচ্চা আছে। ইহাতে জল ৪ হাত গভীর মাত্র কিন্তু তাহার চতুর্দিক বর্তী লোকেরা ও যাবতীয় নৌকা বাহীরা এই চৌবাচ্চা হইতে জল লইয়া যায়; প্রত্যহ শত শত কলসী জল উঠে তথাপি ৪ হাত পরিমিত জলের হ্রাস নাই, ও সমুদ্র তাদৃশ নিকট স্থিত হওয়াতে কোথায় তদনু সলবণ ও কষায় হইবে, না তাহা অতি অপূর্ব। তত্ত্বহিজলীর এক ক্রোশ দূরেই বন আছে। এই বনে অতি বৃহৎ ব্যাঘ্র ও বন্য মহিষ, নানা জাতীয় হরিণ ও বন্য শূকর যথেষ্ট আছে।

তত্ত্বহিজলীতে যাদৃশ পূর্বতন মুসলমান ভূম্যধিকারিদিগের প্রাচুর্য্যের লক্ষণ অদ্যাপিও দৃষ্ট হয়, সেইরূপ ভোগরাই নামক উপরোক্ত পরগণাতে বিশেষতঃ প্রাচীন হিন্দু রাজ্যের ও হিন্দু দেবালয়ের অতি আশ্চর্য্য চিহ্ন সকল পড়িয়া আছে। করাতশাল নামে একটা স্থানে বনের মধ্যে গড়ের লক্ষণ অনেক আছে, বিশেষতঃ বহুতর ইচ্ছক স্থানে স্থানে পতিত রহিয়াছে এবং গৃহাদিই হউক অথবা পুরী প্রাচীরই হউক ইচ্ছকের বনিয়াদও অদ্যাপি স্পষ্ট লক্ষিত হয়। প্রায় এক কাঠা ভূমি বিস্তৃত একটা কুণ্ড আছে, লোকে কহে তাহা যজ্ঞ কুণ্ড ছিল। জনপ্রবাদ আছে যে করাত শাল পূর্বে করাতি নামক এক জন রাজার রাজধানী ছিল। ইনি অতি প্রতাপশালী ছিলেন, ও মহাতারতোক্ত মগধাধিপতি রাজা জরাসন্ধের সহিত ইহার সখ্য ছিল। যদি কিম্বদন্তী সত্য হয়, করাতি রাজা অতি পাষণ্ড ছিলেন, কেননা তাঁহার রাজ্যে অপরাধীদিগের করায় অস্ত্র দ্বারা প্রাণ দণ্ড করিতে তাঁহার আজ্ঞা ছিল, জন-ক্রান্তিতে কহে সেই নিমিত্ত তিনি করাতি নামধর হইয়াছিলেন। করাতশালের বনে অনেক ব্যাঘ্র আছে; এবং এই সকল ব্যাঘ্র বৃহৎ বৃহৎ, কোন কোনটা ঘোড়ার মত উচ্চ। করাতশালের বনের কতক দূরে আর একটা প্রাচীন কীর্তি চিহ্ন আছে। সুবর্ণরেখা নদী যেখানে সমুদ্রে মিলিত হইয়াছে, সেই মোহনাতেই আর একটা ক্ষুদ্র নদী আসিয়া সুবর্ণরেখায় সংগত হইয়াছে। এই সমস্ত স্থানের উত্তর ভাগ বালুকাময় ও তাহার অধিকাংশ হিংস্র জন্তু পূর্ণ নিবিড় বন হইয়া রহিয়াছে। সেই

বালুকাময় স্থানে অতি প্রাচীন কালে পাথরের মন্দির ছিল। এক্ষণে তাহার কেবল তিনদিকের বুনিয়াদ মাত্র আছে। একদিকের বুনিয়াদ ভাঙ্গিয়া সমুদ্রে পতিত হইয়া গিয়াছে। মন্দিরের ভিতরের পরিমর প্রায় ১০০ হাত লম্বা হইবে ও যে প্রস্তরে নির্মিত তাহাতে উত্তম পরিষ্কৃত পালিস ও খোদকতা কার্যের নিপুণতা দৃষ্ট হয়। একখানা প্রস্তরের চৌকাট পড়িয়া আছে; তাহা ২০ হাত লম্বা, অতএব মন্দির অতিশয়ই উচ্চ ছিল। প্রাচীন লোকেরা বলে যে তাহাদিগের পিতামহাদির নিকট তাহার শুনিয়াছে, মন্দিরের মধ্য থাকের উপর উঠিলে মাজাজ পর্য্যন্ত দেখা যাইত। মন্দিরের ভিতরে একটি শিব লিঙ্গ পড়িয়া আছে, তাহা অতি আশ্চর্য্য এক খণ্ড পাথরে প্রস্তুত। ১০ বৎসর হইল এ শিবলিঙ্গ বসান ছিল, এইক্ষণে ইহা ভূতলশায়ী হইয়াছে। ইহা ১৭ হাত লম্বা ও ইহার উপরি ভাগের বেড় ৮ হাত হইবে। লিঙ্গের রূপ সুচারু কৃষ্ণবর্ণ প্রস্তর গঠিত, গৌরীপটুও তদুপরি অতি উৎকৃষ্ট ষ্ঠেত প্রস্তরময়। গৌরীপটুর বেড় বোধ হয় ৪৫ হাত হইবে। ইহাতে যে খোদকতা ও পালিস আছে তাহা দেখিলে চমৎকৃত হইতে হয়, ও অতি প্রাচীন কালেও ভারতবর্ষে উক্ত শিল্পের নিপুণতা কত দূর ছিল তাহারও বিশিষ্ট পরিচয় পাওয়া যায়। শিবলিঙ্গ সমুদয়ে এত বৃহৎ, যখন আসনস্থিত ছিল তখন সমুদ্র হইতে নতুন লোক-দিগের প্রথমে লিঙ্গটাই ক্ষুদ্র মন্দির বোধ হইত। ইহার গাত্রে উত্তরীয়ের ন্যায় একটি লম্বা গর্ত (Groove) আছে, প্রাচীন লোকে কহে ইহাতে সুবর্ণ পরিপূর্ণ ছিল, নিকটস্থিত বামকুণ্ড নিবাসী একজন দম্ভা ভূম্যধিকারী তাহা হরণ করিয়া লইয়া যায়। লিঙ্গ ও গৌরীপটু এক এক খণ্ড প্রস্তর গঠিত। কি রূপে কোথা হইতে যে এতাদৃশ প্রকাণ্ড বিপুল ভার বিশিষ্ট প্রস্তরদ্বয় আনীত হয় ও কি রূপেই বা এতাদৃশ এক এক খণ্ড প্রস্তর হইতে খোদকেরা এমন সুচারু গঠন ও সুচিকন বিগ্রহ নির্মাণ করে তাহা আমরা আধুনিক শিল্প কৌশল দ্বারা নির্বচন করিতে পারি না; তত্রতা লোকেরা ইহাকে লঙ্কাধিপতি রাবণ রাজার স্থাপিত ও যুগ যুগান্তরের দেব পরাক্রমী শিল্পীকৃত বলিয়া জান করে। বস্তুতঃ অনেকের নিকট এই দেবালয় ও শিবলিঙ্গ পূর্ব কাণীন মনুষ্যাগণের অপেক্ষাকৃত অধিক বলশালিত্বের অথগুণী প্রমাণ ছিল।

(ক্রমশঃ প্রকাশ্য)

## উদ্ধৃত।

## ব্রাহ্মধর্মের ব্যাখ্যান।

প্রথম প্রকরণ—দ্বাবিংশ আদেশ।

১৭৮২ শকের ২২ টেবের কলিকাতা ব্রাহ্মসমাজে

## প্রধান আচার্য্য কর্তৃক

বিরত হয়।

নাবিবর্তোচ্চরিতাশাস্তোনা সমাহিতঃ।

নাশাস্তনাননোবাপি প্রজ্ঞানে নৈনমাপুয়াৎ॥

যে ব্যক্তি দুষ্কর্ম হইতে বিরত হয় নাই—  
ইন্দ্রিয়-চাপলা হইতে শাস্ত হয় নাই—যাহার চিত্ত  
সমাহিত হয় নাই; সে কেবল জ্ঞান মাত্র দ্বারা  
পরমেশ্বরকে প্রাপ্ত হয় না। যখন বিষয়-লালসা  
আসিয়া চিত্তকে বিক্ষিপ্ত করে—যখন জীবনের  
মহান লক্ষ্য ভুলিয়া গিয়া নীচ চিন্তা মলিন কাম-  
নাতে মন অভিভূত হয়; তখন তাঁহাকে দেখিতে  
পাই না। অনন্তের মহিমা সেই জানে, যে বিষয়-  
কামনা হইতে নিবৃত্ত হইয়া, সমাহিত-চিত্ত হইয়া,  
তাঁহার প্রতি দৃষ্টি করে। যাহার চিত্ত পাপ-  
কলঙ্কে মলিন—যাহার হৃদয় সাংসারিক ভাবেই  
পরিপূর্ণ; সে কেবল জ্ঞান দ্বারা পরব্রহ্মকে লাভ  
করিতে পারে না। যখন সংসারের মলিন প-  
ঙ্কিল জলে হৃদয় পরিপূর্ণ হয়, যখন তাহাতে  
এমন এক বিপ্লুও স্থান থাকে না যে ঈশ্বরের নি-  
র্মূল অমৃত বারি তাহাতে প্রবেশ করিতে পারে;  
তখন তাহা অজস্র ধারাতেও তাহার উপরে  
বর্ষিত হইলে কি হইবে? যাহার চিত্ত বিষয়-  
চিন্তাতেই বিক্ষিপ্ত—মৃত্যুর রূপ সংসারের সঙ্গেই  
যাহার সমুদয় জীবন সংগৃহীত হইয়া রহিয়াছে, অমৃত  
বারির আশ্বাদ সে কোথা হইতে পাইবে? হৃদ-  
য়কে বিষয়-কামনা হইতে শূন্য না করিলে তা-  
হাতে ঈশ্বরের ভাব প্রবিষ্ট হয় না। হৃদয়কে  
পরিষ্কার কর—পরিষ্কার করিয়া ঈশ্বরের অমৃত  
বারির জন্য প্রতীক্ষা করিয়া থাক। সময়ের  
নিরূপণ নাই, কখন স্বর্গ হইতে সেই অমৃত বারি  
পতিত হয়—চাতকের ন্যায় প্রতীক্ষা করিয়া  
থাক; যখন সেই জল বর্ষিত হয়, অমনি আগ্র-  
হের সহিত তাহা গ্রহণ কর। মন যখন এই  
প্রকার শাস্ত সমাহিত হয় ও উদাস ভাব ধারণ  
করে, তখন সহজেই তাহা ঈশ্বরের দিকে যায়।  
অদ্যকার চন্দ্রমার মহিমা দেখ, তাহার অমৃত  
কিরণ সহস্র ধারে বর্ষিত হইতেছে, অদ্য রজত  
রঞ্জনে পৃথিবী রঞ্জিত হইয়াছে, বৃষ্কেরা হরিৎ বর্ণ

পরিভাগ করিয়া রোপ্য বর্ণে শোভিত হইয়াছে।  
মাসে মাসে চন্দ্রের শুভ রশ্মি এই প্রকারে পতিত  
হয়; কিন্তু কখন তাহার মাধুর্য্য গ্রহণ করিয়া  
অনন্তের মহিমা অবলোকন করি? তোমারদিগকে  
জিজ্ঞাসা করি—তোমাদের মধ্যে যাহারা গঙ্গা-  
তীরের শুভ চড়ার উপরে চন্দ্র-কিরণ ভোগ করি-  
য়াছেন, তাঁহারদিগকে জিজ্ঞাসা করি যে গঙ্গা-তীরে  
একাকী, কি ছুই চারি বন্ধুর সঙ্গে ভ্রমণ করিতে  
করিতে গঙ্গার স্নিগ্ধ মারুতে শরীর যখন শীতল  
হইল—সকল জগৎ স্তব পুলকে চন্দ্রের অমৃত  
কিরণ পান করিতেছে দেখিয়া মন যখন আত্ম  
ইহল, এমন সময়ে কি কাহারও মনে অনন্তের  
মহিমা উদয় হয় নাই? অবশ্য অনেকেরই হইয়া  
থাকিবে। সেই চন্দ্রমার সৌন্দর্য্য দেখিয়া মন  
যখন সৌন্দর্য্যের সৌন্দর্য্যে নিমগ্ন হইল—তখনকার  
ভাব এক বার মনে করিয়া দেখ দেখি, কোন  
অবস্থাতে আমারদের মন সেই অনন্তের মহিমাতে  
মগ্ন হয়? যখন সে উদাস ভাব ধারণ করে, তখন  
কি যখন বিষয় লালসাতে ব্যাকুল থাকে? প্রতি  
মাসেই আমরা এই চন্দ্র দর্শন করিতেছি—আমা-  
দের হৃদয় প্রফুল্লকর চন্দ্রমা কোন সময়ে সেই  
অনন্তের মহিমা প্রকাশ করে—কোন মনের  
অবস্থাতে আমরা চন্দ্রের শোভাতে শোভার  
আকর পরমেশ্বরকে দেখিতে পাই? সেই সময়ে,  
যখন আমারদের মন সংসার হইতে উন্নত হইয়া  
উদাস ভাব ধারণ করে, যখন বিষয় কামনা  
আমাদের মনে স্থান পায় না। এই সংসারের  
দাস হইয়া যে সময়ে আঘোদ-কোলাহলে মত্ত  
থাকি, যখন ইন্দ্রিয়-সেবায় রত থাকি, যখন মনো-  
দেবতাকেই উপাসনা করি; তখন যে দিকে চাই,  
ঈশ্বরের মহিমাকে আর দেখিতে পাই না। মন  
যখন ঈশ্বরের দিকে উন্মুখ থাকে, তখন আপ-  
নার মুখ হৃৎকেন্দ্রের প্রতি আর ভয় আশা থাকে  
না—তখন সে উদাস ভাব, উদার ভাব, ধারণ  
করে; তখন সকলই অনুকূল হইয়া তাহার আ-  
ন্তরিক সাধু ভাব-সকলকে পোষণ করিতে থাকে।  
তখন উদার শোভায়, সঙ্ঘার শোভায়, চন্দ্রের  
মহিমায়, সেই অনন্তেরই মহিমা প্রকাশিত হয়।  
কেবল দর্শন-শাস্ত্রের আলোচনা করিলে ঈশ্বরকে  
জানা যায় না; আত্মার সেই নিষ্কাম নিষ্পৃহ  
ভাব চাই—ঈশ্বরের জন্য সেই ব্যাকুলতা চাই—  
তাঁহাকে না দেখিলেই নয়—না পাইলেই নয়;  
তবে সকল স্থান হইতে, সকল বিষয় হইতে,  
তাঁহারই মহিমা অনুভব করি—চন্দ্র, সূর্য্য তারি,  
সকলই তাঁহাকে দেখাইয়া দেয়। কুটিল-হৃদয়ের  
নিকটে সকলই অন্ধকারময়। সরল-হৃদয়ের নি-  
কটে সকলই অনুকূল। ঈশ্বরের এক স্নিগ্ধ প্রীতি-

দৃষ্টির নিকটে সকল সংশয় দূর হয়। যুক্তি ও  
তর্ক ও শাস্ত্রের আলোচনা দ্বারা বাহা না হয়,  
ঈশ্বরের এক অনুরাগ দ্বারা তাহা হয়—সকল মোহ  
দূর হয়। তাঁহার এক প্রীতিতে সকল সত্তা উ-  
জ্জ্বল হইয়া উঠে।

আমাদের বিশুদ্ধ প্রীতি ঈশ্বরকে যেমন প্র-  
কাশ করে—দর্শন তর্ক শাস্ত্রের তেমন বল নাই।  
আত্মাকে পবিত্র না করিলে—সাধু ব্যবহার দ্বারা  
সাধু-ভাবে হৃদকে পূর্ণ না করিলে, কেবল পুস্ত-  
কের কীট হইয়া থাকিলে কি হইতে পারে?  
আমরা অধ্যয়ন করিলে অধ্যাপক হইতে পারি,  
জগন্মান্য পণ্ডিত হইতে পারি—শাস্ত্রের আলো-  
চনায় শাস্ত্রী হইতে পারি, বুদ্ধির ব্যুৎপত্তি-বলে  
তর্কিক হইতে পারি; কিন্তু ঈশ্বরকে কদাপি  
লাভ করিতে পারি না। তাঁহার নিকটে যাইতে  
হইলে শিশুর ন্যায় অকপট ভাবে যাইতে হয়।  
সরল হৃদয়ে, পবিত্র হৃদয়েই, পরমাত্মা প্রকাশিত  
হন। তখন আমি তাঁহার হই—তিনি আমার  
হন—যেন সৃষ্টির মধ্যে আর কেহই নাই। তখন  
আমার হৃদয়ে আসিয়া তিনি তৃপ্ত হইয়েন এবং  
আমার সমুদয় হৃদয়কে সংতুষ্ট করেন। তখন  
আমার প্রীতি তাঁহার নিকটে যায়—তাঁহার প্রীতি  
আমার হৃদয়ে আইসে। এই ছুই প্রীতি সন্নি-  
লিত হইয়া অমৃত ফল প্রসব করে। যদি অমৃতের  
সঙ্গে মিলিত হইতে চাও; তবে আত্মাকে পবিত্র  
কর—সংসারের পঙ্কিল মলিন জল পরিহার কর—  
হৃদয়কে তাঁহার ভাবের ভাবুক কর—মনকে  
তাঁর প্রেমের প্রেমিক কর। সর্বভাগী হইয়া  
তাঁহার অনুচর হও।

হে পরমাত্মন! তুমি আমাদের কুপ্রবৃত্তি-  
সকল দমন কর। ইন্দ্রিয়-চাপলা হইতে বিরত  
করিয়া, নীচ কামনা হইতে দূরে রাখিয়া, কেবল  
তোমার প্রেমে আমাদেরদিগকে নিমগ্ন কর এবং  
তোমার প্রিয় কার্য সাধনে নিযুক্ত কর।

ও একমেবাদ্বিতীয়ং

পিতার শ্রাদ্ধ-বাসরে যজ্ঞমানের প্রার্থনা।

হে পরম পিতা, অখিল মাতা! অদ্য আমার  
পিতার শ্রাদ্ধ-বাসরে সপরিবারে তোমার সম্মুখে  
দণ্ডায়মান হইয়া তোমাকে প্রীতি-পূজা প্রদান  
করিয়া প্রার্থনা করিতেছি যে যেমন তুমি আমার-  
দের এখানকার সকলের মঙ্গল বিধান করিতেছ,  
সেই রূপ পরলোকবাসী আমার অতি প্রদেয়  
ভক্তি-ভাজন পিতার আত্মার উন্নতি সাধন কর,

এবং সংসারের পাপ তাপ হইতে মুক্ত করিয়া  
তোমার সঙ্গী করিয়া লও। তোমার প্রতিনিধি-  
স্বরূপ পিতা হইতেই আমি শরীর, মন, জীবন,  
আত্মা সকলই পাইয়াছি। পিতা মধু-স্বরূপ।  
পিতা হইতেই মুখ-সৌভাগ্য, পিতা হইতেই বল-  
বীৰ্য্য, পিতা হইতেই ধর্মপথে চলিবার অধিকার  
পাইয়াছি। পিতাকে পাইয়াই পরম পিতাকে  
লাভ করিয়াছি, তোমার মহিমা সর্বত্র অনুভব  
করিতেছি। অতএব তাঁহার প্রতি আমার প্রদীপ্ত  
ভক্তি উদ্দীপন কর এবং আমাকে তাঁহার সম-  
র্পিত সংসার ধর্মের ভার বহন করিবার ক্ষমতা  
দেও। তিনি যে লোকে থাকুন, আমার প্রতি  
প্রসন্ন থাকুন; এবং তাঁহার অপ্রিয় ব্যবহার বাহা  
কিছু করিয়া থাকি তিনি তাহা ক্ষমা করুন।  
তোমার প্রসাদে আমার এই বংশ যেন পূর্ব পূর্ব  
পুরুষদিগের সাধু-বৃত্তি-সকল অনুকরণ করে। হে  
মঙ্গলময়! তুমি এই পরিবারের সকলের মধ্যে  
মঙ্গল-ভাব বিস্তার কর। এই পরিবার তোমারই  
প্রিয় পরিবার, তোমারই মঙ্গল-দৃষ্টি হইতে আ-  
মাদের কেহই বিচ্যুত নহে। হে জীবন-দাতা  
জ্ঞান-দাতা পরম পিতা! তোমার জ্ঞান আমার-  
দিগকে শিক্ষা দেও, তোমার আশ্রয় প্রদান কর,  
এবং তোমার অক্ষয় তাগুর হইতে আমাদের  
সকল অভাব দূর কর। তোমা হইতে আমরা  
যে কিছু মঙ্গল প্রাপ্ত হই, তাহাতেই যেন সন্তোষে  
থাকি। তুমি বাহা কিছু দিয়াছ, যদি সকলই  
যায়; তথাপি তোমার মঙ্গল-স্বরূপে বিশ্বাস যেন  
কখনই শিথিল না হয়। তুমি আমাদেরদিগকে  
সংসারের সম্পদই প্রেরণ কর, আর বিপদেই  
আরত কর, হে মঙ্গলময়! প্রত্যেক অবস্থার  
পরিবর্তনে তুমি আমাদের সঙ্গেই থাকিও।  
তোমার দক্ষিণ-মুখ—তোমার প্রেম-দৃষ্টি যেন  
সকল সময় আমাদের হৃদয়কে প্রফুল্ল ও উন্নত  
করিয়া রাখে। হে বিশ্ব-বিধাতা জগৎ-পিতা!  
তোমার প্রসাদে বায়ু মধু বহন করিতেছে, সমুদ্র  
মধুক্ষরণ করিতেছে; আবার তোমারই প্রসাদে  
ওষধি বনস্পতি-সকল মধুমান হউক; গো-সকল  
সুমধুর দুগ্ধ দান করুক। রাজি মধু হউক, উষা  
মধু হউক, ছালোক ও ভুলোক মধুময় হউক, সূর্য্য  
মধুময় হউক; পিতা তোমার মধুময় মঙ্গল-ভাবের  
অনুকরণ করুন।

হে নিরবদ্য নিরঞ্জন পবিত্র পরমেশ্বর!  
আমরা যেমন এক্ষণে তোমার উদার প্রসাদ  
অনুভব করিতেছি; এই প্রকার যখন পৃথিবীর  
দিন অবসান হইবে, তখন আবার যেন আমরা  
প্রত্যেকে তোমার চরণে মঙ্গল-ছায়া লাভ করিতে  
পাই। এই পরিবার মধ্যে, আমাদের দেশে, সমুদয়

পৃথিবীতে তোমার প্রসাদ বিতরণ কর। তোমার জ্যোতি, তোমার সত্য, সকল স্থানে প্রেরণ কর। তোমার রাজ্যের সকল স্থান হইতেই যেন সত্যের প্রস্রবণ প্রযুক্ত হয়, এবং মঙ্গল ভাবের উৎস নিরন্তর উৎসারিত হইতে থাকে।  
ঔ একমেবাদ্বিতীয়ং

### বিত্তাপন।

অধ্যক্ষ সভার নিয়ম।

গত ১২ শ্রাবণ দিবসীয় অধ্যক্ষ সভায় যে সকল নিয়ম নির্ধারিত হইয়াছে, তাহা সর্বসাধারণের গোচর করিবার জন্য নিম্নে উদ্ধৃত করা গেল।

১ পুস্তক বন্ধন ও মূতন পুস্তক ক্রয় ইত্যাদির ব্যয় নির্বাহার্থে প্রতি মাসে পাঁচ টাকা করিয়া কার্যকারী পুস্তকাধ্যক্ষকে দেওয়া হইবে।

২ কার্যকারী পুস্তকাধ্যক্ষ কর্তৃক ঐ টাকায় পুস্তকালয় সংক্রান্ত বিবিধ ব্যয় নির্বাহ হইবে এবং তিনি ঐ ব্যয়ের হিসাব ও পুস্তকালয়ের অবস্থার বিবরণ ছয় মাস অন্তর অধ্যক্ষগণ ও সমাজপতির নিকটে অর্পণ করিবেন।

৩ পুস্তক ঋণ দান করিবার প্রথা এক বৎসর কাল রহিত হইবেক, সেই এক বৎসরের মধ্যে সমুদায় পুস্তক গ্রহীতাদিগের নিকট হইতে আদায় করিতে হইবেক, এবং পুস্তক সকলের মূতন সংখ্যা লিপিবদ্ধ করিতে হইবেক, সমাজের অবৈতনিক কর্মচারীগণের পুস্তক ঋণ পাইবার বাধা থাকিবেক না।

৪ বর্তমান পুস্তকাধ্যক্ষদের মধ্যে শ্রীযুক্ত ভারকনাথ দত্তের প্রতি উক্ত ভার অর্পিত হইল, এবং “কার্যকারী পুস্তকাধ্যক্ষ” তাঁহার নাম হইল।

অধ্যক্ষদিগের অনুমতানুসারে সর্বসাধারণকে অধগত করিতেছি যে সমাজের পুস্তকালয়ের যে কোন পুস্তক যে কোন মহাশয় ঋণ লইয়াছেন, তাহা তাঁহার সত্বর প্রতিপ্রেরণ করিয়া বাধিত করিবেন ইতি।

আমাদের এই কার্যালয়ে যাঁহারা ডাকের টিকিট প্রেরণ করেন, তাঁহাদেরিগকে জ্ঞাত করা যাইতেছে যে তাঁহারা অর্ধ আনা বা এক আনার টিকিট ক্রয় করিয়া পাঠাইবেন, যেহেতু এক আনা হইতে অধিক মূল্যের টিকিট এখানে বিক্রয় করিতে হইলে সমাজকে ক্ষতিগ্রস্ত হইতে হয়।

শ্রী আনন্দচন্দ্র বেদান্তবাগীশ  
সম্পাদক।

কলিকাতা ব্রাহ্মসমাজের ১৭৮৪ শকের  
আষাঢ় মাসের দান শ্রীপ্তির  
বিবরণ।

ব্রাহ্মদিগের প্রতিজ্ঞাত মাসিক দান।

শ্রীযুক্ত জয়গোপাল সেন ও	
“ বৈকুণ্ঠনাথ সেন ... ..	১৫
“ মদনমোহন সেন .. ..	৮
“ রাজনারায়ণ ধর .. ..	৬
“ কুমারনারায়ণ মিত্র .. ..	২
“ কাশীনাথ দে .. ..	২
“ উমাকান্ত সেন .. ..	২
“ গিরীশচন্দ্র মিত্র .. ..	১
“ গোপাললাল বসাক .. ..	১
“ বিহারীলাল ভট্টাচার্য .. ..	১
“ হরদেব চট্টোপাধ্যায় .. ..	১০
	৩৫/০

মাসিক দান।

শ্রীযুক্ত গোপাললাল ঠাকুর .. ..	৩০
“ ক্ষেত্রচন্দ্র বসু .. ..	২৪
“ রমাপ্রসাদ রায় .. ..	৬
“ মদনমোহন চট্টোপাধ্যায় .. ..	৪
“ নীলকমল মিত্র .. ..	৪
“ বৈকুণ্ঠনাথ সেন .. ..	২
“ উপেন্দ্রমোহন ঠাকুর .. ..	২
“ রামচন্দ্র ঘোষাল .. ..	২
	৭৪


শুভ কর্মের দান।

শ্রীযুক্ত ক্ষেত্রচন্দ্র বসু .. ..	৮৪
“ দ্বিজেন্দ্রনাথ ঠাকুর .. ..	২০
“ রাজা কন্দর্পেশ্বর সিংহ .. ..	৭
“ ঠেকলাসচন্দ্র রায় .. ..	৫
“ চন্দ্রকুমার দত্ত .. ..	২
	১১৮

এককালীন দান।

শ্রীযুক্ত ব্রজনাথ ধর .. ..	১
দানাদারে দান প্রাপ্ত .. ..	২১/৫
	২৩/৫

এই তত্ত্ববোধিনী পত্রিকা, কলিকাতা নগরে যোড়াসাঁকোস্থিত ব্রাহ্মসমাজের কার্যালয় হইতে প্রতিমাসে প্রকাশিত হয়। ইহার মূল্য ১/০ ছয় আনা মাত্র।  
১ ভাদ্র শনিবার সন্ধ্যা ১২১২ কলিকাতা ৪২৩৩।



## তত্ত্ববোধিনী পত্রিকা

ব্রহ্মবী একমিন্দনপ্রাসীমাম্যৎ কিংকনাসীতদিদং সর্বমসৃজৎ। তদেব নিত্যং জ্ঞানমনস্তং শিবং স্বতন্ত্রিরবয়বমেক-  
মেবাদ্বিতীয়ং সর্বব্যাপিসর্বনিয়ন্তৃ সর্বপ্রায়সর্ববিৎ সর্বশক্তিমন্ধু বস্তুপূর্ণমপ্রতিমমিতি। একস্য তস্যৈবোপাসনয়া পার-  
ত্রিকমৈহিকঞ্চ শততত্ত্ববতি। তন্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

### আত্মার স্বাধীনতা।

স্বাধীনতাই আত্মার প্রকৃত ও স্বাভাবিক অবস্থা। স্বাধীনতাই আত্মার বল। আমাদের এই স্বাধীন কর্তৃত্ব থাকতেই আমরা মনুষ্য নামের উপযুক্ত হইয়াছি। সংসারের গতির প্রতি দৃষ্টিপাত করিলে বোধ হইবেক যে আমাদের জীবন একটি সুদীর্ঘ যুদ্ধ-বিগ্রহমাত্র। নানা দিক হইতে নানা প্রকার প্রলোভন আসিয়া আমাদের আকর্ষণ করিতেছে, নানা প্রকার কামনা মনো মধ্যে উদ্দীপ্ত হইয়া অতিশয় বিরুদ্ধ এবং বিপরীত ভাব ও প্রবৃত্তি সকল উত্তেজিত করিতেছে, এমন কোন কার্য নাই যাঁহার অনুষ্ঠান করিবার সময় বিপরীত ভাব ও কামনার উদয় না হয়। এক দিকে ইন্দ্রিয় লালসা আমাদের আকর্ষণ করে, আর এক দিকে হয়তো যশঃ খ্যাতি প্রতিপত্তি লাভের উচ্চ আশা আমাদের মনকে উৎসাহিত করে, অপর কর্তব্য ও ধর্ম আমাদের আর এক পথ দেখাইয়া দেয়। এই প্রকার অবস্থায় কোন পথ অবলম্বন করিতে হইবেক তাহা নিরূপণ করা নিতান্ত কঠিন

হইয়া উঠে। এই সময়েই আমাদের স্বাধীন ইচ্ছা বলবতী হইয়া প্রলোভন সকলকে দমন করে এবং যাহা প্রকৃত মঙ্গলের পথ তাহাই অবলম্বন করে। যাঁহাদের এই রূপ স্বাধীন কর্তৃত্ব আছে, তাঁহারা ই মানসিক প্রবৃত্তির উপর সম্পূর্ণ আধিপত্য করিতে পারেন। তাঁহাদেরিগকেই প্রকৃত স্বাধীন পুরুষ বলা যাইতে পারে। কিন্তু এ প্রকার স্বাধীন ভাব সামান্যতঃ প্রায় দেখিতে পাওয়া যায় না। অধিকাংশলোকেই কেবল প্রবল প্রবৃত্তির অনুগামী হইয়া তাহাকেই চরিতার্থ করে। তাঁহাদের এমন সাধ্য নাই যে সেই প্রবৃত্তির ভয়ানক শ্রোতের প্রতি-কূলে আপনার ইচ্ছাতে গমন করিতে পারে। তাঁহাদের আত্মার এমন একটুকু বল নাই যে ক্ষণকালের জন্যে তাঁহাদের সম্মুখস্থ আপাত-সুখকর প্রলোভনকে অতিক্রম করে। তাঁহারা এই রূপে প্রবৃত্তির অধীন হইয়া পশুপ্রবৃত্তি প্রাপ্ত হয়। পানাসক্ত ব্যক্তি পান দোষের ভয়ানক বিষময় ফল জানিতে পারিয়াও তাহা হইতে প্রতিনিবৃত্ত হইতে পারে না। সে ইচ্ছা করে সে প্রতিজ্ঞা করে যে আর মদ্য

পান করিব না কিন্তু তাহার সে ইচ্ছা সে প্রতিজ্ঞা কোন কার্যেরই হয় না। তাহার প্রবন্ধ কুপ্রবৃত্তি তাহাকে বল পূর্বক কুপথে লইয়া যায়। এই প্রকার নিয়ত অসদাচরণে আত্মার ভয়ানক দুর্গতি উপস্থিত হয়, তাহার আর কিছু মাত্র স্বাধীনতা থাকে না। সামান্য কাষ্ঠ খণ্ড যে রূপ স্রোতের বেগে ভাসিয়া যায়; তাহার এমন কোন শক্তি নাই যে তাহা স্রোতের মুখ হইতে একটুকুও অন্যথা গমন করে; সেই রূপ তাহাদের আত্মা জড় পিণ্ডের ন্যায় প্রবৃত্তির স্রোতে ভাসিয়া যায়।

জন সমাজ মধ্যে মনুষ্যের এই দুই প্রকার ভাব তারতম্যানুসারে দেখিতে পাওয়া যায়। কেহ আপনার ইচ্ছাকে এপ্রকার নিজায়ত্ত ও স্বাধীন করিয়াছেন যে শত শত প্রলোভন মধ্যে পতিত হইলেও কদাপি তাঁহার প্রবৃত্তির বশীভূত হন না। পূর্বত শিখরস্থ উন্নতশিরাঃ দেবদারু যে প্রকার ভীষণ বাত্যাহত হইলেও কদাপি মত হয় না, সেই রূপ তাঁহার অতি ভয়ানক ছুরবস্থাতেও আপনাদের স্বাধীন কর্তৃত্বকে পরিহার করেন না। এই প্রকারে তাঁহার ক্রমশ আন্তরিক ধর্ম-বল প্রাপ্ত হয় এবং সেই বলের প্রভাবে অতি মহৎ কার্য্য সকল সম্পন্ন করিতে পারেন। তাঁহারাই ধর্মের অনুরোধে অতিশয় কষ্টকর ত্যাগ স্বীকার করিতে পারেন। পূর্ব কালীন চিরস্মরণীয় ধর্মপরায়ণ মহাত্মাদিগের জীবন চরিত পাঠ করিলে দৃষ্ট হইবেক যে তাঁহারদের সংকীর্ণ মন কেবল তাঁহারদের আন্তরিক বল ও অবিচলিত দৃঢ় প্রতিজ্ঞা ও স্বাধীন ইচ্ছারই প্রমাণ স্বরূপ। আন্তরিক স্বাধীন ভাব উদার—মহৎ প্রকৃতির অঙ্গান্ত চিহ্ন। যে ব্যক্তি আপনার প্রবৃত্তিকে আয়ত্তাধীন রাখিতে পারে না, সে যে কদাপি কোন মহৎ

বা অসামান্য কার্য্য করিতে পারিবে, ইহা সম্ভব নহে। আমাদের প্রাচীন শাস্ত্র সকলে যে ইন্দ্রিয় ও মনকে বশীভূত করিবার উপদেশ ভুরি ভুরি স্থানে প্রদত্ত হইয়াছে আত্মার স্বাধীনতা সম্পাদন করাই তাহার প্রকৃত অর্থ। স্বাধীন কর্তৃত্ব যেখানে নাই, সেখানে প্রবৃত্তি সকল বিদ্রোহ ভাব ধারণ করে এবং অন্তঃকরণ একেবারে অরাজক রাজ্যের ন্যায় হইয়া উঠে। এপ্রকার মনের অবস্থায় উপদেশ অত্যন্ত কার্য্যের হয়। কারণ আমাদের আন্তরিক ধর্ম বুদ্ধি প্রবন্ধ হইলেও তাহা আমাদের ইচ্ছার সহযোগ না পাইলে কদাপি কার্য্য করিতে পারে না। ইচ্ছাই সকল কার্য্যের অব্যবহিত পূর্ববর্তী কারণ, যেখানে সেই ইচ্ছা দুর্বল সেখানে কোন উপদেশই কার্য্যে পরিণত হইতে পারে না। অনেকে অনেক মনোপদেশ পাইয়াছেন, অনেকে প্রকৃত মতের পথ কি তাহাও সম্পূর্ণ রূপে হৃদয়ঙ্গম করিয়াছেন, কিন্তু তথাপি তাঁহার সেই মত পথ হইতে কি নিমিত্তে বিমুখ রহিয়াছেন? কেবল তাঁহারদের আন্তরিক দুর্বলতাই ইহার কারণ। তাঁহারদের মোহ ও প্রবৃত্তির উপর এপ্রকার আধিপত্য নাই যে তাঁহার চিরসেবিত কুসংস্কার পরিহার করিবার অভিলাষ করিলেও সে অভিলাষ সূক্ষ্ম করিতে পারেন না। আত্মার এপ্রকার অবস্থা নিতান্ত হীনাবস্থা বলিতে হইবেক। যে ব্যক্তি আপনার সম্পূর্ণ বিশ্বাস সম্পূর্ণ ইচ্ছা সম্বন্ধেও সেই ইচ্ছার অনুযায়ী কার্য্য করিতে না পারে, তাহাকে কি প্রকারে স্বাধীন পুরুষ বলিতে পারা যায়। সে ব্যক্তি ছদ্ম ব্যবহারী হয়, সত্যকে প্রকাশ্য রূপে গ্রহণ করিতে ভীত হয়। আমাদের দেশীয় ব্যক্তিগণ কেবল মানসিক দৌর্বল্য হেতু বর্তমান ছুরবস্থায় পতিত রহিয়াছেন। তাঁহার যে

কত দিনে দেশাচারের দাসত্ব পরিত্যাগ করিয়া স্বাধীন রূপে কার্য্য করিতে সাহস করিবেন, তাহা বলা যায় না। কিন্তু যিনি যে প্রকার সিদ্ধান্ত করুন, ইহা নিশ্চয় বলা যাইতে পারে, বঙ্গবাসিগণ যত দিন না আপনাদের আন্তরিক দুর্গতি দেখিতে পাইবেন, যত দিন না তাঁহার ছদ্ম ব্যবহারকে একেবারে দেশান্তরিত করিবেন, মনুষ্য বলিয়া যত দিন না আপনা দিগের স্বাধীন কর্তৃত্বকে পরিগ্রহ করিবেন, তত দিন তাহাদিগের মধ্যে মহৎ কি সাধু দৃষ্টান্ত দেখিতে পাওয়া যাইবেক না।

মানসিক স্বাধীনতা কি তদ্বিষয়ে অনেকেরই ভ্রম আছে। স্বেচ্ছাচারকেই অনেকে প্রকৃত স্বাধীনতা মনে করিয়া তাহার অনুগামী হন। কিন্তু তাহা কেবল আত্মার দুর্গতির কারণ। তাহাতে দুষ্পুত্রিত্ব সকল চরিতার্থ হয় এবং পরিশেষে সেই সকল দুষ্পুত্রিত্ব প্রবল হইয়া আমাদের উপর ভয়ানক অত্যাচার ও পীড়ন করে। সামাজিক স্বাধীনতা যেমন রাজনীতি ও ব্যবস্থার অধীনেই সম্পূর্ণ রূপে রক্ষিত ও সংবদ্ধিত হয়, সেই রূপ আত্মার স্বাধীনতা ধর্ম-বুদ্ধিরই অনুমোদিত। আমাদের ইচ্ছা ধর্ম বুদ্ধির উপদেশানুসারে পরিচালিত হইলেই তাহা আমাদের প্রকৃত স্বাধীনতা ও বলের কারণ হয়। তখনই আত্মার যথার্থ গৌরব প্রকাশ পায়। এই প্রকার স্বাধীন ভেদ্য পুরুষদিগের প্রভাবেই পৃথিবীর মহা মহা পরিবর্তন সকল সম্পাদিত হইয়াছে। ইহারাই উখিত হইরা ভ্রম, কুসংস্কার ও পাপের স্রোত মন্দীভূত করিয়াছেন। ইহাদেরই উপদেশ বাক্য জনসমাজের অশেষ মঙ্গলের কারণ হইয়াছে। যিনি স্বাধীন তিনিই পুরুষ, যে ব্যক্তি আপনার আত্মাকে স্বাধীন না করিয়াছে সে কদাপি পুরুষার্থ

সাধন করিতে পারে না। যাহার আন্তরিক কর্তৃত্ব ও ধর্ম বল নাই সে ব্যক্তি মনুষ্য নামের উপযুক্ত নহে।

আমাদের বিলাত প্রবাসী বন্ধু প্রেরিত লণ্ডন ও ইংলণ্ডের অপর দুই নগরের সংক্ষেপ সুন্দর বিবরণ ঘটিত পত্র সাদরে নিম্নে প্রকটিত হইল। ইংলণ্ডের প্রধান নগরের সমৃদ্ধি ঐশ্বর্য্য ও কার্য্য কুশলতার যে প্রকার বৃত্তান্ত আমরা পুস্তকে বা লোকের মুখে শ্রবণ করি, তাহা এই পত্রে উজ্জ্বল রূপে প্রতিভাত হইতেছে। লণ্ডন নগর যে সর্বপ্রধান কর্মক্ষেত্র এবং সমুদয় স্মৃতা দেশ মণ্ডলীর নাভি বিন্দু স্বরূপ, তাহা সপ্রমাণ করিবার আবশ্যিক নাই। এই ক্ষুদ্র নগর হইতে অবিশ্রান্ত বাণিজ্য স্রোত বহমান হইয়া সমুদায় পৃথিবীময় ব্যাপ্ত হইতেছে! এখানে অহর্নিশি কার্য্যের ভয়ানক ভিড়, লোক সকল নিয়তই ব্যস্ত। এই বেগবান কর্মের আবর্তে পতিত হইয়া কেহই অলস, অমনস্ক ও নিশ্চিন্ত থাকিতে পারে না। এপ্রকার জন সমাজের মধ্যে পতিত হইলে যেমন লোক হউক না কেন, সে অবশ্যই কার্য্যক্ষম হইবেক। চতুর্দিকের নিয়ত নূতন ব্যাপার সকল মনকে প্রতিফলেই উত্তেজিত করে, উদার ভাব উদ্দীপ্ত করে, হৃদয়কে প্রশস্ত করে। চতুর্দিকে সকলই জীবন্ত ব্যস্ত ভাব দেখিয়া সহজেই অলস ব্যক্তির মনে স্থণা ও লজ্জার উদয় হইবেক। জীবনের কি প্রকার সদব্যবহার করিতে হয়, সময়ের কি প্রকার লভ্য করিতে হয়, উন্নত ভাবে—স্বাধীন ভাবে কি প্রকারে চলিতে হয়, তাহা লণ্ডনবাসিদিগেরই জীবনে প্রত্যক্ষ হইতে পারে। কি বাণিজ্য ব্যবসায়, কি জ্ঞান ধর্মালোচনায়, সকল বিষয়েই উপার্জন ও উন্নতি তাহারদের প্রধান লক্ষ্য।

সেই উপার্জনের প্রতি তাহারা অবিশ্রান্ত খাবিত রহিয়াছে, কিন্তু বাঙ্গালির জীবন ইহার ভয়ানক বিপরীত। বাঙ্গালি কষ্টের প্রতি স্বভাবতই বিমুগ্ধ ও বিরক্ত, বাঙ্গালি অত্যপেই পরম সন্তুষ্ট, পরিবর্তনে মহা ভীত, তাহার পক্ষে চির কাল একই ভাবে চলিয়া গেলেই ভাল। এপ্রকার মানসিক জড়তা থাকিলে কোন জাতি কদাপি উচ্চ হইতে পারে না। উন্নত বিষয়ে ও উচ্চ আশায় পরিচালিত না হইলে মনের উদার ভাব হয় না। যে ক্ষুদ্র ভাব পরিহার করিতে না পারিয়াছে, সে কখন মহৎ কর্ম করিতে পারে না, যে ব্যক্তি আপনাকে মান্য করিতে শিখে নাই, সে পরের নিকট মান্য হইতে পারে না। বাঙ্গালির পক্ষে বিলাত একটি প্রকৃত শিক্ষার স্থান। প্রকৃত মনুষ্যত্ব কিসে হয়, তাহা তথায় গিয়া অনেকে জানিতে পারিবেন।

ইংলণ্ড হইতে কলিকাতা নিবাসী

এক জন ব্রাহ্মের পত্র।

ব্রাইটন পুরী।

ব্রাইটন পুরী সমুদ্রের ধারে। এক মাসের অধিক কাল সমুদ্রের উপর থাকিয়া সমুদ্র পুরাতন হইয়া গিয়াছিল এবং সকল পুরাতন সামগ্রীর ন্যায় তাহার উপরেও বিরক্ত হইয়া গিয়াছিল। কিন্তু তীর হইতে সমুদ্রের শোভায় আর এক নূতন ভাব। এখন তাহার তরঙ্গ ও অর্মাণিককে অস্থির করিতে পারে না, তাহার চিরকালের সেই একই ভাব আমাদের শ্রবণকে বিরক্ত করিতে পারে না। নীল সমুদ্র সম্মুখে আকাশ পর্য্যন্ত প্রসারিত রহিয়াছে, যত ইচ্ছা তাহার সৌন্দর্য্য দর্শন কর। ব্রাইটনে এক দিন প্রায় সমস্ত দিনই সূর্য্য উঠিয়াছিল\*

\* গ্রীষ্ম কালে ইংলণ্ডে রাজ স্বপ্ন।

এক দিন প্রায় সমস্ত দিন বর্ষা ও বৃষ্টি গিয়াছিল এবং বজ্র বিদ্যুৎ হইয়াছিল। এই দুই দিনই মনে করিতে পারিয়াছিলাম, আমাদের দেশের বায়ুতেই বিচরণ করিতেছি। আমাদের শীত কালের মধুর শীতল উজ্জ্বল দিন ও বর্ষার বজ্র বিদ্যুৎময়ী নিশার ভাব সেই দুই দিন পাইয়াছিলাম, আর যে এদেশে সে দিন পাইব, এমত বোধ হয় না।

বঙ্কেশ পল্লী।

ব্রাইটন হইতে অনতিদূরে এক পল্লীতে গিয়া এখানকার পল্লীর ভাব দর্শন করিলাম। সে পল্লীর নাম বঙ্কেশ। কি চমৎকার! এসময়ে (বৈশাখ মাসে) বৃক্ষসকল নূতন পত্র পরিধান করিতে আরম্ভ করিয়াছে, চতুর্দিক হরিদ্বর্ণে রঞ্জিত হইয়া শোভা পাইতেছে। সকল নিস্তর, কেবল বনের বিহঙ্গেরা মধুর স্বরে গান করিতেছে। সকল স্থান পরিষ্কার পরিচ্ছন্ন। এক একটি সুন্দর কুটার বৃক্ষ লতার মধ্য হইতে শোভা পাইতেছে, ইচ্ছা হইল, আমরা সকলে মিলিয়া এই স্থানে অগিয়া বাস করি। আমরা মনে করি, রাজা শত রাজ্যের অধীশ্বর হইয়া বড় সুখে আছেন, কিন্তু এক জন সামান্য মোটবাহী শত মন মোট মস্তকে বহন করিয়া যেমন ক্লিষ্ট হয়, এক জন রাজার রাজ্য-ভার তাহা অপেক্ষাও ক্লেশের কারণ। বৃহদায়তন ভূমির আধিপত্যের সঙ্গে কত লোকে আপন ক্ষুদ্র কুটার বিনিময় করিতে চাহে। এই প্রকার অধিপতি হওয়াও বাহা—প্রজা লোকের সঙ্গে বিবাদ করা, রাত্রি দিন আপনার ক্ষতি বুদ্ধি গণনা করা, অন্যের অত্যাচার ভয়ে সর্বদা ব্যস্ত থাকাও তাহা। কিন্তু উক্ত প্রকার একটি ক্ষুদ্র পল্লীতে যে ব্যক্তি আপনার ক্ষুদ্র জীবিকা নির্বাহ করিতেছে, ঈশ্বরের প্রতি লক্ষ্য রাখিয়া আপনার পরিবার

পোষণ করিতেছে, ও সাধ্য অনুসারে ভ্রাতার মঙ্গল সাধন করিতেছে, তাহার সুখ কেমন মহত্তর। তাহাদের যৎসামান্য বিষয় বিভব তাহাদের নখাগ্রে, তাহার জন্যে তাহাদের দিবা নিশি চিন্তা করিতে হয় না। এই পল্লীতে ছোট ছোট বালকেরা সুখে ক্রীড়া করিয়া বেড়াইতেছে, জীবন ও স্বাস্থ্য তাহারা পরিপূর্ণ।

লণ্ডন নগরী।

লণ্ডন নগরীর ভাব এই প্রকার শান্ত স্থানের সম্পূর্ণ বিপরীত। এখানে কেবলি ব্যস্ততা, কেবলি গোলমাল। ইহার অন্তরে প্রবেশ করিলে কর্মের মূর্তিমান্ ভাব দেখিতে পাওয়া যায়। লণ্ডন, যেন একটি মধুক্রম, আর সকলে মধু-মক্ষিকার ন্যায় আপন আপন স্থানে কর্ম করিতেছে। ইং-রাজেরা প্রকৃত কর্মঠ জাতি, কাম্পনার ক্ষেত্রে তাহারা অধিক ক্ষণ নৃত্য করিতে পারে না। এ জাতির মধ্যে শেক্সপিয়ার মিল্টন প্রভৃতি কাম্পনার অবতারেরা কি রূপে উদয় হইল, তাহাই আশ্চর্য্যের বিষয়। তাহারা কলের দিকে না দেখিয়া কোন কর্ম আরম্ভ করে না। ইংরাজ জাতির সময়ের মূল্য বিলক্ষণ বুঝে। তাহাদের এক বচন আছে “সময় পয়সা।” বোধ হয় তাহার অর্থ এই যে যে সময়ে পয়সা উপার্জন না হইল, সে সময় রুখা। অন্যের জন্যে যে কেহ কোন কার্য করবে, সেই পয়সা চায়। নিঃস্বার্থ ভাবে বন্ধুর ন্যায় অন্যকে সাহায্য করে এমন লোক অতি অল্প। ইহাতে আমি ইংরাজ জাতিকে দোষ দিতেছি না, এখানকার সমাজের বন্ধনই এই। এক জন অন্যের উপর নির্ভর করিতে চাহে না। আমেরিকার যুদ্ধে এখানকার তুলা-প্রদেশের লোকদিগের কি ভয়ানক দুর্দশা হইয়াছে, তাহা

শুনিয়া থাকিবেন। শত শত লোক অন্ন-ভাবে প্রাণ ত্যাগ করিতেছে, কিন্তু ইংলণ্ডের ব্যবসায়ী দলের একপ স্বাধীন ভাব, যে তাহারা অন্নভাবে প্রাণ ত্যাগ করবে, তথাপি অন্যের নিকট হইতে ভিক্ষা চাহিবেন না। কোন হিতৈষী বন্ধু তাহারদিগের কাহাকে সাহায্য দিতে আইলে সে বলে, আমার কোন কিছুই অভাব নাই, আমার ভ্রাতার এক গ্রাস অন্ন জোটে না, তাহাকে দান কর। এদেশে অন্নের অভাবে প্রাণ হারাইবার কোন আবশ্যিক নাই। নির্ধনের জন্যে শত শত দ্বার মুক্ত রহিয়াছে এবং নিরন্নের জন্যে অন্ন প্রস্তুত রহিয়াছে। কিন্তু কত কত লোক প্রাণ ত্যাগ করিতেছে, তথাপি এই গৃহে প্রবেশ করিবে না, এবং এই অন্ন গ্রহণ করিবে না। ইংলণ্ডের সমুদয় জাতিই এক শরীর; ইহার এক অঙ্গ ব্যাধিত হইলে সকলেই ব্যথা-গ্রস্ত হয়। ইহার এক সীমা হইতে সীমান্তর পর্য্যন্ত এক নাড়ী ধব ধব করিতেছে। রাজ্যের স্বাধীনতা, সামাজিক স্বাধীনতা, প্রতি জনের স্বাধীনতা সকলই এদেশে ওতপ্রোত হইয়া রহিয়াছে। দাস এদেশে যে দণ্ডে পদার্পণ করে, সেই দণ্ডে তাহার সকল শৃঙ্খন ভগ্ন হইয়া পড়ে। ভারতবর্ষ কবে এই প্রকার স্বাধীনতা, ও এই প্রকার ঐক্যতার আলয় হইবে।

ব্রাহ্মধর্মের তাৎপর্য্য।

ত্রয়োদশ অধ্যায়।

১১০

সত্যই জয়যুক্ত হয়, মিথ্যার জয় হয় না। সত্য কখন দ্বারা, মনের একাগ্রতা দ্বারা, সম্যক জ্ঞান দ্বারা, এই পরমাত্মাকে



লাভ করা যায়। ঋষি-সকল এই সমস্ত অনুষ্ঠান দ্বারা তৃপ্ত-চিত্ত হইয়া সত্যের পরম নিধান পরব্রহ্মকে প্রাপ্ত হইলেন।

শান্তচিত্ত হইয়া সত্যকে জানি, এবং সত্যকে জানিয়া সত্যের পথে চল; তবে জয়যুক্ত হইবে। যদি পরমেশ্বরকে লাভ করিবে; তবে সত্যের শরণ গ্রহণ কর, মিথ্যা ও কপটতা পরিহার কর। সত্যের অবলম্বন দ্বারা, মনের একাগ্রতা দ্বারা, সম্যক্ জ্ঞান দ্বারা তাঁহাকে লাভ করা যায়। পূর্বে পূর্বে যে সকল ঋষিরা সেই মঙ্গল-স্বরূপকে বিশুদ্ধ জ্ঞান-নেত্র দ্বারা নিরীক্ষণ করিয়া আত্মাকে পবিত্র ও পরিতৃপ্ত করিয়াছিলেন, তাঁহারা কেবল এই সকল উপায় অবলম্বন দ্বারা এই সংসিদ্ধ হইয়াছিলেন।

১১১

প্রকাশবান্, নিরবয়ব, পূর্ণ পুরুষ, সকলের বাহিরেও আছেন, এবং সকলের অন্তরেও আছেন, এবং জন্মরহিত, তাঁহার শারীরিক প্রাণও নাই এবং মনও নাই; ক্ষীণ-দোষ যত্নশীল ধীরেরা যঁহাকে দৃষ্টি করেন।

তিনি প্রকাশবান্, তিনি সর্বত্র প্রকাশিত রহিয়াছেন। এই অপরিমিত বিশ্বের প্রত্যেক পদার্থ তাঁহার সত্তার প্রমাণ দিতেছে, ইহার প্রত্যেক শক্তি সেই মূল-শক্তিকে প্রকাশ করিতেছে। তাঁহার কোন মূর্তি নাই, তিনি পূর্ণ পুরুষ; সকল বস্তুর বাহিরেও আছেন এবং সকল বস্তুর অন্তরেও স্থিতি করিতেছেন। তিনি জন্ম-রহিত, তিনি সর্বকালে বিদ্যমান ও অবি-

শ্বর স্বভাব। তিনি মনুষ্যাদির ন্যায় প্রাণ-বায়ু অবলম্বন করিয়া জীবিত থাকেন না, তিনি প্রাণের প্রাণ। মন তাঁহা কর্তৃক সৃষ্ট ক্ষুদ্র পদার্থ বিশেষ, অতএব তাঁহার এতদৃশ মন থাকিবার সম্ভাবনা নাই। তাঁহার জ্ঞান আমারদের জ্ঞানের ন্যায় মনোরূপে দ্বারা উৎপন্ন হয় না, তাঁহার জ্ঞান-ক্রিয়া স্বভাব-সিদ্ধ। যঁহারা পাপ কর্ম করিতে বিরত থাকিয়া পবিত্র হইয়া তাঁহাকে অন্বেষণ করেন, তাঁহারা এই প্রকাশবান্ নিরবয়ব পূর্ণ পবিত্র পুরুষকে সর্বত্র প্রত্যক্ষ করিয়া অপার আনন্দ উপভোগ করেন।

১১২

যিনি দেবতাদিগের অধিপতি, যঁহাতে লোক-সকল আশ্রিত হইয়া রহিয়াছে, যিনি এই দ্বিপদ ও চতুষ্পদ তাবৎ জন্তুদিগকে শাসনে রাখেন; তিনি এই জন্ম-বিহীন মহান্ আত্মা।

তিনি চক্ষুর অগোচর কীটাদি অবধি, লোকান্তর নিবাসী দেবগণ পর্যন্ত, সকল জীবের একমাত্র অবলম্বন ও অধিপতি; যঁহার বিধানানুসারে সূর্য্য, চন্দ্র, গ্রহ, নক্ষত্র, ধূমকেতু স্বীয় স্বীয় নির্দিষ্ট পথে অবিচ্যুত ভ্রমণ করিতেছে; যঁহার শাসনের অধীন থাকিয়া কি মনুষ্য কি পশু সকলই চির কাল প্রতিপালিত হইতেছে; তিনি এই জন্ম রহিত মহান্ আত্মা।

১১৩

এই পরমাত্মাকে কেহ দর্শন করে নাই, কিন্তু তিনি সকলই দর্শন করেন; কেহ তাঁহাকে শ্রুতি গোচর করে নাই, কিন্তু তিনি সকলই শ্রবণ করেন; কেহ

তাঁহাকে মনন করিতে পারে নাই, কিন্তু তিনি সকলই মনন করেন; কেহ তাঁহাকে জ্ঞাত হয় নাই, কিন্তু তিনি সকলই জানেন।

পূর্ণ পুরুষ পরমেশ্বরের চক্ষু কণাদি কোন ইন্দ্রিয় নাই; কিন্তু আমরা চক্ষু-কণাদি ইন্দ্রিয় দ্বারা যাহা কিছু জানিতে পারি, সেই স্বয়ম্ভু অনাদি পুরুষ তাহার সমুদায়ই জানেন, এবং আমরা যাহা কিছু না জানিতে পারি, তাহাও তিনি জানেন। তিনি নিঃশেষ-রূপে সকলের সকলই জানেন, কিন্তু কেহই তাঁহার স্বরূপের অন্ত জানিতে পারে না।

১১৪

ইহা নহে, ইহা নহে, এই প্রকার সেই এই পরমাত্মার নির্দেশ; তিনি ইন্দ্রিয় ও মনের গ্রাহ্য নহেন, সুতরাং কেহ তাঁহাকে গ্রহণ করিতে পারে না।

সৃষ্টি স্থিতি প্রলয় কর্তা যে পরমেশ্বর, তিনি সৃষ্টির অতীত বস্তু, এই মাত্র তাঁহার নির্দেশ। যাহা কিছু চক্ষুদ্বারা দেখা যায়, তাহা তিনি নহেন; মন দ্বারা যঁহাকে মনন করিতে পরা যায়, তাহা তিনি নহেন; তিনি ইন্দ্রিয় ও মনের অগ্রাহ্য। তিনি আত্ম-প্রত্যয়-সিদ্ধ অতি নিগূঢ় তত্ত্ব।

১১৫

সেই এই পরমাত্মা সকলের নিয়ন্তা ও সকলের অধিপতি; তিনি এই জগতে যে কিছু পদার্থ আছে, সমুদায়েরই শাসন করেন।

বীর্ষ্যবান্ সূর্য্য অবধি সূক্ষ্ম কীটাদি

পর্যন্ত, দেব মনুষ্য পশু পক্ষী সকলই তাঁহার শাসনে রহিয়াছে, কেহ তাঁহার শাসন অতিক্রম করিতে সমর্থ হয় না।

১১৬

শরীরের পরম উৎকৃষ্ট স্থানে বুদ্ধি মধ্যে দুই জন\* প্রবিষ্ট হইয়া রহিয়াছেন; তন্মধ্যে এক জন† স্বকৃত কর্ম ফল ভোগ করেন, আর এক জন‡ সেই ফল প্রদান করেন। ব্রহ্মবিৎ তত্ত্ব-জ্ঞেরা তাঁহাদিগকে ছায়া ও আতপের ন্যায় পরস্পর ভিন্ন করিয়া বলেন, আর পঞ্চাগ্নি ও ত্রিণাটিকेत কশ্মিরাও এই প্রকার কহিয়া থাকেন।

জীবাত্মা এবং তাহার আশ্রয় সর্বব্যাপী পরমাত্মা উভয়েই শরীরের অভ্যন্তরে অবস্থিতি করিতেছেন। ছায়া এবং আতপ যেকোন পরস্পর বিলক্ষণ ও ভিন্ন পদার্থ, জীবাত্মা ও পরমাত্মা সেই রূপ পরস্পর ভিন্ন পদার্থ। যেমন আতপ ব্যতীত ছায়া থাকিতে পারে না, সেই রূপ পরমাত্মার আশ্রয় ব্যতীত জীবাত্মার সত্তার সম্ভব হয় না। পরমাত্মা জীবের কর্মানুরূপ ফল প্রদান করেন, জীবাত্মা সেই ফল ভোগ করিয়া বুদ্ধিত হইতে থাকেন। কেবল তত্ত্বদর্শী ব্রহ্মবিদেরা এই উভয়কে একরূপ বিলক্ষণ-স্বভাব বলিয়া নিশ্চয় করিয়াছেন, এমত নহে; অগ্নিহোত্রী কশ্মিরাও এই রূপ বলিয়া থাকেন।

ইতি প্রথমখণ্ডে ত্রয়োদশোধ্যায়ঃ

\* পরমাত্মা আর জীবাত্মা।

† জীবাত্মা। ‡ পরমাত্মা।

## দুর্গোৎসব।

“যক্ষ্মনসা ন মনুতে যেনাহম নোমতং ।  
তদেব ব্রহ্ম স্তং বিদ্ধি মেদং যদিদমুপাসতে ।”

মনের দ্বারা যাঁহাকে মনন করা যায় না, যিনি মনের প্রত্যেক মননকে জানেন ; তাঁহাকে ব্রহ্ম বলিয়া জান, লোকে যে কিছু পরিমিত পদার্থের উপাসনা করে, তাহা কখনো ব্রহ্ম নহে।

দুর্গোৎসব বঙ্গবাসীদিগের প্রধান উৎসব। পৌত্তলিকতার সঙ্গে যত প্রকার দোষ থাকিতে পারে, ইহার মধ্যে তাহার সকলি আছে। দুর্গোৎসবের সময় লোকের অর্থ গৌরব প্রকাশ করিবার সময়। দুর্গোৎসবের সময় আমোদ, প্রমোদ, অত্যাচার ও উন্নততার সময়। যেখানে যাও, ধূপ ধূনার গন্ধ—নৃত্যগীতের আমোদ—ছাগ মহিষের রক্ত স্রোত—বাদ্যধ্বনি, জন কোলাহল নয়ন ও মন আকর্ষণ করে। এসময়ে দেশের আবালা-বুদ্ধ বনিতা সকল লোকের মন মহা উৎসাহে উত্তেজিত হয় ; যথার্থ দেশহিতৈষীর মন নিরুৎসাহে পূর্ণ হয়। পৌত্তলিকতার দূষিত দুর্গন্ধ বায়ুর মধ্যে যখন আর আর সকলে উল্লসিতচিত্তে সঞ্চরণ করিতে থাকে, তিনি সত্যের মহিমা মান দেখিয়া এই উৎসব কোলাহলের মধ্যে মৌন ভাব ধারণ করেন। তিনি বিষয় হইয়া দেখেন, সহস্র সহস্র ব্যক্তি জানিয়া শুনিয়া জ্ঞানশূন্য ভাবশূন্য স্বহস্ত-রচিত প্রতিমূর্তি সমীপে দণ্ডায়মান হইয়া পুষ্পাঞ্জলি প্রদান করিতেছে। ঐ সকল প্রতিমূর্তির প্রতি যাঁহাতে মনের প্রকৃত জন্মিতে পারে, তাঁহাতে এমন কিছুই নাই। অভ্যাসের গুণে পৌত্তলিকতার যথার্থ কুৎসিত ভাব মনে উদয় হয় না। কেমন করিয়াই বা হইবে? বাহিরের আড়ম্বর এই প্রকার যে তাঁহাতেই মন সম্পূর্ণ রূপে মুগ্ধ

হইয়া যায়। ঈশ্বরের উপাসনার ভাব কিছুই নাই। মনকে তুলাইয়া রাখিবার নানা সামগ্রী রহিয়াছে। নানাবিধ লোক একত্র হইয়াছে—হাস্য পরিহাস চলিতেছে—ধূপ ধূনার গন্ধে চতুর্দিক আমোদিত হইয়াছে,—বলিদান হইতেছে—বাদ্যধ্বনি উঠিতেছে। যাঁহার নিকটে মনের কুপ্রবৃত্তি-সকলকে বলিদান দিতে হইবে, তাঁহার সম্মুখে নিদোষী ছাগ মহিষের রক্ত-স্রোত প্রবাহিত হইতেছে। মনুষ্য ঈশ্বর ভিন্ন থাকিতে পারেন না, তিনি অকৃত অমৃত ঈশ্বরকে না পাইলেও আপনার মনের মত করিয়া ঈশ্বর নির্মাণ করেন। তিনি পৃথিবীর ধূলি স্বর্গে লইয়া যান, পৃথিবীর গঙ্গাকে স্বর্গের মন্দাকিনী রূপে কল্পনা করেন। যাঁহার বিমল আদর্শ দেখিয়া আপনাকে শোধন করিতে হইবে, মনুষ্য তাঁহাকে আপনার আদর্শে নির্মাণ করেন। যখন তিনি ঈশ্বরের বিশুদ্ধ ধর্ম-নিয়ম অনুযায়ী আপনাকে পবিত্র করা নিতান্ত কঠিন বিবেচনা করেন, তখন তীর্থ-দর্শন গঙ্গাস্নান প্রভৃতি মুক্তির সহজ উপায় করিয়া লন। তিনি আপনার ইচ্ছা, আপনার ভাব, আপনার স্বার্থপরতার অনুরূপ আপনার ঈশ্বর কল্পনা করেন। তাঁহার কুপ্রবৃত্তি-সকলকে চরিতার্থ করা চাই—মনের প্রসন্নতাও রক্ষা করা চাই। যে কাঙ্ক্ষনিক ধর্ম এই দুই দিক রক্ষা করিতে পারে, তাঁহাই সাধারণের প্রার্থ হয়। এক দিকে অত্যাচার, আর দিকে কঠোরতা ; এ দিকে শিথিল ধর্ম, ও দিকে কষ্ট-সাধন অনুষ্ঠানের ক্রটি নাই। স্বচ্ছাচারের দ্বার মুক্ত থাকা আবশ্যিক, আবার আত্মগ্লানি নিবারণের পথ প্রস্তুত থাকাও আবশ্যিক। চমৎকার বিপর্যয়-ভাব ! পৌত্তলিকতার এই সাধারণ দোষ দুর্গোৎসবে বিশেষরূপে প্রকাশমান। প্রায় বিংশতি বৎসর পূর্বে এই তত্ত্ববোধিনী

পত্রিকাতে দুর্গোৎসবের যে সকল দোষ উল্লেখ করা গিয়াছিল, এখনো সেই সকল দোষ সম্পূর্ণই আছে। দুর্গোৎসবের “উদ্যোগে অমঙ্গল, উৎসবের সময়ে অমঙ্গল, এবং ইহার সমাপ্তিতেও প্রচুর অমঙ্গল দ্বারা প্রতি বৎসর এই সময়ে বঙ্গভূমি পরিপূর্ণ হইয়া থাকে।” “এদেশে সম্রাটের যত দুর্ভিক্ষ হয়, এই তিন দিবসে তাহা সম্পূর্ণ রূপে কৃত হয়। এই সকল দুর্ভিক্ষ স্বভাবতই অপরাধের কারণ, কিন্তু ধর্মের সঙ্গে সংযুক্ত থাকিতে তাঁহারা বিষম অপরাধের হেতু হইয়াছে। ধর্ম অনুশীলনের নির্দিষ্ট কাল যাঁহারদিগের সম্পূর্ণ অধর্ম আচরণের কাল হয় এবং ঈশ্বর উপাসনার নিমিত্তে নিশ্চিত স্থান যাঁহারদিগের কুর্ভিক্ষ সূচক আমোদের সম্ভোগ স্থল হয়, তাঁহাদিগের আর নিষ্কৃতির উপায় কি? এদেশস্থ লোকের এই প্রকার বিপরীত প্রকৃতি দেখিয়া কে না বিস্মিত ও দুঃখিত হয়?”

পূজার তিন দিন পাপের স্রোত বহিতে থাকে। এই তিন দিনে শত শত শরীর অবসন্ন হয়, মন দুর্বল হয়, নীচ প্রবৃত্তি সকল প্রদীপ্ত হয়। “এপ্রকার ঘটনাও হয় যে যাঁহারা যে নদী তীরে বিজয়ার আমোদে উল্লসিত হইয়াছিলেন, পর দিবস তাঁহারা সেই নদীতীরে চিতারোগ করিয়াছেন।” এই প্রকার এক এক উৎসবে আমাদের দেশের মুখ যত মলিন হয়, আর শত শত দুর্ঘটনায় সে প্রকার হয় না। আমাদের বিশ্বাস এই যে সকল প্রকার পৌত্তলিক আচার উঠিরা না গেলে এদেশের আর মঙ্গল নাই।

যাঁহাদের পৌত্তলিক ধর্মে যথার্থ বিশ্বাস, তাঁহাদের কথা স্বতন্ত্র ; কিন্তু জ্ঞান-সম্পন্ন ব্যক্তিদিগের আচরণ দেখিয়া আরো দুঃখিত হইতে হয়। অজ্ঞান ও কুসংস্কার

পৌত্তলিকতার জন্ম স্থান, কিন্তু আলোকের মধ্যেও পৌত্তলিকতার বিকট মূর্তি যে এখনো রহিয়াছে, ইহাই আশ্চর্য। দূরবীক্ষণ দিয়া এক বার আকাশের প্রতি চাহিয়া দেখিলে যেমন কোটি কোটি নক্ষত্র আবিষ্কৃত হইয়া অনন্তের মহিমা ব্যক্ত করে, তেমনি তাহার সঙ্গে সঙ্গে হিন্দু ধর্মের কোটি কোটি দেবতাও অন্তর্হিত হইয়া যায়। এক্ষণে সুশিক্ষিত মণ্ডলী হইতে পৌত্তলিক ধর্মে বিশ্বাস চলিয়া যাইতেছে। তাঁহাদের মধ্যে এখন আর কেহই বিশ্বাস করেননা যে পৃথিবী বাস্তুকির পৃষ্ঠে স্থাপিত আছে। তাঁহারা বিশ্বাস করেন না যে তেত্রিশ কোটি দেবতা পৃথিবীর অধিপতি। তাঁহারা মনে করেন না যে জলের দেবতা, অগ্নির দেবতা ; ধনের দেবতা, বিদ্যার দেবতা ; আয়ুর দেবতা, মৃত্যুর দেবতা স্বতন্ত্র। এক্ষণে জিজ্ঞাস্য এই, তবে কেন তাঁহারা অদ্যাপি দেবদেবীর পূজা করেন? তাঁহারা পৌত্তলিকতার সঙ্গে সংস্রব রাখেন কেন? তাঁহারা কি প্রকারে ইচ্ছা পূর্বক এমন অন্ধ হন যে অন্য অন্ধে তাঁহাদের হাত ধরিয়া লইয়া যায়? এই সকল প্রশ্ন যথা জিজ্ঞাসা করিতেছি। তাঁহাদের জ্ঞানের অভাব নাই যে তাঁহারা কিগকে ভ্রম দেখাইয়া দিলেই হইবে। যদি প্রত্যয় জন্মাইয়া দিতে পারিলেই কৃতকার্য হওয়া যাইত, তবে আর কোন ভাবনা থাকিত না! ইহা সকলেই জানে যে পৌত্তলিক ধর্মে তাঁহাদের একরত্তিও বিশ্বাস নাই। তাঁহাদের জ্ঞানের অভাব নাই—তাঁহাদের ইচ্ছার অভাব, ধর্ম-উৎসাহের অভাব। তাঁহারা মুখে দেশের কুপ্রথা-সকলের নিন্দা করিতে সর্বাপ্রাে তৎপর; কিন্তু এই সকল অমঙ্গল নিবারণের জন্য তাঁহারা একটা উপায়ও অন্বেষণ করেন না। কার্যের সময় তাঁহারা একটা বাণও নিক্ষেপ

করেন না। তাঁহারা নিজে যখন সেই সকল দোষে দোষী হন, তখন বলেন 'সময় হয় নাই।' তাঁহারা লোকনিন্দা-ভয়ে সঙ্কুচিত হন। তাঁহারা সময় প্রতীক্ষা করিয়া থাকেন; যে পক্ষ প্রবল হয়, সেই মতেই তাঁহাদের মত। কেহই পথ দেখাইতে চাহেন না, সকলেই সময়ের দোষ দেন ও দেশের দোষ দেন। যাঁহারা ধনী, প্রভুত্ব-শীল ও পদশালী, লোকাচারকে ভয় করিবার যাঁহাদের কিছুমাত্র প্রয়োজন নাই, যাঁহাদের অস্পষ্ট চেষ্ঠাতে অধিক ফল কলিতে পারে; তাঁহারাও সম্পূর্ণ চেষ্ঠাশূন্য। তাঁহারা স্বীয় ধন-বলে, প্রভুত্ব-বলে, মতের যতদূর সাহায্য করিতে পারেন, তাহা কেহই করেন না। তাহা দূরে থাকুক, তাঁহাদের মধ্যে অনেকে কি এই দুর্গা পূজাতে সর্বস্ব ব্যয় করিতেও প্রস্তুত নহেন। যাঁহারা সহস্র লোকের প্রভু হইতে চাহেন, তাঁহারা আবার লোকাচারের একান্ত দাস। এই রূপে আমাদের দেশের নানা সম্প্রদায়ের লোক নানা কারণে ধর্ম-যুদ্ধে বিমুখ। তাঁহারা আপনারা যাহা যথার্থ বুঝেন, লোকের অনুরোধে তাহার বিপরীত আচরণ করেন। আপনার ধর্ম-বুদ্ধিকে অবমাননা করিয়া চিরসঞ্চিত কুসংস্কার মান্য করেন। তাঁহারা প্রতিমার সম্মুখে অঞ্জলিবদ্ধ করিয়া দাঁড়ান; কিন্তু যে বেশে দাঁড়ান, তাহা কপটতারই বেশ। এক্ষণকার বিদ্যাবানদিগের আচরণ যদি এই প্রকার হইল, তবে আমরা এদেশের নিকট হইতে আর কি আশা করিতে পারি? হে বিদ্বন্! এমন কখনই মনে করিও না যে এই প্রকার কপট বেশ ধারণ করিয়া লোকের মন তুমি যথার্থ ভুলাইতে পারি? এই প্রকার আচরণে তোমার কোন কুলই রক্ষা পাইবে না। ইহাতে তুমি যথার্থবাদীদিগের প্রীতির

ভাজন হইবে না এবং প্রকৃত পৌত্তলিক-দিগেরও প্রসন্নতা লাভ করিতে পারিবে না। এক্ষণে অবিশ্বাস ও কপটতার অধিক প্রাচুর্য দেখিতেছি। যাঁহারা বিদ্যা বুদ্ধিতে সকল প্রকারেই শ্রেষ্ঠ, তাঁহারা মন্ত্র গ্রহণ, দুর্গা পূজা, পিণ্ডদান প্রভৃতি সকলই করিয়া থাকেন। বিদ্যাবানদিগের মধ্যে যাঁহারা পৌত্তলিক ক্রিয়া-কলাপ সকলই অক্ষুণ্ণ চিত্তে করিয়া থাকেন, নিশ্চয় জানিও তাঁহাদের কোন ধর্মেই শ্রদ্ধা নাই। ধর্মেতে শ্রদ্ধা থাকিলে তাঁহারা এপ্রকার কখনই করিতে পারিতেন না। তাঁহাদের মত এই, সাধারণ লোকের জন্য একটা ধর্ম চাই, তবে যাহা হইয়া আসিতেছে, তাহাই ভাল। ধর্মের জন্য এত লোকের বিপক্ষতা সহ করিতে তাঁহাদের মত নহে। ধর্মের জন্য কষ্ট স্বীকার করা আর শূন্যের জন্য কষ্ট করা তাঁহাদের নিকটে উভয়ই সমান। যৎকালে যুবকেরা বিদ্যালয়ে অধ্যয়ন করেন, তাঁহাদের তৎকালীন ভাব দেখিয়া মনে হয়, বুঝি ইহাদের দ্বারা দেশের ছরবহা মোচন হইতে পারিবে। কিন্তু সংসারে প্রবিষ্ট হইবা মাত্র তাঁহাদের দেশ-হিতৈষিতা মনস্থিতা সকলি চলিয়া যায়। সংসারের শীতল বারিণ এমনি গুণ যে তাহা হৃদয়ের সমুদায় অগ্নি নির্বাণ করিয়া ফেলে।

কিন্তু নিরাশ হইবার বিষয় নাই। ২৫  
ব্যতীত কোন জাতিই অধিক দিন থাকিতে পারে না। মনুষ্যের হৃদয় শূন্য অবলম্বন করিয়া বাঁচিতে পারে না। অবিশ্বাসের রাজত্ব অধিক কাল নহে। সে যেমন বিশুদ্ধ ধর্মকে ভয় করে, এমন আর কিছুকে ভয় করে না। এ দেশে এক্ষণে দেখ, এমন অজ্ঞান এমন অবিশ্বাসের মধ্যে বিশুদ্ধ ধর্মের আলোক কেমন অস্পষ্ট অস্পষ্ট প্রকাশ

পাইতেছে। পৌত্তলিকতার উৎসন্ন দশার মধ্যে এখন ব্রাহ্মধর্ম উদ্ভিত হইতেছে। ব্রাহ্মধর্মের বল প্রচার হইলে ধর্ম-ভীরুতা চলিয়া যাইবে, তাহার আর সন্দেহ নাই। এই ধর্ম-ভীরুতার প্রধান কারণ, ধর্মে অবিশ্বাস। বিশ্বাস-শূন্য হৃদয়ের এমন কিছুই বল নাই, যে তাহা প্রচলিত ধর্মের বিপক্ষে খড়্গ ধারণ করিতে পারে। কিন্তু মনুষ্য যখন বিশুদ্ধ ধর্মের আশ্রয় গ্রহণ করেন, তখন তাহার বলের সীমা থাকে না। সে বলের নিকটে শত সহস্র বাধা পরাভূত হয়। সে বলের প্রভাবে রাশি রাশি অমঙ্গল তিরোহিত হয়। ব্রাহ্মেরা এখন সেই ধর্মবল প্রকাশ করুন। ব্রাহ্ম ধর্মের জয় পতাকা হস্তে করিয়া যে দিকে যাওয়া যাইবে, সেই দিকেই জয় লাভ হইবে। পৌত্তলিক ধর্ম এখন জীর্ণ দশা প্রাপ্ত হইয়াছে, কতিপয় শূর উদ্ভিত হইলেই তাহা এককালে বিনাশ প্রাপ্ত হয়। ব্রাহ্মেরা উদ্ভিত হউন। তাঁহারা যেন সাধু দৃষ্টান্ত প্রচার করিতে বিমুখ না হন। এই দুর্গোৎসবই তাহা প্রচার করিবার উপযুক্ত সময়। ব্রাহ্মেরা এক ঈশ্বরের উপাসক। তাঁহারা ব্রত করিয়াছেন "সর্ব স্রষ্টা পরব্রহ্ম রূপে সৃষ্ট কোন বস্তুর আরাধনা করিব না" তাঁহারা যেন প্রাণপণে সেই ব্রত পালন করেন। ব্রত হীন হওয়া অপেক্ষা ব্রত ভঙ্গ করা অধিক পাপ। ব্রাহ্মেরা যেন পৌত্তলিকতার সঙ্গে কোন সংস্রব না রাখেন। তাঁহাদের উদাসীন থাকিলেও কিছুই হইবে না। পৌত্তলিকতার সম্যক উচ্ছেদ সাধন করিবার জন্য তাঁহাদের প্রাণগত যত্ন করিতে হইবে। শত্রুর সম্মুখে পুত্র কি পিতার পরিচয়, মেলা কি রাজার পরিচয় দিতে ভয় করিয়া থাকে? ব্রাহ্মগণ! তোমরা কি সকলের সম্মুখে এক ঈশ্বরের মহিমা প্রচার করিতে

ভয় করিবে? তোমার কি সহস্র সহস্র কপট বেশী পৌত্তলিকের নিকটে গিয়া 'একমেবাদ্বিতীয়ং' জয়ধ্বনি উচ্চারণ করিবে না? তোমরা কি উচ্চৈঃস্বরে সর্বত্র ঘোষণা করিয়া দিবে না 'সত্যমেব জয়তে নানৃতং'? যে সত্য তোমাদের হৃদয়ে অনুবিষ্ট হইয়াছে, তাহা যদি নির্ভয়ে প্রচার করিতে পার; তবে বঙ্গদেশে যে কি এক অগ্নি প্রজ্বলিত হইয়া উঠিতে পারে, তাহা কে না জানে? যে হস্তে প্রদীপ থাকে, সে হস্তের গুণে কিছুই হয় না; কিন্তু সেই প্রদীপেব আলোকে সকল স্থান আলোকময় হয়। সত্য তোমাদের প্রদীপ স্বরূপ হইয়া অতি অন্ধকার প্রদেশেও আলোক বর্ষণ করিবে। তোমাদের হস্তে গুরুতর ভার। অধর্ম বিনাশ করিতে হইবে—সত্য ধর্ম প্রচার করিতে হইবে। এই পূজার সময় তোমাদের বল প্রকাশ করিবার সময়। ব্রাহ্ম গৃহস্থামী স্বীয় গৃহে প্রতিমা স্থাপন করিবেন না। পৌত্তলিক পরিবারের মধ্যে যদি এক জন ব্রাহ্ম থাকেন, প্রাণ গেলেও তিনি পুতুল পূজা করিবেন না। ব্রাহ্ম যদি পূজার গৃহে নিমন্ত্রিত হন, সে গৃহে তিনি গমন করিবেন না। যদি সেখানে যান, তবে পৌত্তলিকদের মধ্যে সত্য ধর্ম প্রচার করিতে যাইবেন। তাঁহারা যেন কোন মতেই সংগ্রামে বিমুখ না হন। তাঁহারা যদি ধর্ম-যুদ্ধে পরাঙ্ঘু হন, তবে এদেশের আর কোথাও আশা নাই। ধর্মের জন্য যদি আমাদের লোকের গঞ্জনা সহ করিতে হয়—যদি শাকান্ন আহার করিয়া যথা কথঞ্চিৎ রূপে দিনপাত করিতে হয়; তথাপি যেন আমরা অপরাজিত চিত্তে ধর্মেতে অনুরক্ত থাকি। আমাদের কলঙ্কিত করিয়া, প্রিয়তম ঈশ্বরকে হারাইয়া, স্তূপাকাররক্ত কাঞ্চন লইয়া, আমরা কি করিব? আমরা

যে ব্রত ধারণ করিয়াছি, তাহা পালন করিতেই হইবে। আমাদের হৃদয় এপ্রকার সারহীন নয় যে, যে দিকে লইয়া যাও সেই দিকেই যাইবে—সময় বুঝিয়া প্রতি পদ সঞ্চরণ করিতে হইবে। আমরা এ প্রকার উপদেশ পাই নাই যে রূপট বৈশীদেবের সহিত রূপট ভাবে চলিতে হইবে, নাস্তিকের সহিত নাস্তিকের মত কথা কহিবে, পৌত্তলিকের সহিত পৌত্তলিকের মত ব্যবহার করিবে, সাধুর নিকটে ভক্তের বেশ ধারণ করিবে। যদি সহস্র সহস্র উপহাস-পরায়ণ ব্রতহীন অরিষাসী লোকের দ্বারা পরিবেষ্টিত হও, তাহাদের মধ্যেও ব্রাহ্মধর্মের জয় ঘোষণা করিবে। যদি পৌত্তলিক পরিবারে পরিবৃত থাক, তথাপি, হে সাধু যুবা! তুমি তোমার সাধু দৃষ্টিতে প্রদর্শন করিতে ক্ষান্ত থাকিবে না। এই দুর্গেৎসবের সময় যখন আর আর সকলে আমোদ কোলাহলে মত্ত রহিয়াছে, তোমার মন কি ঘন বিষাদে আচ্ছন্ন হইতেছে না? তোমার সেই আন্তরিক দুঃখ ঢাকিয়া রাখিয়া কি আমোদ-মত্ততার উন্মত্ত হইবে? সত্যের মূর্তি মূন দেখিয়া তোমার মুখও কি মূন ভাব ধারণ করিবে না? তোমার শ্রবণেন্দ্রিয় কি অশ্রাব্য বাদ্য গীত শ্রবণ করিয়া পরিতোষ লাভ করিবে? তুমি কি পৌত্তলিকতার দুর্গন্ধের মধ্যে ঝাস করিয়া প্রফুল্ল হইবে? কখনই না, কখনই না। তুমি কি নগরে নগরে, ঘরে ঘরে, ব্রাহ্মধর্মের জয়-পতাকা, উড্ডীন করিবে না? সত্যের মহিমাকে সর্বত্র মহীয়ান করিবে না? একমেবাদ্বিতীয়ং ব্রহ্ম নামের মঙ্গল-ধনি সমুদয় বঙ্গভূমিতে প্রচার করিয়া এক কালে পৌত্তলিকতার উচ্ছেদ সাধন করিবে না? অবশ্যই করিবে! অবশ্যই করিবে!

### ঈশ্বরের মঙ্গল-স্বরূপে বিশ্বাস।

কেহ কেহ তর্কের নিমিত্ত বলিয়া থাকেন যে জগতে অশেষ প্রকার অমঙ্গল সত্ত্বেও ঈশ্বরকে কিরূপে মঙ্গল-স্বরূপ বলা যাইতে পারে। বাস্তবিক যদি আমরা কেবল সংসারের ঘটনা সূত্র হইতে ঈশ্বরের স্বরূপ নিরূপণ করিতে চাই তাহা হইলে তাঁহার পূর্ণ মঙ্গলের ভাব কদাপি প্রাপ্ত হইতে পারি না। কিন্তু আবার সেই মঙ্গল ভাবের উপর সম্পূর্ণ বিশ্বাস না করিলে আমরা ক্ষণকাল মাত্র স্বচ্ছন্দে জীবিত থাকিতে পারি না। এ বিষয় আমাদের স্বভাব সিদ্ধ, আমরা প্রমাণ দ্বারা তাহা গ্রহণ করি না। আমাদের ক্ষুদ্র দৃষ্টি কেবল এই পৃথিবীর মধ্যেই সীমা বদ্ধ রহিয়াছে, আমরা ইহকালের ঘটনা সকলই কেবল দেখিতেছি, কিন্তু তাহার কারণ যে অনন্তকাল পর্য্যন্ত ব্যাপ্ত হইতে পারে তাহা জানিবার আমাদের অধিকার নাই। অতএব আংশিক পরীক্ষা দ্বারা যাহা অসংগত ও অমঙ্গল বোধ হয় সমুদায় জগতের ব্যাপার দেখিতে পাইলে আমরা তাহাকেই পরম মঙ্গলের কারণ রূপে জানিতাম। যদি কেহ সমুদায় ব্রহ্মাণ্ডের গতি বিধি এককালে দেখিতে পাইতেন ভূত ভবিষ্যৎ বর্তমান এই তিন কালেরই ঘটনা আলোচনা করিতে সক্ষম হইতেন, তাহা হইলেই তিনি সংসারের গতির প্রকৃত তত্ত্ব প্রত্যক্ষ পরীক্ষা দ্বারা জানিতে পারিতেন। ঈশ্বরের কৌশল ও কার্য মধ্যে দ্বিতীয় ঈশ্বর ব্যতীত কেহই প্রবেশ করিতে পারিবে না। অতএব এ বিষয়ে তর্কের দ্বারা সিদ্ধান্ত করা আমাদের অনধিকার চর্চা মাত্র এবং সম্পূর্ণ অনভিজ্ঞতার চিহ্ন। কিন্তু ঈশ্বর রূপা করিয়া তাঁহার মঙ্গল স্বরূপের প্রতি একটি

দৃঢ় অটল বিশ্বাস আমাদের অন্তঃকরণে স্থাপন করিয়াছেন। তিনি স্নেহকর পিতার ন্যায় তাঁহার সন্তানদিগকে এই আশ্বাস প্রদান করিয়াছেন, পুত্রগণ! তোমরা আমার প্রতি বিশ্বাস কর, তোমাদের মঙ্গল হইবেক। এই আশ্বাস বাক্য ধার্মিক ব্যক্তির পরম সন্তোষের ভাণ্ডার। ইহা শ্রান্ত গুরু ভা-রাক্রান্ত ব্যক্তিদিগের অবসন্ন চিত্তকে উত্তে-জিত করিতেছে, বিপন্ন ব্যক্তিকে ধৈর্য্য ও সাহস প্রদান করিতেছে, দুঃখাতিভূত নি-রাশ মনেও পুনর্বার আশার উদ্দীপন করি-তেছে। ধর্ম্মাত্মা ব্যক্তি কেবল ভবিষ্যতের প্রতি দৃষ্টি করেন; ঈশ্বরের মঙ্গলময় ইচ্ছার প্রতি বিশ্বাস কবিতাই তাঁহার মঙ্গল কার্য্য করিতে প্রবৃত্ত হন।

যাহাদের দৃষ্টি সংসারের সামান্য বিষ-য়েতেই বদ্ধ রহিয়াছে, যাহারা সংসারের সম্পদকেই জীবনের এক মাত্র উদ্দেশ্য বোধ করে, তাহারা সংসারের অমঙ্গলে অ-ধৈর্য্য হয়, এবং তাহা ঈশ্বরেতে আ-রোপ করে; কিন্তু মনুষ্যের দোষে যে কত দূর সেই অমঙ্গল উৎপন্ন হয় তাহা এক-বারও ভাবে না। ঈশ্বর আমাদের মঙ্গ-লের নিমিত্তেই মধ্যে মধ্যে বিপত্তি ও দুঃখ প্রেরণ করেন। আমাদের জ্ঞান বতই বিস্তার হইতেছে, ততই আমরা জগতের সকল কার্য্যেতে এই সত্যের উদাহরণ পাইতেছি। পুরাকালে বজ্রপাত, প্রবল বাত্যা, আগ্নেয় গিরির অগ্নি উদ্গার ইত্যাদি নৈসর্গিক উৎপাত কেবল নিরবচ্ছিন্ন লোকের অপকারের কারণ বলিয়া পরি-গণিত হইত; কিন্তু বিজ্ঞান-শাস্ত্র এক্ষণে সেই সকলকে মহোপকারজনক বলিয়া প্রমাণ করিয়াছে। অতএব আমরা যাহা আমা-দের অনিষ্টকর বলিয়া বোধ করি, তাহা প্রায় আমাদের উপকারের নিমিত্তেই প্রে-

রিত হয়। যিনি মনুষ্যের প্রকৃত অবস্থা বুঝিতে চাহেন, তাঁহার কেবল ইহ জীবনের প্রতি দৃষ্টি নিবদ্ধ করা উচিত নহে। ইহ জীবন আমাদের অনন্ত জীবনের একটি ক্ষুদ্র অংশ মাত্র। অতএব আমাদের কার্য্যের ফলাফল কেবল এখানেই পর্য্যবসিত হয় না, সুতরাং কেবল আমাদের ইহকালের অবস্থার আলোচনা করিয়া আমরা কখন সন্তোষ পাইতে পারি না।

অপর পশু প্রাণিদিগের সমুদয় জীব-নই জন্ম মৃত্যুতেই সীমা বদ্ধ, এই হেতু তাহাদের সমস্ত সুখ ও মঙ্গল এখানেই পরিসমাপ্ত হয়। কিন্তু মনুষ্যের মঙ্গল এখানে দেশ কাল অবস্থা বদ্ধ নহে, সে মঙ্গল অনন্তকালব্যাপী। কিন্তু অদূরদর্শী ব্যক্তি তাহা দেখিতে পায় না। বাস্তবিক সর্বদা নিকটস্থ বস্তুর প্রতি বদ্ধ-দৃষ্টি হইলে আমা-দের চক্ষু যেমন অগ্নিকাল মধ্যে তেজ হীন হইয়া আর দূরের বস্তু স্পর্শ দেখিতে পায় না, সেই রূপ আমাদের মন সাংসারিক বর্ত-মান বিষয়ে অহরহ ব্যাপ্ত থাকিয়া পরি-শেষে আর পরকালের বিষয় দেখিতে পায় না। এই রূপ অন্ধ হইয়া লোকের বিষয়ের পশ্চাৎ ধাবিত হয়, তাহার পক্ষে সংসারের অতীত আর কিছুই দৃষ্টি-গোচর হয় না। সে যে কার্য্য করে, যে কোন ব্যাপারে ব্যা-প্ত হয়, তাহা হইতে সাংসারিক লভা কি হইতেছে, ইহাই অনুধ্যান করে। এই রূপে তাহার মন নিতান্ত ক্ষুদ্র হইয়া পড়ে। এপ্র-কার ব্যক্তি যে সংসারের বিপত্তিতে বিপন্ন হইবে, তাহার আশ্চর্য্য কি? কারণ সং-সারই তাহার সর্বস্ব। তাহার নিকটে আত্ম-প্রসাদ পরকালের মঙ্গল ঐ সকল অতি সুন্দর মনোহর কাণ্ডনিক বাক্য মাত্র। কিন্তু যে সকল উদারচিত্ত মহাত্মা পৃথিবীতে নহা নহা সৎকীর্তি করিয়া গিয়াছেন, তাঁ-

হারী বর্তমানের সহস্র সুখ ও লভ্য ত্যাগ করিয়াও আত্ম-প্রসাদ ও অনন্ত মঙ্গলের উদ্দেশ্যে যত্নশীল থাকিতেন। তাঁহার স্বীয় অন্তর্জ্যোতিষ্কারী ঈশ্বরের মঙ্গল ইচ্ছা স্পষ্ট দেখিতে পাইতেন এবং অবিচলিত ভাবে উৎসাহের সহিত সেই ইচ্ছার অনুগামী হইতেন। কিন্তু সামান্য লোকে তাঁহাদের উন্নত ভাব ও মহৎ উদ্দেশ্য বুঝিতে না পারিয়া তাঁহাদিগকে কত সময়ে বাতুল ও নিরক্ষা বলিয়া পরিহাস করিত।

ঈশ্বরের মঙ্গল ভাবের প্রতি বিশ্বাস ধর্ম্মানুষ্ঠানের প্রধান প্রবর্তক। ধার্মিক ব্যক্তির এখানে নিয়ত সংসারের সহিত সংগ্রাম; স্মরণ্য তিনি সংসারের প্রতি দৃষ্টি করিয়া সন্তোষ পাইতে পারেন না, তাঁহার নির্ভর এক মাত্র ঈশ্বরের প্রতি।

### বেহালা ব্রাহ্ম-সজমাজের

#### বক্তৃতা।

১২ টৈশাখ ১৭৮৪ শক।

আমারদিগের এই ব্রাহ্মসমাজ-মন্দির শূন্য স্থান নহে; যিনি গভীর সমুদ্রে, উন্নত পর্বতে, অসীম আকাশে ব্যাপ্ত রহিয়াছেন, যিনি ওষধি বনস্পতিতে প্রাণ রূপে বিদ্যমান রহিয়াছেন; তিনিই এই সমাজ-মন্দিরে জাজ্বল্যতর রূপে বিরাজ করিতেছেন—সেই দেব-দেবের মঙ্গল জ্যোতিতে এই সমাজ-মন্দির পূর্ণ রহিয়াছে। আমরা জড় প্রাচীরের সম্মুখে স্বীয় হৃদয়ের ভাব ব্যক্ত করিতে অথবা কোন শূন্য বস্তুর উপাসনা করিতে এখানে সব স্বেচ্ছা মিলে একত্রিত হই নাই। যিনি অসীম বিশেষ স্বর্গস্থিতি প্রলয় কর্তা, যিনি আমার বাস গৃহের গৃহ

দেবতা, যিনি মনোগৃহের পুরস্বামী, তিনিই এই সমাজ-মন্দিরের অধিষ্ঠাত্রী দেবতা। সেই প্রাণ-স্বরূপ চেতনবান্ জাগ্রত জীবন্ত ঈশ্বরের উপাসনা করিতে—তাঁহারি নিকটে মনো দ্বার উন্মুক্ত করিয়া দিতে আমরা এখানে সম্মিলিত হইয়াছি। আমারদিগের প্রতি ভক্তি এখন যেমন চরিতার্থ হইতেছে—আমারদিগের প্রকার আত্মপদ, প্রেমের আধারকে এখন যেমন নিষ্কণ্টকে উপভোগ করিতেছি; এমন সুন্দর অবসর, এমন সুরম্য স্থান সপ্তাহ মধ্যে একবারও দেখিতে পাই নাই; সেই দেব-দেবকে সমুদায় আত্মার সহিত আলিঙ্গন করিয়া মনঃপ্রাণ শীতল করিতে পারি নাই। তাঁহার উজ্জ্বল মুখ এখানে যেমন সুন্দর রূপে নিরীক্ষণ করিতেছি, প্রীতি কুসুম, এখানে যেমন মনের সাথে তাঁহার পবিত্র চরণে বিকীর্ণ করিতেছি; নিবাস-গৃহে কি কার্যালয়ে, পণ্য গৃহে কি চিকিৎসালয়ে সকল স্থানেই তো তাঁহার প্রেম দৃষ্টি নিপতিত রহিয়াছে, কিন্তু কোন স্থানেই তাঁহার সত্তা—তাঁহার প্রেমমুখ এমন উজ্জ্বল রূপে দেখিতে পাই নাই।

অদ্য যেমন এই প্রশান্ত সময়ে এই পবিত্র দেব-মন্দিরে তাঁহাকে সন্দর্শন করিতেছি; নিবাস নিকেতনে সাংসারিক কোলাহল, কার্যালয়ে বিষয়-কার্যের ব্যস্ততা পণ্য গৃহে বিষমতর আড়ম্বর, চিকিৎসালয়ে রোগির সক্রমণ আর্তনাদের মধ্যে কেমন করিয়া প্রশান্ত হৃদয়ে তাঁহাতে মন সমাধান করিব—কেমন করিয়াই বা এমন স্বচ্ছন্দে তাঁহার স্মৃতিস্মরণ প্রেমামৃত পান করিতে সমর্থ হইব।

অদ্য যখন সেই দেব-দেবের উপাসনা করিবার জন্য প্রীতি-কুসুম লইয়া গৃহ হইতে বহির্গত হই, সেই পবিত্র সময়ে

কোন পথিক কর্তৃক জিজ্ঞাসিত হইবা মাত্র কেমন মুক্ত কণ্ঠে বলিয়াছি, যে আমরা এখন ব্রাহ্মসমাজে ঈশ্বরের পূজা করিতে গমন করিতেছি; সপ্তাহ মধ্যে তো আমারদিগের জড় রসনা এমন মধুময় অমৃতময় শব্দ এক বারও উচ্চারণ করে নাই।

এখানে যেমন অনন্যপারায়ণ সাধকদিগের প্রশান্ত ভাব, ঈশ্বর বিষয়ক প্রস্তাবাদির চিন্তচমৎকারিণী শক্তি, চতুর্দিকস্থ ওষধি বনস্পতি সমূহের অনির্বচনীয় শোভা আমারদিগের প্রীতিকে উদ্দীপ্ত করিয়া দিতেছে—এখানে যেমন চেতনাচেতন সকল পদার্থ এক কালে আমারদিগের ঈশ্বর লাভের অনুকূলতা সম্পাদন করিতেছে; নিবাস-গৃহে কি কার্যালয়ে প্রভুত্বের প্রভাপ, স্বার্থপরতার রাজত্ব, আত্মস্তরিতার প্রভাব, ধন-মদের কর্তৃত্বের মধ্যে কেমন করিয়া প্রীতি উদ্দীপ্ত হইবে, অন্ধা ভক্তি কেমন করিয়া স্ফূর্তি পাইবে।

ব্রাহ্মসমাজে আসিবা মাত্র ঈশ্বর-লাভ-স্পৃহা কেন প্রদীপ্ত হইয়া উঠে—হৃদয় মন তাঁহাকে পাইবার জন্য কেন ব্যাকুল হয়? যে জন্য রণ বাদ্য শ্রবণ করিবা মাত্র বীর পুরুষদিগের হৃদয় উল্লসিত হইয়া উঠে—যে জন্য বসন্তের মাধুর্য্য সন্দর্শন করিলে কবিদিগের কবিত্ব শক্তি স্ফূর্তি পাইতে থাকে; সেই জন্য প্রীতি ও পবিত্রতা এবং মঙ্গল ভাবে পরিপূর্ণ এই যে ব্রাহ্মসমাজ, এখানে উপস্থিত হইলেই আমারদিগের প্রীতি জাগ্রত হইয়া উঠে।

স্মৃতিপুণ্য রণ-পণ্ডিত যে রূপ স্ত্রীয় সৈন্য শ্রেণীর প্রত্যেক অঙ্গ প্রত্যঙ্গ—প্রত্যেক বিষয়কে বীররস উদ্দীপক পদার্থে বিভূষিত করিতে সততই যত্ন করেন, বিবিধ বিদ্যা বিশারদ উন্নতমনা শিক্ষক যে রূপ স্ত্রীয় বিদ্যা মন্দিরকে নানাবিধ বুদ্ধি বৃত্তির উৎকর্ষ

সাধক পদার্থ ব্যাধে স্মৃজিত করিতে কায়মনোবাক্যে যত্নবান্ হইয়ন; সেই রূপ ঈশ্বর-প্রাণ প্রশান্তাত্মা ধর্ম্ম মন্দিরকে পবিত্র ভাবে পরিপূর্ণিত রাখিতে সততই অনুরক্ত থাকেন। কিসে দেব-মন্দিরে উপস্থিত হইলে সকলেরই প্রীতি ঈশ্বরের প্রতি উন্নত হয়, কিসে বিষয়ীর পাষণ্ড হৃদয়ে ধর্ম্ম-ভাব-সকল অক্ষুরিত হয়, কি প্রকার উপদেশ প্রদান করিলে সাধারণের মানস রসনা ঈশ্বরের প্রেমামৃত পান করিতে উৎসুক হয়, কি প্রকার প্রস্তাব পাঠ করিলে—কিরূপ শব্দ উচ্চারণ করিলে ঘোর স্বেচ্ছাচারিরও মনোমন্দিরের লৌহ কবাট ভগ্ন হইয়া যায়; তাঁহার সকল কার্যের সকল উপদেশের এই এক মাত্র লক্ষ্য। অন্যে যেখানে বশ মানের উদ্দেশ্যে কার্য করেন, তিনি সেখানে নিষ্কাম ও নিঃস্বার্থভাবে শুদ্ধ ঈশ্বরের প্রীতির উদ্দেশ্যেই কার্য করিতে থাকেন।

হে ব্রাহ্ম ভ্রাতাগণ! যাহাতে এই সমাজ মন্দির সংস্থাপনের মহান্ লক্ষ্য সম্পন্ন হয়, যাহাতে ইহার উন্নত ও পবিত্র ভাব-সকল রক্ষা পায়; তাহার প্রতি যেমন আমরা উদাসীন না হই। এই সমাজ মন্দির কিছু জ্ঞানের পরিচয় বুদ্ধির চাতুর্য্য প্রকাশ করিবার জন্য নির্মিত হয় নাই—ইহা কিছু কৌতূহল চরিতার্থ করিবার স্থান নহে। আমরা ঈশ্বরকে এই সমাজ-মন্দিরে জাজ্বল্যতর, রূপে সন্দর্শন করিব, তাঁহারই পূজা—শুদ্ধ তাঁহারই আরাধনা করিব; এই জন্যই এই পবিত্র সমাজ মন্দির প্রতিষ্ঠিত হইয়াছে। আমরা এখানে আসিয়া কি বিষয়ীর ন্যায় বিষয় আলোচনা করিব, না তর্ক তরঙ্গে মনঃপ্রাণ নিষ্ফেপ করিয়া এমন দুর্বল সময়কে রুখা অতিবাহিত করিব? এখানে যেমন আমরা ঈশ্বরের পূজা করিতে আ-

সিয়াছি—তঁাহাকে লাভ করিবার জন্য সব সূহ্মদে মিলে এই পবিত্র স্থানে সম্মিলিত হইয়াছি; তঁাহারই প্রতি যেন আমারদিগের সম্পূর্ণ লক্ষ্য থাকে। এখান হইতে যেন আমরা শূন্য-হৃদয়ে শূন্য-হস্তে চলিয়া না যাই।

হে পরমাত্মন! আমরা এখানে তোমাকে পূজা করিবার জন্য উপস্থিত হইয়াছি, তোমার প্রেমামৃত লাভ করিবার জন্য এখন হৃদয়াধার প্রার্থনা করিয়া দিতেছি, তোমারই সম্মুখে মনোদ্বার উন্মুক্ত করিতেছি; তুমি তোমার অজস্র প্রেমামৃত বর্ষণ দ্বারা আমারদিগের মনোবাঞ্ছা পূর্ণ কর।

ঔ একমেবাদ্বিতীয়ং

## ইতিহাস সংগ্রহ।

### হিজলীর বৃত্তান্ত।

২২২ সংখ্যক পত্রিকার ৮৫ পৃষ্ঠার পর।

হিজলীর জনশ্রুত ইতিহাসে যাহা কিছু পাওয়া যায় ও প্রাচীন কীর্তি সমূহের চিত্রাদি যাহা তথায় দৃষ্ট হয়, তাহার সংক্ষেপ বর্ণনা করিয়াছি, এক্ষণে তথাকার জল বায়ু প্রভৃতির অবস্থার কিঞ্চিৎ বর্ণনা আবশ্যিক।

হিজলীতে বহুতর নদী আছে। হলদী, রমুলপুর ও সুবর্ণরেখা, তথাকার স্রোতঃস্বতীর মধ্যে ইহারাই প্রধান। এ সকল নদী কোন স্থান হইতে আসিয়া হিজলী খণ্ডের মধ্যে প্রবেশ করিয়াছে ও তৎপরে কে কোন পরগণা দিয়া কোথায় সম্ভত হইয়াছে, তাহা মানচিত্রে দেখিলেই বুঝা যাইবে। সমুদ্র নিকটবর্তী নিম্ন দেশ সকলে ক্ষুদ্র ক্ষুদ্র নদী অনেক থাকে; সুন্দরবনাদি প্রদেশে ইহা যথেষ্ট লক্ষিত হয়।

হিজলী খণ্ড প্রায় সর্বত্রই সমুদ্র তল হইতে অধিক উচ্চ নহে। এই জন্য বৃষ্টি হইলে সমুদায় জল বহির্গত হইয়া যাইতে পারে না; সুতরাং প্রান্তরাদি প্লাবিত হইয়া থাকে, বর্ষান্তে সমুদ্র জল নীচে পড়িলে গ্রাম ও প্রান্তরস্থ জলরাশি অপমৃত হইয়া যায়। জলদাগমে অম্মুনিধি সমৃদ্ধ হইলে স্রোতঃস্বতী সমূহ জোয়ারে জল পূর্ণ হয় ও পুনরায় ভাটায় শুষ্কপ্রায় হইয়া যায়। যে যে স্থানে ভূমিতল সমধিক নিম্ন, সে সকল স্থান একে-

বারে জলশূন্য না হইয়া সমুদ্র অন্তর্ভূতের ন্যায় প্রতীয়মান হইতে থাকে।

বর্ষা সময়ে শস্য ভূমি সকল জলপ্লাবিত হওয়াতে সমধিক উর্বরা হইয়া উঠে, এমন কি আনাদের এ অঞ্চলের শস্য ক্ষেত্রে যে পরিমাণে শস্যোৎপাদন হয়, তাহার চতুর্গুণ সে সকল স্থানে জন্মায়। প্রথম বর্ষারস্ত্রে মৃত্তিকা সরস ও সুকৃষ্য হইয়া উঠে, সেই সময়ে বীজ বপনাদি কৃষি কার্যের আদি কৃত্য সমাপন হইয়া গেলে অভিনব ধান্য সকল বিশেষ তেজস্বী হইয়া উঠে, অনন্তর বর্ষা সম্যক রূপে প্রবৃত্ত হইলে ভূমিতলস্থ জল বৃদ্ধি হইতে থাকে, ধান্য সকলও নিত্য নিত্য বৃদ্ধিত হইয়া উঠে। জলমগ্ন হওয়াতে ধান্য ভিন্ন অন্যান্য শস্য সকল জন্মিতে পারে না; এই জন্য অন্যান্য শস্যের চাষও প্রায় না।

সমুদ্রজল নদী সকল দিয়া প্রবেশ করিয়া ভূমিতলস্থ সকল প্লাবিত করিলে ধন্যের কোন অনিষ্ট জন্মায় না। যে কারণে বর্ষাকালে সমুদ্র তল অধিকতর উচ্চ হয়, সেই কারণেই হিজলীর পশ্চিম দক্ষিণ কূল ব্যতীত অন্যান্য ভাগে সাগরায়ুর লবণ প্ররিহার হয়; সুতরাং শস্য ক্ষেত্র প্লাবন জন্য কোন অনিষ্ট ঘটে না। কিন্তু অন্য সময়ে যে সমুদ্র জল জোয়ার তাটা সহকারে নদীতে যাতায়াত করে, তাহা অত্যন্ত লবণস্বাদ ও ভূমিতে শুষ্ক হইয়া মৃত্তিকাকে সলবণ করে এবং হিজলী খণ্ডে যে এত অধিক লবণ জন্মায় সেই জলই তাহার এক মাত্র কারণ। এই সকল নদীর শাখা প্রশাখার উপায়ে মৃত্তিকা লবণত্ব গুণ প্রাপ্ত হয় এবং লবণ ও ধান্যাদি শস্য সমুদ্র কুলের দূর বর্তী স্থানে উৎপন্ন হইয়া নদী কলাপ সহকারে যথেষ্ট ক্রমে এক স্থান হইতে অন্য স্থানে নীত হইতে পারে, ও পরে তৎ সমুদয় সমুদ্রে আসিয়া অর্ণবপোত দ্বারা দিগ্দিগন্তরে প্রেরিত হয়।

সমুদ্র কূলে অতি বিপর্যয় বাঁধ আছে, তাহার উপর হইতে সমুদ্র দেখিতে অতি আশ্চর্য। বাঁধ স্থানে স্থানে ১০।১৪ হাত পরিমিত উচ্চ; ও কোন কোন স্থলে এক কালে সমুদ্র তীরবর্তী। তাহার উপর উঠিলে সম্মুখে শুকল জলময় সাগর পূর্ণ করিতে থাকে। সমুদ্র সমুদ্র তলে প্রকাণ্ড প্রকাণ্ড তরঙ্গ, উঠিতেছে আর পড়িতেছে ও পরস্পর শ্রেণী পূর্বক তীরে আসিয়া লয় পাইতেছে। তরঙ্গে তরঙ্গে আঘাত লাগিয়া ফেণ রাশি উদ্ভব হইতেছে ও শুভ কিরণ স্পর্শে দূরবর্তী সমুদ্রভাগ কেবল স্বেত বর্ণ সমুদ্র জল ফেণময় দেখাইতে থাকে। সমুদ্র কোলাহল শুনিলে শ্রবণ পথ যেন রুদ্ধ হয়। সে গভীর নির্দোষের উপমা স্থল নাই, সহস্র সহস্র লোকাকীর্ণ হটের কোলাহল যেন

দূর হইতে শুনায়, নিরন্তর অমৃত ক্রিষ্ণাঘাত জনিত লক্ষবিধ-ধ্বনি হইতে একটি মাত্র শব্দ স্তম্ভ উঠিয়া যেন আকাশ আচ্ছন্ন করিয়া রাখে; সাগর গর্জন সেই কপ একটি নিরবচ্ছিন্ন শব্দ গাভীর্য্য স্রোত মাত্র। প্রথম প্রথম সমুদ্র দর্শন সময়ে সমুদ্রের অসীম জলরাশি দেখিয়া ও সেই অসীম জলরাশি অতলস্পর্শ ও তরঙ্গের জলকল্ল পূর্ণ ইহা-মরণ হইয়া মনে ঈষৎ শঙ্কা উপস্থিত হয় ও পশ্চাত্তাপে অবলোকন করিয়া যেন আপনাপনি প্রবোধ দিতে হয়, আমি এ জলরাশির মধ্যে পতিত হইয়া যাই নাই। বায়ু প্রবল হইলে এই রূপ হয়। যখন স্থির থাকে, তখন সমুদ্র বিশিষ্ট শান্ত থাকে ও বিস্তীর্ণ উজ্জ্বল প্রান্তরের ন্যায় দেখায়। গ্রীষ্ম কালে বাঁধের উপর উঠিলে অতি মনোহর নির্মল সুশীতল মন্দ মন্দ বায়ু গাত্র লাগিতে থাকে, সমুদ্র তলে অনতিবৃহৎ তরঙ্গ তরঙ্গ হইতে থাকে; ফেণ সমূহ অপরূপ শুভ বর্ণ ধারণ করে ও শরৎ কালের মন্দ মন্দ বায়ু হিলোলে অতি বিস্তীর্ণ প্রান্তরে প্রফুল্ল কুমুম বিশিষ্ট কাশ তৃণ যে রূপ দেখায় বায়ু প্রবাহ হীন বল থাকিলে জলধি তাহা অপেক্ষাও রমণীয় শোভা ধারণ করে। বিশেষতঃ সমুদ্রের গভীর গর্জনে ও প্রচণ্ড স্বভাব স্মরণে সে রমণীয় শোভার একটা ভয়ানক ভাব মনে আইসে। সিন্ধু পাথার অর্থাৎ কুলের যতটুকু ভাগ জোয়ার জলে নিমগ্ন হয় ও পুনরায় ভাটায় শুষ্ক হইয়া পড়ে, সে ভাগ অতি সুন্দর শুভ্র, অথবা ঈষৎ পীত বালুকাময়, ও মৃত্তিকার কাঠিন্য অনুসারে বিস্তীর্ণ বা সঙ্কীর্ণ থাকে। সমুদ্র চড়া দেখিতেই বা কি শোভনীয়। চড়ার উপরেই আবার জলধি রোধনের উপযুক্ত বাঁধ আছে। এই বাঁধ অনেক স্থলে ১০।১৪ হাত পরিমিত উচ্চ। বহির্ভাগে ক্রমশঃ নিম্ন হইয়া গিয়াছে। বাহিরের বালু ৯০ হাত, অন্তর্ভাগের বালু ৪০ হস্তের অধিক হইবে। বাঁধ অতি সুন্দর দুর্কাঘাসে আবৃত, বাঁধের উপরে দাঁড়াইয়া পশ্চাত্তাপে দেখিলে অধিক উচ্চ বৃক্ষ না থাকিতে অনেক দূর পর্যন্ত অনবরোধে দৃষ্টি গোচর হয়, বিস্তীর্ণ শস্য ক্ষেত্রের মধ্যে মধ্যে ১০।১৫ ঘর বসতি লোকালয় সকল দেখা যায়; সন্নিকটবর্তী কুটারের চাল বাঁধের নীচে রহিয়াছে দেখিয়া একটি আনন্দ জন্মায়, সৃষ্টির শাস্ত মূর্তি দেখিয়া অপূর্ব করিলে সৃষ্টির প্রচণ্ড মূর্তি দেখিতে পাওয়া যায়, জলরাশি পৃথিবী গ্রাস করিবার অতিপ্রায়ে বীর-দর্পে ও গভীর হৃৎকারে নিরন্তর উথলিয়া পড়িতেছে।

হিজলীখণ্ডের সাগর কূলে বায়ু সমধিক প্রবল, এই হেতু তথায় উচ্চ বৃক্ষ অধিক নাই। বসন্ত

বা গ্রীষ্ম কালে দক্ষিণ বাতাস অতি উত্তম ও নির্মল। সমুদ্র জলের উপর দিয়া যে বায়ু স্রোতঃ আইসে, তাহা সহজেই নির্মল ও সুশীতল হয়; কারণ বায়ুর যাহা কিছু দূষিত হইবার সম্ভাবনা তাহা ভূতল সংস্পর্শেই হয়, ও দিবা ভাগে ভূমি হইতে জল অপেক্ষাকৃত অধিক শীতল থাকতে জলরাশি সংস্পর্শে বায়ুও শীতলতা প্রাপ্ত হয়।

হিজলীখণ্ডের অন্তরস্থ প্রায় সমুদায় স্থানের বায়ু অপেক্ষাকৃত কুংসিত, কারণ ভূভাগ সমুদ্র তল হইতে অধিক উচ্চ নহে, সুতরাং সর্বদাই বিশিষ্ট রস থাকে, বিশেষতঃ আষাঢ় মাস হইতে কার্তিক মাস পর্যন্ত সকল নিম্ন ভূমি জল নিমগ্ন থাকতে ও অন্যান্য সময়ে অসংখ্য ক্ষুদ্র বৃহৎ পুষ্করিণী জল পূর্ণ থাকতে সমুদয় বৎসরই লতা তূর্ণ জলজ পত্রাদি পচিয়া বায়ুকে অস্বাস্থ্যকর ও সমল করে, এবং মৃত্তিকাতে লবণের ভাগ অধিক থাকতে ভূতলস্থ জল সলবণ হয় ও সলবণ জল সহকারে বৃক্ষ তৃণ লতাাদি অতি সহজেই জীর্ণ হয় ও পচিয়া যায়। বর্ষা কালে হিজলী অতিশয় অস্বাস্থ্যকর হইয়া উঠে, বিশেষতঃ প্রথম বর্ষারস্ত্রে এক এক বার বৃষ্টি হইতেছে ও এক এক বার প্রথর রৌদ্র হইতেছে এমন সময়ে হিজলীর বায়ু অতি কদর্য। তথাকার নিমক মহল ও ভেড়ীবন্দীর সাহেব কর্মচারীরা বর্ষা উপস্থিত হইলেই কলিকাতায় চলিয়া আইসে। হিজলীতে স্থানে স্থানে অনেক জঙ্গল আছে; বায়ু দূষিত হইবার এ সকল জঙ্গলও এক কারণ। এ জঙ্গলে গৈয়ুয়া, ওগড়চাকা প্রভৃতি লোণা গাছই অধিক। লবণ জ্বাল দিবার জন্য অনেক কাষ্ঠ আবশ্যিক হয়, বৎসর বৎসর এই সকল জঙ্গল কাটয়া সেই কাষ্ঠের উপায় হয়, এই জন্য গবর্ণমেন্ট আপনারা এ সকল জঙ্গল মহলের রক্ষণাবেক্ষণ করেন। এই সকল জঙ্গলকে জ্বালপাই কহে।

(ক্রমশঃ প্রকাশ্য)

প্রাচীন সংস্কৃত গ্রন্থ সকলের সর্দর্শ ও তাৎপর্য্য প্রকাশ করা যে একটি নিতান্ত প্রয়োজনীয় ও উপকার জনক কার্য তাহা সকলেই স্বীকার করিয়া থাকেন। পূর্বতন হিন্দুগণ মধ্যে কত প্রকার বিদ্যা প্রচার ছিল। ইতিহাস, নীতি শাস্ত্র, দর্শন শাস্ত্র বিষয়ে কি প্রকার মত প্রকাশিত ছিল। তাঁহাদের মধ্যে কালক্রমে কি প্রকার সামাজিক পরিবর্তন হইয়াছে, এই সমস্ত জ্ঞাত হইলে প্রাচীন হিন্দুদিগের অবস্থা বিষয় অনেক জানা যাইবেক। ভারতবর্ষের প্রকৃত পুরাতত্ত্ব এক খানিও নাই, সুতরাং তিন্ন তিন্ন সংস্কৃত গ্রন্থ হইতে প্রাচীন

হিন্দু সমাজের সুবস্থা যত দূর জানা যাইতে পারে, তাহা সংকলন করা আবশ্যিক। অতএব আমরা কামন্দক নামক কোন প্রাচীন গ্রন্থকার কৃত নীতিসার গ্রন্থের অনুবাদ করিতে প্রবৃত্ত হই-তেছি। এই গ্রন্থে পূর্বতন কালে রাজনীতি ও শাসন প্রণালী ও যুদ্ধ বিগ্রহের কি প্রকার পদ্ধতি প্রচলিত ছিল, তাহা সবিস্তর বিবৃত হইয়াছে, অতএব এই গ্রন্থ হইতে পূর্বকালীন জন সমাজের অবস্থা বিবরণ বিশেষ রূপে প্রাপ্ত হওয়া যাইবেক।

কামন্দক নিত্যকাল অধিক দিনের গ্রন্থকার নহেন, নীতিসারের ভূমিকান্তেই চন্দ্র গুপ্তের নাম উল্লিখিত হইয়াছে এবং বোধ হয় কামন্দক মগধ রাজার এক জন সভাসদ ছিলেন। অতএব মগধেশ্বর চন্দ্র গুপ্তের সমকালিক অথবা তাহার পর হইলে কামন্দক খৃঃপূর্বের পূর্বে দুই শত বৎসরের মধ্যেই জন্মিয়া ছিলেন।

### কামন্দকীয় নীতিসার।

#### প্রথম সর্গ।

যাঁহার প্রভাবে জগৎ শাসিত পথে প্রতিষ্ঠিত আছে, সেই দণ্ডধর মহীপতি দেব জয়যুক্ত হউন। যে ভুবনবিখ্যাত পুরুষ অপ্রতিগ্রাহী, ঋষিতুল্য বিশালবংশীয়দিগের বংশে জন্ম গ্রহণ করিয়া ছিলেন; যিনি অগ্নির ন্যায় দীপ্তিমান, বেদজ-দিগের শ্রেষ্ঠ, সুচতুর; যিনি চারি বেদ এক বেদের ন্যায় অধ্যয়ন করিয়াছিলেন; যে বজ্রাগ্নি সৃষ্টি তেজস্বীর অতিচার (১) রূপ বজ্রে ক্রীমান সুপর্কী (২) নন্দ (৩) পর্ত্ত সমূলে পতিত হইয়াছিল, যে কার্ত্তিকের তুল্য শক্তিমান একাকী মন্ত্রণ প্রভাবে নরচন্দ্র চন্দ্র গুপ্তকে (৪) পৃথিবী প্রদান করিয়াছিলেন, যিনি অর্থ শাস্ত্র রূপ মহাসাগর হইতে নীতি শাস্ত্র রূপ অমৃত উদ্ধার করিয়াছিলেন, সেই জ্ঞানবান্ বিষ্ণু গুপ্তকে (৫) নমস্কার করি।

রাজ বিদ্যার প্রতি শ্রীতি নিবন্ধন স্বত্রে বিদ্যার পারদর্শী বিষ্ণু গুপ্তের দর্শন হইতে পৃথিবীর উপার্জন ও পরিপালন বিষয়ে রাজার প্রতি সারবান্, রাজ বিদ্যা বেদাদিগের সম্মত যৎকিঞ্চিৎ উপদেশ সংক্ষেপে এই গ্রন্থে প্রদান করিব।

১ মারণ উচ্চাটিনাদি।

২ নন্দ পক্ষে দেয়তুল্য, পর্ত্ত পক্ষে স্বন্দর পর্ত্ত বিশিষ্ট।

৩। মগধ দেশের রাজা, ইহাঙ্কে চাণক্য সমূলে বিনষ্ট করিয়া চন্দ্র গুপ্তকে রাজ্য প্রদান করেন।

৪ মগধ দেশের শূদ্র জরতীর রাজা, চাণক্য ইহার অমাত্য ছিলেন।

৫ চাণক্য।

বুদ্ধগণের মতে রাজা এই জগতের উন্নতির কারণ এবং চন্দ্রমা যেমন সমুদ্রের, সেই রূপ নয়নের আনন্দকর। যদি সম্যক্ প্রণেতা রাজা না থাকেন, প্রজাগণ সাগরস্থিত কর্ণধার হীন নৌকার ন্যায় বিপন্ন হইয়া পড়ে। প্রজাগণ ধার্মিক সম্যক্ পালন পরায়ণ পরপূরঞ্জয় রাজাকে প্রজাপতির ন্যায় মানিবেক, রাজা প্রজাকে রক্ষা করেন, প্রজা রাজাকে বর্জিত করে; কিন্তু বর্জিত করা অপেক্ষা রক্ষা করা শ্রেষ্ঠ; রক্ষা না করিলে যাহা আছে তাহাও থাকে না। রাজা ন্যায় পরায়ণ হইয়া ধর্ম, অর্থ ও কাম (৬) দ্বারা আপনাকে ও প্রজাগণকে পোষণ করিবেন, অন্যথা করিলে তিনি বিনষ্ট হন, সন্দেহ নাই। যখন রাজা (৭) ধর্ম প্রযুক্তই বহু কাল পৃথিবী ভোগ করিয়াছিলেন, নহষ (৮) রাজা অধর্ম নিবন্ধন রষাতলে গেলেন। অতএব রাজা ধর্মের অনুগত হইয়া অর্থের নিমিত্ত যত্ন করিবেন, রাজ্য ধর্ম দ্বারা বর্জিত হয়, এবং তাদৃশ রাজ্যলক্ষ্মীর ফলই সুখাদ।

রাজা, অমাত্য, জনপদ, দুর্গ, কোষ সৈন্য ও মিত্র এই কএকটির সমষ্টি রাজ্য বলিয়া উক্ত হয়; বল ও বুদ্ধি ইহার আশ্রয়। রাজা নিরন্তর উদ্যোগী হইয়া সমধিক বল অবলম্বন ও বুদ্ধি দ্বারা নির্গমন পথ আলোচনা করিয়া এই সমগ্র লাভের নিমিত্ত যত্ন করিবেন। নায়ানুসারে অর্থের উপার্জন বর্জন, রক্ষা ও সংপাত্রে দান এই চারিটি রাজার কর্তব্য কর্ম। নীতি বিক্রম ও উদ্যোগ সম্পন্ন হইয়া রাজশ্রী চিন্তা করিবেন। নীতির মূল বিনয় ও বিনয়ের মূল শাস্ত্র, ইন্দ্রিয় বিজয়ের নান বিনয়, বিনয় সম্পন্ন হইয়া শাস্ত্র গ্রহণ করিবেন, শাস্ত্র নিষ্ঠ ব্যক্তির প্রতি শাস্ত্রার্থ সকল প্রসন্ন হয়। শাস্ত্র, প্রজ্ঞা, সন্তোষ, দক্ষতা, প্রভ্রাপন্ন মতিত্ব ধৈর্য, উৎসাহ, বাগ্গিতা, দৃঢ়তা, আপদ্ ও ক্রেশ মহশক্তি, প্রভাব, গুচিতা, মৈত্রী, দান, সত্য ও কৃতজ্ঞতা এই কএকটি গুণ সম্পদের হেতু। রাজা প্রথম আপনাকে, তৎপরে অমাত্যগণকে, তৎপরে ভূত্যাগণকে, তৎপরে পুত্রগণকে, পরিশেষে প্রজাগণকে বিনয় সম্পন্ন করিবেন। প্রজাগণ যাঁহার প্রতি নিরন্তর অনুরক্ত, যিনি প্রজা পালনে আসক্ত ও যাঁহার আত্মা বিনীত, তিনি অধিকতর সম্পত্তি ভোগ করেন। ইন্দ্রিয় রূপ মাতঙ্গ, ইতস্তত বিক্ষিপ্ত বিষয় রূপ অরণ্য আলোড়ন করিয়া ভ্রমণ করিতেছে; তাহাকে জ্ঞান রূপ অক্ষুশে বশীভূত করিবেন।

৬ ইন্দ্রিয় স্বখদ সামগ্রী।

৭ যখন নামে রাজা বিশেষ।

৮ ইনি ইন্দ্র প্রাপ্ত হইয়াছিলেন, দুর্কাসার শাপে তাহা হইতে ভ্রষ্ট হন।

আত্মা বিষয়ের নিষিদ্ধ প্রবৃত্তি দ্বারা মনকে আশ্রয় করে, আত্মাও মনের সংযোগ হইতে উৎপন্ন হয়, মন বিষয় রূপ আশ্রয় লোভে ইন্দ্রিয় কে নিয়োগ করে। অতএব প্রবৃত্তি পূর্বক মনকে রুদ্ধ করিবেক; মন পরাজিত হইলে পর ইন্দ্রিয়গণ পরাজিত হয়। ধর্ম, অধর্ম, সুখ, দুঃখ, ইচ্ছা, দ্বেষ, প্রবৃত্তি, জ্ঞান ও সংস্কার আত্ম লক্ষণ বলিয়া উক্ত হয়। জ্ঞানের অযোগ্যপদ্য (১) মনের লক্ষণ, নানা বিষয়ে সংকল্প ইহার কর্ম। শ্রোত্র, ভ্রু, চক্ষু, জিহ্বা, নাসিকা, পাঁচ, উপস্থ, হস্ত, পদ ও বাক এই কএকটি ইন্দ্রিয়। শব্দ, স্পর্শ, রূপ, রস, গন্ধ, উৎসর্গ, আনন্দ, গ্রহণ, গমন, ও আলাপ ইহারদের কার্য।

যিনি একমাত্র মনকে পরাজয় করিতে অসমর্থ, তিনি কি প্রকারে সাগর পর্যন্ত পৃথিবীকে জয় করিবেন। ভোগাবসানে বিরম বিষয় সকল রাজার হৃদয়কে আকর্ষণ করিলে তিনি হস্তীর ন্যায় বন্ধন প্রাপ্ত হন। যে রাজা বিষয়াক্ত হইয়া অকার্য্যে আসক্ত হন, তিনি আপনাই ভয়াবহ বিপদ বহন করেন। শব্দ, স্পর্শ, রূপ, রস, গন্ধ, এই পাঁচটি বিষয়ের এক একটি বিনাশ করিতে পারে। দেখ, মৃগ পরিশুদ্ধ শম্প ও অক্ষুর আহার করে, ও অতি বেগে গমন করিতে পারে, কিন্তু গীত লোভে ব্যাধের হস্তে বধ প্রাপ্ত হয়। হিমালয় শিখরাকার হস্তী অবলীলাক্রমে বৃক্ষ সকল উন্মূলিত করে, কিন্তু করিণী স্পর্শে মুগ্ধ হইয়া বন্ধন প্রাপ্ত হয়। পতঙ্গ দীপশিখার মনোহর আলোকে আকৃষ্ট চক্ষু হইয়া সহসা তাহাতে পতিত ও মৃত্যু প্রাপ্ত হয়। মৎস্য চক্ষুর অগোচরে অগাধ সলিলে বিচরণ করে, তথাপি মৃত্যুর নিমিত্ত আশ্রয় মুক্ত বড়িশ আশ্বাদন করে। মধুকর গন্ধে লুব্ধ হইয়া হস্তীর দান মদ পান করিতে আগমন করে, গজকর্ণের একপ আঘাত প্রাপ্ত হয় যে, আর তাহাকে মুখে সঞ্চরণ করিতে হয় না। এই রূপ বিষতুল্য পাঁচটি বিষয়ের এক একটি বিনাশ করে; যিনি একবারে পাঁচটির সেবা করেন, তাঁহার কল্যাণ কিসে হইবে? অতএব জিতেন্দ্রিয় হইয়া আসক্তি পরিত্যাগ করিয়া সমুচিত অবসরে বিষয় সকল সেবা করিবেন; অর্থের ফল মুখ, মুখ বোধ না হইলে সম্পদ ব্যর্থ হয়। যাঁহাদিগের মন কাষ্ঠা মুখ বিলোকনে নিভান্ত আসক্ত, তাঁহাদিগের শ্রী অক্ষ ও যৌবনের সহিত রিগলিত হয়। ধর্ম হইতে অর্থ, অর্থ হইতে কাম, ও কাম হইতে মুখ উৎপন্ন হয়; কিন্তু যিনি নায়ানুসারে এই ত্রিবর্গের সেবা না করেন, তিনি ত্রিবর্গকে নষ্ট করিয়া আপনাকেও নষ্ট

করেন। জ্বলাশালিনী কামিনীর সন্দর্শন দূরে থাকুক, শ্রী এই আত্মাদ জনক নামটিই মনকে বিকৃত করিয়া তুলে। রমনীগণ মনকে আত্মাদিত ও মত্ত করে, এবং জল যেমন পর্ত্ত গণকেও বিদারণ করে, তদ্রূপ মহানুভাব ব্যক্তিদিককেও তেদ করিয়া ফেলে।

মৃগয়া, অন্ন ও পান ভূপতিগণের গর্হিত; পাণ্ডু মৃগয়া হইতে, নল অন্ন হইতে ও যত্ন বংশ মুরাপান হইতে বিপন্ন হইয়াছিলেন। রাজা কাম, ক্রোধ, লোভ, ঈর্ষা, মান ও মদ ভ্যাগ করিয়া মুখী হইবেন। দণ্ডক নৃপতি কামে, জনমেজয় ক্রোধে, রাজর্ষি এল লোভে, বাতাপি অমুরহস্তে, রাবণ মানে ও রাজা দস্তোহুব মত্ততায় বিনাশ প্রাপ্ত হইয়াছেন। জিতেন্দ্রিয় জামদগ্ন্য ও মহাভাগ অমুরীষ কামাদি যত্ন পরিত্যাগ করিয়া দীর্ঘ কাল পৃথিবী ভোগ করিয়াছিলেন।

শাস্ত্রের নিমিত্ত গুরু সেবা, ও বিনয় বুদ্ধির নিমিত্ত শাস্ত্র, রাজা বিদ্যা দ্বারা বিনীত হইলে তাঁহাকে কষ্টে অবসন্ন হইতে হয় না। রাজা বুদ্ধগণের সেবা করিলে সাধুগণের শ্রীতি ভাজন হন; ছুরাচারেরা তাঁহাকে অসৎ কার্য্যে প্রবৃত্ত করিলেও তিনি তাহাতে প্রবৃত্ত হন না। তিনি সম্যক্ কলা (১০) গ্রহণ করিলে গুরু পক্ষের চন্দ্রমার ন্যায় দিন দিন উন্নতি লাভ করেন। জিতেন্দ্রিয় ও নীতির অনুগামী রাজার রাজলক্ষ্মী সমুজ্জলিত হয় ও কীর্ত্তি দেব লোকেও গমন করে, রাজা এই রূপে বিনয় ও নয় সম্পন্ন হইয়া নরদেব সেবিত, রত্ন পর্ত্তের শূদ্র সতৃশ উন্নত, রাজলক্ষ্মীর ভাষার পদ সেবা করিলে তাহা আয়ত্ত করিতে পারেন। রাজপদ অলৌকিক ও স্বভাবত উন্নত; অতএব তাহা বল পূর্বক বিনয়ের সহিত সংযুক্ত করিবে; বিনয় নীতি সিদ্ধির অগ্রসর, বিনয় সম্পন্ন রাজা প্রভৃৎের পর কাষ্ঠা প্রাপ্ত হন। বিনয় ভূপালগণের ভূষণ। শক্রগণ বিনয় রহিত রাজাকে অনায়াসে স্বলে আনয়ন করে; কিন্তু যিনি শাস্ত্র ও বিনয়কে আশ্রয় করেন, তিনি দুর্বল হইলেও কুর্দাপি পরাভূত হন না।

God is a spirit; man has a spirit; both, Now; both, Here; and shall they never meet? shall they remain without exchange of looks? shall nothing break the seal of eternal silence? is there really love between them, and thought, and purpose, and yet all recognition dumb? Why tell us of God's Omniscience, if it only sleeps around us like dead space, or at most lies watching, like a sentinel of the universe, not free to stir? Who could ever pray to this motionless Immensity?

১০ রাজ পক্ষে শিম্প ইত্যাদি চৌষট্টি প্রকার বিদ্যা, চন্দ্র পক্ষে চন্দ্রের এক এক অংশ।

১ এক বারে একটি মাত্র বিষয়ে জ্ঞান হওয়া।

who weeps his grief to rest on a Pity so secret and reserved? Surely if He is a Living Mind, he not merely remains over from a Divine Past to appear again in a Divine Future, but moves through the immediate hours, and awakens a thousand sanctities to-day. Urged by such questionings as these, men of meditative piety have thirsted for conscious communion with the All-holy;—communion *both ways*: appeal and response; a crossing line of light from eye to eye; a quiet walk with God, where all the dust of life turns, at his approach, into the green meadow, and its flat pools into the gliding waters. They have retired *within* to meet him; have believed that all is not ours that it is ours to feel; that there is Grace of his mingling with the inner fibres of our nature, and flinging in, across the constant warp of our personality, flying tints of deeper beauty, and hints of a pattern more divine. And all have agreed, that, in order to reach this Holy Spirit, and through its vivifying touch be born again, the one thing needful is a stripping off of self, an abandonment of personal desire and will, a return to simplicity, and a docile listening to the whispers spontaneous from God. They find all sin to be a rising up of self; all return to holiness and peace a sinking down from self, a free surrender from the soul,—that asks nothing, possesses nothing, that relaxes every rigid strain, and is pliant to go whither the highest Will may lead. Nature, of her own foolishness, ever goes astray in her quest of divine things; wandering away in flights of laboring Reason to find her God; panting with over-plied resolve to do her work; scheming rules, and artifices, and bonds of union for forming her individuals into a Church. Reverse all this, and fall back on the centre of the Spirit, instead of pressing out in all radii of your own. Let Intellect droop her ambitious wing, and come home; there, in the inmost room of conscience, God seeks you all the while. Lash your wearied strength no more; sit low and weak upon the ground, with loving readiness hitherward or thitherward, and you shall be taken through your work with a sevenfold strength that has no effort in it. Leave yourself awhile in utter solitude, shut out all thoughts of other men, yield up whatever intervenes, though it be the thinnest film, between your soul and God; and in this absolute loneliness, the germ of a holy society will of itself appear, a temper of sympathy and mercy, trustful and gentle, suffuses itself through the whole mind: though you have seen no one, you have met all; and are girt for any errand of service that love may find. So then, if there are twenty or a thousand in this case, their wills would flow together of their own accord, and find themselves in brotherhood without a plan at all.

PROFESSOR MARTINEAU.

**বিজ্ঞাপন।**

আমারদিগের এই কার্যালয়ে যাঁহারা ডাকের টিকিট প্রেরণ করেন, তাঁহারা দিগকে জ্ঞাত করা যাইতেছে যে তাঁহারা অর্ধ আনা বা এক আনার টিকিট ক্রয় করিয়া পাঠাইবেন, যেহেতু এক আনা হইতে অধিক মূল্যের টিকিট এখানে বিক্রয় করিতে হইলে সমাজকে ক্ষতিগ্রস্ত হইতে হয়।

**কলিকাতা ব্রাহ্মসমাজের ১৭৮৪ শকের**

**শ্রাবণ মাসের আয় বায়**  
**বিবরণ।**

শ্রাবণ মাসের আয়	৫৮৯ ৬/০
পূর্বকার স্থিত	৮৫৪৬ ০/০
	১৪৪৪৬ ৬/০
বায়	১০২৪৬ ০/০
সম্পাদকের হস্তে	৪২০
	এতদ্বিম
বাক্সাল ব্যাঙ্কে	৫৬৬ ১/৫
কোং কাগজ	৫০০

**ব্রাহ্মদিগের প্রতিজ্ঞাত মাসিক দান**

শ্রীযুক্ত জয়গোপাল সেন ও	
“ ঠৈকুণ্ঠনাথ সেন	১৫
“ নীলমণি চট্টোপাধ্যায়	১০
“ নন্দলাল মিত্র	২
“ সুবলদাস সেন	২
“ ভগবতীচরণ দে	২
“ চন্দ্রমোহন ঘোষ	২
“ দ্বারিকানাথ মল্লিক	১
“ ঈশ্বরচন্দ্র দে	১
“ কেশবলাল মল্লিক	১
“ কার্তিকচন্দ্র সরকার	১১০
“ কেদারনাথ দে	১০
	৩২৬০

**মাসিক দান।**


শ্রীযুক্ত রামগোপাল ঘোষ	১২
“ অভয়াচরণ গুহ	৭
“ ঈশ্বরচন্দ্র বিদ্যাসাগর	৬
“ মদনমোহন চট্টোপাধ্যায়	৪
“ নীলকমল বন্দ্যোপাধ্যায়	৩
“ ঠৈকুণ্ঠনাথ সেন	১
	৩৩

**শুভ কর্মের দান।**

শ্রীযুক্ত দেবেন্দ্রনাথ ঠাকুর	৮
“ শ্রীরাম পালিত	১
“ গোকুলকৃষ্ণ সিংহ	১
	১০

৭৯৬০

৫ আশ্বিন শনিবার সন্ধ্যা ১১১১ কলিকাতা ৪২৩৩।



**তত্ত্ববোধিনী পত্রিকা**

ব্রহ্মবা একমিদমগ্রাসীমান্যং কিঞ্চনাসীত্ত্বদিতং সৰ্বমসৃজৎ। তদেব নিত্যং জ্ঞানমনন্তং শিবং স্বতন্ত্রনিরবয়বমেকমেবাদ্বিতীয়ং সৰ্বব্যাপিসৰ্বনিয়ন্তু সৰ্বশাসনসৰ্ববিৎসৰ্বশক্তিমন্তু বস্তুপূৰ্ণমপ্রতিমমিতি। একস্য তস্যৈবোপাসনয়া পারত্রিকনৈমিকঞ্চ স্বতন্ত্রবতি। তন্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

**সামাজিক পরিবর্তন।**

ধর্ম জন-সমাজের একটি দৃঢ় বন্ধন স্বরূপ। সকল দেশেই চিরায়ত সামাজিক নিয়ম, সামাজিক ব্যবস্থা এবং আচার ব্যবহার, প্রচলিত ধর্মের সম্পূর্ণ অনুযায়ী; ধর্মের অনুশাসনেই তৎসমুদায় সকলের শিরোধার্য হইয়া পুরুষানুক্রমে সমাদৃত ও অনুষ্ঠিত হইয়া থাকে। কিন্তু যেখানে সেই ধর্মেরই সম্যক পরিবর্তন হইতে থাকে, যেখানে জ্ঞানের উন্নতি সহকারে প্রাচীন কাণ্টনিক ধর্মের পরিবর্তে মত ধর্ম প্রচার হইতে আরম্ভ হয়, সেখানে সেই প্রাচীন ধর্মালুয়ারী অনুষ্ঠানের প্রতি ক্রমশই অপ্রীতি হইয়া আইসে। বাস্তবিক ধর্মের পরিবর্তনের সঙ্গে সঙ্গেই অনেকাংশে সামাজিক আচার ব্যবহারেরও পরিবর্তন আবশ্যিক হয়। ধর্মের উন্নতি হইলেই সামাজিক পদ্ধতিরও উন্নতি নিতান্ত প্রয়োজন হইয়া উঠে। আমাদের বর্তমান সামাজিক অবস্থার প্রতি দৃষ্টিপাত করিলে এই সত্যটি সম্পূর্ণ সঙ্গলগ্ন হইবেক। এক্ষণে ঈশ্বরের রূপায় আমাদের বঙ্গভূমি হইতে

পৌত্তলিক ধর্ম ক্রমশই দূরীকৃত হইতেছে। চতুর্দিকে ব্রাহ্মধর্মের বিমল জ্যোতি দিন দিন বিকীর্ণ হইতেছে, চিরমেবিত কুসংস্কার সকল লোকের অস্থিরকরণ হইতে স্থলিত হইতেছে। সুতরাং এক্ষণে আমাদের চির প্রচলিত পৌত্তলিক মতানুযায়ী কুপ্রথা সকল আর আদরণীয় হইতে পারে না। হিন্দু সমাজের আচার পদ্ধতি জ্ঞানবান ব্যক্তি মাত্রেই আন্তরিক বিশ্বাসের সহিত নামঞ্জর্য হইতে পারে না। অতএব এক্ষণে বিশ্বাস ও অনুষ্ঠানের ভয়ানক বিসম্বাদ উপস্থিত হইয়াছে, এক দিকে জ্ঞান ও ধর্ম প্রচলিত কুরীতি সকল পরিহার করিতে প্রবল রূপ আদেশ করিতেছে, আর দিকে সমাজের দৃঢ় বন্ধন ছেদন করা ছঃসাধ্য বোধ হইতেছে এবং অনেকে সেই বন্ধনের বশীভূত হইয়া নিতান্ত অনিচ্ছাতেও পৌত্তলিক মতানুযায়ী অনুষ্ঠান করিতেছেন। এই রূপ আন্তরিক সংগ্রাম এক্ষণে বোধ হয় সুরল মাধু ব্যক্তি মাত্রেই মনে উপস্থিত হইয়া থাকে। যদিও কেহ কেহ এই সংগ্রামে জয়ী হইয়া ঈশ্বরের পথে পদার্থ করিতে সমর্থ হইয়াছেন, তথাপি



অনেকেই ইহাতে কিছুই করিতে না পারিয়া অসুস্থ রহিয়াছেন, কিন্তু এই সংগ্রাম কোথায় কিরূপে শেষ হইবেক তাহা স্পষ্টই দেখা যাইতেছে। যেখানে সত্য ধর্মের প্রভাব একবার মনোমধ্যে প্রবেশ করিয়াছে, সেখানে তাহার অনুশাসন অবশ্যই প্রবল হইবেক। যে ব্যক্তি কাণ্পনিক ধর্মের মলিন জঘন্য মূর্তি একবার হৃদয়ঙ্গম করিয়াছেন, তাঁহার মন কখনই তাহাতে অধিক কাল লিপ্ত থাকিবেক না।

হিন্দু ধর্মের এক্ষণে বাস্তবিক পদ্ধতি মাত্র রহিয়াছে। তাহার প্রতি আর কাহারও আস্থা হইতে পারে না, হিন্দু ধর্ম বাস্তবিক এক্ষণে মৃত ধর্ম মাত্র। স্মরণ্য তাহার বন্ধন শিথিল হইয়া আসিয়াছে। যাঁহারা কেবল শ্লোক ভয়ে অদ্যাপি পৌত্তলিক অনুষ্ঠানে রত রহিয়াছেন, তাঁহারা কেবল শিশুর ন্যায় মৃত দেহ দেখিয়াই ভয় পাইতেছেন। বাস্তবিক এক্ষণে অনেকেই হিন্দু সমাজের প্রচলিত পৌত্তলিক আচার পদ্ধতি হইতে অন্তরিত ও নিলিপ্ত হইতে সমুৎসুক হইয়াছেন। কিন্তু কেহই স্বহস্তে স্বীয় বন্ধন ছেদ করিতে সমর্থ হইতেছেন না। প্রত্যুত অনেকেই যথাকথঞ্চিৎ আপনাদের অবস্থাকে হিন্দু সমাজের সহিত সমঞ্জসীভূত করিয়া লইয়াছেন। কিন্তু এক্ষণে তাঁহারা কেবল উন্নতির পথ অন্বেষণ করিতেছেন।

একদিকে মন উন্নত পবিত্র ভাবে পরিপূর্ণ হইতেছে, আর দিকে হয় তো তাহা সামাজিক নিয়মের অনুরোধে নিতান্ত অপবিত্র ও গর্হিত অনুষ্ঠানে প্রবৃত্ত হইতেছে। এক্ষণে অবস্থার সময় ধর্মবর্ষ কদাপি স্মৃতি লাভ করে না, ধরং আত্মা ক্রমশই বিশীর্ণ হইয়া যায়। অনন্ত কাল ধর্মোপদেশ পাইলেও কিছুই হইবে না, যদি উপদেশ

অনুষ্ঠানে পরিণত না হয়। সামাজিক কুরীতি ও কুসংস্কারের মধ্যে থাকিয়া কেবল ধর্ম বিষয়ক প্রস্তাবে বাক্য ব্যয় করিলে কোন ফলই হইতে পারে না। এই সকল কুপ্রথা যে অহর্নিশ আমাদের সমুদায় বলবীৰ্য্য শোষণ করিতেছে তাহা আমরা দেখিয়াও দেখি না। আমরা ধর্ম মন্দিরে যে সকল উপদেশ পাই, আমাদের গৃহ মধ্যে তাহার সমুদায়ই বিপরীত ভাব। বাস্তবিক এক্ষণকার হিন্দু সমাজ মধ্যে থাকিয়া সাধু ব্যক্তি কখন পরিতোষ পাইতে পারেন না, আপনার ধর্ম বুদ্ধিকে চরিতার্থ করিতে পারেন না, প্রকৃত উন্নতির পথে পদার্পণ করিতে সমর্থ হন না। যেমন আমরা সত্য ধর্মের আলোক প্রাপ্ত হইয়াছি, সেই রূপ আমাদের সামাজিক অবস্থাকে তাহার অনুমোদিত করা আবশ্যিক। কিন্তু সামাজিক পরিবর্তন, এই বাঁকাটা আমাদের দেশীয় ব্যক্তিগণের নিকটে কি ভয়ানক। তাহাদের নিকট যাহা প্রাচীন তাহাই মহা মান্য তাহাই উৎকৃষ্ট। অতি গর্হিত নিন্দনীয় প্রথা যদি প্রাচীন শাস্ত্র সম্মত হয় তবে তাহা প্রত্যক্ষ অশেষ অনিষ্টকর হইলেও অবশ্য সেবনীয় হইবেক। এই রূপ অনভিজ্ঞ ব্যক্তিগণ শাস্ত্র বিমুগ্ধ হইয়া সামাজিক পরিবর্তনের প্রতি একেবারে খড়্গ হস্ত হইয়া উঠে। কিন্তু তাহারা বুঝিতে পারে না যে দেশ কালের পরিবর্তনে সামাজিক নিয়মেরও পরিবর্তন আবশ্যিক; যে ব্যবস্থা দ্বিসহস্র বৎসরেরও পূর্বে মনুর সময়ে উপকার জনক হইয়াছিল, তাহা যে এখনও মঙ্গল বিধায়ক হইবেক, ইহা কদাপি বলা যাইতে পারে না। মনুষ্যের শৈশবাবস্থায় যে প্রকার নিয়ম ও শাসন আবশ্যিক প্রৌঢ়াবস্থায় তাহা কদাপি বিধেয় হইতে পারে না। জনসমাজের তদ্রূপ

আদিম শৈশবাবস্থার পদ্ধতি কখন উন্নত স্তমভ্য অবস্থায় প্রয়োগ হইতে পারে না। এক্ষণে যে সকল স্মৃতিয়ম আমাদের হিন্দু সমাজে নিতান্ত আবশ্যিক হইয়াছে, তাহা প্রচলিত করিতে যত বিলম্ব হইবেক ততই কেবল অনিষ্টের বৃদ্ধি হইতে থাকিবেক। অতএব আমাদের সামাজিক অবস্থার উন্নতি সাধন ও সামাজিক আচার ব্যবহার সংশোধন এই গুরুতর কার্যের প্রতি আর উপেক্ষা করা হইতে পারে না। জাতি ভেদ, বহু বিবাহ, পৌত্তলিকতা এই সমস্ত অনিষ্টকর অনুষ্ঠানের প্রতি সকলেই ঘৃণা করিতেছেন। সকলেই মুক্তকণ্ঠে এই সকল কুপ্রথার নিন্দা করিতেছেন। কিন্তু ইহাদের উৎসেদ করিবার জন্য কেহই কি হস্ত প্রসারণ করিবেন না। যদি আমরা এই অনুকূল সময়কে অবহেলা করি, যদি আমরা অদ্যাপি অধর্ম ও কুসংস্কারের শাসনাধীন হইতে লজ্জা বোধ না করি, যদি এখনও আমরা উন্নতির প্রশস্ত পথে অবতীর্ণ হইয়াও তাহা হইতে প্রতি নিবৃত্ত হই, তাহা হইলে আমরা যে কেবল আমাদেরই অনিষ্ট সাধন করিব এমত নহে, কিন্তু উত্তর কালে আমাদের পুত্র পৌত্রদিগেরও উন্নতি রোধের কারণ হইবে। যাঁহারা সদনুষ্ঠানে প্রযত্নশীল হয়, তাঁহারা নিতান্ত অক্ষম হইলেও ঈশ্বরের তাহাদের সহায় হন। কিন্তু যাঁহারা আপনাদের মঙ্গল চেষ্টায় বিমুগ্ধ থাকে তাঁহারা যে দীন হীন চূর্ণশাশ্রু হইবেক তাঁহারা বিচিন্তিত কি। কিন্তু এই সামাজিক উন্নতি সাধন বিষয়ে ব্রাহ্মদিগের অগ্রে দৃষ্টান্ত প্রদর্শন করা কর্তব্য। তাঁহারা যেমন সত্য ধর্মের পথ অবলম্বন করিয়াছেন সেই রূপ তাঁহারা অনুযায়ী সদনুষ্ঠানে প্রবৃত্ত হওয়া আবশ্যিক। তাঁহাদের অল্প সংখ্যা বলিয়া ভীত হইবার প্রয়োজন নাই। এই মঙ্গল কার্যেতে ঈশ্ব-

রই স্বয়ং প্রবর্তক হইবেন। তাঁহারা সরল সাধুভাবে একত্রিত হউন, সংমিলিত হউন তাহা হইলেই জয় লাভ করিতে পারিবেন এবং ব্রাহ্মধর্মের প্রকৃত গৌরব স্থাপন করিতে সমর্থ হইবেন। ঈশ্বরের মঙ্গল রাজ্যে অমঙ্গল ও অধর্ম কদাপি অধিক কাল স্থায়ী হইতে পারে না। এক্ষণেই এদেশে উন্নতির স্রোত বহমান হইয়াছে, তাহা ক্রমশই প্রবৃদ্ধ হইবেক এবং সমুদয় দেশকেই মঙ্গল অমৃত বারিতে অভিষিক্ত করিবেক। আমরা যেন সেই মঙ্গল স্রোতকে অবরোধ না করি, কিন্তু যাহাতে সেই স্রোত অধিকতর বেগবান হয়, যাহাতে তাহা এদেশের সমুদায় মলিনতা ধৌত করে তাহাতেই যেন সাধু ও ধার্মিক মাত্রেরই প্রযত্ন হয়। যাঁহারা প্রকৃত ধর্মবল লাভ করিয়াছেন, তাঁহারা অবশ্যই শত শত প্রতিবন্ধক সত্ত্বেও এই মঙ্গল কার্যে প্রবৃত্ত হইবেন এবং ঈশ্বরের মঙ্গল অভিপ্রায়ের উপর নির্ভর করিয়া প্রকৃত পুরুষার্থ সাধন করিবেন।

### উদ্ধৃত।

ব্রাহ্মধর্মের ব্যাখ্যান।

প্রথম প্রকরণ—ত্রয়োবিংশ আদেশ।

১৭৮২ শকের ২০ বৈশাখে কলিকাতা ব্রাহ্মসমাজে  
প্রধান আচার্য্য কর্তৃক  
বিবৃত হয়।

যদিদং কিঞ্চ জগৎ সর্বং প্রাণএজতি  
নিঃসৃতং।

ইনি প্রাণ স্বরূপ, যিনি সর্বভূতে প্রকাশ পাইতেছেন। এই জীবন্ত মহা-বাক্য আমরা ব্রাহ্ম ধর্ম হইতে প্রাপ্ত হইয়াছি। সেই প্রাণ স্বরূপ হইতে এই জগৎ নিঃসৃত হইয়াছে, সেই প্রাণ-স্বরূপের নির্দিষ্ট নিয়মেই

ইহারা নিজ নিজ কর্মে প্রবৃত্ত রহিয়াছে, এবং সেই প্রাণ-স্বরূপের ইচ্ছার স্রোত অদ্যাপি বর্তমান থাকিতেই এই চরাচর জাম্যমান হইতেছে। ইনি আমাদের জীবন্ত জাগ্রত দেবতা, ইনি আমারদিগের হৃদয়ের পরম ধন; ইহারা উপাসনার নিমিত্তে আমরা এই ব্রাহ্মসমাজে সম্মিলিত হইয়াছি, ইহাকেই প্রীতি দান করিবার জন্য আমরা এখানে উপস্থিত হইয়াছি। অতএব সেই প্রীতি-স্বরূপের প্রীতি-নয়ন দেখিয়া জীবন সার্থক কর। তিনি সর্বজ্ঞ, সর্বব্যাপী, সর্বনিয়ন্তা—তিনি আমারদিগের আশ্রয়-দাতা; সেই পরমেশ্বরের উপাসনার নিমিত্তে, তাঁহারই প্রীতির নিমিত্তে আমরা এখানে একত্রে মিলিত হইয়াছি। অতএব তাঁর প্রতি প্রীতিকে উজ্জ্বল কর। এখানে আসিয়া আমারদের জ্ঞান-নেত্র যেন এই স্থানে তাঁহাকে দেখিতে পায়। তাঁহাকে সর্বজ্ঞ ও সর্বব্যাপী জানিয়া তাঁহার পূজার নিমিত্তে উৎসুক হও; যেন কুটিল বিষয়-চিন্তা-সমূহ এ সময়ে তোমাদের শ্রোত্রকে রুদ্ধ ও মনকে বিক্ষিপ্ত না করে। সমস্ত দিবস আমরা যাহার জন্য অপেক্ষা করিতেছিলাম, এক্ষণে সেই সময় উপস্থিত হইয়াছে। অতএব হৃদয়-দ্বার মুক্ত করিয়া আপনার মনকে তাঁহার আনন্দে পূর্ণ কর। আমারদের কি সৌভাগ্য যে যাঁর সঙ্গে অনন্ত কালের সঙ্গ, তিনিই আসিয়া আমারদের হৃদয়কে পূর্ণ করিতেছেন। এই বঙ্গ দেশ সকল দেশ অপেক্ষাই দুর্বল। এই ক্ষীণ হীন দেশে জন্ম গ্রহণ করিয়া আমরা সকলে মলিন হইয়াছি; তথাপি ঈশ্বরের কি অনুগ্রহ, তিনি এই সমাজ-মন্দিরের মধ্যে আমারদিগের নিকটে প্রকাশ পাইতেছেন। মাতার যে রূপ দুর্বল শিশুর প্রতি স্নেহ অধিক হয়, তদ্রূপ ঈশ্বরেরো

স্নেহ বঙ্গ দেশের প্রতি অধিক প্রকাশ পাইতেছে। তাঁহার এত অনুগ্রহ পাইয়াও কি আমরা তাঁহাকে তত্ত্ব ও প্রীতিপূর্বক প্রণিপাত করিব না? তাঁহার অনুগ্রহই আমারদের সর্বস্ব। আজ সমাজ-মন্দিরে আসিয়া তাঁহার প্রসাদ প্রচুর-রূপে উপভোগ করিতেছি, ঈশ্বরের এই প্রসাদ যেন আমারদিগকে প্রতি সপ্তাহে এ স্থলে আনয়ন করে। আমারদের কিঞ্চিৎ যত্ন থাকিলে তাঁহার প্রসন্নতা তিনি মুক্ত হস্তে বিতরণ করেন; আমরা এক পদ অগ্রসর হইলে তিনি সহস্র ধারে অমৃত বর্ষণ করেন। ঈশ্বরের সঙ্গে আমারদের যে প্রকার মনস্ক, মনুষ্য হইয়া কি আমরা তাহা রক্ষা করিতে পারিব না? তাঁহার সেই সুন্দর মঙ্গল-ভাব দেখিয়া আমাদের উজ্জ্বল কর, কুটিল ভাব-সকল পরিত্যাগ করিয়া আমাদের পবিত্র কর, ধর্মের ও ঈশ্বরের অধীন হইয়া স্বাধীন হও—স্বৈচ্ছাচারী হইও না। যাহারা স্বৈচ্ছাচারী, তাহারা স্বাধীন নহে, তাহারা স্বীয় কুটিল প্রবৃত্তিরই অধীন। জ্ঞানহীন ধর্মহীন পশুরাই স্বৈচ্ছাচারী। যাহারা আপনাকে বশীভূত করিতে পারে নাই, যাহারা আপনারদিগের প্রবৃত্তি-স্রোতকে ধর্মের অনুগত করিতে পারে নাই, যাহারা আপনারাই আপনার প্রভু নহে, তাহারা আপনার অপেক্ষা হতভাগ্য পরাধীন আর কে আছে? “ইন্দ্রিয়াণাং বিচরতাং যন্ননোন্-বিধীয়তে। তদস্য হরতে প্রজ্ঞাং বায়ুর্নাবমিবাস্তসি ॥” মন যদি স্বৈচ্ছাচারী ইন্দ্রিয়-সকলের অনুগামী হয়; তবে বায়ু যেমন নৌকাকে জলেতে মগ্ন করে, ঐ মনও তদ্রূপ পুরুষের বুদ্ধিকে নষ্ট করে। পরাধীন হওয়া যে কত কষ্ট, তাহা বর্ণনার অতীত। পাপ-প্রবৃত্তির বশবর্তী হওয়া যে কত যন্ত্রণা, তাহা এক মুখে ব্যক্ত করা যায় না। পাপের

ওষধ কেবল এক মাত্র ব্রাহ্মধর্ম। যে ব্রাহ্মধর্মের প্রাণ স্বঃ ব্রহ্ম, সেই ধর্মের বলে আমরা পুনরায় স্বাধীনতা লাভ করিব। স্বাধীনতা ব্যতীত সুখ সৌভাগ্য লাভ করা অসম্ভব, পরাধীনতাই দুঃখের মূল। ব্রাহ্মধর্মে আমরা প্রাপ্ত হইয়াছি যে পাপ হইতে মুক্ত হওয়াই আত্মার স্বাধীনতা এবং আত্মার স্বাধীনতার সঙ্গে সঙ্গেই সকল প্রকার স্বাধীনতা লাভ করা যায়। বঙ্গ দেশে ব্রাহ্মধর্ম দ্বারা যে কত মঙ্গল সাধন হইবে, তাহা যাহারা ইহাকে একবার হৃদয়ে ধারণ করিয়াছেন, তাঁহারাই জানেন। যতদূর ঈশ্বরের রাজ্য ততদূর ব্রাহ্মধর্মের বল ও আধিপত্য। যদি তোমাদের স্বাধীনতা প্রাপ্তির নিমিত্তে কিঞ্চিৎ যত্ন থাকে, যদি আত্ম-প্রসাদ লাভের নিমিত্তে একটুকুও ব্যগ্রতা থাকে; তবে তাহা কেবল এক মাত্র ব্রাহ্মধর্মের সাহায্যে সিদ্ধ হইতে পারে, কেবল এক মাত্র ব্রাহ্মধর্মের আশ্রয়ে পাপকে পরাভূত করা যায়। একে বঙ্গ দেশের এই ছুরবস্থা তাহাতে যেন আবার এই ধর্মের প্রতি অবহেলা না থাকে। ব্রাহ্ম ধর্ম ব্যতীত এদেশের ছুরবস্তার পরিসীমা থাকিবে না। ঈশ্বরের প্রেম-মুখ দেখিবার জন্য প্রার্থনা কর এবং ধর্ম-বুদ্ধি ও শুভ-বুদ্ধি পাইবার নিমিত্তে তাঁহার প্রতি উৎসাহ হও। তিনি তোমার প্রার্থনা অবশ্যই সিদ্ধ করিবেন; তাঁহার প্রসাদ-বারি তোমারদিগকে অবশ্যই সিদ্ধ করিবে; ক্রমে তোমার সকল বৃত্তিই সেই মঙ্গলময়ের অনুগামী হইবে। যদি ঈশ্বর আপনার প্রতিনিধি-স্বরূপ ব্রাহ্মধর্মকে আমারদিগের নিকটে প্রেরণ না করিতেন, যদি ব্রাহ্মধর্ম আমারদিগের প্রিয় বন্ধুর ন্যায় কার্য্য না করিতেন; তবে আমারদিগের কি কেশই সহ্য করিতে হইত, কি নরকই ভোগ করিতে হইত।

আমরা ক্রমে পাপের অধীন হইয়া সংসার পিঞ্জরেই বদ্ধ হইয়া থাকিতাম। কিন্তু ব্রাহ্মধর্মের প্রসাদে আমরা ঈশ্বর হইতে বঞ্চিত হই নাই; ইহারা সহবাসে আমরা ক্রমে বলীয়ান হইতেছি। এখানে যেমন আত্মার উপযোগী ব্রাহ্মধর্ম আর ব্রাহ্মধর্মের উপযোগী আত্মা; এমন আর কিছুই নাই। যেমন সর্ব প্রথমে পূর্বদিক হইতেই বিভাবলু সূর্য উদিত হইয়া সমুদায় পৃথিবীকে আলোকময় করে, তদ্রূপ এই পূর্বদিক হিত বঙ্গদেশ হইতে ব্রাহ্মধর্ম উদয় হইয়াছে। ইহা এইক্ষণে সমুদায় পৃথিবীকে ক্রমে ক্রমে আলোক দান করিবে। এ ধর্মকে অবহেলা করিলে শরীর ভগ্ন হইবে, মন বিকৃত হইবে, আত্মা শুষ্ক হইয়া যাইবে। ইহাকে আশ্রয় করিলে তোমরা ইহার বলে বলীয়ান হইবে; যদিও শত সহস্র ব্যক্তি তোমাদের বিপক্ষে খড়্গ ধারণ করে, তথাপি ঈশ্বর-দত্ত অভেদ্য কবচে আবৃত থাকিয়া সকল ভয়কে অতিক্রম করিবে। অতএব সকলে মিলিয়া এই ব্রাহ্ম ধর্মকে অতি যত্নের সহিত রক্ষা কর, ইনি নিশ্চয় তোমারদিগকে সকল সময়েই রক্ষা করিবেন। যে ব্রাহ্ম ধর্ম এই পৃথিবীর ধর্ম এবং যাহা এই অসীম জগতের ধর্ম, তদ্বারা হৃদয়কে পূর্ণ কর; ক্রমে তোমারদিগের সাধু দৃষ্টান্তে ইহা সমুদায় পৃথিবীময় ব্যাপ্ত হইবে। হে পরমাশ্রয়! কবে এই মর্ত্য লোকে ব্রাহ্ম ধর্মের আবির্ভাব জাজ্জ্বল্যতর হইবে, কবে এই বঙ্গদেশ হইতে দ্বৈষ ও মলিন ভাব সকল দূরীভূত হইবে, কবে সকলে ঈশ্বর-প্রেমে মগ্ন হইবে এবং ব্রাহ্মধর্মের সহায়তায় তাহাকে লাভ করিয়া আশু-কাম হইবে। হে জগদীশ্বর! তুমি আমার এই নির্মল-তম অন্তরতম কামনা পূর্ণ কর।

ও একমেবাদ্বিতীয়ং

## কার্য্য এবং অভিপ্রায়।

কোন কার্য্যের সদস্য গুণ সম্যক্ রূপে বিবেচনা করিতে হইলে দুইটি বিষয়ের প্রতি দৃষ্টিপাত করা আবশ্যিক। প্রথমতঃ কার্য্যটি হিতকর ও মঙ্গল জনক হইয়াছে কি না, দ্বিতীয়ত তাহা সদভিপ্রায়ে অনুষ্ঠিত হইয়াছে কি না। যতক্ষণ না এই দুই বিষয় সম্পূর্ণ রূপে অবগত হওয়া যায়, ততক্ষণ সে কার্য্য স্মৃতি কি ছুষ্টি তাহা কদাপি অবধারণ করা যায় না। সংসারে সামান্যত কার্য্যের ফলাফল দেখিয়াই লোকে তাহাকে ভাল মন্দ বলিয়া থাকে এবং তৎকর্তাকে প্রশংসনীয় বা নিন্দনীয় জ্ঞান করে। মনুষ্য যে কোন অভিপ্রায়ে কার্য্য করুক না কেন, তাহা যদি শুভ ফলে পরিণত হয়, তাহা যদি উপকার জনক হয়, তাহা হইলেই লোকে তাহাকে পুণ্যশীল বলিয়া থাকে। বাস্তবিক বাহ্যিক ক্রিয়াকে অনেকাংশে আন্তরিক ভাবের চিহ্ন বলিতে হইবেক। এবং মনুষ্যের পরস্পরের মনের ভাব জানিবারও অন্য উপায় নাই। কিন্তু ধর্ম্মের নিকট এপ্রকারে আমাদের কর্ম্মের পরীক্ষা হইতে পারে না। আমরা যে কোন কর্ম্ম করি, তাহা হয় তো মহোপকার জনক হইতে পারে, তদ্বারা হয় তো সহস্র লোকের মঙ্গল হইতে পারে, তথাপি সে কার্য্য আমাদের পক্ষে পুণ্য কার্য্য না হইতে পারে। মনুষ্যকে যখন আমরা ধর্ম্মানুগত পুরুষ বলিয়া জ্ঞান করি, তখন আমরা দেখিতে পাই যে তাহার সমুদায় কর্ম্মের ভাল মন্দ গুণ কেবল তাহার আন্তরিক ইচ্ছা ও অভিপ্রায়ের উপর সম্পূর্ণ নির্ভর করে। তখন তাহার সকল কার্য্যেতেই উচিত ও কর্তব্যের ভাব আসিয়া পড়ে। কোন কার্য্যে তৎকর্তার ধর্ম্মাধর্ম্ম বিচার করিতে

হইলে সে কার্য্যের ফল নির্ণয় করিবার প্রয়োজন নাই, কিন্তু তাহা কি উদ্দেশ্যে কি মানসে কৃত হইয়াছে তাহা জানিতে পারিলেই হইল। যদি কেহ কর্তব্য বিবেচনায় কোন কার্য্য করেন এবং তাহার অজ্ঞান বশতই হউক বা অকস্মাৎই হউক তাহা অশুভ ফল উৎপাদন করে, তাহা হইলে আমরা সে ব্যক্তিকে কখন পাপকর বলিয়া নিন্দা করিতে পারি না। ঈশ্বরের নিকট তিনি কখন অপরাধী হইবেন না। অপর কোন কার্য্য মঙ্গল জনক হইলেই যে পুণ্য-কীর্ত্তি হইবেক এমত নহে। এক জন কোন ইচ্ছা না করিয়াও অজ্ঞাতমারে বা হঠাৎ ক্রমে কোন ভাল কর্ম্ম করিতে পারে, কেহ বা অসদভিসন্ধি করিয়াও মাপু ফল উৎপাদন করিতে পারে, কিন্তু ইহাদের কার্য্যকে কেই স্মৃতি বলিতে পারেন না। যদি রোগী ব্যক্তিকে কেহ ঔষধ ভ্রমে বিষ পান করায় এবং সেই বিষেতে তাহার প্রাণভাগ হয়, তবে তাহার শুদ্ধ কার্য্যটি দেখিয়া লোকে হয় তো তাহাকে মহা পাষণ্ড জ্ঞান করিতে পারে কিন্তু তাহার আন্তরিক অভিপ্রায় অবগত হইলে কেহই তাহাকে অপরাধী বলিবেন না। সামান্যত কার্য্যের ফলাফল প্রায় প্রাকৃতিক নিয়মেতেই উৎপন্ন হইয়া থাকে, তাহার উপর আমাদের কোন কর্তৃত্ব থাকে না। বিষ বা ঔষধ সেবন করিলে স্বাভাবিক নিয়মেতেই তাহাদের ফল উৎপন্ন হয়। আমরা কেবল কার্য্যের প্রবর্তক, অতএব আমরা যদি সেই কার্য্য উচিত ও কর্তব্য বিবেচনায় তাহার সংঘটনের নিমিত্ত সজ্জায় অবলম্বন করি, তাহা হইলেই আমাদের যথা কর্তব্য করা হইল। বিবেচনা করিতে গেলে কার্য্য কেবল আমাদের আন্তরিক ইচ্ছাতে অভিপ্রায়ের বাহ্যিক প্রতিরূপ মাত্র, সুতরাং কার্য্যের

গুণাগুণ অভিপ্রায়েতেই সম্পূর্ণ রূপে লক্ষিত হয়। ধর্ম্মপরায়ণ ব্যক্তি কোন সংকল্প সংকল্প করিয়া যদি তাহা সম্পাদনে ক্ষমতা বিহীন হন, তাহা হইলেও তাহার মঙ্গল ইচ্ছাকে ঈশ্বর উৎকৃষ্ট উপহার রূপে গ্রহণ করেন। যে ব্যক্তি মনেতে পাপচিন্তা করে, তাহার সে পাপ কর্ম্ম অনুষ্ঠিত হউক বা না হউক, তৎক্ষণ্যে সে ব্যক্তি সম্পূর্ণ পাপের ভোগী হইতেছে। এই গুরুতর মতের প্রতি অনেক উপেক্ষা করিয়া থাকেন। অনেকে পাপ কর্ম্ম হইতে সর্বদা সাবধান থাকেন বটে কিন্তু পাপচিন্তাকে তাদৃশ অমঙ্গলভর বোধ করেন না। কিন্তু যে ব্যক্তি পাপ চিন্তায় প্রবৃত্ত হয় এবং তাহাতে আনন্দ লাভ করে, তাহার অন্তঃকরণ অন্যায়সেই দূষিত হয় এবং সে কেবল অবসর বা ক্ষমতা অভাবেই সেই পাপানুষ্ঠানে রত হইতে পারে না। বাস্তবিক আমাদের অন্তর দূষিত হইবার এই একটি ভয়ানক কারণ—মনোমধ্যে পাপ প্রবেশের ইহা একটি সুপ্রশস্ত দ্বার। আমরা আপাতত অপবিত্র বিষয়ের আলোচনাতে কোন বিশেষ অপকার দেখিতে পাই না, সুতরাং তাহাকে দমন করিতেও ইচ্ছা হয় না। কিন্তু কিছুকাল মধ্যে আমাদের সম্পূর্ণ শক্তি অপবিত্র ভাব সকলকে ক্রমশ উত্তেজিত করে, ক্রমে পাপের প্রতি আসক্তি জন্মে এবং এই রূপে অবশেষে ঘোর পাপে পতিত হইতে হয়। পাপাসক্ত ব্যক্তিদিগের যদি পূর্বাগত মানসিক ভাব অবগত হওয়া যায়, তাহা হইলে দৃষ্ট হইবেক যে অনেকেই এই রূপে ধর্ম্ম হইতে পতিত হইয়াছে। যখন আমাদের আন্তরিক ভাবের উপরই সমুদায় পাপ পুণ্য সম্পূর্ণ রূপে নির্ভর করিতেছে, তখন আমাদের মনের গতির প্রতি সর্বদাই সতর্ক ভাবে দৃষ্টি করা কর্তব্য। মনের বিকারই পাপের

উৎস স্বরূপ। ঈশ্বর আমাদের আত্মার প্রতি দৃষ্টি করেন, তিনি আমাদের সদ্ভাব চান, তিনি আমাদের অভিপ্রায় দেখেন। যাঁহারা কেবল মনুষ্যের প্রতি ও সংসারের প্রতি দৃষ্টি রাখিয়া কার্য্য করেন, তাঁহারা প্রায় আপনাদের অভিপ্রায়ের পরীক্ষা করেন না তাঁহারা লোকের নিকটে যশস্বী মান্য হইবার জন্যই সংকল্প করেন, কিন্তু সে কার্য্যকে প্রকৃত পুণ্য কার্য্য বলা যায় না। তাহা কেবল তাঁহাদের কীর্ত্তি লাভের উপায় মাত্র। বাস্তবিক আমাদের দেশীয় অনেকেই নানা প্রকার সংকল্প অনুষ্ঠান করিয়া থাকেন বটে কিন্তু যথার্থ মাত্ত্বিক ভাবে কর্তব্য বিবেচনায় অত্যন্ত লোকেই এপ্রকার হিতকর কার্য্যে প্রবৃত্ত হন। অনেকে আপনাপন অনুষ্ঠিত সংকল্পের প্রতি দৃষ্টি করিয়া উল্লসিত হইয়া থাকেন, শত শত লোকে তাঁহাদের যশো ঘোষণা করে কিন্তু তাঁহারা এই রূপ উল্লাসের অগ্রে একবার আপনাদের অন্তঃকরণকে পরীক্ষা করিয়া দেখিবেন, তাঁহারা আপনার প্রতি জিজ্ঞাসা করিবেন, তাঁহারা যে সকল কর্ম্ম করিয়াছেন তাহাতে কর্তব্য বলিয়া প্রবৃত্ত হইয়াছেন কি না। এবং এই রূপ পরীক্ষায় অনেকে দেখিবেন যে তাঁহারা পুণ্য পথ হইতে দূরে আছেন। যিনি সদনুষ্ঠানে রত হইবেন, তিনি যেন তাহাতে ধর্ম্মের অনুরোধে ঈশ্বরের প্রিয়-কার্য্য বলিয়া প্রবৃত্ত হন। যাহা ঈশ্বরের অভিপ্রেত, তাহাই আমাদের প্রিয়কার্য্য হওয়া উচিত। সংসারে যশো লাভের জন্য বা ধনমদে মত্ত হইয়া অনেকে দাতব্যে অর্থ ব্যয় করিয়া থাকেন, কিন্তু তাহাতে কেবল তাঁহাদের নিকৃষ্ট প্রবৃত্তি সকলই চরিতার্থ হয়। তাহাতে কেবল তাঁহাদের মন আত্মশ্লাঘাতে ও আত্মাভিমাণে পূর্ণ হয়, সুতরাং তাঁহারা ঈশ্বর হইতে দূরে থাকেন। কর্ত-

বোর গুরুতর ভাব যিনি সম্যক রূপে হৃদয়ঙ্গম করিয়াছেন তিনিই কেবল সকল অবস্থাতেই আগ্রহের সহিত তাহার অনুযায়ী হইতে পারেন। যাহা কর্তব্য তাহা ঈশ্বরের আদেশ, তাহা কোন ক্রমেই লঙ্ঘন করা হইতে পারে না। যদি সহস্র বিষয় ত্যাগ করিতে হয়, তথাপি কর্তব্যের অনু-রোধে সে ত্যাগ স্বীকার করিবেন। কর্তব্য সাধনই প্রকৃত মনুষ্যত্বের চিহ্ন, ধর্মবলের চিহ্ন, স্বাধীন কর্তৃত্বের চিহ্ন। প্রবৃত্তির আকর্ষণে নীয়মান হওয়া কেবল পশুরূপিত মাত্র। মনুষ্য নামের সঙ্গেই এই কর্তব্য ভাবের সংযোগ রহিয়াছে। অতএব যে কোন কার্য্য করিতে উদ্যত হইবে, তাহাতে প্রবৃত্ত হইবার অগ্রে একবার স্থির ভাবে বিবেচনা করা আবশ্যিক যে আমরা কি উদ্দেশ্যে তাহা করিতে যাইতেছি। সে কার্য্য হয় আমাদের স্বকীয়, নয় অপর কোন ব্যক্তির উপকার বা সুখ সাধনের জন্যে, অথবা অন্য কোন উদ্দেশ্যের জন্যে হইবেক, কিন্তু সর্বপ্রথমে অবধারণ করা আবশ্যিক যে তাহা কর্তব্য কি না; যদি আমাদের ধর্ম বুদ্ধি তাহাকে কর্তব্য ও উচিত না বলে, তবে তাহা কখনই করা হইতে পারে না। আমরা কর্তব্যের অনুরোধে হয়তো আপাততঃ কোন উপকার বা সুখকে বিসর্জন দিতে বাধিত হইব, কিন্তু বস্তুতঃ তাহাতে আমাদের যথার্থ মঙ্গল সাধন হইবে। যদি আমরা গত জীবনের প্রতি দৃষ্টিপাত করি, তাহা হইলে আমরা এমন একটি কর্ম দেখিতে পাইব না, যাহাতে কর্তব্য সাধন করিয়া আমরা পরিশেষে অনুতাপগ্রস্ত হইয়াছি।

—

### হিত কথা।

বিনীত হইয়া ধর্মোপার্জন করিবেন। বিনয় আশ্রয় ভূষণ, ধর্মের লক্ষণ, সদ্ভাবের প্রবর্তক। যিনি ধর্মান্ধিমানে হন, তিনি কেবল লোক দৃশ্যের জন্য ধর্মের পরিচ্ছদ পরিধান করেন। কিন্তু ধর্ম তাঁহার আত্মাকে স্পর্শ করে না।

আপনাকে ধনী বা মামী জ্ঞান করিয়া অন্যকে তাচ্ছল্য করিও না। ঈশ্বরের রাজ্যে ধন বা উচ্চ পদের গৌরব নাই। তুমি ঈশ্বরের রূপায় ধনবান হইয়াছ, ভাল, সেই ধনের সাফল্য কর। তুমি ক্ষমতাবান হইয়াছ, ভাল, দুর্বল ও দুঃখ-পীড়িত ব্যক্তিদিগের আশ্রয়ের নিমিত্তে সেই ক্ষমতা প্রয়োগ কর। জ্যেষ্ঠ ভ্রাতা কি আপনার মহোদরগণকে দীন হীন দেখিয়া অবহেলা করিবে, না তাহাদের প্রতি অকপট স্নেহ বিস্তার করিয়া আপনার আশ্রয় প্রদান করিবে।

যিনি জ্ঞানে বা ধনে বা ক্ষমতায় অন্য-পেক্ষা উচ্চ হইয়াছেন, তাঁহার কর্তব্যও অন্যের অপেক্ষা গুরুতর হইয়াছে। ঈশ্বর যে তাঁহাকে রূপী করিয়া অধিকতর কর্তব্য সাধনের উপযুক্ত করিয়াছেন, ইহা স্মরণ করিয়া ক্রতজ্ঞচিত্তে তাঁহার সংকর্মে প্রবৃত্ত হওয়া উচিত। দরিদ্রদিগের প্রতি দয়া ও সদ্ভাব বিস্তার করিবে; তাহারা নিধন বলিয়া কদাপি নীচ নহে। অরণ্যেও মনোহর পুষ্প প্রস্ফুটিত হয়; হীন বেশেও মহৎ অন্তঃকরণ প্রচ্ছন্ন থাকে। মনুষ্য দীন হীন ব্যক্তিকে হতাদর করিয়া থাকে, কিন্তু পরমেশ্বর তাহাদিগকে স্নেহ করেন।

যাহারা ধনী তাহাদের সুহৃদের অভাব নাই, কিন্তু কে দীন হীন ক্ষুধার্তের নিকট গমন করিয়া তাহাদের অভাব মোচন করিবে?

কে শীর্ণ-কলেবর নিরাশ্রিত জনের পর্ণকুটীরে উপস্থিত হইয়া শ্রিয় বাক্যে তাহাকে সম্বোধন করিবে? কে শ্রমোপজীবী বিনীত কৃষকের সহিত শ্রিয়ভাবে কথা কহিয়া তাহার দুঃখ-ভারাবনত চিত্তকে উৎসাহ প্রদান করিবে? সেই সাধুই ধন্য, যিনি শীতল ছায়া বিশিষ্ট সুপ্রশস্ত বট বৃক্ষের ন্যায় আপনার অধীনস্থ দিগের প্রতি ভ্রাতৃ-বাৎসল্যে নিজ হস্ত প্রসারিত করিয়া আশ্রয় প্রদান করেন। প্রভুত্ব লাভে গর্ষিত হইওনা, তাহাতে কেবল তোমার ক্ষুদ্রতাই প্রকাশ পাইবে। তুমি এত বড় যখন হইতে পার না, যে অতি দরিদ্র ব্যক্তিও তোমার শ্রীতি ও বন্ধুত্বের উপযুক্ত হইতে না পারে।

হে দরিদ্রগণ! তোমরা হতাশ হইও না, হে শ্রমোপজীবী গুরুভারাক্রান্ত ব্যক্তিগণ তোমরা অধীর হইও না। ইহ জীবনে কষ্ট ভোগ করিতেছি বলিয়া পরিতাপ করিও না। তোমাদের করুণাময় পিতা কি তোমাদের অবস্থা দেখিতেছেন না? তোমরা এখানে সন্তুষ্ট চিত্তে তোমাদের কর্তব্য সাধন কর। তোমরা এখানে যেমন ক্লেশ পাইতেছ, সেই রূপ ঈশ্বর তোমাদের পরলোকে অনন্ত সুখের অধিকারী করিবেন। যদি তোমাদিগকে সকল মনুষ্য পরিত্যাগ করে, ঘৃণা করে, তথাপি ঈশ্বর তোমাদের আশ্রয় আছেন। তাঁহার প্রতি একান্ত বিশ্বাস ও নিষ্ঠুর স্থাপন কর, তোমরা পরম সন্তোষ লাভ করিবে। জাত্যভিমান করিবেন না। ন্যায়বান ঈশ্বর কাহাকে ব্রাহ্মণ ও কাহাকে শূদ্র রূপে স্বজন করেন নাই। তিনি সকলকেই সমভাবে দেখেন, সকলের প্রতি তাঁহার সমান স্নেহ। জাতি ভেদ কেবল অহংকার ও স্বার্থপরতাতেই উৎপন্ন হইয়াছে। যিনি জাত্যভিমান অন্যকে

নীচ বলিয়া ঘৃণা করেন, তিনি ঈশ্বরের প্রতি অশ্রিয় ব্যবহার করেন। যাহারা মনুষ্যের কুসংস্কার জনিত বর্ণ ভেদ ঈশ্বরেতে আরোপ করে, তাহারা কেবল পরমপিতার নামে কলঙ্কার্পণ করিতে যায়। জ্ঞানির নিকট স্বজাতি জন্ম মনুষ্য নামই যথেষ্ট, স্বদেশীয় কি বিদেশীয় মনুষ্য মাত্রই তাঁহার স্বজাতি। অতএব জাত্যভিমান করিয়া আত্মাকে কুণ্ডিত করিও না, কিন্তু নম্র হও, উদার ভাব ধারণ কর এবং পৃথিবী-ময় শ্রীতি ও ভ্রাতৃ ভাব বিস্তার কর।

—

### কামন্দকীয় নীতিসার।

#### দ্বিতীয় সর্গ।

আবিক্ষিকী, জয়ী, বার্তা, ও দণ্ডনীতি, এই চারি বিদ্যা লোক স্থিতির হেতু। যাহারা এই সকল বিদ্যায় বিদ্বান ও এতদনুসারে কার্য্য করেন, রাজা বিনয়ান্বিত হইয়া তাঁহাদিগের সহিত ঐ চারি বিদ্যা চিন্তা করিবেন। জয়ী, বার্তা, ও দণ্ডনীতি, এই তিনটিই মানবী বিদ্যা, আবিক্ষিকী জয়ীরই অন্তর্গত। ব্রহ্মস্পতির শিষ্যগণ লোকের অর্থ প্রধান বলিয়া বার্তা ও দণ্ডনীতি এই দুটি বিদ্যা সম্পন্ন করেন। শুক্রাচার্য্য কহেন, এক মাত্র দণ্ডনীতি বিদ্যা। ইহাতেই সকল বিদ্যার আরম্ভ।

আবিক্ষিকীতে আশ্রয় বিজ্ঞান, জয়ীতে ধর্ম-ধর্ম, বার্তাতে অর্থানর্থ ও দণ্ডনীতিতে নয়ানয় বিবৃত আছে। প্রথম তিনটি বিদ্যা উৎকৃষ্ট বলিয়া ব্যাখ্যাত হয়; কিন্তু দণ্ডনীতি বাতিরেকে ইহারাও অপকৃষ্ট হইয়া উঠে। যখন দণ্ডনীতি রাজাকে সম্যক আশ্রয় করে, তখন বিদ্বানেরা অবশিষ্ট বিদ্যাত্রয়ের যথাবিধি উপাসনা করিতে পারেন। দণ্ডনীতিতে বর্ণ ও সর্ব প্রকার আশ্রম প্রতিষ্ঠিত আছে, রাজা তাহার রক্ষণাবেক্ষণ করেন বলিয়া সেই ধর্মের অংশ ভাগী হন। আশ্রয়বিদ্যা দ্বারা সুখ দুঃখের ঈক্ষণ অর্থাৎ আলোচনা হয়, এই নিমিত্ত ইহা আবিক্ষিকী বলিয়া উক্ত হইয়াছে। যিনি ইহা দ্বারা তত্ত্ব আলোচনা করেন, তিনি হর্ব ও শোক পরিত্যাগ করিতে পারেন। ঋক, যজু ও সাম এই বেদ ত্রয়ের নাম জয়ী; এই বিদ্যানুসারে চলিলে উভয় লোক প্রাপ্ত হওয়া

যায়। ছয় বেদাঙ্গ, চারি বেদ, মীমাংসা, ন্যায়, ধর্মশাস্ত্র ও পুরাণ, এই ত্রয়ী বিদ্যার অন্তর্গত। পাশুপাল্য, কৃষি, ও বাণিজ্য, বার্তা শাস্ত্রের বিষয়; যে সাধু এই বার্তা শাস্ত্র অবলম্বন করেন, তাঁহাকে জীবিকার নিমিত্ত ভয় করিতে হয় না। দণ্ডের অর্থ দম, রাজা দমকে আশ্রয় করেন বলিয়া তাঁহার নামও দণ্ড; যাহা দ্বারা নীয়মান হওয়া যায়, তাহার নাম নীতি, সুতরাং রাজনীতিই দণ্ডনীতি বলিয়া উক্ত হয়। রাজা দণ্ডনীতি দ্বারা আপনাকে ও অবশিষ্ট বিদ্যাজয়কে রক্ষা করিবেন। বিদ্যা লোকের উপকারিণী, রাজা তাহার রক্ষক। উদারবুদ্ধি নিপুণ ব্যক্তি যখন এই সকল বিদ্যা দ্বারা চতুর্ভুজ জানিতে পারেন, তখন, ইহাকে বিদ্যা বলিয়া জানিবে।

যথাশাস্ত্র, যজ্ঞ, অধ্যয়ন ও দান ব্রাহ্মণ, ক্ষত্রিয় ও বৈশ্যের সাধারণ ধর্ম। বিশুদ্ধ যাজন, বিশুদ্ধ অধ্যাপন ও বিশুদ্ধ প্রতিগ্রহ ব্রাহ্মণের রুতি। শস্ত্র দ্বারা জীবন ধারণ, ও ভূত্যাগের রক্ষা রাজার রুতি। পশু পালন, কৃষি ও বাণিজ্য বৈশ্যের জীবিকা। পূর্কোক্ত বর্ণত্রয়ের শুশ্রূষা শূদ্রদিগের ধর্ম এবং কারু ও পরিচর্যা তাহাদিগের বিশুদ্ধ জীবিকা। গুরুকুলে বাস, অগ্নি সেবা, বেদাধ্যয়ন, ব্রত ধারণ, ত্রিকাল স্নান, তিষ্কা, গুরুভে ও তদভাবে গুরুপুত্র, তদভাবে সত্র-ক্ষচারীতে প্রাণাস্তিক স্থিতি, অথবা ইচ্ছানুসারে আশ্রমাস্ত্রের পরিগ্রহ ব্রহ্মচারীর ধর্ম। ব্রহ্মচারী মেখলা, জটা ও দণ্ড ধারণ করিয়া বিদ্যা গ্রহণ পর্যন্ত সম্যকরূপে গুরুকে আশ্রয় অথবা ইচ্ছানুসারে আশ্রমাস্ত্রের গমন করিবেন। অগ্নিহোত্র সেবা, স্বকর্ম দ্বারা জীবিকা নির্বাহ, সমুচিত ও পার্শ্ব ভিন্ন কালে স্ত্রী সহবাস; দেব পিতৃ ও অতিথিগণের পূজা, এবং ঋতি ও ক্ষত্রির অর্থ সংগ্রহ গৃহস্থগণের ধর্ম। যজ্ঞ, অগ্নিহোত্র, ভূমি শয্যা, অজিন ধারণ, বনবাস, জল মূল নীবার ও ফল ভোজন, অপ্রতিগ্রহ, ত্রিকাল স্নান, ব্রত-চরণ, এবং দেব ও অতিথিগণের পূজা, বানপ্রস্থের ধর্ম। সর্ক প্রকার কর্ম ভ্যাগ, তিষ্কা-ভোজন, ব্রহ্মকুলে বাস, অপ্রতিগ্রহ, অদ্রোহ, সকল জন্তুতে সনভাব, প্রিয় ও অপ্রিয় ঘটনায় সুখ ও দুঃখে অবিকার, অন্তঃশুচিতা, বহিঃশুচিতা, বাক্য ও মনের সংযমন, সমুদায় ইন্দ্রিয়ের বণীকরণ, ধারণা, ধ্যান এবং অভ্যাসশুদ্ধি পরিত্রাজকের ধর্ম। অহিংসা স্নান, সত্য, শৌচ, দয়া ও ক্ষমা বর্ণী ও লিঙ্গীদিগের সাধারণ ধর্ম। এই ধর্ম, সমুদায় বর্ণী ও লিঙ্গীর অনন্ত স্বর্গের হেতু; ইহার অভাব হইলে সংকর দোষে এই লোক বিনাশ প্রাপ্ত হয়।

• ভূপতি এই সমস্ত ধর্মের যথান্যায় প্রবর্তক : সুতরাং ভূপতি না থাকিলে ধর্মনাশ হয়, ধর্মনাশ হইলে জগতের ক্ষয় হয়। তিনি বর্ণাশ্রমোচিত আচার যুক্ত ও বর্ণাশ্রমের বিভাগজ্ঞ হইয়া সমুদয় বর্ণাশ্রম রক্ষা করিলে সকল লোক প্রাপ্ত হন। এই রূপে উভয় লোক রক্ষা করিলেই সকলের প্রিয় হন, অতএব দণ্ডধার যমের ন্যায় প্রজাগণের উপর দণ্ডধারণ করিবেন। তীব্র দণ্ডে প্রজাগণকে উদ্ভিন্ন করেন, মৃদু দণ্ডে পরাতপ প্রাপ্ত হন অতএব অনতিখর অনতিমৃদু দণ্ডই প্রশংসনীয়। রাজার যথাবিধি দণ্ড ধর্ম, অর্থ ও কামকে বর্জিত করে; কিন্তু অসামঞ্জস্যরূপে দণ্ড প্রয়োগ করিলে উদাসীন ব্যক্তিও কুপিত হয়। যে দণ্ড লোক ও শাস্ত্রের অনুরূপ এবং যাহাতে কেহ উদ্ভিন্ন না হয়, তাহাই সম্পত্তির হেতু: উদ্ভেগকর দণ্ডে অধর্ম হয়, অধর্ম হইলে রাজা ভ্রষ্ট হন। তিন ভিন্ন পথাবলম্বী জগৎ পরস্পরের প্রলোভন, সুতরাং দণ্ডভাবে মৎস্যের ন্যায় পরস্পর বিনাশ প্রাপ্ত হয়। রাজা দণ্ড দ্বারা এই নিরালম্ব কামাদি দ্বারা বল পূর্বক নিরয়োমুখ জগৎ ধারণ করেন। এই জগৎ স্বভাবতই বিষয়ের বন্দীভূত এবং পরস্পরের স্ত্রী ও ধনে লোলুপ; তথাপি কেবল দণ্ড ভয়ে সাধুসেবিত সনাতন পথে অবস্থান করে। এই পরাধীন জগতে প্রায় সকলেই দণ্ডের নিমিত্ত নিয়মিত বিষয়ের অনুবর্ত্তী হয়। সমস্তই লোক অতি ছল ছল। কুলনারী দণ্ডনীতি দ্বারা কুশ, বিকলাঙ্গ, ব্যাধিগ্রস্ত বা নির্ধন স্বামীর অনুরূপ হয়। যিনি এই রূপে দণ্ডনীতি দ্বারা প্রজাগণকে শাসন করেন, নদী যেমন সমুদ্রে প্রবেশ করে, সেই রূপ সকল সম্পদ তাঁহাকে চিরকালের নিমিত্ত আশ্রয় করে।

### ইতিহাস সংগ্রহ।

#### হিজলীর বৃত্তান্ত।

২০০ সংখ্যক পত্রিকার ১০৫ পৃষ্ঠার পর।

কোন কোন লোকের একরূপ ভ্রম থাকিলে থাকিতে পারে, লোণা বায়ুই হিজলী খণ্ডের অস্বাস্থ্য জন্মিবার কারণ। বস্তুতঃ বায়ুর সলবণ হইবার কোন প্রসক্তি নাই। জল সলবণ হয় বটে; ও লবণায়ু যে পদার্থে প্রবেশ করে, তাহাও সুতরাং সলবণ হয়। কিন্তু বায়ুর লবণও গুণ কি প্রকারে জন্মিবে? যদি লবণ কপূরের ন্যায় কঠিন আকার হইতে বায়বীয় আকারে পরিবর্তিত হইতে পারিত, তাহা হইলে মৃত্তিকাস্থ কঠিন লবণ বায়ুবৎ হইয়া বায়ুর

সহিত মিশ্রিত হইত, অথবা নির্মূল জল যাদৃশ বাষ্প রূপে পরিণত হয়, সলবণ জল যদি লবণকে সঙ্গে করিয়া বাষ্প রূপে পরিণত হইতে পারিত, তাহা হইলেও জলস্থ লবণ বায়ুবৎ হইয়া বায়ুর সহিত মিশ্রিত হইত। কিন্তু লবণ কপূরের ন্যায় কঠিন অবস্থা হইতে বাষ্পীয় অবস্থায় পরিবর্তিত হয় না, অথবা জল সহযোগেও বাষ্প রূপে পরিণত হয় না। হিজলী ও অন্যান্য বহুতর প্রদেশে লবণ জল দিয়া প্রস্তুত হয়; বর্ষাকালে সজল বায়ু সংস্পর্শ লবণ জলবৎ হইলে জল শুকাইবার জন্য লবণ পাত্র অগ্নির নিকট রাখিয়া দেয়; তাহাতে লবণ শুকাইয়া যাইবে অর্থাৎ বাষ্প রূপে পরিণত হইবে এ শঙ্কা কেহ করে না। ফলতঃ এক শের লবণ কতকটা জল মিশ্রিত করিয়া সেই জল অগ্নি অথবা রৌদ্র উত্তাপে শুষ্ক করিলে অবশিষ্ট যে লবণ থাকে তাহা ওজন করিলে ঠিক সেই একশের হয়, তাহার রুতি মাত্রও ক্ষতি হয় না, তবে পাত্রের গায়ে কিছু লাগিয়া থাকিতে পারে ও জল মিশ্রিত করিবার অগ্রে সে লবণে যে রস ছিল জল শুকাইবার সঙ্গে সে রসও শুকাইয়া যাইতে পারে ও ভক্ষ্য সুতরাংই তারের কিঞ্চিৎ লাঘব জন্মিতে পারে। অতএব লবণ জল সহযোগেই কি, স্বভঃই কি, কখনই বাষ্প হয় না, সুতরাং বায়ু রূপে বায়ুর সহিত মিশ্রিত হইবার সম্ভাবনা নাই। ফলতঃ লোকে লোণা হাওয়া বলিয়া যে কতক গুলি গুণ বা দোষ বায়ুতে আরোপ করে, তাহা যথার্থই যে বায়ুতে থাকে, এমন নহে, লবণায়ু স্থানে প্রায় সকল পদার্থেই লবণের ভাগ কিঞ্চিৎ অধিক; পানীয় জলের সঙ্গে, তক্ষ্য দ্রব্য মাত্রের সঙ্গে অধিক পরিমাণে লবণ শরীরে প্রবেশ করে। ব্রহ্মাদি মৃত্তিকা হইতে রস শোষণ করিয়া থাকে, সেই রসের সঙ্গে লবণ দ্রবীভূত হইয়া ব্রহ্ম মধ্যে যায়; ইচ্ছাদি প্রথমতঃ সেই সলবণ মৃত্তিকা হইতে প্রস্তুত হয়, পরে নিত্য নিত্য লবণ জলে আর্দ্র হইয়া লবণের ভাগ ক্রমশঃই বৃদ্ধি পায়; যে সকল পদার্থ সম্বন্ধে লবণের ক্ষয়কারিতা গুণ আছে, তাহারদিগের বাহিরে বায়ু লাগিলে বায়ু সংযোগে লবণের সেই গুণ প্রকাশ পায়, অতএব লোণা হাওয়ার যে দোষ তাহা বায়ুস্থ লবণ নহে, অন্য পদার্থস্থ লবণের বায়ুর সহিত সংস্পর্শ জন্য। তবে বায়ুতে যে কিঞ্চিৎ মাত্রও লবণ থাকে না এমন নহে; লবণায়ু মৃত্তিকার উপরে শাদা শাদা গুঁড়া লবণ হয়, সেই লবণগুলির ন্যায় বায়ুর সঙ্গে উড়িয়া যায়, এ জন্য অনেক সময়ে ক্ষতে ও চকের পাতায় লবণ কিরকির করিয়া থাকে। বায়ুকে যদি লোণা বলিতে হয়, এই অর্থে বলা উচিত, নতুবা সমুদ্রের উপর দিয়া আইসে বলিয়া বায়ু যে লোণা হইয়া

বায়ু একরূপ জ্ঞান ভ্রম মূলক। বস্তুতঃ সমুদ্রের বায়ু অস্বাস্থ্যকর হওয়া দূরে থাকুক, বিশিষ্ট রূপে স্বাস্থ্যকর বলিয়াই প্রসিদ্ধ আছে, তবে যে সকল সমুদ্রকুলবর্তী স্থান পৌড়াকর, তথাকার ভূমি হিজলী-খণ্ডের ন্যায় অস্বাস্থ্যই নিম্ন ও জলময়, সুতরাং সাগরোচ্ছ্বাসে ও মেঘ বর্ষণে ভূমিতল জল-প্লাবিত হইয়া যায় ও তৎপরে ক্ষুদ্রক্ষুদ্র তৃণাদি ভূমিতে যাহা কিছু থাকে, তাহা পচিয়া জলও দূষিত করে, বায়ুও দূষিত করে।

হিজলীতে পিত্ত মূলক রোগেরই বাহুলা দেখা যায়। এই জন্য তথাকার বিজ চিকিৎসকেরা ছই এক ঘন্টা অন্তর এক একটু কিছু আহার করিতে বাবস্থা দেন। জ্বর রোগও প্রবল বটে কিন্তু রোগীকে যে একেবারে শীত্র বিকারাপন্ন করিয়া সংহার করে, সে রূপ নহে। কিন্তু হিজলীর জ্বর ঝাঁহার একবার হইয়াছে, তাঁহার শরীর যে আবার ত্বরায় সুস্থ হয় এমন বিরল; একটা না একটা রোগ আছেই আছে। ওলাউঠা রোগের বিলক্ষণ প্রাদুর্ভাব আছে, আর বৎসরে বৎসরে সর্পাঘাতেও অনেক লোক মারা পড়ে।

হিজলীখণ্ডে বহুবিধ হিংস্র বন্য জন্তু আছে, তন্মধ্যে ব্যাঘ্র, ভল্লুক, মহিষ, নেকড়ে, বিবিধ জাতীয় হরিণ, খরগোষ, বরাহ, সজারু, বড় বড় সর্প সর্ক প্রধান। ভোগরাই পরগণাতে যেমন অতি বৃহৎ বৃহৎ ব্যাঘ্র আছে সেই রূপ ১৪।১৫ হাত পরিমিত সর্পও দেখিতে পাওয়া যায়!

হিজলীখণ্ডে তরকারি উত্তম মিলে না। কলিকাতা অঞ্চলে অনেক স্থানে আলু, বার্তাকী পটল প্রভৃতি দ্রব্য জন্মায় ও পথ ঘাট বিশিষ্ট সুগম বলিয়া দূরস্থিত জনপদে বিক্রয় হেতু আনীত হইতে পারে, বিশেষতঃ এ অঞ্চলের লোকে এ সকল হরিংখন্দও ব্যবহার করিয়া থাকে, ও ভক্ষ্যনা যে ব্যয় হয় তাহাতেও কাতর হয় না। কিন্তু হিজলীখণ্ডে এ দ্রব্যাদি জন্মায় না, পথ ঘাট কুংসিত ও তথাকার লোক অপেক্ষাকৃত নিঃশ ও কদর্যাতোঙ্গী, সুতরাং বহু যত্ন করিয়া যদিও স্থানে স্থানে বিশেষ উর্ধ্বা ভূমিতে আলু উৎপন্ন করা যাইত, তথাপি তাহার উত্তম রূপ বিক্রয় হইবার সম্ভাবনা অল্প থাকিতে কেহ তদ্বিষয়ে আর যত্নশীল হয় না। ফলতঃ মিরগোদা রামনগর প্রভৃতি পরগনার উৎকৃষ্ট দৌয়াস মৃত্তিকা ভূমিতে যদি আলুর চাস কেহ বিস্তৃত পরিমাণে করে, তাহা হইলে হিজলীতেই ক্রমশঃ আলু ব্যবহারের বৃদ্ধি হওয়াতে অধিক বিক্রয় হইতে পারে ও শীতকালে কলিকাতায় অনায়াসে আনীত হইতে পারে।

হিজলীতে তরকারীর মধ্যে এই এই দ্রব্য

আছে, মণ্ডামারিচ অর্থাৎ এক প্রকার ডেঙ্গুয়া ডাঁটা, পানিমাঙ্ক অর্থাৎ কচু বিশেষ, দকুয়া অর্থাৎ বীচে বেগুন, কড়ানিয়া শিম, ফিজা, লাউ, দেশী ও বিলাতি কুমুড়া, কাঁচকলা, করলা উচ্ছে ও চিচিঙ্গে। সেখানকার লোকে কলার ঘোচা খায় না; ইহাকে তাহার কলা ভড়া কহে।

যদিও হিজলীখণ্ডে অনেক প্রকার তরকারির চাস নাই, তথাপি মৃত্তিকা বিশিষ্ট উর্ধ্বা বটে। প্রায়ই সকল স্থানে মাটি কৃষ্ণবর্ণ সীর মাটি, কোন কোন ভাগের মৃত্তিকা স্বেদ বালু কাময় দোঁয়ান। ভোগরাই বীরকুল, রামনগর, মিরগোদা প্রভৃতি কয়েক পরগনাতে এই শেঘোক্ত প্রকার উর্ধ্বা ভূমি অনেক আছে, কিন্তু তাহার তাদৃশ কর্ণন নাই, সুতরাং তাহার বর্তমান কলোৎপাদন ও সামান্য।

হিজলীর মৃত্তিকা অভ্যন্ত সলবণ বলিয়া ভূখাকার নারিকেল জলও অধিক সলবণ ও সমুদ্র-কুলস্থ গাবীভূক্তেও মিষ্ট অপেক্ষা লবণের ভাগ অধিক আছে। এই প্রদেশের জল বায়ু সামান্যতই কুৎসিত। জল সহজেই গলিত লতা পত্রাদি সহযোগে হুর্গন্ধ ও অস্বাস্থ্যকর হয়; বায়ুও সেই কারণে অতিশয় দূষিত হইয়া উঠে, সুতরাং বঙ্গদেশের লোকে যে সকল কুৎসিত নৈসর্গিক অবস্থা জন্য হীন ও নিস্তেজঃ হয়, হিজলীখণ্ডের নিবাসীদিগের পক্ষে সে সকল নৈসর্গিক অবস্থা আরও অধিক কুৎসিত, সুতরাং বঙ্গদেশের অন্যান্য প্রদেশের নিবাসী অপেক্ষা তাহার অধিক হীনবল ও নিস্তেজঃ হইবার সম্ভাবনা। ফলতঃ হিজলীর লোকেরা প্রায়ই দুর্বল ও শিথিল স্বভাব কিন্তু স্ত্রীলোকেরা সমধিক সবল।

সমুদ্র কুলস্থিত নিম্ন দেশ সকলে কেবল কদর্য জল বায়ু জন্য অপকার জন্মে এমন নহে, জল প্লাবন নিবন্ধন উৎপাতও অনেক ঘটয়া থাকে। বর্ষাকালে নদী প্রবাহ দ্বারা বিপুল জল রাশি সমুদ্রে আসিয়া জল বৃদ্ধি করে। যেবৎসরে অধিক বৃষ্টি হয়, সে বৎসরে সুতরাং সমুদ্র উচ্ছৃঙ্খলিত হইয়া নিকটস্থিত জনপদ সকল প্লাবিত করে, হিজলীখণ্ডে সমুদ্রকূলে এক্ষণে অতি বৃহৎ বাঁধ আছে, এই জন্য সম্প্রতি তথায় আর প্লাবন হয় না, কিন্তু বর্ষাসময়ে দক্ষিণ বাতাস অতি প্রবল হইলে অদ্যাপি জল প্লাবনের শঙ্কা হয়। ১৮৩০ ও ১৮৪০ শালে হিজলীতে অভিতয়ানক বর্ষা হয়, তাহাতে অনেক লোক ও গো মহিষাদি মারা পড়ে ও সে প্লাবন জন্য যত অধিক লোক জলমগ্ন হইয়া মরে অধিক তাহা অপেক্ষা, লোক প্লাবনান্তে দুর্ভিক্ষ ও স্তর রোগে বিনষ্ট হইয়া যায়। তথাকার নিবাসীরা কুটার নির্মাণ সময়ে কুটারের চাল

কখনই প্রাচীরের সঙ্গে আবদ্ধ করিয়া রাখে না। অন্যান্য প্রদেশে মৃত্তিকার খর নির্মাণ কালে আড়কাঠার সহিত চালের নিম্ন ভাগের পাইড বাঁধিয়া থাকে, হিজলীর লোকেরা তাহা না করিয়া কেবল চাল দেয়ালের উপরে অমান বসাইয়া রাখে ও প্রবল ঝড়ে চাল উড়িয়া না যায়, এ অতিপ্রায়ে ঘরের ভিতরের দেয়ালে বাঁশের খুঁটী দিয়া চালে ঠেস দেওয়া থাকে। তথায় জল প্লাবন পুনঃ পুনঃ হইয়াছে, পুনঃ পুনঃ লোকের ধনে প্রাণে সর্বনাশ হইয়া গিয়াছে, পুনরুন্নয়ন এই সকল উৎপাত ঘটবার সম্ভাবনাও আছে, বিশেষতঃ যথার্থই যত সম্ভাবনা না থাকুক, লোকের মন হইতে অদ্যাপি শঙ্কা দূর হয় নাই। যখন প্লাবন উপস্থিত হয়, তখন ঘটা বাঁটা শয্যাাদি সামান্য সামান্য গৃহ কার্যের সামগ্রীও কিঞ্চিৎ কিঞ্চিৎ তণ্ডুল সহিত লোকে সপরিবারে চালের উপরে যাইয়া বসে ও প্লাবন বন্ধিত হইলে চাল অবলম্বন করিয়া স্রোতে ভাসিয়া যাইতে থাকে, পুনরায় জলরাশি নিঃসৃত হইলে আবাস স্থানে প্রত্যাগমন করে। অর্থাৎ প্লাবনের সময়ে এই উপায়েরক্ষা পাইবার মানসে হিজলীর মনুষ্যেরা ঘরের চাল শুদ্ধ দেয়ালের উপর বসাইয়া রাখে ও যদিও এক্ষণে অধিক বিপদ আশঙ্কার বিষয় তাদৃশ নাই, তথাপি পূর্ব প্রথানুসারে এই রূপ উপায় করিয়া রাখে।

(ক্রমশঃ প্রকাশ্য)



# বিজ্ঞান

## ভূতত্ত্ববিদ্যা।

২২৭ সংখ্যক পত্রিকার ৪৮ পৃষ্ঠার পর।

পূর্বে উল্লিখিত হইয়াছে যে সমুদায় ভূস্তর তাহাদের গঠন ও তদন্তর্গত পদার্থ সমূহের প্রকৃতি অনুসারে কতিপয় ভিন্ন ভিন্ন শ্রেণীতে বিভক্ত করা যাইতে পারে। এক্ষণে সেই সকল শ্রেণীর নাম ও তাহাদের অন্তর্ভূত পদার্থ সকলের বিবরণ পশ্চাতে তালিকাভুক্ত করিয়া প্রকাশ করা যাইতেছে। এই তালিকায় পৃথিবীর সর্বোপরি স্তর শ্রেণী হইতে ক্রমশঃ নিম্নস্থ স্তর সকলের নাম পর্য্যায় ক্রমে প্রদত্ত হইয়াছে। ইহার প্রথম স্ত্রে শ্রেণীর নাম, দ্বিতীয় স্ত্রে সেই সকল শ্রেণীর বিভাগ, তৃতীয় স্ত্রে স্তরান্তর্গত পদার্থের নাম ও লক্ষণ, চতুর্থে স্তর নিহিত প্রাণি বা উদ্ভিদের উল্লেখ, পঞ্চমে স্তর মধ্যস্থ পদার্থ সকলের প্রয়োজন, ক্রমানুসারে

স্তর	নাম	অন্তর্গত পদার্থ	অন্তর্গত প্রাণি ও উদ্ভিদ	প্রয়োজন
আম্বনিক		বালু মৃত্তিকা কঙ্কর	মনুষ্যের আদি	কাচ প্রস্তুত করন
জ্যোতিষিক		চুন প্রস্তর কঙ্কর মূল বালু	অদ্ভূত প্রকাণ্ডাকার পশু	বিবিধ
অতিপ্রাথমিক		চুন প্রস্তর সিকতাশ্ম বিবিধ মৃত্তিকা	সূন্য পায়ী ও চতুর্ভুজ জলচর ও স্থলচর	কৌলিক বিবিধ পাশাদি নির্মানোপযোগী
তৃতীয় স্তর		অজি মাটি মর্মর প্রস্তর চুন শিলা অরিনী প্রস্তর	জাম্বুদ্রিক পশু শয়ুক প্রবাল সরীসৃপ	বিবিধ শিল্পের উপযোগী চুন
দ্বিতীয় স্তর	শুভ্রাশ্ম	নুতন বহু নৈকত প্রস্তর	সরীসৃপ জাতি	আট্টালিকা নির্মান
স্তর	প্রস্তরাকার	পাথুরিয়া কয়লা লোকতস্তর লৌহ	প্রকাণ্ড বৃক্ষ উদ্ভিদের প্রাদুর্ভাব	ইন্ধনার্থ গ্যাস
	কটিন সৌধ শিলা		শয়ুক পশু	
	পূর্বাতন রক্ত সৈকত		মৎস্য স্ত্রী শয়ুক প্রবাল	পাথরের টালি প্রতিস্থতি নীচন গৃহ নির্মান
আদ্যস্তর	বৃহৎশ্ম	কটিন বালু ময় প্রস্তর ময়ময় প্রস্তর ফলক	জাম্বুদ্রিক উদ্ভিদ	
মাধ্যমিক বা বিকার ভূত	অদ্ভূতস্তর	অদ্ভূ ফলক স্ফটিক প্রস্তর	প্রাণি ও উদ্ভিদ শূন্য	তালিকাভুক্ত দ্রব্যাদি গঠন
স্বস্তরীভূত বা আশ্রয়	প্রাণি	সর্বোপেক্ষা বৃক্ষ ও কটিন প্রস্তর	প্রাণি বা উদ্ভিদ শূন্য	গৃহ নির্মান পথ বন্ধন

প্রকটিত হইয়াছে (১) সমুদায় ভূস্তরের বিন্যাস বিষয়ে একটি আশ্চর্য্য নিয়ম দেখিতে পাওয়া যায়। স্তর সকল যে রূপ পর্য্যায়ে পাতিত হইয়াছে, তাহার ক্রমের কুত্রাপি বিপর্য্যয় হইতে দৃষ্ট হয় না। পৃথিবীর যে কোন স্থানে খনন করিলে, তথায় তিম তিম স্তর সকলের উপর্য্যয় স্থিতির একই প্রকার প্রত্যক্ষ হইবেক। যদি এক স্থানে দুইটি স্তরের মধ্যে একটি উপরে ও আর একটি নিম্নে থাকে, তবে কুত্রাপি তাহার দ্বিতীয়টি উপরে এবং প্রথমটি অধঃ দৃষ্ট হইবেক না। এই স্তর বিন্যাসের নিয়ম খনিজবিৎগণের পক্ষে নিতান্ত কার্য্যোপযোগী, কারণ উদ্ভাৱা কোন প্রদেশের একটি কি দুইটি স্তর পরীক্ষা করিয়াই তাহার নিম্নস্থ কি কি স্তর ও তাহাতে কি কি খনি আছে, তাহা অনায়াসে ও অভ্রান্ত রূপে জানিতে পারা যায়। উপরের তালিকায় দৃষ্ট হইবেক যে প্রস্তরাজ্ঞারের শ্রেণী স্মৃতন-রক্ত-সৈকত শ্রেণীর অধঃ এবং পুরাতন-রক্ত-সৈকত শ্রেণীর উপরে আছে। অতএব কোন দেশে কয়লার খনি আছে কি না তাহা পরীক্ষা করিতে গিয়া যদি স্মৃতন-সৈকত শ্রেণী দেখিতে পাওয়া যায়, তাহা হইলে সেই স্তরশ্রেণীর নিম্নে খনন করিলে তাহা প্রাপ্ত হওয়া যাইতে পারে। অপর যদি সে প্রদেশের উপরি ভাগেই পুরাতন-রক্ত-সৈকত শ্রেণী লক্ষিত হয়, তাহা হইলে ইহা অভ্রান্ত রূপে বলা যাইতে পারে যে তথায় কয়লার খনি কদাপি নাই, অতএব তথায় কয়লার অন্বেষণ করা বৃথা। কিন্তু সর্বত্রই খনন করিলে একাদিক্রমে সকল স্তরগুলিই যে নিশ্চয় প্রাপ্ত হওয়া যাইবেক তাহার কোন সম্ভাবনা নাই, তিম তিম স্থানে তিম তিম স্তর নানা কারণে পরিণত হইতে পারে নাই। অতএব পরে পরে যে সকল স্তর শ্রেণীর নাম উল্লিখিত হইয়াছে, স্থান বিশেষে তাহার মধ্যে মধ্যে দুই একটি স্তর একেবারে বিলুপ্ত হইতে দেখা যায়। অপর কোন একটি স্তর হয়তো এক স্থানে অতিশয় স্থূল ও প্রবৃদ্ধ রূপে পরিণত হইয়াছে এবং অপর এক স্থানে তাহা আবার নিতান্ত কুম ও পাতলা হইয়া গিয়াছে। এমন হইতে পারে যে, কোন প্রদেশে ভূতলের অনতিদূরেই স্মৃতন রক্ত সৈকত স্তর আছে কিন্তু তাহা হইলেই ইহা নিশ্চয় সিদ্ধান্ত

(১) এই প্রস্তাবে ব্যবহৃত পারিভাষিক শব্দের অর্থ।  
সিকতা—বালুকা।  
কঙ্কর—Gravet.  
সন্ধ্যা—খড়ি আদি চূর্ণ ঘটত প্রস্তর।  
সৈকত—Sandstone.  
মর্ম্মর প্রস্তর—Marble.  
অরণী প্রস্তর—Flint.  
সৌধ শিলা—Lime stone.  
মৃদশ্ম—সামান্য মৃত্তিকা ঘটত প্রস্তর।

করা যাইতে পারে না যে তাহার নিম্নেই প্রস্তর-  
জ্ঞার থাকিবেক। তথায় প্রস্তরাজ্ঞারের স্তর হয়তো  
কিছু মাত্রই সংরচিত হয় নাই। এই হেতু যদিও  
সর্বত্র সকল স্তরের রচনা হইবার সম্ভাবনা আছে,  
তথাপি বিবিধ নৈসর্গিক কারণ বশতঃ সে রচনার  
ব্যঘাত হইতে পারে। বিশেষতঃ ইহা স্মরণ  
রাখা আবশ্যিক যে স্তর সকলের সন্নিপাত কেবল  
জলের মধ্যেতেই হইয়া থাকে, সুতরাং যখন কোন  
একটি স্তর সংরচিত হইতেছে, তখন যদি কোন  
স্থান জলশূন্য শুষ্ক ভূমি থাকে, তাহা হইলে  
উক্ত স্তর তাহার চতুঃপাশ্বে রচিত হইবেক কিন্তু  
সেই স্থানে হইতে পারে না। অতএব বোধ হয়  
এই প্রকারে জলাভাব হওয়াতেই স্থানে স্থানে স্তর  
বিন্যাসের ব্যঘাত হইয়াছে।

ভূত্বকের অস্তরীভূত ভাগের উপর সমুদায়  
স্তর একাদিক্রমে স্থাপিত আছে। এই ভাগটির  
স্থূলতা কত তাহা নিশ্চিত কিছুই বলা যায় না,  
কিন্তু ইহা যে স্তরীভূত অংশের অপেক্ষা স্থূল  
তাহার কোন সংশয় নাই। পূর্বেই উল্লিখিত  
হইয়াছে যে এই ভাগ নিতান্ত কঠিন এবং ইহার  
গঠন ও আকারে স্পষ্ট বোধ হয় যে ইহা উত্তম  
দ্রবীভূত অবস্থা হইতে ক্রমে শীতল ও কঠিন  
হইয়া বর্তমান অবস্থায় পরিণত হইয়াছে। সুতরাং  
ইহার মধ্যে কোন জীব জন্তু উদ্ভিদের কিছুমাত্র  
চিহ্ন প্রত্যক্ষ হয় না। এই অস্তরীভূত ভাগের অন্তর্গত  
প্রধান পদার্থের নাম গ্রাণিট শিলা। ইহা সকল  
প্রস্তর অপেক্ষা কঠিন, বহুকাল স্থায়ী এবং ইহার  
উপরিভাগ দেখিতে নিতান্ত বন্ধুর, সুতরাং  
এই শিলায় কোন আলঙ্কারিক দ্রব্য প্রস্তুত করা  
যায় না, কিন্তু প্রশস্ত প্রাসাদ ও জলের মধ্যে স্ত-  
স্তাদি নির্মাণ ও পথ বন্ধন ইত্যাদি বিষয়ে উক্ত  
শিলা বিশেষ প্রয়োজনোপযোগী। ভূত্বকের অ-  
স্তরীভূত অংশ সর্বত্র যে স্তর সমূহের নিম্নে সমভাবে  
স্থাপিত আছে, এমত নহে, কিন্তু তাহা নানা স্থানে  
উপরিস্থ স্তর সকল ভেদ করিয়া উত্থিত হইয়াছে  
এবং উচ্চ পর্য্যায় রূপে পরিণত হইয়াছে। ধরাতলস্থ  
অত্যাচ্চ পর্য্যায় সকল প্রায় গ্রাণিট শিলা রচিত।  
ভূত্বকের স্তরাবলী যে সকল পদার্থে রচিত  
হইয়াছে, তাহাদের প্রকৃতিভেদে সামান্যত চারি  
শ্রেণিতে বিভাগ করা যায়, সিকতাময় (বালুকাময়)  
মৃন্ময়, সৌধময় (চূর্ণময়) এবং অঙ্গারময়। এই  
চারি প্রকার ধাতুই প্রাধান্য রূপে তিম তিম  
স্তরে বিভিন্ন আকারে পরিণত হইয়াছে। এই  
সকল ধাতুময় প্রস্তর সমূহ যত অধিক নিম্নস্থ স্তর  
মধ্যে থাকে, ততই তাহাদিগকে অধিকতর সংহত  
ও কঠিন দেখা যায়। যথা আদ্য স্তরে যে সকল  
সৈকত শিলা প্রাপ্ত হওয়া যায়, তৎ সমস্ত এমত

কঠিন ও জমাট, যে তাহাদের রেণু সকল কিছু মাত্র লক্ষিত হয় না এবং তাহাদিগের হঠাৎ স্ফটিক বলিয়া বোধ হয়। বাস্তবিক স্ফটিকও সৈকত শিলা মাত্র কিন্তু তাহা স্তরীভূত নহে। দ্বিতীয় স্তরকে সৈকত-প্রস্তর অভিযায় সংহত বটে, কিন্তু তাহাদের কাঠিন্য পুরোস্তরের ন্যায় নহে। তৃতীয় স্তর শ্রেণীর সৈকত শিলা নিতান্ত অশক্ত ও আলগা, অনায়াসে ভগ্ন হয়, তাহার রেণু সকল স্পষ্ট দেখা যায়, এবং প্রত্যক্ষে বালুকা রাশির সংহতি মাত্র বলিয়া বোধ হয়। অপর আধুনিক স্তর ভূমিতে সেই ধাতুই অসংহত বালুমুক্তিকা মাত্র হইয়া রহিয়াছে। অতএব এক বালুকার বিভিন্ন প্রকার সংহতি হইতেই ভিন্ন ভিন্ন স্তরে বিভিন্ন প্রকার প্রস্তরের উৎপত্তি হইয়াছে। সেই রূপ যাহা আমরা আধুনিক স্তর ভূমিতে মৃৎপিণ্ড বলিয়া গণনা করি; তাহাই দ্বিতীয় স্তরকে মৃৎপ্রস্তর কলকে পরিণত হইয়াছে। এবং তাহাই আদ্যস্তরকে স্লেট নামক কঠিন শিলা রূপে দৃষ্ট হয়। চূর্ণ প্রস্তরেরও এই রূপ নিয়ম। সর্বোপরি স্তর সকলে ইহা স্থানে স্থানে নরম মাটির ন্যায় দৃষ্ট হয়; কিছু নিম্নে তৃতীয় স্তরকে এই পদার্থই খড়ি মাটি হইয়াছে। তাহার নীচে দ্বিতীয় শ্রেণীতে তাহাই চূর্ণাঙ্ক রূপে এবং আদ্য স্তরকে আবার অভিযায় কঠিন ও সুন্দর মর্ম্মর প্রস্তরে পরিণত হইয়াছে। অঙ্গারের বিকারও এই রূপ দেখা যায়। জুমির অদূর নিম্নে স্থানে স্থানে রুক্ষ স্কল গলিত হইয়া এক প্রকার কয়লা হইয়া যায়; আরও নিম্নে আর এক প্রকার কয়লা অধিক বিকৃত ভাবে দৃষ্ট হয়, এবং পরিশেষে প্রস্তরীভূত কঠিন অঙ্গার প্রাপ্ত হওয়া যায়। কিন্তু ইহারা একই পদার্থ হইতে উৎপন্ন হইয়াছে, ইহারা সকলেই উদ্ভিজ্জের বিকার মাত্র। এই রূপে আমরা ধরাতলের নিম্নে যতই প্রবেশ করি, ততই পদার্থ সকল অধিকতর কঠিন ও সংহত হইয়া বিবিধ রূপ ধারণ করে। স্ফটিক, সৈকত শিলা এবং বালুকা ইহারা পদার্থ গত একই বস্তু কিন্তু সংহতির তারতম্যানুসারে এতাদিক ভিন্ন হইয়া গিয়াছে যে হঠাৎ তাহাদের এক পদার্থ বলিয়া বোধ হয় না।

অস্তরীভূত ভাগের অব্যবহিত পরে যে মাধ্যমিক শ্রেণী তাহা স্তর বিশিষ্ট হইলেও নিম্নস্থ উত্থাপের প্রভাবে এ প্রকার বিকৃত হইয়া গিয়াছে যে অনেকাংশে তাহা অস্তরীভূত ভাগের ন্যায় প্রতীয়মান হয়। তাহার অন্তর্গত পদার্থ সকল নিম্নস্থ গ্রাণিট শিলার জল-ধৌত রেণু সকলের সম্মিলনেই উৎপন্ন হইয়াছে। এই শ্রেণীতে অল্প কলক বিশেষ রূপে প্রাপ্ত হওয়া যায়। যে সকল

অল্প আমরা বাজারে দেখিতে পাই, ও যাহা বিবিধ আনকারিক কার্যেতে প্রয়োগ হয়, এই মাধ্যমিক স্তর শ্রেণীই তাহার আকর, মাধ্যমিক শ্রেণীতে কোন জীব বা উদ্ভিদের চিহ্ন দেখা যায় না। ইহা যে সময়ে সংরচিত হইয়াছিল, বোধ হয় তখনও ধরাতলের উষ্ণতার উপশম হয় নাই, সুতরাং তাহা জীবগণের বাসোপযোগী হইতে পারে নাই। এই মাধ্যমিক স্তর ভূমি অনেক দেশে উৎক্ষিপ্ত হইয়া ধরাতল হইয়াছে।

স্কটলণ্ডের উত্তর ভাগ, সিংহল দ্বীপ, আফগানামক ইউরোপীয় পর্বতের উপকণ্ঠ এবং আমেরিকার ব্রেজিল ইউনাইটেড প্রদেশ, এই সকল স্থান মাধ্যমিক স্তর নির্মিত। এই সকল প্রদেশ পর্বতময়, দখিতে অভিযায় বক্ষুর, কঠিন, রুক্ষ এবং উদ্ভিদ শূন্য। মাধ্যমিক শ্রেণীর পদার্থ সকল অধিকাংশই সিকতাময় কিন্তু তাহার উপরিস্থ আদ্যস্তরকে মৃত্তিকার অংশবাহন্য রূপে দৃষ্ট হয়। এই শ্রেণীকে দুই ভাগে বিভক্ত করা যায়। প্রথম মৃদঙ্গ, তদুপরি পুরাতন-রক্ত-সৈকত। মাধ্যমিক শ্রেণীর অন্তর্গত পদার্থ সকল অধিকাংশই সিকতাময় কিন্তু তাহার অব্যবহিত পরেই আদ্যস্তরকে মৃদঙ্গ প্রস্তর দৃষ্ট হয়, এই সকল প্রস্তর সামান্য মৃৎ ও বালুকার সংমিলনে রচিত, এই হেতু নিতান্ত কঠিন এবং অউল্লিকাদি নির্মাণের পক্ষে সম্পূর্ণ উপযোগী। এই স্তরবলীর মধ্যে জীব ও উদ্ভিদের চিহ্ন প্রথমে প্রাপ্ত হওয়া যায়। এই স্তর শ্রেণীর রচনা অবধি পৃথিবীতে যে প্রাণী ও উদ্ভিজ্জের প্রথম সৃষ্টি হয়, তাহা মুস্পষ্ট লক্ষিত হইতেছে। স্তর নিম্নস্থ জীব ও উদ্ভিদের অবশিষ্ট অংশ সকল যাহা প্রাপ্ত হওয়া যায়, পৃথিবীর প্রাচীন অবস্থা নির্ণয় ও স্তর পরীক্ষা বিষয়ে তৎ সমুদায় নিতান্ত প্রয়োজনীয়, অত্রান্ত চিহ্ন স্বরূপ। এই হেতু ভূতত্ত্ববিৎ পণ্ডিতেরা এই সকল দেহাবশিষ্টাংশকে যত্নের সহিত ভিন্ন ভিন্ন স্তর হইতে উদ্ধার করেন এবং তাহাদের পরীক্ষা দ্বারা কোন্ স্তর কোন্ শ্রেণীর অন্তর্গত এবং কোন্ স্তর কত প্রাচীন, তাহা অনায়াসে নিরূপণ করিতে পারেন। ভূতত্ত্বের পরীক্ষা দ্বারা পৃথিবীর জীব প্রবাহ ও উদ্ভিজ্জের সৃষ্টির একটি আশ্চর্য্য নিয়ম দৃষ্ট হয়। এক্ষণে ধরাতল মধ্যে অশেষ প্রকার জীব জন্তু, অশেষ প্রকার বৃক্ষলতা প্রত্যক্ষ হয়, কিন্তু এই সকল একেবারে সৃষ্ট হয় নাই। পৃথিবীর অতি নিম্নস্থ প্রাচীন স্তর সকল হইতে একাদিক্রমে উপর্যুপরি স্তর পরীক্ষা করিয়া দেখিলে দৃষ্ট হইবেক যে সর্ব প্রথমে জীব ও উদ্ভিদের অন্তর্গত অতি ক্ষুদ্র ও নিকট জাতিরই সৃষ্টি হয়, পরে সূতন সূতন স্তর সকলের রচনার

সঙ্গে সঙ্গেই উচ্চতর জাতিদিগের উৎপত্তি হইয়া আসিয়াছে। এই রূপে আদ্য স্তরকের নিম্ন শ্রেণীতে কেবল শয়ক জাতি ও প্রবালের দেহাবশেষ মাত্র প্রস্তর সকলের মধ্যে দেখিতে পাওয়া যায় এবং উদ্ভিদের মধ্যে কেবল সামুদ্রিক লতা সকলের চিহ্ন প্রাপ্ত হওয়া যায়। তাহার উপরিস্থ স্তর-শ্রেণীতে মৎস্যের চিহ্ন সকল লক্ষিত হয়। অপর দ্বিতীয় স্তরকে প্রধানতঃ সরীসৃপ জাতির অস্থি পাওয়া যায়। তৃতীয় স্তরকে স্তন্যপায়ী জন্তু শ্রেণীর প্রচার, এবং অবশেষে আধুনিক স্তর শ্রেণীতে কেবল মনুষ্যের অস্থি নিহিত দেখা যায়। অতএব পৃথিবীর অবস্থার উন্নতি অনুসারে ক্রমশঃ উৎকৃষ্টতর জীব সকলের সৃষ্টি হইয়াছে এবং মনুষ্য সর্বশেষে আগমন করিয়া সমুদায়ের অধিপতি হইয়াছে।

স্তরান্তর্গত মৃতজীবদিগের দেহ ও উদ্ভিজ্জের অংশ সকল কি প্রকার অবস্থায় প্রাপ্ত হওয়া যায়, এবং কি প্রকার চিহ্নের দ্বারা সেই সকল জীব ও উদ্ভিদ নিকপিত হয়, তাহা জানা আবশ্যিক। জন্তুদিগের শরীরের মাংস ও অন্যান্য কোমল অংশ অবশ্যই শীঘ্র গলিত ও নষ্ট হইয়া যায়, সুতরাং তাহাদের কেবল অস্থি ও দন্ত সকলই স্তর মধ্যে অবশিষ্ট থাকে। কোন কোন স্থলে মৎস্যের সমুদায় কণ্টকালী পাওয়া যায়, অপর কোথাও বা কেবল তাহাদের গাত্রের অংশুক মাত্র দৃষ্ট হয়, এবং শয়ক ও প্রবালদিগের কেবল উপরকার কঠিন আবরণ মাত্র থাকে। কিন্তু প্রাণীদিগের শরীরের সমুদায় অঙ্গের এ প্রকার একটি পরস্পর সম্বন্ধ ও সামঞ্জস্য আছে যে কেবল একটি মাত্র অঙ্গ পরীক্ষা দ্বারা তাহা কি প্রকার জীবের ইহা অভ্রান্ত রূপে বলা যাইতে পারে। এই রূপে শরীর ব্যবচ্ছেদ বিদ্যা দ্বারা স্তর নিহিত অস্থি বা দন্তপাতি পরীক্ষাতেই মৃত প্রাণীদিগের জাতি ও অবস্থা অবধারণিত হইতে পারে।

স্তর মধ্যস্থ উদ্ভিদের নিরূপণ সামান্যত তিন প্রকারে হইয়া থাকে। হয় বৃক্ষের স্কন্ধ বা পত্র পুষ্প বা ফল প্রস্তর সমুদয়ের অভ্যন্তরে কিঞ্চিৎ বিকৃত ও অঙ্গারভূত হইয়া সংরক্ষিত থাকে। অথবা কেবল বৃক্ষ ও লতার ত্বক ও পত্রের প্রতি-ক্রমিত মাত্র চাপেতে প্রস্তরের উপর অঙ্কিত থাকে। অপর কোথাও বা বৃক্ষ সকলের স্কন্ধ বা শাখা পাত দ্বারা সম্পূর্ণ রূপে পরিবেষ্টিত ও প্রস্তরভূত হইতে দেখা যায়। অদ্যাবধি স্তরান্তর্গত প্রায় ৩০০০০ ত্রিশ শং সহস্র জাতীয় মৃত জীব ও উদ্ভিদ উদ্ধৃত হইয়াছে। ইহাদের মধ্যে অধিকাংশেরই বর্তমান জীব ও উদ্ভিদের ন্যায় আকৃতি ও প্রকৃতি, কিন্তু স্থানে স্থানে স্তর সকল

হইতে অনেক অদ্ভুত ও বিকটাকার জন্তুর কঙ্কাল উদ্ধৃত হইয়াছে, সে সকলের সমান এক্ষণে কোন জীবই দেখিতে পাওয়া যায় না। ইহাদের বিবরণ উপযুক্ত স্থানে প্রকাশিত হইবেক।

—o—o—o—

শ্রীযুক্ত প্রধান আচার্য্য মহাশয় নানা স্থানের ব্রাহ্মসমাজের তত্ত্বাবধারণ প্রসঙ্গে মেদিনীপুরে উপস্থিত হইয়া তথাকার সমাজের ও ব্রাহ্মদিগের যে উৎকৃষ্ট ভাব সকল সন্দর্শন করিয়া সন্তুষ্ট হইয়াছিলেন, সম্প্রতি কুমারখালি হইতে তাহার বিবরণ লিখিয়া পাঠাইয়াছেন, তাহা নিম্নে প্রকটিত হইল।

“মেদিনীপুরে আমি গত শ্রাবণ মাসে উপস্থিত হইয়া তথাকার ব্রাহ্মসমাজ অবলোকন পূর্বক ও ব্রাহ্মদিগের মধ্যে পরস্পর প্রণয় ভাব সন্দর্শন করিয়া অতীব তৃপ্ত হইয়াছি। মেদিনীপুরের ব্রাহ্মসমাজ ১৭৮৮ শকে কোননগর নিবাসী শ্রীযুক্ত বাবু শিবচন্দ্র দেবের দ্বারা স্থাপিত হয়। তাঁহার মেদিনীপুর হইতে কর্ম্মারূপে অন্যত্র গমন হইলে সমাজ তন্ন্যায় হইয়াছিল। পরে ঈশ্বর প্রসাদে তথায় শ্রীযুক্ত বাবু রাজনারায়ণ বসু মহাশয়ের অবস্থিতি হইলে তাঁহার দ্বারা ১৭৭৩ শকে পুনরুদ্ধৃত ও উদ্দীপ্ত হয়। সম্প্রতি গত বৎসরে তথাকার ব্রাহ্মদিগের সাহায্যে একটি ব্রাহ্মসমাজ-গৃহ প্রতিষ্ঠিত হইয়াছে। তথায় প্রতি বুধবারে ব্রহ্মোপাসনা উৎকৃষ্ট-রূপে নির্বাহ হইয়া থাকে। ব্রাহ্মসমাজ শ্রীযুক্ত রাজনারায়ণ বসু মহাশয় ব্রহ্মোপাসনা সময়ে বেদী হইতে উপদেশ দেন এবং তাহার পূর্বে এক অধ্যাতা ব্রাহ্মধর্ম্মের তাৎপর্য্য ও আর এক জন অধ্যাতা ব্রাহ্মধর্ম্মের ব্যাখ্যান পাঠ করেন। অবশেষে ব্রহ্ম-সঙ্গীতও হয়, কিন্তু উত্তম গায়কের অভাবে তাহাতে সকলের মনের তৃষ্টি হয় না এবং গানের তাৎপর্য্যও সিদ্ধ হয় না। তথাকার অধ্যক্ষেরা ব্রাহ্মসমাজের উন্নতির জন্য বিশেষ উদ্যোগী, ইহা দেখিয়া আমি অত্যন্ত আশ্চর্য্য হইয়াছি। বিশেষতঃ শ্রীযুক্ত বাবু শিবচন্দ্র বন্দ্যোপাধ্যায় সম্পাদক মহাশয় যে রূপ নিপুণতার সহিত সমাজের কার্য সকল সম্পাদন করেন, তাহাতে সমাজের বিশেষ উপকার হইয়াছে। শ্রীযুক্ত রাজনারায়ণ বসু মহাশয়ের বিনয় গুণে সকলে একমন হইয়া সমাজের সাহায্য বিধান করিতেছেন। দৃঢ়ব্রত রাজনারায়ণ বসুর যত্ন ও পরিশ্রমে তথায় ব্রাহ্ম ধর্ম্ম দিন দিন উন্নত বেশ ধারণ করিতেছে। তথাকার সকল ব্রাহ্মেরাই তাঁহার উপদেশ ও দৃষ্টান্ত, আদর পূর্বক গ্রহণ করেন এবং তাঁহাকে তাঁহার মনের সহিত শ্রদ্ধা করেন। ব্রাহ্মধর্ম্মের উন্নতির জন্য সাংসারিক



কষ্ট ও লোকের অভ্যাচার সহ করিতে তিনি বিমুখ নহেন; তাগ স্বীকার করা তাঁহার অভ্যাস পাইয়াছে। তাঁহার যত্ন ও পরিশ্রমে মোহ-মুগ্ধ মেদিনীপুরে যে জ্ঞানালোক প্রকাশ হইয়াছে, যে ধর্মামৃত বর্ষিত হইয়াছে, তাহা আর যাইবার নহে, তাহা দিন দিন বৃদ্ধিই হইবে। এই আশার ভিত্তি-ভূমি তথাকার ব্রাহ্মবিদ্যালয়। ব্রাহ্মবিদ্যালয় হইতে যে সকল ছাত্রেরা ব্রাহ্মজ্ঞান লাভ করিয়াছে এবং ব্রাহ্মধর্ম গ্রহণ করিয়াছে, তাহাদের আবাস সেই মেদিনীপুর খণ্ডে। তাহাদের নব উৎসাহে ব্রাহ্মধর্ম তৎপ্রদেশে অচিরে উদ্দীপিত হইবে। এখন হইতেই মেদিনীপুর খণ্ডের পল্লীগামেও ব্রাহ্মধর্মের আন্দোলন আরম্ভ হইয়াছে। তথাকার ব্রাহ্মবিদ্যালয়ের প্রধান ছাত্র শ্রীযুক্ত অখিলচন্দ্র দত্ত ব্রাহ্মধর্ম প্রচার করিবার ভার লইতে অগ্রসর হইয়াছেন, এবং তত্পর যুক্ত শিক্ষা লাভের জন্যে আমার সহিত সম্পূর্ণ ভ্রমণ করিতেছেন। ঈশ্বর তাঁহার সাধু ইচ্ছা সফল করুন।”

শ্রীদেবেন্দ্রনাথ ঠাকুর  
ব্রাহ্মসমাজপতি  
ও  
প্রধান আচার্য।”

### বিজ্ঞাপন।

শ্রীযুক্ত অক্ষয়কুমার দত্ত মহাশয় সমাজ হইতে যে বার্ষিক রুতি পাইতেছিলেন, সম্পূর্ণ তিনি তাহা গ্রহণ করা অনাবশ্যক বিবেচনায় উপকার স্বীকার পূর্বক এক্ষণ অবধি আর না লইবার প্রার্থনায় এক পত্র লিখিয়াছেন, অধ্যক্ষ মহাশয়েরা যে তাঁহার নিকট প্রতিজ্ঞাপাশে বদ্ধ ছিলেন, ঐ পত্র প্রাপ্ত হইয়া তাহা হইতে মুক্ত হইয়া তাঁহাকে সংখুবাদ করিলেন।

কৃতজ্ঞতা পূর্বক স্বীকার করিতেছি যে কলু-টোলাস্থ ব্রাহ্মসমাজ হইতে কতক গুলি ব্রহ্ম স্তোত্র একত্রে পুস্তকাকারে মুদ্রিত হইয়া তাহার সহস্র খণ্ড এই সমাজে প্রদত্ত হইয়াছে। উহার প্রত্যেক খণ্ডের মূল্য ১/১০ দেড় আনামাত্র।

শ্রীজানন্দচন্দ্র বেদান্তবাগীশ।  
সম্পাদক।

আগামী ২৯ কার্তিক শুক্রবার সন্ধ্যা ৭ ঘটনার সময়ে বেহালা ব্রাহ্মসমাজ মন্দিরে নব সাংসারিক ব্রাহ্মসমাজ হইবেক।

শ্রীউমেশচন্দ্র হালদার  
সম্পাদক।

কলিকাতা ব্রাহ্মসমাজের ১৭৮৪ শকের

ভাদ্র মাসের আয় ব্যয়

বিবরণ।

ভাদ্র মাসের আয় .. ..	৪৩৫/৫
পূর্বকার স্থিত .. ..	৪২০
	৮৫৫/৫
ব্যয় .. ..	৪৪০/১০
সম্পাদকের হস্তে .. ..	৪১৪৫/১৫
	এতদ্ভিন্ন
বাজাল ব্যাঙ্কে .. ..	৫৬৬/৫
কোং কাগজ .. ..	৫০০

ব্রাহ্মদিগের প্রতিজ্ঞাত সাংসারিক দান।

শ্রীযুক্ত জয়গোপাল সেন ও	
“ বৈকুণ্ঠনাথ সেন ... ..	১৫
“ দ্বারিকানাথ দে .. ..	১
“ ত্রিপুরাচরণ বন্দ্যোপাধ্যায় .. ..	১
“ হরচন্দ্র দে .. ..	১১০
	১৭১০


মাসিক দান।

শ্রীযুক্ত রাজা সত্যশরণ ঘোষাল .. ..	৫০
“ গোপীমোহন ঘোষ .. ..	১৬
“ দ্বারিকানাথ বন্দ্যোপাধ্যায় .. ..	২
“ যাদবকৃষ্ণ সিংহ .. ..	৫
“ উপেন্দ্রমোহন ঠাকুর .. ..	৩
“ সাগরলাল দত্ত .. ..	৩
“ রামচন্দ্র ঘোষাল .. ..	২
“ বৈকুণ্ঠনাথ সেন .. ..	২
	৯০

শুভ কর্মের দান।

শ্রীযুক্ত কেশবচন্দ্র সেন .. ..	৪
দানাপথারে প্রাপ্ত .. ..	৩৫১৫
	১১৫১৫

এই তত্ত্ববোধিনী পত্রিকা, কলিকাতা নগরে যোড়াসাঁকোস্থিত ব্রাহ্মসমাজের কার্যালয় হইতে প্রতিমাসে প্রকাশিত হয়। ইহার মূল্য ১/১০ ছয় আনা মাত্র।  
৩ কার্তিক বুধবার সন্ধ্যা ১১১২ কলিগতাদ ৪২৩০।



ব্রহ্মবা একমিদমগ্রাসীমান্যং কিঞ্চিনাসীত্তদিতং সর্বমসৃজৎ। তদেব নিত্যং জ্ঞানমনস্তং শিবং স্বতন্ত্রবিরবয়মেক-  
মেবাদ্বিতীয়ং সর্বব্যাপিসর্বনিয়ন্তৃ সর্বাশয়সর্ববিৎসর্বশক্তিমন্ধু বম্পূর্ণমপ্রতিমমিতি। একস্য তস্যৈবোপাসনয়া পার-  
ত্রিকমৈহিকক শুভস্তবতি। তস্মিন্ প্রীতিস্তস্য প্রিয়কার্যসাধনঞ্চ তদুপাসনমিব।

বেহালা ব্রাহ্মসমাজের

বক্তৃতা।

১২ জ্যৈষ্ঠ ১৭৮৪ শক।

এখনই এই পবিত্র ব্রাহ্মসমাজ মন্দিরে ঈশ্বরের অপার করুণা প্রত্যক্ষ অনুভব কর, সেই প্রেম-স্বরূপ, প্রাণ-স্বরূপ, পরমেশ্বর তাঁহার মহাবাস জনিত ভূমানন্দনীয়ে আমারদিগের আত্মাকে কেমন অভিষিক্ত করিতেছেন। আমরা তাঁহার মহাবাসের অযোগ্য হইলেও তিনি রূপা করিয়া আমারদিগের হৃদয় মন্দিরে আবির্ভূত হইয়া কেমন অচিন্তনীয় কৌশলে আমারদিগকে সুখী করিতেছেন। চন্দ্র যেমন নিজে নিপ্পূত হইয়াও প্রভাকরের উজ্জ্বল কিরণ লাভ করিয়া প্রভাবিত হয়, সেই রূপ আমারদিগের মলিন আত্মায় এখন সেই প্রেম-জ্যোতিঃ সত্য জ্যোতিঃ পরমেশ্বরের মঙ্গল কিরণ পতিত হওয়াতে তাহাও জ্যোতির্ময় হইয়া উঠিয়াছে। তাঁহার মহাবাস লাভ করিয়া—সেই প্রাণ-স্বরূপের উজ্জ্বল মুখ সন্দর্শন করিয়া আমারদিগের মন যে এত

হীনবীর্ষ্য তাহারও বলাধান হইতেছে—  
আমারদিগের হৃদয় যে এত নীরস তাহাও তাঁহার সহবাসে কেমন সরস হইতেছে। হৃদয়ের নিদ্ভিত বৃত্তি সকল এখন সেই প্রেম সূর্যের উজ্জ্বল প্রকাশ সন্দর্শন করিয়া কেমন উৎসাহের সহিত জাগ্রত হইতেছে—  
জড় রসনা পর্যন্ত আপনা হইতেই সেই প্রেমময়ের মহিমা কীর্তন করিতে ধাবিত হইতেছে।

এই পৃথিবীতে এক জন ধনির মহাবাস জ্ঞানির উপদেশ লাভ করিতে কত কষ্ট কত যন্ত্রণা সহ করিতে হয় কিন্তু দেখ সেই রাজার রাজা; নদী গিরি সাগর, ওষধি বন-সম্পত্তি, চন্দ্র সূর্য্য গ্রহ নক্ষত্র সম্বলিত অসীম বিশ্ব যাহার ঐশ্বর্যের পরিচয় প্রদান করিতেছে, যিনি ধনের আকর, শোভার ভাণ্ডার, ঐশ্বর্যের স্বামী, তাঁহার পবিত্র মহাবাস আমরা এখন কেমন সহজে উপভোগ করিতেছি। প্রার্থনা করিবামাত্র সেই রাজাধিরাজ আপনি আত্মাই আমারদিগের হৃদয় কুটীরে উপস্থিত হইলেন; সেই জ্ঞানের অনন্ত উৎস, প্রার্থনা মাত্রেই আমারদিগের হৃদয়ের অন্তরতম প্রদেশে

আবির্ভূত হইলেও কেমন অমৃতময়—সুখাময় উপদেশ প্রদান করিতেছেন। যাঁহার উপদেশের গভীর ভাব জড় রসনা ব্যস্ত করিতে গিয়া অবসন্ন হইতেছে।

যে সংসার, যে বিষয় সুখ আমারদিগের হৃদয়কে অধিকার করিয়া রাখিয়াছিল, দেখ সেই জ্ঞানময়ের গভীর উপদেশে তাহা কেমন অনিত্য অচির বলিয়া প্রতীত হইতেছে—তাঁহার উপদেশে এখন হৃদয় গ্রাহি সকল কেমন ছিন্ন ভিন্ন হইয়া যাইতেছে।

যে বিষয় সুখ এক এক সময়ে সর্বস্ব বলিয়া বোধ হয়, যাঁহার জন্য কত শত মনুষ্য ধন মান বল বীর্য্য—প্রাণ পর্য্যন্ত বিসর্জন দিতে উদ্যত হয়, তাহা এখন কেমন পথের ধূলি অপেক্ষাও অপদার্থ বলিয়া বোধ হইতেছে।

তাঁহার সহবাস জনিত—সেই ভূমি ঈশ্বরের সহবাস জনিত বিমলানন্দের তুলনায় বিষয় সুখ বিষয়ানন্দ যে কত অকিঞ্চিৎকর তাহা আমরা এখন পরীক্ষাতেই অনুভব করিতেছি। আমরা এখন রাজাধিরাজের, এখন জ্ঞানময়ের অমৃতময়ের সহবাস লাভ করিবার জন্য লালায়িত হই না। এখন প্রিয়তমের প্রসন্ন মুখ দেখিতেও ইচ্ছা করি না।

ধনির উপাসনা জ্ঞানির উপাসনা অপেক্ষাও কি ঈশ্বরের উপাসনা কষ্ট সাধ্য? যে স্বর্ণখনিকে চাহিলেই পাই, প্রার্থনা করিলেই লাভ করিতে পারি, তাঁহার জন্য লালায়িত না হইয়া সেই জ্যোতির সমুদ্রকে পরিত্যাগ করিয়া আমরা ছায়ার পশ্চাতেই ধাবিত হই—অজ্ঞানের জন্যই দেহ প্রাণ বিনষ্ট করি। সেই অন্তরতম পুরুষকে—সেই করতল ন্যস্ত অমূল্য মণিকে পরিত্যাগ করিয়া দূরেই গমন করি—অনুপ্রমাণ স্ব-

ণের নিমিত্ত প্রাণের আশা পরিত্যাগ করিয়া গভীরতর বিষয় কূপে নিমগ্ন হই।

যিনি প্রাণ-স্বরূপ—প্রত্যক্ষ প্রাণ-স্বরূপ, তাঁহা হইতে বিচ্ছিন্ন হইয়া জীবিত থাকিতে ইচ্ছা করি। মৎস্যের যেমন জীবনই প্রাণ, জীবন হইতে স্বতন্ত্র হইলে সে যেমন এক পলের জন্যও জীবিত থাকিতে পারে না, সেই রূপ সেই প্রাণ-স্বরূপ পরমেশ্বরই আমারদিগের আত্মার প্রাণ। আমারদিগের আত্মা তাঁহার স্নগভীর প্রীতি সমুদ্রের মীন-স্বরূপ। পৃথিবী যেমন বস্তু সমুদ্রে নিমগ্ন রহিয়াছে আমরাও সেই রূপ প্রাণ-স্বরূপ পরমেশ্বরের দ্বারা ওতপ্রোত ভাবে বেষ্টিত রহিয়াছি, তিনি আমারদিগের অধঃ উর্দ্ধ তির্য্যক সকল দিক ব্যাপিয়া স্থিতি করিতেছেন। তিনি আমারদিগের অন্তরে বাহিরে বিরাজ করিতেছেন। তাঁহা হইতে সেই প্রাণ-স্বরূপ পরমেশ্বর হইতে এক পলের জন্য বিচ্ছিন্ন হইলে আমরা এককালে বিনষ্ট হই। আমরা তাঁহাকে জানিয়াও তাঁহার অপার প্রেম স্পর্শ উপলব্ধি করিয়াও তাঁহাকে প্রীতি করি না। তিনি যে আমারদিগের প্রতি অহরহ অজস্র করুণা বর্ষণ করিতেছেন, তাহা কীর্তন করা দূরে থাকুক তিনি এখনি আমারদিগের প্রতি যে উদার প্রসাদ বিতরণ করিতেছেন, তাহাই অনুভব করিয়া অশ্রু বেগ সম্বরণ করা অসাধ্য হইয়াছে।

সেই দেব দেবকে প্রার্থনা করিলামাত্র তিনি আমারদিগের হৃদয় কুটীরে কেমন আবির্ভূত হইয়াছেন, এবং সেই প্রেম সূর্য্য তাঁহার মঙ্গল কিরণ বিকীর্ণ করিয়া আমারদিগের প্রীতি কমল প্রস্ফুটিত করত আপনাদের পূজার আয়োজন আপনিকে কেমন সুন্দর রূপে প্রস্তুত করিয়া লইতেছেন। তাঁহার নিষ্কলঙ্ক পবিত্র-স্বরূপ আমারদিগের জ্ঞান

নয়নের সম্মুখে প্রকাশিত করিয়া শ্রদ্ধা ভক্তিকে কেমন অচিন্তনীয় কৌশলে আপনাদের প্রতি আকর্ষণ করিতেছেন। আমারদিগের জড় মস্তককে তাঁহার পবিত্র চরণে আপনাই হইতেই কেমন অবনত করিতেছেন—রসনাকে তাঁহার পবিত্র যশ ঘোষণা করিতে আপনাই নিয়োগ করিতেছেন।

বর্ষা ঋতুর বারিধারা, যেমন ধূলি ধূসরিত বৃক্ষ লতা সকলের ধুলিরাশি ধৌত করত রমণীর শোভায় শোভিত করে, এখন সেই রূপ প্রেমস্বরূপ পরমেশ্বর অজস্র প্রীতি নীরে আমারদিগের আত্মার পাপ মলা প্রক্ষালিত করিয়া তাহার উজ্জ্বল শোভা সম্পাদন করিতেছেন। তাহাকে পবিত্র ও পরিশুদ্ধ করিয়া আপনার সহবাসের যোগ্য করিয়া লইতেছেন। আমরা এমন প্রেমময়কে এমন সুহৃদকেও ভুলিয়া থাকি।

হে পরমাত্মন! এখন যেমন তুমি আমারদিগের নিকটে প্রকাশিত হইয়া সকল কামনার পরিসমাপ্তি করিলে—সকল আশা পূর্ণ করিলে, চির দিনই আমারদিগের নিকটে এমনি প্রকাশিত থাক। আমারদিগের প্রীতি শুক্তিকে তোমার প্রতিই উন্নত কর। আমরা তোমার নিকটে ধন মান যশ কিছুই যাচঞা করিনা, কেবল এই প্রার্থনা করি, যে হে অনাথ বন্ধো! আমারদিগের ভূষিত আত্মা যেন তোমার প্রেমধারা পান করিবার জন্য চাতকের ন্যায় নিয়তই উর্দ্ধ মুখে আস্থান করে, প্রাণান্তেও যেন বিষয় কূপের দূষিত বারি পান করিয়া বিনষ্ট না হয়।

ওঁ একমেবাদ্বিতীয়ং

## নিবোধই ব্রাহ্মসমাজের বক্তৃতা।

১ বৈশাখ ১৭৮৪ শক।

যাঁহার এক নিমেষের করুণা ভাবনা করিতে গেলে বিস্ময় রসে অভিভূত হইতে হয়, যিনি আমাদের উত্তরবংশ পরম করুণাময় পিতা মাতা সুহৃৎ ও বন্ধু, তাঁহার অজস্র করুণা রাশি উপভোগ করিয়া অদ্য আমরা কি কৃতজ্ঞতা প্রেম ও ভক্তি সহকারে তাঁহার পদে প্রণিপাত করিতে সমুৎসুক হইতেছে না? বন্ধুগণ! আমরা যে তাঁহার কত করুণাই উপভোগ করিতেছি, তাহা একবার মনে করিয়া দেখ। এই নিবোধই গ্রামে গত সপ্তমের মধ্যে মহামারী জনিত কত অকাল মৃত্যু কত রোগ উৎপাদিত হইয়াছে, আমরা তাঁহার প্রসাদে সেই সমুদয় অতিক্রম করিয়া জীবিত রহিয়াছি। পরন্তু সেই অকাল মৃত্যু রোগ শোক হইতেও কোন না কোন প্রকারে কি তাঁহার গুঢ় মঙ্গল ভাব প্রকাশিত হয় নাই? আমরা এই ক্ষুদ্র বুদ্ধি দ্বারা তাঁহার অপার গভীর মঙ্গলভাব কি প্রকারে অনুধাবন করিব? কি প্রকারেই বা তাহার সীমা করিব? তাঁহার মহিমা ও মঙ্গল গান কি মেঘনির্নাদে, কি বজ্রের গভীর নির্যোষে, কি শব্দ প্রবাহিত বাত্যা শব্দে, কি বিহঙ্গম গণের কলকণ্ঠ নিঃসৃত সুমধুর রবে, জগতের যাবতীয় পদার্থে ধনিত হইতেছে। সংসারের যাহা আপাত সুখজনক তাহাতে তাঁহার মঙ্গলভাব প্রতীত হইতেছে, যাহা আপাত দুঃখজনক তাহাতেও তাঁহার মঙ্গল ভাব অনির্দেশ্য রূপে নিহিত রহিয়াছে, কেবল আমাদের অল্প বুদ্ধি দ্বারা তাহা লক্ষিত হয় না। রোগ মৃত্যু তাঁহা-

রই নিত্য মঙ্গলকর নিয়মে সঞ্চার করিতেছে। তিনি মঙ্গলময় নিত্য নিয়ম সমুদয় সংস্থাপন করিয়া আমাদের আশ্চর্য্য রূপে লালন পালন করিতেছেন। তিনি গত সয়ংসর কাল আমাদের কত রিপদ হইতে রক্ষা করিয়াছেন ও অদ্য অভিনব বৎসরে সমুপস্থিত করিয়া তাঁহার করুণারসে আমাদের প্রাণ মন অভিষিক্ত করিতেছেন। হা! তাঁহার করুণাবারি আমাদের প্রতি অনবরতই বর্ষিত হইতেছে, কিন্তু আমরা এমনি বিমূঢ় যে তাঁহাকে ভুলিয়া রহিয়াছি। আমরা কতবার এই কথা মুখে বলি যে চিরজীবন তাঁহাকে ভুলিব না—তাঁহার অপার করুণা মনে নিরন্তর জাগরুক রাখিব—এই মোহাকার ময় সংসারে তাঁহার অমৃতময় জ্যোতির আলোকে বিচরণ করিব—তাঁহাকে মনের সহিত প্রীতি করিব। তাঁহার প্রীতির জন্য সকল ত্যাগ স্বীকার করিব, কিন্তু আমরা কার্যোতে ইহার শতাংশের একাংশও কি করিতেছি? এখনো বিষয়ের জন্য, স্বার্থ সাধন জন্য, প্রবল অনুরাগ আমাদের হৃদয়ে পোষিত রহিয়াছে, এখনো আত্মাভিমান পরদোষানুসন্ধান প্রবৃত্তি আমাদের উপর রাজত্ব করিতেছে। আমরা এখনো সাধ্যমত পরোপকার করণে, ন্যায় সত্য পালনে ত্রস্ত হইতে পারি নাই—এখনো প্রবৃত্তি বিশেষের দাসত্ব শৃঙ্খল হইতে মুক্ত হইতে পারি নাই—এখনো একটু স্বার্থ জন্য—লোক ভয় জন্য আমরা কত মহান প্রধান কর্তব্য সকল সম্পাদন করিতে পারিতেছি না। হা! আমরা কি শরীর প্রাণ মন তাঁহার কার্যে নিয়োগ করিব না? আমরা আর কত দিন এই রূপে জীবনকে বিফল করিব? এখনো সময় আছে, এখনো দৃঢ় প্রতিজ্ঞা কর, যাহাতে আমরা

তাঁহার উপাসনা কায়মনো বাক্যে সম্পূর্ণরূপে করিতে পারি।

হে পরমাত্মন! তোমার পথ মধুময় জানিয়া আমরা কতবার মনে করি, যে চির জীবন তোমারই পথে বিচরণ করিব—কতবার প্রতিজ্ঞা করি যে সে পথ হইতে আর কখনই বিচ্যুত হইব না। কিন্তু আমাদের সে ইচ্ছা সে প্রতিজ্ঞা কতবারই অন্যথা হইয়া গিয়াছে। কতবার সংযতমনে তোমার পথে যাইতে যাইতে, পথ ভ্রান্ত পথিকের ন্যায় বিস্মৃত হইয়া, অন্য পথে গমন করিয়াছি। কতবার তোমাকে এমনি প্রীতি করিয়াছি, যে এখানকার তাবৎ বস্তু হইতে তোমাকে রমণীয় ও পরম প্রীতি ভাজন বলিয়া প্রতীতি হইয়াছে, তখন তোমার প্রীতি-সুখ হৃদয়চকোরকে এমনি পরিতৃপ্ত করিয়াছে, যে সে আর কিছুই চায় নাই—কেবল তোমাকে পাইয়াই চরিতার্থ হইয়াছে। কিন্তু বলিতে হৃদয় বিদীর্ণ হইতেছে, তোমার সহিত সেই প্রেম মনে চিরস্থায়ী হয় নাই। পৃথিবীর একটা সামান্য পদার্থ আসিয়া আমাদের সমুদায় প্রীতি এক কালে আকর্ষণ করিয়া লইয়াছে, তখন তোমাকে পাইবার জন্য প্রবল স্পৃহা মন্দীভূত হইয়া গিয়াছে। তখন তোমাকে ভুলিয়া আমরা স্বচ্ছন্দে কাল যাপন করিয়াছি; হে পরম সুহৃদ! আমরা কি বার বার এই রূপ অনুশোচনা করিব? তোমাকে কি চিরকালের জন্য একেবারে পাইব না? আমরা তোমার রূপা ব্যতীত তোমাকে কি প্রকারে পাইব? আমরা তোমার শরণাপন্ন হইতেছি, তুমি আমাদের মোহাকার বিনাশ কর ও আমাদের আশ্রয় কর তোমার পথে লইয়া যাও।

ওঁ একমেবাদ্বিতীয়ং

উদ্ধৃত।

ব্রাহ্মধর্মের বাখ্যান।

প্রথম প্রকরণ—চতুর্বিংশ আদেশ।

১৭৮৩ শকের ২৭ বৈশাখে কলিকাতা ব্রাহ্মসমাজে

প্রধান আচার্য্য কর্তৃক

বিবৃত হয়।

শ্রেয়শ্চ প্রেয়শ্চ মনুষ্যমেতস্তৌ সম্পরীত্য  
বিবিনক্তি ধীরঃ।

যখন আমরা সংসারের স্রোতেই ভাসিতে ছিলাম—যখন প্রেয়ের বশবর্তী হইয়া ইন্দ্রিয়-সুখ বিষয়মোদেই মত্ত ছিলাম—তখন কোথা হইতে বল আসিল, যাহাতে সেই প্রবল স্রোতের প্রতিকূলে যাইতে সক্ষম হইলাম? যখন সমুদয় সুখ দুঃখ, আশা ভরশা, এই সংসারেতে সমর্পণ করিয়া প্রেয়ের পথেই বিচরণ করিতেছিলাম; তখন কে হস্ত ধারণ করিয়া আমাদের দিগকে সেই দুর্গতি হইতে উদ্ধার করিলেন? যখন বয়সাদের সঙ্গে আমোদ-কোলাহলে উন্মত্ত ছিলাম, এমন একটা সাধুর মুখ দেখিতে পাই নাই যে সে ঈশ্বর-পথের এক ধূলি-কণা দেখাইয়া আমাদের আত্মাকে জাগ্রত করিয়া দেয়; তখন কে আমাদের দিগকে সুমধুর উপদেশ দিয়া কল্যাণময় প্রেয়ের পথ প্রদর্শন করিলেন? প্রতি জন মনে করিয়া দেখ, এমন এক এক সময় আসে কি না, এমন এক এক অবস্থা হয় কি না, যখন প্রেয়ের আকর্ষণ, সাংসারিক সুখের আকর্ষণ, প্রবল হইয়া আমাদের সমুদয় হৃদয় ও মনকে মুগ্ধ করিয়া রাখে? সেই অন্ধকারায়িত মোহ-ঘনায়িত সময়ে কি আমাদের উপরে কাহারো দৃষ্টি থাকে না? যখন সকলেই সমবেত হইয়া আমাদের আত্মাকে বিনাশ করিতে উদ্যত হয়,

তখন ঈশ্বর কি আমাদের সহায় থাকেন না। তিনি কি দেখিতে থাকেন না, কখন আমাদের দিগকে প্রেয়ের কুটিল পথ হইতে আপনার আলোকময় প্রেয় পথে উত্তীর্ণ করেন। যখন সংসারকেই আমাদের সার বোধ হয়—যখন প্রবৃত্তি-সকল বিষয়-ভোগের জন্য লালায়িত হয়—যখন হৃদয়ের সমুদায় কামনা, সমুদয় প্রীতি সংসারেই সম্পূর্ণরূপে বদ্ধ থাকে; তখন এই প্রকার আকর্ষণ হইতে স্বয়ং ঈশ্বর আমাদের দিগকে উদ্ধার করেন। তখন তিনিই আমাদের আত্মাতে অমৃত ভাব প্রেরণ করেন। তখন চেতন পাইয়া আপনাকে জিজ্ঞাসা করি, আমি কোথা হইতে আসিয়াছি? কোথায় যাইব? আমি কি করিতেছি? এই সকল ক্ষুদ্র বিষয় লইয়াই কি চিরকাল থাকিব? তখন সংসারের অসারতা হৃদয়ে প্রতিভাত হয়। ঈশ্বরের করুণা না পাইলে আমরা কোন প্রকারেই এই মোহ-জাল হইতে মুক্ত হইতে পারি না। আমরা নানা শাস্ত্র আলোচনা করি; সাধু সঙ্গে দিন-পাত করি; তথাপি প্রতিহত জন্ম-স্রোতের ন্যায় পুনঃ পুনঃ আমাদের মন সংসারের দিকেই ফিরিয়া আইসে। যখন আপনার বলের উপর নির্ভর থাকে, তখন আর আশা থাকে না, কি প্রকারে এই সকল দুর্গতি হইতে পরিত্রাণ পাইব। যখন ঈশ্বরের হস্ত দেখিতে পাই তখনই ভরসা হয়। আমরা কি এমন কোন অবস্থা মনে করিতে পারি—যাহাতে ঈশ্বরের নিকট হইতে আমাদের কোন আশাই থাকে না? এমন কোন অবস্থা কি আমাদের আসিতে পারে যে ঈশ্বর আমাদের দিগকে শোধনের অতীত দেখিয়া পরিত্যাগ করেন? এ প্রকার হইলে আমরা অসহায় নিরুপায় হইয়া পড়িতাম। তিনি যদি আমাদের দিগকে আপনার আপনার বলের

উপরেই রাখিয়া দিতেন;—আমরা আপনাদের উপরে যতই পাপ ও মলিনতা সঞ্চয় করি না কেন, তিনি যদি তাহা সংশোধন না করিতেন; তবে এত দিনে আমাদের আত্মা একেবারে অসাড় হইয়া যাইত; তাহার উদ্ধারের আর কোন উপায় থাকিত না। কিন্তু ঈশ্বর আমাদের এমন ঈশ্বর নন যে তিনি তাঁহার হীন মলিন সন্তানদিগের প্রতি উপেক্ষা করেন। আমরা যোগ্যনা হইলেও তাঁহার প্রীতি আসিয়া আমাদের উপর অমৃত সিঞ্চন করিতেছে। তাঁহার এই অখিল সংসারে তাঁহার কোন পুত্র ত্যজ্য নহে। এই সংসারের প্রবল তরঙ্গের মধ্যে তিনি আমাদের কর্ণধার হইয়া আছেন। তিনি আমাদের সঙ্গী হইয়া সাক্ষী হইয়া রহিয়াছেন, আবার আমাদের সঙ্গে সঙ্গে কার্য করিতেছেন। তিনি আত্মাতে ধর্ম-বুদ্ধি প্রেরণ করিতেছেন। তিনি হৃদয়ে বল বিধান করিতেছেন, যে তাঁহার বলে বলীয়ান হইয়া আমরা সংসারের সহিত সংগ্রাম করিতে পারি। আমাদের যদি কিঞ্চিৎ যত্ন থাকে, তিনি তাহার শত গুণ অধিক বল দেন। আমরা যদি প্রেয়কে পরিত্যাগ করিয়া প্রেয়কে অবলম্বন করিবার চেষ্টা পাই—আর আমাদের সম্মুখে যদি অলঙ্ঘ্য পর্বত সাগর সমান মহত্ব প্রতিবন্ধক থাকে, যদি সকল সংসার আমাদের প্রতিকূলে দণ্ডায়মান হয়; তথাপি আমাদের ভয় নাই, কেননা ঈশ্বর আমাদের সহায়। আমরা নিজে দুর্বল হইলাম, তাহাতে কি? ঈশ্বর আমাদের দুর্বলতার বল। যখন তাঁহাকে ছাড়িয়া আমরা সংসারকেই সর্বস্ব জ্ঞান করি, তখনই আমাদের ভয়, তখনই আমাদের শোক, তখনই আমাদের নিরাশা। যখন সংসারে মগ্ন হই—কিন্তু সংসার আমাদের হৃদয়কে পূর্ণ করিতে পারে না।

সংসারে আমরা সমুদয় প্রীতি অপণ করি, কিন্তু তাহা হইতে প্রীতি পাই না। সংসারকে সুখ-সাধনের উপায় করিতে যাই—সুখ মৃগ-তৃষ্ণিকার ন্যায় বঞ্চনা করে। আমরা অমৃত মনে করিয়া যাই, বিশ্বের আত্মদ পাই। আমাদের এ কি মোহ! কেন আমরা এই প্রকারে বৃথা ভ্রাম্যমান হইতেছি। কেন আমরা এই সকল ক্ষুদ্র বিষয়ে মুগ্ধ রহিয়াছি, যেন এই সকল আমাদের চিরকালের ধন। আমরা চির দিন এই রূপে জীবন বৃথা ক্ষেপণ করিতেছি, এক বার মনেও করি না, আমাদের কি দুর্দশা হইতেছে! আমরা দুঃখেতে ক্রেশেতে আবৃত হইতেছি—পাপেতে তাপেতে অবসন্ন হইতেছি; আমাদের শরীর রুগ্ন হইতেছে, মন ক্লিষ্ট হইতেছে—তথাপি আমরা জানি না, কোন্ স্থানে অবস্থিতি করিলে আমরা অনাহত থাকিব? এখন হইতে সকলেই ঈশ্বরের শরণাপন্ন হও। যাঁর বলে সমুদয় সংসারের বল, তাঁহার বলে বলী হইয়া নির্ভয় হও। প্রেয়-পথ পরিত্যাগ কর। প্রেয়ের পথ অবলম্বন কর, ঈশ্বর মহায় হইবেন। তাঁর বলেই সকল বল। তাঁর আশ্রয়েই আমাদের জীবন। যদি সেই সূর্যের আলোক এখন আত্মাতে প্রজ্বলিত হইয়া উঠে, তবে এখন আমরা নূতন হইয়া উঠিত হই। সেই সূর্যের প্রকাশে তখন আপনার ক্ষুদ্র ভাব সকলি অন্তর্মিত হয়। যখন সূর্যের উদয় হয়, তখন কি চন্দ্রের শোভা থাকে? যখন ঈশ্বর হৃদয় উজ্জ্বল করিয়া প্রকাশিত হন, তখন কি সে হৃদয়ে মলিন হীন ভাব থাকিতে পারে? তখন কি আপনার শোভা, আপনার মহত্ব না আপনার মান অভিমান, মনে থাকে? সূর্য্য অন্ত হন, আকাশ যখন অন্ধকার হয়, তখনি খদ্যোতেরা আ-

পনার অপনার শোভা প্রকাশ করিতে থাকে। সেই রূপ যখন হৃদয় অন্ধকার হয়—ঈশ্বরের জ্যোতি নির্ঝাণ হইয়া যায়; তখন আপনার নাম, আপনার মান, আপনার মহত্বের প্রতি দৃষ্টি পড়ে। তখন সেই অন্ধকার রজনীতে আপনার যৎকিঞ্চিৎ আলোকই প্রকাশ পাইতে থাকে। যখন ঈশ্বরের প্রীতি হৃদয় অধিকার করে, তখন আপনার প্রতি আর দৃষ্টি থাকে না। তখন যাহাতে তাঁহার পূজা জগৎময় প্রচারিত হয়—যাহাতে তাঁহার মঙ্গল-কিরণে সকল হৃদয় অনুরঞ্জিত হয়; তাঁর জ্ঞান প্রীতি সকল স্থানে বাপ্ত হয়; তাহাতেই শরীর মন বাস্ত থাকে। তখন আপনার প্রতি দৃষ্টি থাকে না, কিমে ঈশ্বরের মহিমা মহীয়ান হয়, তাহার জন্যই সকল কার্য। যখন আপনাকে ভুলিয়া ঈশ্বরকে দেখি, তখনই আপনার মহত্ব। যখন ঈশ্বরকে ভুলিয়া আপনাকে দেখি, তখনি আমরা সংসারের ক্ষুদ্র ভাবে মুগ্ধ হইয়া যাই।

হে পরমাত্মন! তুমি আমাদের দিগকে শুভ বুদ্ধি প্রদান কর, প্রেয়ের পথ হইতে আকর্ষণ করিয়া প্রেয়ের পথে লইয়া যাও। আমাদের দুর্বল মনে তোমার বল দেও, যাহাতে তোমার নাম সমুদয় পৃথিবীতে প্রচার করিতে পারি—তোমার মহিমা মহীয়ান করিবার জন্য সমুদয় হৃদয় মন সমর্পণ করিতে পারি, তুমি আমাদের উপর এই প্রকার অনুগ্রহ কর।

ওঁ একমেবাদিতীয়ং

কামন্দকীয় নীতিসার।

তৃতীয় সর্গ।

যেমন যম ভূতগণের উপর, সেই রূপ রাজা প্রজাগণের উপর দণ্ড ধারণ করিয়া প্রজাপতির ন্যায় তাহাদিগকে অনুগ্রহ করিবেন। সূনৃত

বাক্য, দয়া, দান, দীন ও শরণাগত ব্যক্তির রক্ষা এবং সাধু সহবাস সংপুরুষগণের ব্রত। আন্তরিক গুরুতর দুঃখে আবিষ্টের ন্যায় হইয়া পরম করুণা সহকারে দীনজনকে উদ্ধার করিবেন। যাহারা দুঃখপঙ্কার্ণবে নিমগ্ন দীন জনকে উদ্ধার করেন, তাঁহাদিগকে আর কোন সাধুই সংপুরুষ ব্রতে অতিক্রম করিতে পারেন না। রাজা দয়া অবলম্বন করিয়া ধর্ম হইতে বিচলিত না হইয়া পীড়িত ও অনাথগণের অশ্রু মার্জনা করিবেন। প্রাণীগণের প্রতি নিষ্ঠুর ভাব পরিত্যাগ করাই পরম ধর্ম; অতএব রাজা নিষ্ঠুরতা পরিত্যাগ করিয়া দীন জনকে প্রতিপালন করিবেন। আত্ম সুখ অভিলাষে দীন ব্যক্তিকে পীড়া দিবেন না; দীন ব্যক্তি পীড়িত হইয়া মনুষ্য দ্বারা রাজাকে নষ্ট করে। কোন্ কুলীন পুরুষ বিন্দু মাত্র সুখেলুরু হইয়া অবিচারে অপমান বিধিষ্ট প্রাণীগণকে উপীড়ন করেন? এই রোগ-শোকাকুল শরীর আজি হউক, কালি হউক বিনাশ প্রাপ্ত হইবে, অতএব কোন্ ব্যক্তি ঈদৃশ শরীরের নিমিত্ত অধর্ম্মাচরণ করিবেন? আহাৰ্য্য শোভা দ্বারা অতি কষ্টে ক্ষণ কালের নিমিত্ত শরীরের সৌন্দর্য্য সম্পাদন করিলেও ইহাকে ছায়া-স্বরূপ ও জল বিন্দুর ন্যায় বোধ করিবেন। প্রচণ্ড বায়ু দ্বারা ঘূর্ণমান মেঘ মালার ন্যায়, বিষয় রূপ শত্রু সকল মহা-ত্যাগকে কি প্রকারে আকর্ষণ করে। জীবন জল মধ্য গত চন্দ্রের ন্যায় অতি চঞ্চল ইহা মনে রাখিয়া নিরন্তর কল্যাণ আচরণ করিবেন। এই জগৎ মরীচিকা ভূলা ও ক্ষণ-ভঙ্গুর বিবেচনা করিয়া স্বজনগণের সহিত মিলিত হইয়া ধর্ম ও সুখের নিমিত্ত কার্য্য করিবেন। স্বজন সমূহে সেব্যমান রাজা চন্দ্র কিরণে রঞ্জিত প্রাসাদের ন্যায় অধিকতর শোভা প্রাপ্ত হন। সাধুগণের কার্য্য মনকে যে রূপ আনন্দিত করে, চন্দ্রমাও সে রূপ করিতে পারে না। প্রফুল্ল কমল শোভিত সরোবরও সে রূপ করিতে পারে না।

গ্রীষ্ম কালীন সূর্য্য কিরণে সন্তপ্ত, আশ্রয় শূন্য, ভীষণ মরু ভূমির ন্যায় দুর্জন সংসর্গ পরিত্যাগ করিবেন। দুর্জন, সহসা শীল সম্পন্ন সাধুগণের অন্তরে প্রবেশ করিয়া, অগ্নি যেমন পরিশুদ্ধ তরুকে, সেই রূপ তাঁহাদিগকে দগ্ধ করে। দুর্জনদিগের মুখ সর্পের ন্যায় নিশ্বাসোদ্গিরিত হতাশনের ধূমে ধূস্রর্ণ থাকে; কিন্তু সর্পের সহবাসও ভাল, তথাপি দুর্জনগণের নয়। স্বচ্ছ হৃদয় পুরুষেরা যে হস্তে পিণ্ডদান করেন, দুর্জনেরা মার্জারের ন্যায় তাহাই বিলপ্ত করিয়া থাকে। দুর্জন রূপ সর্পের জিহ্বাদ্বয় যুক্ত মুখ হইতে মস্তুর অসাধ্য তীব্রতর বাক্য-বিষ বিনির্গত হয়। পূজ-

নীয় স্বজনগণের নিকট যে রূপ অঞ্জলি করিতে হয়, হিতার্থী ব্যক্তি ছর্জনের নিকটও সেই রূপ করিবেন। রাজা লোক সংগ্রহের নিমিত্ত মিত্র ভাব প্রদর্শন করিয়া সর্জন লোকের আস্থা দান লোক প্রসিদ্ধি বা কা ব্যবহার করিবেন। সম্মান সূচক বাক্য জগৎ আস্থাদিত হয়; কিন্তু জুর-ভাষী রাজা ধন দান করিলেও লোককে উদ্বে-জিত করেন। লোকে যে বাক্য হৃদয়ে বিদ্ধ হইয়া সম্ভাপিত হয়, নেধাবী ব্যক্তি স্বয়ং বাখিত হই-য়াও তাদৃশ বাক্য উচ্চারণ করিবেন না। নীতি হীন রাজা যে সকল উদ্বেজন উগ্র বাক্য প্রয়োগ করেন, তাহা শত্রুর ন্যায় লোকের মর্শ্ব ভেদ করিয়া থাকে। শত্রু মিত্র উভয়ের প্রতিই নির-স্তর প্রিয় বাক্য প্রয়োগ করিবেন, ময়ূরের কে কার ন্যায় সুমধুর প্রিয় বাক্য কেনা প্রীতি ক-রিয়া থাকে, ময়ূরগণ যেমন কে কারবে অলঙ্কৃত হয়, পণ্ডিতগণ সেই রূপ মধুর বাক্য শোভা প্রাপ্ত হন। কিন্তু পণ্ডিতগণের বাক্য যে রূপ মন হরণ করে, মদরক্ত হংস, কোকিল ও ময়ূরের ধ্বনি সেরূপ করিতে পারে না।

গুণানুরাগ, মর্যাদা, শ্রদ্ধা, ও দয়া সম্পন্ন হই-য়া ধর্মার্থে ধন দান ও প্রিয় বাক্য ব্যবহার করি-বেন। যে স্ত্রীমান পুরুষেরা প্রিয় বাক্য ব্যবহার, সংকার ও অনিন্দ্য আচরণ করেন, তাঁহারা নর-রূপী দেবতা। শুচি হইয়া এবং আন্তরিক্য দ্বারা আত্মাকে পবিত্র করিয়া সর্জন দেবতাগণকে এবং দেবতার ন্যায় গুরুজনকেও আপনাদের বন্ধু জনকে পূজা করিবেন। গুরুজনদিগকে প্রণিপাত দ্বারা সাধুগণকে অনুচান চেষ্টিত দ্বারা ও দেবতাগণকে সম্পত্তি ও পুণ্য কর্ম দ্বারা অনুকূল করিবেন। স্বভাব দ্বারা মিত্রগণকে সন্তাব দ্বারা বান্ধবগণকে, প্রেম ও দান দ্বারা স্ত্রী ও ভৃত্যগণকে এবং দা-ক্ষিণ্য দ্বারা অন্যান্য ব্যক্তিকে বশীভূত করিবেন। অন্যের কার্যে অনিন্দ্য, স্বধর্ম পরিপালন ও দী-নের প্রতি দয়া, সর্জন মধুর বাক্য, প্রাণ-পণে অকৃত্রিম মিত্রের উপকার, গৃহাগত ব্যক্তিকে আলিঙ্গন, যথাশক্তি দান, সহিষ্ণুতা, বন্ধুগ-ণের সহবাস, এবং স্বজনের প্রতি সদ্যব-হার ও তাঁহাদিগের চিন্তানুবর্তন মহাত্মাগণের কার্য।

মহাত্মা গৃহস্থগণ এই সনাতন পথে অব-স্থান করেন; এই পথে গমন করিলে উভয় লো-কই লাভ হয়। যিনি এই পথে আত্মাকে সংস্থাপিত করেন শত্রুও তাঁহার মিত্র হইয়া উঠে, তাঁহাকে মাৎসর্য প্রকাশ করিতে হয় না, তাঁহার বিনয় গুণেই জগৎ বশীভূত হয়।

## ইতিহাস সংগ্রহ।

### হিজলীর বৃত্তান্ত।

২০০ সংখ্যক পত্রিকার ১০৫ পৃষ্ঠার পর।

হিজলী প্রদেশে সামান্যতই কুৎসিত জল বায়ু ও প্লাবনাগম জন্য পূর্বে যত অনিষ্ট ঘটিত এক্ষণে তাহার অনেক হ্রাস হইয়াছে। সমুদ্র কুলের সর্জনই বাঁধ হইয়াছে। ব্রহ্ম নদী কুলেও বাঁধ হইয়াছে, ক্ষুদ্র স্রোতস্বতীর পাশেও বাঁধ হইয়াছে, সুতরাং ভূমির অধিকাংশই এক্ষণে জলমগ্ন হয় না ও তজ্জন্য মৃত্তিকা, জল ও বায়ুও অধিক দূষিত হইতে পায় না। বাঁধের ভিতরের ভূমি সর্জনই আবাদ হইয়াছে। বৃষ্টির জল বহি-র্গত করিয়া দিবার সুন্দর উপায় সকল সংস্থাপিত হইয়াছে। বিস্তৃত জলরাশি আবদ্ধ থাকিয়া নি-রস্তর গলিত তৃণ পত্রাদির সহযোগে যে বস্তুকে দোষাশ্রিত করিবে তাহার সংখ্যা ও ক্রমে ক্রমে হ্রাস হইয়া আসিতেছে। এপ্রদেশের অবস্থা পূর্বে যত কদর্যা ছিল এক্ষণে তত নাই।

হিজলীখণ্ডের প্রাকৃতিক অবস্থা বিষয়ক যে যে বর্ণনা করা গেল তাহা তত্রস্ত কাঁথি প্রভৃতি গুটি কতক স্থানের পক্ষে সংগত নহে। সমুদ্র কুলের দুই তিন ক্রোশ দূরে একটা বালুকা স্তূপ শ্রেণী আছে। রমুলপুর নদী এক দিকে আর সুবর্ণ রেখা নদী অপর দিকে, ইহার মধ্যে ১৮ ক্রোশ পথ ব্যাপিয়া এই বালুকা স্তূপ শ্রেণী; ইহার পরিসর এক ক্রোশের চতুর্থাংশের অধিক হইবে না। ৩০৪০ হাত উচ্চ খল বালুকা রাশি পুঞ্জ পুঞ্জ সংখ্যায় একত্রিত ও শ্রেণী বদ্ধ হইয়া চলিয়া গিয়াছে; কোন কোন স্তূপ সমীপবর্ত্তী স্তূপের সহিত মিলিত হইয়া গিয়াছে, কেবল তা-হারদিগের শিখর গুলি স্বতন্ত্র মাত্র রহিয়াছে, ইহাদিগের অপোভাগে এক জাতীয় বন্য বাদাম যথেষ্ট জন্মায়; তাহাকে হিজলে বাদাম কহে ও সেখানকার লোকে তাহা ভক্ষণ করে। এই বালুকা স্তূপ মালার দুই পার্শ্ব নিম্ন ভূমি উত্তম উর্ধ্বা, নারিকেল, গুবাক, আম প্রভৃতি নানা জাতীয় বৃক্ষ আকীর্ণ ও বালি স্তূপের উপর হইতে অতি সুন্দর স্তূপবনের ন্যায় দেখায়।

কাঁথি গ্রাম এই বালুকা স্তূপমালার উপরে সংস্থাপিত। কেহ কেহ কাঁথি নামের ব্যুৎপত্তি এই এই রূপ করে। উড়িয়া ভাষায় প্রাচীরকে কাঁথি কহে, আমাদিগের এ অঞ্চলের কোন কোন স্থানেও প্রাচীরকে কাঁথি বলে। বালুকা রাশি সমুদ্র নিকটে একটা ব্রহ্ম প্রাচীর সদৃশ, অতএব উক্ত গ্রাম এই বালুকা শ্রেণী রূপ কাঁথির উপর সংস্থাপিত

থাকতে কাঁথি নামেই হইয়াছে। কাঁথি বা-লুকাময় উচ্চ স্থান বলিয়া তথাকার ভূমি অতি শুষ্ক, ও বায়ু নির্মূল। হিজলী প্রদেশের অন্যান্য ভাগে যে সকল কারণ বশতঃ জল বায়ু অতি ক-দর্যা, সে সকল কারণ কাঁথি ও বালুকা রাশি শ্রেণীর উপর সংস্থাপিত অপর গ্রাম সকলের পক্ষে প্রবল নহে; সুতরাং কাঁথি তাদৃশ অস্বাস্থ্যকর নহে। বায়ু কত সহশ্র ক্রোশ দূর হইতে বিনা ভূমি স্পর্শে প্রবাহিত হইয়া একেবারেই কাঁথিতে আসিয়া লাগে; ভূতল সংস্পর্শে তাহার যে কোন দোষ হয় তাহা এখানে হইবার সম্ভাবনাই নাই।

এই বালুকা স্তূপ শ্রেণী কি রূপে হইল তাহা এক্ষণে সহজে নির্ণয় করা যায় না। সমুদ্র তীরের সকল ভাগেতেই যে এই প্রকার থাকে তাহা নয়, অবশ্য কোন কালে জল বায়ুর প্রাবল্যানুসারে একপ বিপুল বালুকা স্তূপ ১৮ ক্রোশ পথ ব্যা-পিয়া রাশীকৃত হইয়া থাকিবে।

ফলতঃ সাগর কোন কোন স্থানে ক্রমে ভূতলকে নিজ অধিকারস্থ করিতেছে, কোন কোন স্থানে বা অধিকার পরিভাগ করিয়া যাইতেছে। হিজ-লীর মধ্য জুনপুট নামক গ্রামের সম্মুখে সমুদ্র অতি প্রবল হইয়া উঠিতেছে; ক্রমশঃ ভূভাগ কবলিত করিতেছে ও তত্রতা যে সরকারি বাঁধ আছে, বোধ হয় তাহা পর্য্যন্ত ও অচিরে গ্রাস করিবে। ওদিকে সুবর্ণরেখা নদী মুখে স্থল সীমা ক্রমশঃই বৃদ্ধি পাইতেছে; নিত্য নিত্যই মৃত্তন মৃত্তন চড়া পড়িতেছে।

সাগর তীরবর্ত্তী বাঁধের কথা পুনঃ পুনঃ উ-ল্লিখিত হইয়াছে, এই বাঁধ এক্ষণে কোন কোন স্থানে ২০ ফুট অর্থাৎ ১৩ হাতের অধিক উচ্চ হইবে ও ইহার তলের পরিমাপ ২০০ ফুট অর্থাৎ ১৩০ হাত পরিমিত হইবে। সকল স্থানে সমান উচ্চ নহে; স্থল বিশেষে ৯।১০ হাত উচ্চ মাত্র।

হিজলীখণ্ডে ক্ষুদ্র ব্রহ্ম সর্জন প্রকার স্রোতস্ব-তীতে আকীর্ণ। এই সকল নদী সহকারে জল-প্লাবন সম্ভাবনা নিবারণ জন্য তাহাদিগের তীরে সর্জনই বাঁধ আছে। যে নদীর যেমন বিস্তার ও স্রোতো বেগ, অর্থাৎ যে নদীতে যত জল যেমন আয়তন লইয়া আইসে তাহার বাঁধ তদনুসারে উচ্চ বা নিম্ন। কালিয়াঘাই ও হলদী নদীর প্রবল স্রোত রোধের জন্য অতি ব্রহ্ম বাঁধ আছে ও ক্ষুদ্র নালীগুলারও দুই এক হাত উচ্চ বাঁধ আছে। নদীর জল জোয়ারে উঠে উঠে, কিন্তু সর্জাপেক্ষা অধিক প্রবল জোয়ারে—বাঁড়া বাঁড়ীর কোটালে কত উঠে উঠে প্রথমতঃ ইহা নির্ণয় করিতে হয়, তৎপরে তদপেক্ষা আরও কিঞ্চিৎ অধিক উচ্চ করিয়া বাঁধ বাঁধিয়া থাকে। বাঁধের

স্থানে স্থানে জল নির্গমন হেতু মূলস্ অর্থাৎ কবাট বিশিষ্ট পোল আছে; শীত ও গ্রীষ্ম সময়ে এই সকল কবাট বন্ধ থাকে, বর্ষাকালে বৃষ্টি জল বহির্গত হইবার জন্য কবাট উত্তোলিত করিয়া দেয়, অথবা যখন অনারুষ্টি জন্য শস্য-ক্ষেত্র সকল জল শূন্য হইয়া পড়ে, তখন সমুদ্র জল প্রবেশ করাইবার অভিপ্রায়ে জোয়ারের সময়ে কবাট তুলিয়া দেয়, আবার পাছে তাঁটার সময়ে সেই জল বহির্গত হইয়া যায়, এই জন্য কবাট পুনরায় বন্ধ করে। মূলস্ সকল এক প্রকার নহে। কোন কোনটার এক বা দুই, কোন কোনটার তিন কবাট আছে। মূলস্ দিয়া যে ভূমির জল বহির্গত হইবে তাহার আয়তন অনুসারে দ্বারের সংখ্যা ও আয়তন নির্দিষ্ট হয়।

হিজলীতে এক্ষণে যে বাঁধ ব্যবস্থা আছে, তাহা কোন মতেই মুসংগত নহে। প্রথমতঃ সমুদ্র তীরবর্ত্তী বাঁধ সমুদ্র অপর্য়্যাপ্ত অর্থ বায়ে নির্মিত হয়, কিন্তু তাহার অধিকাংশই অপটু নিম্ন ও অসম্পূর্ণ। তাহাদিগের ঢাল অতি অল্প, সমুদ্রতল অতি প্রবল জোয়ারের সময়ে যত উচ্চ হয়, তাহা অপেক্ষা সাত আট হস্ত অধিক উচ্চ রাখা উচিত, যেহেতু কখন কোন সময়ে সমুদ্রে অধিক জল বৃদ্ধি হইবে, আর তাহার সঙ্গে দক্ষিণা বাতাস উঠিবে, তাহার নিশ্চয় নাই। বিশেষতঃ সমুদ্র তীরস্থ বাঁধ যদি ভগ্ন হইয়া যায় তাহা হইলে দেশ একেবারে উচ্ছিন্ন হইয়া যাইবে। এস্থলে সে বাঁধ এমন উচ্চ করা উচিত যে তাহাতে কখন বিপদ সম্ভাবনা মাত্র না থাকে। এই বাঁধের আবার এক এক অংশ বিশিষ্ট উচ্চ কিন্তু অধি-কাংশই নিম্ন, অতএব উচ্চতর ভাগ নির্মাণ জন্য যে বিপুল ব্যয় হইয়াছে তাহা কোন ফলদা-য়ক হয় নাই। অপর এই বাঁধ অধিকাংশেই মুচারু রূপে প্রস্তুত হয় নাই, কেবল মৃত্তিকা রাশী-কৃত মাত্র রহিয়াছে, তাহার উপরিভাগ যথা নিয়মে পরিষ্কৃত ও ঘাসারত করা হয় নাই, সুতরাং যদি জল অধিক উচ্চ হইয়া বাঁধ আক্রমণ করে, প্রবল সাগর তরঙ্গ আঘাতে সে অনারত অযথা ক্রমে প্রস্তুত বাঁধ সহজেই ক্ষীণ ও উন্মূলিত হইয়া যাইবার সম্ভাবনা।

সমুদ্র তীরবর্ত্তী বাঁধের তো এই সকল দোষ, কালিয়াঘাই ও হলদী নদীর পার্শ্বস্থ বাঁধ বন্ধন ও নিদোষ নহে। এই দুই নদী বস্তুতঃ একই কেবল পশ্চিম ভাগকে কালিয়া ঘাই, পূর্ব ভাগকে হলদী কহে। বর্ষাকালে এই নদী দিয়া এত বিপুল পরিমাণে জল ভাঙ্গে যে নদী ভাগে যথেষ্ট স্থান না পাইয়া উভয় তীরই প্লাবিত করে এবং তাহাতেও সম্প্রাণ্য না হইয়া বাঁধ ভাঙ্গিয়া তীর-

বর্তী দেশ সমুদয় জল মগ্ন করে। বাঁধ রক্ষণ-বেক্ষণ জন্য যে সকল লোক নিয়োজিত আছে, তাহারা বৎসর বৎসর প্রায় বাঁধ এক একটু উচ্চ করিতেছে, কিন্তু নদীও বৎসরে বৎসরে ততখানি ভরাট হইয়া যাইতেছে, সুতরাং জলদাগমে প্লাবনের সম্ভাবনা দূর হয় না। এ বাঁধেতেও আবার গোপাল চক আদি কয়েক স্থানে মূল স্-ভাগ ও অপটু হইয়া আছে, যত দিবস সে সকল উৎকট রূপে নির্মিত না হইতেছে তত দিবস তম্বিকটবর্তী স্থানে বিপদ সম্ভাবনা আছে।

এত ব্যতিরিক্ত অন্যান্য নদী উপকূলে যে সকল বাঁধ সংস্থাপিত আছে তাহার মধ্যে অধিকাংশই হাঁসিয়া বাঁধ। লবণ-ক্ষেত্র। সকল নদী কুলস্থিত গ্রীষ্মারম্ভে কটাল বৃদ্ধি পাইলে নদীর জলে এই সকল স্থান ভাসিয়া যায়, ও তৎকালে নদী লবণায়ু থাকিতে মৃত্তিকা বিশিষ্ট সলবণ হইয়া পড়ে। অন্যান্য সময়েও লবণায়ু কৈষিকার্য(১) গুণে মৃত্তিকায় প্রবিক্ত হইয়া তাহাকে আরও অধিক সলবণ করে, অতএব লবণ নদী কুলেই সং-গৃহীত হয়। কিন্তু লবণ প্রস্তুত করিবার জন্য ভূমি কর্ষণ করিয়া চূর্ণ করিতে হয়, ও তৎপরে তাহাতে জল সেচন আবশ্যক ও সর্ষপশ্যতে তদুচ্চ মৃত্তিকা যথেষ্ট জলে দ্রব করিয়া তাহা হইতে বহির্গত করিয়া লওয়া আবশ্যক। এই সকল ব্যাপার জন্য পোক্তান অর্থাৎ লবণ প্রস্তুত করণে বিস্তর জল প্রয়োজনীয়; অতএব লবণ-ক্ষেত্র নিকটে জল প্রণালী সকল আবদ্ধ রাখিলে চলে না। এই সকল কারণ বশতঃ শ্রোতবর্তী মানের তীরস্থিত অনেক ভূমি বাঁধের বহির্ভাগে থাকে, সুতরাং সে সকল বাঁধ কেবল যে জলপ্লাবন নিবারণ হেতু তাহা নহে, তাহা দ্বারা ও লবণ পোক্তানের ও সম্যক উপকার দর্শে। এই সকল বাঁধকে হাঁসিয়া বাঁধ কহে এবং যদিও হাঁসিয়া শব্দে কুল-বর্তী বুঝায় এবং বাঁধ মাত্রই শ্রোতবর্তী কুল-বর্তী বলিয়া হাঁসিয়া শব্দ বাচ্য কটে তথাপি লবণ ও শস্য উৎপাদন উভয় উদ্দেশ্যে ক্ষুদ্র নদী তীরে যে বাঁধ সংস্থাপিত আছে, তাহা হাঁসিয়া বাঁধ নামে খ্যাত, এই জন্য আমরাও এই নাম ব্যবহার করিলাম।

হিজলীখণ্ডে বিস্তর হাঁসিয়া বাঁধ আছে, এবং এই সকল হাঁসিয়া বাঁধের নিমিত্ত বৎসর বৎসর অনেক ব্যয় হয়, কিন্তু লবণ ও ভূমির কর হইতে যে আয় হয়, তাহার সঙ্গে তুলনা করিলে সরকারের এ ব্যয় অতি সামান্য। এই সকল ক্ষুদ্র ক্ষুদ্র খালের মধ্যে অনেক গুলিই ছুই চারি পাঁচ ক্রোশ মাত্র বিস্তৃত। বর্ষাকালে মা-

(১) Capillary attraction.

ঠের জলশ্রোতে মৃত্তিকা ক্রমশঃ ক্ষয় হইয়া প্রথমে অনতিবিস্তার খাত জন্মায়, পরে নদীর জল জোয়ার তাঁটায় গমনাগমন করিয়া এই সকল খাতের পরিসর ক্রমে বৃদ্ধি করিতে থাকে। অতএব ইহাদিগের বিস্তার অতি অল্প। এ সকল প্রণালীর কূলে আনুপূরিক বাঁধ বন্ধন না করিয়া কিয়দূর মাত্র করিয়া প্রণালীর আড়াআড়ি এক মূল স্-নির্মাণ করে, জলদাগমে প্রান্তরাদি জলমগ্ন হইলে সেই মূল স্-খুলিয়া দিলে প্রণালী দ্বারা জল বহির্গত হইয়া যায়।

হিজলীখণ্ডে উপরোক্ত বাঁধ সকল সংস্থাপিত হওয়া অবধি ভূমির রাজস্ব দ্বারা ক্রমশঃই সরকারের আয় বৃদ্ধি হইতেছে ও পোক্তানের অধিক সুবিধা হইয়াছে। প্রথমতঃ পূর্বে জলপ্লাবন ভয়ে অধিক সংখ্যক লোকে সলক স্থানে বসতি করিতে সম্মত হইত না, অথবা শঙ্কা পাইত, সুতরাং তখন শস্য ভূমি গ্রাহক মধ্যে অপেক্ষাকৃত অল্প লোক ছিল, অতএব সে সকল ভূমির কর অল্পই হইত। বিশেষতঃ বাঁধের সুব্যবস্থা না থাকিতে ধান্য-ক্ষেত্র সকলে প্লাবন আসিবার সম্ভাবনা বিলক্ষণ ছিল এবং প্লাবন আগমে যে সকল শস্য-ক্ষেত্র নষ্ট হইয়া যাইত, তাহার রাজস্ব প্রদান হইতে প্রজারা মুক্তি পাইত। এক্ষণে বাঁধ ব্যবস্থার সমধিক উন্নতি হওয়াতে এ সকল শঙ্কা অনেক দূর হইয়াছে, প্রজারা নির্ভয়ে বসতি করিতেছে, সুতরাং সকল স্থানের ভূমির কর উত্তর উত্তর বৃদ্ধি পাইতেছে।

বাঁধ ব্যবস্থার পদ্ধতি উন্নত হওয়াতে রাজস্ব উত্তম রূপে সংগ্রহ হইতেছে, কিন্তু বাঁধ সংস্থাপন জন্য যত ব্যয় হইয়াছে তত দূর উপকার জন্মায় নাই ও যত মুগ্ধালা মতে বাঁধ সমূহ ব্যবস্থিত করি যাইতে পারিত তাহাও হয় নাই। এমন অনেক বিস্তৃত ভূমি আছে যে বাঁধের অন্তর্গত করিলে অনায়াসে করিতে পারা যাইত, ও করিলেও ব্যয় অপেক্ষা রাজস্ব আদায় দ্বারা সে ব্যয় পুষিয়া যাইত। অনেক স্থলে আবার এমন অকর্মণ্য ভূমি আছে যাহা অনেক বায়ে নিরর্থক বাঁধ দ্বারা পরিবেষ্টিত হইয়াছিল; কিন্তু অতি নিম্ন বলিয়া বর্ষাকালে জলমগ্ন হয়, সুতরাং তাহার কর্ষণ সম্ভাবনা নাই।

(ক্রমশঃ প্রকাশ্য)

WAYSIDE THOUGHTS:

IN PRECEPT AND SONG.

AT THE PENNSYLVANIA YEARLY MEETING OF PROGRESSIVE FRIENDS, convened in the Longwood meeting-house, in Chester County, on First-day, the 30th of Fifth month, 1853, at

10 o'clock, A.M., the crowd of people was so great as to fill the house to its utmost capacity, through every place of access, and overflow the adjoining yard.

Several speakers addressed the assembly. Among others, JOSEPH A. DUGDALE remarked, that Progressive Friends have no system of dogmatic theology, and no sacred books which they receive as authority, but that they accept what is good and true, wherever found, He then read the appropriate and impressive passages from the Hindoo Vedas, from the works of Confucius, the Zend Avesta of the Persians, the Koran, and the Hebrew and Christian Scriptures, which are incorporated with the selections which follow:—

There is one living and true God; everlasting, without parts or passion; of infinite power, wisdom, and goodness, the Maker and preserver of all things.

The vulgar look for their Gods in water; the ignorant think they reside in wood, bricks, and stones; men of more extended knowledge seek them in celestial orbs; but wise men worship the Universal Soul.

There is nothing desirable except the science of God. Out of this there is no tranquility and no freedom.

The sacrifice of a thousand horses has been put in the balance with one true word, and the one true word weighed down the thousand sacrifices.

No virtue surpasses that of veracity. It is by truth alone that men attain to the highest mansions of bliss. Men faithless to the truth, however much they may seek supreme happiness, will not obtain it, even though they offer a thousand sacrifices. There are two roads which conduct to perfect virtue: to be true, and to do no evil to any creature.

From the Vedas of the Hindoos.

The firmament is the most glorious work produced by the Great First Cause.

What is called reason is properly an attribute of Tien, the Supreme God. The light which he communicates to men is a participation of this reason. What is called reason in Tien is virtue in man, and when reduced to practice is called justice.

To think that we have virtue, is to have very little of it. Wisdom consists in being very humble, as if we were incapable of anything, yet ardent, as if we could do all.

When thou art in the secret places of thy house, do not say, none sees me, for there is an Intelligent Spirit who seeth all. The Supreme pierces into the recesses of the heart, as light penetrates into a dark room. We must endeavour to be in harmony with his light, like a musical instrument perfectly attuned.

Mankind, overwhelmed with afflictions, seem to doubt of Providence, but when the hour of executing His decrees shall come, none can resist Him. He will then show that when He punished he was just and good, and that He was never actuated by vengeance or hatred.

How vast is the power of spirits! An ocean of invisible Intelligences surrounded us everywhere. If you look for them, you cannot see them. If you listen, you cannot hear them. Identified with the substance of all things, they cannot be separated from it.

He who knows right principles, is not equal to him who loves them.

From the works of Confucius.

Treat old age with reverence and tenderness. To refuse hospitality, and not succour the poor, are sins.

The heavens are a point from the pen of God's perfection. The world is a bud from the bower of His beauty. The sun is a spark from the light of His wisdom, and the sky is a bubble on the sea of His power. His beauty is free from a spot of sin, hidden in a thick veil of darkness. He made mirrors of the atoms of the world, and threw the reflection from his own face on every atom.

From the Zend Avesta of the Persians.

One hour of equity is better than seventy years of devotion.

God hath commanded that ye worship no one beside Him.

God is the light of the heavens and the earth, His wisdom is a light on the wall, in which burns a lamp covered with glass: the glass shines like a star; the lamp is lit with the oil of a blessed tree—no eastern, no western oil—it burns for whoever seeks light.

From the Koran

Learn to do well. Seek judgment; relieve the oppressed; judge the fatherless; plead for the widow.

The Spirit of the Lord is upon me; because the Lord hath anointed me to preach good tidings unto the Meek: he hath sent me to bind up the brokenhearted, to proclaim liberty to the captives, and the opening of the prison to them that are bound.

Create in me a clean heart; O God, and renew a right spirit within me.

The trees of the Lord are full of sap: the cedars of Lebanon which he hath planted.

O Lord, how manifold are thy works! in wisdom hast thou made them all; the earth is full of thy riches.

From the Jewish Scriptures.

Thou shalt love the Lord thy God with all thy heart, and with all thy soul, and with all thy mind. This is the first and great commandment.

And the second is like unto it, Thou shalt love thy neighbour as thyself.

Whatsoever ye would that men should do unto you, do ye even so unto them.

And there was strife among them, which of them should be accounted the greatest, and he (Jesus) said unto them:

The kings of the Gentiles exercise lordship over them; and they that exercise lordship over them are called Benefactors.

But ye shall not be so; but he that his greatest among you, let him be as the younger, and he that is chief, as he that doth serve.

And they brought young children to him,

that he should touch them; and his disciples rebuked those that brought them.

But when Jesus saw it he was much displeased, and said unto them, Suffer little children to come unto me, and forbid them not; for of such is the kingdom of God.

Verily I say unto you, whosoever shall not receive the kingdom of God as a little child, he shall not enter therein.

And he took them up in his arms, put his hands upon them, and blessed them. JESUS.

বিজ্ঞাপন।

সম্প্রতি ব্রাহ্ম শ্রীযুক্ত রামলাল গঙ্গোপাধ্যায় তাঁহার মৃত্যুকালীন লিখিত অধিকার পত্রে বান্-হোসের দুইটি সেয়ার এই সমাজে দান করিয়া গিয়াছেন, তাহার গত বর্ষের লভ্য ৫৬ টাকা প্রাপ্ত হওয়াগিয়াছে। এবং শ্রীযুক্ত যশোদা কুমার পাইন তাঁহার মৃত্যুকালীন যে দুই শত টাকা দান করেন, তাহাও প্রাপ্ত হওয়াগিয়াছে।

আমাদের সহিত প্রচার করিতেছি যে সম্প্রতি বারুই পুর গ্রামে একটি ব্রাহ্মসমাজ সংস্থাপিত হইয়াছে। তথাকার প্রসিদ্ধ জমিদার দিগের বাটির কয়েকটি মুশিক্ষিত বালকের উদ্-যোগে প্রথমে উহার বীজ রোপিত হয়, এক্ষণে ক্রমশ তথাকার অনেকেই তাহাকে অঙ্কুরিত ও বর্দ্ধিত করিতে চেষ্টিত হইয়াছেন, ঈশ্বর তাঁহার-দিগের চেষ্টা অবশ্যই সফল করিবেন।

কলিকাতা ব্রাহ্মসমাজের বিক্রয়

পুস্তক।

শাণ্ডকোপনিষদের চূর্ণক	১০
ইংরাজী ব্রাহ্মধর্ম	১০
সংস্কৃত ব্রাহ্মধর্ম	১০
ব্রাহ্মাণ্ড ব্রাহ্মধর্ম	১০
ভাষ্যসহিত ব্রাহ্মধর্ম	১০
ব্রাহ্মধর্মের মত ও বিশ্বাস	১০
ব্রাহ্মধর্মের ব্যাখ্যান	১০
ব্রাহ্মসঙ্গীত	১০
ব্রাহ্মসমাজের বক্তৃতা	১০
রাজনারায়ণ বসুর বক্তৃতা	১০
দীপ্তিশিরার অভিষেক	১০
আত্মতত্ত্ববিদ্যা	১০
ব্রাহ্মস্তুত্র	১০
প্রার্থনা	১০
প্রাত্যহিক উপাসনা	১০
প্রার্থনা সঙ্গীত	১০
পৌত্তলিক প্রবোধ	১০
পরমেশ্বরের মহিমা বর্ণন	১০
পদার্থ বিদ্যা	১০
ব্রাহ্মধর্মের অনুষ্ঠান	১০
১৭৬২ শকের তত্ত্ববোধিনী পত্রিকা	৫
১৭৭১ শকের এ	৫
১৭৭৩ শকের এ	৫

১৭৭৫ শকের এ	৫
১৭৭৩ শকের এ	৫
১৭৭৭ শকের এ	৫
১৭৭৮ শকের এ	৫
১৭৭৯ শকের এ	৫
১৭৮০ শকের এ	৫
১৭৮১ শকের এ	৫
১৭৮২ শকের এ	৫
১৭৮৩ শকের এ	৫
বেদান্তিক ডাক টিংস্‌তিন ডিকেটেড	১০
হিন্দু বিজ্ঞান	১০
শিলেক্‌শন ফ্রম বেদান্ত	১০

কলিকাতা ব্রাহ্মসমাজের ১৭৮৪ শকের আশ্বিন মাসের আয় ব্যয় বিবরণ।

আশ্বিন মাসের আয়	৪২১১/০
পূর্বকার স্থিত	৪১৪৬/১৫
	৮৩৬৭/১৫
ব্যয়	৪২০/১৫
সম্পাদকের হস্তে	৪১৬৭/০
এতদ্বিহীন	
বাল্যাল ব্যাঙ্কে	৫৬৬/৫
কোং কাগজ	৫০০

ব্রাহ্মদিগের প্রতিজ্ঞাত সাহায্যসরিক দান।

শ্রীযুক্ত রমণী মোহন চৌধুরি	২৫
“ মদন মোহন সেন	১২
“ দেবেন্দ্রনাথ ঠাকুর পাথুরে ঘাটা	১০
“ রাজারাম মুখোপাধ্যায়	৬
“ হরেন্দ্রনাথ মুখোপাধ্যায়	৫
“ গোপালচন্দ্র দে	১


মাসিক দান।

শ্রীযুক্ত রমণী মোহন চৌধুরি	১২
শুভ কর্মেদের দান।	
শ্রীযুক্ত ঈশানচন্দ্র শর্মা বিশ্বাস	২
এক কাণীন দান।	
শ্রীযুক্ত হরকান্ত সেন ও	
“ ভারকনাথ সেন	১

ভ্রম সংশোধন।

২৩১ সংখ্যক পত্রিকার ১১৪ পৃষ্ঠার ২ স্তম্ভের শেষ হইতে দ্বিতীয় পঙ্ক্তিতে “ইচ্ছাতে” স্থানে “ইচ্ছা ও” হইবেক।  
 ১১৫ পৃষ্ঠার ১ স্তম্ভের ৯ পঙ্ক্তিতে “ভোগী হইতেছে” স্থানে “ভাগী” হইবেক।  
 ১১৬ পৃষ্ঠার ২ স্তম্ভের ২ পঙ্ক্তিতে “তাচ্ছীল্য স্থানে “তাচ্ছীল্য” হইবেক।  
 ১১৭ পৃষ্ঠার ১ স্তম্ভের ১২ পঙ্ক্তিতে “যখন” স্থানে “কখন” হইবেক।

১ অগ্রহায়ণ শনিবার সন্ধ্যা ১৯১২ কলিকাতা ৪২৩৩।



তত্ত্ববোধিনী পত্রিকা

ব্রহ্মবা একমিদমগ্রাসীমান্যং কিঞ্চনাদীত্দিদং সর্বমসৃজৎ। তদেব নিত্যং জ্ঞানমনস্তং শিবং স্বতন্ত্রমিববষমেক-মেবাদ্বিতীয়ং সর্বব্যাপিসর্বনিয়ন্তৃ সর্বাশ্রয়সর্ববিৎসর্বশক্তিমন্ধু বম্পূর্ণমপ্রতিমমিতি। একস্য তস্যৈবোপাসনয়া গার-ত্রিকনৈহিকঞ্চ শ্ৰুতন্তবতি। তস্মিন্ প্রীতিস্তস্য প্রিয়কার্যসাধনঞ্চ তনুপাসনমেব।

আত্মা অতি যত্নের ধন।

মানসিক উৎকর্ষতাই মনুষ্যের প্রধান গৌরব। জ্ঞান ও ধর্মই আমাদের প্রকৃত শ্রেষ্ঠতার কারণ। আমাদের এই ক্ষুদ্র মনের এক একটি শক্তি ও এক একটি উচ্চতর বৃত্তি, এক এক অপরিমিত বল অপরিমিত মঙ্গলের উৎস স্বরূপ, কিন্তু তাহারা ভাবি-বীর শিশুর ন্যায় প্রথমে নিতান্ত অপরিপক্ব অপরিণত-তেজস্ক থাকে, তখন নিরুচ্ছ-বৃত্তি সকল প্রবৃদ্ধ হইয়া তাহাদের উপর অত্যাচার করিতে আরম্ভ করে। এই সময় অতিশয় ভয়ানক, এই সময়ে যদি আমা-দের উন্নত বৃত্তি সকলের প্রতি বিশেষ যত্ন না করা যায়, তাহা হইলে হয় তো তাহারা অল্প কাল মধ্যেই হীন ভাবাপন্ন হইয়া পড়ে। সুতরাং প্রবৃত্তির সংগ্রাম আমাদের অন্তরে প্রথমাবধিই উপস্থিত হয়। কিন্তু অধিকাংশ লোকই নিয়ত বাহ্যিক বিষয়েতে আকৃষ্টমনা থাকে, অভ্যাস বশতঃ তাহারা বাহ্য বিষয়কেই সর্বস্ব বলিয়া জ্ঞান করে, এই হেতু অন্তরের বস্তু যে আত্মা তাহার প্রতি অল্পই যত্ন করিয়া থাকে। মন বিষয়

লইয়াই ব্যস্ত, সুতরাং বিষয়ীকে দেখিতে অবকাশ পায় না। এই রূপ আত্ম বিস্মৃতি হইতেই নীচ প্রবৃত্তি সকল বল প্রাপ্ত হয়, এবং পরিশেষে মনকে তাহাদের বশবর্তী করিয়া ফেলে। যাহারা বিষয়কে সর্বস্ব মনে করিয়া তাহার পশ্চাৎ ধাবিত থাকে, তাহারা আত্মার প্রকৃত মহত্ত্ব জানিতে পারে না। আত্মার উন্নতির উপর আমা-দের প্রকৃত সুখ শাস্তি যে কত দূর নির্ভর করিতেছে, তাহা তাহারা অনুভব করিতে সমর্থ হয় না। বাস্তবিক মানসিক বৃত্তি সকলকে আমাদের আয়ত্তাধীন রাখা ধর্মানুষ্ঠান ও মনুষ্যত্ব সম্পাদনের প্রথম সো-পান।

আমরা সকলেই মনকে একটি ক্ষেত্রের সহিত উপমিত করিয়া থাকি। ক্ষেত্রের ন্যায় মনেরও একটি বিশেষ নিয়মাবধীন কর্ষণ করিতে হয়, তবে তাহা প্রকৃত কা-র্যোপযোগী হইতে পারে। আত্মার প্র-কৃত শক্তির পরিমাণ করা যায় না, তাহার যতই কর্ষণ করিবে ততই তাহা ক্রমশ অ-ধিকতর বলশালী হইবে। মানসিক প্রবৃত্তি সকলের উন্নতির শেষ নাই। আমাদের

জ্ঞান এত দূর পর্য্যন্ত বিস্তারিত হইবে, আমাদের ধর্ম এত দূর বর্ধিত হইবে, আমাদের বুদ্ধি এত দূর পর্য্যন্ত উন্নত হইবে, একপে কদাপি মানসিক শক্তি ও প্রবৃত্তি সকলকে সীমাবদ্ধ করা যায় না। আত্মা যেমন অনন্ত কালের বস্তু তাহার উন্নতিও অনন্ত কাল ব্যাপী। এই ক্ষুদ্র মানব দেহ রূপ পিঞ্জর বদ্ধ যে নিরাকার ইন্দ্রিয়াতীত বস্তু রহিয়াছে, সামান্য লোকে যাহার বিষয় জীবনের মধ্যে হয় তো বারেকও চিন্তা করে না, তাহার যে কি আশ্চর্য্য প্রকৃতি, কি সুন্দর অননুভবনীয় কৌশলে যে তাহা সৃষ্ট হইয়াছে, তাহা ভাবিতে গেলে কেবল ঈশ্বরের অচিন্ত্য মহিমায় বিমোহিত হইতে হয়। এক একটি আত্মা এক এক অপরিমিত শক্তির আকর, এক এক অপরিমিত ভাব ও জ্ঞানের উৎস স্বরূপ। এখানে আত্মার শৈশবাবস্থা মাত্র, এখানে তাহার সকল শক্তি পরিস্ফুট হয় না, সকল বৃত্তি পরিচালিত হয় না, সকল ভাব পরিপক্ব ও পরিণত হয় না। যদিও আমরা এখানে আত্মার সমুদায় শক্তির প্রত্যক্ষ পরিচয় পাইতে পারি না, তথাপি তাহার প্রকৃতি হইতেই স্পষ্ট প্রতীয়মান হইতেছে, যে ঈশ্বর স্বীয় জগতের অতি মহৎ কার্য্য সাধনার্থ তাহাকে সৃষ্টি করিয়াছেন। যিনি স্বীয় আত্মার প্রকৃত মহত্ত্ব বুঝিতে পারিয়াছেন, তিনি যদি সেই মহত্ত্ব সম্পাদনে বিরত হন, তাহা হইলে তাহার কি পর্য্যন্ত না হীন ভাব প্রকাশ পায়? ঈশ্বর আমাদের যে অপরিমিত শক্তি ও জ্ঞান উপার্জন করিবার উপযুক্ত করিয়াছেন, সংকীর্তি সাধনের মহৎ অধিকার দিয়াছেন, তাহা যদি আমরা অবহেলা করি, তবে তদপেক্ষা আর আক্ষেপের বিষয় কি হইতে পারে, কিন্তু হার! কত ব্যক্তি নিশ্চিত ভাবে বিষয়ের

স্রোতে ভাসমান হইয়া যাইতেছে, তাহার কেবল নিকৃষ্ট প্রবৃত্তি সকলের চরিতার্থতা দ্বারা সুখী হইতে চেষ্টা করিতেছে। তাহার আত্মার সম্ভাব সকলকে একেবারে নিস্তেজ করিয়া ফেলিয়াছে। সংসারের অস্থির ও বিচিত্র গতিতে লোকের অশেষ বিধ বিপদ ও দুর্গতি উপস্থিত হইয়া থাকে। কেহ রাজ পদ হইতে পরিচ্যুত হইয়া একেবারে নিশ্চ হইতেছে, কেহ অস্বাভাবে ভিক্ষোপজীবী হইতে বাধ্য হইতেছে। কিন্তু আত্মার হীনতা আত্মার দুর্গতি সকল দুর্গতি হইতে ভয়ানক। মনুষ্যজন্ম গ্রহণ করিয়া যে ব্যক্তি তাহার উন্নত অধিকার হইতে স্বীয় দোষে পরিচ্যুত হইল তাহার ন্যায় রূপাপাত্র দীন আর কোথাও নাই। আত্মাই আমাদের সকল সম্পদের স্থল, যিনি আত্মাকে যত্নের সহিত রক্ষা করিলেন তাহার সকলই রক্ষা হইল। যিনি আত্মাকে উন্নত বর্ধিত করেন, তিনি চির সম্পদ ও মঙ্গল লাভের উপায় করেন।

### ভ্রমারণ্য।

মনুষ্যের মন স্বভাবতই ভ্রম ও অজ্ঞানে পরিপূর্ণ। সংসারের গতির প্রতি দৃষ্টি পাত করিতে গেলে মনুষ্যের অনভিজ্ঞতা, অদূরদর্শিতা ও কুপ্রবৃত্তি হেতু যে কত শত অমঙ্গল ঘটিতেছে, কত অশেষ বিধ ভয়ানক অনর্থকর কুসংস্কার প্রচলিত হইয়াছে, কত কুতর্ক অদ্যাপি প্রচার হইতেছে, কত বিভিন্ন মত ভেদ হইয়া গিয়াছে, কত অসত্যের প্রাজুর্ভাব ও পাপের স্রোত বর্ধিত হইয়াছে, তাহা এককালে নির্বচন করা দুঃসাধ্য। এক দিকে মনুষ্যের স্বভাবতই ক্ষুদ্র অপরিপক্ব বুদ্ধি, আর এক দিকে তাহার প্রবল রিপু সকলের উত্তেজনা এবং

সংসারের প্রলোভন, সুতরাং কোন বিষয় স্থির চিত্তে বিবেচনা করিয়া নিরপেক্ষ ভাবে সত্য নিকপণ করা নিতান্ত দুষ্কার্য্য। প্রকৃত মরণ মতোর অনুসরণ করিয়া তাহা প্রাপ্ত হওয়া সহজ কথা নহে। অনেকে প্রথমে ধর্ম্মেতে অনুরাগী হইয়াও শিক্ষা বা সংসর্গ দোষ বশত সত্যপথ হইতে পরিচ্যুত হইয়া অবশেষে প্রচলিত কুপ্রথাতেই প্রবিষ্ট হইয়াছেন। কেহ কেহ বালাবধি যত্নে সুশিক্ষিত হইয়াও কার্য্যের সময় ধর্ম্ম বলের অভাবে সত্যকে পরিত্যাগ করিতে বাধ্য হইয়া থাকে। কেহ কেহ স্বার্থপরতার বশীভূত হইয়া সাংসারিক সুখের নিমিত্ত ধর্ম্মকে বিসর্জন করিতেছেন।

এই রূপে সংসারে ভ্রম ও প্রমাদের দ্বার চতুর্দিকেই মুক্ত রহিয়াছে। এক একটি ভ্রম বৃক্ষবীজের ন্যায় মনুষ্যের মনঃক্ষেত্রে পতিত হইয়া শতধা রূপে বর্ধিত হইতেছে। সংসারের এই রূপ বিচিত্র গতি দেখিয়া পূর্বে পূর্বে কবিগণ ইহাকে উত্তম তরঙ্গ বিশিষ্ট ভয়ানক সাগরের সত্বিত ও মনুষ্য জীবনকে তত্পরি ক্ষুদ্র তরণীর সহিত তুলনা করিয়াছেন। ভাবুকগণ ইহাকে মায়াময় বলিয়া উল্লেখ করিয়াছেন। এবং ধার্ম্মিকগণ ইহাকে ভীষণ হিংস্র জন্তু পরিপূর্ণ নিবিড় অরণ্য রূপে বর্ণনা করিয়াছেন। আমরাও ইহাদের ভাবের অনুধাবন করিয়া সংসার রূপ ভ্রমারণ্যের বিবরণ লিখিতে প্রবৃত্ত হইতেছি।

আমি একদা সাংসারিক বিষয় ব্যাপারের কুটিল গতির প্রতি মহা বিরক্ত হইয়া বিষম মনে চিন্তা করিতেছিলাম। মনে মনে মনুষ্যের কপট ব্যবহারের বিষয় অনুধাবন করিতেছিলাম, ক্রমে আমার চিন্তা স্রোত প্রবল হইল এবং কল্পনা শক্তি

উত্তেজিত হইয়া যেন আমাকে একটি দিব্য চক্ষু প্রদান করিল। বোধ হইল যেন আমি নগরের উপকণ্ঠে উপস্থিত হইয়াছি। তথায় দেখি যে সম্মুখে অনতিদূরে একটি সুবিস্তীর্ণ নিবিড় অরণ্য। সেই অরণ্যভিমুখে নগর ও অপরাপর স্থান হইতে অসংখ্য লোকে আগ্রহের সহিত দ্রুতগতিতে গমন করিতেছে। অরণ্য দূর হইতে অতি মনোহর, যেন অসংখ্য সুন্দর ক্ষুদ্র ক্ষুদ্র উপবনের পুঞ্জ মাত্র। যাত্রিগণ নিতান্ত কৌতূহলাক্রান্ত হইয়া যাইতেছে। ইহাদের আকার প্রকার দেখিয়া অধিকাংশকে অল্প বয়স্ক নব্য যুবা বোধ হইল। ইহারা সকলেই যেন বিস্তর লাভ করিবে, এই উচ্চ আশায় গমন করিতেছে। কেহ অরণ্যের শোভার প্রশংসা করিতেছে কেহ আতপ তপ্ত কলেবর হইয়া তাহার শীতল ছায়ার জন্য ব্যগ্র হইয়াছে, কেহ প্রবেশ করিয়া মনের সুখে বিহার করিবেন এই চিন্তায় আমোদিত আছেন, কেহ বলিতেছেন যে বহু ক্লেশের পর অদ্য বুঝি মনোরথ পূর্ণ হইবে। বাস্তবিক দূর হইতে অরণ্যের প্রকার মনোহর শোভা, যে সহজেই তাহা মনকে আকর্ষণ করে। আমি ও এই যাত্রি দলের সঙ্গে কৌতূহলাক্রান্ত হইয়া গমন করিতে লাগিলাম। ক্রমে সকলে অরণ্যের নিকট বর্তি হইলে যাত্রিগণ ভিন্ন ভিন্ন দলবদ্ধ হইয়া ভিন্ন ভিন্ন পথ দিয়া প্রবেশ করিতে আরম্ভ করিল। প্রবেশ মার্গ সকল অতি সুন্দর রূপে পরিষ্কৃত ছিল এবং যাত্রীদের অভ্যর্থনা ও আহ্বান করিবার জন্য এক এক প্রবেশ পথে এক জন দ্বাররক্ষক ছিল, পশ্চাতে জানিলাম যে ইহাদের নাম জ্ঞানমদ, ধনমদ ও কুসংস্কার। অরণ্য প্রকার নিবিড় যে সূর্য্যের আলোক তন্মধ্যে প্রবেশ করিতে পারে না, এবং বৃক্ষ লতার



দ্বারা পথও নিতান্ত সঙ্কীর্ণ ও অনুজ ছিল। কিন্তু এই হেতু ও এক প্রকার স্বাভাবিক শোভাও হইয়াছিল। তথাচ দেখিলাম যে অধিকাংশ লোকে ভিন্ন ভিন্ন পথ দিয়া প্রবেশ করিলেও কেহ কেহ পথের গোলযোগ ও অন্ধকার দেখিয়া ভীত হইয়া প্রত্যাগমন করিতে বাধ্য হইল, কেহ বা ভীত হইলেও অন্য লোকের সমভিব্যাহারে যাইতে সাহস করিল, আমিও তাহাদের পশ্চাৎ পশ্চাৎ প্রবেশ করিলাম।

কুমসংস্কার নামক প্রবেশ পথ দিয়া তাহারা প্রবেশ করিয়াছিল, তাহারা অধিকাংশই বিদ্যাহীন পুরুষ ও স্ত্রীলোক। ইহারা সকলেই পরস্পর হস্ত ধারণ করিয়া যাইতেছে, এবং একটি অতি বৃদ্ধ অথর্ব স্ত্রীলোক তাহাদের পথ দেখাইয়া অগ্রেই যাইতেছে। এই বৃদ্ধা স্ত্রীর নাম চির প্রথা, ইহার বয়োধিকা হেতু এমত শক্তি ছিল না যে আপনি সহজে চলিতে পারে, কিন্তু কি আশ্চর্য্য ইহাকে অগ্রসর ও নেতা করিয়া অসংখ্য লোকে ইহার পশ্চাৎ পশ্চাৎ চলিয়াছে। সকলেরই ইহার প্রতি মহা ভক্তি, কেহ ইহাকে অতি বৃদ্ধ মাতামহী রূপে সমাদর করিতেছে, কেহ ইহাকে দেব শক্তি ধারিণী জানিয়া পূজাও করিতেছে, কেহ কেহ বা ইহার অলৌকিক ক্ষমতাকে বিস্ময়িত হইয়া ইহার চরণ সেবা করিয়া তৃপ্ত হইতেছে। বৃদ্ধগণ সকলেই ইহার মহা প্রিয়, কিন্তু অল্প বয়স্কদিগের প্রতি বর্ষীয়সী এক এক বার যে রূপ দৃষ্টি করিতেছিল, তাহাতে বোধ হইল যেন তাহাদের প্রতি কিছু তাহার অবিশ্বাস জন্মিয়াছে। কিন্তু সে ভাব তাহার ক্ষণিক। বৃদ্ধার অনুচরগণ অধিকাংশই অদূরদর্শী অশিক্ষিত ব্যক্তি, এই হেতু তাহারা যে বৃদ্ধাকে এতাদিক শ্রদ্ধা ভক্তি ও ভয় করিবেন,

তাহার বিচিত্র নাই। কিন্তু আমি একটি আশ্চর্য্য দেখিলাম যে তাহাদের মধ্যে দুই একটি কৃতবিদ্য জ্ঞানী ব্যক্তিও রহিয়াছে। ইহার চক্ষু কর্ণ মুদ্রিত করিয়া দলে মিশাইয়া গিয়াছে, এবং বৃদ্ধার ভয়েই হউক বা কোন স্বীয় অভিসন্ধির জন্যই হউক ইহার অন্য দল পরিত্যাগ করিয়া এই সঙ্গে মিলিত হইয়াছে। বৃদ্ধা সদর্পে আস্তে আস্তে একটি পুরাতন সংকীর্ণ পথ দিয়া সাবধানে গমন করিতেছে এবং সেই পথ দিয়া একে একে সকলেই পদার্পণ করিতেছে। কেহই তাহার বাহিরে যাইতে স্পৃহা করে না এবং পাছে কেহ অন্য পথে গমন করে এই হেতু স্থানে স্থানে এক একটি বিত্তীষিকা স্থাপিত আছে, কিন্তু তাহা কেবল কৃত্রিম মাত্র। যে পথ দিয়া এই যাত্রিবর্গ যাইতেছিল তাহা অতি কদর্যা ও অপকৃষ্ট। কোথাও তাহা নিবিড় জঙ্গলে আবৃত, কোথাও তাহা শিলায় উচ্চ পর্বতের উপর দিয়া গিয়াছে, কোথাও মহা বিস্তীর্ণ জলা ভূমি ও পঙ্কিল জল বিশিষ্ট হ্রদ দিয়া গমন করিতে হয়। তথাপি যাত্রীগণ নিকটবর্তী উত্তম পথ থাকিলেও কস্মিন কালে তাহা দিয়া গমন করে না। কিন্তু যে পথ দিয়া তাহারা যাইতেছিল তাহাতে তাহারা প্রতিক্ষণে প্রতি পদেই কষ্টভোগ করিতেছিল। কেহ কেহ খানায় পড়িয়া পা ভাঙিতেছে, কেহ কেহ কণ্ঠকবনে পতিত হইয়া চক্ষু হীন হইয়া যাইতেছে, এবং সকলেই আপাদমস্তক ধূলি কর্দমে পরিপূর্ণ হইয়া অতি কদর্যা দেখিতে হইয়াছিল, ইহাতে নিকটস্থ সকল লোকেই তাহাদের অপবিত্র জঘন্য বলিয়া হাস্য ও যুগা করিতেছিল। এই রূপে সকলে মহা কষ্টে পথ অতিক্রম করিয়া একটি অন্ধকারময় স্থানে উপস্থিত হইল। তথায় বৃদ্ধা এক উচ্চ সিংহাসনে উপবিষ্ট হইল এবং

সকলে স্ব স্ব কায্যে ব্যাপৃত হইল। কেহ একটি মুৎপিণ্ড লইয়া তাহার আরাধনা করিতে আরম্ভ করিল। কেহ কেহ ধূলি ধূসরিত কলেবর ও দীর্ঘ শ্মশ্রু হইয়া বৃক্ষ তলে একাকী উপবিষ্ট হইয়া অন্ন জল পরিত্যাগ পূর্বক আপনাদের শরীরের নিগ্রহ করিতেছেন, এবং যিনি এই রূপে যত অধিক কষ্ট সহ্য করিতে সমর্থ হইতেছেন, লোকে তাঁহাকে ততই দেবতুল্য জ্ঞান করিয়া অর্চনা করিতেছে। কোথাও দেখি একটি অশ্বপথ বৃক্ষাচ্ছাদিত পুরাতন তন্ন মন্দির সম্মুখে অসংখ্য স্ত্রী পুরুষে অনাহারে পতিত রহিয়াছে, অনেকেরই দেখি রোগে নিতান্ত কাতর ও গতিশক্তি হীন। আমি ইহাদের দুঃখে দুঃখাভিত্ত হইয়া চিন্তা করিলাম, হায়! এই সকল নিরাশ্রিত ব্যক্তির প্রতি দয়া করিয়া ঔষধ প্রদান করে এমত কি কেহই নাই? ইহার কি চিকিৎসাভাবে রোগে প্রাণত্যাগ করিবে? এই রূপ চিন্তা করিতেছিলাম, এমত সময়ে মন্দির হইতে একটি পীত বস্ত্র পরিহিত হৃষ্ট পুষ্ট ব্যক্তি অহঙ্কার ভরে আমার সম্মুখে উপস্থিত হইয়া কহিলেন, ওহে যুবা তুমি কি দেখিতেছ, এই সকল ব্যক্তি এখানে অকারণে অঘত্রে পড়িয়া নাই, ইহার কারণ হইতে মুক্ত হইবার জন্য এবং মনস্কামনা সিদ্ধির জন্যই এই মন্দিরের জাগ্রত দেবতার প্রসাদ লাভার্থে আরাধনা করিতেছে। ঔষধ বিনা ইহার দেব প্রসাদে আরোগ্য লাভ করিবেন। আমি এই কথায় বিস্মিত হইলাম, কিন্তু আমার বিস্ময় অধিকক্ষণ রহিল না। ক্ষণেক পরেই দেখি যে কএকটি রোগী দেবতাকে কাতর স্বরে ডাকিতে ডাকিতে শুষ্ককণ্ঠ হইয়া প্রাণত্যাগ করিল, কেহ কেহ শ্লেমা ও অরণের কদর্যা বায়ুতে পতিত থাকিয়া মুমূর্ষু প্রায় হইল। কিন্তু

ইহা দেখিয়াও অপর রোগীগণ তথা হইতে গমন করিল না, তাহারা বরং ভীত হইয়া আরও উচ্চৈঃস্বরে মন্দিরের দেবতাকে ডাকিতে আরম্ভ করিল। আমি এই স্থল হইতে বিস্ময় চিত্তে কিয়দূর গমন করিতে করিতে বন মধ্যে একটি কোলাহল ধনি শ্রবণ করিলাম, এবং কৌতূহলাক্রান্ত হইয়া শব্দাভিমুখে যাত্রা করিলাম। অনতিদূরে গিয়া দেখি বিস্তর লোকের জনতা, আবালা বৃদ্ধ বনিতা সকলেই উর্দ্ধ্বাঙ্গে আসিয়া একত্র হইতেছে, জনতার মধ্যে প্রবেশ করিয়া দেখি যে একটি পরমাসুন্দরী যুবতী একটি মৃত দেহ ক্রোড়ে করিয়া বসিয়া রহিয়াছে। যুবতী মূন বদনা স্থির নেত্রে মৃত ব্যক্তির মুখের প্রতি বদ্ধ দৃষ্টি হইয়া রহিয়াছে। জিজ্ঞাসায় জানিলাম যে সেই দেহ তাহার মৃত স্বামির। চতুর্দিকস্থ লোকারণ্যের প্রতি যুবতী বারেকও কটাক্ষপাত করিতেছে না, বোধ হইল যেন বাহ্য জ্ঞান রহিত, এই ভীষণ জন কোলাহলের কিছু মাত্রই তাহার শ্রুতি গোচর হইতেছে না। বনিতার এই প্রকার ভাবে স্পষ্ট অনুভব হইল যেন তাহার মন কোন গুরুতর বিষয়ের চিন্তায় অভিভূত রহিয়াছে। চতুঃপার্শ্বের লোক উন্নত হইয়া আক্লাদে হরিবোল ধ্বনি করিতেছে, অসংখ্য বাদ্য ধ্বনিতে অরণ্য প্রতি ধ্বনিত হইতেছে, কতিপয় ব্যক্তি উচ্চৈঃস্বরে মন্ত্র পাঠ করিতেছে, অনবরত কপর্দক ও লাজা বর্ষিত হইতেছে। কিন্তু যুবতী চিত্রার্পিত পুস্তলিকার ন্যায় নিস্পন্দ ভাবে ক্রতলে কপোল বিন্যাস করিয়া মলিন বদনে বসিয়া আছে এবং কএকটি স্ত্রীলোক তাহাকে সিন্দূরাদি প্রদান দ্বারা বিধিনত সজ্জিত করিতেছে। পরে চির প্রথা বৃদ্ধা যুবতীর শোকাভুর পিতা মাতা ও ভ্রাতাকে হস্তে

ধরিয়া সেই স্থানে লইয়া গেল। তাহারও রুদ্ধার ভয়ে শোক সম্বরণ করিল। বাদ্য ধনি ও কোলাহল ক্ষণ কালের নিমিত্ত নিস্তদ্ধ হইল, কতিপয় লোক রাশীকৃত কাষ্ঠ আনিয়া শব শুদ্ধ বনিতার চতুঃপাশ্বে চিতা সাজাইতে আরম্ভ করিল। চিতা সজ্জিত হইলে যুবতী পিতা মাতা ভ্রাতার নিকট বিদায় লইল এবং পরিশেষে তাহার ভ্রাতা চিতায় অগ্নি প্রদান করিল। চিতাশ্মি প্রবল রূপে প্রজ্জ্বলিত হইলে পুনরায় ঘোরতর বাদ্য ধনি উত্থিত হইল, লোকের চীৎকার রব বিগুণতর বর্ধিত হইল, ক্ষণকালের মধ্যে চিতাশ্মি শবের সহিত যুবতীর কোমলাঙ্গ ভস্মীভূত হইল, চির প্রথাও মহাস্য বদনে প্রস্থান করিল। এই ভয়ানক নৃশংস ব্যাপার অবলোকন করিয়া বিস্ময় ক্রোধ দুঃখ বিষাদে যুগপৎ আমার হৃদয় ক্ষীত হইতে লাগিল। আমি বাক্য হীন হত চেতনপ্রায় হইলাম, এমন সময়ে একটি শাস্ত্র মূর্ত্তি যুবা পুরুষ আসিয়া আমাকে অতিশয় সম্ভাবে সম্বোধন করিয়া কহিলেন, মহাশয় আপনি কেবল এই একটি হৃদয় বিদীর্ণ কর দর্শন অবলোকন করিয়া হত চেতনপ্রায় হইয়াছেন কিন্তু এ প্রকার ব্যাপার এখানে নিয়তই হইতেছে। পিতা স্বীয় প্রিয় তনয়াকে তাহার মৃত স্বামির সহিত অগ্নি প্রবেশ করিতে অনুমতি দিতেছেন, মাতাও তাহা সহ্য করিতেছেন, পুত্র ও স্বীয় জীবিত জননীর মুখে অগ্নি প্রদান করিয়া তাহাকে দগ্ধ করিতেছে। • বাস্তবিক এখানে যে চিরপ্রথা নামে একটা ভয়ানক পিণ্ডাটী আছে, তাহারই মায়াতেই সমুদায় লোক একবারে অন্ধ হইয়া রহিয়াছে, অনেকে এই সকল ভয়ানক কার্যের প্রতি নিতান্ত ঘৃণা করিয়াও সেই পিণ্ডাটীর ভয়ে তাহা হইতে প্রতি

নিবৃত্ত হইতে পারে না। মহাশয় যে শোণিত শোষণ কর ঘটনাটি দেখিলেন, ইহার পেক্ষাও ভয়ানক ব্যাপার এখানে হইয়া থাকে। এই কথা বলিয়া যুবা আমাকে হস্ত ধারণ পূর্বক একটি সংকীর্ণ পথ দিয়া একটি সমুদ্র তটে লইয়া গেল, তথায় দেখি যে অসংখ্য স্ত্রী লোকের জনতা হইয়াছে, কেহ সমুদ্রের পূজা করিতেছে, কেহ কেহ তাহার চেউয়েতে স্নান করিতেছে, তন্মধ্যে দেখি কতক গুলি নারী এক একটি দুগ্ধ পোষ্য শিশু লইয়া মহা সমারোহ পূর্বক সাগরের অর্চনা করিয়া শিশু গুলিকে এক একটি ক্ষুদ্র ভেলায় শয়ান করণান্তর জলে ভাসাইয়া দিতেছে। শিশু ক্ষণকাল ভাসিতে না ভাসিতেই সমুদ্রের উত্তর তরঙ্গ আসিয়া তাহাকে গ্রাস করিতেছে। আমি এই সকল স্বভাব বিরুদ্ধ নিতান্ত নৃশংস ব্যাপার দর্শনে অসহিষ্ণু ও ব্যথিত হৃদয় হইয়া দ্রুত বেগে সে স্থান হইতে প্রস্থান করিলাম, যুবাও আমার পশ্চাৎগামী হইল, কিন্তু ক্ষণেক পরে সে কোন্ পথে গমন করিল তাহা আর জানিতে পারিলাম না। আমি অরণ্যের পথ ভ্রান্ত হইয়া অনেক ভ্রমণের পর দ্বিতীয় দ্বারের নিকট উপস্থিত হইলাম। এই দ্বারের রক্ষক ধনমদ নামে এক জন মধ্যম বয়স্ক উজ্জ্বল বেশধারী ব্যক্তি ছিলেন, তিনি প্রথমে আমার নামান্য পরিচ্ছদ দেখিয়া আমার প্রতি নিতান্ত অবজ্ঞা ও তাচ্ছল্য প্রকাশ করিলেন। কিন্তু আমি দুই চারি কথার তাহার মনকে আকর্ষণ করিলাম। পরে সে ব্যক্তি অভিমান ভরে কহিল মহাশয়কে নিরাশ করিতে ইচ্ছা করি না কিন্তু এই কানন কেবল ভদ্র ও ধনী দিগেরই বিহার স্থান, এখানে ইতর লোক দিগকে আমি প্রবেশ করিতে দিই না, এখানে অতি

প্রতাপশালী নরপতিগণ, অতুল ঐশ্বর্য সম্পন্ন ভূস্বামিগণ, নবানুরাগ বিগিষ্ট নব্য ভবা ব্যক্তিরাই অহরহ বিহার করিয়া জীবন অতিবাহিত করেন। যাঁহারা ইহার মধ্যে একবার প্রবেশ করেন ও ইহার বচনাভিত শোভা ও অশেষবিধ ভোগে আপনাদের আত্মাকে তৃপ্ত করেন, তাঁহারা আর কিছুই চাহেন না। এই প্রকার বর্ণনা শুনিয়া আমি মহা উল্লাসের সহিত দ্বার রক্ষকের প্রদর্শিত পথ দিয়া প্রবেশ করিলাম। দুই চারি পদ গমন করিয়াই দেখি যে সম্মুখে অতি মনোহর উপবন, ইহার দ্বার দেশে একখানি কাষ্ঠফলকে “প্রমোদ কানন” বলিয়া লিখিত রহিয়াছে। অসংখ্য লোক ইহার মধ্যে প্রবেশ করিতেছে।

এই আশ্চর্য্য কাননের ঘোরতর উজ্জ্বল শোভা যুগপৎ চক্ষু পতিত হইলে অন্ধপ্রায় হইতে হয়। সকল স্থানে সকল বস্তুই স্বর্ণ রঞ্জিত মণ্ডিত। মনুষ্যের হস্ত রচিত অতি বিচিত্র শিল্প চাতুর্য্য চতুর্দিকেই দৃশ্য হইতে লাগিল; স্তম্ভ স্ফটিক বিনির্মিত কনক পদ্ম খচিত প্রশস্ত সরোবরের মধ্যে একটি অপূর্ব উৎস হইতে অনবরত বারি নিব্বর পতিত হইতেছে, ফল ভারাবনত বৃক্ষ সকল পথের দুই পাশে শ্রেণী বদ্ধ রূপে রোপিত হইয়াছে, স্থানে স্থানে লতা মণ্ডপ ও বিহার স্থান অতি যত্নে সংরচিত হইয়াছে, পক্ষিগণের স্তমধুর রবে কানন পূর্ণ রহিয়াছে। এই সকল দেখিয়া প্রবেশাধাগণ একেবারে বিমোহিত প্রায় অতি সত্ত্বর বেগে আগ্রহের সহিত কানন মধ্যে প্রবেশ করিতেছে, কাননের দ্বার দেশে ভয়ানক লোকারণ্য হইয়াছে। কিন্তু প্রবৃত্তি নামে যে এক দ্বার রক্ষক তথায় স্থাপিত ছিল, তাহার ভাব ভঙ্গ

চাতুর্য্য দেখিয়া আমি বিস্মিত হইলাম। সে অতি সমাদর পূর্বক পথিকদিগকে আশ্বাস করিতেছে, তাহাদের মন আকর্ষণ করিবার জন্য দ্বার দেশ হইতে কাননের শোভা দেখাইতেছে, কাননবাসি ব্যক্তিগণের সুখ সৌভাগ্য এপ্রকার ভাবে বর্ণনা করিতেছে যে সহজেই লোকে তাহার কথায় বিশ্বাস করিয়া কানন প্রবেশের জন্য ব্যগ্র হইতেছে। এই রূপে সেই দ্বারবান পথ হইতে অধিকাংশ যাত্রিদিগকে আপনায় প্ররোচন বাক্য দ্বারা কাননভিমুখে লইয়া যাইতেছে, কিন্তু কাহাকেও বিনা বেতনে প্রবেশ করিতে দিতেছে না। এই হেতু কেহ অর্থ কেহ বশঃ কেহ ধর্ম কেহ পদ ইত্যাদি বিশেষ বিশেষ নামধেয় মহা মূল্য বস্তু সকল আপন আপন নিকট হইতে তাহার হস্তে বিসর্জন করিয়া প্রবেশ করিতেছে।

কাননের চারিদিকে সুবর্ণময় চারিটি উচ্চ মন্দির ছিল, সেই সকল মন্দির কাননের জাগ্রত অধিষ্ঠাত্রী দেবতাদিগের আলয়, লোক মুখে জানিলাম সেই দেবতাগণের নাম পরদারতা, পানাসক্তি, আলম্ব্য, ও অহংকার, ইহাদের অর্চনায় যাত্রিগণ অহরহ নিযুক্ত রহিয়াছে, ইহাদের প্রসন্নতা লাভ করা সকলেরই চেষ্টা। আমি প্রথমে পরদারতা নামক দেবীর মন্দিরের নিকট উপস্থিত হইয়া দেখি যে অসংখ্য নবীন যুবক যুবতীগণ পরস্পর হস্ত ধারণ করিয়া নবানুরাগে পরিপূর্ণ উৎফুল্ল নয়নে মন্দিরাভিমুখে গমন করিতেছে। মন্দিরের মধ্য হইতে মনোহর বাদ্য ধনি উত্থিত হইতেছে ও সকলে দেবীর প্রশংসা সূচক নানাবিধ গীত স্তমধুরে গান করিতেছে। মন্দিরের প্রবেশ পথ লতা মণ্ডপে আচ্ছাদিত ছিল, হঠাৎ দূরের লোকে তাহা দৃষ্টি

গোচর করিতে পারিত না। বাস্তবিক অনতি দূরে লজ্জা নারী একটা রাক্ষসীর বাস ছিল, সে ভয় দেখাইয়া অনেক অপব্যয়ক যাত্রীকে বিমুখ করিত, এই হেতুই উক্ত প্রকার গুপ্ত পথ প্রস্তুত হইয়াছিল। মন্দির মধ্যে প্রবেশ করিবামাত্র আমি আশ্চর্য্যে অভিভূত হইলাম। সকলে যাহাকে দেবী বলিয়া অর্চনা করিতেছিল, তাহাকে দেখিবার মাত্র আমার বিজ্ঞাতীয় ঘৃণা উপস্থিত হইল। তাহার আকার ও ভঙ্গি দেখিয়া বোধ হইল যেন এপ্রকার কুৎসিত ও কুরূপা নারী আমি কদাপি দেখি নাই। কিন্তু সেই পিশাচী আপনার স্বাভাবিক কদর্য্য রূপ গোপন করিবার জন্য অতি যত্নে নানা বিধ বেশ ভূষা করিয়া কপট হাস্য বদনে এক সিংহাসনে উপবিষ্ট আছে। আমি বুঝিতে পারিলাম না, যে কি প্রকারে এই পিশাচী সকলের মন হরণ করিয়াছে, কিন্তু আমার বোধ হইল যে সেই নারীর কেবল জাতি ও মন্ত্র প্রভাবেই সকলে তাহার নিতান্ত অধীন হইয়াছিল। কারণ তাহার স্বাভাবিক কুৎসিত মলিন আকৃতি যদি বারেকও তাহার উপাসকগণের দৃষ্টি গোচর হইত, তাহা হইলে কেহই ক্ষণকালের নিমিত্তে সেই মন্দিরে পদার্পণ করিত না। আপাতত বোধ হইল যেন পিশাচীর স্নায়ু বিমোহিত হইয়া সকলেই অপার সুখ ভোগ করিতেছে। কিন্তু অল্প কালেই আমার এই বিষয়ের ভ্রম দূর হইল। যাহারা প্রথমে পরস্পর গাঢ় প্রণয়ে বদ্ধ ছিল তাহারদের মধ্যে ঘোরতর বিবাদ উপস্থিত হইল, যাহারা যৌবন মদে মত্ত হইয়া আপনাদের সৌন্দর্য্যের গর্ব্ব করিতেছিল, তাহাদের অকস্মাৎ রূপ লাভণ্য বিলুপ্ত হইল, অকালে বার্দ্ধক্য উপস্থিত হইল শরীর ভগ্ন ও ব্যাধিগ্রস্ত হইল। অমনি সেই

মায়াবী পিশাচী তাহাদিগকে মন্দির হইতে দূরীকৃত করিয়া দিলে। আমি ইহা দেখিয়া তথা হইতে ত্বরায় অপস্থত হইয়া পানাসক্তি নামক দ্বিতীয় দেবতার আলয়ে উপস্থিত হইলাম। এই স্থান আপাতত দেখিবামাত্র একটি উন্নাদ শালার ন্যায় বোধ হইল, ছোট বড় যুবা বৃদ্ধ সকলেই একত্র উন্নত ভাবে মহা গোলযোগ করিতেছে। কেহ অশীতি বর্ষীয় শ্বেত-কেশ তথাপি শিশুর ন্যায় নগ্ন হইয়া পরিধেয় বস্ত্রে উষ্ণীত বন্ধন পূর্ব্বক নৃত্য করিতেছে, কেহ কেহ মহা ক্রুদ্ধ হইয়া তয়ানক কলহে প্রবৃত্ত হইয়াছে, কেহ বা আকাশ বিহারী পক্ষিদিগকে ধরিবার জন্য তাহাদের পশ্চাৎ পশ্চাৎ উড়ীয়মান হইতে চেষ্টা করিতেছে, অপর কেহ কেহ গস্তীর ভাব ধারণ করিয়া স্বীয় মস্তকে বৃক্ষ পত্র রচিত মুকুট পরিধান পূর্ব্বক পৃথিবীর ঈশ্বর হইয়া বসিয়া আছেন। সকলেই এপ্রকার ভাব প্রকাশ করিতেছে যেন কাহারও কোন চিন্তা নাই, সকলেই জ্ঞান শূন্য। পথি মধ্যে যাহাদের ভাব ভক্তি দেখিয়া অতিশয় শাস্ত প্রকৃতি জ্ঞানী ও সাধু বলিয়া আমার বোধ ছিল, তাহাদের অনেককেই এই স্থলে উক্ত রূপ বাল্য লীলায় মত্ত দেখিলাম। এ মন্দিরের দেবতারও ভাব চমৎকার, দেখিতে তয়ানক স্তূলাকার, উদর স্ফীত, চক্ষু আরক্ত এবং হস্তে একটি পান পাত্র। বসিবার শক্তি নাই এই হেতু ছুই জন লোক তাহাকে ধরিয়া রাখিয়াছে এবং তিনি নিয়তই করস্থিত পাত্র হইতে পান করিতেছেন এবং অবিলম্বেই তাহা উদ্ধার করিয়া ফেলিতেছেন। এই প্রকার কাণ্ড দেখিয়া আমি এক জনকে জিজ্ঞাসা করিলাম এ সমুদায়ের অর্থ কি? কি নিমিত্ত সকলে ইচ্ছা পূর্ব্বক জ্ঞানকে বিসর্জন দিয়াছে। সে স্বীয় পান

পাত্র সম্মুখে ধারণ করিয়া কহিল, জ্ঞান কেবল দুঃখের কারণ, চেতনা যন্ত্রণা মাত্র। কিন্তু এই অমৃতের এক বিন্দু যে পান করে, তাহার জ্ঞানের সহিত সকল দুঃখ শোক দূর হয়। বাস্তবিক আমি বিশেষ করিয়া দেখিলাম যে অনেকেই এক এক বার অসহ্য দুর্ভাবনা ও মানসিক যন্ত্রণায় হঠাৎ যেন কাঁতর হইতেছে এবং সেই দুর্ভাবনা দমন করিবার জন্য পুনরায় অধিকতর পানে উন্নত হইতেছে। তৃতীয় মন্দিরের নিকটে গিয়া আর এক প্রকার ভাব দেখিলাম, তথায় সকলেই নিস্তর নির্জীব প্রায়। যাত্রিগণ নিতান্ত মূঢ় গতিতে গমন করিতেছে এবং মন্দিরের নিকটে উপস্থিত হইয়াও অবশিষ্ট পথের প্রতি দৃষ্টি করিয়া দীর্ঘ নিশ্বাস পরিত্যাগ করিতেছে, কেহ কেহ অবসন্ন প্রায় হইয়া পথের ধারেই শয়ন করিতেছে, কেহ বা পদব্রজে গমন করা নিতান্ত কষ্টকর বোধ করিয়া আস্তে আস্তে যানারোহণে চলিয়াছে, এইরূপে মহা ক্লেশে যাহারা মন্দিরে উত্তীর্ণ হইতেছে, তাহারা প্রায় সকলেই এক এক শয্যায় শয়ন করিয়া পথ ভ্রম দূর করিতেছে। আমি ইহাদের মধ্যে এতদ্দেশীয় ধনবান ভূগাধিকারীদিগের অধিকাংশকেই দেখিলাম। কেহ অর্ধ মুদ্রিত নয়নে স্বপ্ন দেখিতেছেন, কেহ এক খানি পঞ্জিকা লইয়া তাহার পত্র উল্টাইতেছেন, কেহ ক্ষুধার্ত হইয়াও কি প্রকারে দম্মুখস্থ আহাৰ্য্য দ্রব্য হস্ত দ্বারা উত্তোলন করিবেন তাহার চিন্তায় মহা চিন্তিত আছেন। কেহ বা কি প্রকারে শয়ান থাকিয়াই সকল কার্য্য সম্পন্ন করা যায় তাহার উপায় চিন্তা করিতেছেন, কেহ কেহ একত্র হইয়া প্রাচীন উপকথা এবং রামায়ণের ইতিহাস কহিতেছেন, কোথাও বা কএক জন মহা চিন্তিত ভাবে বসিয়া সতর্কতার চাল ভাবিতেছেন।

এইরূপে সকলেই স্থির হইয়া একই ভাবে রহিয়াছেন। তথাকার দেবতাও কুন্তকণের ন্যায় ছয় মাসের নিদ্রায় অভিভূত ছিলেন এবং তাহার ছুই পাশ্বে জড়তা ও নিষ্কর্ম্য নামে দুই ভৃত্য তন্দ্রালু হইয়া ছলিতেছে।

আলস্যের আলয় হইতে বহির্গমন পূর্ব্বক তথাকার বিচিত্র ভাব মনোমধ্যে আন্দোলন করিতে করিতে চতুর্থ মন্দিরের সম্মুখে উপস্থিত হইলাম। এখানে আবার নূতন কাণ্ড দৃষ্টিগোচর হইল। দেখিলাম উত্তম পরিচ্ছদ ধারী ব্যক্তিগণ অশেষ বিধ সুসজ্জিত যানারোহণে মহা সমারোহ পূর্ব্বক মন্দিরাভিমুখে যাইতেছে, সকলেই উর্দ্ধ দৃষ্টি করিয়া যেন আকাশের উচ্চতার প্রতি বিরক্তি ভাব প্রকাশ করিতেছে, এবং এক এক বার কেবল মন্দিরের উন্নত চূড়ার শোভা নিরীক্ষণ করিতেছে। মন্দিরের সুবর্ণ মণ্ডিত দ্বার-দেশে তোষামোদ ও ক্ষীণ বুদ্ধি নামক দুই অতি শিক্ষিত সভ্য বিনীত ব্যক্তি সকলকে অভ্যর্থনা করিয়া সাদরে অহংকার দেবের নিকট লইয়া যাইতেছে। দেবতা মন্দিরের মধ্যস্থিত একটি উচ্চ সিংহাসনে গস্তীর ভাবে বসিয়া আছেন এবং বার বার করতলস্থিত দর্পণে স্বীয় মুখ জ্যোতি দর্শন করিয়া মনে মনে আত্মাদিত হইতেছেন। সেবকগণ তাহার প্রসাদ দৃষ্টি প্রাপ্ত হইবার জন্য নিতান্ত উৎসুক রহিয়াছে কিন্তু তিনি কাহারও প্রতি চাহিয়া দেখিতেছেন না, বাস্তবিক এক জন আমাকে বলিল দেবতার এপ্রকার উন্নত ভাব যে তিনি কদাচ নিম্ন দিকে দৃষ্টি করেন না। কিন্তু বিষয়ের বিষয় এই যে পরনিন্দা ও ঈর্ষা নামী দুই ক্লেশবর্ণা অতি কুৎসিত যুবতী অহংকারের ছুই পাশ্বে বসিয়া সর্বদাই তাহার কর্ণে চুপি চুপি কি বলিতেছে, তাহাতে অহংকার একের কথা শুনিয়া অতিশয় পুলকিত,

ও অপরের বাক্যে একেবারে বিবর্ণ ও বিষমমনা হইতেছেন, তথাপি তাঁহার ছুই নারীর প্রতিই সমান শ্রীতি ও সমাদর ছিল। মন্দিরস্থ যাত্রিগণ দেবার্চনা করিয়া স্থানে স্থানে মহা সমারোহ করিয়া অনুচর মণ্ডলী পরিবেষ্টিত হইয়া বসিয়াছেন। অনুচরগণ দিবারাত্র স্ব স্ব প্রভুকে আমোদ-যুক্ত রাখিবার জন্য নানা উপায় চিন্তনে ব্যস্ত রহিয়াছে। কেহ নৃত্য করিতেছে, কেহ বহুধাঙ্গী সাজিয়াছে, কেহ স্বয়ং অবিকল শাখামৃগ রূপ ধারণ করিয়া নানা প্রকার কৌতুক করিতেছে, কেহ প্রভুকে আকাশ হইতে উচ্চতর বলিয়া বর্ণনা করিয়া তাঁহার অনুগ্রহ ভাজন হইতেছে। কিন্তু ইহারাই আবার ক্ষণেক পরে প্রভুর পশ্চাতে তাহার সর্বস্ব অপহরণ করিতেছে ও তাহার কুশল ঘোষণা করিয়া তাহাকে অপর যাত্রিদিগের নিকট অপমানিত করিতেছে। এই রূপে যে সকল ব্যক্তি সেই স্থানে গিয়াছিল তাহারা পরিশেষে সুখ ভ্রমে মহা অসুখে পতিত হইয়াছিল, অনেকেই নিতান্ত দীন ভাবাপন্ন হইয়া পলায়ন করিতেছিল। প্রমোদ কাননের যতই ভিতরে যাইতে লাগিলাম ততই তাহা শোভাহীন হইতে লাগিল, এবং পরিশেষে দেখি যে তাহা অরণ্যের সহিত মিশ্রিত হইয়া গিয়াছে, এই স্থলে বিবম হিংস্র জন্তু সকল আমার দৃষ্টি গোচর হইল, এবং কিয়দূরে গিয়া দেখি যে কতিপয় ব্যক্তি কএকটা বিকটাকার হিংস্র জন্তু কর্তৃক তাড়িত হইয়া উর্দ্ধস্থানে বেগে পলায়ন করিতেছে, কেহ প্রাণ ভয়ে সম্মুখস্থ কুপ মধ্যে পতিত হইতেছে, কেহ বা পলায়নে অশক্ত হইয়া জন্তুদিগের আক্রমণে প্রাণ ত্যাগ করিতেছে, কেহ কাঁতরস্বরের রক্ষার নিমিত্ত চীৎকার ধনি করিয়া অরণ্যকে প্রতিধনিত করিতেছে।

আমি এই ভয়ানক ব্যাপার দেখিয়া ভয়ে স্তম্ভ প্রায় হইলাম। অনেক দূর হইতে বিশেষ রূপে নিরীক্ষণ দ্বারা বোধ হইল যেন এই সকল ছুঁখাভিত্তিত্ত বিপন্ন ব্যক্তিকে কাননের মধ্যে পূর্বে এক বার দেখিয়াছি, কিন্তু তাহাদের অবস্থার কি বিষম পরিবর্তন দেখিলাম। যাহাকে পারদার মন্দিরে সকলের মনোহারিণী অসামান্য রূপ লাভন্য সম্পন্ন সুসজ্জিতা যুবতী রূপে দেখিয়াছিলাম, এক্ষণে সে বিগত যৌবনা সমর্থ বিহীনা কুরূপা মলিন-বসনা ক্রুশাঙ্গী রুদ্ধার ন্যায় ভিক্ষার ঝুলি ও যক্তি ধারণ করিয়া স্থলিত পদে গমন করিতেছে, এবং দারিদ্র্য নামক একটা বন্য কুকুর তাহার পশ্চাতে গজ্জন করিতে করিতে ধাবিত হইতেছে, এবং বার বার কামড়াইয়া তাহাকে ক্ষত বিক্ষত করিতেছে, নারী যাতনায় কাঁতর হইয়া প্রাণের দায়ে যাহার নিকট যাইতেছে সেই ব্যক্তিকে তাহার আকার প্রকারে তাহাকে ডাকিনী মনে করিয়া ভয়ে তাহা হইতে পলায়ন করিতেছে। যিনি কিছু কাল পূর্বে পান মন্দিরে মহা কুতূহলে আমোদ প্রমোদে উন্মত্ত ও বিহ্বল প্রায় হইয়াছিলেন, তিনি মলিন শীর্ণ কলেবর দীর্ঘশ্মশ্রু কৌপীনধারি হইয়া ক্ষুণ্ণ ছিন্ন কস্থা ও হস্তে পানীয় শূন্য একটি ভগ্ন পান পাত্র লইয়া বাতুল প্রায় অরণ্যে নিঃসঙ্গ ভ্রমণ করিতেছেন। অধিকাংশ ভগ্ন কলেবর কুৎসিত রোগে আক্রান্ত হইয়া ভূতল শায়ী হইয়াছে এবং মৃত্যু নামক একটা ভয়ঙ্কর ব্যাঘ্র আসিয়া একে একে তাহাদিগকে ভক্ষণ করিতেছে। অপর রিপু নামক এক দল প্রমত্ত হিংস্র জন্তু কাননের সর্বত্র হইতে লোককে তাড়িত করিয়া এই বিপদ পূর্ণ সংকট স্থানে আনয়ন করিতেছে, এখানে চতুর্দিক হইতে

কেবল ক্রন্দনধনি দীর্ঘ নিশ্বাস কাতরোক্তি উথিত হইতেছে এবং বন্য পশু সকল নির্ভয়ে বিহার করিয়া গজ্জনে দিক সকল প্রতিধনিত করিতেছে। আমি ভয়ে হত-বুদ্ধি হইয়াছিলাম স্তবরাং মহা কষ্টে প্রমোদ কানন হইতে অপস্থত হইয়া পুনরায় অরণ্যের অপর যাত্রিদিগের সহিত মিলিত হইলাম। এই যাত্রি দলের মধ্যে অনেকেই মধ্যম বয়স্ক ব্যক্তি এবং তাহাদের কথোপকথন দ্বারা বোধ হইল যে তাঁহারা অর্থের অনুসন্ধানে যাইতেছেন, কিন্তু তাঁহারা সকলেই সামান্য বাণিজ্যের প্রতি অতিশয় বিরক্ত, যাহাতে এক কালে অম্পায়ামে অতুল ঐশ্বর্য লাভ হয় তাহার উপায় আবিষ্কার করিতে তাঁহারা আগ্রহের সহিত যাইতেছিলেন। কেহ কেহ মনে মনে সিদ্ধান্ত করিতেছিলেন যে এই রূপে বিপুল অর্থ প্রাপ্ত হইয়া অরণ্যের অধীশ্বর হইবেন। তাঁহারা অরণ্যের পথ কেহই অবগত ছিলেন না স্তবরাং তাহার ভয় নক মূর্তি দেখিয়া এক এক বার ভীত হইতেছিলেন, কিন্তু কল্পনা ও ছুরাশা নারী ছুই অতি সুচতুরা মনোরম নারী তাঁহাদের অগ্রসর হইয়া পথ প্রদর্শন করিতেছিল, এবং মধুর বাক্যে আশ্বাস প্রদান করিয়া তাঁহাদের সকল ভয় দূর করিতেছিল। পরে কিয়দূরে গমন করিয়া ছুরাশা অঞ্জুলি দ্বারা দূরস্থিত অতি অপূর্ব এক সুর্যময় তেজঃপুঞ্জ উজ্জল ক্ষেত্র যাত্রিদিগকে দেখাইলেন, ক্ষেত্রের মনোহর শোভা সন্দর্শন করিয়া সকলে একেবারে বিস্ময় রসে অভিভূত হইল, কেহ উল্লাসে মত্তপ্রায় হইল। পরে ছুরাশা কহিলেন সম্মুখে এই ক্ষেত্রের নাম ধনতৃষ্ণা মরীচিকা এই স্থানেই উদ্ভীর্ণ হইলে তোমাদের কামনা সফল হইবেক। তদনন্তর কল্পনা যাত্রিদিগকে আমোদিত ও পথ

শ্রম দূর করিবার নিমিত্ত সেই মরীচিকার বিবরণ কহিতে লাগিলেন। তিনি কহিলেন যে এই স্থান কেবল স্বর্ণ রক্তে পরিপূর্ণ, যাহার যত ইচ্ছা সে এখান হইতে তত অর্থ আহরণ করিতে পারিবে। যাত্রিগণ! তোমাদের আর অধিক দূর যাইতে হইবেক না, তোমরা এক্ষণে উৎসাহের সহিত সত্বরে চল, এই সকল রক্তের ফলে তোমাদের ক্ষুধা শান্ত হইবেক, এই অমৃত বারিপূর্ণ সরোবরে তৃষ্ণা দূর হইবে। যাত্রিরা পথ শ্রমে সাতিশয় ক্লান্ত হইয়াছিল, কিন্তু এক্ষণে সম্মুখে অপূর্ব সুবর্ণ ক্ষেত্র দর্শন করিয়া উল্লাসিত চিত্তে স্ফূর্তির সহিত গমন করিতে লাগিল, কিন্তু তাহারা ক্রমশঃ যতই অগ্রসর হইল ততই যেন সেই সুবর্ণ ক্ষেত্রটি আরও দূর হইতে লাগিল। অবশেষে তাহারা একটি ভয়ানক মরুভূমিতে আসিয়া পড়িল, যাহা দূর হইতে অতি মনোরম সুবর্ণ ক্ষেত্র বলিয়া বোধ হইয়াছিল, তাহা কেবল শুষ্ক বালু ভূমি মাত্র দৃষ্ট হইল। এই সময়ে কল্পনা ও ছুরাশা যাহারা অগ্রগামি হইয়া যাত্রিদিগকে পথ প্রদর্শন করিতেছিলেন, তাঁহারা হঠাৎ অন্তর্দান করিলেন। যাত্রিগণ পথ ক্লান্ত আশায় বঞ্চিত ও বিপদগ্রস্ত হইয়া একেবারে অবসন্ন প্রায় হইল। এমত সময়ে এক প্রবল ঘৃণা বায়ু উথিত হইয়া মরুভূমির দিগন্তব্যাপি বালুকণা রাশি উৎক্ষিপ্ত করিল এবং তাহাতেই যাত্রিগণ তথায় বদ্ধধাম ও তৃষ্ণার্জ হইয়া প্রাণত্যাগ করিল। এই স্থানে অরণ্যের অতি ভীষণ মূর্তি দৃষ্টি গোচর হইয়া অসংখ্য ব্যক্তি দেখি মৃত্যু শয্যায় পতিত রহিয়াছে, দূর হইতে ছুরাশা কুশল নামক হিংস্র পশু সকল গজ্জন করিতে করিতে এই সকল মৃতদেহ ভক্ষণ করিতে আসিতেছে এবং ঘোর

কুঞ্জটিকাতে স্থানটি আবরণ করিয়াছে। আমি সত্ত্বর অন্য পথ অবলম্বন পূর্বক পলায়ন করিলাম এবং বোধ হইল যেন অরণ্য হইতে বহির্গমন না করিলে নিস্তার নাই। আমি প্রায় অরণ্যের প্রান্ত ভাগে উপস্থিত হইয়াছি এমত সময় একটি গুরু কেশধারী বৃদ্ধ ব্যক্তি আমাকে নিতান্ত ভয় ও পলায়নপর দেখিয়া আশ্বাসিত বাক্যে আহ্বান করিল। আমি তাঁহার শাস্ত মুর্তি দেখিয়া তাঁহার নিকটবর্তি হইলাম তাহাতে বৃদ্ধ ব্যক্তি আমাকে ভৎসনা পূর্বক কহিলেক, অহো অঙ্গু বুদ্ধি যুবা! তুমি কি সাহসে একাকী এই ভয়ানক স্থানে গমন করিয়াছিলে, যৌবনের মত্ততায় কি তুমি কাহারও পরামর্শ না লইয়া এই অরণ্যে প্রবেশ করিয়াছ, এই রূপেই তোমার ন্যায় কত শত দুর্ভাগ্য ব্যক্তি এই খানে বিচরণ করিতে আসিয়া প্রাণত্যাগ করিয়াছে। সকল বিষয়েরই ভাল মন্দ আছে, সকল বস্তুরই সার ও অসার ভাগ আছে, সকল পন্থারই উৎকর্ষাপকর্ষ আছে, এই অরণ্যে তুমি অনেক পথ দেখিতে পাইবে কিন্তু তাহার কেবল একটি মাত্র পথই প্রকৃত সুখের পথ, ইহার নাম জ্ঞান ব'ল, জ্ঞান মদ নামক দ্বার দিয়া প্রবেশ করিতে হয়। এই পথ দিয়া মহা মহা পণ্ডিত ও উপাধি বিশিষ্ট বিদ্যাবান ব্যক্তিগণ প্রবেশ করেন এবং তাঁহারা অশেষ বিধ জ্ঞানের ব্যাপার অবলোকন করিয়া নির্মল শান্তি লাভ করেন। অন্য পথের সহিত এই জ্ঞান পথের তুলনাই হয় না। পূর্ণ চন্দ্রের কলঙ্ক থাকিতে যেমন তাহার শোভা অধিকতর মনোহর হইয়া থাকে, সর্পের মস্তকে মাণিক্যের উৎপত্তি হেতু যেমন মাণিক্যের মূল্য অধিক হইয়াছে, আতপ যেমন ছায়ার নিকট বর্তমান থাকিলে

উজ্জ্বলতর প্রতীয়মান হয়, সেই রূপ এই জ্ঞান পথ অপরাপর নিকৃষ্ট পথের স্নিকর্ষ থাকিতে তাহার প্রকৃত মাহাত্ম্য কেমন বর্দ্ধিত হইয়াছে, তুমি অরণ্যের কুপথ সকলেই ভ্রমণ করিয়া ক্লেশ ভোগ করিয়াছ, এফণে এই সুন্দর প্রশান্ত পথ অবলম্বন কর, তাহা হইলেই তোমার মনস্কামনা সিদ্ধ হইবেক। আমার পুনরায় অরণ্য প্রবেশ করিবার ইচ্ছা ছিল না তথাপি এই গন্তীরাকৃতি বৃদ্ধের উপদেশে তাঁহার প্রদর্শিত পথে পদার্পণ করিলাম। কএক পদ গমন করিয়া সেই স্থানের পরিচ্ছন্নতা ও সুশৃঙ্খলা দর্শন করিয়া আমার বিশেষ আনন্দ উপস্থিত হইল। চতুর্দিক নিস্তক, পথ সকল সুপরিষ্কৃত, পথের দুই পাশে শ্রেণী বদ্ধ রূপে ভিন্ন ভিন্ন উপবন সকল রহিয়াছে, ইহাদের দ্বার দেশে এক এক খানি কাষ্ঠফলকে নামাঙ্কিত রহিয়াছে, তন্মধ্যে নিষ্ফল-বিজ্ঞান, স্বাধীন তত্ত্ব, মত মার, ধর্ম ভ্রম ইত্যাদি কতিপয় নাম আমার দৃষ্টি গোচর হইল। অসংখ্য ব্যক্তি এক এক খানি গ্রন্থ হস্তে করিয়া কথোপকথন করিতে করিতে পুলকিত চিত্তে ভিন্ন ভিন্ন উপবনে প্রবেশ করিতেছে। অনেকের পরিধেয় বস্ত্রে উজ্জ্বল অক্ষরে তর্কালঙ্কার, ন্যায়রত্ন, বিদ্যাবাণীশ ইত্যাদি নাম লিখিত রহিয়াছে। কেহ কেহ স্বীয় পরিচ্ছদে বর্ণমালার সমুদায় অক্ষরই একাদি ক্রমে অঙ্কিত করিয়াছেন, আমি একটি দলের পশ্চাৎ পশ্চাৎ নিষ্ফল-বিজ্ঞান নামক উপবনে প্রবেশ করিলাম। দেখি যে সকলেই স্ব স্ব কার্যে এ প্রকার ব্যাপৃত রহিয়াছে যে কেহ কাহারও সহিত সম্ভাষণ করিতে অবকাশ পায় না। কেহ রাশীকৃত পুস্তকের মধ্যে বসিয়া ক্ষুৎপিপাসা পরিত্যাগ পূর্বক অহর্নিশ এক মনে পাঠ করিতে

ছেন। কেহ কেহ অনেক অনুসন্ধানের পর মনুষ্যের স্বভাব ও আচরণে নিতান্ত অসন্তুষ্ট ও বিরাগযুক্ত হইয়া অবশেষে স্বজাতির নঃসর্গ পরিত্যাগ পূর্বক কতিপয় পশুর সহিত সহবাস করিতেছেন ও অতি যত্নে তাহাদের সংস্কার ও প্রকৃতি অভ্যাস করিতেছেন। কেহ অরণ্যের নূতন পথ আবিষ্কার করণার্থ একটি সংকীর্ণ জটিল বস্ত্রে প্রবৃত্ত হইয়া অবশেষে তাহা হইতে বাহির হইতে পারিতেছেন না। কেহ কতক গুলি অল্প পুস্তকে পরিবেষ্টিত হইয়া সম্মুখস্থ এক খানি গগনার পত্রে দৃষ্টি বদ্ধ করিয়া চিন্তায় অভিভূত রহিয়াছেন, জিজ্ঞাসায় জ্ঞাত হইলাম যে তিনি জ্যোতির্গণনা দ্বারা পৃথিবীর আশু শ্রয় অবধারণ করিয়াছেন, এবং কি প্রকারে সেই শ্রয় উপস্থিত না হয় তাহারই উপায় চিন্তনে ব্যস্ত রহিয়াছেন। কেহ যাহাতে চন্দ্র লোকে গমনাগমন করা যায় তাহার নিমিত্ত এক যন্ত্র রচনা করিতেছেন। পরে আমাকে কুতূহল যুক্ত দেখিয়া তিনি সন্দেহ কহিলেন, জ্ঞানের অনাধ্য কিছুই নাই, লোকে স্বভাবকে বলবান করিয়া থাকে কিন্তু বিজ্ঞান তাহা হইতেও অধিক প্রবল। বিজ্ঞান দ্বারা আমরা প্রকৃতির নিয়ম অবধারণ করি এবং সেই নিয়মের অনুধাবনে আবার প্রকৃতিকে বশীভূত করিতে পারি। বিজ্ঞানের প্রভাবে মনুষ্য ইচ্ছা করিলে আপনাকে দেবতুল্য করিতে পারে, এমন কি নূতন সৃষ্টি রচনা করিতেও সমর্থ হয়। চন্দ্র লোকে গমনাগমনার্থ যে ব্যোমযান আমি প্রস্তুত করিতেছি, তাহাতে মনুষ্যের রাজ্য দ্বিগুণতর বর্দ্ধিত হইবেক; এবং ক্রমে তদ্বারা অপরাপর লোকে অনায়াসে মনুষ্যের গতি বিধি হইতে পারিবে। জ্যোতির্বিদ্যের এই কথা আমার স্বপ্নবৎ বোধ হইল

কিন্তু ভাবিলাম যে আমার নিতান্ত অনভিজ্ঞতা হইতেই এই প্রকার অনুভব হইতেছে। যাহা হউক আমি জ্ঞান-হীন বিস্ময়-বিমোহিত ব্যক্তির ন্যায় তাঁহার নিকট হইতে প্রশ্ন করিলাম। অনতিদূরে গিয়া দেখি যে একটি কুটার মধ্যে অতি শীর্ণকায় এক জন বৃদ্ধ নানাবিধ বিচিত্র যন্ত্র ও বিবিধ রাসায়নিক পদার্থ লইয়া অগ্নিতে কত প্রকার পরীক্ষা করিতেছে। আমি ইহার অনবরত অপ্রতিহত পরিশ্রম দেখিয়া আশ্চর্য হইলাম, এবং অনুসন্ধানে অবগত হইলাম যে সকল ধাতুকে স্বর্ণে পরিণত করাই ইহার এক মাত্র উদ্দেশ্য। পরে জানিলাম যে বৃদ্ধ সর্বত্যাগী হইয়া অনবরত দ্বাদশ বৎসর এই রূপ পরীক্ষায় রত রহিয়াছে, কিন্তু কত দিনে যে তাহার উদ্দেশ্য সিদ্ধ হইবেক, তাহা কেহই বলিতে পারে না। আমি এই সকল নিরর্থক পরিশ্রমের দৃষ্টান্ত দর্শন করিয়া অতিশয় বিস্ময় ও ক্ষোভ যুক্ত মনে উপবন হইতে নিঃসৃত হইলাম এবং চিন্তিত ভাবে গমন করিতে করিতে আর এক বিচিত্র স্থানে উপস্থিত হইলাম। এই স্থানের নাম ধর্মভ্রম এখানে এক একটি সম্প্রদায় এক এক ব্যক্তির অধীন হইয়া তাহার পশ্চাৎ পশ্চাৎ গমন করিতেছে, এই সকল সম্প্রদায়ের নাম তর্কমার, ছদ্মসার, ক্লেশমার, ইহারা আপন আপন প্রতিষ্ঠিত বস্ত্রের অনুসরণ পূর্বক গমন করিতেছে। তর্কমার সম্প্রদায় মহা কোলাহল ও বাগবিভণ্ডা করিতে করিতে অতি সমারোহ পূর্বক প্রথরবুদ্ধি নামক তাহাদের উপাধ্য দেবতাকে স্কন্ধে লইয়া যাইতেছে। ছদ্মসার গণ সকলেই বহুবর্ণি, প্রতি ক্ষণেই আপন আপন পরিচ্ছদ ও আকৃতি এ প্রকার পরিবর্ত করিতেছে যে তাহাদের কাহাকেও

চিনিতে পারা যায়না। এবং তাহারা এই রূপে লোকের চক্ষে ধূলি প্রদান করিয়া আপনাদের স্তুতি অনুসারে সকল দলেই মিলিত হইতেছে এবং সকলের নিকট সমাদর পাইতেছে; কিন্তু তাহাদের ছদ্মবেশ একবার খুলিয়া পড়িলেই লোকে তাহাদিগকে অপমানিত করিয়া স্ব স্ব দল হইতে বহিস্কৃত করিয়া দিতেছে। কৃষ্ণসদার সম্প্রদায় মধ্যে অনেক প্রকার ব্যাপারই দৃষ্টি গোচর হইল। কতক গুলি ব্যক্তি এক স্থানে একত্র হইয়া একটি জীবন্ত মনুষ্যকে (১) দেবতা রূপে অর্চনা করিতেছে ও তাহাকে অমর জ্ঞান করিয়া অতি ভক্তি ভাবে তাহার কথা দেব বাক্য বলিয়া শিরোধার্য্য করিতেছে। কোথাও কেহ কেহ মৌনাবলম্বন পূর্বক বসিয়া আপন দৈব-শক্তি প্রকাশ করিতেছেন, কেহবা কৌশল করিয়া লোকের নিকট বিস্ময়কর বিচিত্র ব্যাপার সকল দেখাইতেছেন, এবং এই রূপে তাহাদের উপর আধিপত্য স্থাপন করিতেছেন। সকল সম্প্রদায়েতেই পরস্পরের নিন্দা ও স্ব স্ব প্রশংসা ঘোষণা করিতেছে এবং কখন কখন দুই দলে ঘোরতর যুদ্ধে প্রবৃত্ত হইতেছে। আমি এই স্থানে আগমন করিবার সময় ইহা-কে শান্তির আশ্বাস বলিয়া বোধ করিয়াছিলাম, কিন্তু এই গোলযোগ দেখিয়া নিতান্ত ক্ষুব্ধ হইলাম এবং দেখিলাম যে অনেকেই অসন্তুষ্ট হইয়া ভিন্ন ভিন্ন সম্প্রদায় পরিত্যাগ পূর্বক সম্মুখস্থ স্বাধীনতন্ত্র নামক উপবনে প্রবেশ করিতেছে, আমিও তাহাদের পশ্চাৎগামী হইলাম। এই উপবনে বিস্তর লোক স্বেচ্ছানুসারে বিহার করিতেছে, কেহ কাহারও অধীন নহে, কোন নিয়মে বদ্ধ নাই, সক-

(১) তিব্বত দেশীয় প্রধান লামা।

লেই কেবল স্তুতের উদ্দেশে ইতস্তত ভ্রমণ করিতেছে। কেহ কেহ সাধারণকে উপবনের উৎকর্ষতা বুঝাইবার নিমিত্ত স্তম্ভুর বক্তৃতায় উপদেশ দিতেছেন; এবং প্রস্থের প্রমাণ দ্বারা সিদ্ধান্ত করিতেছেন যে, যতক্ষণ আমোদ ততক্ষণই জীবন। এই উপদেশে সকলে উৎসাহিত হইয়া পৃষ্ঠদেশ হইতে কর্তব্য নামক এক একটি বোঝা নিক্ষেপ করিল, এবং স্বচ্ছন্দ শরীর হইয়া ইন্দ্রিয় নামে একটি দ্বার দিয়া উপবনের অপর প্রান্তে গমন করিল, তথায় দেখিলাম যে তাহারা একটি গুপ্ত পথ দিয়া পূর্বোক্ত প্রমোদ কাননাভিমুখে যাইতেছে। সেই কানন পুনরায় এখান হইতে দৃষ্টি গোচর হওয়াতে আমার হৃৎকম্প হইল। এবং কি রূপে যে অতি বিপরীত পথদ্বয় অবশেষে সংমিলিত হইয়াছে তাহা ভাবিয়া স্থির করিতে পারিলাম না। যাহা হউক আমি সত্বর সেখান হইতে প্রস্থান করিলাম এবং কিছু দূর গমন করিয়া একেবারে ভয়ঙ্কর সাগর সম্মুখে উপস্থিত হইলাম। এখানে দেখি অনেক লোক অতি হীন বেশে ত্রিয়মাণ ও চিন্তিত ভাবে বসিয়া রহিয়াছে, তাহারা এক এক বার অসীম সাগরের প্রতি, এক এক বার পশ্চাতের নিবিড় অরণ্যের প্রতি দৃষ্টি করিয়া দীর্ঘ শ্বাস পরিত্যাগ করিতেছে, এবং সমুদ্র তরঙ্গে অসংখ্য লোক ভাসিয়া যাইতেছে, তাহা দেখিয়া হতজ্ঞান হইতেছে। কি প্রকারে পার হইবে এই ভাবনায় সকলেই অভিভূত। কেহ কেহ ভাবিতে ভাবিতে উন্নতপ্রায় হইয়া দ্রুত বেগে পলায়ন করিতেছে, এবং নিকটস্থ তমোময় গুহা নিবাসী অস্থি চর্মাশিষ্ট জীর্ণ কলেবর নৈরাশ নামক এক ব্যক্তির দ্বারে গিয়া শরণাপন্ন হইতেছে। নৈরাশ স্বীয় সে-

বক আশ্রয়ান্নির নিকট হইতে তাহাদের পরিচয় লইয়া আপনার চিন্তা ভাবনা মস্তক উত্তোলন করিল, এবং আগন্তুকদিগকে আশ্বাসিত করিয়া কহিলেক, হা চূর্তাগাগণ! দেখিতেছি তোমরা এই অরণ্যে অনেক ক্লেশ পাইয়াছ, কিন্তু আমি নিমেষে তোমাদের সকল ক্লেশ সকল চিন্তা দূর করিব। দীর্ঘ কালের রোগ জনিত শারীরিক যন্ত্রণা যেমন ক্ষণকালের অস্ত্র চিকিৎসায় আরোগ্য হয়, সেই রূপ তোমাদের বহুকালের ক্লেশ স্বপ্ন ক্লেশেই শান্তি হইবেক। এই কথা কহিয়া নৈরাশ নিজ গুহা হইতে রজ্জু, শাণিত অসি, বন্দুক ইত্যাদি নানা প্রকার অস্ত্র বাহির করিল এবং তাহাদিগকে তন্মধ্যে বাছিয়া লইতে আদেশ করিল। কেহ সাহস পূর্বক রজ্জু বা অস্ত্র গ্রহণ করিয়া আপনাদের প্রাণ নাশ করিল। কেহ কেহ বা তাহা দেখিয়া ভয়ে পুনরায় সাগর তটে প্রত্যাগমন করিল। আমি এই সকল ব্যাপার কিছুই বুঝিতে না পারিয়া ক্ষণেক চিন্তা করিতেছিলাম এমত সময়ে আমার পূর্ব সম্ভাসিত যুবা পুরুষ দিব্য পরিচ্ছদ পরিধান করিয়া সম্মুখে দণ্ডায়মান হইল, এবং আমাকে মৃদু স্বরে কহিল আপনি সম্মুখে যে সাগর দেখিয়া ভীত হইতেছেন, ইহার নাম অনন্ত কাল, সকল মনুষ্যকে এই সাগর পার হইতে হইবেক এবং যিনি যে প্রকার সম্মল লইয়া উপস্থিত হইবেন, তাহার তরুণ পার হইবার সুবিধা হইবেক। অনেকে নিঃসম্মলে পার হইতে গিয়া স্রোতে ভাসিয়া যায় এবং অতি দূরস্থ মহা সঙ্কট পূর্ণ স্থানে অবশেষে উপস্থিত হয়। অনেকে কি প্রকারে সম্মল ক-রিতে হইবেক তাহা কিছুই শিক্ষা না করিয়া আইসে, এই হেতু তাহারা বিপথে

পতিত হয়। কিন্তু যাহারা মস্তকোপরি অতি উচ্চ আকাশস্থ নিম্নল প্রভায়ুক্ত উজ্জ্বল ধ্রুব নক্ষত্রের প্রতি সর্বদা দৃষ্টি রাখিয়া সম্মল করবে, তাহারা নির্ভয়ে পর পার হইতে পারিবেন। সুখ ধাম প্রাপ্ত হয়। যুবা এই কথা বলিলে পর অরণ্যের বিচিত্র ব্যাপারের বিষয় যেমন আমি জিজ্ঞাসা করিতে যাইব অমনি অন্তর্ধান করিল।

### হিত কথা।

যিনি নির্বিশেষে সকলের মনোরঞ্জন করিতে চেষ্টা করেন, তিনি শেষে কাহারও প্রিয় হইতে পারেন না। বাস্তবিক সংসারে যাহা প্রিয় তাহা সকলের প্রিয় নহে, যাহা ধর্ম তাহা অনেকের নিকট কেবল কষ্ট মাত্র; যাহা উচিত তাহা অনেকেরই পক্ষে ঈষ্মিত নহে। স্তুরাং কর্তব্য কার্য্য এবং প্রিয়কার্য্য অনেক স্থলে সমান নহে। যাহা কর্তব্য তাহা অনেকের প্রিয় নহে, যাহা প্রিয় তাহা হয় তো কর্তব্য নহে। লোকের প্রিয় হইব বলিয়া যিনি সংকর্মে প্রবৃত্ত হন, তিনি শীঘ্র আপনার অভিপ্রায় সাধনে নৈরাশ যুক্ত হন। উপরোধ বা অনুরোধে ধর্ম্মানুষ্ঠান হয় না। কিন্তু কর্তব্য জ্ঞানে কার্য্য করাই প্রকৃত ধর্ম্মের চিহ্ন।

যাহারা সংসার বা মনুষ্যের প্রতি দৃষ্টি রাখিয়া সংকর্মে প্রবৃত্ত হয়, তাহারা তাহাতে নানা বিষয় দেখিতে পায়।

কোন কার্য্যের সদমৎ বিবেচনা করিয়া তাহাতে প্রবৃত্ত হইবেক, পিতৃ পিতামহের অনুষ্ঠিত বলিয়া কোন কার্য্য কদাপি পবিত্র ও উৎকৃষ্ট হইতে পারেনা। যাহা সত্য তাহা চিরকালই সত্য তাহা মনুষ্য কর্তৃক অনুষ্ঠিত না হইলেও কখন পরিত্যজ্য

হইতে পারে না। আর যাহা গর্হিত ও অধর্ম্মা তাহা পুরুষানুক্রমে অনুষ্ঠিত ও সেবিত হইলেও কদাপি উৎকৃষ্ট ও সেবনীয় হইতে পারে না। যিনি সদসৎ বিবেচনা না করিয়া প্রচলিত প্রথা অবলম্বন করেন, তিনি কেবল স্বেচ্ছা পূর্ব্বক অঙ্ক-হইয়া অন্ধের দ্বারা নীত হইতে চান। প্রথমাধি সত্যের প্রতি প্রীতি করিবেক এবং পবিত্রতাকে আলিঙ্গন করিবেক। যাহা সত্য তাহা যেন প্রিয় হয়, যাহা কর্তব্য তাহা যেন ঙ্গপিত হয়। সংসারে ধর্ম্মের সহিত প্রবৃত্তির একটি ভয়ানক বিসম্বাদ দৃষ্ট হয়। লোকে ইচ্ছা পূর্ব্বক কর্তব্য সাধন করিতে চাহে না; না করিলেই নয় এই হেতুই তাহা অনেক করিতে বাধিত হয়। কিন্তু যিনি আত্মাদের সহিত প্রিয়কার্য্য বলিয়া তাহা পালন করেন, তিনিই সাধু।

সংসারে বিষয়ের কোলাহলে চতুর্দিকই পূর্ণ রহিয়াছে, ইন্দ্রিয় স্বেচ্ছের প্রলোভন অহরহই আমাদের চিত্তকে আকর্ষণ করিতেছে, প্রবৃত্তি সকলও প্রবলতর রূপে বিষয় তৃষ্ণাতুর হইয়া ধাবিত হইতেছে। বিষয়ের ফল প্রত্যক্ষ ফলিতেছে। ধর্ম্মের ভাব ইহার বিপরীত। ধর্ম্মানুযায়ী কার্য্য করিতে হইলে ত্যাগ স্বীকার কষ্ট স্বীকার করিতে হয়, ধর্ম্মের আদেশ বলবৎ করিতে হইলে প্রবৃত্তি সকলকে দমন করিতে হয়। ধর্ম্মের ফল আশু প্রাপ্ত হওয়া যায় না, হয় তো ইহকালের মধ্যে তাহার কিছুই দৃষ্ট হয় না। বিষয়ের বাহ্যিক গৌরবের সীমা নাই, ধর্ম্মের ভাব শান্ত বিনীত, ধর্ম্মের প্রকৃত গৌরব ও মনোহর সৌন্দর্য্য দেখিতে পায় এমত লোক অতি বিরল। স্মৃতরাং সামান্যতঃ লোকে ধর্ম্মকে বিষয়ের অধীন করিয়া চলে। বিষয়কে ধর্ম্মের অনুগামী করা অল্প আয়াদের কর্ম্ম নহে।

যিনি ধর্ম্মকে আশ্রয় করেন, তিনি বাহিরের বস্তুতে তাহার ফল প্রত্যাশা করেন না, ধর্ম্মানুষ্ঠানে ধর্ম্মই তাঁহার পুরস্কার। মনুষ্য নিকৃষ্ট প্রবৃত্তি সকলের দ্বারা পশুদিগের সঙ্কিত শ্রেণীভূত হইয়াছে এবং ধর্ম্ম প্রবৃত্তি হেতু দেবতাদিগের সহিত তুল্য হইবার ক্ষমতা প্রাপ্ত হইয়াছে। যে ব্যক্তি কেবল বিষয় ভোগে ভুলিয়া থাকে সে শুদ্ধ পশু বৃত্তি পালন করে, ঈশ্বর তাহাকে যে উন্নত অধিকার দিয়াছেন, তাহা সে চূর্ভাগ্য জানিতে পারিল না।

### ব্রাহ্মধর্ম্মের তাৎপর্য্য।

চতুর্দশ অধ্যায়।

১১৭

যিনি ভূমা, যিনি মহান, তিনি সুখ-স্বরূপ; ক্ষুদ্র পদার্থে সুখ নাই; মহান পদার্থেই সুখ-স্বরূপ; অতএব তাঁহাকেই জানিতে ইচ্ছা করিবেক।

মনুষ্যের মন ক্ষুদ্র পদার্থে কখনই সুখী হইতে পারে না। যাঁহারাই মহৎ মান, বিপুল যশ, মহদায়তন ভূমি ও প্রচুর ঐশ্বর্য্য লাভের নিমিত্ত অতীব যত্নবান, তাঁহারাই অবগত নহেন যে যিনি প্রকৃত মহীয়ান; যাঁহার তুলনায় অন্য সকল পদার্থই কণা যান্; যিনি পরাংপর, একমাত্র, প্রব, অনন্ত পদার্থ; সেই ভূমা পদার্থ প্রাপ্তি ব্যতীত তাঁহার স্বেচ্ছের ইচ্ছা কখনই চরিতার্থ হইতে পারে না; অতএব তাঁহাকেই অন্বেষণ করিবেক, তাঁহাকেই জানিতে ইচ্ছা করিবেক। মনুষ্যের আত্মা অতি মহৎ, সে এই মর্ত্য-লোকের অধম পদার্থে কদাপি তৃপ্ত হইতে পারে না। গগন বিহারী

উৎকোশ পক্ষী, যে আকাশ মণ্ডলের মহোচ্চ প্রদেশে বিচরণ করে, সে কি পর্ব্বত-শৃঙ্গা মধ্যে বন্ধ থাকিয়া সুখী হইতে পারে? না গভীর সমুদ্র শায়ী অতি বৃহৎ তিমি মৎস্য মনুষ্য খাত ক্ষুদ্র হৃদে অবস্থিতি করিয়া 'সন্তোষামৃত লাভ করিতে পারে? যিনি অনন্ত স্বেচ্ছের আকর, তিনিই কেবল আত্মার স্বেচ্ছাকে পরিপূর্ণ করিতে পারেন।

১১৮

শিষ্য জিজ্ঞাসা করিলেন, হে ভগবন্! তিনি কোথায় প্রতিষ্ঠিত আছেন। আচার্য্য উত্তর করিলেন, তিনি আপনার মহিমাতেই প্রতিষ্ঠিত আছেন।

পরমেশ্বর নিরবলম্ব, স্বতন্ত্র ও মুক্ত-স্বভাব। অন্য সকল বস্তু যেমন তাঁহাকে অবলম্বন করিয়া স্থিতি করিতেছে, তাঁহারই উপর নির্ভর করিতেছে, তিনি তদ্রূপ কাহাকেও অবলম্বন করিয়া স্থিতি করেন না। এই বিশ্ব-রূপ-শৃঙ্খল তাঁহাতে আবদ্ধ থাকিয়া লয়মান রহিয়াছে, তিনি একমাত্র আছেন; কিন্তু তিনি কিছুতেই আবদ্ধ নহেন, তাঁহাকে কেহ ধারণ করিয়া রহে নাই। সেই নিরবলম্ব পূর্ণ ব্রহ্ম স্বকীয় মহিমাতেই অবস্থিতি করিতেছেন; আপনাতে আপনিই নির্ভা রহিয়াছেন; তাঁহার কেহ জনকও নাই এবং তাঁহার কেহ আশ্রয়ও নাই।

১১৯

তিনি অধোতে, তিনি উর্দ্ধেতে, তিনি পশ্চাতে, তিনি সম্মুখে, তিনি দক্ষিণে, তিনি উত্তরে। তিনি ভূত ভবিষ্যতের

নিয়ন্তা। তিনি অদ্য আছেন, পরেও থাকিবেন।

কি উর্দ্ধে, কি অধোতে, কি পশ্চাতে, কি সম্মুখে, কি দক্ষিণে, কি উত্তরে আমরাদিগের চতুর্দিকে সকল স্থানেই তিনি দেদীপ্যমান রহিয়াছেন। আমরা যদি পর্ব্বত শিখরে আরোহণ করি, সেখানেও তিনি বিরাজমান; আমরা যদি গভীর সমুদ্র-গর্ভে প্রবেশ করি, সেখানেও তিনি বর্তমান। দিবাকরের মধ্যাহ্ন কালের কিরণে যেমন তিনি স্বপ্রকাশ রহিয়াছেন, তদ্রূপ তামসী বিভাবরীর অন্ধতম তিমিরেও জাজ্বল্যমান রহিয়াছেন। সকল স্থানেই তাঁহার রাজ্য সকল স্থানেই তাঁহার দৃষ্টি। যেমন তিনি সর্ব্বদেশ-ব্যাপী, তেমনি তিনি সর্ব্বকাল বিদ্যমান। তিনি যেমন ইহ কালের নিয়ন্তা, তেমনি পরকালেরও নিয়ন্তা; তিনি অদ্যও আছেন, পরেও থাকিবেন।

১২০

যিনি এক এবং বর্ণহীন এবং যিনি প্রজাদিগের প্রয়োজন জানিয়া বহু প্রকার শক্তি-যোগে বিবিধ কাম্য বস্তু বিধান করিতেছেন, সমুদায় ব্রহ্মাণ্ড আদ্যন্ত মধ্যে যাঁহাতে ব্যাপ্ত হইয়া রহিয়াছে, তিনি দীপ্যমান পরমেশ্বর; তিনি আমারদিগকে শুভ বুদ্ধি প্রদান করুন।

নানা বর্ণের সৃজন কর্তা সেই যে এক পরমেশ্বর, তিনি স্বয়ং বর্ণহীন হইয়াও নিস্পাপ জ্ঞানিদিগের নিকটে জাজ্বল্যমান প্রকাশ রহিয়াছেন। তাঁহারই তাঁহাকে এই অনন্ত বিশ্বের তাৎপর্য ঘটনার নিয়ন্তা, সকল

কামা বস্তুর প্রেরণিতা, সমুদায় সুখ সৌভাগ্যের বিধাতা রূপে অতি নিকটস্থ করিয়া জানেন এবং নিষ্কাম হইয়া তাঁহার উপাসনা করেন। তাঁহার নিকটে তাঁহাদিগের কিছুই প্রার্থনা নাই, কেবল তাঁহাকে লাভ করিবার নিমিত্তে শুভ বুদ্ধির প্রার্থনা।

১২১

তিনি সংসার, কাল এবং সাকার বস্তু সমুদায় হইতে শ্রেষ্ঠ এবং সুতরাং ভিন্ন; যাঁহা কর্তৃক এই প্রপঞ্চ সংসার পরিবর্তিত হইতেছে। তিনি ধর্মের আকর, পাপের মোচয়িতা, ঐশ্বর্যের স্বামী। সেই সকলের আত্মস্থ অমৃত, বিশ্বের আশ্রয়কে সেই মঙ্গল স্বরূপ এক মাত্র পরিবেষ্টিতাকে জানিয়া জীব প্রত্যন্ত শান্তি প্রাপ্ত হয়।

এই জগৎ সংসারে যে কিছু স্বর্ষ বস্তু আছে, তাহার মত তিনি কিছুই নহেন; তাঁহার সহিত কাহারও উপমা হয় না। না তিনি বাহ্য বিষয়ের মত, না তিনি অন্তরস্থ মনেরই মত। তিনি বিষয় ও মন সকলেরই স্বর্ষি কর্তা, সুতরাং তিনি সকল হইতে শ্রেষ্ঠ এবং সকল হইতে ভিন্ন। তিনিই মনুষ্যের আত্মাতে ধর্ম-শাসন সংস্থাপন করিয়াছেন, সুতরাং যে মহাত্মা তাহা যত্ন পূর্বক পালন করেন, তিনি অতি উৎকৃষ্ট আত্ম-প্রসাদ লাভ করেন এবং তাঁহার আত্মা পবিত্র স্বরূপের প্রিয় আবাস-স্থল হয় যদিও কদাচিৎ মোহাক্রান্ত প্রযুক্ত তাঁহার পদ ধর্ম-ভূমি হইতে স্থলিত হয় এবং তিনি পাপ-পঙ্কে পতিত হইলে, তথাপি সন্তা-

পিত চিন্তে সেই পরম মঙ্গলালের শরণাপন্ন হইলে তিনি তাঁহাকে তাহা হইতে উদ্ধার করেন এবং তাঁহার আত্মাতে আর্থনীয় স্বাস্থ্য ও শান্তি প্রদান করেন।

১২২

তিনি বিশ্ব-কর্তা, বিশ্ব-বেত্তা, সকল আত্মার সৃষ্টি, প্রজ্ঞাবান, কালের কর্তা, গুণবান ও সর্বজ্ঞ। তিনি জড় কি জীব তাবতের প্রতিপালক, সর্ব গুণের মহেশ্বর এবং সংসারের স্থিতি বন্ধ ও মোক্ষের হেতু।

তিনি সকলের স্রষ্টা সকলের পালক, সকলের প্রভু। কোন বস্তু তাঁহার শাসন অতিক্রম করিতে পারেনা। তাঁহারই শাসনে জীবাত্মা শরীরে বদ্ধ আছে এবং সংসারে বিচরণ করিতেছে এবং পরিশেষে তাঁহারই প্রসাদে তাঁহাকে লাভ করিয়া সংসার-মোহ হইতে মুক্ত হইবে।

১২৩

তিনি চৈতন্যময়, মরণধর্ম রহিত এবং সর্বস্বামীরূপে সম্যক স্থিতি করিতেছেন, তিনি প্রজ্ঞাবান; সর্বত্র গামী এবং এই জগতের প্রতিপালক। যিনি এই জগৎকে নিত্য নিয়মে রাখিয়াছেন, তদ্যতীত বিশ্ব শাসনের আর অন্য হেতু নাই। আমি মুমুক্শু হইয়া সেই আত্মবুদ্ধি প্রকাশক পরমেশ্বরের শরণাপন্ন হই।

আমাদিগের আত্মাতে যে বুদ্ধি প্রকাশ পাইতেছে, সে তাঁহারই প্রসাদে। তিনিই আমাদিগের আত্মাতে বুদ্ধি বৃত্তি সংস্থাপন করিয়াছেন এবং ক্রমে তাহা প্রকাশ করিতেছেন। তিনিই আচার্য্য স্বরূপ হইয়া অহরহ আমাদিগকে ধর্মোপদেশ প্রদান করিতেছেন এবং পরম কলাগকর পথ প্রদর্শক হইয়া অপেপে আপনার নিকট-বর্তী করিতেছেন। সেই পরম প্রেমাম্পদের সহিত মিতা-সহবাস-জনিত অনির্বচনীয় আনন্দের প্রার্থী হইয়া আমি তাঁহার শরণাপন্ন হই। তিনি আমাদিগের মঙ্গলময় পরম পিতা, আমরা তাঁহার শরণাপন্ন হইলে তিনি অবশ্যই আমাদিগকে এই সংসারের শোক তাপ পাপ হইতে মুক্ত করিয়া আপনার সঙ্গী করিয়া লইবেন।

১২৪

সেই এই ব্রহ্মের নাম সত্য। তিনি নিরবয়ব নিষ্ক্রিয় ও শান্ত। তিনি অনিন্দনীয়, নিলিপ্ত ও মুক্তির পরম সেতু এবং দক্ষ দারু নিঃসৃত অগ্নির ন্যায় দীপ্যমান।

সেই এই অতি দূরস্থ এবং অতি নিকটস্থ সর্বব্যাপী ব্রহ্মের নাম সত্য; যে হেতু তিনি সত্য স্বরূপ। তিনি এতদ্রূপ সত্য, যে সেই সত্যকে অবলম্বন করিয়া এই সমুদায় জগৎ সত্য হইয়াছে; তিনি সত্যের সত্য। এই সমুদায় জগৎ পূর্বে কিছুই ছিল না, যাঁহার ইচ্ছাতে এই সকল হইয়াছে এবং যাঁহার ইচ্ছাতে এই সকল রহিয়াছে, তিনি কেমন সারবান বস্তু! কেন ও বৃদ্ধ অপেক্ষা সমুদ্র অবশ্য স্থায়ী পদার্থ, কিন্তু সমুদ্রকে যিনি স্বষ্টি করিয়াছেন, তিনি কেমন স্থায়ী পদার্থ? তুণ লতা বৃক্ষ অপেক্ষা পৃথিবী অবশ্য স্থায়ী পদার্থ, কিন্তু এই

পৃথিবী যাঁহা হইতে হইয়াছে, তিনি কেমন স্থায়ী পদার্থ! হা! আমরা কি মুঢ়! যিনি সকলের সার, নিত্য সত্য পদার্থ, তাঁহাকে আমরা ছায়া তুল্য জ্ঞান করিতেছি। যিনি জ্যোতির জ্যোতি, প্রাণের প্রাণ, চেতনের চেতন, সত্যের সত্য, তাঁহাকে আমরা শূন্য প্রায় দেখিতেছি। এই জগৎরূপ স্তম্ভহীন মনোহর অট্টালিকা শূন্য নহে; ইহা আমাদিগের পরম দেবতার আবাস-মন্দির, তাঁহার দ্বারা সম্যক রূপে ইহা পূর্ণ রহিয়াছে।

তিনি এক মাত্র, প্রজ্ঞানঘন; তাঁহার অবয়ব নাই, তাঁহার অংশ নাই, তাঁহার কোন পরিমাণ নাই। তিনি অপরিবর্তনীয় মঙ্গলময় নিয়ম সকল স্থাপন করিয়া বিশ্বরাজ্য পালন করিতেছেন। সেই সর্বশক্তিমান সর্বজ্ঞ পুরুষ এই সংসার নির্বাহ নিমিত্তে যাঁহাকে যে কর্মের ভার দিয়াছেন, সে তাহা প্রাণপণে বহন করিতেছে; আপনি সকলের অধিপতি হইয়া নিয়ন্ত-রূপে সর্বত্র বর্তমান রহিয়াছেন। তাঁহার শাসনে সূর্য্য উদয় হইতেছে, বায়ু প্রবাহিত হইতেছে, অগ্নি উত্তাপ দিতেছে, বৃক্ষ ফলবান হইতেছে, মনুষ্য ধর্ম্মাচরণ করিতেছে। তাঁহার স্বয়ং কোন কর্ম করিতে হয় না; তাঁহার স্বয়ং কোন আয়াস লইতে হয় না; তিনি নিষ্ক্রিয় ও শান্ত; তাঁহার ইচ্ছা মাত্র এই সমুদয় জগৎ উৎপন্ন হইয়াছে এবং তাঁহার এক ইচ্ছার বশবর্তী হইয়া সকলে মিলিয়া তাঁহার কর্ম সম্পাদন করিতেছে। তিনি সংসারের কর্তা অথচ সংসার হইতে অতীত; তিনি স্বয়ং সাংসারিক কোন কর্মে লিপ্ত নহেন, তিনি নিরঞ্জন, নিলিপ্ত। তিনি পূর্ণ-স্বরূপ, তাঁহার স্বরূপে দোষ নাই, তিনি নিরবদ্য, অনিন্দনীয়। সেই অমৃতের শরণাপন্ন হইলে মৃত্যু ভয় থাকে না, তিনি



অমৃতের পরম সেতু। যাঁহারা তাঁহাকে জ্ঞান-চক্ষু দ্বারা দেখিতে পান, তাঁহারা তাঁহাকে সর্বত্র জ্বলন্ত অনলের ন্যায় দেখি প্যমান দেখেন, তাঁহার ন্যায় প্রকাশবান বস্তু আর দ্বিতীয় দেখেন না।

১২৫

তিনি এই লোক ভঙ্গ নিবারণার্থ সেতু-স্বরূপ হইয়া সমুদায় ধারণ করিতেছেন, এই সেতু স্বরূপ পরব্রহ্ম অহোরাত্রের পরিচ্ছেদ্য নহেন এবং জরা মৃত্যু শোকও তাঁহাকে অধিকার করিতে পারে না।

তিনি নিত্য বস্তু; তিনি অমুক দিবসে জন্মিয়াছিলেন, এত দিন বর্তমান আছেন, অমুক দিবস পর্য্যন্ত থাকিবেন, এ প্রকার অহোরাত্র দ্বারা তাঁহাকে পরিমাণ করা যায় না। তিনি নির্বিকার; স্মরণ্য জরা শোক ও তাঁহাকে অধিকার করিতে পারে না। যিনি কালের স্বত্বিকর্তা ও আশ্রয় এবং নিয়ন্তা, কাল তাঁহাকে কি প্রকারে অতিক্রম করিবেক? যাঁহার শরণাপন্ন হইলে জরা মৃত্যু ক্লেশ হইতে পরিত্রাণ পাওয়া যায়, সেই অমৃত স্বরূপকে জরা মৃত্যু কি প্রকারে অধিকার করিবেক?।

১২৬

যে পরমাত্মা পাপশূন্য এবং অজর, অমর, অশোক ও ক্ষুৎ-পিপাসা বর্জিত, এবং সত্যকাম ও সত্যসংকল্প; তাঁহাকে অন্বেষণ করিবে এবং তাঁহাকেই বিশেষ রূপে জানিতে ইচ্ছা করিবে। যিনি পরমাত্মাকে অন্বেষণ করিয়া

জানিতে পারেন, তাঁহার সকল লোক প্রাপ্তি হয় এবং সকল কামনা সিদ্ধ হয়।

আমরা অপূর্ণ, ভ্রান্ত, পাপাক্রান্ত জীব হইয়া যে সেই পাপশূন্য পরিশুদ্ধ পরিপূর্ণ স্বভাবকে জানিতে পারি, ইহা আমাদের সামান্য মৌভাগ্য নহে। কিন্তু তাঁহাকে জানিতে হইলে আমাদের মনে একান্ত ইচ্ছা, যত্ন ও চেষ্টার আবশ্যক করে। ভূষিত মৃগ যেমন জল অন্বেষণ করে, তদ্রূপ তাঁহার প্রার্থী হইয়া তাঁহাকে অন্বেষণ করিবে এবং করতল ন্যস্ত ফল যেমন প্রত্যক্ষ হয়, তদ্রূপ তাঁহাকে বিশুদ্ধ জ্ঞান দ্বারা নিঃসংশয় রূপে অতি নিকটস্থ করিয়া জানিতে ইচ্ছা করিবেক। সংঘতেদ্রিয় হইয়া বহু অন্বেষণ পরে তাঁহাকে আপনার নির্দোষ জ্যোতির্ময় আত্মার অভ্যন্তরে আত্মার আত্মা, প্রাণের প্রাণ সকলের কারণ ও আশ্রয় রূপে সাক্ষাৎ প্রত্যক্ষরূপে জানিতে পারিলে তুষার্ত মৃগ যেমন জল পাইলে পরিতৃপ্ত হয়, তদ্রূপ তিনি পরিতৃপ্ত হইবেন; তাঁহার সকল কামনা সিদ্ধ হয় ও ভূরাদি সকল লোকের সুখ প্রাপ্তি হয়; তিনি ব্রহ্মানন্দ লাভ করিয়া সকল আনন্দ উপভোগ করেন।

১২৭

ব্রহ্মের নাম আকাশ। তিনি নাম রূপের নির্বাহ কর্তা, এবং সেই নামরূপ যাঁহা হইতে ভিন্ন তিনি ব্রহ্ম, তিনি অমৃত।

মন যখন ব্রহ্মের সেই অনন্ত ভাব অনুভব করে, বাক্য তখন তাহা ব্যক্ত করিতে গিয়া তাঁহার নাম আকাশ দেয়। বাস্তবিক তাঁহার কোন নাম নাই এবং রূপও নাই; নামরূপ বিশিষ্ট যাবতীয় পদার্থ তাঁহা হ-

ইতে সৃষ্ট হইয়া তাঁহার আশ্রয়ে পালিত হইতেছে।

১২৮

তিনি বাক্য দ্বারা কি মনের দ্বারা কি চক্ষু দ্বারা কাহারও কর্তৃক কদাপি প্রাপ্ত হইবেন না। যে ব্যক্তি বলে যে তিনি আছেন, তদ্বিন্ন অন্য ব্যক্তি দ্বারা তিনি কি প্রকারে উপলব্ধ হইবেন।

পরমেশ্বরের স্বরূপ অদৃশ্য, অনির্বচনীয়, অচিন্ত্য। তাঁহাকে চক্ষু দ্বারা অথবা বাক্য দ্বারা অথবা মন দ্বারা উপলব্ধি করা যায় না, তাঁহাকে কেবল এক আত্ম প্রত্যয় দ্বারা প্রাপ্ত হওয়া যায়। আমরা আপনাদিগকে অপূর্ণ ও পরতন্ত্র বলিয়া যে বিশ্বাস করিতেছি, তাহার অন্তর্ভূত এই বিশ্বাস আছে যে এক পূর্ণ ও স্বতন্ত্র পদার্থ আছেন; যে হেতু যদি এক পূর্ণ ও স্বতন্ত্র পদার্থ না থাকেন, তবে আমাদের অপূর্ণ ও পরতন্ত্র বলিয়া বিশ্বাস করিবার কোন হেতু নাই। পরতন্ত্র ও অপূর্ণ পদার্থের অস্তিত্ব দ্বারা এক স্বতন্ত্র ও পূর্ণ পদার্থের অস্তিত্ব বুঝায়। এই বিশ্বাস স্বতঃ সিদ্ধ, যেহেতু ইহা পরীক্ষা সাপেক্ষ নহে। সকলের মনে এই স্বাভাবিক আত্মপ্রত্যয় আছে যে পরতন্ত্র ও অপূর্ণ পদার্থের স্রষ্টা ও আশ্রয় এক স্বতন্ত্র ও পূর্ণ পুরুষ আছেন। পরে যখন এ বিষয়ে সংশয় হয় তখনই যুক্তি ও বিচার উপস্থিত হয়; কিন্তু সেই বিচারের পরেও এই সিদ্ধান্ত হয় যে এক স্বতন্ত্র পূর্ণ পুরুষ আছেন; যে হেতু এ বিশ্বাস আত্ম-প্রত্যয়-সিদ্ধ। এই আত্ম-প্রত্যয়ের প্রতি সংশয় করিতে গেলে একেবারে যুক্তির মূল ছেদ করা হয় এবং

মহা ভ্রমে ভ্রান্ত হইতে হয়। তাহা হইলে আপনার অস্তিত্বে, বাহ্য বস্তুর অস্তিত্বে এবং কার্য কারণের অস্তিত্বে সংশয় জন্মিয়া বুদ্ধি একেবারে বিনাশ প্রাপ্ত হয়। যিনি আত্ম-প্রত্যয়ের উপর নির্ভর না করেন, তিনি কখন নিত্য সত্য মঙ্গল-স্বরূপ সর্বব্যাপী সর্বাশ্রয় সর্বশক্তিমান পূর্ণ পুরুষকে নিঃসংশয় রূপে বিশ্বাস করিতে পারেন না। প্রতি তকের তরঙ্গে তিনি অস্থির হন এবং ঈশ্বর-সহবাস-জনিত নির্মল শান্তি তিনি কদাপি লাভ করিতে পারেন না। আত্ম-প্রত্যয়ের উপর নির্ভর করিয়া যে ব্যক্তি বলেন যে তিনি আছেন, তদ্বিন্ন অন্য ব্যক্তি দ্বারা তিনি কখনই উপলব্ধ হইবেন না।

১২৯

যিনি যখন প্রকাশবান ভূত ভবিষ্যতের নিয়ন্তা পরমাত্মাকে সাক্ষাৎ দেখেন, তিনি তখন আর আপনাকে তাঁহা হইতে গোপন রাখিতে ইচ্ছা করেন না।

যে ব্যক্তি পাপ কর্মে লিপ্ত থাকে, সেই আপনাকে গোপন রাখিতে ইচ্ছা করে; কিন্তু যদিও আপনাকে অন্যের নিকটে অত্যন্ত গোপন করা যায়, তথাপি সকলের অন্তরাগ্না সর্বদৃক পুরুষের নিকটে কখনই গোপন করিতে পারা যায় না। যিনি প্রকাশবান ভূত ভবিষ্যতের নিয়ন্তা পরমাত্মাকে সাক্ষাৎ দেখেন, তিনি আর কোন দোষে লিপ্ত হইতে ইচ্ছা করেন না এবং স্মরণ্য আপনাকেও তাঁহা হইতে গোপন রাখিতে ইচ্ছা করেন না। মোহ বশতঃ যদি তিনি কখন কোন দোষে লিপ্ত হইবেন, তবে তিনি তাঁহার নিকট হইতে তাহা গোপন রাখিতে ইচ্ছা করেন না, কিন্তু সেই দোষ

হইতে উদ্ধার হইবার জন্য তাঁহার নিকটে প্রার্থনা করেন এবং তিনি তাঁহাকে তাহা হইতে মুক্ত করেন। তাঁহার শরণাপন্ন হইলে তিনি অবশ্য আমাদিগকে পাপ হইতে মুক্ত করিবেন এবং তাঁহার সংসর্গের উপযুক্ত করিবেন।

ইতি প্রথমখণ্ডে চতুর্দশ অধ্যায়।

## বিজ্ঞান

### ভূতত্ত্ববিদ্যা।

২৩১ সংখ্যক পত্রিকার ১২৩ পৃষ্ঠার পর।

ভূতত্ত্বের আদ্য স্বরূপ দুইটি প্রধান শ্রেণীতে বিভক্ত, যথা পুরাতন রক্ত-সৈকত এবং তাহার নিম্নে মৃদশ। এই দুই স্তরশ্রেণীর পদার্থ গত বিশেষ প্রভেদ দৃষ্ট হয়। মৃদশ স্তরবলী প্রধানতঃ মৃৎ ও বালুময়, এবং এই হেতু অতিশয় কঠিন। ইহাদের বর্ণ কৃষ্ণ নীল হরিৎ রক্ত ইত্যাদি বিবিধ প্রকার দেখিতে পাওয়া যায়। এই সকল স্তর হইতে উৎকৃষ্ট প্রস্তর ফলক প্রাপ্ত হওয়া যায়, এবং তাহাতে উৎকৃষ্ট টালি ও লিথিবীর সেলেট প্রস্তুত হয়। এই স্তরবলী মধ্যে স্তম্ভিত প্রবাল ও পুরুভূজের দেহাবশেষ রাশীকৃত নিহিত দেখা যায়; এবং কোন কোন স্থানে স্তম্ভিত স্তূপাকার প্রবাল রাশি স্তরীভূত হইয়া গিয়াছে। মৃদশ স্তরবলী পরীক্ষা করিয়া দেখিলে প্রতীয়মান হইবেক, যে তাহা প্রায় সর্বত্রই উৎকৃষ্ট, তম্ব ও বক্রীকৃত ভাবে স্থাপিত রহিয়াছে। এবং নিম্নস্থ গ্রানিট আদি আগ্নেয় প্রস্তর সকল ইহাকে ভেদ করিয়া উথিত হইয়াছে। এই রূপে অনেক স্থানে গ্রানিট শিলা মৃদশের সহিত সংমিলিত থাকিতে দেখা গিয়াছে। এই প্রকার অরহা দেখিয়া ভূতত্ত্ববিৎ পণ্ডিতগণ ইহা সিদ্ধান্ত করিয়াছেন যে যে সময়ে উক্ত মৃদশ স্তর শ্রেণী সংরচিত হইয়াছিল তৎকালে পৃথিবী অতি তরুণকালীন উপপ্লাবনের অধীন ছিল, এবং সেই উপপ্লাব হেতু নিম্নস্থ আগ্নেয় পদার্থ সকল উক্ত স্তরবলী ভেদ করিয়া উথিত হইয়াছিল।

বাস্তবিক এই সময়েই ভূগর্ভের অভ্রাচ্ছ ও সুদীর্ঘ পর্বত শ্রেণী সকল উৎকৃষ্ট হইয়াছিল। হিমালয়, আণ্ডিস, উরাল ও অপরাপর সুদীর্ঘ পর্বত শ্রেণী সকলের সামিধ্য স্তর সকল পরীক্ষা দ্বারা ইহা বিলক্ষণ রূপে প্রতিপন্ন হইয়াছে। আমরা ভীষণাকৃতি আকাশভেদী উত্তম শূন্য বিশিষ্ট মহীধর সকলকে ধরাতলের চিরস্থায়ী আধার ও আশ্রয় রূপে জ্ঞান করিয়া থাকি। আমরা মনে করিতে পারি না যে-যে স্থানে এখন হিমালয় রহিয়াছে, সে স্থান এককালে সমভূমি অথবা সাগর গর্ভ ছিল। কিন্তু পৃথিবীর আন্তরিক গঠন ও স্তর সন্নিপাতের পরীক্ষা দ্বারা ভূতত্ত্ববিৎ পণ্ডিতগণ অভ্রান্ত রূপে এই বিষয় নিরূপণ করিয়াছেন। মনুষ্যের আগমনের সহস্র বৎসর অগ্রে ভূগর্ভে কি প্রকার অভ্রান্ত ঘটনা সকল উপস্থিত হইয়াছিল তাহা স্তর পরীক্ষায় অনায়াসে আমরা জ্ঞাত হইতেছি। বাস্তবিক এক একটি স্তর পৃথিবীর পুরাতন পুস্তকের এক এক খানি পৃষ্ঠা স্বরূপ। যিনি তাহা পাঠ করিতে জানেন তিনিই কেবল তাহা হইতে অদ্ভুত ও আশ্চর্য্য বিবরণ সকল সংকলন করিতে পারেন, হিমালয়াদি উচ্চ পর্বতের সামিধ্য উপত্যকা ভূমি সকল সামান্যত মৃদশ ও গ্লেট প্রস্তরে রচিত। এই স্তরবলীর মধ্যে মধ্যে শিলাবৎ রেখার মত টিন সিসক ভাস্কর্য্য স্বর্ণ প্রাপ্ত হওয়া যায়।

মৃদশের অবাবহিত পরেই পুরাতন রক্ত-সৈকত প্রস্তর। এই স্তর শ্রেণী অতিশয় বিস্তীর্ণ ও স্থূল। ইহা প্রায় সম্পূর্ণ রূপে সিকতা অর্থাৎ বালুকা-তেই সংরচিত। ইহার অন্তর্গত বালুকা প্রস্তর সকল সংহতি ভেদে নানা প্রকার দৃষ্ট হয়। কোথাও তাহা অতি ক্ষুদ্র বালুকা রেণু বিশিষ্ট অতিশয় কঠিন এবং কোথাও বা তাহা কেবল রাশীকৃত বড় বড় নুড়ি প্রস্তরের সংহতি মাত্র। অপর সমুদায় স্তরটি ঐষৎ রক্তবর্ণ, এই হেতু তাহার নাম রক্ত-সৈকত শ্রেণী বলা যায়। এই রক্ত বর্ণ কেবল স্তর মধ্যস্থ লৌহ রেণুর সংশ্রবেই হইয়াছে। লৌহকে জল সংযুক্ত বা বায়ুতে রাখিলে ক্রমে তাহা মরিচা পড়িয়া ঐষৎ রক্তবর্ণ হইয়া যায়। এই লৌহ মরিচা স্তরান্তর্গত পদার্থের সহিত সংমিলিত আছে। এই হেতু কোন কোন স্থানে প্রস্তর সকলের বর্ণ প্রায় সিন্দূরের ন্যায়ও হইয়া থাকে। অপর যেখানে লৌহের ভাগ কিছু অল্প তথায় প্রস্তরের বর্ণ ঐষৎ পীত ও পাংশু। অপর এই স্তরশ্রেণী যে "পুরাতন" রক্ত-সৈকত নামে উক্ত হইয়াছে তাহার কারণ এই যে ইহার উপরে দ্বিতীয় স্তরকে আর একটি রক্ত সৈকত স্তর আছে; তা-

হাকে ভূতত্ত্ববিৎকর্তা মৃতন রক্ত সৈকত বলিয়া থাকেন। পুরাতন রক্ত সৈকত শ্রেণীর মধ্যে উদ্ভিদের অতাপ্প চিহ্নই দৃষ্ট হয়, স্থানে স্থানে অতি কয়েক দুই একটি ক্ষুদ্র জাতীয় বৃক্ষের বিকারী ভূত কন্দাদি প্রাপ্ত হওয়া যায়। বোধ হয় যে সময়ে এই স্তর ভূমি সংরচিত হইয়াছিল, তখন ভূতল বৃক্ষ লতাদির উৎপত্তি বিষয়ে বিশেষ উপযোগী ছিল না। কিন্তু এই সময়ে জীব প্রবাহ বিশেষ রূপে বর্ধিত হইয়াছিল, তন্মধ্যে মংসোরই সাতিশয় বাহলা দৃষ্ট হয়। পুরাতন রক্ত সৈকত শ্রেণী হইতেই মংসোর আরম্ভ, ইহার হইতে ভূরি ভূরি মংসোর কঙ্কাল ও অংশুক উদ্ভূত হইয়াছে এবং এই সমস্ত দেহাবশেষের পরীক্ষা দ্বারা সেই মংস্য সকলের বিচিত্র আকার ও গঠন নিরূপিত হইয়াছে। এই সকল মংস্য সামুদ্রিক, এবং ইহাদিগকে পণ্ডিতগণ চারি শ্রেণীতে বিভক্ত করিয়াছেন; তন্মধ্যে প্রথম শ্রেণী একগণকার মংসোর ন্যায় আকার বিশিষ্ট কিন্তু তাহাদের গাত্র অংশুকে আবৃত না হইয়া এক প্রকার পাতলা অস্থিময় কঠিন আবরণে আবৃত। দ্বিতীয় শ্রেণী অতিশয় স্থূলকায় এবং কুস্তীরের পৃষ্ঠ দেশস্থ ছর্ভেদ্য আবরণের ন্যায় এক প্রকার কঠিন আবরণ বিশিষ্ট, অপর দুই শ্রেণী কেবল কঠিন ও কঠকময় অংশুক বিশিষ্ট।

পুরাতন রক্ত সৈকত স্তর খনন করিলে স্থানে স্থানে পূর্বতন সমুদ্রের স্পষ্ট চিহ্ন সকল প্রত্যক্ষ হয়। স্থানে স্থানে জল-ধৌত ক্ষয় প্রাপ্ত ভূমি এক্ষণে কঠিন প্রস্তর হইয়া গিয়াছে, অপর একগণকার নদী বা সমুদ্র তটের ন্যায় কোথাও বা জল স্রোতের স্পষ্ট রেখা অঙ্কিত রহিয়াছে। পুরাতন রক্ত সৈকতও তাহার নিম্নস্থ শ্রেণীর ন্যায় নানা প্রকার নৈসর্গিক আগ্নেয় উপপ্লাব হেতু স্থানে স্থানে উৎকৃষ্ট, বক্রীকৃত ও তম্ব হইয়া গিয়াছে এবং এই কারণেও নিম্নস্থ স্তরান্তর্গত ধাতু সকলও তাহার মধ্যে মধ্যে প্রবিষ্ট ও সংমিলিত হইয়াছে।

### THE LOVE OF GOD.

Now all who believe in God the Righteous at all, Are sure of his *Kindly* feeling to all mankind: Yet how intimate is that feeling, all are not agreed. For some will say, that "as a man loves his beast, With a certain vague kindness, so does God love man: The disparity of nature forbids a closer friendship :

They stand off at arm's length, and embrace not intimately. God desires a noble creation, as a duke a troop of deer, Careless of the individuals, careful only of the herd, Which is perpetuated in beauty, though each is short of life."— Such a theory is self-consistent, intelligible, worthy of debate; It is the view of philosophic intellects, but hardly of the most pious. Nor is this wonderful; if, as perhaps it may here be shown, The doctrine deals fatal blows to spiritual piety: And we trust also to show that it is not well-grounded. Recalling first principles, we find that God in Conscience Enjoins certain duties and endless progress in virtue, With such feelings towards himself as his nature demands. If now, through the disparity of his nature and ours, He stand far apart and embrace us not intimately, Yielding to us no love, he surely demands no love. As well might a man claim love from his cows or sheep. Then by what need of nature or right is self-devotion called for? Self-devotion will still indeed be possible, as in a loyal subject, Who, though unknown to his king, yet devotes himself for his service: Nor is the king to blame, that he cannot know all his subjects; Else would he be less virtuous for not loving his faithful votary. But if man be self-devoted to God who assuredly knows him, And God have no love, the man may seem to be the more virtuous; Unless any say, that such self-devotion was an extravagance. Here we must press, that if there be question of *God's* love, It is a certainty of our nature, that many *men* have loved God; Have loved him with all the passion of virtuous reverence, As a glorious Lord, a present Counsellor, a holy friend. This is a cardinal fact, important and undeniable, A firm stepping-stone amid uncertainties. Try love by any test, and you find their love sound.— To desire company and converse, is one great mark of love: Many a man has preferred God's company to all other, Finding it sweeter than of friend, sweeter than of wife,

Dearer than his pleasantest work, and more longed for than any.—  
Sacrifices for a friend are another great mark of love :  
Many a man for God's love has forfeited human sympathy,  
Has left fortune and family, and has died in torture.—  
Is it then imputable, that a man should love God supremely,  
Rejoicing in his counsel, throbbing for his conscious presence  
Devoted to his service, and dying horribly for loyalty;  
And that the Perfect God should not love this man at all,  
Nor care that he perished, more than had he been a sheep?  
Love is our highest and most lovely virtue ;  
If God has it not as much as we, how can he be all lovely ?  
Love is of all our affections the most glorious,  
Supplying forces and heart to every noblest virtue,  
To deny then that the Source of love has love, is mere paradox,  
And has no claim to pass as cautious philosophy,  
But tends to degrade God as less virtuous than man,  
Making adoration of his Holiness impossible, And depriving the soul of the right or motive to love him.  
Thus spiritual worship and all heavenward drawings fail,  
Unless God's love to man be definite and personal;  
Enthusiasm becomes gratuitous and self-devotion an imprudence,  
And religion loses its motives and its highest energies.  
Nor only so, but Prayer becomes hardly reasonable.  
For if the Highest regards men generically only,  
Designing mankind to thrive, but caring for no one man,  
Why should he attend to the personal case of each,  
Or answer his prayer, or assist his struggling virtue?  
And if he stand apart from us, as a man from his cattle,  
Spending no love on each and requiring no love,  
No communion of soul between God and man is appropriate:  
Rather would the attempt be unseemly and presumptuous.  
This is perhaps the secret belief of many acute persons,  
(For it flows direct from the denial of God's love)  
And they accept our conclusion, as right and natural.  
Thus their religion wholly loses its inward element;

And even if they imagine the future existence for man,  
God will in it be eternally separate from man still,  
So that heaven itself is desecrated as earth.  
Such a scheme may intend to be religious; nevertheless internally  
It has no more spiritual force than has moral Atheism.  
Like Atheism also it is opposed to primary facts.  
God does not stand at arm's length and deal with us *from without*,  
As a king with subjects, and keep no personal converse:  
But he speaks to us *within*, he whispers in our hearts,  
As a Soul within the soul is he closely interfused,  
Not dealing as by edicts issued to a multitude, But by private counsel as from a friend to friend.  
And all those principles, which we laid down as Axioms,  
Show that God commands individual virtue, And approves personal adoration, personal communion.  
And since the human heart is notoriously capable of this,  
Our proper relation to God is not as that of brutes to man.  
Nor does he value us for our Usefulness as a man values sheep.  
While we in turn look to him for Protection only;—  
(As in the relations of the unlike, where unlike benefits are sought,  
And Virtue is not sought, or is but a means to an end ;)—  
But here Virtue itself begins and ends the relation ;  
Hence the affection arising is that of proper friendship :  
*We love him* for his Goodness, *he loves us* that we may be Good :  
Thus we are humble friends of him the Supreme Friend,  
And self-devoting adoration of his Holiness becomes possible.

F. W. NEWMAN.

এই তত্ত্ববোধিনী পত্রিকা, কলিকাতা নগরে যোঁড়া-সাঁকোঁহিত ব্রাহ্মসমাজের কার্যালয়ে হইতে প্রতিমাসে প্রকাশিত হয়। ইহার মূল্য ১/০ ছয় আনা মাত্র। ৫ পৌষ শুক্রবার সন্ধ্যা ১১১২ কলিগতাব্দ ১৯২৩।

একমেবাদ্বিতীয়ং

চতুর্থ ভাগ

২৩৪ সংখ্যা

মাঘ ১৭৮৪ শক

তত্ত্ববোধিনী পত্রিকা

ব্রহ্মবাক্য একমিদমগ্রহাসীমান্যং কিঞ্চনাসীত্ত্বদিদং সর্বমস্বপ্নমিত্যাদিভিঃ তদেব নিত্যং জ্ঞানমনস্তং শিবং স্বতন্ত্রমিববয়বমেকমেবাদ্বিতীয়ং। সর্বব্যাপিসর্বনিয়ন্তৃ সর্বপ্রায়সর্ববিৎসর্বস্বাভিজন্মস্থলস্থপূর্ণমপ্রতিমমিতি। একস্য তস্যৈবোপাসনয়া পারত্রিকনৈহিকঞ্চ শতভুক্তি। তন্মিদং প্রীতিস্তস্য প্রিয়কার্যসাধনঞ্চ তদুপাসনমেব।

ব্রাহ্মদিগের সাযৎসরিক

উৎসব।

ব্রাহ্মদিগের সাযৎসরিক উৎসব আগত প্রায়। মাঘ মাসের একাদশ দিবস ব্রাহ্মদিগের পক্ষে অতি পবিত্র চিরস্মরণীয় দিন। কি বঙ্গভূমি কি সমুদায় ভারতবর্ষ, যে যে স্থানে ক্ষুদ্র বৃহৎ ব্রাহ্মসমাজ স্থাপিত হইয়াছে, এই দিবসের সমাগমে তৎসমুদায় উৎসবে পূর্ণ হইবেক, ব্রাহ্ম ভ্রাতৃ মণ্ডলীর হৃদয় আনন্দে উচ্ছ্বসিত হইবেক। সকলে প্রীতি ভাবে সম্মিলিত হইবেন, ভক্তিভাবে অকপট হৃদয়ে পরমপিতার অর্চনা করিবেন, এবং আনন্দাশ্রু বিমর্জ্জন পূর্বক পরস্পর ভ্রাতৃ-নির্ঝিংশেবে আলিঙ্গন করিবেন। তখন কেবল পবিত্রতা ও সদ্ভাবের স্রোত বহমান হইবেক, হৃদয় শান্তি মলিলে ভাসমান হইবেক, ধর্ম-জনিত বিশুদ্ধ আনন্দের অমৃত ধারা বর্ষিত হইবেক। এই মহোৎসবে যেন কেহ অবহেলা না করেন। যে দিবস এই বঙ্গভূমিতে ব্রাহ্ম-ধর্ম প্রচারের প্রথম সূচনা হয়, যে দিবস

মহাত্মা রামমোহন রায় ব্রাহ্মসমাজ প্রথম স্থাপন করেন, সেই দিবস প্রতি ব্রাহ্মের নিকট অবশ্যই অতি পবিত্র মঙ্গলময় হইবেক, ব্রাহ্মগণের তাহা অবশ্যই সর্বোৎকৃষ্ট সাধারণ উৎসবের দিন।  
সযৎসর কাল ব্রাহ্মধর্মের উন্নতি ও প্রচার কার্যে যাহারা একান্ত মনে যত্নশাল ছিলেন, এই উৎসবের জন্য তাঁহাদের মন উল্লসিত হইতেছে। যাহারা সযৎসর সত্যের নিমিত্ত ধর্মের নিমিত্ত সংসারের সহিত সংগ্রাম করিয়া আসিয়াছেন, তাঁহারা এই উৎসবের দিনে সত্যের জয় ও ধর্মের মাহাত্ম্য অনুভব করিবেন। যাহারা সংসারে প্রতিনিয়ত বিষয়-কোলাহলে অভিভূত আছেন, সেই দিবসের স্মরণভাতে তাঁহাদেরও বিমুক্ত চিত্ত চেতন প্রাপ্ত হইবেক, এবং ধর্মের বিমলানন্দের নিমিত্ত উৎসুক হইবেক। এই রূপে এই উৎসবের উপলক্ষে ব্রাহ্মদিগের পরস্পর অনুরাগ বর্দ্ধিত হইবেক। সকলের হৃদয়ের দ্বার উদ্ঘাটিত হইবেক। এক একটী হৃদয়ের সদ্ভাব ও উৎসাহ বহু হৃদয়ে বিকীর্ণ হইবেক, এক এক ধর্ম-পরায়ণ সাধু ব্যক্তির

মুখজ্যোতি নিকটস্থ সকলের আনন্দপ্রীতে উল্লাস ও স্তুতি বিস্তার করিবেক।

এক একটি সাংসারিক উৎসব ব্রাহ্মধর্ম ও ব্রাহ্ম সমাজের ইতিহাস অধ্যায়ের এক একটি উপসংহার স্বরূপ। এক বৎসর কাল মধ্যে ব্রাহ্ম সমাজ কত দূর উন্নত হইয়াছে, ব্রাহ্মধর্মের কি প্রকার প্রচার হইয়াছে, ও জনসমাজে তাহা হইতে কি রূপ শুভ ফল উৎপন্ন হইয়াছে, এই সকল বিষয়ের আলোচনা আমাদের সাংসারিক উৎসবের সমাগমের সহিত স্বভাবত মনোমধ্যে উদ্ভিত হয়। অতএব গত বর্ষের ব্রাহ্ম সমাজের কার্য হইতে আমরা কি উপদেশ ও শিক্ষা প্রাপ্ত হইয়াছি, তাহা অনুধাবন করা আবশ্যিক। ব্রাহ্মসমাজের আবহমান ইতিহাস হইতে এই সত্যটি অতি প্রবল রূপে ভূয়োভূয়ঃ প্রতিপন্ন হইয়াছে, যে সামাজিক অথবা ধর্ম সংক্রান্ত কোন উৎকৃষ্ট মহদব্যাপার সংসাধনার্থ লোক বলের উপর নির্ভর করা বুঝা। প্রকৃত কার্য কেবল লোক সংখ্যা হেতু সিদ্ধ হয় না, কিন্তু কতিপয় একাগ্র নিষ্ঠ সরল হৃদয়ের সংমিলন আবশ্যিক, সংখ্যা বৃদ্ধিতে কদাপি বল হয় না, একজন আগ্রহান্বিত ব্যক্তি প্রতিজ্ঞাক্রমে হইয়া যে কত মঙ্গল কার্য সম্পন্ন করিতে পারে তাহা অনেকেই বোধগম্য করিতে সমর্থ নহে। যদি কেবল সাধারণের সাহায্য ও আনুকূল্যের উপর নির্ভর করিতে হইত, তাহা হইলে কদাপি বঙ্গদেশে ব্রাহ্মসমাজের উন্নতি ও ব্রাহ্মধর্মের প্রচার হইবার সম্ভাবনা থাকিত না। কতিপয় ধর্মানুরাগী দেশ হিতৈষী সাধু কর্তৃক ব্রাহ্মসমাজ স্থাপিত হয় এবং কতিপয় ধর্মনিষ্ঠ ব্যক্তির প্রযত্ন ও অবিশ্রান্ত উদ্যোগ ও অধ্যবসায় হেতু অদ্যাপি ব্রাহ্মধর্মের প্রচার ও দিন দিন ত্রিবৃদ্ধি সম্পা-

দিত হইতেছে। ব্রাহ্মসমাজের উন্নতি প্রকৃত ধর্ম-পরায়ণ ব্যক্তিদেরই সমাজ হইয়াছে। ব্রাহ্মদিগের ধর্ম অধিক নহে, কিন্তু তাঁহাদের আগ্রহ ও ধর্ম নিষ্ঠাই সমাজের প্রকৃত বল ও উন্নতির কারণ হইয়াছে। যাঁহারা ব্রাহ্মদিগের অঙ্গ সংখ্যা দেখিয়া ভয় পান, তাঁহারা মতের যে কি প্রকার অপরাধিত শক্তি তাহা জানেন না। মতের জয় মতের প্রচার অবশ্যই হইবেক, তাহা লোক বলের অপেক্ষা করে না।

বিগত বর্ষের কার্য হইতে আমরা আর একটি উপদেশ প্রাপ্ত হইয়াছি। ব্রাহ্মধর্মের প্রচার ব্রাহ্মদিগের চরিত্র ও আচরণের উপর বিশেষ রূপে নির্ভর করিতেছে। তর্কশাস্ত্র বা দর্শনশাস্ত্রের প্রমাণ অত্যপ্প লোকেই বুঝিতে পারে, বা বুঝিতে ইচ্ছা করে। কিন্তু মতের মহিমা, সচ্চরিত্রের মাধুর্য্য, ধর্মের নিমিত্ত ত্যাগ স্বীকার, সদ-নুষ্ঠানের গৌরব, এসমস্ত আবার বুদ্ধ, জ্ঞানী অজ্ঞানী, সং ও অসং সকলেরই হৃদয়ঙ্গম হইয়া থাকে। একটি দৃষ্টান্ত মহত্ব তর্ক হইতেও বলবান, তাহা যে কি প্রকার প্রভাবে মনকে আকর্ষণ করে এবং অলক্ষিত ভাবে বিশ্বাসের ভূমি পরিষ্কৃত করিয়া দেয়, তাহা যাঁহারা এই প্রভাবে অধীন হইয়াছেন, তাঁহারা অনুভব করিতে পারেন। কোন ধর্ম কেবল তর্কের প্রভাবে প্রচার হয় নাই, কিন্তু সেই ধর্মাবলম্বীদের চরিত্র ও উপদেশ, দৃষ্টান্ত ও শিক্ষা, উভয়ের সংমিলনেই তাহা সাধারণের আদরণীয় হইয়া থাকে। পূর্বে অনেকে সন্দেহ করিতেন যে ব্রাহ্মধর্মের বিশুদ্ধ উন্নত ভাব ও প্রগাঢ় গভীর সত্য কি প্রকারে সাধারণের বোধগম্য হইবেক, ব্রাহ্মধর্ম কি প্রকারে জন সমাজের ধর্ম হইবেক। বাস্তবিক যত দিন

সেই সকল উৎকৃষ্ট ভাব কেবল পুস্তক ও তর্কেতেই থাকিবেক, তত দিন তাহা অনেকের পক্ষে কেবল অর্থহীন মুশ্রাব্য শব্দ মাত্র থাকিবেক। কিন্তু সেই সত্য ও বিশুদ্ধ ভাব সকল যখন ব্রাহ্মদিগের আচরণ, অনুষ্ঠান ও জীবনের সকল কার্যে মূর্ত্তমান হইয়া প্রকাশিত হইবেক, তখনই তাহা অনায়াসে সকলে বুঝিতে পারিবেক এবং তাহার অনুকরণ করিতে আগ্রহান্বিত হইবেক। মতের সাহায্য বাক্যের দ্বারা সামান্য লোকে বুঝান সহজ নহে, কিন্তু তাহাকে যদি এ প্রকার দৃষ্টান্ত দেখান যায়, যে মতের নিমিত্ত এক ব্যক্তি ধন ও প্রভুত্ব ত্যাগ করিতেছেন এবং সত্য প্রচারার্থে প্রাণ পর্যন্ত নমর্পণ করিতে উদ্যত হইতেছেন, তখন সে ব্যক্তি মতের গৌরব হৃদয়ঙ্গম করিতে পারিবেক। এই রূপে ব্রাহ্মধর্মের বিশুদ্ধ সত্য ও উদার ভাব সকল যখন ব্রাহ্মদিগের কার্যেতে স্পষ্ট প্রতীয়মান হইবেক, তখন সাধারণের পক্ষে তাহা আর ছুর্ত্বোধ ও ছুর্ত্বগাহ এবং তাহার আদেশানুযায়ী অনুষ্ঠান চূঃসাধ্য বোধ হইবেক না। ধর্মের প্রগাঢ় ভাব সামান্য ব্যক্তির মনোমধ্যে ধারণ করিতে পারে না, একথা নিতান্ত অমূলক। অনেক স্থলে বিদ্যাভিমাত্রী পণ্ডিত অপেক্ষা পর্ণকুটীরবাসী বিদ্যা বিহীন বিনীত ব্যক্তির সরল অন্তঃকরণ উচ্চতর ভাবে পূর্ণ দেখিতে পাওয়া যায়। একদা কোন অব্যাপক কুতূহল যুক্ত হইয়া একটি বৃদ্ধার সহিত ধর্ম বিষয়ক কথোপকথনে প্রবৃত্ত হইয়া তাহার একান্ত ভক্তি দেখিয়া আশ্চর্য্য হইলেন এবং পরিশেষে তাহাকে জিজ্ঞাসা করিলেন তুমি যাহা এত দৃঢ় রূপে বিশ্বাস করিতেছ, তাহার সত্যতার প্রমাণ কি? সে কহিল মহাশয় আমি যে মতের

বিশ্বাস করি তাহার প্রমাণ দিতে পারি না, কিন্তু আমি তাহার নিমিত্তে প্রাণ দিতে পারি। ব্রাহ্মগণ এক্ষণে ব্রাহ্মধর্মের প্রকৃত অনুষ্ঠানের প্রতি একান্ত যত্নশীল হইয়াছেন, ইহা ব্রাহ্মসমাজের বিশেষ উন্নতির চিহ্ন এবং গৌরবের কারণ। ব্রাহ্মগণ ক্রমে ক্রমে দেশের চির প্রচলিত কুপ্রথা ও অনিষ্টকর পৌত্তলিক ব্যবহারের বিপক্ষে দণ্ডায়মান হইতেছেন এবং নানাবিধ কষ্ট ও ত্যাগ স্বীকার করিয়াও মঙ্গল ব্যাপারে উৎকৃষ্ট দৃষ্টান্ত প্রদর্শন করিতেছেন। অনুষ্ঠানই ধর্মের প্রাণ, অনুষ্ঠানই ধর্ম নিষ্ঠার এক মাত্র পরীক্ষা। পূর্বে যাঁহারা বিদেহ বশতঃ ব্রাহ্মদিগকে কপট ও ছদ্মব্যবহারী বলিয়া অপবাদ দিতেন, তাঁহারা এক্ষণে তাঁহাদের ধর্ম নিমিত্ত ত্যাগ স্বীকার দেখিয়া সেই বিদেহ ও নিন্দাবাদ ত্যাগ করিয়াছেন। যাঁহারা অদ্যাপি ব্রাহ্মসমাজের মতের বিরোধী আছেন, তাঁহারাও ব্রাহ্মদিগের সরল সাধু ভাবের ভূয়োভূয় দৃষ্টান্ত দর্শন করিয়া তাঁহাদিগকে সমাদর করিতে বাধ্য হইয়াছেন। এই রূপে এক্ষণে সকল লোকেই ব্রাহ্মদিগের প্রতি উন্নত ও অনুকূল দৃষ্টিতে দেখিতেছেন। এবং অনেকেরই ইহা স্থির বিশ্বাস হইয়াছে, যে ব্রাহ্মগণই এতদেশের কুপ্রথা সংশোধন ও সামাজিক উন্নতি সাধনের মঙ্গল কার্যে অগ্রসর হইবেক। ব্রাহ্মসমাজ এক্ষণে যে উচ্চ পদবী ধারণ করিতেছে, তাহা ব্রাহ্মদিগের পক্ষে সাতিশয় উৎসাহজনক বলিতে হইবেক। কিন্তু তাহাতে ব্রাহ্মদিগের কর্তব্যের ভারও গুরুতর হইয়াছে। গত বর্ষে যাঁহারা ব্রাহ্মধর্মের জন্য যে পরিমাণে যত্ন ও পরিশ্রম করিয়াছেন, তাঁহারা আগামী বর্ষে তদপেক্ষা গুরুতর পরিশ্রম ও যত্নের আবশ্যিক দেখিবেন। ব্রাহ্মসমাজের আশ্রয় ক্রম-

শই যত বুদ্ধি হইতেছে, ব্রাহ্মধর্ম প্রচারের কার্য্যও সেই পরিমাণে প্রশস্ত হইতেছে। আমরা এই আঁগামী উৎসবেতে যখন সমাজের উন্নতি ও শ্রীকৃষ্ণের নিমিত্ত উৎসব যুক্ত হইয়া ঈশ্বরকে ধন্যবাদ প্রদান করিব, তখন যেন সরল অন্তঃকরণে তাঁহার নিকট ব্রাহ্মধর্মের অধিকতর উন্নতি ও প্রচারের জন্য ধর্মবল প্রার্থনা করি, বঙ্গদেশে সমুদায় পৃথিবীতে অজ্ঞান ও মিথ্যা ধর্মের আশু বিনাশের জন্য প্রার্থনা করি, ব্রাহ্মদিগের মধ্যে পরস্পর সদ্ভাব ও কুশল বুদ্ধির নিমিত্তে প্রার্থনা করি। উৎসবের দিবস যেন আমরা এ প্রকার অনুরাগ, উৎসাহ ও শ্রীতি ভাব উপার্জন করিতে পারি, যে সেই অনুরাগ, উৎসাহ ও শ্রীতি, আর এক বৎসর কাল আমাদের হৃদয়ে বিরাজিত থাকে ও আমাদের সর্বদা স্মরণে নিয়োগ করে।

### ব্রাহ্মধর্মের তাৎপর্য্য।

পঞ্চদশ অধ্যায়।

১৩০

যে ব্যক্তি দুষ্কর্ম হইতে বিরত হয় নাই, ইন্দ্রিয় চাঞ্চল্য হইতে শান্ত হয় নাই, যাহার চিত্ত সমাহিত হয় নাই এবং কর্ম-ফল-কামনা প্রযুক্ত যাহার মন শান্ত হয় নাই, সে ব্যক্তি কেবল জ্ঞান মাত্র দ্বারা পরমাত্মাকে প্রাপ্ত হয় না।

প্রিয়তম পরমাত্মাকে জানিলাম, কিন্তু তাঁহাতে মনঃ সমাধানের এবং তাঁহার সহিত অধ্যাত্ম যোগের বিমল আনন্দ কখন আশ্বাদ করিলাম না; তাঁহাকে মহৎ ও বিশুদ্ধ জানিয়াও আপনার চরিত্রকে মহৎ

ও বিশুদ্ধ করিয়া তাঁহার সহবাসের উপযুক্ত হইলাম না; তাঁহাকে আমরা নিয়ন্তা ও বিধাতা জানিয়াও তাঁহার প্রদর্শিত পুণ্য পথে কখন বিচরণ করিলাম না; কেবল স্বার্থপরতাকে চরিতার্থ করিবার নিমিত্তেই আজন্মকাল নিযুক্ত রহিলাম; তবে তাঁহাকে প্রাপ্ত হইবার আর কি সম্ভাবনা রহিল।

১৩১

শ্রেয় ও প্রেয় মনুষ্যকে প্রাপ্ত হয়; তিনি সম্যক্ বিবেচনা করিয়া এই দুইকে পৃথক করেন। ইহার মধ্যে যিনি শ্রেয়কে গ্রহণ করেন, তাঁহার মঙ্গল হয়, আর যিনি প্রেয়কে গ্রহণ করেন, তিনি পরমার্থ হইতে ভ্রষ্ট হইয়েন।

ঈশ্বরের পথ অবলম্বন করা শ্রেয়, আর সংসারের সুখে নিমগ্ন হওয়া প্রেয়। কখন ঈশ্বরের পথ অবলম্বন করিতে স্পৃহা হয়, কখন সাংসারিক সুখ মনকে আকর্ষণ করে। ইহার মধ্যে যিনি ঈশ্বরের পথ অবলম্বন করেন, তাঁহার পরম মঙ্গল হয়; আর যিনি সাংসারিক সুখে নিমগ্ন থাকেন, তিনি কদাপি সেই পরম পবিত্র ব্রহ্মানন্দ লাভের উপযুক্ত হন না। যিনি ঈশ্বরকে শ্রীতি করেন, তিনি সেই পরম প্রেমাস্পদের অভিপ্রেত কার্য্য বলিয়া সাংসারিক কার্য্য নিরীক করেন; আর যিনি সংসারেতে আসক্ত থাকেন, তিনি সাংসারিক সুখের উদ্দেশে পরম মঙ্গলময় ঈশ্বরের উপাসনা করেন। সংসারাসক্ত স্বার্থপর ব্যক্তি মনের সহিত কদাপি এ বাক্য বলিতে পারেন না যে “হে পরমাত্মন তোমার আজ্ঞানুসারে লোকের হিতের নিমিত্তে এবং তোমার

শ্রীতির নিমিত্তে সংসার যাত্রা নিরীক করিতে প্রবৃত্ত হই।” যখন উৎসাহ পূর্বক এই বাক্য বলিতে পারিবে এবং তোমার সমুদয় কার্য্যের এই এক মাত্র লক্ষ্য হইবে, তখন জানিবে যে তোমার শ্রেয়কে সম্যক্ রূপে অবলম্বন করা হইয়াছে।

১৩২

মনুষ্য যেমন কর্ম করেন আর যেমন আচরণ করেন, তাঁহার সেই রূপ গতি হয়; যিনি সাধু কর্ম করেন তিনি সাধু হইয়েন আর যিনি পাপ কর্ম করেন তিনি পাপী হইয়েন; পুণ্য কর্ম ফলে আত্মা পবিত্র হয় আর পাপ কর্ম ফলে আত্মা পাপময় হয়।

পাপ কর্ম পরিত্যাগ দ্বারা এবং পুণ্য কর্মের অনুষ্ঠান দ্বারা আত্মাকে পবিত্র করিয়া ঈশ্বরের সহবাস লাভ করিবেক।

১৩৩

যে ব্যক্তি অবিবেকী ও যাহার মন অবশীভূত; তাহার ইন্দ্রিয় সকল সারথির দৃষ্টি অশ্বের ন্যায় বশে থাকে না।

মন স্বীয় বশে না থাকিলে সেই চূড়াগ্য পুরুষকে ধর্মপথ হইতে বিপথগামী করে এবং কণ্টকময় পাপারণ্যে নিপাতিত করিয়া তাহাকে অশেষ যন্ত্রণাগ্রস্ত করে। অতএব সাবধান, মন ও ইন্দ্রিয় যেন বুদ্ধিবৃত্তির অবশীভূত ও ধর্ম-আদেশের বশীভূত না হয়।

১৩৪

যিনি জ্ঞানবান্ এবং স্ববশ-চিত্ত, তাঁহার ইন্দ্রিয় সকল সার-

থির বশীভূত অশ্বের ন্যায় বশে থাকে।

যাহার কামনা ও ইন্দ্রিয়-সকল বুদ্ধিবৃত্তির অধীন ও যাহার চিত্ত স্ববশ তাহার। তাঁহাকে ঈশ্বর প্রতিষ্ঠিত ধর্ম পথে লইয়া যায় এবং তাঁহার অতীব কল্যাণ সাধন করে।

১৩৫

যিনি অজ্ঞ ও অবশচিত্ত এবং সর্বদা অশুচি, তিনি সেই ব্রহ্মপদ প্রাপ্ত হন না, কিন্তু সংসার গতিকেই প্রাপ্ত হন।

যিনি ঈশ্বরের বিশুদ্ধ স্বরূপ জানেন না, যিনি আপনার মনকে স্বীয় বশে রাখিতে পারেন না, যিনি পাপ চিন্তা, পাপলাপ, পাপ অনুষ্ঠান দ্বারা সর্বদা অপবিত্র থাকেন; তিনি সংসারের কুটিল পথেতেই ভ্রমণ করেন, সংসারের পার যে অভয় ব্রহ্মপদ তাহা প্রাপ্ত হন না।

১৩৬

যিনি জ্ঞানবান্, স্ববশ ও সর্বদা শুদ্ধচিত্ত, তিনি সেই ব্রহ্মপদ প্রাপ্ত হইয়েন, যাহা হইতে তাঁহার আর প্রচ্যুতি হয় না।

যিনি ধর্মকে আশ্রয় করিয়া বিশুদ্ধ-চিত্ত হইয়েন, ধর্ম তাঁহার পরম বন্ধু হইয়া তাঁহাকে ব্রহ্ম রূপ নিকেতনে লইয়া যান, যেখানে থাকিয়া তাঁহার উন্নতি ও আনন্দের আর শেষ হয় না।

১৩৭

বিজ্ঞান যাহার সারথি ও মনোকর্প রজ্জু যাহার বশীভূত, তিনি সংসার পার সর্বব্যাপী

পরব্রহ্মের পরম স্থান প্রাপ্ত হইলেন।

যিনি আপনার মনকে জ্ঞান ও ধর্মের বশীভূত করেন, তিনি সংসারের দুর্জয় মোহ হইতে মুক্ত হইয়া সর্বব্যাপী পরব্রহ্মকে লাভ করেন।

১৩৮

দুর্ভুক্তি অজ্ঞান ব্যক্তির।  
সেই সমুদায় লোক প্রাপ্ত হয়,  
যে সকল লোক আনন্দশূন্য এবং  
নিবিড় অন্ধকারে আবৃত।

যাহারা এই ভুলোকে জ্ঞান ও ধর্ম উপার্জন করিতে অসমর্থ হইয়া পবিত্র ব্রহ্মানন্দ উপভোগ না করিলে, তাহারা মৃত্যুর পরে তাহা লাভ করিবার অধিকারী হইল না। যে অনুসারে এখানে ব্রহ্মানন্দ উপভোগ হইবেক, সেই অনুসারে তাহারদিগের উৎকৃষ্ট গতি হইবেক। অতএব এখানে থাকিয়াই পবিত্র হইয়া ঈশ্বরের সহিত সম্বন্ধ নিবন্ধ করিবেক; উৎকৃষ্ট গতি প্রাপ্ত হইবার আর অন্য উপায় নাই।

ইতি প্রথমখণ্ডে পঞ্চদশ অধ্যায়।

—o—

বৈদিক ধর্ম ও বৈদিক আচার  
ব্যবহার।

২২১ সংখ্যক পত্রিকার ৭৮ পৃষ্ঠার পর।

বেদের সংহিতা ও ব্রাহ্মণ-খণ্ড এবং  
উপনিষদ সকলের সংক্ষেপ বিবরণ পূর্বে  
উল্লিখিত হইয়াছে (১) বেদ শব্দে কেবল

(১) পাঠকগণের স্মরণ থাকিবেক যে আমরা সমুদায় বৈদিক গ্রন্থকে তাহাদের তাৎপর্য রচনা প্রণালী এবং রচনার সম্ভাবিত সময় অনুসারে চারি শ্রেণীতে বিভাগ করিয়াছি, যথা: ছন্দঃ কণ্ঠ, মন্ত্র কণ্ঠ, ব্রাহ্মণ কণ্ঠ এবং সূত্র কণ্ঠ। তন্মধ্যে প্রথম তিন শ্রেণীর গ্রন্থ সমষ্টিতে বেদ কহে, অবশিষ্ট সূত্র গণ্ড সকল বেদ সম্বন্ধীয় বটে কিন্তু তাহারা মনুষ্য রচিত সূত্রগণ্ড বেদের ন্যায় প্রামাণ্য নহে।

এই কয়েকটিই বুঝায় এতদ্ভিন্ন বৈদিক সময়ের যে সকল গ্রন্থ আছে তাহারা বেদের অন্তর্গত নহে। বৈদিক সংহিতা ব্রাহ্মণ এবং উপনিষদ ইহাদিগের আর একটি নাম শ্রুতি, কারণ হিন্দু শাস্ত্র মতে তৎসমুদায় মনুষ্য কর্তৃক রচিত হয় নাই, তাহারা চির স্থায়ী এবং গুরু শিষ্য পরম্পরায় কেবল “শ্রুত” হইয়া আসিয়াছে। শ্রুতির প্রমাণ সর্বাঙ্গের শ্রেষ্ঠ ও আদরণীয় এবং শ্রুতির বিরোধী যে কোন গ্রন্থ যে কোন মত তাহা সহস্র তর্ক প্রমাণেও গ্রাহ্য হইতে পারে না। বেদ ভিন্ন বৈদিক সময়ে আর যে সকল গ্রন্থ প্রচলিত ছিল, তাহারা সামান্যতঃ সূত্র নামেই উক্ত হয় (২) এবং এই সমস্ত গ্রন্থকে এই প্রস্তাবে সূত্র কণ্ঠের মধ্যে পরিগণিত করা গিয়াছে। বৈদিক সময়ের ইতিহাস সম্বন্ধে সূত্র কণ্ঠ বিশেষ প্রয়োজনীয়, ইহা বৈদিক ও তৎপরবর্ত্তি সময়ের সন্ধি স্থল, ইহাই হিন্দু সমাজের বিশেষ পরিবর্তনের সময়, সূত্র গ্রন্থ সমূহে কেবল বেদ সম্বন্ধীয় এবং বৈদিক সময় প্রচলিত সমস্ত বিদ্যা ও শাস্ত্রের নারাংশ প্রকটিত হইয়াছে। সংহিতা ও ব্রাহ্মণ সকলের দুর্ভার্থ এবং তাৎপর্য প্রকাশ, বিবিধ যাগ যজ্ঞাদির বিবরণ ও তদনুষ্ঠানের নিয়ম, বৈদিক আচার পদ্ধতি ও তৎসংক্রান্ত বিধি ও নিষেধ, ভিন্ন ভিন্ন বৈদিক শাখার প্রচলিত কুল ধর্ম ও অনুষ্ঠানাদির প্রভেদ— এই সমুদায়ই সূত্র সকলে বিস্তারিত রূপে বিবৃত হইয়াছে। সূত্ররাং বেদের সংহিতা এবং ব্রাহ্মণ ভাগের রচনা ও প্রচার হইলে পর যে সূত্র সকল রচিত হইয়াছে, তাহা তাহাদের লেখা ও তদন্তর্গত বিবরণ দ্বারা প্রকাশ পায়। সূত্র সকলের রচনা প্রণালী

(২) যথা কণ্ঠ মন্ত্র, শ্রৌত সূত্র, কাত্যায়ন সূত্র, গৃহ সূত্র ইত্যাদি।

বেদের রচনা হইতে অনেকাংশেই ভিন্ন। বেদের রচনা প্রায় অসংবদ্ধ ও বাহুল্য, সূত্র গ্রন্থ সকল সংক্ষিপ্ত ও সুপ্রণালীবদ্ধ এবং অধিকাংশ আনুপূর্বিক ক্ষুদ্র ক্ষুদ্র সূত্রেতেই প্রণীত। এই প্রকার সংক্ষেপোক্তি এবং বহুবিধ পারিভাষিক শব্দের প্রয়োগেই সূত্র গ্রন্থ সকল সাতিশয় দুর্ভহ ও দুর্বোধ্য হইয়াছে। যাহারা মুক্তবোধ বা অপার কোন সংস্কৃত ব্যাকরণ পাঠ করিয়াছেন, তাহারা এই সকল বেদ সম্বন্ধীয় গ্রন্থের রচনা পদ্ধতির আভাষ বুঝিতে পারিবেন।

সূত্র গ্রন্থ সকলও স্মৃতি (৩) নামে উক্ত হইয়াছে, কারণ তৎসমুদায়েতে কেবল বহুকাল প্রচলিত আচার পদ্ধতি ও সামাজিক নিয়মাবলী এবং বিবিধ বিদ্যা বিষয়ক কথা সংকলিত হইয়াছে, তাহাতে নূতন কথা কিছুই নাই। এক্ষণে আমরা স্মৃতি শব্দ শুদ্ধ মর্মাধি প্রণীত ধর্ম শাস্ত্রেই প্রয়োগ করিয়া থাকি, কিন্তু এই সকল ধর্ম শাস্ত্র বৈদিক সূত্র সকল হইতেই রচিত হইয়াছে, এই হেতু পূর্বে বেদ ভিন্ন বেদ মূলক ও বেদ শাস্ত্রানুযায়ী সমুদায় গ্রন্থই স্মৃতি শব্দে উক্ত হইত (৪)। বৈদিক সূত্র

(৩) পূর্বে বিজ্ঞানবিষয়ঃ বিজ্ঞানঃ স্মৃতিশব্দে।  
পূর্বে বিজ্ঞানবিদ্যা বিনা তস্যঃ প্রামাণ্যং নাবধর্য্যতে ॥  
কুমারিল।

পূর্বে জ্ঞান বিষয়ের জ্ঞানকেই স্মৃতি কহে। অতএব পূর্বে জ্ঞান বিনা স্মৃতির প্রামাণ্য অবধারণ করা যায় না। সূত্র সকলও যে পূর্বে স্মৃতি শব্দে উক্ত হইত তাহার প্রমাণ কুমারিলের গ্রন্থেই প্রাপ্ত হওয়া যায়। তিনি কহেন যে যদিও সামান্য বেদান্ত স্মৃতি নামে উক্ত হয় না তথাপি তাহাকে ধর্মশাস্ত্র সকলের ন্যায় ও স্মৃতি শব্দে উল্লেখ করা যায়। তদ্যথা  
স্মৃতিত্বং জ্ঞানানাং ধর্ম সূত্রানাং চাবিশিষ্টং।  
যদ্যপি স্মৃতিশব্দেন নাস্ত্যনামভিধেয়তা।  
তথা পোষ্যাং ন শাস্ত্রপ্রমাণত্বমিহা ক্রিয়া ॥  
অপর মহাদেব হিরণ্যকেশী সূত্রের টীকায় কহিয়াছেন।  
সূত্রেষু স্মৃতিত্বং স্মৃত্যধিকরণে স্থিতং। তৎসূত্রকার-  
ণৈবোক্তং ন্যায়বিৎসময়ইতি মীমাংসা! সিদ্ধান্তস্বীকার  
দর্শনেন ॥

(৪) প্রাচীনতর বৈদিক গ্রন্থ মধ্যে স্মৃতি শব্দ তৈত্তিরীয় আরণ্যকেই প্রথম দৃষ্টি হয় যথা।

সকল ভাবার্থ, তাৎপর্য এবং প্রয়োজন ভেদে ত্রিবিধ শ্রেণীতে বিভক্ত হইয়াছে। যথা গৃহ সূত্র, শ্রৌত সূত্র এবং সাময়াচারিক বা ধর্ম সূত্র। গৃহ সূত্রের অন্তর্গত গৃহ ধর্ম এবং জন্মাবধি বিবাহ পর্য্যন্ত বিবিধ সংস্কার বিধি উল্লিখিত হইয়াছে। শ্রৌত সূত্রে যাগ যজ্ঞাদি অনুষ্ঠানের পদ্ধতি বিবৃত হইয়াছে, এবং সাময়াচারিক সূত্রে ধর্মজ্ঞদিগের প্রামাণ্য ও সেবিত প্রচলিত রীতি নীতি এবং সামাজিক আচার ব্যবহার প্রণালী সংক্রান্ত বিধি নিয়ম ও নিষেধ প্রদর্শিত হইয়াছে(৫)। গৃহ এবং শ্রৌত সূত্রানুসারে বেদ বিহিত কর্ম কাণ্ড অনুষ্ঠিত হয় এবং এই সকল বৈদিক কর্ম গৃহের অনুমোদিত হইলে পিতা পুত্রের জন্য অনুষ্ঠান করিবেন এবং শ্রৌত সূত্রের অন্তর্গত হইলে পুরোহিতের দ্বারা কৃত হইবেক। সাময়াচারিক সূত্রে সমুদায় আচার ও সামাজিক কর্তব্যাকর্তব্য বিষয়ক বিবরণ প্রাপ্ত হওয়া যায়। ব্রহ্মচারী গৃহস্থাদি বিবিধ আশ্রমের কি প্রকার নিয়ম ও আচার পদ্ধতি, বিবাহিত ব্যক্তির কি কি কর্তব্য, দায়াদি বিভাগ ও প্রাপ্তির ব্যবস্থা, রাজনীতি বিচার বিধি এই সমুদায় বিস্তারিত রূপে ধর্ম সূত্রে উল্লিখিত হইয়াছে এবং এই

স্মৃতিঃ প্রত্যক্ষতমিত্যনুমানশচতুর্কটয়ং।

স্মৃতি শব্দে প্রত্যক্ষ (অর্থাৎ শ্রুতি গ্রাহ্য বেদ) ঐতিহ্য (অর্থাৎ ইতিহাসাদি) অনুময় (অর্থাৎ শ্রুতি মূলক মর্মাধি শাস্ত্র) এবং আনুমান (অর্থাৎ শিষ্টদিগের আচার) এই চারি বিষয়কেই বুঝায়।  
শ্রুতি ও স্মৃতির প্রভেদ অতি প্রাচীন কালাবধিই স্থাপিত হইয়া আসিয়াছে।

(৫) প্রয়োগ বৈজয়ন্তী নামক গ্রন্থে ধর্ম ত্রিবিধ প্রকার বলিয়া উক্ত হইয়াছে। যথা  
তৈঃ প্রত্যেকং মিতোধর্মক্রিধঃ পরিকীর্তিতঃ। অনে-  
টনবাতিপ্রায়েণাহ বৌধায়নঃ। উপরিতোধর্মঃ শ্রুতিবে-  
দং তস্যানুব্যখ্যাস্যামঃ। স্মার্তোদিভীয়ঃ। শিষ্টাচার-  
সু ভীয়ঃ  
বৌধায়ন কহেন যে শ্রেষ্ঠ ধর্ম বেদেতে উক্ত হইয়াছে তাহারই আমরা সকল ব্যাখ্যাতে অনুসরণ করিব। তাহার পর স্মৃতি উল্লিখিত ধর্ম। তৎ পশ্চাৎ শিষ্টদিগের আচার।

সকল সূত্র হইতেই প্রাচীন হিন্দুসমাজের প্রকৃত অবস্থা বিশেষ রূপে জ্ঞাত হওয়া যাইতে পারে। কিন্তু চূর্ভাগ্যক্রমে সাম-  
য়াচারিক সূত্রের অধিকাংশই অপ্রচলিত ও লোপাপত্তি হইয়াগিয়াছে। ভিন্ন ভিন্ন বৈদিক শাখার ভিন্ন ভিন্ন সূত্র সকল প্রচ-  
লিত ছিল এবং এই সকল সূত্র হইতেই মন্ত্রাদি স্মৃতি সংকলিত হইয়াছে। এক্ষণে তৈত্তিরীয় যজুর্বেদের আপস্তম্বকৃত এবং সামবেদের গৌতমকৃত ধর্ম সূত্রের কয়-  
দংশই প্রাপ্ত হওয়া যায়। অপর বাসিষ্ঠ ধর্মশাস্ত্রের কোন কোন ভাগও এই সকল প্রাচীন ধর্মসূত্রেরই অন্তর্গত।

সূত্র গ্রন্থ সমূহের মধ্যে ছয় বেদাঙ্গই সর্ক প্রধান এবং প্রামাণ্য। এই ষড় বে-  
দাঙ্গ শব্দে যে ছয় খানি ভিন্ন ভিন্ন গ্রন্থ বুঝায় এমত নহে কিন্তু বেদ অধ্যয়ন এবং বেদার্থ সম্পূর্ণ রূপে বোধগম্য ও অনুধাবন করিতে হইলে ছয়টি ভিন্ন ভিন্ন বিষয়ের জ্ঞান লাভ করা আবশ্যিক, যথা শিক্ষা, ছন্দঃ, নিরুক্ত, ব্যাকরণ, কল্প এবং জ্যোতিষ। কোন ভাষা শিক্ষা করিতে হইলে যেমন তাহার ব্যাকরণ ও শব্দার্থ জানা আবশ্যিক, সেই রূপ বেদাধ্যয়ন করিতে গেলে এই কয়েকটি শাস্ত্র শিক্ষা করিতে হয়, ইহারা বেদার্থ জ্ঞানের দ্বার স্বরূপ এবং বেদাধ্যয়ন জন্য নিতান্ত প্রয়োজন জানিয়াই প্রাচীন ঋষিগণ ইহাদের বেদাঙ্গ নাম প্রদান করিয়াছেন। মনু বেদাঙ্গ সমূহকে প্রবচন শব্দে উল্লেখ করিয়াছেন (৬) কিন্তু অপরাপর গ্রন্থে বেদের ব্রাহ্মণ খণ্ডে

(৬) অগ্র্যঃ সর্কেষু বেদেষু সর্কপ্রবচনেষু চ।

মনু—৩—১৮৪

প্রবচনশব্দে বেদার্থভিত্তিতে প্রবচনান্য-  
স্মানি ॥ ইতি কুল্লুকভট্টঃ ॥

যদ্বারা বেদার্থ প্রকৃষ্ট রূপে উক্ত হয় তাহার নাম প্রবচন অর্থাৎ বেদাঙ্গ।

ও প্রবচন নাম প্রযুক্ত হইয়াছে (৭) বৃহ-  
দারণ্যকের মতে বেদাঙ্গ, ইতিহাস ও পুরা-  
ণের ন্যায় (৮) আদৌ ব্রাহ্মণ খণ্ডেরই অংশ ছিল। বাস্তবিক ব্রাহ্মণ খণ্ডে বিবিধ উপাখ্যান ও ইতিহাস কথা এবং সৃষ্টির বিবরণ যেমন ইতিহাস ও পুরাণ নামে উক্ত হইয়া থাকে, সেই রূপ তদন্তর্গত ছন্দঃ শ্লোক, সূত্র, ও ব্যাখ্যানের পরিচয় এবং বেদের অপরাপর খণ্ডের অর্থবাদ বিষয়ক অধ্যায় সমূহকেই বেদাঙ্গ বহিত। পরে ভিন্ন ভিন্ন গ্রন্থকার এই সকল অঙ্গ বাছল্য করিয়া স্বতন্ত্র রূপে ভিন্ন ভিন্ন গ্রন্থে লিখিয়াছেন। ষড় বেদাঙ্গের প্রথম উল্লেখ সামবেদের ব্রাহ্মণ ভাগে দৃষ্ট হয় কিন্তু তথায় ছয় অঙ্গের ভিন্ন ভিন্ন নাম উক্ত হয় নাই।

চত্বারোহস্য বেদাঃ শরীরং ষড়ঙ্গান্যঙ্গানি।  
ওষধিবনস্পত্যলোমানি।

৩ ব্রা—৪—৭

চতুর্বেদ তাঁহার (অর্থাৎ স্বাহার) শরীর এবং ষড় বেদাঙ্গ তাঁহার অঙ্গ, ওষধি ও বনস্পতি তাঁহার লোম।

কিন্তু বেদাঙ্গ অতি প্রাচীন কালাবধি যে স্বতন্ত্র, নিতান্ত প্রয়োজনীয় শাস্ত্র, সূত্রাং অবশ্য জেয় বলিয়া পরিগণিত হইয়া আসিয়াছে, তাহার সন্দেহ নাই (৯) ছয়

(৭) কালবাচিনানপি প্রবচনবিকিতঃ স্বরঃ স্বাধ্যায়ে।  
টীকা—প্রবচন শব্দে ব্রাহ্মণসূত্র্যতে। প্রোচ্যত ইতি প্র-  
বচনং ॥

প্রবচন শব্দে ব্রাহ্মণ কারণ যাজ্ঞ প্রোক্ত তাহাকেই প্রবচন কহে।

(৮) বৈদিক গ্রন্থ সকলে ইতিহাস ও পুরাণের নাম যে প্রাপ্ত হওয়া যায় তাহার এক্ষণকার প্রচলিত পুরাণ গ্রন্থ সকল বুঝায় না ইহারা অপেক্ষাকৃত আধুনিক এবং বৈদিক সময়ের অনেক পরে রচিত হয়। বেদের ব্রাহ্মণ খণ্ডের মধ্যে যে সকল উপাখ্যান আছে তাহারাই বৈদিক গ্রন্থে ইতিহাস ও পুরাণ নামে উক্ত হইয়াছে।

(৯) যস্মাৎ কেবলবেদবাক্যান শক্যতেহনুষ্ঠাভুৎ  
বিক্ষিপ্তদ্বাদেদবাক্যানাং গৃঢ়ার্থস্বাক্ষ অতঃ কবিভিরাচা-  
র্থাৎ বেদার্থকুশলকর্মেদার্থভ্যো নিরুক্ত্য কর্মার্থং সূত্রা-  
ববোধানীমানি বিদ্যাস্থানানি প্রবর্ত্তিতানি। শিক্ষা কল্পে

বেদাঙ্গের মধ্যে শিক্ষা এবং ছন্দেতে বে-  
দের প্রকৃত রূপে শুদ্ধ উচ্চারণ এবং উদা-  
ত্তানুদাত্তাদি আবৃত্তির নিয়ম এবং বৈদিক  
সূত্র সমূহের ছন্দের পরিচয় বিবৃত হই-  
য়াছে। ব্যাকরণ এবং নিরুক্তে দুইই ও  
অপ্রচলিত শব্দের অর্থ প্রকাশিত এবং বৈ-  
দিক রচনা ও ভাষার প্রকৃতি প্রদর্শিত হই-  
য়াছে, এবং অবশিষ্ট কল্প ও জ্যোতিষে  
যজ্ঞাদির বিবরণ ও যজ্ঞানুষ্ঠানের প্রশস্ত  
কাল ও নিয়ম নিরূপিত হইয়াছে।

পশ্চাতে এ ধাঁড়ক্রমে বেদাঙ্গ সকলের  
সংক্ষেপ বৃত্তান্ত প্রদর্শিত হইল।

শিক্ষা।—সায়নাচার্যের মতে যাহার  
দ্বারা উচ্চারণ ও মাত্রাদি জ্ঞাত হওয়া যায়  
তাহার নাম শিক্ষা। শিক্ষা সম্বন্ধীয় নিয়-  
মাদি আদৌ কেবল বেদের ব্রাহ্মণখণ্ডেতেই  
উল্লিখিত ছিল। তৈত্তিরীয় আরণ্যকে  
শিক্ষাধ্যায় নামে একটি স্বতন্ত্র অধ্যায়  
আছে, তাহাতে আনুপূর্বিক বর্ণ, মাত্রা, ও বর্ণ  
সকলের উচ্চারণ স্থান, সাম অর্থাৎ আবৃ-  
ত্তির মাধুর্য ইত্যাদি এক একটি বিষয়  
বিশেষ করিয়া বিবৃত হইয়াছে। কিন্তু  
পরে শিক্ষা বিষয়ক বিশেষ বিশেষ সূত্র-  
ণালীবদ্ধ গ্রন্থ সকল রচিত হওয়াতেই  
ব্রাহ্মণোক্ত প্রাচীন নিয়ম সকল অপ্রচলিত  
হইয়াগিয়াছে। এই সকল নূতন শিক্ষা  
গ্রন্থের নাম প্রাতিশাখ্য (১০)। পূর্বে উক্ত হই-

ব্যাকরণং নিরুক্তং ছন্দোনাতিষমিতি ধর্মশাস্ত্রং পুরাণং  
ন্যায়বিশ্বরোমীনাংসাদীনি।

শাকল প্রাতিশাখ্য টীকা।

যেহেতু বেদ বাক্য অতি বিস্তৃত ও দুরূহার্থক সূত্রাং  
তদ্বারা সকলে অনুষ্ঠান করিতে সমর্থ নহে এই জন্য ক-  
বিগণ বেদপারগ পণ্ডিতগণ বেদার্থ সংগ্রহ পূর্বক সংক্ষে-  
পে এই সকল বিদ্যার প্রচার করিয়াছেন যথা শিক্ষাকল্পে  
ব্যাকরণ নিরুক্ত ছন্দঃ জ্যোতিষ ধর্মশাস্ত্র পুরাণ ন্যায়  
এবং মীমাংসা।

(১০) যে সকল শিক্ষা বিষয়ক গ্রন্থ অদ্যাপি প্রাপ্ত  
হওয়া গিয়াছে তাহাদের নাম পশ্চাতে প্রকাশিত হইল।

১। ঋগ্বেদের শাকল শাখাস্তর্গত শৌনক কৃত শাকল  
প্রাতিশাখ্য।

য়াছে যে বৈদিক ঋষিগণ ভিন্ন ভিন্ন চরণ  
বা শ্রেণীতে বিভক্ত ছিল, এই সকল বিভিন্ন  
শ্রেণীতে বেদ স্বতন্ত্র রূপে পুরুষানুক্রমে  
গুরু শিষ্য পরম্পরায় শিক্ষিত ও সংরক্ষিত  
হইয়া আসিত, কিন্তু বেদ লিপিবদ্ধ না থাকাতে  
কাল ক্রমে ভিন্ন ভিন্ন শ্রেণীতে স্থানে স্থানে  
উচ্চারণ ও আবৃত্তির বিশেষ বৈলক্ষণ্য হই-  
য়াছিল, এই হেতু বেদের একই খণ্ড ভিন্ন  
ভিন্ন শাখায় ভিন্ন ভিন্ন প্রকারে উচ্চারিত  
হইত এবং কখন কখন তাহাতে বিভিন্ন  
অর্থও আরোপিত হইত। এই নিমিত্ত ভিন্ন  
ভিন্ন বৈদিক শাখার ভিন্ন ভিন্ন প্রাতিশাখ্য  
রচিত হইয়াছিল। এই রূপে এক এক  
বেদের যত শাখা আছে, আদৌ তত গুলি  
প্রাতিশাখ্যও প্রচলিত ছিল।

ছন্দঃ।—ছন্দঃ গ্রন্থে বৈদিক ছন্দঃ সক-  
লের লক্ষণ এবং তাহাদের মাত্রাদির পরিচয়  
এবং বিশেষ বিশেষ নাম উল্লিখিত হইয়াছে।  
বেদের সংহিতা ভাগ সমুদায়ই ছন্দে রচিত,  
কিন্তু বৈদিক ছন্দঃ অপর কোন গ্রন্থে প্রাপ্ত  
হওয়া যায় না। বেদের ব্রাহ্মণ এবং আর-  
ণ্যক খণ্ডে বৈদিক ছন্দ বিষয়ে অনেক  
কথা উল্লিখিত হইয়াছে, কিন্তু তদ্বারা ছ-  
ন্দের কোন বিশেষ জ্ঞান লাভ হয় না।  
ছন্দ বিষয়ে পিঙ্গল-নাগের রচিত গ্রন্থই  
অতি প্রসিদ্ধ কিন্তু তাহা অপেক্ষাকৃত আ-  
ধুনিক এবং কোন কোন মতে পিঙ্গলনাগ  
পাণিনি ভাষ্যকার পাতঞ্জলের আর একটি  
নাম মাত্র, সূত্রাং পাণিনি রচনার পর উক্ত  
ছন্দ গ্রন্থ রচিত হইয়াছে।

ব্যাকরণ।—হিন্দুগণ অতি প্রাচীন কা-  
লাবধি ব্যাকরণ শাস্ত্রের প্রতি বিশেষ

২। যজুর্বেদের অন্তর্গত তৈত্তিরীয় প্রাতিশাখ্য। ইহা  
কোন শাখার তাহা নিরূপিত হয় না।

৩। কাত্যায়ন কৃত মাধ্যমিন প্রাতিশাখ্য এই খানি  
বাজসনেয়ী শ্রেণীর একটি শাখার।

৪। অথর্কবেদ সম্বন্ধীয় চাচুরাধায়িক প্রাতিশাখ্য।  
সামবেদের কোন প্রাতিশাখ্য অদ্যাপি দৃষ্ট হয় না।

যন্ত্র ও মনোযোগ প্রদর্শন করিয়াছেন। সংস্কৃত ভাষার গঠন এবং তাহার নিগূঢ় তত্ত্ব নিরূপণ করা তাহাদের একটি অতি প্রিয়তম কার্য ছিল এবং এই রূপ অনেক পরিশ্রমে ও সংগ্রহ দ্বারা অল্পে অল্পে সংস্কৃত ব্যাকরণের ভূয়সী সৌন্দর্য হইয়াছে। সংস্কৃত ব্যাকরণে যে রূপ পারিপাট্য ও রচনা কৌশল প্রদর্শিত হইয়াছে, এমত আর অন্য কোন ভাষার ব্যাকরণে দেখা যায় না। সংস্কৃত ভাষায় এমত কোন শব্দ বা ধাতু নাই যাহারা বিভিন্ন রূপ ব্যাকরণের নিয়মে সাধ্য না হইতে পারে। ইহাতে বিস্তীর্ণ সংস্কৃত ভাষার সমগ্র শব্দ সমগ্র ধাতু সমগ্র সমান এবং তদ্ধিতার্থ বিবৃত হইয়াছে। এক্ষণকার প্রচলিত সংস্কৃত হইতে বেদের প্রাচীন ভাষার অনেকাংশে বিশেষ প্রভেদ দৃষ্ট হয়। যে সকল সংস্কৃত ব্যাকরণ এক্ষণে প্রচলিত আছে, তাহার মধ্যে পাণিনি ভিন্ন আর কোন গ্রন্থেই বৈদিক সংস্কৃতের পরিচয় প্রাপ্ত হওয়া যায় না। অনেকে পাণনিকেই সর্ব প্রাচীন ব্যাকরণ বলিয়া জানেন কিন্তু পাণিনিরও পূর্বে বৈদিক ভাষা সংক্রান্ত ভিন্ন ভিন্ন গ্রন্থ প্রণীত হইয়াছিল। সেই সকল গ্রন্থ হইতেই পাণিনি নিজ ব্যাকরণের অনেকাংশ সংকলন এবং পরিণত করিয়াছেন। কিন্তু পাণিনির অগ্রে সমগ্র ব্যাকরণ শাস্ত্র বোধ হয় কেহই সম্পূর্ণ রূপে সংগ্রহ এবং সুপ্রণালীবদ্ধ করে নাই। এই হেতু বেদান্তের অন্তর্গত ব্যাকরণ শাস্ত্রের শেষ এবং প্রধান গৃহ্যই পাণিনি (১১) পাণিনির

(১১) ইহা প্রসিদ্ধ আছে পাণিনির পূর্বে মাহেশ নামক অতি বিস্তীর্ণ ব্যাকরণ রচিত হইয়াছিল কিন্তু তাহা লোপাপত্তি হইয়াছে। এ কথাই কোন প্রাণিক মূল প্রাপ্ত হওয়া যায় না। পাণিনির অগ্রে যদি এই নামের কোন ব্যাকরণ থাকিত তাহা হইলে বৈদিক ও অপরাপর প্রাচীন গ্রন্থ তাহার কোন না কোন উল্লেখ থাকিত কিন্তু তাহা অদ্যাপি পণ্ডিতগণ প্রাপ্ত হন নাই। যদি কেহ

অগ্রে ব্যাকরণ শাস্ত্র বিষয়ক যে যে গৃহ্য রচিত হইয়াছিল, তাহার মধ্যে উণাদি সূত্র এবং শান্তনাচার্য্য কৃত কীটসূত্রই প্রধান। উণাদি সূত্রে ধাতুর উত্তর উণাদি বিবিধ প্রত্যয় হইয়া কি রূপে পদ সকল উৎপন্ন হয় তাহার প্রকরণ উল্লিখিত হইয়াছে। এবং কীট সূত্রে হ্রস্ব দীর্ঘ প্লুতাদির বিধি উক্ত হইয়াছে।

নিরুক্ত।—নিরুক্ত (১২) শাস্ত্রে বেদের অন্তর্গত শব্দ ও পদ সকল সংকলিত এবং তাহাদের অর্থ ও মূল ধাতু নিরূপিত হইয়াছে। ব্যাকরণে যেমন পাণিনির গ্রন্থ সর্ব প্রধান, সেই রূপ নিরুক্ত শাস্ত্রে যাক্কৃত নিরুক্তই উৎকৃষ্ট ও সুপ্রসিদ্ধ ইহা কেবল বেদ সম্বন্ধীয়। এই গ্রন্থ তিন প্রকরণে বিভক্ত হইয়াছে। ইহার প্রথম প্রকরণের নাম নৈঘণ্টুক, দ্বিতীয়ের নাম নৈগম এবং তৃতীয়ের নাম দৈবত (১৩) যে কোন গ্রন্থে সমানার্থ বিবিধ শব্দ ও পদের পরিচয় প্রাপ্ত হওয়া যায়, তাহাকে সামান্যত নৈঘণ্টু কহে। এই হেতু অমর সিংহ হলায়ুধ বৈজয়ন্তী ইত্যাদি গ্রন্থকার কৃত অভিধানও এই নামে উক্ত হয়। নিরুক্তের নৈঘণ্টুকে এই রূপে বিবিধ শব্দ তিনটি শ্রেণীতে সংকলিত হইয়াছে, যথা প্রথম শ্রেণীতে স্বর্গ মর্ত্য পাতালস্থ কাল এবং আকাশ সম্বন্ধীয় শব্দ সকল। দ্বিতীয় শ্রেণীতে মনুষ্য এবং তৎকার্য্য সম্বন্ধীয়

কোন পুরাতন গ্রন্থ হইতে এই বিষয়ের উল্লেখ দেখাইতে পারেন তাহা হইলে আমরা বাধিত হইব।

(১২) নিরুক্ত অর্থ্যে যাহার দ্বারা শব্দার্থ উক্ত হয়। শব্দরূপক্রমধৃত কাশিকারূতির একটি শ্লোকে নিরুক্তের অর্থ প্রদত্ত হইয়াছে।

বর্গাগমে বর্গবিপর্য্যয়শ্চ ছৌ চাপরৌ বর্গবিকার নাশৌ ধাতোস্তদর্থ্যতিশয়েন যোগস্তদুচ্যতে পঞ্চবিধং নিরুক্তং। নিরুক্তে পঞ্চবিধ বিষয়ের উল্লেখ আছে, বর্গাগম বর্গ বিপর্য্যয় বর্গ বিকার ও নাশ এবং ধাতুর্থ।

(১৩) তানোভানি ত্রিনি প্রকরণানি নৈঘণ্টুকনৈগমপদিকং দৈবতমিতি। অর্থাৎ প্রকরণ ত্রয় প্রকরণ সমবহিতং নৈরুক্ত শাস্ত্রমিতি।

শব্দ সকল। তৃতীয়ে সমুদায় গুণ বাচক শব্দ ক্রমে উল্লিখিত হইয়াছে। নিগম শব্দের অর্থ বেদ। যাক্ক দ্বিতীয় প্রকরণে বিশেষ রূপে বেদের অন্তর্গত শব্দ সকল সংগ্রহ করিয়াছেন এবং স্থানে স্থানে “ইতি নিগমঃ” বলিয়া বেদের বচন উদ্ধৃত করিয়াছেন, এই হেতু তিনি দ্বিতীয় প্রকরণের নাম নৈগম বলিয়া উক্ত করিয়াছেন। দৈবত প্রকরণে সমুদায় বৈদিক দেবতার নাম পার্থিব, আন্তরীক্ষ এবং আকাশস্থ এই তিন শ্রেণীতে সংগৃহীত হইয়াছে। যাক্কৃত নিরুক্তে অমর কোষাদি অভিধানের ন্যায় শব্দ সকল শ্লোকে সংবদ্ধ করা নাই কিন্তু তথাপি তাহাও অমর কোষের ন্যায় বেদাধ্যায়ীগণ কণ্ঠস্থ করিতেন। নিরুক্ত, পাণিনি এবং প্রাতিশাখ্য গ্রন্থ হইতে সংস্কৃত ভাষার প্রাচীন অবস্থা এবং ক্রমোন্নতি ও পরিবর্তনের বিষয় অতি সুন্দর রূপে জ্ঞাত হওয়া যায় এবং সংস্কৃত ব্যাকরণ শাস্ত্র কিরূপে ক্রমে ক্রমে সংরচিত হইয়াছে তাহারও বিশেষ পরিচয় প্রাপ্ত হওয়া যায়।

## বিজ্ঞান

### জন্তু বিজ্ঞান।

প্রথম ভাগ।

এই সুবিশাল বিশ্বরাজ্য এক অপূর্ণ চিত্রশালিকা স্বরূপ। ইহার চতুর্দিক অবলোকন করিলে, সেই অসীম শক্তি অদ্বিতীয় চিত্রকরের বিচিত্র কৌশল অনন্ত জ্ঞান ও অপার করুণার চিহ্ন আমাদের নয়ন পথে উদ্ভিত হইয়া অপার আনন্দ বিতরণ করে। অসীম আকাশে অগণ্য নক্ষত্র রাজী হীরক হারের ন্যায় কেমন দীপ্তি পাইতেছে; পৃথী পৃষ্ঠে নানাবিধ রূক্ষ লতাতির বিচিত্র

মনোহর শোভা নয়নকে তৃপ্ত করিতেছে। জলে স্থলে শূন্য পথে কত অসংখ্য জীব পরম সুখে বিচরণ করিয়া সেই সর্ব সুখদাতার মহিমা ঘোষণা করিতেছে। ধরা-তল জীব প্রবাহে পরিপূর্ণ, পৃথিবীর সকল স্থানেই বিবিধ জাতীয় জন্তু বাস করিতেছে, ইহাদের আকার প্রকার ও গঠনের কেমন বৈচিত্র্য। অতি ক্ষুদ্র কীট হইতে মনুষ্য পর্য্যন্ত জীবগণ কেমন আশ্চর্য্য শ্রেণীতে ক্রমশঃ উদ্ভিত হইয়াছে। কত কত জীব আছে যাহাদিগকে কোন যন্ত্র ব্যতীত সামান্য চক্ষে দৃষ্টি করা যায় না, এবং এমনও অনেক আছে যাহাদিগকে অদ্যাবধি কেহ আবিষ্কার করিতে পারে নাই।

অতএব এই বিচিত্র জীব মণ্ডলীর পর্য্যালোচনা ও তাহার বিবরণ অবগত হওয়া একটি আমাদের অপার জ্ঞান লাভের উপায়, বাস্তবিক প্রাণি মণ্ডলীর আকৃতি ও প্রকৃতি ও সংস্কার বিষয়ে জগদীশ্বরের যে প্রকার জ্ঞান গর্ভ কৌশল ও সূনিয়ম প্রদর্শিত হইয়াছে তাহার অনুধাবন করিলে বিস্ময় সাগরে মগ্ন হইতে হয়, এবং তাহার মহিমার অনন্ত দৃষ্টান্ত একেবারে জাজ্বল্য রূপে প্রত্যক্ষ হয়।

যে বিদ্যা দ্বারা জন্তুগণের গঠন স্বভাব এবং জাতিভেদের বিষয় অবগত হওয়া যায়, তাহাকেই জন্তু বিজ্ঞান কহে। এবং যিনি উক্ত রিদ্যায় বিশারদ তাহাকে জন্তু বিজ্ঞাতা বলা যায়।

নিখিল নাথ ব্রহ্মাণ্ড পতির বিশ্বরাজ্যের শাখা স্বরূপ এই প্রাণি রাজ্যের প্রতি দৃষ্টিপাত করিলে আপাতত বোধ হইবে যে স্থল জল বিহারী অসংখ্য জন্তুর অশেষ প্রকার আকার ও প্রকৃতির বিষয় পর্য্যালোচনা করিয়া তাহাদিগের জাতি ভেদ ও নাম নির্দিষ্ট করা নিতান্ত চূৎসাধ্য, কিন্তু



যেমন এক এক বিন্দু জল প্রস্রবণ হইতে বিনিঃসৃত ও সংমিলিত হইয়া পরিশেষে স্নগভীর স্রোতস্বতী রূপ ধারণ করে তদ্রূপ যাহা এক ব্যক্তির যত্নে সংসাধিত হওয়া সম্ভব নহে, অনেকের শ্রম সমষ্টিতে তাহা অনায়াসে সূচারূপে সম্পন্ন হইতে পারে। নানা দেশীয় স্তূপপিত্তগণের অনুসন্ধান, পরীক্ষা ও প্রযত্ন সহকারে অস্পে অস্পে এই প্রাণি বিদ্যার ক্রমশঃ ত্রীভূক্তি হইয়াছে, এবং এক্ষণে ইহা একটি অপূর্ব মনোহর জ্ঞান রত্নের ভাণ্ডার স্বরূপ হইয়াছে।

প্রাণি মণ্ডলীকে প্রথমতঃ প্রধান প্রধান শ্রেণীতে বিভাগ করিবার জন্য তাহাদিগের কোন বিশেষ ও সুস্পষ্ট প্রাকৃতিক লক্ষণের উপর নির্ভর করিতে হইবে। অদূরদর্শী লোকের নিকট এই বিভাগ অতি সহজ বোধ হইতে পারে—যেমন সকল পক্ষবিশিষ্ট আকাশ বিহারী জন্তু পক্ষী বলিয়া এবং সমুদায় শলক বিশিষ্ট জল বিহারী জন্তু মৎস্য বলিয়া আপাততঃ পরিগণিত হইতে পারে; কিন্তু কিঞ্চিৎ বিশেষ বিবেচনা করিয়া দেখিলে এ সিদ্ধান্ত ভ্রমাত্মক প্রতিপন্ন হইবে, যথা বাতুলি (বাতুল) এক প্রকার পক্ষ বিশিষ্ট এবং আকাশ বিহারী বলিয়া সাধারণ লোকে তাহাকে পক্ষী বলিয়া থাকে, কিন্তু বিহঙ্গের ন্যায় বাতুলি ডিম্ব প্রসব করে না প্রত্যুত বিড়ালদিগের ন্যায় সজীব শাবক প্রসব করণান্তর তাহাদিগকে স্তন্য পান করায়, সুতরাং তাহাকে পক্ষিজাতি মধ্যে সম্ভুক্ত করা নিতান্ত অসঙ্গত মনে হইবে। সেই রূপ সমুদ্র বাসী তিমিকে আপাততঃ মৎস্য বলিয়া বোধ হইবেক, কিন্তু বস্তৃতঃ তাহারা মৎস্য নহে। মৎস্যের হৃদয়ের দুইটি মাত্র প্রকোষ্ঠ, কিন্তু তিমির গবাদির ন্যায় চারিটি প্রকোষ্ঠ আছে; মৎস্য জল মধ্যে থাকিয়া ফুলকা দ্বারা শ্বসন কার্য সম্পন্ন করে, এবং তাহাদের শোণিত শীতল, তিমি মধ্যে মধ্যে জলোপরি ভাসমান হইয়া পশ্বাদির ন্যায় বায়ুকোষ দ্বারা শ্বাসক্রিয়া সম্পন্ন করিয়া থাকে, এবং তাহার শোণিত উষ্ণ; মৎস্য ডিম্ব প্রসব করে, এবং তৎসমুদায় প্রায় মাতার যত্ন বাতীত শাবক রূপে পরিণত হয়; তিমি সজীব শাবক প্রসব করিয়া তাহাদিগকে মাতৃ স্নেহের সহিত স্তন্যপান ও লালন পালন করে। সুতরাং বিশেষ বিবেচনা দ্বারা উপলব্ধি হইতেছে যে বাতুলি শূন্য উদ্ভিতে পারে বলিয়া পক্ষী নহে, ও জল নিবাস জন্মও তিমি মৎস্য নহে। ইহার প্রকৃতি অনেক

কাংশে স্বলচর পশুদিগের ন্যায় সুতরাং ইহা তাহাদের সহিত শ্রেণীবদ্ধ হইয়াছে।

অতএব স্পষ্ট প্রতীতি হইতেছে, যে শারীরিক গঠনই জন্তুদিগের জাতিভেদ করিবার প্রধান উপায়। কিন্তু কোন একটি বা কতকগুলি লক্ষণের উপর নির্ভর করিয়া অপর গুলিকে পরিভাগ করিলে আমাদের অতিপ্রায় সিদ্ধির সম্ভাবনা নাই তাহা হইলে শ্রেণী সকল অসম্পূর্ণ ও পরস্পর বিসম্বাদ যুক্ত হইবে। একারণ বাহ্যিক এবং আন্তরিক উভয় গঠনের প্রতিই লক্ষ্য করিতে হইবে, তাহা হইলেই আমাদের উদ্দেশ্য যে জন্তুগণের পরস্পর সম্বন্ধ প্রদর্শন করিয়া উপযুক্ত মত শ্রেণীবদ্ধ করা, তাহাতে সাধামত কৃতকার্য হওয়া যাইতে পারে।

লামাক নামক জৈনিক জন্তুবিৎ পণ্ডিত সমুদায় প্রাণি রাজ্যকে দুইটি মাত্র শাখায় বিভক্ত করিয়াছিলেন। যে সকল জন্তুর অস্থিময় পৃষ্ঠদণ্ড ও কেরোটি (Skull) আছে তাহাদিগকে মেরুদণ্ডী নামক শাখাস্তর্গত এবং যাহাদের পৃষ্ঠদণ্ড বা মেরুদণ্ড ও কেরোটি নাই তাহাদিগকে অমেরুদণ্ডী নামক দ্বিতীয় শাখাস্তর্গত করিয়াছিলেন। কুবিয়ার নামক প্রসিদ্ধ প্রাণিবেত্তা অমেরুদণ্ডী প্রাণিদিগকে শরীরস্থ ধামনিক পুঞ্জের প্রকারভেদে পুনরকার তিন শ্রেণীতে বিভক্ত করিয়াছেন। তাহার মতে সমস্ত প্রাণি মণ্ডলী চারিটি প্রধান শ্রেণীতে বিভক্ত, তন্মধ্যে একটি শ্রেণী মেরুদণ্ডী অপর ত্রয় অমেরুদণ্ডীর অন্তর্গত যথা;—

মেরুদণ্ডী ১। (অমেরুদণ্ডী জাতীয়) কোমল-শরীর ২। সপর্কী ৩। অংশুশিরা ৪।

এই সকল শ্রেণী আবার পুনর্বিভক্ত হইয়াছে। নিম্নস্থিত জাতি বিভাগ দৃষ্টি করিলে তিমি তিমি জাতি ও তাহাদের তিমি তিমি লক্ষণ স্পষ্ট হৃদগত হইবে।

মেরুদণ্ডী ও তাহার লক্ষণ।

মস্তিষ্ক, কাসর-মেহ, শিরাল পুঞ্জ, অস্থি

১। স্তন্যপায়ী।

লোহিত ও উষ্ণ শোণিত; হৃদয়ের ৪ প্রকোষ্ঠ; বায়ুকোষ; জরায়ুজ শরীর; রোমশ। ১৫০০ জাতি।

২। বিহঙ্গ। ৬০০০ জাতি।

লোহিত উষ্ণ শোণিত; হৃদয়ের ৪ প্রকোষ্ঠ, বায়ুকোষ, ডিম্বজ; শরীর পালথে অস্থিত, চক্ষু বিশিষ্ট।

৩। সরীসৃপ। ১৫০০ জাতি।

লোহিত শীতল শোণিত; ৩টি, হৃদয়ের প্রকোষ্ঠ বায়ুকোষ ও ফুলকাযুক্ত, ডিম্বজ, শরীর শলকা-রূত বা উলাঙ্গ।

৪। মীন। ৫০০ জাতি।

লোহিত শীতল শোণিত, হৃদয়ে ২টি প্রকোষ্ঠ একটি বামাস্ত গৃহ, এক দক্ষিণাস্ত গৃহ, ফুলকাশাসী ডিম্বজ, পত্র বা সস্তুরণ অঙ্গ বিশিষ্ট, শরীর শলকা-রূত।

অমেরুদণ্ডী।

মস্তিষ্ক, কসেরু, স্নেহ, অস্থি, লোহিত শোণিত শূন্য ৫। কোমল শরীর।

শরীর কোমল, সচ্ছিত্র, লাল যুক্ত, একটি বা ২ টি কচিনাবরণ, শিরাল পুঞ্জ।

৬। পতঙ্গ।

মস্তক ও বক্ষ পরস্পর অসংযুক্ত, শরীর পর্ক-যুক্ত, তিনযুগপদ দুইটি স্পর্শ শূক; চক্ষু বিশিষ্ট, অবস্থা পরিবর্তন।

৭। উর্গনাত।

বক্ষ ও মস্তক পরস্পর অতিম, অষ্টপদ, ৮। বর্ষধারী।

শরীর পর্কযুক্ত, দশ পদ, মুখাগ্রে দুইটি স্পর্শ, চক্ষু বিশিষ্ট, ফুলকা। শরীর বর্ষ সচূশ কচিন আবরণে আচ্ছাদিত।

৯। শুণ্ডপদী।

পর্কযুক্ত, সরস্বতনেত্র, ৬ ঘোড়াপা, মুখাগ্রে শুণ্ডাকার শিরা।

১০। অঙ্গুরীময়।

শরীর দীর্ঘ ও অঙ্গুরীযুক্ত, জলচর, ফুলকাশাসী ১১। অংশুশিরা।

শরীরের এক স্থানকে কেন্দ্র স্বরূপ করিয়া তাহার চতুর্দিকে স্ত্রীকার প্রত্যঙ্গ সকল অংশু রেখার ন্যায় বিকীর্ণ; সামুদ্রিক।

১২। পুরুভূজ।

শরীর লালায়ুক্ত ও কোমল, কাহার কাহার কচিন কঙ্কাল থাকে, মুখের চতুর্দিকে ভূজস্বরূপ অনেক স্পর্শ শূক আছে, ত্রণ হইতে উৎপত্তি।

১৩। পরাস্ত পুষ্টি।

কোমল স্বচ্ছ শরীর, বিভিন্ন আকারের মনুষ্যাদির দেহ মধ্যে বাস; পর্কযুক্ত, স্নেহাময়।

১৪। কাথপ্রিয়।

শরীর কোমল স্বচ্ছ, অনেক গুলি উদর কোষ্ঠ, শূক বিশিষ্ট।

এই রূপে সমুদায় জন্তু শ্রেণীকে উৎকৃষ্ট মনুষ্য হইতে সামান্য কীটাণু পর্যন্ত নানা জাতিতে বিভক্ত করা হইল। আমরা নিকট জাতি হইতে আরম্ভ করিয়া ক্রমশঃ উৎকৃষ্টতর শ্রেণীর পরিচয় প্রদান করিয়া পরিশেষে মনুষ্য জাতির সর্বোৎকৃষ্টতা সুস্পষ্ট প্রদর্শন করিবার মানসে সর্ব প্রথমে কীটাণুদিগের পর্যালোচনায় প্রবৃত্ত হইতেছি।

অংশু শিরাল বর্গ।

একটি তারকা মৎস্য লইয়া নিরীক্ষণ করিলে প্রতীয়মান হইবে যে তাহার শরীরের প্রত্যঙ্গ গুলি যে অংশু রেখার ন্যায় একটি কেন্দ্রের চতুর্দিকে বিকীর্ণ হইয়াছে; কোন কোন প্রাণির মুখের চতুর্দিকে কতিপয় সূক্ষ্ম সূত্র অংশু রেখার ন্যায় বিস্তারিত দেখা যায়। এই জাতীয় জন্তু মাত্রেরই ধামনিক পুঞ্জ বাহ্যাকৃতির ন্যায় অংশু শিরাল প্রকৃতি অদ্যাবধি আবিষ্কৃত হয় নাই, তথাপি তাহাদিগকে এই জাতি মধ্যে গণা করিতে হইবে। অংশু শিরাল বর্গকে চারিটি শাখায় বিভাগ করা হইয়াছে যথা;

১। আগুণীক্ষণিক, ২। পরাস্ত পুষ্টি, ৩। গিজ্রম বা পুরুভূজ, ৪। অংশু শিরাল।

১। আগুণীক্ষণিক।

যদি কোন জল পূর্ণ পাত্র কোন উদ্ভিজ্জ পদার্থ সংরক্ষিত করিয়া ঐ পাত্রকে আতপে সংস্থাপিত করা যায়, তাহা হইলে নয় দশ দিবস মধ্যেই ঐ পাত্রস্থিত জল কিঞ্চিৎ বিকৃত বোধ হইবে। এক্ষণে হইবার কারণ কি? একবিন্দু জল লইয়া অণুবীক্ষণ দ্বারা পরীক্ষা করিলেই প্রতিপন্ন হইবে যে তাহাতে অসংখ্য অসংখ্য ক্ষুদ্র জীব চপলতার সহিত ইতস্ততঃ সস্তুরণ করিয়া বেড়াইতেছে। কি আশ্চর্য্য এ সমস্ত জীব কোথা হইতে উৎপন্ন হইল। আমরা তাহাদিগের আকৃতির বিষয় আলোচনা করিয়া দেখিলে বিস্মিত হই। মনুষ্য দেহের শোণিতীয় পরমাণুকে ১৮০,০০ এক লক্ষ অশীতি সহস্র গুণে বর্দ্ধিত করিলে এই আনু-সঙ্গিক প্রতিকৃতির অপেক্ষা বৃহৎ হইবে না, কিন্তু ঐ সকল কীটাণু এমনি ক্ষুদ্র যে তাহাদিগের এক লক্ষ অশীতি সহস্রকে বর্তুলাকারে জড়িত করিয়া এক স্থানে রাখিলে ঐ চিত্র অপেক্ষাও অল্প স্থান আশ্রয় করিবে। অর্থাৎ একটি একটি কীটাণু এক এক শোণিত পরমাণু অপেক্ষাও কনিয়ান। বালিন দেশীয় কোন পণ্ডিত স্থির করিয়াছেন যে এই রূপ ২০০০ দ্বিসহস্র কীটাণুকে একত্রিত করিলে এক বুরুলের দ্বাদশাংশের একাংশ মাত্র পরিমাণ বিশিষ্ট হইবে, সুতরাং এই গণিতানুসারে এক বিন্দু মাত্র জলে প্রায় ৫০ কোটি কীটাণু বাস করিতে পারে, সমুদায় পৃথিবীর লোক সংখ্যা এই সংখ্যার প্রায় তুল্য। জগদীশ্বরের অসাধ্য কার্য্যই দৃষ্টি গোচর হয় না। এক বিন্দু জলকেও তিনি এক পৃথিবী তুল্য করিয়াছেন, একপ ক্ষুদ্রতম প্রাণিদিগকেও তিনি উপযুক্ত মত ইঞ্জিয়াদি প্রদান ও মুখস্বচ্ছন্দতা বিধান করিতেছেন। তিনি যে চমৎকার রূপে উহাদের জন্ম দিয়াছেন, তাহা চিন্তা করিলে বিস্ময় যুক্ত হইতে হয়। আঁহা

তাঁহাকে নির্ধিকার উদার স্বরূপ না বলিয়া আর কি বলা যাইতে পারে? এমন অদৃশ্য ক্ষুদ্রতম কীটগুণদিগকেও তিনি করুণা বিতরণে ক্ষান্ত হয়েন নাই, তাঁহার অক্ষয় প্রেম ভাঙার সকলের জন্য প্রমুক্ত রাখিয়াছেন। এই কীটগুণ জন্ম রক্তান্ত শ্রবণ করিলে সেই জগৎ প্রসবিতাকে অগণা ধন্য বাদ প্রদান করিতে হয়। আকাশময় উহাদের ডিম্ব কণা সকল বায়ু সহকারে ইতস্ততঃ বিক্ষিপ্ত হইয়া সঞ্চালিত হইয়া বেড়ায়। উহা এমনি সূক্ষ্ম যে এক বুরুলের ২৪,০০০,০০০ ছই কোটি চল্লিশ লক্ষ ভাগের এক ভাগ অপেক্ষাও ক্ষুদ্র, সুতরাং সামান্য চক্ষে দৃষ্ট হয় না। এই সকল সূক্ষ্ম ডিম্ব কণা স্থানে স্থানে পতিত হইয়া উপযুক্ত রসাদি পাইলেই প্রাণি রূপে পরিবর্তিত হয় এবং ঐ সমস্ত প্রাণি গলিত পদার্থ ভক্ষণ দ্বারা অত্যাঁপ কাল মধ্যে এত অধিক পরিবর্দ্ধিত হয় যে গুলিলে বিশ্বাস হওয়া মুকঠিন। কিন্তু ঐ গলিত পদার্থ বায়ু সংস্পর্শ হইতে না দিলে আর পূর্বমত একটা কীটগুণও দৃষ্ট হইবে না। উষ্ণ বায়ু সংস্পর্শে ও এবস্পৃকার হইবার সম্ভাবনা নাই, তন্মিহিত ঠৈল শুষ্কে ইহাদিগকে বড় দেখা যায় না। সেই সকল ব্রণ বা ডিম্ব ক্রমশঃ বর্দ্ধিত হইয়া পরিশেষে তজ্জাতীয় জন্তুর প্রকৃতাৱয়ে পরিণত হয় এবং মাতার অঙ্গ হইতে স্থলিত হইয়া এক একটা স্বতন্ত্র স্বতন্ত্র চক্রধারী উৎপাদন করে। এই উৎপত্তির নিয়মকে তন্মিহিত ব্রণজ কহা যায়। তাহাদিগের উৎপত্তির আর এক প্রকার নিয়ম আছে, তাহা সর্বা-পেক্ষা আশ্চর্য্য। তাহা এই, তাহাদিগের শরীর আপনা হইতে অংশে অংশে বিভক্ত হইয়া প্রত্যেক খণ্ডই একটা একটা চক্রধারী কীটগুণ হয়; সেই জন্য এই নিয়মকে খণ্ডজ বলা হইল। এই অপূর্ব উৎপত্তি দ্বারা চক্রধারীগণ মৎস্য প্রভৃতি, বহুপত্ন্য জন্তু অপেক্ষা অধিক শাবক উৎপাদন করিতে সমর্থ হয়। কোন কোন চক্রধারী মুস্র ও পুষ্টাবস্থায় প্রতি দিবস খণ্ডিত হইয়া থাকে, সুতরাং একটা কীটগুণ শাবক পরস্পরা ক্রমে প্রতি দিবস দ্বিখণ্ডিত হইলে এক পক্ষ মধ্যে ১৬৩৮৪ এবং মাসাতীত না হইতে হইতেই ২৬৮,৪৩৫,৪৫৬ ছাঞ্চিশ কোটি, চৌরশি লক্ষ পয়ত্রিশ সহস্র চারি শত ছাপ পান্ন নব কীটের উৎপত্তি হয়, এবং তৎসমুদায় সলিল নিবাসে বিস্তৃত হইয়া স্ব স্ব জীবিকা নির্বাহ করিতে থাকে। আহা কত মনোহর দৃশ্য! আমাদিগের দর্শন সীমা অতিক্রম করিয়া প্রতিনি-মেমে এই মুচুর বিশ্ব চিত্রালয়ের শোভা সম্বন্ধন করিতেছে, তাহা আমরা জানিতেও পারিতেছি না। ঐশ্বরের মহিমার অন্ত নাই, করুণারও পার নাই। তিনি এই সমস্ত অসংখ্য অসংখ্য নয়নাদৃশ্য

আগুবীক্ষণিক প্রাণি নিচয়েরও বিহিতাশন বিনি-য়োগ করিতেছেন, ইহাদিগকেও কোন শারীরিক মুখে বঞ্চিত করেন নাই। চক্রধারীদিগের উৎপত্তির তৃতীয় নিয়ম অস্ত্রোজ অর্থাৎ তাহারা কখন কখন অস্ত্র হইতেও উৎপন্ন হইয়া থাকে। তাহারা যে তড়াগ সমূহে বাস করে গ্রীষ্ম কালে সেই সমস্ত জল শূন্য হওয়ার কীটগুণগণ বিনষ্ট হয়; কিন্তু তাহাদিগের এই রূপ ধ্বংস হইবার পূর্বে স্ত্রীজাতীর গর্ভে যে সকল পরিপকু ডিম্ব থাকে তৎসমুদায় প্রসবিত্রীর গর্ভ মাংস ভেদ করিয়া বহি-র্গত হয়। কীটগুণ এই রূপে স্ত্রী বংশ রক্ষার প্রভূত উপায় প্রসূত করিয়া রাখিয়া স্ত্রী জীবন লীলা সম্বরণ করে। তদনন্তর ঐ ডিম্ব রাশি বায়ু সহকারে আকাশ ময় বিক্ষিপ্ত হইয়া নানা স্থানে নীত হয় ও সুযোগ পাইলেই জীবাকার ধারণ করে ও স্ব স্ব জীবন চেষ্টায় নিযুক্ত হয়।

(ক্রমশঃ প্রকাশ্য)

### অনুষ্ঠান।

বঙ্গস্থানে ব্রাহ্মধর্ম ক্রমশঃ জয় বিশিষ্ট হই-তেছে। ব্রাহ্মধর্ম এতদিন কেবল জ্ঞানেতেই নিবদ্ধ ছিল, এখন অনুষ্ঠানে পরিণত হইতেছে। এক্ষণে হৃদয় আনন্দে উৎফুল্ল হইতেছে যে অচিরে ব্রাহ্মধর্ম প্রতি ঘরে প্রবেশ করত সকল পরি-বারকে শান্তি ও মঙ্গলনীরে আর্দ্র করিবে। গত ১৩ পৌষ শনিবার মালপাড়া নিবাসী শ্রীযুক্ত অযোধ্যানাথ পাকড়াশীর পিতার আদ্য শ্রাদ্ধ ব্রাহ্মধর্মের ব্যবস্থানুসারে প্রশান্ত ভাবে অনু-ষ্ঠিত হইয়াগিয়াছে। ইহার নিজ পরিবারের মধ্যে সকলেই ব্রাহ্ম, সুতরাং ব্রাহ্মধর্ম এ স্থলে অন্তঃপুর মধ্যে প্রবেশ করিতে পারিয়া উজ্জ্বলতর প্রভা বিকীর্ণ করিয়াছিল। যখন অযোধ্যানাথ অন্যান্য, কুটুম্ব ও বন্ধু জনের নিকট হইতে নানা প্রকার ব্যাঘাত জনন বিঘ্ন রাশি প্রাপ্ত হইতে লাগিলেন, তখন তাঁহার এমন আশা ছিলনা যে নিজ পরিবার বর্গও তাঁহার মতে অনুমোদন করিবে, সুতরাং তিনি মনে মনে এ প্রকার স্থির করিয়াই রাখিয়াছিলেন যে যদি কেহও তাঁহার সহযোগী না হয় তথাপি পরিবার বর্গ হইতে বিভিন্ন হইয়া একাকীও তিনি ব্রাহ্মধর্মের আদেশপালন করি-বেন, কিন্তু আনন্দের বিষয় এই যে তাঁহার পরিবারের কেহই লোকভয় বা লোক নিন্দাতে কিঞ্চিৎ মাত্র ভীত হইলেন না, সকলেই একবাক্যে ব্রাহ্মধর্মের পদ্ধতি অনুসারে শ্রাদ্ধ কার্য্য সুসম্পন্ন করিতে কৃত সংকল্প হইলেন। অযোধ্যানাথের বুদ্ধ মাতা

স্বয়ং তাঁহাকে এ বিষয়ে অনুরোধ করিলেন এবং অযোধ্যানাথের ভগিনীও ব্রাহ্মধর্ম মতে চতুর্থী ক্রিয়া সম্পন্ন করিলেন। বুদ্ধ মাতা ও বিধবা ভগিনী ইহারা স্ত্রী জাতি হইয়াও এতদূর স্থির প্রতিজ্ঞ যে স্ত্রী বিশ্বাসানুযায়ী কার্য্য করিতে কা-হারো নিবারণে কর্ণপাত করেন নাই, ইহা অতি-শয় আত্মাদের বিষয়, সন্দেহ নাই। কবে এমন দিন উপস্থিত হইবে যে পরিবারের সকলেরই মুখ হইতে ব্রহ্ম নামের জয়ধ্বনি উর্দ্ধে সমুথিত হইবে। পাকড়াশী মহাশয় পিতার আদ্য শ্রাদ্ধ কালে যে প্রার্থনা করিয়াছিলেন, তাহা নিম্নে প্রকাশিত হইল।

“হে পরম পিতা অখিল মাতা! দশ রাত্র হইল, আমাদের ভক্তিভাজন পিতা তোমার ম-ঞ্জল ইচ্ছায় ইহ লোক হইতে অবসৃত হইয়াছেন। তিনি যখন রোগ যন্ত্রণায় নিতান্ত কাতর হইলেন, আমরা কিছুতেই তাঁহার যন্ত্রণা শান্তি করিতে পারিলাম না। তুমি তখন আপনার অমৃত ক্রোড়ে আশ্রয় দিয়া তাঁহাকে সকল যন্ত্রণা হইতে মুক্ত করিলে। হে মঙ্গলময়! আমাদিগের জীবনদাতা তোমার প্রতিনিধি স্বরূপ। পিতা যেরূপ স্নেহে আমাদিগকে প্রতিপালন করিয়াছিলেন, তাহা কোন কালে পরিশোধ হইবার নয়। এই সংসার সমুদ্রে তিনি আমাদের দ্বীপধরূপ ছিলেন, তিনি স্বয়ং সমুদয় বিপদের ভার বহন করিয়া আমাদিগকে রক্ষা করিতেন, আপনার গ্রাস হইতে বিভাগ করিয়াও আমাদের ক্ষুধা শান্তি করিয়াছেন, পিতৃদেহ কীর্তন করিয়া শেষ করা যায় না, পিতৃ-ঋণ কিছুতেই পরিশোধ করা যায় না। অতএব আমরা সপরিবারে দণ্ডায়মান হইয়া তোমার নিকট এই প্রার্থনা করিতেছি যে, তাঁহার প্রতি আমাদের কৃতজ্ঞতা ও ভক্তি উন্নত করিয়া দাও। হে মুক্তি দাতা! তুমি যেমন তাঁহাকে লোকান্তরে লইয়া তাঁহার রোগ যন্ত্রণা শান্তি করিলে, সেই রূপ সেখানে তাঁহাকে আপনার অভিযুখে আনিয়া সংসারের পাপ তাপ হইতে নিস্তার কর। তাঁহাকে সত্যজ্যোতিতে ভূষিত করিয়া তোমার সঙ্গী করিয়া লও। তিনি যে লোকে থাকুন, আমাদের প্রতি প্রসন্ন থাকুন এবং আমরা তাঁহার নিকট যাহা কিছু অপরাধ করিয়াছি, তাহা তিনি ক্ষমা করুন। দী-ননাথ! আমরা পিতৃহীন হইয়া তোমার সম্মুখে দণ্ডায়মান হইয়াছি, আমাদিগকে তোমার অভয় মূর্তি প্রদর্শন কর। পিতা আমাদিগকে যে সং-সারের গুরুভার ভার সমর্পণ করিয়া গেলেন, তাহা বহন করিবার সামর্থ্য প্রদান কর। এ সংসার তোমারই প্রিয় সংসার, এখানে তোমার প্রিয় কার্য্য করিতে গিয়া যে সকল ক্লেশ প্রাপ্ত হইব,

তাহা যেন তোমার প্রেমে পুনর্কিত হইয়া সম্ব-করিতে পারি। মুখের লোভে তোমার আঞ্জার প্রতিকূলে আমাদের যে সকল প্রবৃত্তি উথিত হইবে, তাহা যেন তোমার পবিত্র জ্যোতিতে ভ-স্মীভূত হইয়া যায়। যদি ধন, মান, যশ ও প্রাণ পর্য্যন্ত পরিত্যাগ করিতে হয় তথাপি যেন ধর্মপথ হইতে বিচলিত না হই। ধর্ম রক্ষার নিমিত্ত তুমি আমাদিগকে যে শক্তি প্রদান করিয়াছ, তাহা যেন কার্য্য কালে অবলম্বন করিতে প্রবৃত্তি হয়, যখন ধর্ম্মানুষ্ঠানে আমাদের সমুদায় বল নিঃশে-যিত হইবে, তখন যেন তোমার নিকট স্মৃতি বল প্রাপ্ত হই।”

### নূতন গ্রন্থ প্রাপ্তি।

আমরা পশ্চাৎলিখিত নূতন পুস্তক গুলি প্রাপ্ত হইয়াছি।

বিক্রমোৎকর্ষী, শ্রীযুক্ত দ্বারিকানাথ গুপ্ত প্র-ণীত।—এই গ্রন্থে মুকবি কালিদাস কৃত বিক্রমো-র্কর্ষী নামক বিখ্যাত নাটকের উপাখ্যান ভাগ সংকলিত হইয়াছে। আমরা ইহার মূল্যবিত রচনা পাঠ করিয়া সাতিশয় সন্তোষ প্রাপ্ত হইয়াছি। সংস্কৃত নাটক সকলে আমরা যে প্রকার প্রাচীন গ্রন্থকারদিগের কবিত্ব শক্তির পরিচয় প্রাপ্ত হই, সেই রূপ তাহাতে প্রাচীন রীতি নীতি ও সামা-জিক পদ্ধতির ও অনেক বিষয় জ্ঞাত হওয়া যায়। এই হেতু এই সকল সংস্কৃত গ্রন্থের তাৎপর্য্য সা-ধারণের পাঠার্থ এই প্রকার পুস্তক বিশেষ উপকার জনক বলিতে হইবেক।

শারীরিক স্বাস্থ্য বিধান, শ্রীযুক্ত গৌরীনাথ সেন কবিরঞ্জন প্রণীত।—গ্রন্থ খানি পাঠ করিয়া আমরা বিশেষ আত্মাদিত হইয়াছি। আমাদের প্রাচীন চিকিৎসা শাস্ত্রে কি প্রকার শারীরিক নি-য়মাদি অবধারিত হইয়াছে এবং রোগাদির কি প্রকার লক্ষণ ও ঔষধ নিরূপিত হইয়াছে, তাহার অনেকাংশ এই গ্রন্থে পাঠকগণ দেখিতে পাই-বেন। আমাদের প্রাচীন চিকিৎসা শাস্ত্রে অ-নেক ভ্রম আছে বটে কিন্তু তাহাতে অনেক আ-শ্চর্য্য মহা মহা ঔষধও প্রাপ্ত হওয়া যায়। অতএব সেই শাস্ত্রের আনোচনা ও অনুসন্ধান নিতান্ত নিষ্ফল কখনই হইতে পারে না। আমরা ইচ্ছা করি যে এই প্রকার আরও গ্রন্থ প্রকাশিত হয়।

# বিজ্ঞাপন

কলিকাতা ব্রাহ্মসমাজ ।  
আগামী ১১ মাঘ শুক্রবার  
সন্ধ্যা ৭ ঘটিকার সময়ে ত্রয়স্বিংশ  
সাম্বৎসরিক ব্রাহ্মসমাজ হইবেক ।

ব্রাহ্ম মহাশয় দিগের প্রতি  
নিবেদন যে তাঁহারা স্বীয় স্বীয়  
প্রতিজ্ঞাত সাম্বৎসরিক দান আ-  
গামী ১১ মাঘের মধ্যে সমাজে  
প্রেরণ করেন ।

শ্রীআনন্দচন্দ্র বেদান্তবাগীশ  
সম্পাদক ।

আজ্ঞাদের সহিত প্রচার করিতেছি যে মুচি-  
খোলার অনতি দূরে মুদিরালী নামক গ্রামে বর্ত-  
মান শকের ২৩ ভাদ্র রবিবার দিবসে একটা ব্রাহ্ম  
সমাজ প্রতিষ্ঠিত হইয়াছে । তথাকার সম্ভ্রান্ত মিত্র  
পরিবারস্থ শ্রীযুক্ত গিরিশচন্দ্র মিত্র মহাশয় প্রথমে  
তাঁহার দুই চারিটা বন্ধুর সহিত সন্মিলিত হইয়া  
এই পবিত্র কার্যে প্রবৃত্ত হন । এক্ষণে তদ্রূপ কৃত-  
বিদ্যা যুবক দল তাঁহারদিগের সাধু চুক্তান্তের অনু-  
করণ করিতে প্রবৃত্ত হইতেছেন ।

উপাসনা কার্য্য প্রতি রবিবার রাত্রি ৭ ঘটিকার  
পর আরম্ভ হইয়া থাকে । ঈশ্বর তাঁহারদিগের  
সাধু ইচ্ছা অবশ্যই পূর্ণ করিবেন ।

কলিকাতা ব্রাহ্মসমাজের ১৭৮৪ শকের  
কার্তিক ও অগ্রহায়ণ মাসের আয় ব্যয়  
বিবরণ ।

আয় .. .. .	৭১৪।১০
পূর্বকার স্থিত .. .. .	৪১৬।০
	১১৩১ (১০)
ব্যয় .. .. .	৫৮৪।৫
সম্পাদকের হস্তে .. .. .	৫৪৬।৫

ব্রাহ্মাল ব্যাঙ্ক .. .. .	৫৬৬।৫
কোং কাগজ .. .. .	৫০০


ব্রাহ্মদিগের প্রতিজ্ঞাত সাম্বৎসরিক দান ।	
শ্রীযুক্ত কাশীনাথ দত্ত .. .. .	৭
“ অক্ষয়কুমার মজুমদার .. .. .	৬
“ শিবচন্দ্র নন্দী .. .. .	৫
	১৮

মাসিক দান ।	
শ্রীযুক্ত রাজা সত্যশরণ ঘোষাল .. .. .	৫০
“ গোপাললাল ঠাকুর .. .. .	৩০
“ চন্দ্রশেখর দেব .. .. .	১৪
“ কালীদাস পালিত .. .. .	১২
“ জি, এন, গজপতি রাও .. .. .	১২
“ কাশীপ্রসাদ ঘোষ .. .. .	১২
“ রমাপ্রসাদ রায় .. .. .	১০
“ ঈশ্বরচন্দ্র বিদ্যাসাগর .. .. .	৬
“ নীলকমল মিত্র .. .. .	৫
“ যাদবকৃষ্ণ সিংহ .. .. .	৩
“ রামচন্দ্র ঘোষাল .. .. .	৩
“ নীলকমল বন্দ্যোপাধ্যায় .. .. .	৩
“ সাগরলাল দত্ত .. .. .	৩
“ উপেন্দ্রমোহন ঠাকুর .. .. .	২
	১৬৪

শুভকর্মের দান ।	
শ্রীযুক্ত রাখালরাজ রায় .. .. .	১
“ কাশীনাথ দে .. .. .	১
	২

এক কালীন দান ।	
শ্রীযুক্ত প্রতাপচন্দ্র মজুমদার .. .. .	৬
ব্রাহ্মধর্ম প্রচারার্থ দান ।	
শ্রীযুক্ত দেবেন্দ্রনাথ ঠাকুর .. .. .	৫০
দানাদারে দান .. .. .	৫।১০

এই তত্ত্ববোধিনী পত্রিকা, কলিকাতা নগরে ঘোড়া-  
সাঁকোস্থিত ব্রাহ্মসমাজের কার্যালয় হইতে প্রতিমাসে  
প্রকাশিত হয় । ইহার মূল্য ১।০ ছয় আনা মাত্র ।  
১ মাঘ মঙ্গলবার সন্ধ্যা ১১১১ কলিকাতা ৪২৩৩ ।



# তত্ত্ববোধিনী পত্রিকা

ব্রহ্মবাক্য একমিত্রমগ্রাসীন্নান্যৎ কিঞ্চনাসীত্তদিতং সর্বমসৃজৎ । তদেব নিত্যং জ্ঞানমনস্তং শিবং স্বতন্ত্রমিবয়বমেক-  
মেবাদ্বিতীয়ং সর্বব্যাপিসর্বনিয়ন্তৃ সর্বাশ্রয়সর্ববিৎ সর্বশক্তিমজ্জ্বলম্পূর্ণমপ্রতিমমিতি । একস্য তস্যৈবোপাসনয়া পার-  
ত্রিকটমহিকঞ্চ শ্ৰুতত্ত্ববতি । তস্মিন্ প্রীতিস্তস্য প্রিয়কার্যসাধনঞ্চ তদুপাসনমেব ।

## নাম-করণ ক্রিয়াতে উপাসনার অন্তগত ব্রহ্মস্তোত্র ।

হে করুণা-নিধান বিশ্ব-বিধান বিধাতা  
পুরুষ ! আমরা যখন যে প্রকারে অবস্থান  
করিলে স্বচ্ছন্দে জীবন ধারণ করিতে পারি,  
তুমি আমারদিগকে তখন সেই রূপেই রক্ষা  
করিয়া আপার অপার করুণা বিস্তার করি-  
তেছ । তুমি সমস্ত বিশ্ব বাপারকে আমা-  
রদিগের অবস্থার উপযোগী করিয়া জীবের  
কলাপ বর্দ্ধন করিতেছ । তুমি শিশু সন্তা-  
নকে যে প্রকার যত্নে রক্ষা কর, তাহার  
উপমা আর কোথাও নাই । যখন সে  
এক লোক হইতে লোকান্তরে আসিবার  
ন্যায় বায়ু শূন্য তিমিরারূত জরায়ু-শয্যা  
পরিত্যাগ করিয়া আলোকময় পৃথিবীতে  
আসিয়া উত্তীর্ণ হয়, তখনো তোমার করুণা  
অগ্রসর হইয়া স্নেহ রূপে তাহাকে আলি-  
ঙ্গন করে । তোমার প্রেম তখন পিতা  
মাতার মনে স্নেহ-রূপে অবতীর্ণ হয় এবং  
সুহৃদগণের আনন্দ-কোলাহল মধ্যে প্রে-  
মাজ হইয়া তাঁহারা পুত্রের মুখ-চন্দ্রমা  
নিরীক্ষণ করেন । শিশু সন্তানের প্রতি

তোমার এমনি প্রেম যে তাহার প্রতি কা-  
হারো ঘেঁষ ভাব হইবার সম্ভাবনা নাই ।  
যাহার মন মোহেতে এক কালে বিকৃত  
হইয়া না যায়, এবং যাহার অন্তঃকরণ  
হইতে দয়া এক কালে প্রস্থান না করে,  
সে আর কোন মতে স্তন্য পায়ী শিশুর  
প্রতি শত্রুতা করিতে পারে না । তুমি  
বালককে সকলের স্নেহের আশ্রয় করিয়া  
মির্মাণ করিয়াছ । চুয়ক মণি যেমন লৌহ  
প্রাপ্ত হইলে আপনা হইতে তাহাকে আ-  
কর্ষণ করে, তুমি পোষ্য বালকের মুখমণ্ডল  
সেই রূপ নর নারীর স্নেহকে আকর্ষণ করে ।  
হা জগদীশ ! তোমার মহিমা আমরা কতই  
কীর্তন করিব । তুমি যখন সঙ্কীর্ণ গর্ভাশয়  
জরায়ুর মধ্যে দর্শ্যবয়ব সম্পন্ন মনুষ্য সন্তা-  
নকে রক্ষা কর, এবং তাহার প্রাণ রক্ষার  
জন্য গর্ভ ধারিণীর উদর হইতেই তাহার  
ভোজন পান বিধান কর, এবং অবশেষে  
স্বয়ং ধাত্রী হইয়া তাহার প্রসবক্রিয়া সম্পা-  
দন কর, তখন সেই বালক ভূমিষ্ঠ হইলে  
যে তাহাকে যত্ন পূর্বক রক্ষণ ও পোষণ  
করিবে, তাহাতে আর আশ্চর্য্য কি ? তুমি  
আমারদিগকে কোন অবস্থাতেই বিশ্বৃত

হওনা। শৈশবাবস্থায় যখন আমারদের আত্ম রক্ষার ও আত্মপোষণের কোন শক্তিই ছিল না, যখন আমরা ক্ষুৎপিপাসাতে পীড়িত হইলেও আপনা হইতে অন্ন-পান আহরণ করিতে পারিতাম না, যখন আমরা অতি লঘু বিপদকেও অতিক্রম করিতে অক্ষম ছিলাম, তখন তুমি পিতা মাতার মনে কেবল এক স্নেহ দিয়া আমারদের সকল অভাব মোচন করিয়াছ। যখন আমরা তোমাকে জানিতেও পারি নাই, এবং তোমার নিকটে প্রার্থনা করিহেও পারি নাই, তখনও তোমার করুণা মর্ত্য লোকে আবিভূত হইয়া আমারদিগকে প্রতিক্ষণে রক্ষা করিয়াছে। অতএব আমরা অদ্য তোমার সেই সকল করুণা স্মরণ করিয়া শ্রদ্ধা ও প্রীতি পূর্বক তোমাকে নমস্কার করিতেছি, তুমি আমারদের বিমুক্ত প্রীতি গ্রহণ কর।

ঐ একমেবাদ্বিতীয়ং

ব্রাহ্মধর্মের তাৎপর্য।

ষোড়শ অধ্যায়।

১৩৯

ব্রহ্মবিৎ ব্যক্তি শাস্ত, দাস্ত, নিষ্পাপ, সহিষ্ণু ও একাগ্রচিত্ত হইয়া আপনাতেই পরমাত্মাকে দৃষ্টি করেন।

এক দিকে সাংসারিক সুখের কামনা আর দিকে ঈশ্বর লাভের স্পৃহা। যে পরিমাণে সাংসারিক সুখের কামনা খর্ব হয়, সেই পরিমাণে ঈশ্বর লাভের স্পৃহা প্রদীপ্ত হইতে থাকে। ঈশ্বর-স্পৃহা প্রদীপ্ত হইলে বুদ্ধি তখন তাঁহাকে অনুসন্ধান করে এবং অনুসন্ধান করিয়া যখন সেই পূর্ণ-স্বরূপকে

প্রাপ্ত হয়, তখন তাঁহাকে সর্বত্র পরিপূর্ণ দেখে। ব্রহ্মবিৎ ব্যক্তি জ্ঞান প্রসাদে বিশুদ্ধ হইয়া সেই সত্যের সত্য, প্রাণের প্রাণ, চেতনের চেতন, মঙ্গলস্বরূপকে আপনার অন্তরেই দৃষ্টি করেন এবং কৃতার্থ হইয়া পরম পবিত্র ব্রহ্মানন্দ উপভোগ করেন। তিনি আমারদিগের কাহারও নিকট হইতে দূরে নছেন, যেখানে আমারদিগের জীবাণু সেই খানেই তিনি স্থিতি করিতেছেন; সকল ভূত, সকল লোক, সকল জীব তাঁহারই ক্রোড়ে আশ্রিত হইয়া রহিয়াছে। যত দিন জ্ঞান-নেত্র না প্রস্ফুটিত হয়, তত দিন লোকে তাঁহাকে অতিদূরস্থ করিয়া জানে; কিন্তু যাহার জ্ঞান-নেত্র প্রকাশিত হইয়াছে তিনি শাস্ত দাস্ত উপরত তিতিক্ত সমাহিত হইয়া আপনাতেই তাঁহাকে দেখিতে পান।

১৪০

পাপ ইহাকে স্পর্শ করিতে পারে না, ইনি সমুদয় পাপকে অতিক্রম করেন; পাপ ইহাকে সন্তাপ দিতে পারে না, ইনি সমুদয় পাপের সন্তাপক করেন। ইনি নিষ্পাপ, নির্মল-চিত্ত ও পরব্রহ্মের সত্ত্বাতে নিঃসংশয় হইয়া ব্রহ্মোপাসক করেন।

পাপারণ্য পরিত্যাগ করিয়া ধর্ম-পথ অবলম্বন না করিলে ব্রহ্ম-রূপ নিকেতনে উপনীত হওয়া যায় না। অতএব যিনি জ্ঞান-নেত্রকে সেই লক্ষ্য স্থানের প্রতি এক ভাবে রাখিয়া ধর্ম-পথে পদচারণা করিতেছেন তাঁহাকে পাপ আসিয়া আশ্রয় করিতে পারে না। তিনি পাপ-তাপ হইতে মুক্ত হইয়া ব্রহ্মোপাসক করেন।

১৪১

তিনি আনন্দনীর পরব্রহ্মকে লাভ করিয়া আনন্দিত করেন; তিনি শোক হইতে উত্তীর্ণ করেন, তিনি পাপ হইতে উত্তীর্ণ করেন, এবং হৃদয় গ্রন্থি সমুদয় হইতে বিমুক্ত হইয়া অমৃত করেন।

ধনাধী তাহার চির প্রার্থিত ধন প্রাপ্ত হইলে যে রূপ আপনাকে কৃতার্থ বোধ করে, তৃষ্ণার্ত ব্যক্তি স্নানশীতল জল প্রাপ্ত হইলে যে রূপ আচ্ছাদিত হয়, সেই রূপ সকলের শ্রেষ্ঠ, মনের এক মাত্র তৃপ্ত-কর পদার্থ পরব্রহ্মকে লাভ করিয়া ব্রহ্মজ্ঞ ব্যক্তি অনির্কচনীয় সুখ সম্ভোগ করেন। যিনি পরব্রহ্মকে লাভ করিয়াছেন, তিনি তাঁহারি ইচ্ছানুসারে সাংসারিক কর্ম নির্বাহ করেন, ফল কামনা শূন্য হইয়া তাঁহারি প্রতিষ্ঠিত ধর্ম-পথে বিচরণ করিতে থাকেন এবং স্বার্থপরতাকে বিমর্জ্জন করিয়া তাঁহার প্রিয় কার্য সাধন করিতেই যত্নশীল থাকেন। অতএব তিনি শোক হইতে উত্তীর্ণ করেন, পাপ হইতে উত্তীর্ণ করেন এবং সংসারের মোহ-পাশ হইতে বিমুক্ত হইয়া চিরন্তন পরব্রহ্মে নিত্য কাল অবস্থিতি করেন।

১৪২

সত্য হইতে বিচ্ছিন্ন হইবেক না, ধর্ম হইতে বিচ্ছিন্ন হইবেক না, শুভ কর্ম হইতে বিচ্ছিন্ন হইবেক না।

ব্রহ্মপরায়ণ ব্যক্তি যেমন তত্ত্বজ্ঞান লাভের নিমিত্তে যত্ন করিবেন, তদ্রূপ তাঁহার প্রতিষ্ঠিত ধর্মানুষ্ঠানেতেও তৎপর থাকি-

বেন। ধর্মানুষ্ঠান ব্যতীত ব্রহ্মজ্ঞান প্রকাশ পায় না। পুণ্য জ্যোতিতে মন পবিত্র না হইলে তাহা কদাপি পবিত্র স্বরূপের প্রিয় আवास-স্থল হয় না। অতএব সত্য হইতে, ধর্ম হইতে ও শুভ কর্ম হইতে বিচ্ছিন্ন হইবেক না।

১৪৩

সত্য কথা কহ, যে ব্যক্তি মিথ্যা কহে সে সমূলে শুষ্ক হয়।

সত্যই ব্রহ্ম, সত্যই ধর্মের মূল; অতএব ব্রহ্মপরায়ণ ব্যক্তি সত্য-ব্রত হইয়া সত্য কথা কহিবেক এবং সত্য ব্যবহার করিবেক।

১৪৪

ধর্মাচরণ কর, ধর্মের পর আর নাই, ধর্ম সকলেরই পক্ষে মধু স্বরূপ।

কর্তব্য সাধনের নাম ধর্ম। আপনার প্রতি কর্তব্য কর্ম, পিতা মাতার প্রতি কর্তব্য কর্ম, স্ত্রী পুত্রের প্রতি কর্তব্য কর্ম, প্রতিবাসী ও বন্ধুদিগের প্রতি কর্তব্য কর্ম, প্রভুর প্রতি কর্তব্য কর্ম, দিন দরিদ্র নিরাশ্রয়দিগের প্রতি কর্তব্য কর্ম, স্বদেশের প্রতি কর্তব্য কর্ম, ঈশ্বরের প্রতি কর্তব্য কর্ম, এই সকল কর্তব্য সাধনের নাম ধর্ম। কর্তব্য কর্ম যিনি অতি যত্ন পূর্বক পালন করেন, তিনি আত্ম প্রসাদ লাভ করেন। আত্ম প্রসাদ হইলে সকল দুঃখের হানি হয় এবং ঈশ্বরেতে প্রীতি পূর্বক অবস্থিতি করিবার যোগ্যতা হয়।

১৪৫

শ্রদ্ধার সহিত দান করিবেক, অশ্রদ্ধার সহিত দান করিবেক না।

শোকাবিষ্ট হইয়া দান করিবেক না, কিন্তু শ্রদ্ধার সহিত দান করিবেক।

১৪৬

মাতাকে দেবতুল্য, পিতাকে দেবতুল্য, আচার্য্যকে দেবতুল্য জান।

যে পিতা মাতা এ পৃথিবীতে ঈশ্বরের মঙ্গল-রূপের প্রতিক্রম হইয়া—তঁাহার প্রতি-নিধি স্বরূপ হইয়া আমারদিগকে স্নেহ পূ-রুষক রক্ষণ ও পালন করিতেছেন এবং যে সদাশ্রম উপদেশে আমরা অজ্ঞান অন্ধকার হইতে মুক্ত হইয়া অজর অমর অভয় নির-তিশয় ব্রহ্মকে লাভ করিয়াছি, তঁাহারদিগের প্রতি কৃতজ্ঞ হইয়া শ্রদ্ধা ও ভক্তি করিবেক।

১৪৭

কল্যাণকর যে সকল কর্ম, তাহার অনুষ্ঠান করিবেক, অক-ল্যাণকর কর্মের অনুষ্ঠান করি-বেক না।

সকল মঙ্গলালয় পরমেশ্বরের শুভাভি-প্রায়কে লক্ষ্য করিয়া শুভাকাঙ্ক্ষী হইয়া শুভ কর্মের অনুষ্ঠান করিবেক; অশুভ কর্মের অনুষ্ঠান করিবেক না।

১৪৮

আমরা যে সকল সদাচার করিয়া থাকি, তুমি তৎ সমুদা-য়ের অনুষ্ঠান কর, তদ্ভিন্ন অন্য কর্মের অনুষ্ঠান করিও না।

ব্রহ্মবিৎ আচার্য্য উপদেশ করিতেছেন, আমরা যে সকল সত্বপদেশ প্রদান করি এবং যে সকল সদাচার অনুষ্ঠান করি; তাহার অনুবর্তী হও, অসৎ লোকদিগের কুদৃষ্টান্তে অসৎ কর্মে প্রবৃত্ত হইও না।

১৪৯

যে ব্রহ্মবিৎ এই সমস্ত উপায়

দ্বারা ব্রহ্ম-প্রাপ্তির যত্ন করেন, তঁাহার আত্মা ব্রহ্মরূপ নিকেতনে প্রবিষ্ট হয়।

যে ব্রহ্মবিৎ সত্যকে অবলম্বন করিয়া, ধর্মের অনুগত হইয়া, শুভ কর্মের অনুষ্ঠান করিয়া, মাতা পিতা আচার্য্যকে ভক্তি করিয়া, ব্রহ্ম প্রাপ্তিতে যত্ন করেন, তঁাহার আত্মা ব্রহ্ম-রূপ নিকেতনে প্রবিষ্ট হয়। তিনি ব্রহ্মকে লাভ করিয়া তঁাহার সহিত নিত্য সহবাস-জনিত ভূমানন্দ উপভোগ করেন।

১৫০

হে দিব্য-ধাম-বাসি অমৃতের পুত্র সকল! তোমরা শ্রবণ কর।

কোন ব্রহ্মপরায়ণ মহর্ষি প্রাতঃকালের সূর্য্য প্রকাশের ন্যায় অরুত অমৃত ব্রহ্মকে অন্তরে লাভ করিয়া নবোৎসাহে পূর্ণ হইয়া কহিতেছেন যে হে অমৃত পুরুষের পুত্রেরা! জ্যলোক ও ভুলোক বাসী দেব-নৃত্যেরা! শ্রবণ কর, আমি তিমিরাভীত জ্যোতির্ময় মহান পুরুষকে জানিয়াছি।

১৫১

আমি এই তিমিরাভীত জ্যো-তির্ময় মহান পুরুষকে জানিয়াছি, সাধক কেবল তঁাহাকেই জানিয়া মৃত্যুকে অতিক্রম করেন, তদ্ভিন্ন মুক্তি প্রাপ্তির আর অন্য পথ নাই।

এই তিমিরাভীত জ্যোতির্ময় মহান পুরুষকে জানিয়া সাধক মৃত্যুকে অতিক্রম করেন, তিনি অনন্ত কাল সেই জ্ঞানময় প্রেম-ময় পুরুষের সহচর অনুচর থাকিয়া পর-মানন্দ উপভোগ করেন। তঁাহার শরণাপন্ন

১৫৪

হওয়া ব্যতীত মুক্তি প্রাপ্তির আর অন্য উপায় নাই।

১৫২

আপনাতেই নিত্য স্থিতি ক-রিতেছেন যে পরমাত্মা, তিনিই জানিবার যোগ্য, তঁাহার পর জানিবার যোগ্য আর কোন প-দার্থ নাই।

সমুদায় স্বর্গ বস্তুর পরমাত্মা-কেই আশ্রয় করিয়া স্থিতি করিতেছে, তিনি কাহাকেও আশ্রয় করিয়া নাই, তিনি চিরকাল আপনাতেই আপনি স্থিতি করিতেছেন। তঁ-হাকেই অনুসন্ধান করিবেক এবং তঁাহাকেই জানিবেক; তঁাহাকে জানিলে সকল জানার সমাপ্তি হয়, তঁাহার উপরে জানিবার বস্তু আর কিছুই নাই।

১৫৩

কৃতবুদ্ধি, আসক্তিশীন, প্রশা-ন্তচিত্ত ঋষি সকল ইঁহাকে সন্যক প্রাপ্ত হইয়া জ্ঞান দ্বারা তৎ হইয়ন; সেই সকল সমাহিতচিত্ত ধীর ব্যক্তি সর্বব্যাপী পরমাত্মা-কে সর্বত্র প্রাপ্ত হইয়া সকলেতে প্রবিষ্ট হইয়ন।

যিনি সকলের আদি কারণ অনাদি পু-রুষকে বুঝিয়াছেন, তিনি বুদ্ধি দ্বারা যাহা বুঝা যায় তাহা বুঝিয়াছেন; তিনি কৃত বুদ্ধি আসক্তিশীন প্রশান্তচিত্ত হইয়া পরম প্রিয় বস্তুকে লাভ করিয়া জ্ঞান তৃপ্ত হইয়া-ছেন। তিনি সেই সর্বগত সকল মঙ্গলা-লয়ের সহবাস লাভ করিয়া সকলেতে প্র-বিষ্ট হইয়ন এবং সকলের মধ্যে সেই প্রেম-ময় অমৃতময়কে দেখিতে পান।

হে প্রিয় শিষ্য! জীব, সমুদায় ইন্দ্রিয়, সমস্ত প্রাণ, ও ভূত সকল যঁাহাতে স্থিতি করে, সেই অবি-নাশী পরমাত্মাকে, যিনি জানেন, তিনি সকল জানেন এবং সক-লেতে প্রবেশ করেন।

জীব, ইন্দ্রিয়, প্রাণ, সমুদায় বস্তু যঁাহার ইচ্ছাতে উৎপন্ন হইয়াছে, এবং যঁাহার ইচ্ছাতে স্থিতি করিতেছে, সেই অবিনাশি পুরুষকে যিনি জানেন, তঁাহার সকল সং-শয় ছেদ হয় এবং তিনি সকলের মধ্যে প্রবিষ্ট হইয়া সকলেতেই মঙ্গলময় অমৃত পুরুষকে দেখেন।

১৫৫

এই আকাশে যে এই জ্ঞানময় অমৃতময় পুরুষ, যিনি সমুদায় অনুভব করিতেছেন, সাধক কে-বল তঁাহাকেই জানিয়া মৃত্যুকে অতিক্রম করেন, তদ্ভিন্ন মুক্তি প্রাপ্তির আর অন্য পথ নাই।

এই আকাশ শূন্য নহে, কিন্তু জ্ঞানময় অমৃতময় পুরুষ দ্বারা পূর্ণ রহিয়াছে। তিনি অন্তর্কাছে সর্বত্র থাকিয়া সকল জানিতে-ছেন। সেই ভূমি অমৃতময় পুরুষকে জা-নিয়া তঁাহার প্রেমে পূর্ণ হইয়া যিনি নির্ভয়ে তঁাহার হস্তে আপনার প্রাণ সমর্পণ করি-য়াছেন, তিনি মৃত্যুকে অতিক্রম করিয়াছেন, অমৃত পুরুষকে লাভ করিয়া অমর হইয়া-ছেন। জ্ঞান ও প্রেম ভিন্ন অমৃত পুরুষকে লাভ করিবার আর অন্য উপায় নাই।

১৫৬

এই আদেশ, এই উপদেশ,

এই শাস্ত্র; এই প্রকারে তাঁহার উপাসনা করিবেক, এই প্রকারে তাঁহার উপাসনা করিবেক।

তাবৎ উপদেশের সার মর্ম এই যে তাঁহাকে শ্রীতি করিবেক এবং তাঁহার প্রিয় কার্য সাধন করিবেক।

ইতি প্রথমখণ্ডে ষোড়শ অধ্যায়।

প্রথমখণ্ড সমাপ্ত।



ব্রাহ্মধর্মের ব্যাখ্যান।

প্রথম প্রকরণ—পঞ্চবিংশ অাদেশ।

১৭৮৩ শকের ১০ই জ্যৈষ্ঠ কলিকাতা ব্রাহ্মসমাজে

প্রধান আচার্য্য কর্তৃক

বিস্তৃত হয়।



শ্রেয়শ্চ শ্রেয়শ্চ মনুষ্যমেতস্তৌ  
সম্পরীত্য বিবিনক্তি ধীরঃ।  
তয়োঃ শ্রেয়সাদদানস্য সাধু  
ভবতি হীরতেহর্থাদ্যউ প্রয়ো-  
বৃণীতে।

ঈশ্বরের প্রতি শ্রদ্ধা ভক্তি শ্রীতিকে প্রস্তুতি করা, আমাদের আত্মার সহিত সেই পরমাত্মার অভেদ্য নিগূঢ় যোগ স্থাপন করা, এবং তাঁহার পথের অনুগামী হইয়া তাঁহার কার্যের অনুষ্ঠান করাই শ্রেয়; আর স্বেচ্ছাচারী হইয়া ইন্দ্রিয়-সুখে ও বিষয়ামোদেই মত্ত থাকা, ধর্ম ও ঈশ্বরকে পরিত্যাগ করিয়া সংসারের মোহে মুগ্ধ হওয়াই শ্রেয়। কল্যাণময় শ্রেয়কে আশ্রয় করিলে তিনি আমাদের ঈশ্বরের সন্ধিধানে উপনীত করেন; আর ইন্দ্রিয়-সুখাভিলাষে শ্রেয়ের অনুবর্তী হইলে আমাদের সংসার-গতিককেই প্রাপ্ত হইতে হয়। “অন্যচ্ছ্বে যোন্যচ্ছ্বেতব শ্রেয়স্তে উভে নানার্থে

পুরুষং সিনীতঃ।” শ্রেয় ও শ্রেয় ইহার প্রত্যেকেই ভিন্ন ভিন্ন পথে মনুষ্যের হৃদয়কে আকর্ষণ করিয়া লইয়া যায়। শ্রেয় যিনি তিনি আমাদের দিগকে শান্তি কুর-ধারের ন্যায় ধর্ম-পথের পথিক করিয়াও অবশেষে অমৃত সন্ধিধানে লইয়া যান, আর শ্রেয় নানা প্রলোভন দেখাইয়া ঈশ্বরের বিপরীত পথ দ্বারা সংসারের অগ্নি তুল্য তপ্ত-তৈল-কটাঁহে আনিয়া নিক্ষেপ করে। এক দিকে ইন্দ্রিয়-সেবা, বিষয়-ভোগ, প্রভুত্ব, অভিমান ও স্বেচ্ছাচার; আর দিকে ধর্ম লাভ, আত্ম-প্রসাদ, সাধু ভাব, ঈশ্বর ও স্বাধীনতা; তোমরা ইহার মধ্যে কোন্ পথের পথিক হইতে চাহ? যদি তোমরা অপ্রতিহত ধর্মের বল চাহ, আত্মাকে দ্রুতি ও উন্নত করিতে চাহ, আত্ম-প্রসাদ লাভ করিতে ইচ্ছা কর, যদি ঈশ্বরকে আলিঙ্গন করিবার স্পৃহা তোমার দিগের হৃদয়ে উদ্দীপ্ত হইয়া থাকে; তবে তোমরা শ্রেয়ের পথ অবলম্বন কর; ইনি হৃদয়ের শত শত কুটিল গ্রন্থির বন্ধন হইতে মুক্ত করিয়া তোমার দিগকে সেই সুন্দর মঙ্গল পুরুষের প্রসারিত ক্রোড়ে উপনীত করিবেন। শ্রেয়কে অবলম্বন করিলে অমূল্য ধর্ম-রত্ন লাভ করা যায়, ঈশ্বরের দক্ষিণ মুখ দর্শন করা যায় ও তাঁহার ক্রোড়ে উপবেশন করিয়া তজ্জনিত বিমল ব্রহ্মানন্দ উপভোগ করা যায়। শ্রেয়ের পথই মনুষ্যের পথ, শ্রেয়ের পথই দেবতা-দিগের পথ, শ্রেয়ের পথই আমাদের অনন্ত কালের পথ; অতএব আমরা যেন ই হাকে হৃদয়ে স্থান দিই, শ্রেয়কে যেন আমরা দূর হইতে পরিত্যাগ করি। হে যুবক ভ্রাতৃগণ! সাবধান হও, যৌবন কালের প্রারম্ভেই তোমরা সতর্কতার সহিত পদ নিক্ষেপ কর। এখন তোমার দিগের জ্ঞান-চক্ষু মতেজ আছে, তোমাদের শরীর মন উৎসাহ বলে বলিষ্ঠ

আছে; দেখ যেন এই সময়েই তোমরা শ্রেয়ের তৃণাচ্ছাদিত তমনারত কুপে পতিত না হও। শ্রবণ কর; শ্রেয় উপদেশ দিতে-তেছেন, যে আমি তোমার দিগকে জ্যোতি-র্ময় ব্রহ্ম-ধামে উপনীত করিব।

আমাদের হৃদয়ে শ্রেয় ও শ্রেয় উভয়েরই ঘোরতর সংগ্রাম। আমরা দুহেরই সন্ধিস্থলে বাস করিতেছি। এক দিকে শ্রেয় আমাদের পদ-দ্বয় বল পূর্বক আকর্ষণ করিয়া সংসার-সমুদ্রে নিমগ্ন করিতে চাহে, আর দিকে মাতৃস্নেহ-পূর্ণ শ্রেয় আমাদের হস্ত ধারণ করিয়া অমৃত-নিকেতনে লইয়া যাইতে চাহেন। অন্তর-হলাহল মধুর-ভাষী শ্রেয় আদিয়া বলেন “শতায়ুষঃ পুত্রপৌত্রান্ রুণীষ। বহুন্ পশূন্ হস্তি-হিরণ্যমশ্বান্।” তুমি শতায়ু বিশিষ্ট পুত্র পৌত্র গ্রহণ কর; হস্তি হিরণ্য অধ রথ তোমার জন্য সকল প্রস্তুত। তুমি আমার পথবর্তী হও; স্নগন্ধ গন্ধবহ তোমার শরীর শীতল করিবে, তোমার প্রাসাদে নৃত্য গীত হাশ্ব পরিহাস অহরহ উল্লাস বহন করিবে, ইন্দ্রিয়-সুখদ গন্ধামোদ-সকল তোমার চিত্তকে প্রফুল্ল করিবে, মর্ত্য লোকের ছল ভ্রম্পরণ তোমাকে পরিচারণা করিবে, যত লোক তোমার পদানত হইবে, তুমি সকলের প্রভু হইবে, তুমি মহাদারতন রাজ্যের রাজা হইবে, তোমার যশঃকীর্তি সর্বত্র ঘোষিত হইবে। যদি তুমি আমাকে গ্রহণ কর, তবে তুমি সকলের অধীশ্বর হইবে। সুধীর সাধু যুবা শ্রেয়ের এই সকল অনর্থকর মোহ-বাক্য শুনিয়া গভীর মহা সাগরের ন্যায় অক্ষুণ্ণ হইয়া উত্তর করিলেন “মর্কেন্দ্রিয়াণাং জরস্তু তেজঃ” তুমি যে প্রকার প্রলোভনে আমাকে ফেলিতে চাহ, ইহাতে অল্প কালের মধ্যে আমার সকল ইন্দ্রিয় জীর্ণ হইয়া যাইবে; অন্তক আমার পাশ্বে লুকায়িত

আছে, রক্ষু পাইলেই আমার ধন প্রাণ সকলি হরণ করিয়া লইবে; অতএব তোমার অশ্ব রথ, তোমার নৃত্য গীত, তোমার ই থাকুক। তুমি যাহা কিছু দিতে পার, তাহাতে আমার তৃপ্তি কখনই হইবে না। “ন বিস্তেন তর্পণীয়ো মনুষ্যঃ।” আমি কোন প্রকার সাংসারিক প্রলোভনে ভুলিবার নহি। অস্থায়ী ক্ষণ ভঙ্গুর পদার্থে আমার চিত্ত নির্ভর করিতে পারে না। আমি পরীক্ষা করিয়া দেখিয়াছি যে সংসার আমাকে ভূত কালে কিছুই সুখ প্রদান করে নাই, কেবল শোক চিন্তায় আমাকে আকুল করিয়াছে; এবং আমি ইহা নিশ্চয় জানি যে ভবিষ্যতেও সংসার আমাকে শান্তি-সুখ বিধান করিবে না; অতএব আমি আর তোমার প্রলোভন-বাক্যে প্রবঞ্চিত হইয়া সংসারের কুটিল পথে দম্ভম্যগ্ন হইতে চাহি না। যদি তোমার নিকটে এমন কোন সুন্দর অমূল্য বস্তু থাকে যে যাহাতে শ্রীতি স্থাপন করিলে আর সকলকে শ্রীতি করা যায়, এবং আমার হৃদয়ের সমুদয় শ্রীতির পর্যাপ্তি হয়, কস্মিন্ কালেও তাহার ক্ষয় হয় না; যদি এমন কোন অমূল্য ধন তোমার নিকটে থাকে, তবে তাহা আমার হস্তে দিয়া আমার ব্যাকুলতাকে শান্তি কর, আমি চির জীবনের নিমিত্তে তোমার পদানত দাস হইয়া থাকিব। ইহাতে শ্রেয় মৌনী হইল ও তাঁহাকে পরিত্যাগ করিয়া প্রস্থান করিল। তখন একাকী সেই সাধু যুবা চতুর্দিক্ অন্ধকার দেখিয়া অবসন্ন হইলেন, বিষয়-প্রলোভন তাঁহাকে পরিত্যাগ করিল, কিন্তু হৃদয়ের অভাব মোচন হইল না। তিনি পার্থিব ও স্বর্গীয় সকল প্রকার সুখের অভাবে বিষাদ-সাগরে নিমগ্ন হইলেন, সংসার তাঁহার নিকটে শ্মশান, তুল্য হইল। এ অবস্থা জীবনের কি ভয়ানক অবস্থা! এ

অবস্থাতে সংসারের সুখে আমরাদের কোন আশ্বাদ থাকে না এবং ঈশ্বরের আনন্দও ভোগ করিতে পাই না। ঈশ্বরের জন্য কেবল একটি গভীর অভাব বোধ হয়, কিন্তু সেই আন্তরিক অভাব যে কি প্রকারে মোচন হইবে, তাহার কিছুই সম্ভাবনা পাই না। এই সময়ে তৃষ্ণাতুর মৃগের ন্যায় ব্যাকুল-হৃদয় হই; এই সময়ে সংসারানলে আমরাদের সমুদয় শরীর দগ্ধ হয়। এই শোক-দাবানলের দুঃখ হইতে পরিত্রাণ পাইবার নিমিত্তে ব্যাকুল-অন্তরে সকলকেই জিজ্ঞাসা করি, কাহারো নিকট হইতে শান্তিকর উল্লাসকর উত্তর পাই না। এই প্রকার অবস্থাতে পতিত হইয়া যখন সেই মাধু যুবা বিলাপ ও ক্রন্দন করিতেছিলেন, যখন অসহায় হইয়া জীবন-সহায়কে অন্বেষণ করিতেছিলেন, তখন শুদ্ধ-বসন মঙ্গলেচ্ছু শ্রেয়তীহার সম্মুখে উপস্থিত হইয়া মাস্তানা বাক্যে কহিতে লাগিলেন। তুমি কেন শোকে মগ্ন হইয়াছ, বিষাদে জর্জরিত হইয়াছ, শান্তিহীন হইয়া অরণ্য মধ্যে ভ্রমণ করিতেছ; যাঁর প্রীতি-সুখতে জগৎ সংসার জীবিত রহিয়াছে, তাঁর প্রেম-রূপ মঙ্গল-মূর্তি দর্শন কর এবং দুঃখ-সন্তপ্ত অশ্রু-ধারাকে প্রেমশ্রু-ধারাতে পরিণত কর। যেখানে প্রীতি স্থাপন করিলে সমুদয় প্রীতির পর্যাপ্তি হয়, যার কখনই আর ক্ষয় হয় না; যাঁর সঙ্গে যোগ নিবন্ধ করিলে সে যোগের আর অন্ত হয় না; তাহারই প্রেমে মগ্ন হইয়া আপনাকে শীতল কর। উত্থান কর, মোহ-নিদ্রা হইতে জাগ্রত হও। আমাকে অবলম্বন কর, আমি তোমাকে সেই প্রেমময়ের অমৃত ক্রোড়ে লইয়া সমর্পণ করিব। শ্রেয়ের এই স্নেহ-পূর্ণ মৃত-সঞ্জীবন বাক্যে সেই যুবার মন দ্রবীভূত হইল এবং ব্যগ্রচিত্ত হইয়া তাঁহাকে জিজ্ঞাসা

করিতে লাগিলেন। তুমি কে? কোথা হইতে আইলে? কি করিলে ও কোথায় গেলে আমার এই দুঃসহ ব্যাকুলতার উপশম হইবে? কাহার প্রেম-নীরে আমার শুষ্ক হৃদয় আর্দ্র হইতে পারে? শ্রেয় তখন তাঁহাকে করুণ-স্বরে বলিতে লাগিলেন যে সেই ভুমা মহান্কে প্রত্যক্ষ কর, তিনি তোমার অন্তরেই বিরাজমান আছেন; তোমার পরিমিত আত্মাতেই সেই অপরিমিত অধিষ্ঠিত হইয়া রহিয়াছেন। ব্যাকুল হৃদয়ে, কাতর মনে, তাঁহার দর্শনের নিমিত্তে প্রার্থনা কর; তিনি তোমার সম্মুখে অবশ্যই তাঁহার মঙ্গল জ্যোতি প্রকাশ করিবেন এবং ধর্মের সরল পথ আবিষ্কৃত করিবেন। পূর্ব পূর্ব ঋষিরা ধর্ম-পথকে শাণিত সুর-ধারের ন্যায় দুর্গম করিয়া বলিয়াছেন; ঈশ্বরের শরণাপন্ন হও, সেই দুর্গম পথও সুগম হইবে। ধর্মের অনুগামী হইতে হইলে সুখ দুঃখের প্রতি সিরপেক্ষ হইতে হয়। ধর্ম সুখেতেও বর্দ্ধিত হয় এবং দুঃখেতেও বর্দ্ধিত হয়; সম্পদেও ধর্মের উন্নতি হয়, বিপদেও ধর্মের উন্নতি হয়; বিপন্ন ব্যক্তিকে ধর্মই রক্ষা করেন এবং শ্রী-সম্পন্ন মঙ্গলকে ধর্মই রক্ষা করেন। এ পৃথিবী আমাদের শেষ গতি নহে, ইহা আমাদের শিক্ষার ও পরীক্ষার স্থান। এখানে ধর্মের জন্যে তো দুঃখ সহ করিতেই হইবে, বিপদকে তো আলিঙ্গন করিতেই হইবে, ত্যাগ তো স্বীকার করিতেই হইবে। এমন কি, সঙ্কট বিশেষে, সময় বিশেষে, ঈশ্বরের অভিপ্রায় বিশেষে, প্রাণ পর্যন্তও অকাতরে বলিদান দিতে হইবে। সুখের আশ্বাসে ধর্মাচরণ করিতে প্রবৃত্ত হওয়া কুটিলতা-পটতা। আমি কিছু তোমাকে সুখের আশ্বাস দিতেছি না, আমি তোমাকে শ্রেয়ের ন্যায় মিথ্যা প্রলোভনে বদ্ধ করিতেছি না।

সুখেতেও ধর্মের উন্নতি হয় বটে; কিন্তু ধর্মের পুরস্কার কদাপি সুখ নহে। অস্থায়ী সাংসারিক সুখ কি কখন দেব-সেব্য ধর্মের পুরস্কার হইতে পারে? যে সুখ পার্থিব স্বর্ণ মুদ্রার উপর নির্ভর করে, যে সুখ রক্ত মাংস স্নায়ু শিরার উপর নির্ভর করে, যে সুখ প্রবঞ্চনা করিয়াও প্রাপ্ত হওয়া যায়; তাহাই কি ধর্মের পুরস্কার হইল? ধর্মের পুরস্কার নিজেই ধর্ম, ধর্মের পুরস্কার আত্ম-প্রসাদ, ধর্মের পুরস্কার স্বয়ং ঈশ্বর। অত-এব হৃদয়ের প্রীতি উজ্জ্বল করিয়া হৃদয়ে-শ্বরকে প্রত্যক্ষ কর, আপনার ক্ষুদ্রতা পরি-ত্যাগ করিয়া তাঁহার ভাবের ভাবুক হও। তোমার আপনার জন্য কিছুই রাখিও না; সকল তাঁহাতেই সমর্পণ কর; এখনি তাঁহাকে দেখিয়া কৃতার্থ হইবে। মঙ্গলময় শ্রেয়ের এই সকল নিগূঢ় হিতকর বাক্য শুনিয়া সেই মাধু যুবা পরম শরণ্য ঈশ্বরের শরণাপন্ন হইলেন এবং আপনার হৃদয়ে তাঁহাকে সাক্ষাৎ পাইয়া কৃতার্থ হইলেন। সংসার তাঁহার নিকটে আর এক নবতর কল্যাণতর মূর্তি ধারণ করিল; তাঁহার নিকটে শূন্য পূর্ণ হইল, বিপদ সম্পদের তুল্য হইল, এবং স্বয়ং মৃত্যুও অমৃতের সোপান হইল। তিনি প্রাণ-স্বরূপ পরমেশ্বরেতে আপনার প্রাণ অর্পণ করিলেন, এবং মৃত্যু-হস্ত হইতে পরিত্রাণ পাইয়া অমৃত লাভ করিলেন। আর যে কেহ শ্রেয়ের বশবর্তী হইয়া এই প্রকার ঈশ্বরেতে প্রাণ মন সম-র্পণ করিবেন; তিনিও অমৃত লাভ করিবেন, তিনিও অমৃত লাভ করিবেন।

ও একমেবাদ্বিতীয়ং

ত্রয়ত্রিংশ সাংসারিক

ব্রাহ্মসমাজ।

১১ মাঘ ১৭৮৪ শক।

উপাসনার পূর্বের বক্তৃতা।

অদ্য মাঘ মাসের একাদশ দিবস; অদ্য ব্রাহ্মসমাজের জন্ম দিবস, এইটি স্মরণ হইবা মাত্র শরীর লোমাঞ্চিত হয়, আত্মার উৎসাহ অগ্নি প্রজ্বলিত হয়, বিমলানন্দে হৃদয় পূর্ণ হয়। এই দিনের মহান্ ভাব স্মরণ করিয়া কাহার অন্তঃকরণ না সেই মাধু, সেই ব্রহ্মপরায়ণ, সেই চিরস্মরণীয় রাম-মোহন রায়কে বারম্বার ধন্যবাদ করে, যাঁহার প্রযত্নে ব্রাহ্মধর্মবীজ এই বঙ্গভূমিতে প্রথম অঙ্কুরিত হয়। কাহার অন্তঃকরণ না সেই বিঘ্ন বিনাশন মঙ্গল্য পরমেশ্বরের মহিমা কীর্তনে প্রবৃত্ত হয়, যাঁহার প্রসাদ-বারিহে সেই বীজ অক্ষুটিত হইয়া বৃক্ষ রূপে উন্নত হইয়াছে এবং সুবিস্তৃত শাখা প্রশাখাতে আরুত হইয়া শত শত লোককে শীতল ছায়া এবং অমৃত ফল প্রদান করিয়াছে। আমরা কি মুক্তকণ্ঠে স্বীকার করিব না যে এই ব্রাহ্মসমাজ হইতে আমরা অশেষ উপকার প্রাপ্ত হইয়াছি, যে ইহারই বিশুদ্ধ মঙ্গল ছায়াতে থাকিয়া জ্ঞান ধর্ম লাভ করত জীবনের সার্থক্য সম্পাদন করিয়াছি। পাপ তাপে জর্জরিত হইয়া কি কেহ এই পবিত্র সমাজ-মন্দিরে আসিয়া শান্তি লাভ করেন নাই? বিষয় কোলাহলে দীপ্তগিরি হইয়া কি কেহ এখানে আসিয়া ঈশ্বরের প্রীতি মলিলে অবগাহন করত নির্মলতম আনন্দ উপভোগ করেন নাই? এখানকার বিশুদ্ধ উপদেশ প্রাপ্ত হইয়া, এখানকার পবিত্র ব্রহ্মোপাসনাতে মনঃ সমাধান করিয়া কি কেহ সংসারের মোহ দুর্বলতা হইতে মুক্ত হন নাই? অবশ্যই স্বীকার করিতে

হইবে যে এই ব্রাহ্মসমাজই আমাদের উন্নতি, আমাদের মঙ্গলের এক মাত্র কারণ। যে ধর্মের আনন্দে পৃথিবীর দুঃসহ যন্ত্রণাও অনায়াসে বহন করা যায়, যে ধর্মের এক ক্ষুলিঙ্গে রাশি রাশি বিস্ম ভস্মীভূত হইয়া যায়, যে ধর্মের বলে হিমালয়-সমান প্রতিবন্ধক-সকল চূর্ণ হইয়া যায়, সেই অগ্নিময় ধর্মই ব্রাহ্ম ধর্ম। যে ধর্ম পৃথিবীকে স্বর্গতুল্য করে, মনুষ্যকে দেবতাবে শোভিত করে, পূর্ণ কুটারকে রাজ-প্রাসাদ অপেক্ষাও উন্নত করে এবং বিপদের উত্তেজনার মধ্যেও শান্তি বিস্তার করে; সেই স্বর্গীয় ধর্মই ব্রাহ্ম ধর্ম। যে ধর্ম সকল প্রকার কুসংস্কার বিনাশ করিয়া ঈশ্বরের প্রত্যেক মস্তানকে স্বাধীনতা রত্নে বিভূষিত করিবে, এবং সত্যের পতাকা উড়ীন করিয়া “সত্যমেব জয়তে নানৃতং” এই মহাবাক্য উচ্চারণ করিতে করিতে পৃথিবীর এক সীমা হইতে সীমান্তের পর্য্যন্ত অধিকার করিবে; সেই সত্য ধর্মই ব্রাহ্ম ধর্ম। যে ধর্ম সংসার অরণ্যে আমাদের এক মাত্র সহায়, সংসার যাত্রায় আমাদের এক মাত্র নেতা; যে ধর্ম অগতির গতি এবং দুর্ভেলের বল; সেই মহৎ ধর্মই ব্রাহ্ম ধর্ম। সেই ব্রাহ্ম ধর্ম কোটি কোটি বিস্ম অতিক্রম করিয়া গভীর ভাবে, অটল ভাবে, এই বঙ্গ স্থানে ত্রয়স্ত্রিংশ বৎসর বিরাজ করিয়াছে এবং ক্রমশঃ উন্নত হইয়াছে। এক সময়ে এই ব্রাহ্ম-সমাজ-মন্দিরে অনুরোধ-বলেও দশ জন লোককে একত্রিত করা দুঃসাধ্য ব্যাপার বোধ হইত; কিন্তু এখন নানা স্থান হইতে শত শত লোক ইচ্ছা পূর্বক উৎসাহ সহকারে ব্রাহ্ম সমাজের আশ্রয় গ্রহণ করিতে আসিতেছেন। পূর্বে ব্রাহ্ম ধর্ম কেবল এদেশীয় পুরুষদিগের মধ্যে বদ্ধ ছিল, এখন দেখা মহিলাগণ কুসংস্কার হইতে মুক্ত হইয়া নি-

র্জনে বসিয়া কোমল হৃদয়ে শ্রীতি-কুস্মুমে সেই অদ্বিতীয় ঈশ্বরের পূজা করিতেছেন। পূর্বে ব্রাহ্ম ধর্ম কেবল জ্ঞানেতেই বদ্ধ ছিল, এখন কত সাধু ব্রাহ্ম নির্ভয়ে ব্রাহ্ম ধর্মের অনুষ্ঠানে প্রবৃত্ত হইতেছেন। বৎসরে বৎসরে, মাসে মাসে, দিবসে দিবসে, নিমেষে নিমেষে ব্রাহ্ম ধর্মের উন্নতি হইতেছে। এক পল্লিতে ব্রাহ্ম নাম ধনিত হইল, তৎক্ষণাৎ সেই পবিত্র নাম পাশ্চাত্ত পল্লিতে প্রতিধনিত হইল; এক গ্রামে কোন সাধু দৃষ্টান্ত প্রদর্শিত হইল, কিয়ৎকাল পরে বিংশতি গ্রাম সেই সাধু দৃষ্টান্তের অনুকরণে প্রবৃত্ত হইল। হৃদয়ে হৃদয়ে, পরিবারে পরিবারে, গ্রামে গ্রামে, দেশে দেশে এক বিশুদ্ধ শ্রীতি-যৌগ স্থাপিত হইতেছে। সকল পরিবার এক হইবে, সকল জাতি এক হইবে, তাহার অসংখ্য প্রমাণ দেখা যাইতেছে। ব্রাহ্ম ধর্ম বঙ্গ দেশের পূর্বাঞ্চলে পশ্চিমাঞ্চলে, উত্তর প্রদেশে দক্ষিণ প্রদেশে, বেগবতী স্রোতস্বতীর ন্যায় প্রবাহিত হইয়া অসংখ্য লোকের আত্মাতে অমৃত ফল উৎপাদন করিতেছে। ব্রাহ্ম ধর্মের উন্নতি কেবল বঙ্গদেশেই বদ্ধ রহিয়াছে, এমত নহে। ব্রাহ্ম ধর্ম কেবল বঙ্গ ভূমির ধর্ম নহে, ইহা সমুদায় পৃথিবীর ধর্ম। কি আশ্চর্য্য! দেশ বিদেশে এক সময়েই ব্রাহ্ম ধর্মের অগ্নি প্রদীপ্ত হইতেছে; বোধ হয় যেন অবিলম্বে সেই সকল অগ্নি একেবারে দাবানলের ন্যায় প্রজ্বলিত হইয়া সমুদায় পৃথিবীকে আলোকিত করিবে। জ্ঞানোজ্বল বোম্বাই দেশ ধর্ম তৃষ্ণায় কাতর হইয়া ব্রাহ্ম ধর্মকে আহ্বান করিতেছে। ইংলণ্ডেও ব্রাহ্ম ধর্মের প্রভা বিকীর্ণ হইতেছে, তথাকার কাপ্পনিক ধর্ম মন্দিরের মধ্যস্থল হইতে ব্রাহ্ম নাম কীর্তিত হইতেছে

এবং যাঁহাদের হস্তে সেই ধর্ম রক্ষা করিবার ভার অর্পিত হইয়াছিল, তাঁহারা তাহা বিনাশ করিতে খড়্গ-হস্ত হইয়াছেন। আমেরিকা স্বাধীনতার বলে কুসংস্কারের শৃঙ্খল ছেদ করিয়া সমাজ স্থাপন পূর্বক পবিত্র ব্রাহ্ম ধর্মকে রক্ষা ও প্রচার করিতেছেন। দেখ, চতুর্দিকে কেমন আশ্চর্য্য রূপে ব্রাহ্ম ধর্মের উন্নতি হইতেছে। ব্রাহ্ম-গণ! এই উন্নতি অবলোকন করিয়া তোমাদের আত্মা কি উত্তেজিত হইতেছে না, ব্রাহ্ম ধর্মের প্রতি তোমাদের অনুরাগ ও উৎসাহ কি শত গুণে প্রদীপ্ত হইতেছে না? তোমরা কি এখনো বিষয়-লালসা ও লোক-ভয় পরবশ হইয়া সংসারে অভিভূত হইয়া থাকিবে? এখনো কি বিরোধীদিগের তর্কতরঙ্গে তোমাদের বিশ্বাস আন্দোলিত হইবে; এখনো কি ক্ষুদ্র বিষয়ের বিনিময়ে অমূল্য সত্যকে লাভ করিতে সঙ্কুচিত হইবে? ব্রাহ্ম ধর্মের মহিমা তোমাদের সম্মুখে জাজ্বল্য-রূপে প্রকাশ পাইতেছে, ত্রয়স্ত্রিংশ বৎসরের উন্নতি তোমাদের সম্মুখেই রহিয়াছে; ব্রাহ্ম ধর্মের যথার্থ ভাব অবগত হইবার জন্য আর এখন অনুমানের উপর নির্ভর করিতে হয় না, তর্ক করিয়া সিদ্ধান্ত করিতে হয় না; এখন সকলই প্রত্যক্ষের ব্যাপার। এখন সাধু দৃষ্টান্তের অভাব নাই; ধর্মের আনন্দ, ধর্মের বল পুস্তকে বদ্ধ না থাকিয়া এখন জীবনে দেদীপ্যমান রহিয়াছে। বিদ্রুপ উপহাসে ব্রাহ্ম ধর্মের এক কণা মাত্র সত্যও বিনাশ প্রাপ্ত হয় না; রাজ-বিক্রমে, ধনীর নির্যাতনে, বিপদের কশাঘাতে ব্রাহ্ম ধর্ম অবসন্ন না হইয়া বরং নব উদ্যমে তেজীয়ান হয়। তোমরা পরীক্ষা করিয়া দেখ, ব্রাহ্ম ধর্মের কি বল। চিরদিনের জন্য আলস্য ও ভীর্ণতা বিসর্জন দিয়া একবার উৎসাহ স-

হকারে ধর্ম-যুদ্ধে প্রবৃত্ত হও। তোমরা অবশ্যই জানিতে পারিবে যে সংসারের বল দুর্ভলতার এক নাম মাত্র, বিষয়ের প্রতিবন্ধক ছায়া মাত্র। তোমাদের শরীর প্রস্তুতের ন্যায় কঠিন হউক, তোমাদের আত্মা ধর্মের অভেদ্য কবচে আবৃত হউক, তোমাদের জিহ্বা হইতে অগ্নিময় বাক্য-সকল বিনির্গত হউক, তোমাদের চক্ষু হইতে উৎসাহের প্রভা বিকীরিত হউক; মেদিনী তোমাদের ভয়ে কম্পিত হইবে, তোমাদের বাহু-বল, বুদ্ধি-বল, ধর্ম-বল, দেখিয়া অতি দুর্জয় নিদারুণ শত্রুও অবসন্ন হইয়া পড়িবে। ব্রাহ্মগণ! উথিত হও, ব্রাহ্ম নাম উচ্চারণ করিয়া শরীর মনকে অগ্নিময় কর, ভয়ানক বিস্ম-সকল অগ্নিতে পতঙ্গের ন্যায় ভস্মীভূত হইবে। বিরোধীদিগের অস্ত্রাঘাতে যদি শরীরের সমুদায় শোণিত নিঃসারিত হয়, বিপদের গুরু ভারে যদি সমুদয় অস্থি চূর্ণ হইয়া যায়, তাহাতেই বা কি? সত্যের জয় হইবেই হইবে, ইহা স্মরণ করিয়া আমরা ব্রাহ্ম ধর্ম পালনে কখনই বিমুখ হইব না। আমরা যখন সত্য-স্বরূপ ঈশ্বরের সন্নিধানে প্রতিজ্ঞা-বদ্ধ হইয়া রহিয়াছি—আমাদের দেহ মন প্রাণ সকল তোমারে দিলাম, তখন কি সেই প্রতিজ্ঞা পালনে বিমুখ হইয়া অসত্যের কলঙ্কে কলঙ্কিত হইব? ব্রত গ্রহণ করিয়া পালন করিলাম না, ইহা কি ব্রাহ্মের পক্ষে সামান্য অপরাধ! পুনর্বীর বলিতেছি, হে ভ্রাতৃগণ! তোমরা পরীক্ষা করিয়া দেখ, ব্রাহ্ম ধর্মের বলে কি না হয়। তোমরা যতই অগ্রসর হইবে, ততই বিরোধীগণ ভয়ে ভীত হইয়া নিরস্ত হইবে; তোমরা যতই কুণ্ঠিত হইবে, ততই তোমাদের বল অবসন্ন ও তাহার সঙ্গে সঙ্গে উন্নতির আশাও অবসন্ন হইবে। সেই “ভবান্তো ধিপোভং”



পরমেশ্বরকে অবলম্বন কর, অন্যায়সে সা-  
গর-সমান বিশ্ব-সকল অতিক্রম করিবে;  
ব্রহ্ম-বলে বলীয়ান হইয়া হস্ত প্রসারিত  
কর, লৌহময় কবাট চূর্ণ হইয়া যাইবে।  
“কিভয় লোক ভয়ে”। যখন সর্বশক্তিমান  
ঈশ্বর আমারদের দিকে, তখন আইস, সকলে  
মিলিয়া আগামী বৎসরে কায়-মনো-বাক্যে  
ব্রাহ্মধর্ম পালন করিতে দৃঢ়-ব্রত হই, লোক-  
নিন্দা, লোক-ভয়, সকল নীচ লক্ষ্য ত্যাগ  
করিয়া প্রাণ মন সকলি সেই আনন্দ-স্বরূপ  
পরব্রহ্মে সমর্পণ করি। যাঁহাকে সর্বস্ব  
বিক্রয় করিয়াছি, তাঁহারি প্রীতি-শৃঙ্খলে  
অনন্ত কাল যেন আমরা আবদ্ধ থাকি।

হে পরমাত্মন! তুমি আমারদের সক-  
লের হৃদয় ধামে প্রকাশিত হও। অদ্যকার  
উৎসবের আনন্দ যেন চির দিন আমারদের  
হৃদয়ে বিরাজ করে। তুমি অদ্য যে বিশুদ্ধ  
শ্রেম আমারদিগকে প্রেরণ করিবে, চির  
দিনই যেন তাহা সন্তোষ করি। তুমি  
এ প্রকার শুভ বুদ্ধি প্রেরণ কর, বল প্রেরণ  
কর যে যেন আগামী বৎসর ব্রাহ্মধর্মের মহি-  
মাকে মহীয়ান্ করিতে আরো মাধ্যানুসারে  
চেষ্টা করি। কিসে তোমাকে লাভ করিয়া  
আমি পবিত্র হই, ইহাই যেন আমার চির  
লক্ষ্য হয়। হে নাথ! তুমি দিন দিন আমা-  
রদের এই ব্রাহ্মসমাজের উন্নতি কর, এই  
বঙ্গ ভূমিকে তোমারি আয়ত্ত করিয়া লও,  
প্রত্যেক পরিবারে তুমি সর্ব-স্বামী-রূপে বি-  
রাজ কর, সমুদায় পৃথিবীতে ব্রাহ্মধর্মের  
মহিমা প্রকাশিত কর, তুমি সকলের হৃদ-  
য়কে তোমার দিকে আকর্ষণ কর; সকল  
পরিবার যেন এক পরিবার হয়, আমারদের  
সকল কার্যে যেন তোমার প্রতি লক্ষ্য স্থির  
থাকে, তোমাকে প্রাপ্ত হইবার জন্যই যেন  
আমরা লালায়িত হই। হে ঈশ্বর! তোমা  
ভিন্ন আমারদের আর গতি নাই, তুমি আ-

মারদের আশা, তুমিই আমারদের আনন্দ।  
হে নাথ! তোমার জন্য যদি সমুদায় বিষয়-  
সুখ বিসর্জন দিতে হয়, যদিপি সর্বত্যাগী  
হইয়াও তোমার কার্য সাধন করিতে হয়;  
তাহাতেও যেন কুণ্ঠিত না হই।

ও একমেবাদ্বিতীয়ং

### হিতকথা।

আমাদের যত প্রকার বিপদ আছে,  
পাপই সর্বাপেক্ষা প্রধান বিপদ। কারণ  
তদ্বারা পৃথিবীর সার বস্তু যে আত্মা, তাহাও  
জড় বস্তুর প্রতিক্রম ধারণ করে। রোগ,  
শোক, জরা, মৃত্যু, দারিদ্র্য প্রভৃতি যে সকল  
ঘটনাকে আমরা সচরাচর ভয়ানক বিপদ  
মনে করি, তাহার বাস্তবিক তাদৃশ ভয়ঙ্কর  
নহে; কারণ তদুৎপন্ন কষ্ট ক্ষণকাল স্থায়ী।  
কিন্তু আমরা যে রাশি রাশি পাপ-চিন্তা  
আত্মাতে সঞ্চার করিতেছি, তজ্জনিত যাতনা  
মৃত্যুর পরও বহু কাল পর্য্যন্ত স্থায়ী হইবে।

আমরা এখানেই এত প্রলোভনের  
মধ্যে অবস্থিতি করিয়াও যখন নির্জনে  
এক এক বার আত্ম-দৃষ্টি দ্বারা আত্মার প্র-  
কৃত মূর্তি দর্শন করি, তখন একেবারেই  
প্রায় হতাশ হইয়া পড়িতে হয়; কিন্তু মৃত্যুর  
পর যখন আমরা সকলে একাকী এক সম্পূর্ণ  
অপরিচিত লোকে যাইয়া উপস্থিত হইব;  
এবং অন্যের কথা দূরে থাকুক, সর্বাপেক্ষা  
প্রিয়তম শরীর পর্য্যন্ত আমারদিগের সঙ্গে  
থাকিবেক না; তখন আমাদের আত্ম-দৃষ্টি  
কত না প্রবল হইবে। সুতরাং তখনকার  
সেই অচিন্তনীয় যন্ত্রণার বিষয় আলোচনা  
করিয়া দেখিলে অপরাপর বিপদকে সম্পদ  
তুল্য বোধ হয়। অতএব হে মনুষ্যগণ!  
যদি তোমরা আপনাদিগের প্রকৃত বিপদ  
কি জানিতে চাহ, তবে মধ্যে মধ্যে নির্জনে

বসিয়া আপনাপন অন্তঃকরণের প্রতি পক্ষ-  
পাত শূন্য হইয়া দৃষ্টিপাত কর, এবং শৈশব  
কালাবধি যত পাপ চিন্তা সঞ্চার করিয়াছ,  
তাহা এক বার স্মৃতি পথে আনিবার চেষ্টা  
কর। তাহা হইলেই জানিতে পারিবে  
যে তোমার ভীষণতর শত্রু তোমার অন্ত-  
রেই অতি গুহ্য ভাবে অবস্থিতি করিতেছে।

তুমি এখানে বিবিধ বিষয়-সুখ ও মান  
সমুদয়ে পরিবেষ্টিত থাকিয়া আপনাকে পরম  
জ্ঞানী ও সৌভাগ্যশালী মনে করিয়া আ-  
নন্দে উৎফুল্ল আছ বটে, কিন্তু নিশ্চয়  
জানিও, একপ অবস্থা বহুকাল স্থায়ী হইবে  
না। মৃত্যু আসিবেই আসিবে, এবং  
এক সময়ে তোমাকে তোমার আত্মার প্রকৃত  
অবস্থা দেখাইয়া আত্মগ্লানি রূপ ভীষণতর  
অগ্নিতে দগ্ধ করিবেই করিবে। অতএব  
যদি আপনাকে রক্ষা করিতে চাও, তবে  
নন্দ হও, এই দণ্ডেই আত্মানুসন্ধান কর  
এবং ঈশ্বরের নিকট আপনার ঘোরতর  
অপরাধ স্বীকার করিয়া আত্মার পুনর্জী-  
বনের জন্য বল প্রার্থনা কর।

হে বিষয় বিলাসী আমোদ প্রিয় মনুষ্য-  
গণ! তোমরা মৃত্যুকে এখন যত সামান্য  
বোধে তুচ্ছ করিতেছ, সে উপস্থিত হইলে  
কখনই তাদৃশ সামান্য বোধ করিতে পা-  
রিবে না। অতএব এই দণ্ডেই পরকালের  
জন্য প্রস্তুত হইবার চেষ্টা কর। নতুবা  
যখন মায়ার শত শত গ্রহি একেবারে  
ছিন্ন হইতে থাকিবে, তখন সহসা তোমরা  
ঘোরতর তমসাস্ত্রম অগাধ নৈরাশ্য সাগরে  
মগ্ন হইয়া উপর্যুপরি অসহ যন্ত্রণা ভোগ  
করিবে। যদি বিষয় বিমুক্ত চিন্তের পক্ষে  
মৃত্যু ভয়ঙ্কর কি না জানিতে চাহ, তবে  
এক বার শান্ত মনে নির্জনে বসিয়া তাহার  
আগমন কালের অবস্থা আলোচনা করিয়া  
দেখ। এখন একটি বিষয় স্মৃতির বিচ্ছেদে

তোমার চিন্তে কতই শোকানল উদ্দীপ্ত  
হয়, কিন্তু তখন সেই রূপ শত শত শো-  
কাগ্নি-শিখা একেবারে উদ্দীপ্ত হইয়া উঠি-  
বেক। অতএব সাবধান! মৃত্যুকে তুচ্ছ  
করিও না। নিশ্চয় জানিও বিষয় বিমুক্ত  
চিন্তের পক্ষে সে একটা অচিন্তনীয় যন্ত্রণার  
দ্বার স্বরূপ।

সেই সাধুই ধন্য, সেই প্রকৃত মনুষ্য,  
যে এখানে থাকিয়াই পাপ পূর্ণ আত্মার  
পারলৌকিক অচিন্ত্য যন্ত্রণার বিষয় আলো-  
চনা করিয়া জীবিত থাকিতে থাকিতে পা-  
পের জন্যই আপনাকে সর্বাপেক্ষা অধিক  
বিপদগ্রস্ত মনে করে, এবং ঈশ্বরের নিকট  
নিতান্ত কাতর অন্তরে প্রার্থনা করিয়া তাহা  
হইতে মুক্তি লাভের জন্য ঐ কাঙ্ক্ষিত যত্ন-  
শীল হয়।

## বিজ্ঞান

### জন্তু বিজ্ঞান।

প্রথম ভাগ।

২৩৪ সংখ্যক পত্রিকার ১৭৪ পৃষ্ঠার পর।

পূর্বোক্ত সুস্থ অদৃশ্য প্রাণিদিগের আকা-  
রের বিষয় আলোচনা করিলে এবং তাহাদিগের  
বংশরক্ষা ও বৃদ্ধির জন্য ঈশ্বরের অসামান্য কৌশল-  
সম্পন্ন বিবিধ উপায় স্থির চিন্তে চিন্তা করিলে বিল-  
ক্ষণ প্রতীতি হইবে, যে আকৃতির দীর্ঘতা বা অস্পতা  
ভেদে তাঁহার মহিমা ও করুণার তারতম্য হয় নাই।  
ক্ষুদ্রতম কীটগু হইতে অত্যন্ত মাতঙ্গ পর্য্যন্ত সক-  
লকেই তিনি সমপ্রদ্বাবান হইয়া বিরচন ও স-  
করণ নৈবে বিলোকন করেন। বিশেষ অনুস-  
ন্ধান দ্বারা উপলব্ধি হইবে যে এই সমস্ত কীটগু  
সৃষ্টি করিয়া জগদীশ্বর আমাদের ভূরি উপকার  
সম্পাদন করিতেছেন। উহাদিগকে বিশ্বপরিষ্কর্তা  
বলিলেও বলা যায়। পরমেশ্বর তাহাদিগকে যে  
প্রবল বুভুক্ষা প্রদান করিয়াছেন, তদ দ্বারা তা-  
হার হর্গন্ধময় গলিত পদার্থ সকল উদরস্থ করিয়া  
এবং আপনারা অপরাপর প্রাণির তক্ষ্য রূপে

পরিণত হইয়া জগতের সমুহ উপকার সম্পাদন করিতেছে। তাহারা যদি ঐসমস্ত আণেত্রিয়-অনি-  
কর পদার্থ দূরীকৃত না করিত, তাহা হইলে  
জগৎ প্রাণ বায়ু জগৎশাক হইয়া উঠিত, স্বাস্থ্য রক্ষা  
করা সকলেরই পক্ষে দুঃকর হইত। অতএব যে  
সমস্ত আণুবীক্ষণিক কীটাদি নিচয়ের সৃষ্টি অনে-  
কের নিকটে অনর্থক বলিয়া প্রতিভাত হয়, তা-  
হারাও আমাদের জল বায়ুর ন্যায় আবশ্যিক,  
তাহারাও আমাদের জীবন ধারণ বিষয়ের  
এক মহৎ সাধন, আমরা অজ্ঞতা প্রযুক্তই উপকার  
স্বীকার করি না। কোন বস্তুই জগতে নিরর্থক  
সৃষ্ট হয় নাই। জগৎকর্তার অনন্ত জ্ঞান ও অ-  
তিপ্রায় কি আমাদের পরিমিত জ্ঞান দ্বারা  
আয়ত হইতে পারে? কেবল তাঁহার মঙ্গল-  
প্রায়ের উপর আমরা নির্ভর করিতে পারি।

অনেকানেক ক্ষুদ্র জাতীয় স্তম্ভজদিগের শমু-  
কাদির ন্যায় কঠিন চূর্ণময় আবরণ আছে। কো-  
মলশরীরদিগের আবরণের ন্যায় ইহাদিগের  
আবরণও নানা প্রকার সুশোভন দৃশ্য, ইহাতে  
নির্মাতার কি অদ্ভুত নির্মাণ চাতুরিই পরি-  
দৃশ্যমান হইতেছে। তাহারা পৃথিবীর ভিন্ন  
ভিন্ন স্থানে, অনেকে একত্র পুঞ্জ বদ্ধ হইয়া  
থাকে। টারগবার্ণ নামক জনৈক পণ্ডিত 'বোহি-  
মিয়া' দেশে একটি ক্ষুদ্র পর্বত দেখিয়াছিলেন,  
তাহা কেবল এই কীটাদিগের আবরণাবশেষের  
সুপ মাত্র। এই কীটাদিগের একটি স্তর প-  
রীক্ষা করিয়া দেখিয়াছিলেন যে তাহার ওতোক  
ঘণ বুরুলে ৪১, ০০০, ০০০, ০০০ চারি খর্ব্ব এক  
বৃন্দ কীটাদিগের মৃতাবশেষ নিহিত ছিল, তাহাতে সমু-  
দায় পর্বতে যে কত কীটাদি সন্নিবিষ্ট ছিল,  
তাহা সংখ্যায়ত নহে। এই আবরণাবশেষ  
হইতে "টিপলি" নামক সুপ্রসিদ্ধ ষাটুমাৰ্জণী  
প্রস্তুত হইয়া থাকে। সুইডেন দেশের অক্সবর্ডার  
ইউরোপিয়া নামক হ্রদের তট দেশে এই প্রকার  
পদার্থ প্রাপ্ত হওয়া যায়, তত্রস্থ ইতর বংশীয়েরা  
তাহাকে "পর্বতাহার" বলিয়া থাকে এবং  
গোপন চূর্ণের সহিত বিমিশ্র করত আহারে  
ব্যবহৃত করিয়া থাকে। আয়ারলণ্ড প্রদেশে বান  
রেজার ভয়ার কোম্পানি ডাউন নামক প্রদেশে  
একটি হ্রদ খনন করিতে করিতে এই কীটাদিগের  
মৃতাবশেষ সম্পূর্ণ হইয়াছিলেন। এই রূপ নীল,  
এসু প্রভৃতি নদী, বাল্টিক সাগর এবং অপরূপ  
অনেক প্রদেশে উহা প্রাপ্ত হওয়া যায়।

এই সকল আণুবীক্ষণিক কীটাদিগের অদৃশ্য  
প্রায় আকার এবং তাহাদিগের সমুদয় পরি-  
প্রমোদিত কীর্তি কলাপ সন্দর্শন করিলে টারগ  
বর্ণ পণ্ডিতের অতিপ্রায় নিতান্ত মঙ্গল বোধ হয়।

তিনি কহেন, এই সকল আণুবীক্ষণিক প্রাণি অ-  
সমুদয় পরিপ্রমে হীন কম্প বটে, কিন্তু সমুদয়  
পরিপ্রমে তাহারা সিংহ ব্যাত্রাপেক্ষাও অশেষ  
গুণে শ্রেষ্ঠ।

— ০ —

### মাতার মায়ৎসরিক শ্রাদ্ধ-বাসরে যজ্ঞমানের প্রার্থনা।

হে বিশ্ব-জননী অখিল মাতা! অদ্য আমার  
মাতার শ্রাদ্ধ-বাসরে সবন্ধু বান্ধব পরিবার মধ্যে  
তোমার সম্মুখে দণ্ডায়মান হইয়া তোমাকে শ্রীতি-  
পূজা প্রদান করিয়া প্রার্থনা করিতেছি, যে যেমন  
তুমি আমারদের এখানকার সকলের মঙ্গল বিধান  
করিতেছ, সেই রূপ পর লোকে দিব্যধাম-বাসিনী  
আমার মাতার পবিত্র আত্মার উন্নতি সাধন কর  
এবং তোমার অমৃত-ক্রোড়ে তাঁহাকে স্থান দাও।  
মাতা তোমার মঙ্গল-রূপেরই প্রতিকরূপ, মাতা  
মধু-স্বরূপ। মাতার স্বার্থহীন স্নেহেতেই এই  
শরীর মন জীবন আত্মারক্ষা পাইয়াছে, মাতার  
স্নেহ পাইয়াই তোমার স্নেহ উপলব্ধি করিতেছি  
এবং দিনে নিশীপে তোমার প্রেম অনুভব করি-  
তেছি। অতএব তাঁহার প্রতি আমার শ্রদ্ধা ভক্তি  
উদ্দীপন কর। তিনি যে লোকে থাকুন, আমার  
প্রতি প্রসন্ন থাকুন, এবং তাঁহার অপ্রিয় ব্যবহার  
যাহা কিছু করিয়া থাকি, তিনি তাহা ক্ষমা করুন।  
তাঁহার সেই উজ্জ্বল স্নেহ-পূর্ণ মুখ আমার মানস-  
পটে এখন অবিকল প্রতিভাত হইতেছে, তিনি  
সেই উন্নত লোক হইতে আমাকে যেন এখন  
অবলোকন করিতেছেন। হে মাতা! যখন তুমি  
আমার শৈশবাবস্থায় আমাকে স্নেহ করিতে, তখন  
তোমার সেই স্নেহ আমি জানিতেও পারি নাই;  
কত কাল পরে সেই স্নেহ জানিয়াছি, কিন্তু তাহার  
পরিশোধ কিছুই করিতে পারি নাই।

হে মঙ্গল্য মঙ্গলময় বিশ্ব-বিধাতা! তুমি এই  
পরিবারের সকলের মধ্যে মঙ্গল-ভাব বিস্তার কর।  
এই পরিবার তোমারই প্রিয় পরিবার, তোমার  
মঙ্গল-দৃষ্টি হইতে আমারদের কেহই বিচ্যুত নহে।  
হে জীবন-দাতা জ্ঞান-দাতা পরম পিতা! তোমার  
জ্ঞান আমাদেরদিকে শিক্ষা দেও, তোমার আশ্রয়  
প্রদান কর, এবং তোমার অক্ষয় ভাণ্ডার হইতে  
আমাদের সকল অভাব মোচন কর। তোমা  
হইতে আমরা যে কিছু মঙ্গল পাই, তাহাতেই  
যেন সন্তোষে থাকি, তুমি যাহা কিছু দিয়াছ, যদি  
সকলই যায়; তথাপি তোমার মঙ্গল-স্বরূপে বিশ্বাস  
যেন কখনই শিথিল না হয়। তুমি আমাদেরকে  
সংসারের সম্পদই প্রেরণ কর, আর বিপদেই

আহৃত কর, হে মঙ্গলময়! প্রত্যেক অবস্থার পরি-  
বর্তনে তুমি আমাদের সঙ্গেই থাকিও। তোমার  
দক্ষিণ-মুখ—তোমার প্রেম-দৃষ্টি যেন সকল সময়  
আমাদের হৃদয়কে প্রফুল্ল ও উন্নত করিয়া  
রাখে। হে মুখ-দাতা, মঙ্গল-দাতা পরম পিতা!  
তোমার প্রসাদে বায়ু মধু বহন করিতেছে, সমুদ্র  
মধু ক্ষরণ করিতেছে; আবার তোমারই প্রসাদে  
ওষধি বনস্পতি-সকল মধুমান হউক, গো-সকল  
সুমধুর দুগ্ধ দান করুক। রাত্রি মধু হউক, উষা  
মধু হউক, ছালোক ও ভুলোক মধুময় হউক; সূর্য  
মধুমান হউক; পিতা ও মাতা তোমার মধুময়  
মঙ্গল-ভাবের অনুকরণ করুন।

হে নিরবদ্য নিরঞ্জন পবিত্র পরমেশ্বর! আ-  
মরা যেমন এক্ষণে তোমার উদার প্রসাদ অনুভব  
করিতেছি; এই প্রকার যখন পৃথিবীর দিন অব-  
সান হইবে, তখন যেন আমরা প্রত্যেকে তোমার  
চরণের মঙ্গল-ছায়া লাভ করিতে পাই। এই  
পরিবার মধ্যে আমারদের দেশে সমুদায় পৃথিবীতে  
তোমার প্রসাদ বিস্তরণ কর। তোমার জ্যোতি,  
তোমার সত্য, সকল স্থানে প্রেরণ কর। তোমার  
রাজ্যের সকল স্থান হইতেই যেন সত্যের প্রসারণ  
প্রযুক্ত হয়, এবং মঙ্গল-ভাবের উৎস উৎসারিত  
হইতে থাকে।

ওঁ মধু বাতায়তায়তে মধু ক্ষরন্তি সিন্ধবঃ।

মাপীর্ষঃ সন্তুষ্টাষধীঃ।

মধু নক্তমুঃতামসোমধুমং পার্থিবং রজঃ।

মধু দৌরস্ত নঃ পিতা।

মধুমানোবনস্পতির্মধুমাং অস্ত সূর্য্যঃ।

মধুর্গাবোভবন্ত নঃ।

ওঁ স্বস্তিঃ স্বস্তিঃ স্বস্তিঃ হরিঃ।

ওঁ একমেবাদিতীয়ং

ব্রহ্মার্ণবমস্ত

### পিতার আদ্যা-শ্রাদ্ধ বাসরে যজ্ঞমানের প্রার্থনা।

হে পিতা অখিল মাতা! দশ রাত্রি  
হইল, আমাদের ভক্তিভাজন পিতা তোমার ম-  
ঙ্গল ইচ্ছায় ইহ লোক হইতে অবসৃত হইয়াছেন।  
তিনি যখন রোগ যন্ত্রণায় নিতান্ত কাতর হইলেন,  
আমরা কিছুতেই তাঁহার যন্ত্রণা শান্তি করিতে  
পারিলাম না, তুমি তখন আপনার অমৃত  
ক্রোড়ে আশ্রয় দিয়া তাঁহাকে সকল যন্ত্রণা হইতে  
মুক্ত করিলে। হে মঙ্গলময়! আমাদের জীব-  
নদাতা তোমার প্রতিনিধিস্বরূপ পিতা যেরূপ  
স্নেহে আমাদেরদিকে প্রতিপালন করিয়াছিলেন,

তাহা কোন কালে পরিশোধ হইবার নয়। এই  
সংসার সমুদ্রে তিনি আমাদের স্বীপস্বরূপ ছিলেন।  
তিনি স্বয়ং সমুদয় বিপদের ভার বহন করিয়া  
আমাদেরদিকে রক্ষা করিতেন, আপনার গ্রাস হইতে  
বিভাগ করিয়াও আমাদের ক্ষুধা শান্তি করিয়াছেন।  
পিতৃস্নেহ কীর্তন করিয়া শেষ করা যায় না, পিতৃ-  
ঋণ কিছুতেই পরিশোধ করা যায় না। অতএব  
আমরা সপরিবারে দণ্ডায়মান হইয়া তোমার  
নিকট এই প্রার্থনা করিতেছি যে, তাঁহার প্রতি  
আমাদের কৃতজ্ঞতা ও ভক্তি উন্নত করিয়া দাও।  
হে মুক্তি দাতা! তুমি যেমন তাঁহাকে লোকান্তরে  
লইয়া তাঁহার রোগ যন্ত্রণা শান্তি করিলে, সেই  
রূপ সেখানে তাঁহাকে আপনার অভিমুখে আনিয়া  
সংসারের পাপ ভাপ হইতে নিস্তার কর। তাঁহাকে  
সত্যজ্যোতিতে ভূষিত করিয়া তোমার সঙ্গী করিয়া  
লও। তিনি যে লোকে থাকুন, আমাদের প্রতি  
প্রসন্ন থাকুন এবং আমরা তাঁহার নিকট যাহা কিছু  
অপরাধ করিয়াছি, তাহা তিনি ক্ষমা করুন।

দীননাথ! আমরা পিতৃহীন হইয়া তোমার  
সম্মুখে দণ্ডায়মান হইয়াছি, আমাদেরদিকে তোমার  
অত্যন্ত মূর্তি প্রদর্শন কর। পিতা আমাদেরদিকে যে  
সংসারের গুরুতর ভার সমর্পণ করিয়া গেলেন, তাহা  
বহন করিবার সামর্থ্য প্রদান কর। এ সংসার  
তোমারই প্রিয় সংসার, এখানে তোমার প্রিয়  
কার্য করিতে গিয়া যে সকল ক্লেশ প্রাপ্ত হইবে,  
তাহা যেন তোমার প্রেমে পুলকিত হইয়া সহ্য  
করিতে পারি। সুখের লোভে তোমার আত্মার  
প্রতিকূলে আমাদের যে সকল প্রবৃত্তি উদ্ভিত  
হইবে, তাহা যেন তোমার পবিত্র জ্যোতিতে ভ-  
স্মীভূত হইয়া যায়। যদি ধন, মান, যশ ও প্রাণ  
পর্যন্ত পরিত্যাগ করিতে হয় তথাপি যেন ধর্মপথ  
হইতে বিচলিত না হই। ধর্ম রক্ষার নিমিত্ত তুমি  
আমাদেরদিকে যে শক্তি প্রদান করিয়াছ, তাহা  
যেন কার্য কালে অবলম্বন করিতে প্রবৃত্তি হয়,  
যখন ধর্মীচরণে আমাদের সমুদায় বল নিঃশে-  
ষিত হইবে, তখন যেন তোমার নিকট স্মৃতি বল  
প্রাপ্ত হই। তোমার প্রসাদে আমাদের এই বংশ  
যেন পূর্ব-পূর্ব-পুরুষদিগের সাধু-বৃত্তি-সকল অনু-  
করণ করে। হে মঙ্গলময়! তুমি এই পরিবারের  
সকলের মধ্যে মঙ্গল-ভাব বিস্তার কর। এই প-  
রিবার তোমারই প্রিয় পরিবার, তোমার মঙ্গল-দৃষ্টি  
হইতে আমাদের কেহই বিচ্যুত নহে। হে জীবন-  
দাতা জ্ঞান-দাতা পরম পিতা! তোমার জ্ঞান  
আমাদেরদিকে শিক্ষা দেও, তোমার আশ্রয় প্রদান  
কর, এবং তোমার অক্ষয় ভাণ্ডার হইতে আমা-  
দের সকল অভাব দূর কর। তোমা হইতে আমরা  
যে কিছু মঙ্গল প্রাপ্ত হই, তাহাতেই যেন সন্তোষে

থাকি। তুমি যাহা কিছু দিয়াছ, যদি সকলই যায়; তথাপি তোমার মঙ্গল-স্বরূপে বিশ্বাস যেন কখনই শিথিল না হয়। তুমি আমারদিগকে সংসারের সম্পদই প্রেরণ কর, আর বিপদেই আর্ত কর, হে মঙ্গলময়! প্রত্যেক অবস্থার পরিবর্তনে তুমি আমারদের সঙ্গেই থাকিও। তোমার দক্ষিণ-মুখ—তোমার প্রেম-দৃষ্টি যেন সকল সময় আমারদের হৃদয়কে প্রফুল্ল ও উন্নত করিয়া রাখে। হে বিশ্ব-বিধাতা জগৎ-পিতা! তোমার প্রসাদে বায়ু মধু বহন করিতেছে, সমুদ্র মধুক্ষরণ করিতেছে; আবার তোমারই প্রসাদে ওষধি বনস্পতি-সকল মধুমান হউক, গো-সকল সুমধুর দুগ্ধ দান করুক। রাত্রি মধু হউক, উষা-মধু হউক, দ্রালোক, ভুলোক ও সূর্য্য মধুময় হউক; পিতা তোমার মধুময় মঙ্গল-ভাবের অনুকরণ করুন।

হে নিরবদ্য নিরঞ্জন পবিত্র পরমেশ্বর। আমরা যেমন এক্ষণে তোমার উদার প্রসাদ অনুভব করিতেছি; এই প্রকার যখন পৃথিবীর দিন অবসান হইবে, তখন আবার যেন আমরা প্রত্যেকে তোমার চরণের মঙ্গল-ছায়া লাভ করিতে পাই। এই পরিবার মধ্যে, আমাদের দেশে, সমুদয় পৃথিবীতে তোমার প্রসাদ বিতরণ কর। তোমার জ্যোতি, তোমার সত্য, সকল স্থানে প্রেরণ কর। তোমার রাজ্যের সকল স্থান হইতেই যেন সত্যের প্রস্রবণ প্রযুক্ত হয়, এবং মঙ্গল ভাবের উৎস উৎসারিত হইতে থাকে।

ওঁ মধু বাতাঋতায়তে মধু ক্ষরন্তি সিন্ধবঃ।  
মাধীর্ষঃ সন্তোষধীঃ।  
মধু নক্তমুতোষসোমধুমং পার্থিবং রজঃ।  
মধু দোীরস্ত নঃ পিতা।  
মধুমারোবনস্পতির্মধুমাং অস্ত সূর্য্যঃ।  
মাধীর্গীবোভবন্ত নঃ।  
ওঁ স্বস্তিঃ স্বস্তিঃ স্বস্তিঃ হরিঃ।  
ওঁ একমেবাদ্বিতীয়ং  
ব্রহ্মার্চনমস্ত

কলিকাতা ব্রাহ্মসমাজের ১৭৮৪ শকের  
পৌষ মাসের আয় ব্যয়  
বিবরণ।

আয় .. .. .	২৬২১১/১৫
পূর্বকার স্থিত .. .. .	৫৪৬। ৫
	৮০৯
ব্যয় .. .. .	৩৪৩৬ ৫
সম্পাদকের হস্তে .. .. .	৪৬৫ ১/১৫

বাঙ্গাল ব্যাঙ্কে .. .. .	৫৩৬/৫
কোং কাগজ .. .. .	৫০.

ব্রাহ্মদিগের প্রতিজ্ঞাত সাংসারিক দান।

শ্রীযুক্ত জয়গোপাল সেন ও	
“ বৈকুণ্ঠনাথ সেন ..	১৪৬০/১০
“ মহেশচন্দ্র ঘোষ ও	
“ মহেন্দ্রলাল সরকার .. ..	১০
“ রামকানাই সেন .. ..	৪
“ কানাইলাল পাইন .. ..	২
“ নন্দলাল মিত্র .. ..	২
“ রামসেবক দে .. ..	১

মাসিক দান।

শ্রীযুক্ত জি, এন, গজপতি রাও ..	১২
“ মদনমোহন চট্টোপাধ্যায় ..	৬
“ রাজা প্রসন্ননারায়ণ দেব রায়	৫
“ বৈকুণ্ঠনাথ সেন .. ..	২
	২৫


এক কালীন দান।

শ্রীযুক্ত কেশবচন্দ্র ব্রহ্মানন্দ .. ..	২
“ দুর্গাচরণ বল্লভ .. ..	১
“ লক্ষ্মীনারায়ণ বসু .. ..	১
“ নরনারায়ণ পাহাড়ি .. ..	১
“ হরদেব চট্টোপাধ্যায় .. ..	১০
	৫০

শুভকর্মের দান।

শ্রীযুক্ত কেশবচন্দ্র ব্রহ্মানন্দ .. ..	৫
ব্রাহ্মধর্ম প্রচারার্থ দান	
শ্রীযুক্ত কেশবচন্দ্র ব্রহ্মানন্দ .. ..	৫
দানাদারে দান .. ..	২১১/১৫

এই তত্ত্ববোধিনী পত্রিকা, কলিকাতা নগরে ঘোড়া-সাঁকোস্থিত ব্রাহ্মসমাজের কার্যালয় হইতে প্রতিমাসে প্রকাশিত হয়। ইহার মূল্য ১০ ছয় আনা মাত্র। ৪ ফাল গুন রবিবার সন্ধ্যা ১২১২ কলিকাতা ৪২৩৩।



তত্ত্ববোধিনী পত্রিকা

ব্রহ্মবা একমিদমগ্রামীমান্যং ক্লিষ্টনানীতদিদং সর্দমসু জ্ঞৎ। তদেব নিত্যং জ্ঞানমনস্তং শিবং স্বতন্ত্রব্রহ্মবয়বমেক-মেবাদ্বিতীয়ং সর্বব্যাপিসর্বনিয়ন্তু সর্বাশ্রয়সর্ববিৎসর্বশক্তিমন্ধু বস্তুপূর্ণমপ্রতিমমিতি। একস্য তস্যৈবোপাসনয়া পার-ত্রিকমৈহিকঞ্চ শুভভবতি। তস্মিন্ প্রীতিস্তস্য প্রিয়কার্যসাধনঞ্চ তদুপাসনমেব।

বেহাল ব্রাহ্মসমাজের

বক্তৃতা।

৫ প্রাবণ ১৭৮৪ শক।

হৃদয় রাজকে হৃদয় মন্দিরে প্রত্যক্ষ সন্দর্শন করত তোমরা এখন সংসারের হর্ষ শোক হইতে বিমুক্ত হইয়া ব্রহ্মানন্দ উপভোগ কর। শোক তাপ হইতে বিমুক্ত হইবার ঈশ্বর ভিন্ন আর উপায়ান্তর নাই। প্রজ্বলিত অনল নির্বাণ করিবার জলই যেমন এক মাত্র উপায়, আমারদিগের শো-কানল ছুঃখানল মির্ভাইবার তেমনি ঈশ্বরই এক মাত্র সাধন। অতএব এখনই তাঁহাকে লাভ করিয়া আইস আমরা সকলে সংসার যন্ত্রণা হইতে বিমুক্ত হই।

আমাদের মনের অন্ধকার, আত্মার বিঘা, এই প্রেম-স্বরূপ পরমেশ্বর ভিন্ন আর কিছুতেই বিদূরিত হইবার নহে। সূর্য্য প্রকাশিত না হইলে যেমন রজনীর গাঢ়তম অন্ধকার কিছুতেই সম্পূর্ণ-রূপে তিরোহিত হয় না, অন্ধকার বিনষ্ট করিবার নিমিত্ত যেমন আবহমান কাল পর্য্যন্ত তিমির বিনাশন প্রভাকরই বিদ্যমান রহিয়া-

ছেন; সেই রূপ আমারদিগের আত্মার অন্ধকার বিনষ্ট করিবার জন্য প্রেম জ্যোতিঃ সত্য জ্যোতিঃ পরমেশ্বর চিরকালই বিরাজ করিতেছেন। যে তাঁহাকে প্রার্থনা করে, তিনি তাহারই মানসাকাশে উদ্ভিত হইয়া তাহার হৃদয়ের অন্ধকার বিনষ্ট করেন, তাহার আত্মার বিঘাদ বিদূরিত করিয়া দেন।

যদি দিবালোকে আমরা আমারদিগের গৃহ দ্বার বন্ধ করিয়া রাখি, তাহা হইলে সূর্য্য প্রকাশিত থাকিলেও তো আমারদিগের বাস গৃহ অন্ধকারে পূর্ণ থাকিবেই। যে গৃহস্থ প্রভাত সময়ে আপনার গৃহের দ্বার উন্মুক্ত করিয়া দেয়, তাহারই গৃহের অন্ধকার তিরোহিত হইয়া যায়। সেই প্রেম জ্যোতিঃ সত্য জ্যোতিঃ পরমেশ্বরের শুভ কিরণে এই সমাজ মন্দির পূর্ণ রহিয়াছে। তিনি এই পবিত্র মন্দিরে এখন প্রকাশিত হইয়া জাজ্বল্যতর রূপে স্বীয় উজ্জ্বল কিরণ বিকীর্ণ করিতেছেন। আমরা যদি এখন হৃদয় দ্বার উন্মুক্ত করিয়া না দিই, তবে আমারদিগের মনের অন্ধকার কেমন করিয়া বিনষ্ট হইবে, সেই শুভ মঙ্গল কিরণ কেমন করিয়াই বা আমারদিগের হৃদয়ের অভ্য-

স্তরে প্রবেশ করিবে। আইস, আমরা এক্ষণে সকলে মিলে সেই সত্য জ্যোতিঃ পরমেশ্বরের সন্নিধানে হৃদয় দ্বার উন্মুক্ত করিয়া দিই, আইস আমরা আমারদিগের হৃদয়ধারকে প্রসস্ত করি, যদি আমারদিগের হৃদয়ের কোন গুঢ়তম প্রদেশে কোন রূপ গাঢ়তম অন্ধকার সঞ্চিত থাকে, তাঁহার মঙ্গল করণে তাহা বিনষ্ট হইয়া সমুদায় হৃদয় জ্যোতির্ময় হইবে।

রোগী যদি চিকিৎসকের সন্নিধানে স্বীয় শারীরিক ভাব ব্যক্ত না করে, তবে কেমন করিয়া তাহার রোগ শাস্তি হইবে। আমরা যদি ঈশ্বর সন্নিধানে আত্ম ভাব গোপন করিয়া রাখি, যাঁহার নিকটে প্রতি-ক্ষণই হৃদয় ভাব ব্যক্ত করা কর্তব্য; যদি সপ্তাহ পরে এক ঘণ্টার নিমিত্তেও তাঁহার সন্নিধানে হৃদয় দ্বার সম্পূর্ণ রূপে উন্মুক্ত করিয়া না দিই, তবে কেমন করিয়া আমারদিগের হৃদয় বেদনার উপশম হইবে; আমরা যে প্রতিনিয়ত অন্তর্জরে জঙ্করীভূত হই-তেছি, কেমন করিয়াই বা সেই জ্বরের মূল বিনষ্ট হইবে। সেই মঙ্গল দাতা সিদ্ধি দাতা প্রাণ দাতার নিকটে আত্ম ভাব গোপন করিয়া রাখিলে আমারদিগের আত্মার প্রাণ কেমন করিয়াই বা রক্ষা পাইবে।

ভ্রাতৃগণ! হৃদয় দ্বার উন্মুক্ত করিয়া দাও, সেই প্রিয় সখার উজ্জ্বল মূর্তি অন্তরে বাহিরে সন্দর্শন করিয়া জীবনকে সার্থক কর। চতুর্বিংশতি ঘটিকার মধ্যে এক ঘণ্টাকাল কত অল্প সময়; সপ্তাহের সহিত এক ঘণ্টা কালের তো তুলনাই হয় না। আশ্চর্য্য! সপ্তাহ পরে সব স্মৃতিতে মিলে একবার যে প্রাণ সখার পবিত্র নাম উচ্চারণ করি, এক ঘণ্টা কালের নিমিত্ত এই সমস্ত অতিম হৃদয় ভ্রাতৃগণ দ্বারা পরিবে-ষ্টিত হইয়া সেই পিতার পিতা গুরুর গুরু-

কে যে প্রীতি করি, ভক্তি করি, পূজা করি, এমন সাবকাশও হয় না। এমন অল্প সময়ের জন্যও কুটিল বিষয় চিন্তা আমা-রদিগের হৃদয়কে অধিকার করিয়া রাখে, এমন স্বপ্ন কালের জন্যেও দুঃশ্চন্দ্য বিষয়াকর্ষণ আমারদিগের হৃদয় মনকে সংসার মধ্যে আবদ্ধ করিয়া রাখে।

সংসারই মার, বিষয় সূখই কি আমা-রদিগের সর্বস্ব? স্ত্রী পুত্র পরিবারের জ-ন্যেই আমরা লালায়িত হইতেছি, বিষয় লাভের নিমিত্তই আমরা ব্যাকুলিত হই-তেছি; কিন্তু যিনি আমারদিগের স্ত্রী পুত্র পরিবারের প্রেরিতা, যিনি আমারদিগের সকল সূখ ঐশ্বর্যের এক মাত্র বিধাতা, তাঁহাকে একবারও স্মরণ করি না। এক দিনের জন্যে পুত্রের নিষ্কলঙ্ক মুখ স্ত্রী সন্দ-র্শন করিতে না পারিলে, এক ঘণ্টার নি-মিত্তে অতিম হৃদয় সাধু মিত্রের সহবাস লাভ করিতে না পারিলে, হৃদয় কেমন অ-স্থির হইতে থাকে; কিন্তু যিনি পুত্র হইতে প্রিয়, শিশু হইতে প্রিয়, আর আর বাবতীয় বস্ত্র হইতে প্রিয়তর হয়েন, যাঁহার প্রসাদে পুত্র লাভ, মিত্র লাভ করিলাম, যাঁহার কৃপায় এই সংসারের মুখশ্রী সন্দর্শন করি-লাম, তাঁহার দর্শন না পাইলে—তাঁহার সহবাস লাভ করিতে না পারিলে, আমরা দেব হৃদয় মন উচ্চাটন হয় না। কি পাষণ আমা-রদিগের হৃদয়, কি কঠিন আমা-রদিগের প্রাণ। প্রদত্ত বস্ত্রই আমা-রদিগের সর্বস্ব, প্রদাতা আমা-রদিগের নিকটে কিছুই নহেন। ছায়াই আমা-রদিগের প্রাণ জ্যোতিঃ আমা-রদিগের নিকটে শূন্য বস্ত্র। আমা-রদিগের হৃদয়ের তুলনায় পাষণ কি কোমলতর, মরু ভূমি কি সরস ক্ষেত্র নহে?

ঈশ্বর উপাসনা করিবার আমা-রদিগের অবসর নাই অবকাশ নাই মনুষ্যেরই নিকটে

বলিতে পারি—আমরা মনুষ্যেরই নিকটে কপট বেশ ধারণ করিতে সমর্থ হই। যিনি আমা-রদের অন্তর বাহ্য সমান রূপে সর্বদা প্রত্যক্ষ করিতেছেন, যাঁর রাজ্যে আমরা আজন্ম কাল বাস করিতেছি, যাঁর স্নেহে জন্মাবধি প্রতিপালিত হইতেছি, যাঁর কৃ-পায় প্রতি নিঃশ্বাসে রক্ষিত হইতেছি, আমা-রদের চির কালের আশ্রয়, চির জীব-নের সহায়; তাঁর উপাসনা করিবার অব-কাশ নাই, তাঁর পূজা করিবার সময় নাই, একথা বলিয়া যখন সামান্য মনুষ্যকেই ভুলাইতে পারি না, তখন অন্তর্ধানী পরমে-শ্বরকে কেমন করিয়া ভুলাইব। আমা-রদের আত্মার কি একটুকুও স্বাধীনতা নাই যে আপন ইচ্ছাতে ধর্ম পথে এক পদ গমন করি, আমা-রদের কি এতটুকুও ধর্মবল নাই যে অতি অল্প পরিমাণে পাপ হইতে বিরত হই, আমা-রদের ঈশ্বর প্রীতির কি এ-মনও শক্তি নাই যে সংসার বন্ধনের একটা মাত্র গ্রন্থি ছেদ করি, অবশ্যই আছে। কেবল আমা-রদের যত্ন নাই, উদ্বোধন নাই, স্পৃহা নাই বলিয়াই আমা-রদের আত্মার উপরে সংসারের এত আধিপত্য—এত প্র-তাপ, যে ঈশ্বর হইতে আমা-রদিগকে বি-চ্যুত করিয়া রাখে—সেই সর্বস্বধন হইতে আমা-রদিগকে বঞ্চিত রাখিতে চেষ্টা করে।

যদি আমা-রদের আন্তরিক স্পৃহা থাকিত, ঈশ্বর আমা-রদের যে রূপ স্বাধীনতা প্রদান করিয়াছেন, আমরা যদি তদনুযায়ি কার্য্য করিতাম, তাহা হইলে কি সং-সার আমা-রদিগকে এমন পদানত ভৃত্য—এমত ক্রীত দাস করিয়া রাখিতে পারে।

হে পতিত পাবন! তোমা-র প্রসাদে এখন তোমা-র নিষ্কলঙ্ক পবিত্র স্বরূপ আমা-রদিগের জ্ঞান-নেত্রের প্রত্যক্ষ হওয়াতে হীন মলিন হৃদয় লইয়া তোমা-র সন্নিধানে উন্নত ম-

স্তকে উপনীত হইতে লজ্জা বোধ হইতেছে, তোমা-র পুত্র বলিয়া পরিচয় প্রদান করিতে যুগা হইতেছে। কিন্তু নাথ! যখন আ-বার তোমা-র অখণ্ড অনন্ত করুণার ভাব আমা-রদিগের হৃদয়কে অধিকার করে, তখন আমা-র নিরীক প্রায় আশা প্রদীপ আবার উদ্দীপ্ত হইয়া উঠে। তখন মনে হয় যে আমরা তোমা-র নিকটে সহস্র অপরাধে অপরাধী হইলেও তুমি আমা-রদিগকে কখনই পরিত্যাগ করিবে না।

তোমা-র সেই অপার কারুণ্যের প্রতি নির্ভর করিয়া সকাতর হৃদয়ে এই প্রা-র্থনা করি যে, হে অনাথ-গতি পতিত পাবন! তুমি তোমা-র করুণা মলিলে আ-মা-রদিগের পাপ মলা প্রক্ষালিত কর, আ-মা-রদের দুর্বল আত্মাকে ধর্ম বলে বলীয়ান কর, তোমা-র জন্য সর্বস্ব পরিত্যাগ করিতে শিক্ষা দেও। সংসারে যেন নাথ! এমন কোন বস্ত্র বা কোন বন্ধন না থাকে, যাঁহা তোমা-র জন্য পরিত্যাগ করিতে না পারি, যাঁহা তোমা-র নিমিত্ত ছেদ করিতে সমর্থ না হই। তোমা-র মহিমা মহীমান করিবার জন্য, তোমা-র যশ ঘোষণা করিবার জন্য তোমা-র প্রিয় কার্য্য সাধন করিবার নিমিত্তে যদি এ প্রিয় জীবন পরিত্যাগ করিতে হয়, তাঁহা যেন সামান্য তুণের ন্যায় অকাতরে পরিত্যাগ করিতে পারি।

ওঁ একমেবাদ্বিতীয়ং

শ্রীযুক্ত কেশবচন্দ্র ব্রহ্মানন্দের নবকুমারের

শুভ জাত কর্ম্ম।

২৮ পৌষ ১৭৮৪ শক।

পুষ্পমালা-সুসজ্জিত আলোকময় উপা-সনা-মণ্ডপে ব্রাহ্মেরা স্বীয় স্বীয় আসনে উপবিষ্ট হইলে শ্রীমৎ প্রধান আচার্য্য উপা-

সনার আরাধনে সকলের উদ্বোধনার্থে এই বলিলেন যে,

সেই করুণা-নিধান বিশ্ব-বিধাতা জগৎ গুরু হইতেই আমরা সকলি প্রাপ্ত হইয়াছি। অদ্যকার এই উজ্জ্বল সূন্দর উপাসনা-মণ্ডপে তাঁহার শুভ্র বিশুদ্ধ মূর্তি সুস্পষ্ট প্রকাশিত হইতেছে। এই আলোক-কিরণে তাঁহার আনন্দ-রূপের উজ্জ্বল জ্যোতি বিকীর্ণ হইয়াছে, এই সকল পুষ্প-মালার সৌরভে তাঁরি করুণা মূর্তিমতী হইয়া বিরাজ করিতেছে। এই শীত কালের শীতল বায়ু, এই সন্ধ্যাকালের মাধুর্য, এই নব-কুমারের জন্মোৎসবের উৎসাহ, সর্ব-মঙ্গল-লালের মহিমা কীর্তনের এই বিমল আনন্দ; এ সকলেরি জন্যে তাঁহার প্রতি মনের কৃতজ্ঞতা উচ্ছ্বসিত হইতেছে। অতএব এস আমরা সকলে মিলিয়া এই পবিত্র সময়ে তাঁহাকে কৃতজ্ঞতা উপহার প্রদান করি। তিনি আমাদের পিতা মাতা। তিনি আমাদেরদিগকে ইন্দ্রিয়-জনিত বিজ্ঞান-জনিত ধর্ম-জনিত কত প্রকার সুখে নিয়ত সুখী করিতেছেন। তিনি পিতা মাতার ন্যায় আমাদের শরীর মন আত্মাকে নানা বিষয় বিপত্তি হইতে রক্ষা করিতেছেন এবং অহরহ জ্ঞানধর্মের উপদেশ দিতেছেন। তিনি কেবল আমাদের এখানকার পার্থিব সুখেই বন্ধ করিয়া রাখেন নাই, তিনি আমাদেরদিগকে কেবল ধরা-রাজ্যের অধিকারী করেন নাই। আমাদের সম্মুখে অনন্ত জীবন বিস্তারিত রহিয়াছে। তিনি আমাদেরদিগকে অনন্ত কালের সুখের অধিকারী করিয়াছেন। ভাবি চির দিনের তরে যে সেই স্নেহময়ী মাতা আমাদেরদিগের জন্য কত সুখরত্ন সঞ্চিত করিয়া রাখিয়াছেন, তাহাকে জানিতে পারে? তিনি এখনি আমরা-রদিগকে প্রীতি করিতেছেন, স্নেহসুট মাতৃ-

দৃষ্টিতে আমাদেরদিগকে অবলোকন করিতেছেন, অতএব আত্মাকে উন্নত করিয়া তাঁহার প্রতি নির্ভর কর। তাঁরি করুণাতে, তাঁরি মাতৃস্নেহের নিম্নে আমরা নির্বিঘ্নে সুখে সঞ্চরণ করিতেছি, কৃতজ্ঞতা তাঁহাতে অর্পণ কর। আইস, তাঁর প্রেম-দৃষ্টি, তাঁর উজ্জ্বল মঙ্গল-দৃষ্টি, অবলোকন করিয়া আমাদের আত্মার দেবতাব-সকলকে সার্থক করি ও অদ্যকার জাত-কর্মের প্রারম্ভে সেই সিদ্ধি-দাতা বিধাতা পুরুষের উপাসনাতে প্রবৃত্ত হইয়া উক্ত কর্ম সুসম্পন্ন করি।

পরে উপাসনা আরম্ভ হইল এবং অ-  
ধ্যতা ত্রীযুক্ত অনন্যপ্রমাদ চট্টোপাধ্যায়  
এই ব্রহ্ম-স্তোত্র পাঠ করিলেন,

### ব্রহ্ম-স্তোত্র।

হে করুণা-নিধান বিশ্ব-বিধাতা বিধাতা পুরুষ! আমরা যখন যে প্রকারে অবস্থান করিলে স্বচ্ছন্দে জীবন ধারণ করিতে পারি, তুমি আমাদেরদিগকে তখন সেই রূপেই রক্ষা করিয়া আপনার অপার করুণা বিস্তার করিতেছ। তুমি সমস্ত বিশ্ব-ব্যাপারকে আমাদেরদিগের অবস্থার উপযোগী করিয়া জীবের কল্যাণ বর্ধন করিতেছ। তুমি জরায়ু-আবৃত্ত গর্ভকে এবং মদ্যোজাত শিশুকে যে প্রকার বন্ধে রক্ষা কর, তাহার উপমা আর কোথাও নাই। গর্ভসংস্থান হওয়া, গর্ভরক্ষা পাওয়া, এবং গর্ভপালিত হওয়া, ইহার এক একটি বিষয়েতে আমাদের অপার মহিমা প্রকাশিত রহিয়াছে। যে অল্পময় উদর মধ্যে এক বিন্দু মাত্রও অপর পদার্থ স্থান পাইতে পারে না, সেখানেও গর্ভস্থ সন্তানকে সংস্থাপন করিয়া পালন কর। তুমি সেই গর্ভের মধ্যে যেন বিরলে বসিয়া স্বহস্তে তাহার ভাবি-প্রয়োজন-সাধন

চক্ষু করুণা ইন্দ্রিয়-সকল নিপুণ-রূপে রচনা কর এবং তাহার মুঞ্চকর মুখেতে ত্রীমৌন্দর্য্য বিধান কর। আবার যখন সে এক লোক হইতে লোকান্তরে আসিবার ন্যায় বায়ুশূন্য তিমিরারূত জরায়ু-শয্যা পরিত্যাগ করিয়া আলোকময় পৃথিবীতে আসিয়া উত্তীর্ণ হয়, তখনো তোমার করুণা অগ্রসর হইয়া স্নেহ-রূপে তাহাকে আলিঙ্গন করে। তোমার প্রেম তখন পিতা মাতার মনে স্নেহ-রূপে অবতীর্ণ হয় এবং সুহৃদ্যনের আনন্দ-কোলাহল মধ্যে প্রেমাত্র হইয়া তাঁহার শিশুর মুখ-চন্দ্রমা নিরীক্ষণ করেন। শিশু-সন্তানের প্রতি তোমার এমনি প্রেম, যে তাহার প্রতি কাহারো দ্বেষ-ভাব হইবার সম্ভাবনা নাই। যাহার মন মোহেতে এক কালে বিকৃত হইয়া না যায়, এবং যাহার নিষ্ঠুর অন্তঃকরণ হইতে দয়া এক কালে প্রস্থান না করে, সে আর কোনমতে স্তন্য-পায়ী শিশুর প্রতি শত্রুতা করিতে পারে না। তুমি বালককে স্নেহের আশ্রয় করিয়া নিশ্চিন্ত করিয়াছ। চুষক মণি যেমন লৌহ প্রাপ্ত হইলে আপনা হইতে তাহাকে আকর্ষণ করে, ছুঙ্ক-পৌষ্য বালকের মুখ-মণ্ডলও সেই রূপ নর নারীর স্নেহকে আকর্ষণ করে। হা! জগদীশ! তোমার মহিমা আমরা কহই কীর্তন করিব। তুমি যখন সঙ্কীর্ণ গর্ভাশয় জরায়ুর মধ্যে সর্বাঙ্গ-সম্পন্ন মনুষ্য-সন্তানকে রক্ষা কর, এবং তাহার প্রাণ রক্ষার জন্য গর্ভ-ধারিণীর উদর হইতেই তাহার ভোজন পান বিধান কর, এবং অবশেষে স্বয়ং ধাত্রী হইয়া তাহার প্রসবক্রিয়া সম্পাদন কর; তখন সেই বালক ভুমিষ্ঠ হইলে যে তাহাকে যত্ন পূর্বক রক্ষণ ও পোষণ করিবে, তাহাতে আর আশ্চর্য্য কি? তুমি আমাদেরদিগকে কোন অবস্থাতেই বিস্মৃত হও না। শৈশবাবস্থায় যখন

আমাদের আত্ম-রক্ষার ও আত্ম-পোষণের কোন শক্তিই ছিল না, যখন আমরা কুৎ-পিপাসাতে পীড়িত হইলেও আপনা হইতে অন্ন-পান আহরণ করিতে পারিতাম না, যখন আমরা অতিলঘু বিপদকেও অতিক্রম করিতে অক্ষম ছিলাম, তখন তুমি পিতা মাতার মনে কেবল এক স্নেহ দিয়া আমাদের সকল অভাব মোচন করিয়াছ। যখন আমরা তোমাকে জানিতেও পারি নাই, এবং তোমার নিকটে প্রার্থনা করিতেও পারি নাই, তখনও তোমার করুণা মর্ত্য-লোকে আবির্ভূত হইয়া আমাদেরদিগকে প্রতিক্ষণে রক্ষা করিয়াছে। অতএব আমরা অদ্য তোমার সেই সকল করুণা স্মরণ করিয়া শ্রদ্ধা ও প্রীতি পূর্বক তোমাকে নমস্কার করিতেছি, তুমি আমাদের বিশুদ্ধ প্রীতি গ্রহণ কর।

### ঔ একমেবাদ্বিতীয়ং

তৎপরে প্রধান আচার্য্য ব্রাহ্মধর্মের গ্রন্থ হইতে এই শ্লোকের ব্যাখ্যান করিলেন।

### ব্যাখ্যান।

“যএষস্বপ্নেষু জাগর্তি কামং কামং পুরুষোনির্মাণঃ। তদেব শুক্রং তদব্রহ্ম তদেবামৃতমুচ্যতে। তস্মিন্ লোকাঃ প্রিতাঃ সর্বে-তত্ত্বনাতেতি কশ্চন।

যখন সকল জগৎ নিদ্রাতে অভিভূত থাকে, তখন যে পূর্ণ পুরুষ জাগ্রত থাকিয়া সকলের কাম্য বস্তু নিশ্চিন্ত করিতে থাকেন; তিনিই শুক্র, তিনিই ব্রহ্ম, তিনিই অমৃত-রূপে উক্ত হইয়া, তাঁহাতেই এই লোক সকল আশ্রিত হইয়া রহিয়াছে, কেহ তাঁহাকে অতিক্রম করিতে পারে না।

সকলে যখন নিদ্রাতে অভিভূত থাকে, তখনো তিনি জাগ্রত থাকিয়া তাহারদিগকে

যত্ন পূর্বক রক্ষা করেন। যখন গর্ভ মধ্যে জরায়ু-শয্যায় এই নব কুমার অচেতন প্রায় ছিল, যখন সে গর্ভাশয়ে ঘোর নিদ্রাতে অভিভূত ছিল, সেই অন্ধকার মধ্যে কে তা-হাকে তখন রক্ষা করিল? সে সেই মঙ্গল পুরুষ, যাঁহাকে আশ্রয় করিয়া জীব-সকল জীবিত রহিয়াছে। এই শিশু যখন পৃথিবীতে প্রথম অবতীর্ণ হইল, তখন কোথা হইতে স্নেহ আসিয়া ইহার পিতা মাতার মনে আবিভূত হইল? সে সেই প্রেমময় অমৃত পুরুষ হইতে, যাঁহাকে আশ্রয় করিয়া জীব সকল জীবিত রহিয়াছে। ঈশ্বর যেমন এই শিশু সন্তানকে জরায়ু গর্ভে নির্ঝঞ্জে রক্ষা করিয়াছেন, গর্ভ হইতে ভূমিষ্ঠ হইলেও তিনি যেমন ইহাকে রক্ষা করিতেছেন; তেমনি চিরকালই তিনি ইহাকে আপনার ক্রোড়ে রক্ষা করিবেন। যৌবন-কালে ইহাকে আশিষ্ঠ দ্রিষ্ট বলিষ্ঠ করিবেন, পাপ তাপ হইতে মুক্ত করিয়া আপনি ইহার আত্মাতে আবিভূত হইবেন। তাঁর প্রীতি সদাই জাগ্রত রহিয়াছে, আমরা বুঝিতে পারি বা না পারি, তিনি ক্রমে তাঁর নিকটে সকলকেই আকর্ষণ করিতেছেন।

পরে যজমান এই প্রার্থনা করিলেন।

### যজমানের প্রার্থনা।

অদ্য আমার আনন্দের সীমা নাই, মৌত্যাগের অন্ত নাই। অদ্য ব্রাহ্মধর্মকে গৃহ মধ্যে আনিয়া স্বাধীন ভাবে আনন্দ-মনে তাঁহাকে আলিঙ্গন করিতেছি। শতাধিক ব্রাহ্ম ভ্রাতার সহিত প্রীতিরসে মিলিত হইয়া অদ্বিতীয় প্রাণস্বরূপ পরমেশ্বরের উপাসনা করিতেছি। এই গৃহ এখন কেমন উজ্জ্বল মনোহর ভাব ধারণ করিতেছে, চতুর্দিকে ব্রাহ্মধর্মের নিরূপম সুন্দর প্রভা

কেমন বিকীর্ণ হইতেছে! এখনে ব্রাহ্ম-গণ, অন্তঃপুরে ব্রাহ্মিকাগণ পবিত্রতা ও উৎসাহ সহকারে ব্রহ্মনাম সঙ্কীর্ণন করিয়া ব্রহ্মানন্দে এই সমুদয় গৃহকে সমুজ্জ্বলিত করিলেন। এই শুভ উৎসবের শোভা সন্দর্শন করিয়া নয়ন মন উল্লসিত হইতেছে! অদ্যকার আনন্দ-স্রোত ব্রাহ্মধর্ম হইতেই প্রবাহিত হইতেছে। ব্রাহ্মধর্মেরই প্রসাদে আমার নবকুমারের জাত-কর্ম নির্ঝঞ্জে অনুষ্ঠিত হইল। যে রাশি রাশি বিষ উপস্থিত হইয়াছিল, তাহা ব্রাহ্ম ধর্ম স্বীয় স্বর্গীয় প্রভাবে তন্মীভূত করিলেন, আমার সমুদয় কষ্টের শান্তি করিলেন, আমাকে আশাতীত ফল প্রদান করিয়া আমার জীবন মার্থক করিলেন। আজ যেমন ব্রাহ্মধর্মের মহিমা সেই রূপ পরমেশ্বরের মঙ্গল-ভাব দেদীপ্যমান দেখিতেছি। ঈশ্বরের রাজ্য মঙ্গলময়। যখন নিজ্জনে তাঁহাকে মুক্তি-দাতা বলিয়া আত্মার অভ্যন্তরে উপাসনা করি, তখন তাঁহার মঙ্গল-ভাব কেমন স্পষ্ট প্রকাশ পায়; গৃহস্বামী বলিয়া যখন তাঁহাকে পরিবার মধ্যে পূজা করি, তখন সংসারের প্রতি তাঁর মঙ্গল দৃষ্টির অসংখ্য পরিচয় পাইয়া হৃদয় পরিতৃপ্ত হয়, আবার বিশ্ব-রচয়িতা জগন্নিয়ন্তা বলিয়া যখন জন-সমাজে তাঁহার অর্চনা করি, তখন তাঁহার মঙ্গলভাব সর্বত্র দেখিতে পাই। যিনি মঙ্গলস্বরূপ, তাঁহার মঙ্গলভাব, তাঁহার করুণা স্বীয় আত্মাতে, পরিবারে, পৃথিবীর সকল পদার্থে প্রকাশ পাইতেছে। সেই করুণাময় আনন্দ-স্বরূপ পরমেশ্বর স্বয়ং এই মঙ্গলের ব্যাপারে বিরাজমান থাকিয়া বিমলানন্দ বিতরণ করিতেছেন। আমার এমত আশা ছিল না যে, এ গৃহে তাঁহার মহিমা এত উজ্জ্বলরূপে প্রকাশিত হইবে। তাঁহার রূপায়, ব্রাহ্মধর্মের প্রসাদে, অদ্য সেই আ-

নন্দ লাভ করিয়া কৃতার্থ হইলাম। এ গৃহ পবিত্র হইল, কুল পবিত্র হইল, পরিবারের সকলের মুখ উজ্জ্বল হইল। ধন্য জীবনের জীবন! অনন্ত তোমার করুণা! হে পরমাত্মন! তোমার প্রসাদে আমার নব কুমারের শুভ জাত-কর্ম অদ্য সুসম্পন্ন হইল, তোমার মঙ্গল ক্রোড়ে ইহাকে রক্ষা করিয়া ইহার জীবনকে তুমি সত্য-পথে নিয়োগ কর। এ পরিবার তোমারই পরিবার; আমাদের সকলকে তুমি জ্ঞান ধর্মে উন্নত কর, এবং আমাদের মধ্যে সন্তাব ও পবিত্রতা বিস্তার কর। আমারদের সংসারে যেন ব্রাহ্মধর্ম নিয়ত বিরাজ করেন, সকল কার্য যেন ব্রাহ্মধর্মের নিয়মে সম্পাদিত হয়, তুমি প্রসন্ন হইয়া এই কামনা পূর্ণ কর। হেনাথ! প্রতি পরিবারে তোমার আধিপত্য সংস্থাপিত হউক, জগতের মঙ্গল হউক, তোমার মহিমা সর্বত্র মহীয়ান হউক।

ও একমেবাদ্বিতীয়ং।

সর্ব শেষে প্রধান আচার্য্য এই আশীর্বাদ করিলেন।

### আশীর্বাদ।

যাঁর ইচ্ছা-ক্রমে বিশ্ব-মণ্ডল সৃষ্ট হইয়া বিবৃত রহিয়াছে, যাঁর করুণাকে অবলম্বন করিয়া জীব-সকল জীবিত রহিয়াছে, যাঁর স্নেহ বংশ পরম্পরা প্রবাহিত হইয়া পুত্র পৌত্র-সকলকে রক্ষা করিতেছে, যিনি তাঁহার ভক্তদিগের সাধু কামনা নিয়ত পূর্ণ করেন; তাঁর নিকটে আমার এই প্রার্থনা যে তিনি যেমন মাতার গর্ভে এই শিশুকে আপন ক্রোড়ে রক্ষা করিয়াছিলেন ও তৎপরে যেমন স্বয়ং ধাত্রী হইয়া ইহার প্রসব-ক্রিয়া সম্পন্ন করিয়াছিলেন; তেমনি তিনি

মাতার ন্যায় ইহাকে সর্বদাই রক্ষা করুন, ইহাকে ক্রমে ত্রী সৌন্দর্য্যে সাধু-গুণে বিভূষিত করুন। এই বালক যুবা হইয়া আশিষ্ঠ দ্রিষ্ট বলিষ্ঠ হইয়া তাঁহার প্রীতিতে নিমগ্ন থাকুক, চিরজীবন ইহার পিতার ন্যায় তাঁহার গুণ ঘোষণা করুক ও তাঁহার শ্রিয় কার্য সাধন করুক। এই বালক ধন্য যে এই বিশুদ্ধ ব্রাহ্ম কুলে জন্ম গ্রহণ করিয়াছে। ইহার পিতা মাতা ধন্য যে এই কুমারের জন্মোৎসবে এই গৃহে অনন্ত-স্বরূপ ঈশ্বরের উপাসনা করিতে পারিয়াছেন, এই শুভ অনুষ্ঠানে ইহারদের মুখ উজ্জ্বল হইল, এই গৃহ পবিত্র হইল বস্তুকরা পুণ্যবতী হইল।

হে পরমাত্মন! তুমি ইহার পিতা-মাতার মনে আরো ধর্ম-বল প্রেরণ কর, তোমার প্রসাদে যেন ইহারা এই প্রকার বিশ্ব-বিপত্তি-সকল বার বার অতিক্রম করিয়া শুভা-নুষ্ঠানে প্রবৃত্ত হইতে পারেন, লোক-ভয় হইতে পরিভ্রাণ পাইয়া তোমার প্রীতি-পূজাতে সমর্থ হন। এই পরিবারের মধ্য হইতে দ্বেষ কলহ বিবাদ বিসম্বাদ দূরীভূত হউক, সাধু-ভাব-সকল সকলের হৃদয়ে বিস্কৃতি পাউক। এই ব্রাহ্ম-কুলে যেন কেহ অত্রস্তবিৎ না হয়। অদ্যকার ন্যায় অনুষ্ঠান-সকল প্রতি গৃহে অনুষ্ঠিত হউক, ব্রাহ্ম-ধর্মের নিত্য উৎসব-ধনিত বঙ্গভূমির চির নিদ্রা ভঙ্গ হউক। তোমার ব্রাহ্ম-ধর্ম পৃথিবীর সীমা হইতে সীমান্তর পর্য্যন্ত প্রচারিত হউক। হে দেব! তোমার ইচ্ছা সম্পন্ন হউক, জগতের মঙ্গল হউক।

ও শান্তিঃ শান্তিঃ শান্তিঃ হরিঃ ওঁ।

## ব্রাহ্মধর্মের ব্যাখ্যান।

প্রথম প্রকরণ—ষড়বিংশ আদেশ।

১৭৮৩ শকের ১৭ই জ্যৈষ্ঠ কলিকাতা ব্রাহ্মসমাজে

প্রধান আচার্য্য কর্তৃক  
বিবৃত হয়।অমৃতস্য পরং সেতুং দক্ষে-  
ক্ষনমিবানলং।

ঈশ্বর অমৃতের পরম সেতু; কিন্তু ঈশ্বরকে কেবল অমৃত-সেতু বলিলেই তাঁহার সকল ভাব প্রকাশ পায় না। তিনি অমৃত-নিকেতন। তিনি নিজেই অমৃত। এই সমাজ হইতে যে রূপ ঈশ্বরের বিমল স্তুতি-বাদ ঈশ্বরের নিকটে প্রেরিত হয়, সেই প্রকার তিনিও এই সমাজ-মন্দিরে চতুর্দিক হইতে অমৃত-ধারা বর্ষণ করেন। তোমরা সমস্ত দিবস, দ্বাদশ ঘণ্টা কাল বিষয়-গরল যে ভক্ষণ করিয়াছ; তাহার উপশমার্থে এক বিন্দু অমৃত বারিও যেন তোমারদিগের হৃদয়ে এখন স্থান পায়। এখানে তিনি অমৃত-বারি অজস্র ধারে বর্ষণ করিতেছেন; আমরা যেন হৃদয়াধারকে প্রশস্ত করিয়া, যত পারি, ততই তাহা সঞ্চয় করিয়া রাখি। যদি এখানেও আসিয়া আমরা জড়ের ন্যায় জড়ীভূত রহিলাম; এ প্রকার স্তুতি-বাদের মধ্যে, এ প্রকার সাধু-সঙ্কে, এ প্রকার জাজ্বল্যতর ঈশ্বরের আবির্ভাব-মধ্যে, যদি ক্ষণ কালের জন্যেও সেই অমৃত-বারি হৃদয়ে ধারণ করিতে না পারিলাম; যদি এত প্রেম-বারি বর্ষণের মধ্যেও আমরা তাঁহাকে কণা মাত্র প্রীতি দান করিতে না পারিলাম; তবে অনন্ত কালের উপজীবিকা যে আমারদের সেই সুন্দর নিরবদ্য নিরঞ্জন পবিত্র পরমেশ্বর, তাঁহাকে পাইবার উপায় আমরা কি করিতেছি। তিনি আমারদিগকে প্রী-

তির সহিত আলিঙ্গন করিবেন, আমরাও তাঁহাকে প্রীতির সহিত আলিঙ্গন করিব; ইহা অপেক্ষা আমারদিগের আর কি সৌভাগ্য অধিক হইতে পারে? আমরা তো ইহারই নিমিত্তে জন্ম গ্রহণ করিয়াছি। অতএব যেন আমরা প্রীতি-পূর্ণ হৃদয়ে আমারদিগের সমুদয় জীবন যৌবন তাঁহার হস্তে সমর্পণ করিয়া জন্মের সাফল্য সম্পাদন করি। এক বার ভাবিয়া দেখ যে যে সুন্দর পুরুষের আলিঙ্গন-পাশে বদ্ধ হইবার জন্য আমারদিগের মন সর্বদাই ব্যাকুল, তাঁহার ক্ষণ মাত্র অদর্শনে আমারদিগের শরীর শুষ্ক হইয়া যায় ও আত্মার বিকার-দশা উপস্থিত হয়, আমারদের কি সৌভাগ্য যে তিনিই আমারদিগকে সর্বদাই প্রেম-পূর্ণ দৃষ্টিতে দেখিতেছেন। কেবল দেখিতেছেন না; কিন্তু আমারদিগকে সর্বক্ষণই আলিঙ্গন করিয়া রহিয়াছেন। আমারদিগের প্রীতি যখন তাঁহার প্রতি উৎখিত হয়, তখন তাঁহার প্রীতির আলিঙ্গন আমরা বুঝিতে পারি এবং ক্রমে যেমন আমরা মর্ত্য-লোক হইতে দেব-লোকে, দেব-লোক হইতে দেব-লোকে গমন করিব; তাঁরও প্রেম আমারদিগের প্রতি ততই স্পষ্ট প্রকাশ পাইবে; তিনি আমারদিগকে ততই গাঢ়তর আলিঙ্গন-পাশে বদ্ধ করিবেন, আমরাও তাঁহাকে ততই গাঢ়তর আলিঙ্গন-পাশে বদ্ধ করিব। এই জীবন্ত আশা হইতে বঞ্চিত হইলে আমাদের জীবন কি নীরস হইত। আহা! দেখ, প্রত্যক্ষ দেখ, এই সমাজে তাঁহার উজ্জ্বল মূর্ত্তি কেমন প্রকাশ পাইতেছে! তাঁহার জ্ঞান-জ্যোতি সর্বত্র বিকীর্ণ রহিয়াছে; বাহিরে তাঁহার জ্যোতি, অন্তরে তাঁহার জ্যোতিঃ; সেই স্বপ্রকাশ শুভ্র জ্যোতির নিকটে বিছ্যতের আভাও অপ্রকাশিত থাকে,

স্বর্ঘ্যের জ্যোতিও প্রচ্ছন্ন হয়। সেই গভীর জ্যোতির অন্ত নাই, সেই গভীর জ্যোতির সীমা নাই, সে ছায়া-বিহীন জ্যোতি; এবং তাহারই কণা মাত্র ধারণ করিয়া সমুদয় জগৎ উজ্জ্বল হইয়াছে। তিনি “দক্ষে-ক্ষনমিবানলং”। তিনি দক্ষ-দাক্ষ-নিঃসৃত অগ্নির ন্যায় দীপ্যমান। যেমন ইন্ধনে অগ্নি প্রবিক্ত হইয়া তাহার অন্তর বাহির দক্ষ করিয়া উর্দ্ধমুখে সমুজ্জ্বলিত হয়, সেই প্রকার এই জগতের অন্তর বাহিরে, প্রতি বিন্দুতে, প্রতি কণাতে, জাজ্বল্যমান সেই পরমাত্মা রূপ অগ্নি এই ভুলোক হইতে ছালোককে অতিক্রম করিয়া অনন্ত আকাশে উৎখিত হইয়াছে এবং অখিল বিশ্বকে পরিবেষ্টন করিয়া সর্বত্র ব্যাপ্ত রহিয়াছে। তাঁহার এই দেদীপ্যমান স্বরূপ এখানেই প্রত্যক্ষ কর; যদি এখানেই তোমরা তাঁহাকে দেখিতে নিরাশ হইলে, তবে আর তোমাদের ভরণা কোথায়? যদি এমত পবিত্র স্থানে আগত হইয়া, এমত সাধু সঙ্কে উপবেশন করিয়া, এখনও তাঁহার প্রকাশ সূর্য্য প্রকাশের ন্যায় অন্তরে না পাইলে, তবে জীবনে কি আবশ্যিক; ধিক্ এ জীবনকে, এই ধন মান খ্যাতি প্রতি পত্তিকেও ধিক্। হে সাধু যুবা-সকল! তোমরা এক বার ব্যাকুল হৃদয়ে তাঁহাকে পাইতে অভিলাষ কর; তোমাদের হৃদয় যদি পাষণ সমান থাকে, ঈশ্বর-প্রসাদাৎ তাহা পুষ্পবৎ কোমল হইবে। যেন কোন কুটিল চিন্তা তোমাদেরদিগকে এখানে ব্যতিব্যস্ত না করে। শ্রেয়ের পথে গমন কর। ঈশ্বর যে পথের নিয়ন্তা, সেই পথই অবলম্বন কর; তাঁহার শরণাপন্ন হও।

হে পরমাত্মন! তুমিই আমারদিগের সহায় সম্পত্তি, তুমিই আমারদিগের প্রিয় সুহৃদ, তুমিই আমারদিগের পিতা মাতা। তুমি

আমারদিগের প্রীতিকে তোমার প্রতি উন্নত কর; আমারদের সমুদয় ভাব তোমার মঙ্গল ভাবের অনুগামী কর। তোমা হইতেই আমরা সকল শক্তি প্রাপ্ত হইয়াছি, তোমার কার্য্যেই যেন সে সমুদয়কে নিয়োগ করি। যে দিকে আমারদের কার্য্য যায়, সেই দিকেই যেন তোমারই অনিষিষ্ট দৃষ্টি দেখিতে পাই। হে পরমাত্মন! তুমি আমারদিগকে তোমার সৎপথে লইয়া যাও, আমারদের জ্ঞান-নেত্রের সম্মুখে আবিভূত হও। তোমার নিকটে আর কি প্রার্থনা করিব।

ওঁ একমেবাদ্বিতীয়ং

নিবোধই গ্রামের ত্রয়োদশ সাঙ্ঘৎ-  
সন্নিবৃত্ত ব্রাহ্মসমাজের  
বক্তৃতা।

২১ আশ্বিন মাসবার, ১২৬৯ সাল।

অদ্য নিবোধই গ্রামের ত্রয়োদশ সাঙ্ঘৎ-সন্নিবৃত্ত ব্রাহ্মসমাজ! অদ্য কি মহোৎসব, কি মহানন্দের দিন! অদ্যকার দিনে আমরা জীবনদাতা পিতা পরম সুহৃদ পরমাশ্রয় জগদীশ্বরের উপাসনা এখানে প্রথম প্রবর্তিত করিয়াছি। তাঁহার উপাসনা অপেক্ষা মহা মঙ্গলকর কার্য্য আমাদের আর কি কিছু আছে? তাঁহার উপাসনা কি? না তিনি যে আমাদেরদিগকে অপার করুণা ও আশ্চর্য্য স্নেহ সহকারে অহরহ লালন পালন করিতেছেন, এই সংসারের মোহাঙ্ককারময় ছুর্গম পথে আলোক স্বরূপ হইয়া আমাদেরদিগকে যে তাঁহার অমৃতময় পথে লইয়া যাইতেছেন, আমাদেরদিগের হৃদয়-ধামে তাঁহার প্রেম-মুখ-জ্যোতিঃ বিকীর্ণ করিয়া আমাদেরদিগকে অসীম আনন্দে উৎফুল্ল করিতেছেন; তজ্জন্য

তাঁহার নিকট মনের সহিত কৃতজ্ঞতা প্রকাশ করা, ভক্তি ও শ্রীতি সহকারে তাঁহাকে নমস্কার করা, পাপ ও কপটতার ছদ্ম বেশ পরিহার করত তাঁহার প্রিয়কার্য সম্পাদন করা। দেখ, তাঁহার উপাসনা কি আমাদের জীবনের এক মাত্র সাফল্য জনক পরম শুভকর কার্য নহে? অতএব যে দিনে তাহা প্রকাশ্য রূপে এই খানে আরম্ভ হইয়াছে, তাহা কি আমাদের পরম আত্মাদের দিন নহে? বন্ধুগণ! আমাদের এই সমাজ-তরু আমাদের যত্ন-বারি সিঞ্চন দ্বারা দিন দিন কেমন উন্নতিশীল হইতেছে; যাঁহারা ইহার শীতল ছায়ার আশ্রয় লইয়াছেন, তাঁহারদিগের মন দিন দিন কেমন উন্নত হইতেছে; তাঁহারা কায়মনোবাক্যে ঈশ্বরকে আত্মার্পণ করিতে কেমন উৎযুক্ত রহিয়াছেন! তাঁহারা ঈশ্বরের একান্ত শরণাপন্ন হইয়া তাঁহার প্রতি কেমন নির্ভর করিতেছেন! তাঁহারা সংসারের নানা-প্রকার প্রলোভন অতিক্রম করিয়া ধর্ম-পথে অস্পন্দ অস্পন্দ কেমন অগ্রসর হইতেছেন! সেই শাগিত ক্ষুরধারের ন্যায় ধর্ম-পথে গমন করিতে তাঁহারদিগের কখন কখন পদস্থলিত হয় বটে, কিন্তু তাহা হইলে তাঁহারা মনের সহিত তজ্জনা অনুশোচনা করেন, এবং আর না পতিত হইয়েন, ধর্ম-বলদাতা ঈশ্বরের নিকট এ রূপ ধর্ম-বল একান্তে যাচঞা করেন। এ রূপ অনুশোচনা ও প্রার্থনা দ্বারা তাঁহারদিগের ধর্ম-বলও দিন দিন অধিকতর হইতেছে; তাঁহারদিগের মোহপাশ ছেদ করিতে সহস্র সহস্র প্রলোভন তুচ্ছ করিতে ও লোক ভয় অগ্রাহ করিতে দিন দিন অধিকতর সামর্থ্য হইতেছে। অতএব এ প্রকারে তাঁহারা কি দিন দিন সফল হইয়া যোগ্য হইতেছেন না? এ সমাজ কেবল

তাঁহারদিগের জনাই হইয়াছে এমত নহে—  
যাহাতে কি ধনী কি দরিদ্র, কি স্ত্রী কি পুরুষ সকলেই ঈশ্বর-পরায়ণ ও ধার্মিক হয়, ইহাই ইহার উদ্দেশ্য। ইহা সকলকেই বলিতেছে, আইস—এখনো ঈশ্বরের পদ-ছায়ার আশ্রয় গ্রহণ কর; তাঁহার নিকট আসিবার, তাঁহার শরণ লইবার সময়, কোন কালেই অতীত হয় না; তিনি সততই আপন ক্রোড় প্রসারিত করিয়া সকলকেই স্তম্ভুর স্বরে তাঁহার নিকট যাইতে আহ্বান করিতেছেন। যে দীন হীন পাপী, সেও যদি পাপ পরিত্যাগ করে এবং পাপের মলিন বসন পরিহার করত তাঁহার শরণ লয়, তাহা হইলেই তিনি তাহাকে ক্রোড়ে করেন, এবং মাতা যেমন ভূমিতে পতিত শিশু সন্তানের গায়ে ধূলি-কণা-সকল বিমোচন করেন, সেই রূপ তিনিও সেই পাপীর পাপ-মলা-সকল প্রক্ষালন করেন ও তাহাকে তাঁহার অমৃতময় মুখ-জ্যোতিঃ সন্দর্শন করাইয়া তাহার সকল পাপ তাপ দূর করেন। যদি সেই পাপী পুনরায় পাপাসক্ত হয়, তথাপি তিনি তাহাকে পরিত্যাগ করেন না। তিনি অবকাশ অনুসন্ধান করেন ও সুযোগ পাইলেই তিনি তাহার হৃদয়ে আবির্ভূত হইয়া তাহার পাপ-পাশ ছেদন করেন, তাহার মোহ-নিজা ভঙ্গ করেন। হে বন্ধুগণ! কেহই তাঁহার পরিত্যক্ত নাই। অতএব এখনো আইস—পাপ চিন্তা, পাপ কার্য, পাপ আলোচনা, সর্বথা পরিত্যাগ করিয়া তাঁহার শরণাপন্ন হই, এবং আপনার হৃদয়কে সেই বিশুদ্ধ-স্বরূপের উপযুক্ত পবিত্র আনন করি— তাহা হইলেই জীবন সার্থক হইবে।

হে পরমাত্মন! তুমি আমাদেরদিগের পরম সুহৃদ, পরম সুখের প্রদায়ক, আমাদেরদিগের ইহকালের সর্বস্ব ধন ও চিরকালের

সম্বল। তথাপি আমরা তোমাকে ভুলিয়া রহিয়াছি—ইন্দ্রিয়-লালসা, ধন-লালসা, বিষয়-তৃষ্ণা আমাদের মন হইতে এখনো দূরীকৃত হয় নাই। হে পরমাত্মন! তুমি আমাদেরদিগের কার্য, চিন্তা, বাক্য পরিশুদ্ধ কর, এবং আমরা ছুঁকল, তোমার পথে যাই এমন সাধ্য কি, তুমি আমাদেরদিগকে তোমার পথে লইয়া যাও।

ও একমেবাদ্বিতীয়ং

মুদিয়ালীর শ্রীযুক্ত গিরিশচন্দ্র  
মিত্রের নিকেতনস্থ ব্রাহ্মসমাজের  
বক্তৃতা।

২৩ অগ্রহায়ণ ১৭৮৪ শক রবিবার।

ঈশ্বরের উদার মঙ্গল দৃষ্টিতে নগর গ্রাম বন উপবন সকলই সমান স্নেহের আশ্রয়। তিনি তাঁহার ধর্ম জ্যোতিঃ সকল স্থানে সমান রূপে বিকীর্ণ করিতেছেন, তাঁহার এই চন্দ্রমা যেমন স্তম্ভায় কিরণ-জাল বিস্তার করিয়া সমুদায় স্থান আলোক-ময় করিতেছে, সেই রূপ তাঁর ধর্ম জ্যোতিঃ সকল হৃদয়কে জ্যোতিষ্কান করিতেছে। আমাদের এই গৃহদ্বার উন্মুক্ত রহিয়াছে বলিয়া যেমন চন্দ্রমার বিমল জ্যোতি গৃহ মধ্যে প্রবেশ করিয়াছে, সেই রূপ যদি আমরা সকলে এখনি হৃদয় কবাট উন্মুক্ত করি তাহা হইলে ঈশ্বরের মঙ্গল কিরণ নিশ্চয়ই আমাদের হৃদয়ে প্রবেশ করত সকল অন্ধকার বিনষ্ট করিবে।

সেই সত্য জ্যোতি মঙ্গল জ্যোতি পর-মেশ্বর এখানে বিরাজ করিতেছেন, সকলে হৃদয় দ্বার উন্মুক্ত করিয়া দেও, এখনই সেই অনুপম মঙ্গল জ্যোতিঃ লাভ করিয়া কৃতার্থ হইবে—এখনই তাঁহাকে হৃদয় ম-

ন্দিরে দেদীপ্যমান সন্দর্শন করিয়া নয়ন মনের শান্তি লাভ করিবে। তিনি তো আমাদেরদিগকে দর্শন দিবেন—অদ্য তাঁর মহবাস জনিত বিমলানন্দ-নীরে আমাদের আত্মাকে অভিষিক্ত করিবেন বলিয়া এখানে আহ্বান করিয়াছেন। আমরা সন্ধ্যার প্রাক্কালে কোথায় অবস্থান করিতেছিলাম, সন্ধ্যার পূর্বে আমাদের এমন আশা ছিল না, যে আমরা এখানে আসিয়া নূতন বন্ধু মণ্ডলী মধ্যে উপবিষ্ট হইয়া এমন পবিত্র আনন্দ উপভোগ করিব, সেই করুণা-পূর্ণ পুরুষ কেমন বিচিত্র কৌশলে আমাদেরদিগকে সুখী করিলেন। তিনিই আমাদেরদিগের সাধু ইচ্ছার প্রেরয়িতা, সুভকর্মের প্রবর্তক। তিনিই আদেশ করিলেন, সেই রাজাধিরাজের আজ্ঞায় আমরা এখানে আসিয়া উপস্থিত হইলাম। তাঁহারই প্রসাদে নব-উৎসাহ নব-অনুরাগ পূর্ণ ভ্রাতৃগণের সহিত সৌহার্দ্য সূত্রে আবদ্ধ হইলাম। এই পবিত্র কার্যে তিনিই কেবল আমাদেরদিগের প্রবর্তক, তাঁহার পবিত্র হৃদয় ব্রাহ্মধর্মই আমাদের বন্ধুতার একমাত্র বন্ধন। এখানে যত ধর্মের উন্নতি, সত্যের প্রতাপ বৃদ্ধি হইতে থাকিবে ততই আমাদের প্রীতি বন্ধন দৃঢ়ীভূত হইতে আরম্ভ হইবে, ততই আমাদের ভ্রাতৃ সৌহার্দ্য উদার ভাব ধারণ করিবে।

আমরা হয় তো পূর্বে এই স্থানের নাম মাত্রও সকলে শ্রুত ছিলাম না। এক ধর্ম আনিয়া আমাদেরদিগকে এক পরিবারে আবদ্ধ করিলেন। সেই পবিত্র ব্রাহ্মধর্মই আমাদেরদিগের পরম্পরের প্রকৃত সম্পদ বুঝাইয়া দিলেন। আমরা এখানে সেই বিশুদ্ধ ধর্মেরই প্রসাদে সকলে একলক্ষ, এক হৃদয় হইয়া ঈশ্বরের উপাসনা করিতেছি। এই অট্টালিকার চতুর্দিকস্থ ওষধি



বনস্পতি সমূহ যেমন শুদ্ধ ভাবে সুবিলম্ব চন্দ্র রশ্মি পান করিতেছে, আমাদের আশ্রয় সেই প্রকার ঈশ্বরের শ্রীতি-নীরে এখন অভিযুক্ত হইতেছে।

ধর্মের কি বিচিত্র শক্তি! ধর্মের অনিবার্য প্রতাপ কোন কালেই এক দেশে, এক পরিবারে কিম্বা এক হৃদয়ে আবদ্ধ থাকিবার নহে। যত দূর ঈশ্বরের রাজ্য, তত দূরই তাঁর ধর্মের আধিপত্য বিস্তৃত হইবেই হইবে। ধর্ম যেমন নগরের সমুন্নত জ্ঞানাপন্ন সাধুদিগের কোমল হৃদয় অধিকার করিতেছেন, সেই রূপ আবার সুচ্ছায় পল্লীগ্রামের মিল্লপত্রব নিরীহ মনুষ্যাগণের প্রশান্ত হৃদয় অধিকার করিতে আরম্ভ করিয়াছেন। বঙ্গ ভূমির কুসংস্কারের এত আধিপত্য, অজ্ঞানতার এমন প্রতাপের মধ্যেও যেমন মহানগরীতে ছুই একটা সাধুর গৃহে ধর্ম প্রবেশ করিয়াছেন; সেই রূপ ক্রমে ক্রমে পল্লীগ্রামস্থ সুসন্তানগণের শোভনতম অটালিকায়, অনাথের পর্ণ কুটীরেও ব্রাহ্মধর্ম প্রবেশ করিতেছেন। মৃত পাষণ্ড স্তূপ সমুন্নত পর্বতে কে বীজ বপন করিতে যায়, বন চারি পশু পক্ষীগণের ভরণ পোষণার্থে কে সেই নিবিড় অরণ্যে অন্ন পান প্রেরণ করেন?

যে মঙ্গলময়ের মঙ্গল রাজ্যে পাষণ্ড ভেদ করিয়া অযত্ন সমুন্নত তৃণলতা সকল উৎখিত হইয়া সেই পর্বতে শ্রেণীতে ছায়া দান করিতেছে, সেই বন চারি অমহার পশু পক্ষীগণের অন্ন পান সম্পাদন করিতেছে। সেই মঙ্গল ময়েরই প্রমাদে লোক সমাজে ছুর্ভেদ্য অজ্ঞান অন্ধকার, ছুচ্ছেদ্য কুসংস্কার বন্ধন ভেদ করিয়াও যে এক এক সাধুর হৃদয় হইতে ধর্ম ভাব সকল উৎখিত হইবে, সত্যের প্রভা বিকীর্ণ হইয়া যে সহস্র সহস্র লোককে ঈশ্বরের চরণ তলে আনয়ন

করিবে, তাঁহার আশ্চর্য কি? তিনি এমন নামান্য সূত্রেই তাঁহার সংসারের উন্নতি সাধন করেন, তাঁহার মঙ্গল রাজ্যে এমনই সামান্য রূপে মহৎকার্যের সূত্রপাত হয়, তোমরা হয় তো কত ইতিহাস পুরাণতে পাঠ করিয়া থাকিবে যে এক একটা ভিক্ষকের বদন বিনির্গত অগ্নিময় মহাবাক্যে কত শত চির নিদ্রিত মোহান্বিত ব্যক্তির মোহ নিদ্রা ভঙ্গ হইয়া গিয়াছে। এক এক জন সামান্য লোকের উদ্যোগে পৃথিবীর এক এক প্রদেশের জ্ঞান ধর্মের সমধিক উন্নতি হইয়াছে। এই বঙ্গ ভূমির প্রতি কেন এক বার চাহিয়া দেখ না। ইহার কি ছুর্দৃশ্য না সংঘটিত হইয়াছিল। যত প্রকার কুসংস্কার মনুষ্যেরা কল্পনাতেও ধারণ করিতে পারে না, এখানে সেই সমুদায়ই স্মৃতিমান। অধর্মের যত প্রকার অনুচর থাকিতে পারে, আমাদের এই বঙ্গদেশ সেই সমুদায়েরই জন্ম ভূমি।

এই গাঢ়তম অজ্ঞানাহ্ন বঙ্গভূমিতে মহাত্মা রাজা রামমোহন রায় জন্ম গ্রহণ করিয়া ইহার কত দূর উন্নতি সাধন করিয়া গিয়াছেন। তিনি যখন পবিত্র ব্রাহ্মধর্ম এই বঙ্গভূমিতে প্রচার করিতে প্রবৃত্ত হন, তখন ইহার সমুদায় লোক তাঁহার বিপক্ষ। তিনি একত্রে এমন দশজন লোক গ্রীষ্ম হইতেন না, যে তাঁহার নিকটে বিমল হৃদয়ে ঈশ্বরের স্তুতিবাদ শ্রবণ করে। তথাচ তিনি কিছুতেই তপ্ত উৎসাহ না হইয়া অটল অনুরাগ, অবিচলিত উদ্যমের সহিত ব্রাহ্মধর্ম রূপ স্বর্গীয় অগ্নি সকল হৃদয়ে প্রক্ষেপ করিতে কোন মতেই ক্রটি করেন নাই। ঈশ্বরের অভিপ্রায় সুসিদ্ধ হইবে, তাঁহার ধর্ম শীঘ্র বা বিলম্বে সমুদায় পৃথিবীতে পরিব্যাপ্ত হইবেই হইবে। আমরা যদি তাঁহার অভিপ্রায় সুসিদ্ধ বিষয়ে অগ্রসর হই

তাহাতে আমরাই কৃতার্থ হইব। কেহ তাঁহার বিরোধী হইয়া সেই চির-প্রজ্বলিত ধর্মায়িতে বিন্দু প্রমাণ বারি নিক্ষেপ করিলে তাহা কখনই নির্বাণ হইবে না। কেবল তাহারাই তাঁহার পবিত্র দৃষ্টিতে মলিন হইয়া থাকিবে। ব্রাহ্ম ধর্মের বল তোমরা কেন স্বচক্ষে সন্দর্শন কর না। ব্রাহ্ম ধর্মের প্রকৃত প্রচারক নাই, উপদেষ্টা নাই, তথাচ দেখ দিন দিন অস্তঃপুরের কুল-বালাগণের কোমল হৃদয় পর্যন্ত ব্রাহ্ম ধর্ম অধিকার করিতেছেন। বিনা আহ্বানে তিনি আমাদের হৃদয়ে স্বয়ং আসিয়াই আতিথা স্বীকার করিতেছেন।

ঈশ্বর যখন আমাদের প্রতি এত প্রসন্ন, ব্রাহ্ম ধর্ম যখন আমাদের প্রতি এত অনুকূল, তখন যেন আমরা আর জড়ের ন্যায় নিশ্চেষ্ট হইয়া না থাকি।

এই ব্রাহ্ম ধর্ম আমাদের এই বঙ্গভূমি ভারত ভূমির চির পূজ্য, চির সেবনীয়। সহস্র বৎসর পূর্বে এখানকার পূর্বতন ঋষিগণ যে সমস্ত মধুময় মহাবাক্যে ঈশ্বরের মহিমা ঘোষণা করিয়া গিয়াছেন, আমরা এখন সেই সত্য জ্ঞানমনস্তৎ প্রভৃতি মহাবাক্য উচ্চারণ করিয়া সেই পুরাণ পরব্রহ্মের উপাসনা করিতেছি। তাঁহারা যে ব্রহ্মোপাসনার অনুরক্ত থাকিয়া সর্বত্র পূজিত হইয়াছিলেন, আমরা সকলে সেই ব্রহ্মেরই উপাসক। এই গৃহে অদ্য সেই ব্রহ্ম নামই পরিকীর্তিত হইল। যিনি আমাদের সকলের পিতা, পাতা, সুহৃদ, সখা, তিনিই এই গৃহের গৃহ-দেবতা। যে গৃহে গৃহ-দেবতার নিত্য পূজা না হয়, যে পরিবারে প্রতি দিন তাঁহার নাম কীর্তন না হয়, সে গৃহ শ্মশান সমান।

অতএব তোমরা সকলে একবাক্য হইয়া ব্রাহ্ম ধর্ম শ্রোতে সকল হৃদয় প্রাণিত ক-

রিতে উদ্যুক্ত হও। সকলে প্রাণপণে সেই অমৃত বারি আপনাপন হৃদয়ে সঞ্চিত করিয়া কৃতার্থ হও।

পূর্বকালাবধি এ দেশের খ্যাতি প্রতিপত্তি কেবল ধর্মেরই জন্য। এ দেশের পূর্বতন কুটীর বাসি ঋষিগণের বিকশিত শ্রীতি কলিকার অমৃত সৌরভে যে সমুদয় পৃথিবী আমোদিত হইয়াছিল, এখন কি তাঁহারদিগের আচরিত অনুষ্ঠিত কার্য্য সকল নিদ্রিত বলিয়া পরিগণিত হইবে? বরং তাঁহারা যে সমস্ত বিষয়ে অগ্রসর হন নাই, তোমরা সেই অসম্পন্ন ধর্ম কার্য্য সম্পন্ন করিয়া এ দেশের মুখ উজ্জ্বল কর। সমুদায় দেশে, সকল পরিবারে ব্রহ্ম নাম কীর্তন করত বঙ্গভূমির এই ভারত ভূমির যৎপরোনাস্তি উন্নতি সাধন কর। প্রকৃত ধর্মের অভাবেই এ দেশের এত দুর্গতি।

পবিত্র ধর্ম শ্রোত মন্দীভূত হওয়াতেই এ দেশ ধন হীন বল হীন জ্ঞান হীন হইয়া একেবারে উচ্ছেদ দশায় উপস্থিত হইয়াছে। বলিতে কি এ দেশে অর্থ ধর্ম রূপে, অমৃত্য সত্য রূপে পূজ্য হইতেছে। এমত উচ্ছেদ দশায় যখন কত যত্ন কত কষ্ট করিয়া এতদেশ মধ্যে ধর্ম শ্রোত আনয়ন করত, ততকল্প জন্মভূমিকে পুনর্জীবিত করা উচিত, সেই সময়ে ঈশ্বর প্রমাদে আমাদের সৌভাগ্য ক্রমে, ব্রাহ্মধর্ম আনিয়া যখন অবতীর্ণ হইয়াছেন, তখন তোমরা মঙ্গল আচরণ করত বিমল হৃদয়ে তাঁহাকে গৃহে প্রবেশ করাও।

যদি তোমরা দেশের সুখ সৌভাগ্য প্রার্থনা কর, আপনারও মঙ্গল চাও, মুক্তকণ্ঠে পরমেশ্বরের স্তুতিবাদ করিয়া হৃদয়ের সহিত ব্রাহ্মধর্মকে আলিঙ্গন কর। প্রাণান্তেও কখন তাঁহার প্রতি উদাসীন হইও না, পরিব্রাতা ব্রাহ্মধর্মের প্রতি উপেক্ষা করিয়া



১০ তত্ত্ববোধিনী পত্রিকার পঞ্চম কল্পের চতুর্থ ভাগের নির্ঘণ্ট পত্র।

	সংখ্যা	পৃষ্ঠ
অনুষ্ঠান	২৩৪	১৭৪
অন্তঃপুর মধ্যে ব্রাহ্মধর্ম প্রচার	২২৯	৬২
আত্মনিবেদন	২২৭	৫০
আত্মার স্বাধীনতা	২৩০	৮২
আত্মা অতি যত্নের ধন	২৩৩	১৩৭
ইতিহাস সংগ্রহ—হিজলীর বৃত্তান্ত	২২৯	৮১
ইতিহাস সংগ্রহ—হিজলীর বৃত্তান্ত	২৩০	১০৪
ইতিহাস সংগ্রহ—হিজলীর বৃত্তান্ত	২৩১	১১৮
ইতিহাস সংগ্রহ—হিজলীর বৃত্তান্ত	২৩২	১৩২
ইংরাজী—মাটির গৃহ হইতে		
উদ্ধৃত	২৩০	১০৭
ইংরাজী—একমত্যা	২৩২	১৩৪
ইংরাজী—প্রীতি বিষয়	২৩৩	১৫৯
ঈশ্বরের মঙ্গল স্বরূপে বিশ্বাস	২৩০	১০০
কলিকাতা ব্রাহ্ম সমাজের আচার্য্য		
পদে অভিষেক	২২৭	৪২
কামন্দকীয় নীতিসার ১ সর্গ	২৩০	১০৬
কামন্দকীয় নীতিসার ২ সর্গ	২৩১	১১৭
কামন্দকীয় নীতিসার ৩ সর্গ	২৩২	১৩১
কার্য্য এবং অভ্যর্থনা	২৩১	১১৪
ত্রয়ত্রিংশ সাংসারিক ব্রাহ্মসমাজ	২৩৫	১৮৫
ত্রিপুরা শাখা ব্রাহ্ম সমাজের		
সপ্তম সাংসারিক সভা	২২৫	২
দুঃখ আম'রদের মহৌষধ	২২৮	৬৬
দুর্গোৎসব	২৩০	৯৬
নিশীথের ব্রহ্ম স্তোত্র	২২৮	৫৩
নিবোধই ব্রাহ্ম সমাজের বক্তৃতা	২৩২	১২৭
নিবোধই সাংসারিক ব্রাহ্ম সমাজ	২৩৩	২০১
নামকরণ ক্রিয়াতে ব্রহ্ম স্তোত্র	২৩৫	১৭৭
স্মৃতি গৃহ প্রাপ্তি	২৩৪	১৭৫
পিতার শ্রদ্ধা বাসরে		
প্রার্থনা	২২৯	৮৭
পিতার আদ্যা শ্রদ্ধা বাসরে		
যজ্ঞমানের প্রার্থনা	২৩৫	১২১
ব্রাহ্মধর্মের ব্যাখ্যান	২২৬	৩০
ব্রাহ্মধর্মের ব্যাখ্যান	২২৭	৪৮
ব্রাহ্মধর্মের ব্যাখ্যান	২২৮	৬৫
ব্রাহ্মধর্মের ব্যাখ্যান	২২৯	৮৬
ব্রাহ্মধর্মের ব্যাখ্যান	২৩১	১১১
ব্রাহ্মধর্মের ব্যাখ্যান	২৩২	১২২
ব্রাহ্মধর্মের ব্যাখ্যান	২৩৫	১৮২
ব্রাহ্মধর্মের ব্যাখ্যান	২৩৬	২০০
ব্রাহ্মধর্মের তাৎপর্য্য ১০ অধ্যায়	২২৫	৭
ব্রাহ্মধর্মের তাৎপর্য্য ১১ অধ্যায়	২২৭	৩৫
ব্রাহ্মধর্মের তাৎপর্য্য ১২ অধ্যায়	২২৮	৫৫
ব্রাহ্মধর্মের তাৎপর্য্য ১৩ অধ্যায়	২৩০	৯৩

	সংখ্যা	পৃষ্ঠ
ব্রাহ্মধর্মের তাৎপর্য্য ১৪ অধ্যায়	২৩৩	১৫২
ব্রাহ্মধর্মের তাৎপর্য্য ১৫ অধ্যায়	২৩৪	১৬৭
ব্রাহ্মধর্মের তাৎপর্য্য ১৬ অধ্যায়	২৩৫	১৭৮
ব্রহ্ম স্তোত্র	২২৬	১৭
ব্রহ্মবাদিনীর প্রার্থনা	২২৯	৭২
ব্রাহ্মদিগের সাংসারিক উৎসব	২৩৪	১৬১
বৈদিক ধর্ম ও বৈদিক আচার		
ব্যবহার	২২৫	১০
বৈদিক ধর্ম ও বৈদিক আচার		
ব্যবহার	২২৬	২৫
বৈদিক ধর্ম ও বৈদিক আচার		
ব্যবহার	২২৭	৩৬
বৈদিক ধর্ম ও বৈদিক আচার		
ব্যবহার	২২৯	৭৩
বৈদিক ধর্ম ও বৈদিক আচার		
ব্যবহার	২৩৪	১৬৬
বিজ্ঞান—ভূতত্ত্ব বিদ্যা	২২৫	১৩
বিজ্ঞান—ভূতত্ত্ব বিদ্যা	২২৭	৪৪
বিজ্ঞান—ভূতত্ত্ব বিদ্যা	২৩১	১২০
বিজ্ঞান—ভূতত্ত্ব বিদ্যা	২৩৩	১৫৮
বিজ্ঞান—জল বিজ্ঞান ১ ভাগ	২৩৪	১৭১
বিজ্ঞান—জল বিজ্ঞান	২৩৫	১৮২
বিনািত প্রবাসী বন্ধুর বিবরণ	২৩০	৯১
বেহালা ব্রাহ্ম সমাজের বক্তৃতা	২২৫	৮
বেহালা ব্রাহ্ম সমাজের নব বর্ষের		
প্রথম দিনের ব্রহ্ম স্তোত্র	২২৬	২৩
বেহালা ব্রাহ্ম সমাজের বক্তৃতা	২৩০	১০২
বেহালা ব্রাহ্ম সমাজের বক্তৃতা	২৩২	১২৫
বেহালা ব্রাহ্ম সমাজের বক্তৃতা	২৩৩	১২৪
বৎসরের শেষ দিনের ব্রাহ্মসমা-		
জের বক্তৃতা	২২৬	১৮
বীরভূমের শ্রীযুক্ত ভুবনমোহন সি-		
হের বাটীতে ব্রহ্মোপাসনা	২২৬	১৯
ভবানীপুরের দশম সাংসারিক		
ব্রাহ্ম সমাজ	২২৮	৫৮
ভ্রমরাণা	২৩৩	১৩৮
মেদিনীপুরে গোপ গিরিতে বসন্ত		
কালে ব্রহ্মোপাসনা	২২৫	১
মেহের পুরে ব্রাহ্ম সমাজ প্রতিষ্ঠা	২২৫	৪
মেদিনীপুরের সমাজের বিবরণ		
প্রধান আচার্য্যের পত্র	২৩১	১২৩
মাতার সাংসারিক শ্রদ্ধা বাসরে		
যজ্ঞমানের প্রার্থনা	২৩৫	১২০
মুদিয়ালি ব্রাহ্ম সমাজের বক্তৃতা	২৩৬	
রোগ শয্যায় সাধুর আন্তরিক ভাব	২২৭	৩৩
লৌকিক রক্ষা	২২৭	৪০
শ্রীযুক্ত কেশবচন্দ্র ব্রহ্মানন্দের		
নবকুমারের জাত কর্ম্ম	২৩৬	১২৫
শ্রীমাদপ্রসাদ বসুর ব্রাহ্মধর্ম গৃহণ	২২৭	৫১
সময়ের সন্ধ্যায়	২২৯	৭৮
সামাজিক পরিবর্তন	২৩১	১০২
হিত কথা	২৩১	১১৬
হিত কথা	২৩৩	১৫১
হিত কথা	২৩৫	১৮৮

এই তত্ত্ববোধিনী পত্রিকা, কলিকাতা নগরে ঘোড়া-সাঁকেস্থিত ব্রাহ্মসমাজের কার্যালয় হইতে প্রতিমাসে প্রকাশিত হয়। ইহার মূল্য ১০ ছয় আনা মাত্র। ৬ই চন্দ্র বৃহস্পতিবার সন্ধ্যা ১১১১ কলিগত্যক ৪২৩৩।

483